


~~7-10-b-26~~



~~Handwritten scribbles and lines~~



NOTITIA CONCILIORUM

SANCTÆ ECCLESIAE,
IN QVA ELVCIDANTVR

exactissimè tum sacri Canones, tum
veteres, nouique Ecclesiæ Ritus,
tum præcipuæ partes Ecclesiasticæ
Historiæ.

*Authore IOANNE CABASSVIO,
Aquisextiensi Presbytero Congregationis
Oratorij Domini IESV.*

Editio altera, ab Authore diligenter
recognita, & aucta.



LUGDVNI,

Sumptibus LAURENTII ARNAVD,
& PETRI BORDE.

M. DC. LXX.

Cum Approbat. & Privilegio Regis.







EMINENTISSIMO DOMINO
D. HIERONYMO
DE GRIMALDI,
S.R.E. CARDINALI,
ARCHIEPISCOPO
AQUISEXTIENSI.

MULTIPLICI *nexu*
(PRINCEPS EMINEN-
TISSIME) *Tibi debentur ingenii mei qualescumque fructus, jure potestatis ac dominii in me tui ex geminata causa, tum natalium, tum Sacerdotii mei, ex quo huic alma Civitati, qua mihi*

ā 2



patria est; tum venerabili Ecclesia,
cui deservio, te Archiepiscopum di-
vina providentia praefecit. His alte-
rum jam accedit singularis benevolen-
tia in me tua, quā me nonnunquam
in tuam ascivisti familiam, meque sa-
penumero sapientissimis dignatus es
colloquiis tuis, atque meam haud se-
mel operam desiderasti, ne inertī otio
ac segnitie torperem. Hac sanè sunt
officii, obsequiique mei vivida pror-
sus & efficacia incitamenta: sed me
non minùs urget illa quae me percellit,
totumque in tui cultum & admiratio-
nem rapit, virtutum tuarum digni-
tas & splendor eximius. Celebrent
alii ab antiquo deductam Prosapia
tua Nobilitatem: suspiciant alii di-
gnitatum tuarum insulas & purpu-
ram: me verò plus afficiunt insignium
virtutum

virtutum merita, quæ citra omnem
ambitum viam tibi ad hos honorum
gradus muniverunt. Viget apud Pe-
rusinos, omnemque Pontificia ditioni
subjectam Etruriam, prætereaque
apud Vrbinales, & mundi caput Ci-
vitatem Romam, quibus locis nunc
Prolegati, nunc Gubernatoris pote-
state functus es, suavis memoria
gestionis, administrationisque tuæ,
quam iustitia, benignitas, liberali-
tas, integritas, & providentia tua
mirificè illustrarunt. Quid verò de
duabus Nunciaturis dicam, quas
primum apud Imperatorem, deinde
apud Galliarum Regem Apostoli-
cus Apocrisiarius obvisti, quibus ef-
fectum est, ut singularis prudentia, fi-
dei & industria in agendo tuæ, tum
Germania, tum Gallia extiterint ve-

lut illustrissima theatra ? Quid insuper commemorem tuam illam nunquam satis collaudatam in isto Archiepiscopatu sollicitudinem ? quàm est speciosa sub tuo sacro ministerio istius Diœcesis facies ? quàm sanctis legibus solutam olim Clericorum vitam astringisti ? quanta solitudine Seminarium ad informandos sanctis moribus & Ecclesiasticis disciplinis provincia tua Clericos in hac primaria Civitate à fundamentis erexisti ; & conveniente proventu ditasti ? quàm felici curâ hereticis rota Diœcesi publicos & sacrilegos conventus , quos hætenus impune habuerant , interdixisti , atque adeo effecisti , ut inde prorsus ministri eorum eliminarentur , tria illorum profana templa solo aquarentur ,

eorum

eorumque locis & arceis sacra Dom-
minica Crucis erigerentur trophæa ?
Quàm latus piis omnibus illuxit il-
le dies, quo insolentissima olim here-
si os blasphemum obturatum vidi-
mus & occlusum, substructiones di-
rutas, ademptos Magistratus, re-
tusam potestatem ac repressam, at-
que in confusionem versam pristinam
ejus & intolerabilem arrogantiam ?
Ceterum ut reliqua prosequar, quan-
tâ mentis prudentiâ (EMINEN-
TISSIME ANTISTES) providisti
Ecclesie dignitati, & labefactatam
erexisti ? quàm strenuè Paræcias,
quæ se authoritati Præcessorum tuo-
rum subtraxerant, Juri Metropo-
litano vindicasti ? quàm salubriter
incubuisti Monasteriorum soluto-
rum reformationi ? quantâ magnifi-

centiâ sunt à te Archiepiscopales
ades instaurata, atque amplificata?
quàm insigni integritate cum mira
benignitate coniuncta ius dicis, adeo
ut ab illis ipsis sincerè diligaris, qui
te Iudice causâ cadunt? Quàm mi-
rificâ charitate tuas in egenos opes
distribuis? quantâ suavitate mæstos
consolaris & sublevas? Quid solici-
tam illam industriam commemorem,
quâ tuos dirigis familiares? adeo ut
Domus tua perinde ac benè ordina-
tum Monasterium, ad morum san-
ctitatem, ad pietatem, ad mode-
stiam, ad religiosas exercitationes
optimè sit composita: quo factum est,
ut alii præclarissimi Prasules eas
ipsas leges, quas tuis sanxisti
domesticis, expetiverint, ut ad
tue ordinatissimæ familiæ exemplar
suos

suos quoque domesticos informarent. Quàm multa possem his adjungere virtutum tuarum & perfectissimi regiminis ornamenta, nisi tua mihi silentium modestia indiceret? Stupidus plane forem, si tantas animi dotes & morum specimina non perspicerem; ingratus, si eadem per-
specta, omni observantiâ non colorem, non exoscularer, non pradicarem. His de causis Eminentia tua dubitissimo studio devinctus, me totum, meâque opera & studia omnia tuo dudum obsequio mancipavi & addixi. Suscipe itaque benevolo animo Librum istum Synodicarum Observationum, quem olim Roma ad tuum ascitus contubernium, dum inter domesticos ac familiares tuos, piarum exercitatio-

num Praefecti officio fungerer, in-
choavi & delineavi; posteaquam
verò remeavimus in Galliam, ube-
riori etiam auctu locupletavi. Jam-
que impensè rogo, ut aquo, placi-
doque animo munusculum excipias
Tibi hoc sine destinatum, ut sit tri-
butum clientela perennis, & obser-
vantia mea erga Te, cui in perpe-
tuum mancipo & addico me,

EMINENT. CARDINALIS.

Dedicatissimum & devotissimum
Famulum,

JOAN. CABASSUTIVM
Sacerdotem Oratorii Do-
mini JESV.



LECTORI.



AUCIS præmonendum te
BENEVOLUM LECTOREM
dixi, quæ fuerit hujusce Ope-
ris origo & ratio. Cùm me co-
mitem secum proficisci jussisset

Romam Patronus ac Dominus meus meritis
æquè ac dignitate Eminentissimus HIERO-
NYMUS GRIMALDUS, Aquarum sextiarum
Archiepiscopus, Princeps generis splendo-
re, ingenii dotibus, morum sanctitate, re-
rumque publicè gestarum in Italia, Gallia &
Germania meritis eximius; méque in suas
ædes, & quotidianum convivium ascivisset, id
quod mihi suppetebat Romana in urbe otium
mensium circiter duodeviginti, diversis stu-
diis impendi, sed his præsertim quæ ad Eccle-
siasticam disciplinam, tum veterem, tum re-
centiorem pertinebant. His incumbens stu-
diis nonnulla conscripsi ad meum unius usum
circa plerosque sacrorum Conciliorum Ca-
nones,

nones. Quam lucubrationem subodoratus unus aliquis ex ejusdem Cardinalis familia Presbyter Theologus, meum ipsum autographum à me precario exegit, sibi que transferripit, & postremo regressus Aquas Sextias, amicis suis ultrò impertivit, & hi similiter aliis communicarunt; adeò ut me inscio innumera fuerint à multis apographa descripta, quæ per manus multorum diversis locis excurrerant, me admodum ægrè ferente, & passim (uti res erat) commonente, nihil esse præter rudem delineationem & opus prorsus imperfectum, confusum, indigestum. Quis verò nesciat majorem exigi sollicitudinem in iis quæ luci publicæ destinantur, quàm in iis quæ privatim cum illis communicamus, qui nobis arctiori necessitudine conjuncti sunt? Sic etiam usu venire solet hominibus, ut in privato conclavi eo se habitu familiaribus conspiciendos exhibere non refugiant, quo tamen in publicum prodire omnino detrectarent. Familiaribus & intimis sodalibus vel nugas nostras & quisquillas commonstrare delectat; sed in lucem publicam nihil quidquam nisi exultum & elaboratum vix sapiens protulerit. Quia tamen nihilo secius pauci qualiscunque istius Operis editionem fieri urgebant, meque etiam invito se in publicum edituros, nisi ego

curam istam susciperem, comminabantur; illorum ut obsisterem conatui, conceptam ab illis indebitam præreptæ hujus & immaturæ lucubrationis existimationem ex eorum primum animis delere studui, & pollicitus sum me id genus Operis accuratiùs elucubraturum, & pleraque emendaturum ex illa pristina compositione, quæ jam mihi impensè displicebant. Hac ratione adductus manum Operi ultimam admovi, melioremque in formam redactum viris aliquot eruditissimis explorandum & examinandum tradidi, qui etiam me renitentem ad publicandum impulerunt, adhibitis quoque Superiorum jussionibus, quibus obsistere non licuisset. Jam igitur pristina hujusce laboris rudimenta & exemplaria ut fœtum aliquem informem & abortivum abdicō; solùmque assero & agnosco istud Opus quale nunc pròdit. Cui hoc idem contigit, quod naturæ operibus, quæ à rudibus exordiis per diuturna incrementa in formam perfectiorem assurgunt, testante Gregorio Nysseno, quo eruditorem Philosophum inter sanctos Patres neminem habet Ecclesia: ἀπὸ τῆ μικροτέρων εἰς τὸ τέλειον ἡ φύσις ποιεῖται τὴν ἀνοδόν, à minoribus ad id quod perfectum est natura progreditur. Cæterùm in ista Conciliorum discussione, tria potissimum præstare stu-

dui. Primum quidem historię Ecclesiasticę mediocrem notitiā; deinde sacrorum Canonum illorum cognitionem, quibus Ecclesię ordo & disciplina stabilitur, quos aliis etiam parallelis, & conformibus, tum sacris, tum prophanis Imperatorum Romanorum, nonnunquam etiam Francię Regum sanctionibus locupletavi; productā etiam praxi Gallicani fori, ut legenti simul occurrerent quęcumque Jus Canonicum, ac insuper civiles, seu Romanorum, seu Francorum leges circa unam, eandemque materiam diversis temporibus constituissem. Postremò suppeditare in animo habui exactiorem priscorum Ecclesię rituum cognitionem ex veterum testimoniis haustam. Quam (ut esset uberior) non modò Synodorum canonibus interferui, sed etiam seorsim plerumque distinctis dissertationibus & corollariis fusiùs explicavi, hoc intendens, ut vel ex hoc uno Libro plena & cumulata rerum Ecclesię peritiā possit hauriri. Te verò Lectorem rogatum velim, ut istam qualemcunque operam boni consulas; & quodcumque erratum vel offenderis, vel suspicatus fueris, pro tua humanitate & christiana charitate ignoscas. Licet enim quanta valui sollicitudine, ad rerum, quas hęc trado, notitiā exactiorem collimaverim, eoque stu-

diosè aciem oculorum intenderim; attamen fieri potuisse, ut pluries à proposito scopo aberraverim, non diffiteor. Mortalibus enim etiam diligentiam exactiorem adhibentibus, & affectum sincerum præstantibus subrepi plerumque inscitia, & caligo solet offundi. Ignorationis enim error humanus est, ut ait in libro de Synodis Hilarius; ideóque veniâ dignus, & ignoscendus. Neque minùs verè, quàm modestè Justin. August. in præfatione Pandectarum Juris ita profitetur: *Omnium habere notitiam, & penitus in nullo peccare, divinitatis magis quàm mortalitatis est.* De cætero hæc omnia judicio Catholicæ Ecclesiæ, quam cum Apostolo agnosco & constanter profiteor columnam esse & firmamentum veritatis, quam lubentissimè subjicio.

Et quia me procul absente typis editum est istud Opus, ad fidem exemplaris aliena, quâ uti necesse habui, manu descripti; jure à te peto & rogo, ut judicio tuo suppleas, nec mihi ascribas typis imputanda errata, quæ corrigere per absentiam non valui.

Appro

Approbationes Doctorum.

Fidem facio, me non solum accuratè perlegisse, sed etiam devorasse Librum intitulatum, *Notitia Conciliorum Sanctæ Ecclesiæ, in qua elucidantur exactissimè tum sacri Canones, tum veteres, novique Ecclesiæ Ritus, tum præcipua partes Ecclesiastica historia: authore JOANNE CABASSUTIO Aquiseptiensis Presbytero Congregationis Oratorii Domini JESU.* Et factus est ille Liber quasi mel dulce in ore meo, nec amaricatus est venter meus, quia nihil in eo gustavi Fidei contrarium, aut bonis moribus dissonum; sed verum & suavissimum sacrorum Conciliorum succum: quare cum non tam meam approbationem, quàm publicam omnium Theologorum acclamationem mereatur, illum non sine magna Ecclesiæ utilitate in lucem prodire, & meritò typis mandari judicavi. Hac die 2. Junii 1667.

Fr. PAULUS LANDRY,
Ordinis Prædicatorum.

POterit Lector non modò inoffenso pede decurrere *Notitiam Conciliorum Sanctæ Ecclesiæ, &c. Authore JOANNE CABASSUTIO Presbytero Congregationis Oratorii Domini JESU;* sed & plurima diligenter conquisita & scitu dignissima, ac brevi narratione maximè commendabilia animadvertere, ex quibus antiquorum Rituum & Ecclesiasticæ Historiæ vestigia plurima ipsi illucescent. Datum Lugduni die 28. Novembris 1667.

MORANGE, Domus ac
Societatis Sorbonicæ Doctor.

Permissio Domini Vicarii Generalis.

Visâ Doctorum approbatione, hanc *Notitiam Conciliorum Sanctæ Ecclesiæ, &c. Authore JOANNE CABASSUTIO Presbytero Oratorii Jesu*, dignissimam censemus, quæ in lucem prodeat, & Typis mandetur. Lugduni die prima Decembris 1667.

DENEUVILLE.
Vicarius Generalis.

Permissio R. P. Generalis.

JOANNES-FRANCISCUS SENAULT
Presbyter Præpositus Generalis Congregationis Oratorii Jesu Christi Domini nostri, juxta Regium Diploma datum nono Septembris, anno 1663. quo Bibliopolis omnibus prohibetur, ne Libros ejusdem Congregationis imprimant, aut venales exponant citra nostram licentiam; permittimus PHILIPPO BORDE, & LAURENTIO ARNAUD, Lugdunensibus Bibliopolis, ut Librum, qui inscribitur, *Notitia Conciliorum Sanctæ Ecclesiæ, &c. Authore JOANNE CABASSUTIO Congregationis Oratorii Domini nostri Jesu Christi Presbytero*, imprimere ac liberè divendere possint. Datum Parisiis quinto kalendas Aprilis, anno Domini 1668.

JOANNES-FRANCISCUS SENAULT.

SVMMMA PRIVILEGII.

Regis Christianissimi.

LUDOVICUS XIV. Dei gratiâ Galliarum & Navarræ Rex Christianissimus, singulari Privilegio sanxit, ne quis per universos Regnorum suorum fines, intra decem annos à die novæ impressionis finitæ computandos imprimat, seu Typis excudendum curet, & venalem habeat Librum qui inscribitur, *Notitia Conciliorum Sanctæ Ecclesiæ, Authore JOANNE CABASSUTIO, Presbytero Congregationis Oratorii Domini JESU, jam antehac editum, nunc autem denuò ab eodem Authore auctum & emendatum*, præter LAURENTIUM ARNAUD, & PETRUM BORDE, Bibliopolas Lugdunenses, aut illos quibus ipsimet concesserint. Prohibuit insuper eadem authoritate Regiâ omnibus suis subditis, eundem Librum extra regni sui limites imprimendum curare, vel quempiam, ubicunque fuerit, ad id agendum impellere ac instigare, sine consensu dictorum Laurentii Arnaud, & Petri Borde. Idque omne sub confiscatione Librorum, aliisque pœnis contra delinquentes expressis, uti latius patet in Literis datis Parisiis die 20. Maii 1670.



Ex mandato Regis,

Signatum MABOUL.

Peracta hæc nova impressio fuit die 4. Junii 1670.



INDEX CAPITUM hujus Operis.

CAP. I.	 ONCILIA Apostolorum.	
		pag. 1.
II.	 Dissertatio convincens, fuisse ab Apostolorum aetate, at- que ex divina institutione magnum disci- men dignitatis & potestatis inter Episcopos & Presbyteros.	13
III.	Concilia reprobata circa Baptismum ab haeticis collatum.	23
IV.	Appendix ad praecedentes Synodos, in qua discutitur auctoritas Canonum Aposto- lis attributorum.	29
V.	De tribus Synodis Antiochenis.	33
VI.	Concilium Sinuessanum.	34
VII.	Concilium Eliberinum.	35
VIII.	Concilium Ancyranum.	44
IX.	Neocæsarensē Concilium.	46
X.	Concilium Arelatense primum, aliaque in Donatistas.	49
XI.	Nicana œcumenica prima Synodi historia.	54

Index Capitum.

XII.	<i>De ordine & confesso Patrum, tum in Nicana Synodo, tum in aliis insequentibus Oecumenicis.</i>	59
XIII.	<i>Vicariorum Romani Pontificis differentia.</i>	67
XIV.	<i>De loco Synodi Nicana, &c.</i>	71
XV.	<i>Ad Nicanos Canones I. & II.</i>	72
XVI.	<i>Ad Nicanum Canonem III.</i>	75
XVII.	<i>Ad Nicanum Canonem IV.</i>	82
XVIII.	<i>Ad Nicanos Canones V. VI. & VII.</i>	87
XIX.	<i>Ad Canonem Nicanum VIII.</i>	94
XX.	<i>Ad Canones Nicanos XI. XII. & XIV.</i>	97
XXI.	<i>Ad Nicanos Canones. XV. XVII. XIX. & XX.</i>	104
XXII.	<i>De numero Canonum Nicanorum diatriba.</i>	108
XXIII.	<i>Concilium Romanum sub Sylvestro Pontifice.</i>	115
XXIV.	<i>Gesta per Arianos contra Nicanam Fidem sub magno Constantino, & de Tyri Conciliabulo.</i>	120
XXV.	<i>Gesta ab Arianis post magni Constantini excessum.</i>	126
XXVI.	<i>Synodus Gangrensis.</i>	132
XXVII.	<i>Concilium Antiochenum.</i>	137
XXVIII.	<i>Diatriba de Provinciis Ecclesiasticis.</i>	144
	XXIX.	

Index Capitulū.

XXIX. <i>Prosecutio Canonum Antiochenorū.</i>	153
XXX. <i>Synodus œcumenica Sardicensis.</i>	155
XXXI. <i>Concilium Carthagenense sub Iulio Papa : quod primum dicitur.</i>	159
XXXII. <i>Ad præcedentem Canonem V. diatriba, quæ nã olim habitus fuerit, aut quis nunc habeatur proprius Clerici cujusque Episcopus.</i>	161
XXXIII. <i>Mediolanensia Concilia I. & II. Nova Orthodoxorum Episcoporum dubia, & Ecclesiarum ab Arrianis clades.</i>	168
XXXIV. <i>Concilium Sirmiense & Ancyranū.</i>	179
XXXV. <i>De Conciliabulis Ariminensi, Seleuciensi, & Constantinopolitano.</i>	182
XXXVI. <i>Synodus Laodicensis.</i>	191
XXXVII. <i>Diatriba de Eulogiis, ad Laodiceum Canonem XIV.</i>	198
XXXVIII. <i>Prosecutio Laodicenorum Canonum.</i>	201
XXXIX. <i>Synodus Alexandrina sub Liberio Papa.</i>	219
XL. <i>Synodus œcumenica II. & Constantinop. I. simulque Romana sub Damaso Synodus.</i>	223
XLI. <i>Concilium Taurinense.</i>	241
XLII. <i>Concilium Carthagenense IV.</i>	245
XLIII. <i>Appendix ad Canones Ordinationum præcedentis Concilii.</i>	262
XLIV. <i>Concilium Carthagenense V.</i>	273
XLV. <i>Dissertatio de Literis formatis.</i>	275

Index Caputum.

XLVI.	<i>Prosequutio Canonum Carthagen- sium.</i>	281
XLVII.	<i>Hæresis Pelagiana historia.</i>	ibid.
XLVIII.	<i>Concilium Milevitanum.</i>	288
XLIX.	<i>De Concilio Plenario Africano & Carthagenensi VI.</i>	294
L.	<i>Concilium Toletanum I.</i>	305
LI.	<i>Synodus Ephesina Oecumenica.</i>	308
LII.	<i>Concilium Arausicanum I.</i>	315
LIII.	<i>Concilium Vasense, sen Vasionense.</i>	321
LIV.	<i>Concilium Arelatense II.</i>	322
LV.	<i>Concilium Nannetense.</i>	ibid.
LVI.	<i>Synod. Chalcedon. Oecumenica.</i>	324
LVII.	<i>Diatriba de veterum Ecclesiarum situ, partibus & forma.</i>	345
LVIII.	<i>Concilium Arelatense III.</i>	362
LIX.	<i>Dissertatio de Prædestinarianis, de li- bris Fausti, & de commemoratis ab eo Con- ciliis Arelatensi & Lugdunensi.</i>	365
LX.	<i>Concilium Agathense.</i>	383
LXI.	<i>Dissertatio de Laïca & de Peregrina communione.</i>	387
LXII.	<i>Prosecutio Canonum Agathensium.</i>	392
LXIII.	<i>Concilium Aurelianense I.</i>	397
LXIV.	<i>Concilium Arausicanum II.</i>	400
LXV.	<i>Concilium Lugdunense I.</i>	409
LXVI.	<i>Concilium Turonicum II.</i>	412
LXVII.	<i>Concilium Toletanum III.</i>	417
	LXVIII.	

Index Capitum.

LXVIII.	<i>Concilium Matisconense II.</i>	419
LXIX.	<i>Concilium Constantinop. II. & inter Oecumenica V.</i>	421
LXX.	<i>Concilium Toletanum IV.</i>	441
LXXI.	<i>Synodus Cabilonensis.</i>	448
LXXII.	<i>Synodus sexta Oecumenica.</i>	483
LXXIII.	<i>Appendix ad sextam Synodum, ac dissertatio de Diptychis Ecclesia.</i>	487
LXXIV.	<i>Synodus Quinisexta in Trullo.</i>	491
LXXV.	<i>Septima Synodus œcumenica, Nica- na secunda.</i>	504
LXXVI.	<i>De Synodo Francofordiensi, Libris- que Carolinis.</i>	520
LXXVII.	<i>Concilium Vormatiense.</i>	523
LXXVIII.	<i>Synodus Oecumenica octava, & Constantinopolitana quarta.</i>	526
LXXIX.	<i>Aliquot Anastasiana editionis Ca- nonum discussio.</i>	539
LXXX.	<i>Dissertatio circa quadam impedin- ta Ordinum dirimentia apud veteres, qua nunc temporis minimè dirimunt.</i>	541
LXXXI.	<i>Concilium Triburiense.</i>	554
LXXXII.	<i>Gallicana quadam Concilia in causa nuptiarum illegitimarum Philippi I. & post- modum Philippi Augusti Regum Francia, ce- lebrata Ostione, Claromonte, & Divione.</i>	561
LXXXIII.	<i>Alia quadam anteriora Concilia in simili causa illegitimi inter Lotharium & Valdra</i>	

Index Capitum.

<i>Valdradam connubii.</i>	562
LXXXIV. Concilium Oecumenic. IX. seu Lateran. sub Callisto secundo.	566
LXXXV. Concilium æcumenic. X. seu Later. II. sub Innoc. Papa II.	573
LXXXVI. Concilium generale XI. seu Lateran. III. sub Alexandro III. Pontifice.	576
LXXXVII. Concil. generale XII. Later. IV. sub Pontifice Innoc. III.	582
LXXXVIII. Conc. generale XIII. Lugdun. I. sub Innocentio IV.	604
LXXXIX. Conc. generale XIV. & Lugdunense II. sub Gregorio X.	611
XC. Concil. Vienn. gener. XV.	623
XCI. Concilia Pisanum XVI. & Constantien. se XVII. Generalia.	630
XCII. Conc. Florentinum gen. XVIII.	641
XCIII. Concilium Basileense.	647
XCIV. Appendix ad Concil. Basileense de annatis.	652
XCV. Concil. Lateran. V. sub Leone X. generale XIX.	657
XCVI. Concil. Trident. generale XX.	667
XCVII. Diatriba Ecclesiastica circa Tridentinum decretum de vulgata Bibliorum editione.	700

NOTI



NOTITIA CONCILIORUM SANCTÆ ECCLESIAE,

In qua elucidantur exactissimè tum
Sacri Canones, tum veteres, novi-
que Ecclesiæ ritus, tum præcipuæ
partes Ecclesiasticæ historiæ.

C A P U T P R I M U M.

Apostolorum Concilia.



RIA legimus in Actis Apo-
stolorum coacta ab ipsis, at-
que habita Concilia. Primum
quidem, quo in locum per-
fidi Judæ, Mathias à cœtu
Discipulorum sublectus est, qui convenere
numero circiter centum viginti, ut refer-
tur *Act. cap. 1.* Petrus, ut sacri Collegii præ-

ses, & cœtum convocavit, & universo cœtui faciendam electionem proposuit. Subjungitque sacer Historicus : *Et statuerunt* (scilicet Discipuli congregati) *duos, Ioseph qui vocabatur Barsabas, qui cognominatus est Iustus; & Mathiam.* Nimis demissè, & abjectè, meo quidem iudicio, de hac Mathiæ promotione sentit Venerabilis Beda. Scribens namque in primum istud caput, existimat debuissè Discipulos per electionem procedere, quæ tutior, atque rationi, usibusque, & Canonibus insequentis Ecclesiæ conformis via est; atque in eo culpæ obnoxios fuisse, quatenus omissa electione, rem tantam fortibus commiserint: sed tamen aliquam excusationem istam mereri culpam, quia discipulis nondum fuerat Spiritus Sanctus illapsus.

At ex adverso contendunt cæteri Ecclesiæ Doctores, Origenes, Chrysostomus, Augustinus, alique, & cum his longè maxima Theologorum insequentium pars, processum à Discipulis fuisse per electionem, ac suffragia; & hac ratione constituisse duos præ reliquis Apostolico fastigio digniores esse. Cùm autem ambiguum esset uter amborum dignior, ad orationem recurrisse, & ad sortes per Spiritum Sanctum dirigendas. De quibus nunc agendum nobis conformiter ad Ecclesiæ Doctorum mentem.

Præstiterit in primis ipsius Joannis Chrysostomi os aureum loquens audire, dum hoc primum caput explicat. Hic ergo ter asseverat, electionem à multitudine factam ac initam.

Refert

Caput I. Concilia Apostolorum. 3

Refert verò non ipsa Petri, qualia habentur in sacro textu, verba, sed ipsorum mentem ac sensum, adhibito eligendi verbo. Hæc igitur Chrysostomi verba sunt: *Quam ob rem exor- diens Petrus dicebat: Viri Fratres, oportet ELIGERE ex nobis. MULTITUDINI* permittit iudicium, simul eos, qui *ELIGEBANTUR* reddens reverendos, & seipsum liberans ab invidia, similitateque, qua poterat à ceteris oboriri: nam hac semper ingentia gignit mala. Quod igitur sic oportuit fieri, docuit adducto Propheta testimonio. Ex quibus autem oporteat fieri *ELECTIONEM*, ipse interpretatur dicens: Ex congregatis nobis per omne tempus.

Libet jam Origenis, qui Chrysostomum ætate longè præcessit, subungere testimonium, quod his verbis legitur homil. 23. in Josuë: *Invenio* (inquit) *quod aliquando, cum deesset numero Apostolorum unus Apostolus, & esset necessarium in loco Iuda alium subrogari, convenientes Apostoli, qui utique multò sapientiores erant, quàm ii, qui nunc Episcopos, vel Presbyteros, vel Diaconos ordinant, ELEGERUNT* duos, & statuerunt in medio; nec tamen de his sibi metipsis iudicium permiserunt, ut illum facerent quem ipsi volebant; sed orantes, inquit, miserunt sortem ex illis duobus, quos statuerunt in conspectu Dei, id est Ioseph, qui vocabatur Barsabas, qui cognominatus est Iustus, & Mathiam. Et cecidit, inquit, sors super Mathiam, & annumeratus est cum undecim Discipulis: precedente namque oratione, non jam casu, sed providentiâ sors divinum

4 *Notitia Conciliorum S. Ecclesie,*
judicium deferbat. Ita Origenes.

Testis in medium tertius adducatur Sanctus Augustinus, ita in psal. 30. concion. 2. loquens: *Sors non aliquid mali est, sed res est in dubitatione humana divinam indicans voluntatem. Nam & sortes miserunt Apostoli, quando Iudas tradito Domino periit, & sicut de illo scriptum est, abiit in locum suum, cepit quari quis in locum ejus ordinaretur: ELECTI SUNT DUO JUDICIO HUMANO, & electus de duobus unus judicio divino. Sic Augustinus.*

Posteriora deinceps sæcula confertiſſimam testium nubem suppeditant, quam adducere supervacaneum sit: non tamen pigebit, aliis quamplurimis prætermiſſis, proferre Nicolaum Lyranum, cujus hæc sunt verba: *Et statuerunt duos. Non distinxerunt ab aliis per sortem, sed per ELECTIONEM, tanquam magis notabiles in scientia, & factorum Christi experientia. Et paulò post: Et orantes dixerunt: Tu Domine. Licet enim ISTOS ELEGISSENT ut notabiliores aliis, sicut dictum est; tamen ignorabant quis eorum esset dignior ad Apostolatam. Propter quod imploraverunt super hoc divinum judicium per temperationem sortium, secundum quod dicitur Proverbior, 16. Sortes in sinum mittuntur, & à Domino temperantur. Ita loquitur Lyranus,*

Novissimis duobus sæculis hæc istius loci intelligentia de electione magis invaluit ex Græcarum literarum peritia, quâ carebant anteriores Theologi, tametsi constantes hujus electionis assertores. Itaque ubi translatio vulgata

Caput I. Concilia Apostolorum. 5

gata dicit, *Et annumeratus est cum undecim Apostolis*; ipse Sancti Lucae, quem certum, est Græcè scripsisse, textus sic effert: *ὁ Ὑψικα-
πιθεὶς μετὰ τῶν ἑνδεκά Αποστόλων.* Quæ ver-
ba Joannes Gagnæus Theologus Parisiensis
probatissimus, juxta Græci verbi indubitata
proprietaem sic exponit: *Suffragiis, & calcu-
lis omnium cooptatus est cum undecim Apo-
stolis.* Franciscus quoque Vatablus, Regius Pa-
risiis Professor sacrarum Literarum, ita vertit:
Suffragiis additus est ad numerum undecim.
Xantes Pagninus, & Arias Montanus sic trans-
ferunt: *Simul suffragiis electus est cum undecim.*
Cornelius quoque à Lapide hoc verbum, *an-
numeratus est*, sic exponendum asserit juxta
Græcum Sancti Lucae archetypum: *Communi-
bus calculis cooptatus est.* His disertè suffra-
gantur Alfonsus, Salmeron, Lorinus. Alios
innumeros sileo Scriptores in re adedò protri-
ta, & indubitata.

Illa tamen facta per discipulos electio nihil
obest, quominus Mathias profiteri possit cum
Paulo ad Galatas scribente, esse se Aposto-
lum, non ab hominibus, neque per homi-
nem, sed per Jesum Christum; cum perspi-
cum planè sit, non antè cœpisse, vel exti-
tisse ipsius Apostolatum, nisi ex quo divinitus
directa fors in eum cecidit. Quis verò neget
has ipsas circa duos discipulos sortes fuisse ab
hominibus datas? cum id liquidò testetur Lu-
cas: *Et dederunt* (non alii sanè quàm discipu-
li, qui ipsi homines erant) *sortes eis.* Et tamen
sortes hæ ab hominibus collatæ propiùs attin-

6 *Notitia Conciliorum S. Ecclesie,*

gunt divinam illam, & supernaturalem Apostolicæ dignitatis collationem, quàm ista interior facta ab eisdem hominibus per suffragia electio. Si ergo sortes ab hominibus collatæ nihil obsistunt divinæ huic vocationi, sed potius inserviunt, multò minùs obsistent remotiora illa, & antè collata communia suffragia, per quæ duo Discipuli reliquis sociis prælati sunt, necdum tamen constituti Apostoli.

Iste nimirum est constans ordo ac dispositio divinæ providentiæ, ut causas creatas, naturales, & humanas inflectat, dirigat, ordinetque ad sibi propositos, quantumvis supernaturales, fines. Exercitium prorsus humanum piscandi contribuit vocationi Petri, & Andreæ, & Jacobi, & Joannis, quatenus hac occasione illos offendit Christus Dominus, dum ambularet secus mare Galilææ, eosque à piscium captura traducens ad piscationem hominum, constituit sibi socios, & Apostolos. Egressio Samaritanæ mulieris ad hauriendam aquam, in ordine divinæ providentiæ causa fuit per accidens, & externa ad supernaturalem ejus & divinam conversionem. Quin etiam peccata ipsa seriem ipsam ingrediuntur divinæ providentiæ ad eliciendos supernaturales effectus: unde affirmat Petrus Act. 2. *Hunc (Christum) definito consilio, & præscientia Dei traditum, per manus iniquorum affigentes interemistis.* Quod perinde est ac si diceret, Deum usum fuisse per consilium altissimæ providentiæ suæ impiorum malitiâ, quam consultò permittebat,

Caput I. Concilii Apostolorum. 7

mittebat, ut sic exequerentur mirificum illud humanæ Redemptionis opus. Si ergo malorum hominum perversæ machinationes, & flagitia plerumque supernorum consiliorum executioni famulantur, cur non inservient ad divina beneficia piorum quoque hominum intentiones, & actus.

Sed ne extra sacratum Synodorum, in quo versamur, campum diutiùs divagetur oratio, ipsi sanè Patres, qui in Concilium ad definiendas fidei ambiguitates conveniunt, & homines sunt, & humanis rationibus, disputationibus, argumentationibus futuræ circa fidem definitioni præludunt, ut ex veterum & recentiorum Synodorum actis compertum fit. Ipsa tamen fides, quæ per hujusmodi disputationes investigatur, non syllogismis, non ratiocinationibus, sed revelatione, qua mentes nostræ supernè illustrantur, nititur, & subsistit. Sanè S. Augustinus de Theologia loquens, quæ humanis rationibus res fidei investigat, & comprobatur, sic ait *lib. 4. de Trinit. cap. 1.* *Huic scientiæ tribuitur id, quo fides saluberrima gignitur, nutritur, defenditur, roboratur.* Sanctus quoque Ambrosius in *caput 5. Luca*, verba hæc Christi ad discipulos in mari Galilææ piscantes, *Laxate vestra retia in capturam*, sic allegoricè exponit: *Hæc quæ Apostoli jubentur laxare retia, verborum sunt complexiones, & disputationum recessus, quibus fideles, quos ceperint, non amittant.* Quod verò ibi Christus ad Petrum dicit, *Duc in altum*, idem sic interpretatur Ambrosius; *hòc est, in pro-*

8 *Notitia Conciliorum S. Ecclesiæ,
fundum disputationum.*

Recurfus porrò ad sortes in his Discipulis non jure reprehenditur à Beda. Certum namque est, non modò fuisse apud Hebræos frequentem, sed à Deo etiam vel præscriptum, vel approbatum. Inter duos hircos, quorum unus erat immolandus, alter in desertum ablegandus, sors præcipiebatur jacienda, *Levit. 16.* Aaron sorte aliis prælatus est ad Summum Sacerdotium, ipso Deo sic jubente, *Num. 17.* cujus etiam jussu Samuel Saülem in Regem elegit per sortem, *1. Reg. 10.* Terra Promissionis sorte divisa est inter Israëlitas, *Num. 25.* Sacerdotalia munera sorte obtingebant, *1. Paral. 24.* Ideoque narrat Lucas, sorte obtigisse, ut Zacharias Joannis pater thura Deo intra Sanctuarium succenderet. Denique ait Augustinus in *Psal. 30. conc. 2.* *Sors non aliquid mali est, sed in dubitatione humana res est divinam indicans voluntatem.* Et allegatur in Decreto Gratiani, *26. q. 2. c. 1.*

In multis casibus sortis remedium jura civilia præscribunt. Nam cohæredes inter se sortiri possunt apud quem ex ipsis remansuræ sint cautiones hereditariæ, *l. si quæ sunt cautiones, D. familia erciscundæ*: & sortitio hæreditatem dividit, *l. 2. C. quando & quibus quarta pars debeat.* Et in judiciis familiæ erciscundæ, communi dividundo, & finium regundorum, quibus confines possessores, vel hæredes, vel socii de partitione decertant, si quærat litis ordinandæ gratiâ uter actor sit, uter reus, res sorte discernitur, *l. sed cum ambo, D. de judiciis,*

ciis. Et si plures legatarii inter se circa rerum legatarum optionem dissentiant, sorte dirimitur controversia, ut ad quem fors veniat, illius sententia in optione præcellat, §. *optionis*, *Instit. de legat.* Ait verò Salomon *Prov. 18.* *Contradictiones comprimit fors, & inter potentes dijudicat.* Denique sortium aliæ consultivæ sunt, quæ reprobantur; aliæ divisivæ, aliæ electivæ. Harum legitimus est usus, saltem quando aliter ambiguitas non potest commode expediri.

Secundum Apostolorum, cæterorumque discipulorum Concilium refertur *Act. 6.* ubi collecto per Apostolos discipulorum grege, electi primum fuere septem Diaconi communibus suffragiis. Ecclesiastica Hierarchia cœlestem imitatur, ut docet Dionysius. Sicut ergo septem Angeli adstant ante Deum, *Tobia 12.* & *Apoc. 1.* similiter in Ecclesia ante Sacrum Altare, & circa Hierarcham divina facientem Diaconi septem: quem olim numerum non licebat excedere, ut constat ex *Neocæsarensis Concilii can. 15.* qui citatur *c. Diaconi septem, dist. 93.* & Cornelius Papa *epist. ad Fabium Antiochenum*, quam refert Eusebius, recensens Clerum Romæ consistentem, septem numerat Diaconos, totidemque Subdiaconos: in Concilio quoque Romano sub Sylvestro I. numerantur Diaconi in urbe Cardinales septem.

Tametsi Diaconi successerint in mensarum ministerium, quo viduæ olim fungebantur, non tamen in hac mensarum præfectura stat

præcipuum eorum munus. Constituti quippe sunt in Altaris ministerium, quod est sublimioris dignitatis. Idque liquidò constat, quia per manuum impositionem cum solennibus orationibus ab Apostolis ordinati sunt, *Act. 6.* Vir Apostolis coætaneus Ignatius *epist. ad Trallianos*, & qui sub Ignatii nomine circumfertur author epistolæ ad Heronem Diaconum, tradunt officium Diaconorum in eo esse, ut Episcopo, & Sacerdotibus sacrificantibus, & Sacramenta divina ministrantibus subministrant. Quinetiam in eo versabatur etiam horum officium, ut vivificum Christi sanguinem communicantibus præberent, ut testantur Justinus Martyr *apolog. 2.* Cyprianus *serm. de lapsis*: & de Sanctissimo Diacono, & Martyre Laurentio idem scribit Ambrosius *lib. 1. Officiorum*. Quinetiam aliis quàm Sacerdotibus poterant Diaconi etiam divinum Eucharistiæ Sacrosanctæ panem communicare, ut docet Nicæni Concilii canon 14. Et perspicuè testatur Sanctus Martyr Justinus *in extrema apologia 2.* solitos Diaconos Eucharistiam ad fideles absentes referre.

Tertium Apostolorum Concilium fusiùs describitur *Act. 15.* ubi unà convenerunt Apostoli, & seniores, unanimi sensu statuentes, esse fideles immunes à iugo circumcisionis, & Mosaiicarum cæremoniarum; tantùm ut abstinerent ab immolatis simulacrorum, & sanguine, & suffocato, & fornicatione. Concilium istud Jerosolymæ celebratum fuit anno Christi, ut supputat Baronius, quinquagesimo

Caput I. Concilia Apostolorum. 11

simoprime : huic Paulus , & Barnabas interfuerunt ex Antiochia profecti , anno ab ipsius Pauli conversione decimoquarto, cùm scribat Galat. 2. *Deinde post annos quatuordecim iterum ascendi Ierosolymam cum Barnaba , assumpto & Tito.*

Gravis hîc exurgit difficultas : cùm enim hoc ipso Concilio prohibeantur fidelibus carnes idolis immolatæ , quæ Græcè idolothyta dicuntur , nihilominus Paulus aliquanto post scribens primam ad Corinthios epistolam, cap. 8. negat eos peccare, qui vescuntur idolothytis , nisi vel scandalum ingenerent infirmis , vel erroneè credant ipsi , se sic faciendo peccare. Huic nodo convenientem cuneum adhibet Baronius , admonens præceptum de idolothytis , & sanguine , & suffocato non fuisse ab Apostolis impositum universis fidelibus , sed tantùm Ecclesiis Judææ, Syriæ, Ciliciæque , in quibus orta erat illa , quæ isti Concilio causam dedit , controversia. Et quidem synodica epistola , quam refert Lucas , ita inscribitur : *Apostoli & seniores fratres his, qui sunt Antiochia, Syria, & Cilicia fratribus ex Gentibus.* His ergo propter Judæorum conversorum multitudinem , cum quibus cohabitabant , ad eorum offensionem declinandam, nève fraterna charitas & pax interturbaretur, hæc interdicta fuerunt , quæ cæteris fidelibus libera relicta sunt.

Nihilominus præceptum istud à sanguine abstinendi in universam Ecclesiam dimanavit, usuque omnium receptum est , ita ut multis
sæculis,

12 *Notitia Conciliorum S. Ecclesie,*

ſæculis , tam in Occidente , quàm in Oriente
invaluerit : qua de re conſulito quæ inferiùs
collegi ad Gangrenſis Synodi canonem 2.
Chryſoſtomus *homil. 3. in Acta Apoſt.* obſer-
vat in his Conciliis prudentiam , & ſummam
in Petro animi moderationem , qui cùm eſſet
Summus Pontifex , Chriſtique per univerſam
Eccleſiam Vicarius , & Spiritus Sancti luce
pleniùs illuſtratus , nihil tamen quidquam per
ſeipſum , aut jure propriæ , quamvis ſacro-
ſanctæ authoritatis , & poteſtatis , decernere
voluit , tametiſi hoc quoque potuiſſet ; ſed Ec-
cleſiæ ſuffragia per iſtas Synodorum convoca-
tiones exquiſivit. Eandem animi moderatio-
nem , & prudentiam imitati ſunt plurimis ſæ-
culis Romani Pontifices , quoties gravis ali-
qua , præſertim de fide , cauſa emergebat , ut
perſpicuum fit ex frequentibus Conciliis olim
à Romanis Pontificibus convocatis , quorum
ductu & placito commiſſum ſibi Dominicum
gregem providiſſimè regebant. Sic verò lo-
quitur Chryſoſtomus : *ὅρα δὲ Πέτρον μετὰ κοι-
νῆς πάντων ποιῶντα γνῶμης , ἢ δὲ ἀνδιεπχῶς ,
ἢ δὲ ἀρχιεπικῶς.* Intuere Petrum nihil niſi de
communi fratrum conſilio agentem , nihil
verò per imperium , nihil ex propria autho-
ritate.

C A P U T I I.

Dissertatio convincens, fuisse ab Apostolorum aetate, atque ex divina institutione magnum discrimen dignitatis & potestatis inter Episcopos & Presbyteros.

INfausta quadam sorte conscripti à quodam Batavo Calviniano contra Episcoporum dignitatem libri, & quod mirum sit, insulsi, inepti, & perpetuis ipsius authoris adversus semetipsum contradictionibus referti, nonnullos etiam Catholicæ professionis aded ludificarunt, ut etiam editis in lucem libris, non dubitarint hunc asserere errorem, in Catholicæ professionis viris intolerabilem; nihil fuisse discriminis inter Episcopos, & Presbyteros primis Ecclesiæ primordiis quoad officium, dignitatemque; sed omne inter eos discrimen inductum esse insequentibus temporibus, invalescente Ecclesiæ nova consuetudine. Quinetiam eò usque processit error, ut non defuerint qui, editis in publicum libris, contra omnem veteris historiæ fidem ausi sint asserere, Concilium Nicænum primordia dedisse Episcopalis dignitatis, quæ antea non erat. Si mihi cum Calvinianis negotium esset, innumera congererem Patrum veterum loca, quibus convincerem, Episcopalem ordinationem esse
verum

14 · *Notitia Conciliorum S. Ecclesiae,*

verum Sacramentum , & re distingui ab ordinatione inferiorum Sacerdotum ; cū indubitatum apud Catholicos esse debeat , simplicem Sacerdotem ordinationis suæ virtute non esse Episcopum , & ut fiat Episcopus , alia ei opus esse ordinatione : & præterea neque Concilium , neque Ecclesiam , neque Summum Pontificem habere ullam potestatem Sacramentorum differentias immutandi , easque à solo Christo esse immutabiliter institutas. Sufficit verò istas, quæ ad fidem Catholicam pertinent , propositiones Catholicorum animis insinuare, quarum luce convincuntur, ut certò credant, Episcopalem ordinem , qualis nunc est, non alium esse posse, quàm qui à Christo institutus est, & qui superstitionibus Apostolis, & nascentis Ecclesiæ primordiis viguit.

Epiphanius *hæresi* 75. Aërium hæresiarcham ab Ecclesia eo nomine damnatum perhibet, quia omne tollebat Episcopi , & simplicis Sacerdotis discrimen, eosque in omnibus volebat esse pares. At Epiphanius longè dispares esse probat ratione ordinationis , quæ solis fieri ab Episcopis potest. Verba ejus omninò digna sunt, quæ fidelium mentibus infigantur:

ὡς μὲν γὰρ ἐπισκόπων τάξις πατέρων ἐστὶ θεολογικὴ τάξις. πατέρας γὰρ θεοὺς τῇ ἐκκλησίᾳ. ἡ δὲ πατέρων μὴ διωκαμένη θεοῦ, διὰ τῆς τοῦ κυρίου παλιγγενεσίας πάντα θεοὶ τῇ ἐκκλησίᾳ ; ὁ μὲν πατέρας ἡ διδασκαλίας. καὶ πῶς δὶόν τι ἢν πρεσβύτερον καλεῖσθαι μὴ ἔχοντα χειροθεσίαν τοῦ χειροτονεῖν. Episcoporum ordo est ad gignendos patres; nā Ecclesiæ patres (idest Sacerdotes) progignit. At Sacer-

dorum

dotum ordo, cùm nequeat patres progignere, generat tamen per lavacrum regenerationis filios Ecclesiæ: quomodo namque posset Patres, ac Doctores producere non habens impositionis manuum potestatem?

Quantos verò proferre possumus ætatis Apostolicæ, atque adedò ab ipsis Apostolis ordinatos, aut constitutos Episcopos? Jacobum Hierosolymis Domini fratrem, & qui ei successit Simeonem: Marcum Alexandriæ, & successorem ejus Anianum: Evodium Antiochiæ, & hoc defuncto Ignatium: Smyrnæ quoque Polycarpum Apostoli Joannis discipulum; & tres ab Apostolo paulo ordinatos Episcopos, Timotheum Ephesi, Titum Cretæ, Epaphroditum Philippensium.

De Episcopatu Jacobi Apostoli fratris Domini, cognomine Justi, testatur Hegesippus apud Hieronymum lib. de Script. Eccles. cap. 4. *Hegesippus* (inquit) *vicinus Apostolicorum temporum, in quinto commentariorum libro, de Iacobo narrans ait: Suscepit Ecclesiam Hierosolymæ frater Domini, cognomento Iustus. Clemens Alexandrinus lib. 6. hypotyposicon, & ex eo Eusebius lib. 2. histor. Eccles. cap. 1. eundem aiunt à Petro, & Iacobo Majore, & Joanne Hierosolymorum creatum Episcopum. Alter verò Clemens (qui etiamsi esset, ut aliqui volunt, supposititius, est tamen antiquitatis primariæ Scriptor) lib. 8. constit. cap. 35. refert Iacobum tam à Christo ipso, quàm ab Apostolis fuisse Hierosolymæ constitutum Episcopum. His adde Anacletum Pontificem Apostolis supparem*

16 *Notitia Conciliorum S. Ecclesie,*
rem, relatum in Decreto *dist. 66. can. ult.* His
accedunt sequentium Patrum testimonia, Eu-
sebio, & Hieronymi in *Chronico*, Epiphani *hæ-*
resi 29. num. 3. & *hæresi* 78. n. 13. & 14. Cyrilli
Hierosolymitani *catech.* 4. & 14. Chrysostomi
homil. 38. in 1. *Corinth.* & *homil.* 3. in *Acta.*

De Episcopatu verò Marci Evangelistæ af-
firmant Eusebius *lib. 2. hist. Eccl. cap. 24.* & Hieronymus in *catal. Script. cap. 18.* Alexandrinam
Ecclesiam ab eo fundatam, eique successisse
Anianum octavo Neronis anno. Idemque Hieronymus *epistola* 126. primum fuisse perhi-
bet Alexandriæ Episcopum. Epiphanius de-
nique *hæresi* 51. Marcum dicit esse à Petro mis-
sum in Ægyptum, postquam Evangelium con-
scripsit.

Eusebius similiter, & Hieronymus fidem
faciunt, Petro in Episcopatum Antiochiæ suc-
cessisse Evodium, & Evodio Ignatium.

Timotheum esse ab Apostolo Paulo consti-
tutum Ephesinorum Episcopum, ipsemet scri-
bit 2. *Timoth. 1. Admoneo te ut resuscites gra-*
tiam Dei, quæ in te est per impositionem manuum
mearum. Deque ejusdem judiciaria supra Pres-
byteros potestate, 1. *Timoth. 5. Adversus Pres-*
byterum accusationem noli recipere, nisi sub duo-
bus, aut tribus testibus.

Titum quoque nos docet Paulus fuisse ab
ipso constitutum Cretensium Episcopum, *Tit.*
1. Hujus rei gratiâ reliqui te Creta, ut ea quæ
desunt corrigas, & constituas per civitates Pres-
byteros, sicut & ego disposui tibi. Epaphroditum
denique fuisse Philippensium Episcopum ad-
discimus

Cap. II. Differ. potest. Episc. & Presb. 17
discimus ex *Philip. 2.* ubi ipsum vocat Paulus
Philippensium Apostolum : quod & observat
scribens eum in locum Theodorus.

Sanctus Irenæus *lib. 3. cap. 3.* testatur Apo-
stolos in singulis Ecclesiis constituisse qui eas
regerent Episcopos : additque Romanam Ec-
clesiam ab Petro Apostolo fundatam, ejusque
successorum seriem textit usque ad suam æta-
tem. Ipsum deinde Polycarpum commemorat
ab Apostolis præfectum Smyrnæ Episcopum:
Quem, inquit, & nos vidimus in prima nostra
ætate. Idemque alios designat Episcopos, quo-
rum successiones unius post alterum extare
ait in archivis propriarum Ecclesiarum. Ei-
dem causæ patrocinator Tertullianus, qui se-
cundo exeunte, & tertio ineunte sæculo scri-
psit, hoc argumento & verbis quolibet hære-
ticos valide *lib. de prescrip. cap. 32.* oppugnans:
Edant ergo origines Ecclesiarum suarum, evol-
vant ordinem Episcoporum suorum ita per suc-
cessionem ab initio decurrentem, ut primus ille
Episcopus aliquem ex Apostolis, aut Apostolicis
viris, qui tamen cum Apostolis perseveraverint,
habuerit authorem, & antecessorem : hoc enim
modo Ecclesia Apostolica census suos deferunt,
sicut Smyrnaorum Ecclesia habens Polycarpum,
ab Ioanne collocatum refert : sicut Romanorum
Clementem à Petro ordinatum edit. Proinde uni-
que & cetera exhibent quos ab Apostolis in Epi-
scopatum constitutos Apostolici seminis traduces
habeant. Confringant tale aliquid hæretici. Hæc
verba Tertulliani.

Ut verò obices omnes & remoras amovea-

mus, ultrò annuimus simplices quandoquē, ac secundi ordinis Sacerdotes nomine Episcoporum in Scripturis exprimi, quæ mera denominatio est, rei ipsius discrimen minimè tollens: voces enim, & nomina eadem nunc latiore, nunc strictiore significationem sortiuntur. Et pessimè argumentaretur quisquis ex eo, quod passim apud Sanctos Patres, Cyprianum, Hieronymum, Augustinum, Paulinum, aliosque vocentur Episcopi quilibet nomine Papæ, inde concluderet, habere singulos æqualem cum Romano Papa gradum, & parem potestatem in universa Ecclesia. Indifferentem illam Episcopi, & Presbyteri denominationem observant Sanctus Hieronymus, Chrysostomus, Theodorus, freti tum verbis hisce Apostoli ad Philippenses: *Omnibus Sanctis, qui sunt Philippis, cum Episcopis, & Diaconibus.* Nulla ibi Presbyterorum mentio, quia sub nomine Episcoporum continentur; alioqui namque non poterant esse in una illa Ecclesia plures Episcopi, sumendo nomen id in stricta, & magis propria notione. His accedunt verba Pauli A& 20. *Attendite vobis, & universo gregi, in quo Spiritus Sanctus posuit vos Episcopos regere Ecclesiam Dei.* Eo loco exhortatur Apostolus Presbyteros, quos accersiverat Ecclesiæ Ephesinæ, quos vocat Episcopos; cum tamen ex sacris Ecclesiæ institutionibus non possit in summo gradu præfici plusquam unus Episcopus. Tertius locus est in cap. 1. epistola ad Titum, cui maximè insistit Hieronymus in ejus loci commentario.

Hujus

Hujus rei gratiâ relinqui te Creta, ut ea quæ desunt corrigas, & constituas per civitates Presbyteros, sicut & ego disposui tibi. Si quis sine crimine est, &c. Cujus rei rationem hanc subjungit: Oportet enim Episcopum sine crimine esse, sicut Dei dispensatorem. Apostolus ergo singulis Presbyteris, quos Titus ordinaverit, nomen quoque tribuit Episcopi.

Etenim prorsus est improbabilis opinio Theodoriti comment. in 1. Timoth. cap. 3. eos nimirum, qui cum sint primi ordinis Sacerdotes, nunc communiter audiunt Episcopi, olim Apostolicis temporibus non Episcopos, sed Apostolos fuisse vocitatos, talesque fuisse Timotheum, Titum, & Epaphroditum: nomen verò Episcopi solis fuisse Presbyteris secundi ordinis attributum. Esto vocaverit Paulus semel *Philipp.* 2. Epaphroditum Apostolum; at pluries etiam nunc contingit perfectos, sui que officii admodum studiosos, non tantum Episcopos, sed his quoque inferiores Presbyteros vocari Apostolos. Sanctum enim Papam Gregorium, ob impensum Anglorum conversioni studium, quamvis in Anglia nunquam pedem fixerit, vocat Beda Anglorum Apostolum: ipsaque Ecclesia Bonifacio Maguntiae Episcopo Apostoli Germanorum indidit nomen, uti & Xaverio nomen Apostoli Indorum, quamvis nec Episcopus quidem esset, sed simplex Sacerdos. Neque verò in istis, neque in Epaphrodito nomen Apostoli dici potest proprium officii ac dignitatis nomen, sed tantum honorifica missionis, & virtutis

20 *Notitia Conciliorum S. Ecclesiæ,*
Apostolicæ, vel Apostolorum imitationis signifi-
catio. Itaque inter Catholicos potest mu-
tua esse controversia de nominibus Episco-
porum, & Presbyterorum, aut etiam Aposto-
lorum: at verò de re ipsa, & potestate Episco-
pi, qui unicus habet Ecclesiæ præfecturam, &
ordinandi potestatem, collati cum simplici,
atque ordinis secundi Sacerdote, nulla esse
potest nisi cum hæreticis disceptatio.

Hieronymus tamen haud leve in hac re ne-
gotium faceffit, tum in *epist. 85. ad Evagrium*,
tum in *comment. epist. ad Titum, cap. 1.* aded ut
Michaël Medina illum in invidiam traxerit
dogmatis Ariani; sed perperam, nec citra re-
meritatem. In primis Sanctus Doctor contem-
dit, nomen Episcopi fuisse ab ipsis Apostolis
attributum quibuslibet Ecclesiæ Presbyteris;
quod nos ultrò concedimus. Addit in epistola
illa ad Evagrium: *Quod autem unus postea ele-*
ctus est, qui ceteris praponeretur, in schismatis
remedium factum est, ne unusquisque ad se tra-
hens Christi Ecclesiam rumperet. Hoc idem re-
petit in *comment. epist. ad Titum.* Postea verò,
inquit, cum in partes, & contraria studia divisus
esset populus, ut dicerent quemadmodum Corin-
thii: *Ego sum Pauli, ego Apollo, ego autem Ce-*
pha; ut demùm plantaria ista dissensionum eve-
lerentur, ad unum singulari Episcopi nuncupa-
tione omnem sollicitudinem esse delatam. Et sub-
inde: Sicut ergo, ait, Presbyteri sciunt, se ex
Ecclesiæ consuetudine ei, qui sibi prapositus fue-
rit, esse subjectos; ita Episcopi noverint se magis
consuetudine, quàm dispositionis Dominica veri-
tate

Cap. II. Differ. potest. Episc. & Presb. 21
tate Presbyteris esse majores, & in commune debere Ecclesiam regere, imitantes Moysen, qui cum haberet in potestate solus praeesse populo Israël, septuaginta elegit, cum quibus populum judicaret. Idemque præcitata ad Evagrium epistola: Quid enim (ait) facit, excepta ordinatione, Episcopus, quod Presbyter non faciat.

Agnosceus ergo Hieronymus Episcopos inferioribus Sacerdotibus præcellere ordinandi potestate, qua isti omninò carent: idemque pares faciens Moyfi Episcopos, & æquiparans Presbyteros septuaginta illis iudicibus, quos Moyses in sui consortium, & solatium ascivit, satis indicat haud parvum dignitatis, & authoritatis, atque potestatis se agnoscere discrimen inter Episcopum, & Presbyterum. Dum verò contendit idem, fuisse in ipsis Ecclesiæ exordiis pares cum Presbyteris Episcopos, id multiplices, easque veras habet significationes. In primis pares erant nuncupatione, ut ipse probat, secundum quam nunc disparēs existunt. Secundò pares in regimine, quamvis origo & fons regiminis in solo esset Episcopo. Ea quippe erat moderatio primi, & verè aurei sæculi Episcoporum, ut in commune cum Presbyterorum cœtu omnia gererent, nec his inconsultis quidquam aggredierentur. Quæ disciplina licet nunc in multis exoleverit, multa tamen supersunt, in quibus necesse habent Episcopi consilium Capituli adhibere. Præclareque ait Alexander Papa III. cap. novii, de his quæ fiunt à Prælato sine cons. Cap. Novit tue discretionis prudentia, qualiter tu, &



22 *Notitia Conciliorum S. Ecclesiæ,*

& fratres tui unum corpus sitis; ita quod tu caput, & illi membra esse probantur: unde non decet te omissis membris, aliorum consilio in Ecclesia tua negotiis uti, cum id non sit dubium, & honestati tuæ, & Sanctorum Patrum institutionibus contraire.

Æquiparari quodammodo potest pristinum illud ab Hieronymo commemoratum regimen commune illud Ecclesiarum cum illo olim apud Athenienses Prætorum, quos Ἀρχοντες vocabant, collegio. Postquam enim mortuo ultimo illorum Rege Codro, ipsorum Respublica in Democratiam vertit, ab electorum à se Prætorū horum Senatu administrata deinceps fuit. Isti quidem singuli Archontes nuncupabantur, singulis incumbere publicæ rei sollicitudo; sed tamen ex eis unus similiter Archon nuncupatus, dignitate reliquis præminebat, solus cōlegas convocabat, convocatis præfidebat, ejusque solius nomine anni ac fasti signabantur. Sufficit autem ad labem eluendam, quam ausus est Medina Hieronymo, ipsique Epiphanio aspergere, quod uterque, ut vidimus, in solo Episcopo potestatem ordinationis agnoscit, quodque Epiphanius Aërium hæresis condemnet, dum Episcopis Presbyteros æquiparare præsumit.

Egregium circa Episcopalem ordinandi potestatem, aliis Sacerdotibus incommunicabilem, proferre lubet exemplum ex historia Ecclesiastica, & Concilii orthodoxi testimonio, quod retulit in suo Apologetico S. Athanasius. Reus ab Arianis peragebatur Athanasius

fius, quoddam Ischyram Presbyterum sacris ad Altare operantem Macarius ab illo missus malè multasset, ac mysticum Calicem confregisset. Tum Synodus Alexandrina, ad quam convenère Episcopi Ægypti, Thebaidos, Libyæ, Pentapolis, synodicam scripsit ad Julium Romæ Episcopum, cæterosque omnes orbis Christiani Præsules; quam integram epistolam refert Athanasius. Ea verò fidem facit, neque ibi rem sacram Ischyram fecisse, nec mysticum Calicem habuisse, ac ne Presbyterum quidem omninò fuisse, sed laicum; quippe qui à Collutho manuum susceperat impositionem, qui non erat Episcopus, sed solummodò Presbyter.

Ut verò ad Hieronymum regrediar, ejus sententia de differentia inter Episcopum, & Presbyteros introducta, non à Domino, sed ab Ecclesia, non modò elucidatur circa veterem, & indiscriminatam Episcopi, & Presbyteri nuncupationem, quam prolixè idem ex Scripturis probat Hieronymus, & quam omnes sacrarum literarum periti cum illo ingenuè agnoscunt, quam postmodum discriminavit Ecclesia: neque solum etiam elucidatur ex communi Presbyterorum consilio, & ministerio, quos in consortium laboris, & sollicitudinis assumebant Episcopi; sed etiam tertium elucidatur ex eo, quod Apostolorum ætate paucissimæ erant Episcopales Ecclesiæ, sed earum maxima pars à Presbyteris regebatur, nullo præsentè Episcopo, quemadmodum fieri etiam videmus in Parochialibus Ecclesiis.

24 *Notitia Conciliorum S. Ecclesiæ,*

Nam in Actis legimus Apostolorum, ipsam Samaritæ, inclytæ ac celeberrimæ civitatis, Ecclesiam in ipso Judææ confinio sitam, non habuisse peculiarem Episcopum; quandoquidem opus fuit eò mitti Petrum, & Joannem Apostolos, ut ibi munus obirent Episcopale circa Confirmationis Sacramentum.

Præminentiam denique Episcoporum supra omnem Clerum & populum, & obtemperandi officium ac necessitatem, qua illis Presbyteri adstringuntur, insigniter commendat Apostolorum discipulus, & tertius à Petro in Antiocheno Episcopatu Antistes Ignatius Martyr in sua ad Philadelphienſes epistola. Stet demùm Fidei fundamentum inconcussum jam inde ab Apostolis, ipsoque Christo stabilitum, & novissimè à Synodo Tridentina adversus nuperas hæreses assertum sess. 23. can.6. *Si quis dixerit in Ecclesia Catholica non esse Hierarchiam divina ordinatione institutam, qua constat ex Episcopis, Presbyteris, & Ministris, anathema sit.* Deinde can.7. *Si quis dixerit Episcopos non esse Presbyteris superiores, anathema sit.*

C A P U T III.

Concilia reprobata circa collatum ab Hæreticis Baptismum.

Valeretne Baptismus ab Hæreticis collatus, diu magna animorum contentione disputatum est. In primis Africanorum Episcoporum

Cap. III. Concilia reprobatæ circa Bapt. 28
coporum Concilio, cui præsedit Agrippinus
Carthaginis Episcopus, decretum fuit, nul-
lum prorsus & invalidum ejusmodi Baptis-
mum esse; ideoque ab Ecclesia iterandum.
Testatur id Cyprianus *epist. 71. ad Quintum.*

Ipse Deinde Cyprianus Carthaginis quo-
que Præsul, hoc idem decretum coactis tri-
bus aliis Africanis Synodis confirmavit, dum
regeret Stephanus Ecclesiæ universæ clavum,
Imperatoribus Valeriano & Galliæno. Primæ
harum trium Synodi literas synodicas con-
scripsit Cyprianus. Vide hujus epistolam 73.
ad Jubajanum.

Ut verò decretum istud pleniorē sortire-
tur auctoritatem, plenior quoque Africano-
rum Patrum Synodus ab eodem Cypriano in-
dicta est, convenientibus uno & septuaginta
Africæ, & Numidiæ Episcopis, qui præce-
dens decretum firmarunt & innovarunt. Scri-
psitque de eo Cyprianus synodicam ad Ste-
phanum Pontificem, sub cujus finem, ne hac
occasione schisma nasceretur, ipse contesta-
tur, per istud decretum nihil præjudicari alio-
rum libertati, ut possint oppositam, si lubet,
sententiam sequi, sine ulla Ecclesiasticæ uni-
tatis labefactione. His verò acceptis literis
Stephanus Papa Synodi hujus sanctionem re-
probavit, vetuitque ne quis auderet à contra-
ria Apostolica traditione discedere. Huic Ste-
phani rescripto minimè acquievit Cyprianus,
sed contra eum plenam querelarum scripsit
epistolam 74. *ad Pompeium*, qua Stephanum
ipsum tum superbiæ, tum imperitiæ, tum im-

prudentiæ infumulat : qua in re moderationis limites Cyprianus transilivit. Quin etiam tertiam sine mora convocat Africanorum Antistitum Synodum, cui ex Africa, Numidia, & Mauritania interfuerunt Episcopi septem & octoginta. Initio Synodi præfatur, non esse dirimendam ab his qui dissentirent communionem, & pacem. Deinde tacito Stephani nomine, ipsum paulò acrius perstringit his verbis : *Neque enim se quisquam nostrum Episcopum Episcoporum constituit, aut tyrannico terrore ad obsequendi necessitatem collegas suos adigit.* Hoc ex loco, atque ex Tertulliani libro adversus Psychicos *cap. 1.* ubi Romanum Pontificem *Episcopum Episcoporum* nuncupat; conjicitur, hunc fuisse priscis illis sæculis unum ex titulis ejus. Isto demùm pleniore Concilio præcedentium Conciliorum Africanorum innovatum fuit decretum. Hac sanè in re sanctissimum virum, etiamsi ista ex officio agere crederet, à noxa non exemerim. Hac in peregrinatione mortali, magna etiam sanctitas non est ab omni culpæ labe immunis. A culpa ista Patres Africanos mox resiliisse produnt Hieronymus contra Luciferianos, & Augustinus *lib. 2. de Bapt. contra Donatist. cap. 4. & epist. 48.*

Circa idem tempus altera Synodus hisce Africanis conformis habita est Iconii in Phrygia, convenientibus eò ex diversis Asiæ Provinciis Episcopis, Præside Firmiliano Cæsare in Cappadocia Metropolitæ; cujus superest inter Cypriani epistolas, ad Cyprianum ipsum

Cap. III. Concilia reprobata circa Bapt. 27
ipsum epistola 61. ex qua constat, fuisse hanc
Asianorum Synodum à Stephano Papa dam-
natam, ejusque assertores à Fidelium commu-
nitione exclusos. In eundem erroris lapidem
impegisse Dionysium Alexandria Patriar-
cham, refert Eusebius *lib. 7. histor. Eccl. cap. 6.*
non tamen in hunc, aut in Cyprianum Ste-
phanus hanc exercuit severitatem, reveritus
amborum sanctitatem, eruditionem, & dig-
nitatem.

Fateor equidem, si solius epistolæ Firmi-
liani, quæ inter Cyprianicas inferi solet, ratio
habeatur, opinandum fore, Cyprianum pari
censura fuisse ab Stephano irretitum, cum ta-
men aliunde liqueat, solam excommunicatio-
nis comminationem fuisse huic ab eodem in-
tentatam, ut subinde probabitur. Sed quia
Cyprianus apud Firmilianum per literas con-
questus fuerat, ut probabile est, de commina-
ta illa excommunicatione verbis ambiguis,
quæ comminationi simul, & inflictioni com-
munia esse possent, & secum actum fuisse ex-
postulabat perinde ac cum pseudo-Apostolo,
pseudo-Christo, atque dolo operario, Fir-
milianus totâ suâ illâ epistolâ excandescens,
ad extrema concitatus, Cypriani querimonias
in deterrimam partem fuit interpretatus, nec
dubitavit pari severitate ab Stephano fuisse
illum perstrictum, ac ipse fuerat. Contrarium
nihilominus inde constat, quia Cyprianus ip-
se post Stephani responsionem nihil tale re-
fert; non in Synodo amplissima, quam post-
modum eadem in causa convocavit; non in
literis,

28 *Notitia Conciliorum S. Ecclesia,*
 literis, quas scripsit, querelarum plenis, ob
 Stephani oppositionem. Sed enim Augustino,
 & pacatoris ingenii, & hujusmodi Africanarum
 rerum peritiori præ ipso Firmiliano, major
 adhibenda fides: ait verò lib. 5. de Bapt.
 cont. Donat. cap. 25. *Stephanus autem etiam abstin-*
endos putaverat, qui de suscipiendis Hæreticis
priscam consuetudinem convellere conarentur.
 Quæ verba comminationem exprimunt, citra
 tamen ullum mali comminati effectum erga
 Patres Africanos: quod & clariùs deinde ex-
 primit dicens; *Vicit tamen pax Christi in cor-*
dibus eorum, ut in tali disceptatione nullum inter
eos schismatis malum oriretur. Nec minùs dilu-
 cidè hoc repetit Augustinus lib. de unic. Bapt.
 cont. Petil. cap. 4. *Cum ergo Stephanus non so-*
lùm non rebaptizaret hæreticos, verùm etiam hoc
facientes, vel ut fieret decernentes, EXCOMMUN-
ICANDOS ESSE CENSERET, sicut aliorum
Episcoporum, & ipsius Cypriani litera osten-
dunt; tamen Cyprianus cum eo in unitatis pace
permansit. Hæc Augustinus. Nullis tamen
 eertis relationibus, vel indicis compertum
 est, Cyprianum à pristina sententia reces-
 sisse, tametsi res sit admodum probabilis, eo-
 dem sic attestante Augustino lib. 2. de Bapt.
 contra Donat. cap. 4. *Sed fortasse factum est, ut*
Cyprianus suam correxerit sententiam, sed ne-
scimus: neque enim omnia quæ inter Episcopos
gesta sunt, memoria, literisque mandari potue-
runt, aut omnia quæ mandata sunt, novimus. Sic
 Augustinus. Et in universum de Africanis E-
 piscopis Hieronymus contra Luciferianos ita
 contesta-

Cap. III. Concilia reprobata circa Bapt. 29
contestatur: Denique illi ipsi Episcopi, qui re-
baptizandos hereticos cum eo (Cypriano) sta-
tuerant, novum emisere decretum. De Ægyptiis
porro, & Orientalibus Episcopis, atque aded
de præcipuis illorum ducibus, Dionysio Ale-
xandrino, & Firmiliano Cæsareensi, ab isto
errore resipuisse notissimum est ex ejusdem ip-
sius Dionysii ad Stephanum Papam epistola,
quæ est apud Eusebium *lib. 7. hist. Eccl. cap. 4.*
in qua recensetur Firmilianus inter Episco-
pos, qui saniore consilio pristinam sententiam
abjecerunt.

Ex multiplicibus Synodis hisce Africanis
& Asianis, quibus tam eximii, & in Ecclesiæ
cælo quasi primæ magnitudinis sidera præ
cæteris illustrissimi Præsules interfuerunt, &
tamen jure merito reprobatis à Romana Sede,
constabitur illa regula inconcussa, *Nullam
esse cujuscumque Concilii auctoritatem, cui Ro-
manus Episcopus refragetur.* Quam rem infra
pleniùs prosequar ad Romanum Concilium
sub Damaso Pontifice.

C A P U T I V.

*Appendix ad præcedentes Synodos, in qua
discutitur Canonum Apostolis attri-
butorum auctoritas.*

MIrari subit, si quum habita fuere illa de
repaptizandis iis, quos intinxerant Hæ-
retici, Concilia, fuerit aliqua Canonum Apo-
stolis

30 *Notitia Conciliorum S. Ecclesie,*
stolis attributorum notitia, quâ fieri potuerit,
ut neque à Latinis, Cypriano, & octoginta-
sex aliis Patribus, quibus præfuit, quorum
vota omnia synodica supersunt, facta ulla
mentio fuerit trium Canonum Apostolico-
rum, scilicet 45. 46. & 68. qui perspicuè de-
cernunt inanem esse Baptismum ab Hæreticis
collatum; cum tamen potuissent hi Canones
suppeditare præcipuum sententiæ istorum
præsidium, ac munimen. Maximè cum Ste-
phani rescriptum ex adverso urgeret ipsam
eis adversantem Apostolorum traditionem.
Ipsi quidem Africani recurrunt interdum ad
Apostolicam auctoritatem, sed illam dumtaxat,
quæ ex eorumdem sacris Libris depromi-
tur, quale est Pauli effatum sæpissimè ab eis
repetitum: *Vnus Deus, una Fides, unum Bap-
tisma.* His adjunge Augustinum, qui nec in
totis septem libris de Baptismo contra Dona-
tistas, in quibus fusissimè de hac quæstione
disputat, ullius meminit Apostolorum cano-
nis. Imò verò *lib. 5. cap. 25.* sic ait: *Apostoli
nihil exinde præceperunt, sed consuetudo illa,
quæ opponebatur Cypriano, ab eorum traditione
exordium sumpsisse credenda est, sicut multa quæ
universa tenet Ecclesia, & ob hoc ab Apostolis
præcepta rectè creduntur, quamquam scripta non
reperiuntur.* Hæc Augustinus.

Neque etiam antiquiores Græci Canones
istos agnoverunt, alioqui namque Firmilia-
nus Episcopus Græcus, & Græcæ Synodi ad-
versus Hæreticorum Baptismum convocatæ
Præses, qui in sua ad Cyprianum epistola,
quæcum

Cap. IV. Appendix ad Synodos præced. 31

quæcumque potest suæ sententiæ argumenta, probationesque congerit, hosce Apostolicos Canones non siluisset. Scio utique à Patribus Græcis interdum Apostolis attribui nonnulla his Canonibus sancita! Verùm hæc illis accepta ferunt SS. Patres, non quatenus in illa vulgari Canonũ serie continentur, sed quatenus ab Apostolis ejusmodi traditio & usus in Ecclesias præsertim Orientales dimanaverat.

Porro Clementem, & natu, & Episcopatu Romanum hos collegisse Canones mihi nemo persuaserit: tum quia, ut satis ostendi; canones isti veteribus Patribus, præsertim Occidentalibus incomperti erant: tum quia in eisdem non pauca damnantur, quæ fuerunt à B. Petro, cujus fuit Clemens discipulus & successor, tradita Romanæ Ecclesiæ, ut est Canon quintus de uxore Episcopi, vel Sacerdotis, vel Diaconi non dimittenda obtentu Religionis: & Canon 65. quo statuitur pœna depositionis, aut excommunicationis in eum, qui Sabbato jejunaverit; qua de re plenius infra disputabimus: & Canon 68. quo eisdem multantur pœnis, qui feria 4. non jejunaverint. Hosce Canones avidè Græci suscipiunt, ex quo se schismate à nobis divulserunt, ut prætextum arripiant damnandi Romanam Ecclesiam, ut liquet ex schismatica Synodo Quinisexta, quæ magnam his Canonibus arrogat authoritatem, & Romanam damnare audet Ecclesiam Canonum istorum infractricem.

Ex adverso Concilium Romanum Episcoporum septuaginta, sub Gelasio Papa, librum
canonum

32 *Notitia Conciliorum S. Ecclesiæ,*

canonum Apostolorum pronuntiat apocryphum, & allegatur in *c. Sancta Romana Ecclesiæ, dist. 15.* His adjungenda Isidori censura relata in Decreto, *c. canones, dist. 16.* Canones qui dicuntur esse Apostolorum, nec receptos esse ab Apostolica Sede, nec Sanctos Patres assensum illis præbuisse, atque ab Hæreticis sub nomine Apostolorum fuisse compositos; in eis tamen aliqua utilia contineri. Marcellus Papa & Martyr tres Apostolorum sanctiones perhibet, quarum tamen nulla ad illos vulgò Apostolis ascriptos canones referri potest. Primò ut undequaque à quibuscumque judiciis liceat Episcopis Apostolicam Sedem appellare. Secundò, ut nullum haberi Concilium possit, nisi de supremæ Sedis consensu. Tertio, ut Episcopi criminum accusati judicari non possint nisi in Synodo, quæ fuerit Romani Episcopi autoritate indicta. Et Concilium Ancyranum *can. ult.* allegat canonem prohibentem ne septenarius Diaconorum numerus excedatur. Qui citati canones cum non possint ad eam referri collectionem vulgarem canonum Apostolis attributorum, satis inde arguitur, non esse necessariò referendum ad illam canonum trivialem congeriem, quidquid legitur prioribus Ecclesiæ sæculis canonibus Apostolicis attributum, etsi fortasse tale aliquid in ea collectione legatur, in qua complures etiam leguntur supposititii canones Apostolicæ traditioni planè contrarii, ut sunt qui rebaptizari Hæreticos sanciunt, aut Sacerdotem cum uxore convivere.

CAPUT V.

C A P U T V.

De tribus Synodis Antiochenis.

TRia memorantur Antiochena Concilia, quorum priora duo fuerunt contra Paulum Samosatenum Antiochiæ Patriarcham, impiè asserentem de Christo, nihil fuisse quàm merum hominem. Primum quidem conveniunt Antiochiæ Præsules Asiatici sub Imperio Gallieni, inter quos extitit celeberrimus ille Neocæsareæ Ponti Antistes Gregorius Thaumaturgus, & Firmilianus Cappadocum Metropolitæ, anno octavo postquam fuerat à Stephano Papa de fidelium societate excisus. Quod argumentum est, Firmilianum postmodò ab errore resipuisse, alioqui non admittendum in legitimam Synodum: quod etiam ex Dionysii Alexandrini literis affirmat Eusebius *lib. 7. hist. cap. 4.* In hac damnatus est Paulus, Qui tamen subdolè pœnitentiam simulavit, & palinodiam dixit. Idem tamen digressis in proprias sedes Episcopis, vitæque functo Thaumaturgo, larvam deposuit, & perversum dogma pertinaciùs asseruit.

Quocirca Episcopi Asiæ secundam Antiochiæ Synodum celebrarunt, in qua Paulus denudò condemnatus, & Sede dejectus. Sed parère recusans, & suorum factione munitus, Patres necessitate adegit interpellandi ethnicum Imperatorem Aurelium, brachii sæcu-

34 *Notitia Conciliorum S. Ecclesie,*
laris auxilium ad sanctissimi decreti exequu-
tionem implorando. Aurelianus causam judi-
cio Romani Episcopi, qui tunc erat Diony-
sius, cæterorumque Italiæ Episcoporum com-
misit; qui re penitus explorata, Paulum justè
depositum pronunciavere. Id judicium Impe-
rator exequutioni demandari jussit, & Paulum
ejici. Legendus Eusebius *lib. 7. hist. Eccl. cap. 24.*

Tertium denique Antiochiæ Concilium ha-
buerunt Ariani tempore Constantii Principis;
de quo inferiùs suo loco.

C A P U T V I.

Concilium Sinuessanum.

QUUM Romanæ præesset Ecclesiæ Marcel-
linus, defæviente atroci ssima Diocletiani
persequutione, celebratum Concilium fuit in
quadam Sinuessæ crypta, circa Marcellini cau-
sam, qui ethnicæ crudelitatis metu idolis thura
adoleverat. Erat Sinuessa Campaniæ oppi-
dum, quod nunc vocari perhibetur *Rocca di
Mondragone*. Istud Concilium refert Baronius
in annum 303. ejusque acta ut vera, germa-
naque admittit; fatetur tamen aliquot mendis
vitiata. Idem conjicit, indictam fuisse Syno-
dum istam à Romano Clero, ad quem totius
Ecclesiæ spectabat regimen ac sollicitudo in
defectum Romani Pontificis, ut ex multis li-
quere potest Cypriani literis. Hic verò no-
vum

Vum, & antea inauditum periculum urgebat, ne Pontificis Summi lapsus, totius Ecclesiæ ruinam secum traheret, aut exitiale schisma invehret. Non enim fuisse à Marcellino Synodum convocatam, convincitur inde, quia culpam suam prorsus negavit coram ipso Concilio, donec productis pluribus testibus, jam amplius dissimulare non valens, suum postremo delictum profusis lacrymis confessus est, neque dignum se esse, qui versaretur in ordine Sacerdotali. Cui Patres responderunt: *Ore tuo condemnaberis, quia prima Sedes non judicatur à quoquam*; ut legitur in hujus Concilii actis. Meminerunt pariter Anastasius in *Marcellino*, & Nicolaus Papa I. *epist. ad Michaëlem Imperatorem*. Cæterum Marcellini lapsus non fuit infidelitas erroris in intellectu, sed pusillanimitas contra debitam Fidei professionem, qualis fuerat triplex Petri negatio. Sed hanc ruinam Marcellinus paulò post martyrio suo reparavit.

C A P U T VII.

Concilium Eliberinum.

Sicut Diocletiani cum Maximiano, & insequentium Imperatorum, Galerii, Maxentii, Maximini, atque Licinii persecutio inultis fuit occasio triumphi, ita plerisque ex opposito impulit in ruinam. Quare Patrum sedula

36 *Notitia Conciliorum S. Ecclesie,*
tate multis locis provisum fuit circa lapsos. In Oriente quidem per Synodum Ancyranam, cui Vitalis præfuit Antiochiæ Patriarcha; & per Synodum Alexandrinam, in qua Petrus Alexandriæ Patriarcha, & deinde sub Maximino Martyr, suos edidit canones pœnitentiales circa lapsos. In Occiduis plagis pariter circa lapsos provisum est per congregatum Eliberi Concilium, quæ est Hispaniæ Bæticæ civitas, dicta vulgò *Elvira*. Huic subscripsere inter alios Osius ille Cordubæ Episcopus, qui postmodum Nicæno Generali præsedet; & Valerius Cæsaraugustæ Episcopus, ille idem, qui præstantissimum Martyrem Vincentium habuerat administrum. Contigit ista Synodus an. Chr. 305. aut circiter, Galerio & Constantino Impp.

Hic ut fideles in officio continerentur, rigidiores Canones procusi sunt quàm in Conciliis Ancyrano & Alexandrino, in quibus communio post lapsum pœnitentibus saltem in vitæ discrimine indulta est, quam lapsis denegat Eliberinum. Hujusce Concilii, tacito tamen nomine, meminit Innocentius I. *epist. ad Exuperium Tolosanum Episcopum*, his verbis: *Et hoc quasitum est, quid observari oporteat de his qui post Baptismum omni tempore incontinentia voluptatibus dediti, in extremo vita suæ sine pœnitentia, simul & communionis reconciliationem exposcunt. De his observatio prior durior, posterior, interveniente misericordiâ, inclinatio est. Nam consuetudo prior tenuit ut concederetur pœnitentia, sed communio negaretur. Nam*
cūm

Cap. VII. Concilium Eliberinum. 37

cum illis temporibus persecutiones crebrae essent, ut communionis concessa facilitas homines de reconciliatione securos non revocaret à lapsu, negata merito communio est, concessa poenitentia, ne totum penitus negaretur; & duriores esse remissionem fecit temporis ratio. Sed postquam Dominus noster pacem Ecclesiis reddidit, jam depulso terrore communionem dari omnibus placuit, &c. Ita Innocentius.

Eliberina itaque Synodus interdicit communionem in fine vitae eos qui post Baptismum lapsi sunt in idololatriam, *can. 1. & 2.* eosque qui post peractam poenitentiam lapsi sunt in fornicationem, *can. 7.* & illos qui per maleficium hominem occiderunt, *can. 6.* & passim aliis canonibus prolapsos in alia gravia crimina. Verum posterior Ecclesiae disciplina mitior extitit, quae non permittit Viatici communionem cuiquam poenitenti in fine vitae subtrahi, ut liquet ex Ancyranæ Concilii *can. 6.* & Nicæni *can. 12.* & Agathensis *can. 11.* atque ex præfato Innocentii rescripto, necnon ex universalis Concilii Carthaginensis quarti *can. 77. & 78.*

Cæterum Eliberinis Patribus immitiores fuere Novatiani, & Cataphryges Hæretici, seu Montanistæ, qui nedum Viatici communionem, sed etiam omnem reconciliationem poenitentibus moribundis recusabant, ut testantur de Novatianis Cyprianus *epist. 52. ad Antonianum*, & *epist. 67. ad Stephanum Papam*, atque Ambrosius & Pacianus in suis de Poenitentia libris. De Montanistis verò Tertullianus

ipse Montanista *libro de pudicitia, capite primo.*

Itaque ne immanitatem, quam in illis hæreticis Ecclesiæ Dei semper execrata est, in istud Concilium refundamus, illa communionis in ipso vitæ exitu statuta privatio nullatenus reconciliationis, seu absolutionis, seu Eucharistiæ Sacramentum adimit. Quis verò non abhorreat & detestetur pœnitenti veniam in ipso vitæ exitu, atque imminentis jam irrevocabilis iudicii limine suppliciter & lacrymosè roganti, reconciliationis præsidium & opem in tantò discrimine subtrahere? Quis non perhorresceret illius inhumanitatem, qui prohiberet, ne quisquam manus auxiliares ei porrigeret, qui suâ culpâ in gurgitem prolapsus, & jam fluctibus obruendus supplices manus tenderet, ut eriperetur, præsertim si facilè, & absque liberatoris periculo posset eripi? An verò major erga corporalem vitam adhibenda est charitas, quàm erga redemptam Christi sanguine animam, quæ pœnitens & lugens in ultimo vitæ confinio, & extremo salutis æternæ discrimine, piæ matris Ecclesiæ opem ac præsidium jam in circumstantium, & frementium dæmonum manus casura efflagitat, & miserabiliter implorat,

Scio equidem dici posse communionem de reconciliatione pœnitentis, perinde ac de Eucharistiæ beneficio: verùm de hac sola exponendi sunt illi canones Eliberini. Id enim dixi, ne dicam diabolicæ, immanitatis horror suadet, simulque apertum Nicæni canonis 13. testimonium, statuentis servandam esse, quam
 vocat

vocat antiquam & canonicam legem , ut qui ex hac vita egrediuntur , ultimo, & necessario Viatico non frustrentur : ita tamen , ut si post acceptam Eucharistiam convaluerint, inter illos dumtaxat recipiantur , qui solis Fidelium orationibus participant. Quibus ex verbis liquidò constat , mentionem hîc tantum eorum esse, qui in pœnitentium statu versantur. Cùm igitur Nicænum Concilium (in quo præsidebat qui Eliberino Concilio subscriptus legitur Osius) attestetur hanc esse antiquam, & canonicam legem circa pœnitentes de vita periclitantes, canones illi Eliberini , quamvis Nicænæ dispositioni contrarii , non sunt trahendi ad extremam immanitatem , quam Ecclesiæ spiritus perhorrescit ; sed ad eam moderandi sunt severitatem, quam verba ipsorum necessaridò præ se ferunt. Denique illam usque adedò sinistram à quibusdam Neotericis excogitatam Eliberinorum Canonum explicationem satis condemnat antiquæ pietatis , & eruditionis specimen Cyprianus *epist. 2. ad Antonianum*, sic dicens contra Novatianos : *Miror quosdam sic obstinatos esse , ut dandam lapsis non putent pœnitentiam , aut pœnitentibus existiment veniam denegandam.* Scriptor quidem ad miraculum doctissimus Dionysius Petavius in suis ad Epiphanium notis hanc Eliberinis Canonibus affixerat inclementiam ; sed consultius postmodum ab ea sententia recessit in suis ad Synesium notis. Refert Ambrosius *lib. 2. de pœnit. cap. 3.* quod pœnitentis absolutionem , & reconciliationem semper comitari solet Dominicæ

carnis communio : verumtamen ex justa causa tantisper ab hoc instituto recesserunt Eliberini Patres. Prævaleat igitur ea quæ minùs habet inclementiæ , canonis istius interpretatio. Primum quia rigidior altera , animabus , quarum salutem præcipuè consulendum est , apertè est exitialis. Secundò quia Novatianæ impietati palam suffragatur. Tertiò quia Spiritui , quo Ecclesia Dei regitur , directè repugnat , & ejus perpetuis usibus adversatur. Neque enim ante , neque post Concilium istud proferri ullum potest tantæ rigiditatis vestigium , nisi apud Novatianos , & his similes Hæreticos. Quàm his aliena sunt , quæ Cyprianus , aliique Africani Antistites scribunt ad Cornelium Romæ Episcopum epist. 54. Statuerunt jam pridem , frater charissime , participato nobiscum invicem consilio , ut qui in persecutionis infestatione supplantati ab adversario , & lapsi fuissent , ac sacrificiis se illicitis polluisent , agerent diu pœnitentiam plenam , & si periculum infirmitatis urgeret , pacem sub ictu mortis acciperent. Nec enim fas erat , aut permittebat paterna pietas , & divina clementia , Ecclesiam pulsantibus claudi , & dolentibus , & deprecantibus spei salutaris subsidium denegari , ut de sæculo decedentes sine communione , aut pace Domini dimitterentur. Et aliquanto post : Quod si de collegis aliquis extiterit , qui urgente certamine pacem fratribus , & sororibus non putat dandam , reddet ille rationem in die judicii Domino , vel importuna censura , vel inhumane duritiei suæ. His accedat minùs immitis intelligentiæ canonum Eliberinorum

quarta

quarta ratio; quia tum ratio ipsa humana, tum etiam legum præscripta suadent, in dubiis semper benigniora præferenda esse, *l. semper in dubiis, D. de regul. jur.* Quinta denique valde urgens ratio est, quia in obscuris inspiciendum est quod verisimilius est, aut quod plerumque fieri solet, *l. in obscuris, D. de regul. jur.* Atqui hæ omnes conditiones concurrunt in hoc nostro sensu; est enim proculdubio benignior, & æquior, & verisimilior, dum homines in extremis non defraudat extremo, & necessario remedio, quo & desperationem, & damnationem amolitur æternam. Est præterea conformis, ut lex requirit, non solum ei quod plerumque fieri solet, sed ei quod perpetuo, ac indefinenter Ecclesia facere consuevit, cum extra hunc canonem nihil prorsus ejusmodi in Ecclesiæ praxi reperiri queat.

Canon Eliberinus 34. *Cereos placuit per diem in camoterio non accendi; inquietandi enim Sanctorum spiritus non sunt.* Hæc prohibitio, qua Novatores contra pium Catholicorum usum abutuntur, illis temporibus conveniebat, quum inter Paganos versabantur Christiani, ne isti superstitioni participarent. Ethnicis enim persuasum erat mortuorum animas tum cibis, tum lucernis indigere, quibus & famem, & tenebras dispellerent: ideoque dapes, lac, & vinum funeribus inferebant, ut fidem facit Plutarchus initio vitæ Romuli, alique veteres. Homerus scribit *Odyssæa undecimo*, ab Ulyssæ oblatam cum sanguine & vino farinam inferorum animabus; & has acce-

dentes, avidè quæ apposuerat, absorpsisse. Præterea in exequiis Miseni, apud Virgilium *Æncidos* 6. *Aversi tenuere facem, congesta cremantur thurea dona, dapes, fuso crateris olivo.* Ait Tertullianus *de resurrect. carn. cap. 1.* Ethnicos ita defunctis parentare, ut eis esculenta apponant quæ comedant, eodemque igne & corpora ipsorum, & appositæ dapes absumere. Idem similia refert *lib. de testim. animæ, cap. 4.* itemque Epiphanius *in Ancorato, cap. 87.* Quin etiam tumulis accensas lucernas includebant, cujusmodi etiam nunc ad effossas eorum urnas, reperiuntur. Causa cur Fideles funalia, cereosque in exequiis adhibent, tota mystica est, ad significandam lucem æternam, quæ post caducam hanc vitam piorum animis affulget. Verbum porrò inquietandi, quo utitur canon, displicentiam signat, quam Sancti post hanc vitam ex viventium superstitione concipiunt. His adde Gentiles luminibus ad sepulchra plerumque usos per magicam impietatem & necromantiam; còque videri pertinere vocem inquietandi, qua usus est etiam Samuëlis spiritus à Pythonissa rogatu Saül Regis evocatus: *Quare inquietasti me ut suscitarer?* 1. Reg. 28. Postquam verò fatiscente Gentilitate liberum caput extulit Christi religio, tum demùm Fideles procul ablegato metu, vel suspitione approbandi, vel imitandi profanos Gentilium ritus, cereis accensis Christianorum exequias prosequuti sunt. Scribit namque Hieronymus ad funus sanctæ Paulæ ingentem fuisse concursum Clericorum, & Monachorum, cereos ardentes

ardentes deferentium. Gregorius etiam Nyssenus in vita Macrinæ sororis commemorat Clericos, qui ei iusta persolvebant, funus comitantes, cereos accensos præ manibus habuisse, τὰς ἐκ τοῦ κηρὸς λαμπάδας ἔχοντες πάντες.

Canon 36. quem nobis etiam objectant hæretici, ita sancit: *Placuit picturas in Ecclesia esse non debere, ne quod colitur & adoratur, in parietibus depingatur.* Ut mens Concilii percipiat, habenda temporis ratio est, quo defavebat in Christianos Gentilium insectatio. Favet quippe canon iste imaginibus sacris, quas idem vetat parietibus appingi, ne Gentilibus ludibrio essent. Quod sanè periculum haud ita timebatur in imaginibus, quæ in Ecclesiis appendebantur, aut alioqui mobiles collocabantur, ut subduci, & aliò transferri persequutionis exurgente procellâ, possent. Simili ex causa in Codice Justinianoq. *lib. 1. tit. 8.* lex promulgatur Theodosii & Valentiniani Imperatorum, prohibens signum Salvatoris in silice humi insculpi, aut pingi, ne videlicet conculcetur, aut conspuatur ab iis, qui in locum sacrum conveniunt. Quod idem sanxit Quinisexta Synodus *can. 73.* cum hac ratione, *ὥς ἂν μὴ τῶν βασιζόντων καταπατήσῃ τὸ τῆς εἰκὸς ὑμῶν τροπαίον ἐξυβρίζετο.* Ne incedentium conculcatione, quod victoriæ nobis trophæum est, injuriâ afficiatur.

Præterea suspicatur Baronius canonem istum ab Iconoclastis, qui olim Hispaniam incoluerant, confictum, & suppositum. Ratio ejus est, quia licet proferatur ab Ivone *lib. 3. Decreti,*

44 *Notitia Conciliorum S. Ecclesie,*
creti; non tamen ab iis, qui eum præcessere
Canonum compilatoribus, Ferrando Diacono,
Dionysio Exiguo, Cresconio: tum quia
veterum Iconomachorum Hispanorum nemo,
quantavis diligentia undecumque argumenta
contra sacras imagines conquesta collegerit,
Eliberini Concilii in ipsa Hispania celebrati
canonem ullum profert, non Vigilantius,
non Claudius Taurinensis Episcopus,
ambo in Hispania versati sacrarum imaginum
impugnatores. Legitur tamen iste Canon iisdem
verbis apud sæculi noni scriptorem Agobardum
Lugdunensem Episcopum, ad calcem libri ejus
de picturis, & imaginibus, in *Bibliotheca Patrum*
tom. 9.

C A P U T VIII.

Concilium Ancyranum.

Istud coactum est simulatque morte Maximini
extincta est dira in Oriente in Christianos
accensa persecutio: providet enim circa eos
qui tyrannidis formidine lapsi fuerant.
Est verò Ancyra Galatiæ Metropolis. Synodo
isti nonnulli Episcopi interfuerunt, qui deinde
subscripti in Nicæna œcumenica leguntur:
videtur habita an. Chr. 314.

Canon 1. Diaconis ipsis permittit uxorum
usum, si ante ordinationem Episcopo fuerint
protestati, se nolle, aut non posse ab uxore
continere:

Cap.VIII. Concilium Ancyranum. 45

tinere : citatur à Gratiano *c. Diaconi, dist. 28.*
De cœlibatu sacri Cleri, consulto inferiùs
annotata ad Nicæni Concilii can. 3.

Canon Ancyranus 13. cavet ne Chorepiscopi Presbyteros, aut Diaconos ordinent citra veniam Episcoporum, quibus ipsi Chorepiscopi subsunt. Huc spectat Antiocheni Concilii canon 10. solam Chorepiscopis permit- tens Exorcistarum, Lectorum, & Subdiaconorum ordinationem; prohibens verò Sacerdotum, & Diaconorum : *Etiamsi* (inquit) *Chorepiscopi ordinationem acceperint Episcoporum.* Hic porro Antiochenus canon duo circa Chorepiscopos edocet. Primò illos non in civitatibus, sed in vicis & minoribus oppidis constitui, τῶς ἐν ταῖς χωραῖς, ἢ ταῖς κάμαις κα- λούμεναις χωρεπισκόποις. Secundò posse contingere, ut Episcopali quoque ordine præfulgeant Chorepiscopi. Quæ observatio egregiè conciliat canonem Antiochenum cum epistola decretali Papæ Damasi, negante Chorepiscopos ullam habere ordinandi potestatem, eo quòd nihil ampliùs sint quàm Presbyteri, nec ulla- tenus Episcopi. Loquitur namque Damasus de potestate Chorepiscopi præcisè, quà talis est; non tamen negat fieri posse, ut Episcopus curam subeat Chorepiscopi, aut Chorepiscopus in Episcopum consecratur. Sic enim reperimus in priscis Cenciliiis Episcopos à propriis Ecclesiis dimotos, permitti ut alicubi Chorepiscoporum fungantur officio. Cujus rei exemplum suppeditat Nicæne Synodi canon 8. Simile videmus in titularibus Episcopis, qui assignati

46 *Notitia Conciliorum S. Ecclesiæ,*
signati Ecclesiis in remotioribus Infidelium
partibus constitutis, habent quidem Ordinem
Episcopalem, sed omni jurisdictionis exercitio
carent, præter eam, quæ ipsis ab aliis Episco-
pis pro suo libito in propriis finibus ac diœce-
sibus indulgetur. Præclarè verò Damasus in
illa de Chorepiscopis epistola confert Episco-
pos, qui amore quietis & otii suum Chore-
piscopis munus committebant, cum nefariis
illis meretricibus, quæ ut liberiùs fœdæ libi-
dini indulgeant, sobolis suæ curam penes con-
ductas pretio nutritrices abjiciunt. Quod idem,
proh nefas! aptari potest quamplurimis hujus
sæculi Prælati. Cæterùm illa Damasi consti-
tutio (si tamen ipsius est) non obstitit, quin
extiterint complures deinceps Chorepiscopi,
quorum mentio in posterioribus Conciliis pas-
sim occurrit.

C A P U T I X.

Neocæsareense Concilium.

Synodus Neocæsarensis Nicænam præces-
sit; subscriptus namque Neocæsarensi le-
gitur Basilii Amasæ Episcopus, qui sub Li-
cinio Martyr occubuit, ut refert Eusebius in
Chronico. Est Neocæsarea Ponti in Asia civi-
tas.

Canon 8. decernit de sacris Ordinibus in-
habilem & irregularem, cujus uxor fuerit adul-
terata,

terata. Citatur in Decreto, *cap. si cuius uxorem, dist. 34.*

Canon 9. irregularem dicit respectu Sacerdotii ; & canon 10. respectu quoque Diaconatus eum, qui fuerit aliquando fornicatus, ut si post tale delictum contingat ordinari, sit suspensus ab illius, quem cepit, Ordinis exercitio. Hic non est in usu. Unde colligito quantum illis temporibus sanctitatem, vitæque antea actæ innocentiam requirebat Ecclesia ad Ordinum susceptionem, sacrumque ministerium. Similiter Nicænus canon 2. viam illi ad sacros Ordines præcludit, qui vel semel peccatum animale commiserit. Quod idem statuitur Eliberini Concilii canone 30.

Canon 11. *Presbyter ante triginta annorum ætatem non ordinetur, quamvis sit probabilis vitæ; sed observet usque ad præfinitum tempus. Dominus enim noster Iesus Christus trigesimo anno baptizatus est, & tunc prædicavit.* Citatur in Decreto *dist. 78. cap. Presbyter.* Fuit olim ubique recepta Ecclesiæ disciplina, ne annis triginta iuniores fierent Sacerdotes, tum apud Græcos, ut hic docet Neocæsareensis canon ; tum apud Latinos, ut statuitur Agathensis Concilii canone 17. *Presbyterum verò, vel Episcopum ante triginta annos, idest antequam ad viri perfecti ætatem perveniat ; & Diaconum ante viginti quinque nullus Metropolitanorum ordinare præsumat, ne per ætatem (quod aliquoties evenit) aliquo errore culpentur.* Eadem ætas annorum viginti quinque Diaconorum ordinationi, & annorum triginta in Presbyteris ordinandis præfigitur in

in quarta Synodo Toletana, *can. 19.* Vide in Decreto *dist. 77. c. Episcopus*, & *cap. in veteri.* Posterior Ecclesiæ disciplina laxior est: sic enim sanxit Tridentinæ sessionis 23. caput 12. *Nullus impoſterum ad Subdiaconatus ordinem ante vigefimum ſecundum, ad Diaconatus ante vigefimum tertium, ad Presbyteratus ante vigefimum quintum atatis ſua annum promoveatur.*

Canon 12. illum à Sacerdotio excludit, qui ægrotans fuerit illuminatus, idest baptizatus, eo quod per æcediam, & animæ ſuæ neglectum ad id tempus Baptiſmum diſtulerit. Eos qui lecto per ægritudinem decumbentes lavacrum regenerationis accepere, ſanctus Cyprianus per ludibrium Clinicos vocat; qui ſani, Peripateticos, *epiſt. 76. ad Magnum.* Neque verò hanc primam irregularitatẽ Synodus Neocæſareenſis induxit; longè enim antea Cornelius, qui Romæ ſedebat an. 255. in ſua ad Fabium Antiochenum epiſtola, quam refert Euſebius *lib. 6. hiſt. Eccl. cap. 35.* diſertè aſſerit, Novatianum non debuiſſe ordinari Presbyterum, quia non licet in lecto baptizatos (ſicut Novatiano contigerat) aſſumere in Clerum.

Canon 15. ita decernit: *Diaconi ſeptem eſſe debent ex canone, etiamſi magna ſit civitas: ejus autem fidem facit liber Actorum.* Habetur in Decreto *c. Diaconi ſeptem, diſt. 93.* Idque adeò religioſè ſervabatur, ut neque Romæ numerus hic excederetur. Cornelius enim Papa Cleri Romæ conſiſtentis numerum ita recenset: Episcopum unum, Presbyteros quadraginta-
ſex

Cap. IX. Neocaesareense Concilium, 49
sex, Diaconos septem, Subdiaconos septem,
Acolythos quadraginta duos, Exorcistas, &
Lectores cum Ostiariis quinquaginta duos.
Hæc refert ex Cornelii epistola ad Fabium
Antiochiæ Episcopum Eusebius.

C A P U T X.

*Concilium Arelatense l. aliaque habita tem-
pore Constantini Imperatoris in causa
Donatistarum.*

ORigo hæc fuit in Africa pertinacissimi
Donatistarum schismatis, qualem descri-
bunt Optatus Milevitanus, & Augustinus. Lu-
cilla mulier Hispana præpotens & ambitiosa
Carthagine versabatur. Hæc à Cæciliano Car-
thaginis Ecclesiæ Diacono reprehensa, quod
ossa cujusdam, quem Ecclesia non retulerat in
Sanctorum album, deferret, & ante sacram
communione exoscularetur; illa correctio-
nis impatiens ulciscendi de Cæciliano captabat
occasionem. Contigit ut Mensurius Carthagi-
nis Episcopus à tyranno Maxentio Romam
evocatus, senioribus quibusdam Ecclesiæ vasa
sacra discessurus commendaverit. Interea pe-
regrè moritur Mensurius, atque in hujus Se-
dem promovetur Cæcilianus, qui ex officio
vasa Ecclesiæ repetit. At eorum depositarii,
qui sacrilego ausu illa sibi retinebant, ejus
protinus communionem averfantur, causant-

D

tes eum non esse Episcopum : quippe qui ordinatus à Felice Aptungitano fuisset, quem illi criminabantur fuisse sub Diocletiani persecutione sacrorum Librorum traditorem. His se Lucilla ultrò adjunxit, & quidquid opibus & autoritate valebat, magno studio contulit ad schismatis novi fulcimentum & propagationem. Præcipuus schismatis author fuit Donatus, cui cognomen à Casis Nigris. Hic sceleris sui conscium Majorinum ordinavit Carthaginis Episcopum. Cui subinde mortuo successus est Donatus alter.

Donatistæ Constantinum primo Imperii post sublatum Maxentium anno interpellant adversus Cæcilianum. Imperator causam remisit primùm quidem tribus Episcopis Gallicanis, Reticio Heduarum, Materno Agrippinensium, & Marino Arelatensium, deinde Melchiadi Romæ Episcopo, qui ad istius causæ judicium Romæ Concilium indixit anno 313. cujus sententiâ Cæcilianus dictus est legitimus Episcopus, & adversariis mandatum, ut se illi subjicerent. At isti majore insolentiâ per Africam tumultuantur : dumque Ælianus Africæ Proconsul eos in officio continere studet, illi ab hoc ad Constantinum provocant, suamque causam accuratiùs examinari postulant, quàm fecisset Concilium Romanum, quod sibi suspectum querebantur.

Constantinus nimîâ ductus erga procacissimos, & sceleratos facilitate, futurumque sperans, ut sic ad quietem demùm se componerent, procurat novam, & confluentium Episcoporum

Cap. X. Concilium Arelatense I. &c. 11

poporum numero ampliorem Synodum Arelatis congregari, ubi causâ denuò exactissimè discussâ, iterum condemnantur Donatistæ anno 314. Isti verò intolerabili pervicaciâ rursus ad Constantinum provocant, qui eorum deputatos primùm Romam; deinde Mediolanum accivit, ubi causâ denuò judicatâ; novæ condemnationis judicio succubuerunt. Cæterùm nec sic effracta est eorum contumacia, sed usque ad Arcadii, & Honorii tempora omni præcipiti furore tumultuati, grassatique sunt. Atque vix tandem magni illius Augustini Episcopi laboribus assiduis, & disputationibus invictis; præcipuè verò Marcellini Tribuni potentia, & severis coërcitionibus, quem ad compescendam Donatistarum vesaniam Honorius Augustus cum amplissima potestate & copiis militaribus delegaverat, ipsiusque Honorii pœnalibus Edictis domita est impiorum protervia.

Quæ in Donatistarum causa, mandante Constantino Augusto, & approbante Papa Sylvestro Arelatæ Synodus convenit, multis nominibus celebritatem habet: quippe in qua Constantinus per se interfuit, & innumeri prope modum Episcopi ex universa Gallia, ex Hispania, ex Britannia, & Hibernia insulis; ex Italia, Sicilia, & Africa eò confluxerunt. Interfuerunt quoque Summi Pontificis Legati Claudianus, & Avitus Presbyteri; Eugenius, & Quiriacus Diaconi, anno Christi 314. Volusiano, & Aniano Consulibus. Afferit Ado Viennensis in *Chronico*, sexcentos ad hanc Synodum

52 *Notitia Conciliorum S. Ecclesie.*

dum Patres convenisse. Ejusdem meminit Augustinus *lib. 1. contra epist. Parmeniani, cap. 6.* complectitur verò canones 23.

Canone 1. decernitur Paschæ Domini festum eodem die per universum orbem celebrandum esse, & juris, atque officii Romani Episcopi esse, ut juxta receptam consuetudinem literas ea de re quotannis ad universas dirigat Ecclesias. Quod idem non multò post ab Oecumenica Nicæna Synodo constitutum est. Et olim Papa Victor coacto Romæ Concilio, per universum servari orbem præceperat sub excommunicationis pœna, reclamantibus licet Asianis, maximè Polycrate Ephesi Episcopo, & dissuadente Irenæo Lugdunensi: quam historiam fusè prosequitur Cælarensis Eusebius.

Canon 5. communionem Fidelium excludit Theatricos, & Histriones. Conformatur Eliberino canoni 62. Jus verò Civile illos infamiâ notat, qui artis ludicræ, pronuntiandive causâ in scenam prodierint, *l. 1. de his qui not. infam.*

Canon 9. usum abolet libellorum à Martyribus & Confessoribus proficiscentium, quorum intuitu & precibus canonicum pœnitentiæ tempus ab Episcopis minuebatur, lapsique ante præfinitum tempus reconciliabantur. Ejusmodi libellorum haberi rationem prorsus dudum vetuerat Concilium Eliberinum *canon. 25.* Meminere quoque istiusmodi libellorum, nec sine querela, quòd per illos Ecclesiasticæ disciplinæ relaxaretur vigor, Tertullianus

lianus lib. ad Martyres; & Cyprianus epist. 10. 11. 12. 14. 15. Illa pœnitentiæ canonicæ ad Martyrum preces concedi olim solita mitigatio præludebat hodiernis Indulgentiis, ut ad Cyprianum Scholiastes Pamelius adnotat.

Canon 13. eos qui sacros Libros, aut Vasa sacra Gentilibus tradiderint, aut nomina Fidelium eisdem detulerint, amovet à Clero; sic tamen, ut si quis ignoranter & bona fide Ordinem à quoquam eorum susceperit, Ordine utatur, nec ei sit fraudi talis ordinatio. Cæciliani causa canoni huic præbuit occasionem.

In hujus Synodi Patrum subscriptione attribuantur Provinciæ Viennensi, quæ est in Gallia, Urbes Arelate, Vienna, Vasio, Arausio, Carpentoractum. Quæ quidem attributio conformis est Provinciarum Gallicanarum distributioni, quam tradunt Itinerarium Imperatoris Antonini, & liber notitiæ Romanorum. Massiliam quoque Viennensi Provinciæ ascribit Synodus Taurinensis in causa Proculi Massiliensis Episcopi. Ammianus quoque Marcellinus lib. 15. sic ait: *Viennensis Provincia civitatum exultat decore multarum, quibus potiores sunt Vienna ipsa, & Arelate, & Valentia, quibus & Massilia jungitur.* Quando istud agebatur Concilium, Arelatensem Ecclesiam Martinus moderabatur. Cum verò Viennensi Provinciæ finitima esset secunda Narbonensis, mirum est, nullum istius Episcopum exprimi; cum tamen ex Narbonensi prima hîc subsignaverint Episcopi Tolosæ, & Biterrarum, Insignes præ reliquis huic interfuerunt Synodo

tres illi Gallicani Episcopi, Reticus Augustodunensis, Maternus Agrippinensis, & Marinus Arelatensis, quos primo suo rescripto Constantinus ab Anulino Proconsule Africae interpellatus, constituerat solos in ista causa iudices: & quos altero deinde rescripto Romam proficisci iussit, ut unà cum Melchiade Pontifice Romano, aliisque quindecim Italiae Episcopis iudicium ferrent. Quod & factum est, habito ab iisdem Concilio in ipso Palatio Laterano, ut prodit Optatus Milevitanus *lib. 1. contra Parmenianum*, & Augustinus in *Brevi-culo*, & alibi.

C A P U T X I.

Nicana Oecumenica prima Synodi Historia.

Nunc tempus agendi de primo Oecumenico Concilio, cui causam dedit hæresis Ariana. Arius itaque Presbyter Alexandrinus novam in orbem terrarum pestem invexit, negans Filium Dei Patri esse coæqualem, consubstantialem & coæternum; sed eum asserens à Patre de nihilo in tempore creatum. Huic se pesti opposuit in primis Alexander Episcopus Alexandrinus, qui præmonitum Arium, sed indocilem & obstinatum, anathemate percussit. Arius ad Eusebium Cæsareæ in Palæstina Episcopum confugit, quem hæresis suæ socium & fautorem nactus est cum aliis Episcopis, Paulino Tyri, Patrophilo Scythopoleos, Mari

Mari Chalcedonis, Theognide Nicææ, alioque Eusebio Nicomediæ, cujus magna erat apud Constantinum Augustum gratia & auctoritas; omnemque Meletianorum factionem in dogmatis perversi contagionem attraxit. Serpente latius malo, Arianisque insolentiùs in dies tumultuantibus, Alexander encyclicas per universam Ecclesiam literas conscripsit: præcipuè verò Sylvestrum Romæ Episcopum tantæ perniciiei ingravescentis admonuit. Sylvester Osium sapientissimum & religiosissimum virum Cordubæ Episcopum delegavit ad Constantinum, & ad Alexandrum Episcopum, & quocumque opus esse videretur ad extinguendum hoc incendium.

Osium ad Constantinum accessit, à quo & literas accepit ad Alexandrum, & Arinum, tum increpatorias, tum ad pacem hortatorias, quarum exemplar Eusebius Cæsareensis refert in vita Constantini. Hisce literis causam & originem turbarum Imperator in Alexandrum rejicit, ut Principem jam intelligas ab Episcopo Nicomediensi delusum; & præterea quaestionem istam circa Dei Filium, levem esse, nec ad Fidem Catholicam ullo modo pertinere asserit; cum tamen Christianæ Fidei summa præcipuè in Christi divinitate consistat.

A Constantino digressus Osium, Alexandriam concessit, eaque in urbe Concilium indixit, cujus meminit Athanasius *apolog.* 2. vocatque Generale Concilium. Meminit ejus etiam Socrates *lib.* 3. *cap.* 5. ex quorum relatu constat, discussam fuisse Arii, & Meletianorum

56 *Notitia Conciliorum S. Ecclesie.*

causam ; simulque damnatum impii Sabellii dogma, divinarum Personarum distinctionem inficiantis. Addit Athanasius, in eadem Synodo Colluthum Presbyterum Alexandrinum, eo quod cum Episcopus non esset, munus tamen Episcopale obire, multosque ordinare Clericos attentasset, fuisse ab Osio redactum in ordinem.

Cum verò Ariani despecta Concilii Alexandrini autoritate se insolentiùs efferrent, & perversum dogma propagarent, visum est controversiam esse œcumenicam & insigniori Synodo dirimendam. Hanc itaque Sylvester Papa, conspirante unà Constantino Augusto, Nicæ in Bithynia indixit. Imperator egregium religionis specimen edidit, missis in omnem partem cursoribus & literis, quibus Episcopos ad Synodum invitavit : eorum pro Dei cultu, Fidei integritate, Ecclesiæ pace, & dignitate, quammaximè potuit zelum ac studium succendit : vecturas itinerum, omnesque viæ impensas, tam ipsis, quàm eos comitantibus Clericis, & familiaribus largè providit. Nicæam itaque convenerunt ex diversis orbis terrarum plagis trecenti decem & octo Episcopi, anno Christi 325.

Concilio præfederunt Romanæ Sedis Legati Osius Cordubæ Episcopus, Victor, & Vincentius Presbyteri Romani, qui ante Patriarchas ipsos confederunt, primique subscripserunt. Interfuerunt Alexander Alexandria, Eustathius Antiochiæ, Macarius Jerosolymorum Patriarchæ, alique Præsules, quorum
eximia

eximia sanctitas Ecclesiæ fastis consignatur & colitur ; Nicolaus Myræ in Lycia Episcopus, Paphnutius Thebarum Ægypti, Potamon Heracleæ Ægypti, Spiridion Trimithuntis Cypri (his duobus , Potamoni & Spiridioni , olim propter Fidei confessionem in persecutione Maximini alter oculus fuerat effossus) Paulus etiam Neocæsareæ Euphratesiæ , qui sub Licinio in causa Fidei fuerat candentibus laminis excruciat ; Jacobus Nisibis in Mesopotamia, qui mortuos, ut refert Theodoritus , in vitam revocavit ; Alexander Constantinopolis, cujus postea precibus Arius fœda & inopina morte consumptus est ; Arostanes quoque in Armenia superiori Episcopus. Denique magnus Athanasius , tunc Ecclesiæ Alexandrinæ Diaconus , quem sibi comitem Alexander Patriarcha delegerat , cujusque insignis eruditio & animi vigor in sacro Concilio mirificè effulsit contra Arianos disputantis , unde illorum in se odia insensissima concitavit.

Verumtamen , quod scriptum est in libro Job , hîc pariter contigit : *Cum venissent filii Dei, ut assisterent coram Domino, adfuit inter eos etiam Satan.* Interfuere namque cum illis Ariani Episcopi, uterque Eusebius, Cæsareensis & Nicomediensis ; Paulinus Tyri, Theognis Nicææ, Menophantes Ephesi , Patrophilus Scythopoleos , alique Præsules Arianæ sectæ. Hi primum calumniosis accusationibus & famosis libellis Orthodoxos Antistites insectati sunt apud Imperatorem , qui tamen porrectos sibi libellos legere noluit, sed concremavit, palam

58 *Notitia Conciliorum S. Ecclesie*,
professus, Episcopos à Deo solo judicandos;
se verò ipsorum iudicio in iis quæ ad salutem
animæ pertinent, subesse. Occultanda esse præ-
terea Sacerdotum delicta, ne inde aliqui an-
sam arriperent scandali, aut contemptus sacri
ministerii, ut scribunt Rufinus *lib. 1. cap. 2.*
Sozomenus *lib. 1. cap. 16.* Theodorus *lib. 1.*
cap. 11. Gregorius Papa *lib. 4. epist. 75. ad Mau-*
ricium.

Statutum in primis est pro inconcusso fun-
damento à Patribus Nicænis, nihil contra fi-
dem ab antiquo traditam, & hætenus in Ec-
clesia receptam innovandum esse, ut eo loco
testatur Sozomenus. Lecta sunt deinde Arii
scripta, necnon Eusebii Nicomediensis dam-
nabilis epistola; dogmata Arii nefaria cum
execratione rejecta sunt; tandemque conclamatum est, Filium esse Patri coessentialem &
coæternum; neque ex nihilo creatum, sed ex
Patris substantia genitum: ideoque suo Sym-
bolo Synodus professæ est, eum esse genitum,
non factum ὁμῳσιον, consubstantialem Patri,
Deum verum de Deo vero.

Constantinus dum in Concilio disputaba-
tur, attentè auscultabat, rumores subnascentes sopiebat, suum modestè sensum insinuabat,
singulos suaviter alloquebatur, ut refert Eu-
sebius *lib. 3. vite Constantini, cap. 13.* denique
formulæ Fidei subscripserunt tum Catholici,
tum etiam Ariani, ut Principi complacerent,
suosque retinerent Episcopatus. Eusebius ta-
men Nicomediæ, & Theognis (quem alii
Theogonium dicunt) Nicææ, plus aliis repug-
narunt.

narunt. Itaque suis per Concilii sententiam dejecti sunt Sedibus, in quibus constituti sunt, Nicomediæ quidem Amphion, & Nicææ Chrestus. Attamen Eusebius & Theognis, ut Sedes pristinas recuperarent, Concilio ad extremum subscripserunt, & pro illis intercedente Constantino, in pristinum gradum à Concilio restituti sunt, ut commemorat Socrates lib. 1. cap. 5. & 10. Ambo tamen Nicænam fidem omni postmodum studio impugnarunt, ejusque assertores & occultis dolis, & apertis viribus infectati sunt. Ipse Arius à fidelium societate divulsus est Synodali decreto, & à Constantino in exilium pulsus, sed ab eodem ob simulatam resipiscentiam deinde revocatus postliminio, hac tamen lege, ne Alexandriam ingredi auderet. Horum fidem facit Hieronymus in dial. adversus Luciferianos.

C A P U T XII.

*De ordine, & confessu Patrum, tum in
Nicana Synodo, tum in aliis insequen-
tibus Oecumenicis.*

Pertinet hæc notitia ad alia quoque Concilia, præsertim generalia. In primis sciendum, delegatos ab Episcopis absentibus eodem sedisse ordine, quo ipsi delegantes Episcopi confederant. Idcirco in multorum veterum Conciliorum actis permulti Presbyteri, & Diaconi

Diaconi subscribunt supra complures Episcopos.

Ex eisdem pariter actis constat, Legatos Apostolicæ Sedis, utpote vicem gerentes Summi Pontificis, sedisse & subscripsisse supra quoscunque Patriarchas, fuisseque Conciliorum Præsides. Inductione id patet. In prima Nicæna Synodo Legati præfuerunt Sylvestri Papæ Osius Episcopus, Vitus & Vincentius Presbyteri: hos sequebantur Alexander Alexandriæ, Eustathius Antiochiæ, & Macarius Jerosolymorum Patriarchæ.

Paucis à Nicæna annis præfederunt Synodo Sardicensi nomine Sylvestri Osius Episcopus, Vincentius Capuanus, Calepodius Neapolitanus: deinde sequitur Athanasius Alexandriæ.

In Concilio Constantinopolitano I. nulli interfuerunt Apostolici Legati, quia tunc temporis Damasus Papa aliud Romæ Concilium Episcoporum Occidentis in eadem causa celebrabat. Orientales autem, quibus præerat Nestorius Constantinopolis Episcopus, fuisse animis cum Damaso conjunctos, docent mutæ literæ Damasi ad Concilium Constantinopolis, & Concilii ad Damasum, apud Theodorum *lib. 5. cap. 9. & 10.*

In Ephesino præfuit Cyrillus Alexandriæ Patriarcha ut Legatus Cœlestini Papæ: quem tamen Cyrillum nomine proprio præesse Asiæ Antistites non sustinuisent extra propriæ Patriarchiæ fines in aliena Diœcesi, quam sibi Constantinopolis Episcopus vendicabat, ut
secundus

secundus à Romano Episcopo Patriarcha. In hujus ergo Synodi actis passim legitur, *Cyrillo Alexandriae presidente, & locum tenente Sanctissimi, & Religiosissimi Archiepiscopi Romanae Ecclesiae Cælestini*. Mox subsignant Juvenalis Jerosolymæ Episcopus : Mennon Ephesi, Flavianus Vicarius, & locum tenens Rufi Episcopi Thessalonices : Theodorus Ancyrae in Galatia : Firminus Cæsareæ in Cappadocia prima Episcopus.

In Chalcedonensi, act. 1. Paschasinus & Lucentius Episcopi, & Bonifacius Presbyter, Legati Sanctissimi, Deoque amantissimi Archiepiscopi veteris Romæ Leonis : tum Anatolius sanctissimus Archiepiscopus novæ Romæ Constantinopolis : Dioscorus Archiepiscopus Alexandriae : Maximus Antiochiæ : Juvenalis Jerosolymæ : Quintillus Heracleæ Macedoniæ, locum tenens Anastasii Episcopi Thessalonices : Thalassius Cæsareæ Cappadociæ : Stephanus Ephesi : Lucianus Bysæ, locum tenens Cyriaci Episcopi Heracleæ Thraciæ : Eusebius Ancyrae Galatiæ Episcopus. Hæc ita sigillatim recenseo, ut dignoscantur præcipuæ Orientis Metropoles.

In quinta Synodo, quæ est secunda Constantinopolitana, præfuit Eutychius Patriarcha Constantinopolis novæ Romæ, approbante Vigilio Papa, ad quem sic scribit Eutychius : *Petimus presidente vestra Beatitudine de tribus capitulis quæri, & conferri*. Quam epistolam continent istius Synodi acta. Et Zonaras in *Iustiniano* scribit, ejus principem fuisse Vigili-
lium

62 *Notitia Conciliorum S. Ecclesiæ,*
 lium Romæ veteris Episcopum. Qui etiam, ut
 Photius scribit *lib. de Synodis Septem*, istius acta
 Concilii confirmavit. In ejus actis & subscrip-
 tionibus hæc notatur Episcoporum series:
 confidentibus in Secretario Venerabilibus Eu-
 tychio Sanctissimo Patriarcha Regiæ Constan-
 tinopolis novæ Romæ : Apollinario Sanctissi-
 mo Archiepiscopo Alexandriæ : Domno San-
 ctissimo Patriarcha Theopoleos, id est Antio-
 chiæ : Stephano Episcopo Raphiæ : & Geo-
 rgio Episcopo Tiberiadis, & Damiano Episco-
 po Sozusiæ, vicem agentibus Eustachii San-
 ctissimi Episcopi Jerosolymitani : Benigno
 Episcopo Heracleæ Thraciæ, vices agente Eliæ
 Thessalonicensis Episcopi : Theodoro Episco-
 po Cæsareæ primæ Cappadociæ : Andrea Epi-
 scopo Ephesi, &c.

In sexta Synodo, Constantinopolitana ter-
 tia, act. 1. sub Constantino Augusto (huic erat
 cognomen Pogonato) in Secretario sacri Pa-
 latii, quod cognominatur Trullus, convenien-
 te Sancta & Universali Synodo, id est Theo-
 doro, & Georgio Venerabilibus Presbyteris,
 & Joanne Venerabili Diacono vicem agenti-
 bus Sanctissimi, & Beatissimi Archiepiscopi
 Romæ veteris Agathonis : & Joanne Sanctis-
 simo Archiepiscopo magnæ Constantinopolis
 novæ Romæ : & Petro Presbytero & Mona-
 cho locum servante Sedis Alexandrinæ (Græ-
 cè, *τοποτηρέτης Ἀλεξανδρείας* :) & Macario Ar-
 chiepiscopo Theopolis : & Georgio Presby-
 tero & Monacho, & Apocrisiario Theodori
 Venerabilis Vicarii, *τοποτηρέτης*, Sedis Jero-
 solyme

Cap. X^l. De ord. & confess. PP. in Concil. 63
solymorum : & Theodoro Episcopo Ephesi.

In septima Synodo , quæ est Nicæna secunda, *act. 1.* præidentibus Petro Archipresbytero Romanæ Ecclesiæ Sanctorum Petri & Pauli, & altero Petro Presbytero Monacho & Abbate Sancti Sabæ Romæ, Vicariis Sanctissimi Archiepiscopi veteris Romæ Adriani. Sequitur Tarasius Archiepiscopus Constantinopolis novæ Romæ : Joannes & Thomas Presbyteri Monachi & Vicarii Sedium Orientis Patriarchalium Alexandriæ, Theopolis, & Jerosolymorum : Agapetus Cæsareæ Cappadociæ Episcopus : Joannes Ephesi Episcopus.

Octava Synodus , quæ est quarta Constantinopolitana , præmittit *Act. 1.* Donatum & Stephanum Episcopos , & Macarium Diaconum, Legatos Adriani Papæ II. subditque Ignatium Archiepiscopum Constantinopolis novæ Romæ. Deinde Vicarios, *τοποτηντες* , Sedium Patriarchalium Orientis.

Obiter in his inscriptionibus & subscriptionibus observa nomen Archiepiscopi pluribus sæculis non fuisse attributum , ut nunc, Episcopis Metropoliôn, sed iis dumtaxat, quibus subjecti erant Metropolitanis ipsi , scilicet Patriarchis & Primatibus. Decrescente demùm & religione, & potentiâ Græcorum, simulque eorundem crescente superbiâ , cœptum est novum in Oriente genus Archiepiscoporum nomine tenus , qui tametsi nullis præessent Episcopis , ex rescripto Imperatoris hoc inane nomen adipiscebantur, mediique erant inter Metropolitanas , & cæteros inferiores Episcopos.

64 *Notitia Conciliorum S. Ecclesiæ.*

pos. Hinc effectum est, ut in Leonis Imperatoris *Διατμήσει*, subjunctæ Constantinopolitano Patriarchæ recenseantur Metropoles una & octoginta. Deinde Archiepiscopatus prædicti generis novem & triginta, & legatur aliquoties apud Neotericos Græcos, *Ex Archiepiscopatu civitas Metropolis facta est.*

Eusebius Cæsareensis, qui in Concilio Nicæno sedit, *lib. 3. vite Constantini*, eum qui primus sedebat à dextro latere confessus orationem habuisse refert gratiarum actionis, & laudum Constantini. Theodorus autem *lib. 1. hist. Eccles. cap. 7.* scribit eum, qui orationem pronuntiavit gratiarum actionis, fuisse Eustathium Episcopum Antiochenum. Attamen cum hic esset ordine & dignitate inferior Alexandrino, ex ea sessione primæ sedis à dextro latere infert Cardinalis Bellarminus *de Conciliis & Ecclesia lib. 1. cap. 19.* fuisse in Concilio Nicæno tres sedium ordines, sive exedras. Primum in capite Aulæ, ibique sedisse Constantinum medium inter Osum & Alexandrum Alexandriæ Episcopum. Secundamque exedram fuisse à dextera parte, ubi primus sedit Eustathius. In tertia denique ad sinistram tenuisse primum locum Macarium Jerosolymorum Episcopum.

Certè Osum, Vitum, & Vincentium præsedisse perspicuum est, tum ex Athanasio teste oculato, *epist. ad Solitar.* ubi refert, Osum fuisse Synodi principem, & Nicænæ fidei Symbolum composuisse; tum ex ipsius Synodi subscriptionibus; tum ex Photio *lib. de septem Synodis*

Cap. XII. De ord. & confess. PP. in Concil. 65
Synodis : tum ex Gelasio Cyziceno , qui hujus
 Concilii acta edidit juxta vetus Dalmatii Epi-
 scopi Cyzici exemplar ; cujus etiam meminit
 in sua Bibliotheca Photius. Scribit ergo Gela-
 sius *lib. 2. cap. 5.* Oñium Legarum Synodo præ-
 sedisse nomine Sylvestri Papæ, adducitque re-
 stimonium Eusebii *lib. 3. vitæ Constant. cap. 7.* cu-
 jus verba diserta, atque ut loquitur, κατὰ λέξιν,
 profert ; quamquam in exemplaribus Eusebii
 hodiernis aliter legitur. Verùm longè major
 habenda fides exemplaribus, quæ ante annos
 mille ducentos extabant, temporibus Dalmatii,
 Gelasique , veterum Græciæ Episcoporum,
 quàm iis quæ nunc temporis circumferuntur
 à Græcis schismaticis accepta, à quibus etiam
 conjicere pronum est, fuisse in iis, quæ ad Ro-
 manæ Sedis dignitatem pertinent , depravata.
 Et verò ipse Oñius præsentibus Patriarchis in
 aliena regione , eaque Orientali, & longissimè
 ab Hispanicis oris dissita prælidere nullatenus
 valuisset , nisi titulo cohonestatus Apostolici
 Legati.

Cardinalis Baronius paulò aliter Nicæno-
 rum Patrum confessum disponit , cujus potior
 mihi in hac parte videtur sententia, utpote con-
 formior posterorum Conciliorum ordini ac
 usui. Censet verò Constantinum in capite au-
 læ sedisse humili ac demisso sedili aureo, ut in
 ejus vita scribit Eusebius *lib. 3. cap. 10.* addens
 non antè sedisse , quàm rogatum à Patribus,
 nec fuisse solito satellitio stipatum, sed prima-
 riis aulæ proceribus. Baronius itaque duos tan-
 tùm fuisse confessus Patrum autumat : dextror-

sum unum, sinistrorsum alterum, atque in isto Legatos Romani Papæ primos confedisſe, ſub his verò aſſedisſe Alexandrinum Episcopum. In dextero autem confellu primum locum tenuiſſe Eustathium Antiochenum, & ſub eo Macarium Jerolymitanum, alioſque deinceps hinc inde Episcopos. Id enim confirmant ſequentium Synodorum acta, quas non eſt dubium ſe ad Nicænæ exemplum conformaſſe. Enimverò refertur in Chalcedonenſi, *act. 1.* Senatium in medio ante cancellos ſacri Presbyterii confedisſe: à ſiniſtris verò Legatos Sanctiſſimi veteris Romæ Archiepiscopi Leonis: poſt hos deinde Anatolium Conſtantinopolis novæ Romæ Archiepiscopum, & Maximum Antiochiæ. A dextro autem latere Dioſcorum Alexandriæ, & Juvenalem Jerolymorum Episcopum. Itaque prima dexterae exedrae ſedes reſervabatur ſecundo Patriarchæ, qualis erat in Nicæna Synodo Antiochenus, in Chalcedonenſi Alexandrinus; quia jam tum Conſtantinopolis Episcopus ſibi primæ Sedis poſt Romanum Episcopum vendicarat honorem.

Ad hæc in ſexta Synodo, *act. 1.* refertur ſedisſe ſeorſim Conſtantinum Auguſtum cum Patriciis, & Conſulibus: à læva autem parte Legatos Apoſtolicæ Sedis, deinde Vicarium ac Apocriſarium Episcopi Jerolymorum, alioſque deinceps Præſules. A dextera verò parte Episcopum Conſtantinopolis, deinde Theopolis, tertioque loco Vicarium Episcopi Alexandriæ. Cur autem Episcopus Jerolymitanus

Cap. XII. De ord. & conf. PP. in Concil. 67
 nus inferior Alexandrino & Antiocheno, im-
 mediatè tamen Legatis Apostolicis affederit;
 idè factum, quia cùm multi essent Apostolici
 Legati, quos non erat æquum disjungi ab in-
 vicem, Jerosolymitanus ex consequenti mul-
 tos ante se habebat sessores: Antiochenus ex
 alia parte unicum supra se patiebatur sessorem
 Constantinopolitanum. Ideoque Antiochenus
 Episcopus honoratiorem præ Jerosolymitano
 locum occupare reputabatur in hac Synodo.
 Probat rationibus solidis Baronius ad an. 325.
num. 52. & ad an. 213. *num. 6.* in sacris & Eccle-
 siasticis rebus præcelluisse olim sinistram præ
 dextera parte, tum in Oriente, tum in Occi-
 dentè. Quæ res si comperta fuisset Damiano
 Cardinali, dum in tractatu de picturis Aposto-
 lorum Petri & Pauli disceptaret, quorsum de-
 pingi soleret Petrus ad sinistram, & Paulus ad
 dexteram, non se fatigasset in conquirendis
 Pauli supra Petrum prærogativis.

C A P U T XIII.

Vicariorum Romani Pontificis differentia.

Vicariorum Romani Episcopi multiplex
 discrimen fuit. Quidam enim dicebantur
 Legati à latere, alii Cognitores, seu Commis-
 sarii, alii in Diœcesibus, aut Parochiis Vica-
 rii. Quosdam enim delegabat Romanus Pon-
 tifex ad Synodos, tum generales, tum parti-

68 *Notitia Conciliorum S. Ecclesia,*
culares, ut illis suo nomine præessent. Hos
vocat Leo Papa *epist. 14. ad Faustum*, Legatos
à Latere. *Cum enim* (ait) *propter causam Fidei,*
quam Eutyches perturbare tentavit, de latere meo
mitterem, qui defensionem veritatis assisterent.

Alii Papæ Legati dicebantur *ἐπιστάτες*
(sic enim vocat Concilium Sardicense *can. 3.*
& *5.*) id est Cognitores, erantque Commissa-
rii à Papa ad Dioceses, Provincias, aut Paro-
chias delegati, ut causas controversas inquire-
rent, aut judicarent, aut reviserent, maximè in
judiciis appellationum ad supremam Sedem.

Tertii Pontificum Legati dicebantur Apo-
crisarii, seu Responsales, quorum hodie lo-
cum & munus implent Nuntii Apostolici. Mit-
tebantur quippe ad Imperatores, ut res Eccle-
siæ procurarent, juraque Romanæ Ecclesiæ
tuerentur. Frequens horum mentio est in epi-
stolis Gregorii Papæ. Quin & alii Episcopi
suos, quum opus erat, mittebant Apocrisia-
rios: nam Anatolius, quem Dioscorus Ale-
xandrinus Episcopus promovit ad Constātinopo-
litanam Sedem, fuerat antea ipsius Dioscori
in urbe Regia Apocrisarius. Et Georgius
Presbyter subscriptus legitur in sexta Synodo
cum titulo Apocrisarii Sedis Jerosolymorum.
Nec solum ad Principem, sed ad diversos etiam
Episcopatus mitti solebant Apocrisarii, præ-
sertim ad Patriarchas, ad Exarchas, & ad Me-
tropolitans, ut fidem facit Justinianus *novella 6.*
cap. 2. circa fin. & cap. 3. & novella 123. cap. 25.
ubi decernit non posse Apocrisarios validam
inire conventionem ultra Episcopi, vel Eccle-
siæ

Cap. XIII. Vicariorum Rom. Pont. differ. 69
fiæ delegantis mandatum. Scribit S. Gregorius
Papa *lib. 14. Moralium, cap. 29.* se Apocrisiarii
munere, jubente Pelagio prædecessore, fun-
ctum olim Constantinopoli apud Tiberium
Imperatorem.

Quartum Vicariorum Romani Pontificis
genus constituiebant Primates, quibus, tan-
quam Vicariis supremæ Sedis, conferebatur
potestas & jurisdictio supra plures Metropoli-
tas, hisque subjectos Episcopos. Ita Leo Papa
epist. 84. Anastasium Thessalonices Episcopum
Vicarium suum creat in multis Europæ Pro-
vinciis ad Orientem vergentibus, quas postmo-
dò sigillatim recensuit Nicolaus I. Pontifex
in epist. 2. ad Michaëlem Imperatorem. Addit
Sanctus Leo Papa, Anastasii prædecessores fuis-
se similiter prædecessorum Romanorum Epis-
coporum Vicarios. Huc referunt nonnulli cau-
sam Canonis 20. Concilii Sardicensis, prohi-
bentis extraneis Clericis diutinam Thessaloni-
cæ moram: & rationem addunt, quia propter
Primatis Thessalonices residentiam eò con-
fluere solebant complures ex universa Asia
Clerici, qui sæpenuerò vel supervacaneâ ne-
gotiorum apud auditorium Primatis gestione,
vel capti civitatis ipsius splendore, diutiùs à
propriis Ecclesiis aberant. In veteribus Conci-
liis antequam Justiniano intercedente Vigilius
Papa Vicariam ex Thessalonica transtulisset in
Acridum, quæ Justiniano Patria fuit, quamque
ideò primam Justinianam vocari edixit, sub-
scribit Thessalonices Episcopus inter pri-
mos à Patriarchis, ut superiori capite com-

70 *Notitia Conciliorum S. Ecclesiæ,*
monstravimus. Videnda circa rem istam Justini-
niani novella 131. *cap. 3.* Cœlestinus etiam
Pontifex in causa Nestorianæ hæresis, Cyril-
lum Alexandriæ Episcopum Vicarium suum
creat, ut Constantinopolis Ecclesiam regat,
quam Nestorius devastabat. Superfunt ea de re
literæ Cœlestini ad Cyrillum, & Cyrilli ad
Clerum & plebem Constantinopolis, *tom. 4.*
operum Cyrilli. Deinde Hormisda *epist. ad Sa-*
lustium Hispalis Episcopum, constituit ipsum
Apostolicum per omnem Bæticam, & Lusita-
niam Vicarium. Idemque Remigio Rhemenfi
Episcopo tandem confert potestatem per uni-
versum Ludovici Regum; sic enim vocat
Clodovæum Francorum Regem. Literas sileo
Pontificum Zosimi, Symmachi, Vigilii, Gre-
gorii Magni, quibus promovent Arelatenses
Episcopos ad Vicariam Apostolicam supra
plerasque Galliæ Provincias. Omitto com-
plures alias Primatias, quas diversis tempori-
bus Romani Pontifices tum in Gallia, tum in
Hispania, tum in Germania, tum in Anglia
constituerunt.

C A P U T X I V.

*De loco Synodi Nicana, nonnullarumque
aliarum insequentium.*

V Eterum occidentis Conciliorum quædam convenerunt in ædibus Imperialibus : atque in primis istud Nicænum in aula Palatii Constantini, ut fidem facit Eusebius *lib. 3. vita Constantini, cap. 12.* Sexta pariter Synodus sub Constantini Pogonati Imperio in ea Regiæ parte, quæ Trullus dicebatur. Quo eodem loco habita fuit Synodus Quinifexta, sub Justiniano II.

Cæteræ per Orientem Oecumenicæ Synodi intra sacras Basilicas celebratæ sunt. Constantinopolitana quidem, quæ est inter Oecumenicas secunda, convenit intra Oratorium Sanctorum Pantaleonis, & Marini Martyrum, qui sacer locus ex tunc *ἰκονοία*, id est concordia, nominatus est, propterea quod centum & quinquaginta Episcopi in eandem Fidei sententiam convenere adversus Macedonii dogma, ut scribit in tertio de sacris imaginibus tractatu Joannes Damascenus. Ephesina quidem intra Beatæ Mariæ Templum : Chalcedonenfis intra Virginis & Martyris Euphemie Ecclesiam, in ipso Sanctuario : Nicæna altera in Templo ante ambonem : octava Synodus in æde Sophiæ in ipso catechumenorum loco, ut earum acta

72 *Notitia Conciliorum S. Ecclesie,*
acta testantur. Quæ duæ postremæ pariter asse-
runt, sacros Evangeliorum Codices fuisse in
medio confessu Patrum repositos. In octava
Synodo additæ sunt vivificæ Crucis reliquiæ,
προπθίντων τῶν τιμίων ξύλων, & τῶν ἁγίων εὐα-
γγελίων. Propositis venerabilibus lignis, & san-
ctis Evangeliiis.

C A P U T X V.

Ad Nicanos Canones primum & secundum.

Primus Canon de eunuchis & spadonibus
decernit arceri à Clero, qui sponte & citra
necessitatem se mutilaverint. Cui irregularitati
locum in iis esse negat, qui à medicis, etiam
sponte, ex morbi causa, vel ab aliis per vim
& injuriam excisi fuerunt. Refertur in Decre-
to, *cap. si quis à medicis, dist. 55.* Isti canoni de-
disse videtur occasionem Leontius Presbyter,
qui ut scribit Athanasius *Apologia de fuga sua,*
in fine, Socrates lib. 2. cap. 21. Theodoritus lib. 2.
cap. 24. accusatus inhonestæ, aut suspectæ cum
muliere conversationis, jussusque ab Antio-
cheno Præsule Eustathio ut ab ea consuetudine
desisteret, cum obsequi detrectaret, sibi virilia
ad amovendam mali suspensionem rescuit, per-
inde ac si liceret homini se quomodolibet, nul-
laque urgente morbi vi, mutilare; & quasi verò
amputata illa parte, simul excideretur quidquid
fœda libido potest vel cogitatu, vel sensu, vel
quovis

quovis opere exequi : qua de re fusè disputat Basilii *lib. de vera & incorrupta virginitate*. Leontium igitur duplici titulo & jure , tum illicitæ refecationis , tum prohibitæ consuetudinis deposuit Eustathius. At Leontius per novum scelus se Arianis adjunxit , quorum factione sub Constantino ipsam etiam Sedem Antiochenam invasit.

Refert quoque Eusebius *lib. 6. histor. Eccles.* Origenem cum fœminas aliquot Theologicis disciplinis & sacris literis erudiret , velletque aut malum ipsum , aut mali suspensionem antevertere , sese adhibitis quibusdam medicamentis fecisse eunuchum , verba ista Christi aliter quàm par erat intelligendo : *Sunt eunuchi qui seipsos castraverunt propter regnum cœlorum*. Quapropter Demetrius Alexandriæ Episcopus sacram ordinationem petenti recusavit. At Origenes in Palæstinam commigrans sacros Ordines , ipsumque Sacerdotium sumpsit ab Episcopis Cæsareensi , & Jerosolymitano ; unde graves exortæ Demetrii cum ipsis querelæ. Quam pariter refert historiam Epiphanius *heresi* 58. & Hieronymus *de Script. Eccl. in Alexandro*. Itaque genus hoc irregularitatis , etiam longè ante Nicænam Synodum sumpsit exordia : eamque stabiliunt Apostolorum Canones vigesimus primus , & vigesimus secundus.

Nicænus Canon 2. prohibet catechumenos baptizari , necdum satis institutos , aut probatos , nisi gravis urgeat necessitas. Vetat etiam recens baptizatum , ac neophytum ordinari Episcopum , aut Presbyterum ; cum id

74 *Notitia Conciliorum S. Ecclesiæ,*
prohibeat Apostolus 1. *Timoth.* 3. Statuit insu-
per excludendum de Clero eum, qui duobus,
aut tribus testibus convictus sit reus $\psi\chi\kappa\acute{\alpha}$
 $\alpha\mu\epsilon\tau\acute{\epsilon}\nu\alpha\tau\omicron$, peccati animalis.

Dubitatur quidnam sit animale peccatum;
Exponit Theodorus Balsamon de quacumque
culpa incompatibili cum divina gratia. Alii
delicta intelligunt, quorum expiationi publi-
cam injungebant Ecclesiæ leges pœnitentiam;
cujusmodi erant apostasia cirçâ Fidem, homi-
cidium, fornicatio; quæ peccata vocari ab an-
tiquis solent per antonomasiam capitalia, &
mortalia. Hoc sensu Isidorus ait *lib.* 2. *de divin.*
offic. consuetudinem Ecclesiæ hanc esse, ut sor-
didati peccato mortali ad Ordines non pro-
moveantur; & si quis post ordinationem mor-
talis peccati reus factus sit, non possit sacrum
exercere ministerium. Præterea Concilium
Valentinum in Gallia sub Damaso Papa, *cap.* 4.
prohibet ab Episcopatu, Sacerdotio, & Dia-
conatu, eos qui se mortali crimine fatentur
pollutos. Concilium etiam Agathense, *can.* 42.
decernit Clericum, qui capitale crimen com-
miserit, deponi, & in Monasterium conjici,
Concilium similiter Toletanum *IV. can.* 52.
sancit eos, qui publicam agentes pœnitentiam,
mortale delictum publicè confessi sunt, non
posse Clericos ordinari. Et utique passim sacri
Canones, eos qui publicâ pœnitentiâ perfun-
cti sunt, ordinari vetant, ut infra suo loco
monstrabitur.

Secunda ista sententia probabilior est quàm
prima, secundum quam vel unicus actus odii,
invidiæ

Cap. XV. Ad Nicænos Canones I. & II. 79
invidiæ, aut libidinofæ cogitationis ab Ordinibus in æternum excluderet; quin etiam ordinatos redderet. Ordinum functionibus perpetuò inhabiles: unde uberrima scrupulorum & anxietatum seges emergeret, ob ambiguitatem sive memoriæ, sive iudicii circa ejusmodi culpas. Innumeris quoque viris aditus ad Ecclesiæ ministeria intercluderetur, eximiis & sanctitate morum, & animi dotibus, vixque unus, aut alter reperiri posset ad Clerum idoneus.

Tertia denique, maximeque omnium probabilis explicatio, est de completa per actum externum luxuria post Baptismum susceptum. Eaque conformis est canonibus 9. & 10. Concilii Neocæsareensis, de quibus superiùs actum est; & Eliberino canoni 30. Porro Nicænus iste canon refertur *distinct. 48. cap. quoniam*, Sanctus Augustinus Episcopus fuerat quidem fornicator, & hæreticus Manichæus; sed ante Baptismum, quo purgabantur irregularitates ex delictis, ut tradit undecimus canon Ancyranæ Synodi.

C A P U T XVI.

Ad Nicænum Canonem III.

STatuit Canon 3. Clerico nequaquam licere simul introductam (Græcè *κοινησάτωρ*) habere mulierem, nisi matrem, sororem, aviam, ve eas solas, quæ omnem remouent suspicionem.

76 *Notitia Conciliorum S. Ecclesia,*
nem. Citatur *cap. interdixit per omnia, dist. 52.*
Nulla uxoris hic mentio, non quia Clerico
habere liceret, sed quia nulla esse poterat ex
lege Clericalis cœlibatus, ut mox perspicuè
probabitur.

Paphnutii verò instantiam istiusmodi à nup-
tiis continentiae oppositam, cuius meminere
Socrates & Sozomenus, censendum est vel à
Socrate primùm confictam, à quo plurima de
more suo hausit sine ullo delectu Sozomenus,
vel potiùs à Græcis posteriùs insequutis, schif-
maticis, & continentiae clericalis adversariis
illic insertam, & suppositam; aut saltem si
quid habet veri, nullam fuisse illius habitam à
sacro Concilio rationem. Non enim posset eru-
ditus quispiam negare quanta districtione pri-
mis quinque sæculis universa ubique terrarum
Ecclesia sacro Clero conjugium interdixerit,
ut subinde commonstrabo testimoniis & exem-
plis, quibus refragari nemo possit. Postero-
res quidem Græci, qui se schismate ab Ec-
clesia divulserunt, matrimonii usum Episcopis
subtrahunt, ac prohibent, sed inferioribus Sa-
cerdotibus permittunt, si jam fuerant tempore
ordinationis suæ conjugati: nova enim con-
trahere post ordinationem connubia non per-
mittunt, ut ex schismaticæ Synodi Quinisextæ
canone 12. liquet.

Operæpretium faciam proferendo Canones
& scripta Patrum, ex quibus clarescet prisca
circa istud veteris Ecclesiæ, tam Græcæ, quàm
Latinae disciplina & ritus. Sciendum in primis,
continentiæ hujus præceptionem non esse ab-
solutè

solutè divini juris ; alioqui namque non licuisset Generalibus Conciliis Lugdunensi, & Florentino dispensare cum Sacerdotibus Græcis circa Matrimonii ante ordinationē initi vsum. Neque valuisset Ancyrana Synodus *canone* 10. quem refert Gratianus *can. Diaconi, distinct.* 28. Diaconis permittere uxorum consuetudinem, si ante ordinationem protestati coram Episcopo fuerint, nolle se, aut non posse continentiae lege astringi. Jure tamen Ecclesiastico, atque ab ipsis Apostolis tradito (Apostolicarum enim traditionum aliæ divini juris sunt, aliæ Ecclesiastici) illicita est Sacerdotum, & Diaconorum cum uxoribus consuetudo, votumque continendi sacris Ordinibus annexum.

Concilium Eliberinum sub ipsis Gentilium persecutionibus habitum, sic decernit *can.* 33. *Placuit in totum prohibere Episcopis, Sacerdotibus, Diaconis, & Subdiaconis positis in ministerio, abstinere se à conjugibus, & non generare filios : quod quicumque fecerit, honore Clericatus exterminetur.*

Concilium Carthaginense secundum *can.* 2. *Ita (inquit) placuit & condecet Sacrosanctos Antistites, & Dei Sacerdotes, necnon Levitas, vel qui Sacramentis divinis inserviunt, continentes esse in omnibus, quò possint simpliciter quod à Deo postulant, impetrare : ut quod Apostoli docuerunt, & ipsa servavit antiquitas (obsetva testimonium de veteri Ecclesiæ usu, & Apostolica traditione) nos quoque custodiamus. Ab universis Episcopis dictum est : Omnibus placet, ut Episcopi, Presbyteri, Diaconi, & qui Sacramenta con-*
triciant

78 *Notitia Conciliorum S. Ecclesiæ,*
træctant, pudicitia custodes etiam se ab uxoribus
contineant.

Hoc idem renovatur in Concilio Carthaginensi quinto, *can. 3.* & in Arelateni secundo, *can. 2.* cujus verba sunt ista: *Assumi aliquem ad Sacerdotium non posse sub matrimonii vinculo constitutum, nisi fuerit promissa conversio.* Et *can. 3.* *Si quis de Clericis à gradu Diaconatus in solatio suo mulierem, præter aviam, & matrem, & neptem, sororem, filiam, vel CONVERSAM SECUM UXOREM habere præsumpserit, à communione alienus habeatur: par quoque mulierem, si se non separaverit, pœna percellat.* Hoc Arelateni canone permittitur cohabitatio uxoris, sed continens, nec maritalis, ut perspicuè constat ex canone præcedenti, & ex voce *Conversam.* Qua eadem ratione intelligendus est Canon ille Apostolorum sextus, quo Græci abutuntur, & cujus obtentu veriti non sunt in Pseudosynodo Quinisexta damnare Romanam Ecclesiam. Vult autem canon ille sextus, Apostolis vulgò adscriptus, ut Episcopi, & Sacerdotes, & Diaconi curam uxorum habeant, nec eas religionis specie abjiciant, quemadmodum curam etiam gerere tenentur matris, aviæ, & sororum, sine ullo cubilis consortio. Quæ verò sit canonum apostolis attributorum vis & autoritas, pertractavi jam in appendicè ad Concilia circa reprobationem Baptisimi hæreticorum habita.

Agathense Concilium cœlibatum Clericorum astringit *can. 28.* Item Turonense secundum *can. 20.* ita sancit: *Si inventus fuerit Presbyter*
cum

Cap XVI. Ad Nicæn. Canon. III. 79
cum sua Presbyteria, aut Diaconus cum sua Diaconia, aut Subdiaconus cum Subdiaconia (sic vocabantur post ordinationem, quas illi antea duxerant) annum integrum excommunicatus habeatur : & depositus ab omni officio clericali, inter laicos se obsecrare cognoscat.

Hieronymus lib. 1. contra Iovinian. non modò de Sacerdotum cœlibatu testificatur, sed argumento deducto ex Apostolo, qui vult ipsos etiã Laicos ad tempus à conjugio abstinere, ut orationi vacent, 1. Cor. 7. cœlibatum clericalem his verbis roborat : Si Laicus, & quicumque fidelis orare non potest, nisi careat officio conjugali, Sacerdoti, cui semper pro populo sacrificia offerenda sunt, semper orandum est : si semper orandum est, igitur semper matrimonio cendum. His conformia docet Ambrosius lib. 1. de offic. c. ult.

Leo Magnus epist. 82. c. 3. & 4. ad Anastasium, sic scribit : Omnium Sacerdotum tam excellens est electio, ut hac quæ in aliis Ecclesiæ membris vacant à culpa, in illis tamen habeantur illicita. Nam cum extra Clericorum ordinem constitutis nuptiarum societati, & liberorum procreacioni studere sit liberum ; ad exhibendam tamen perfectæ continentie puritatem, nec Subdiaconis quidem connubium carnale conceditur, ut & qui habent, sint tanquam non habentes, & qui non habent, permaneant singulares. Quod si in hoc ordine, qui quartus est à capite, dignum est custodiri, quantò magis in primo, vel in secundo, tertiove servandum est ? ne aut in Levitico ministro, aut Presbyterali honore, vel Episcopali excellentia quisquam idoneus aestimetur, qui se à voluptate

ubique quidem Lectoribus & Cantoribus, sed in aliquibus dumtaxat provinciis.

Origenes homil. 23. in Num. *Illius* (inquit) *solius est offerre Deo sacrificium, qui indefinenti & perpetua se devoverit castitati.*

Eusebius lib. 1. demonstr. Evang. cap. 9. *Verruntamen*, (ait) *eos qui sacrati sunt, atque in Dei cultu & ministerio occupati, continere se deinceps ab uxoris commercio decet.*

Basiliius epist. 17. inter posterius additas, Sacerdotem septuagenarium, qui dimissam in sua ordinatione conjugem, in suas iterum ædes receperat, acriter objurgat, & mandat ut Presbyteram suam in Monialium Monasterium dimittat : & ei canonem istum Nicænum proponit, quem ab eo violatum conqueritur.

Chrysostomus homil. 2. de patientia Iob, ita loquitur : Sic dicit Apostolus, unius uxoris virum, non ex ratione, ut id nunc ab Ecclesia observetur ; oportet enim omni prorsus castitate Sacerdotem ornatum esse.

Epiphanius ad finem operis contra hæreses, sic loquitur : Sanctorum Sacerdotum ex virginibus ut plurimum, aut ex solitariis, aut si hi ad ministerium non suffecerint, ex his constituitur, qui propriis ab uxoribus se continent. Et si quis ab initio continens fuerit, aut viduus, habere potest locum Episcopi, Presbyteri, aut Diaconi, aut Subdiaconi. Idemque hæresi 59. quæ est Catharorum : Sed & adhuc (ait) liberos gignentem unius uxoris virum Ecclesia non ascripsit, sed eum qui se ab una continuit, aut in viduitate vixit Diaconum, aut Hypodiaconum ;

82 *Notitia Conciliorum S. Ecclesiæ,*
aut Episcopum, aut Presbyterum, maxime ubi
sinceri sunt Canones Ecclesiastici. At dices mihi,
quibusdam in locis filios gignere Presbyteros, Dia-
conos, aut Hypodiatonos: at non est juxta Cano-
nem, sed hominum mentem, quæ per tempus elan-
guit.

Ex his postremis Epiphaniî verbis colligitur, eo jam tempore alicubi suboriri cœpisse illam, quam Græci hodierni consuetudinem servant. Certè sub Justiniani primi vitæ finem illam tandem prævaluisse in Oriente inde infero, quia cùm ejus novella sexta cap. 5. dicat: *Nihil ita in sacris ordinationibus diligimus sicut in castitate viventes, aut cum uxoribus non cohabitantes: & c. postmodò, novella 22. cap. 24. nihil amplius circa Clericorum continentiam statuit, quàm quæ nunc temporis Græci communiter servant ex præscripto Synodi Quiniseptæ cap. 12. vel 13. Quod enim summarium novellæ dicit de uxoris dimissione, addititium est, nec prorsus in textu legitur.*

C A P U T X V I I.

Ad Nicanum Canonem IV.

Quartus Canon Nicænus decernit, *Constitui & ordinari Episcopum ab omnibus aliis, si fieri possit, Provinciæ Episcopis: sin minus à tribus saltem congregatis, accedentibus reliquorum absentium suffragiis, unà cum Metropolitanæ consensu. Refertur in cap. Episcopum ab omnibus, distinct. 64. Et reperitur in Concilio Nicæno secundo*

cundo *can.* 3. Nullatenus hîc audiendus Theodoros Balsamon, scribens in hunc canonem 4. Episcopos olim quidem fuisse ab universa plebe electos. Quia tamen in hisce popularibus comitiis multa jactabantur indecora in eos, quorum proponebatur electio, fuisse in isto Nicæno canone consuetudinem illam abrogatam, statutumque ut soli Episcopi eligerent. Sed errat Balsamon, cum nullum hîc appareat abrogationis vestigium, & constet fuisse peræquè post Nicænum Concilium admissa ubique in Episcopis eligendis populi suffragia; sic tamen, ut moderationi, & regimini subessent Episcoporum: quemadmodum Athenis *ὑπὸ τοῦ* popularibus suffragiis præerant, ut docet Julius Pollux *lib.* 8.

Et utique Sanctus Athanasius, qui Diaconus in hac Synodo interfuerat, evehctus postmodum fuit ad Patriarchalem Alexandriæ Sedem universæ plebis suffragiis, ut refert Gregorius Nazianz. *orat. in ejus laud.* Cœlestinus quoque Romæ Papa *epist.* ad Episcopos Narbonensis provinciæ, *cap.* 5. *Nullus (ait) invitis detur Episcopus: Cleri, plebis, & ordinis consensus requiratur.* Simile scribit Leo Magnus *epist.* 89. Et secundum Arelatense Concilium statuit *can.* 54. ut tres ab Episcopis nominentur, de quibus Clerici, & Cives potestatem habeant unum eligendi. Id confirmatur Concilii Cabilonensis *can.* 10. & Carthaginensis quarti *can.* 1. Præterea Synesius *epist.* 76. refert Antonium Episcopum fuisse ab universo populo Olbiatarum creatum. Synodus autem Nicæna id unum

sanxit, ut novi Episcopi electionis, atque ordinationis cura, præfecturaque sit penes Metropolitenum; cæterique Episcopi ad ejus, qui electus fuerit, ordinationem conveniant; fiatque ordinatio hæc utminimùm à tribus.

Porro in Episcopi novi consecratione requirunt sacri Canones Episcopos tres. Præter enim Nicænum istum Anacletus *epist.* 2. citata in Decreto *dist.* 66. *can. fin.* & Anicetus *epist.* 1. ambo Pontifices, qui Apostolorum ætate vixerant, non modò istud de tribus Episcopis ordinato-ribus præscribunt, sed etiam Apostolos hoc tradidisse confirmant. Quin etiam à tribus Apostolis, Petro, Jacobo majore, & Joanne fuisse Jacobum minorem fratrem Domini consecratum Jerosolymæ Episcopum, ut hoc facto traderetur in posterum ordinationum Episcopaliū ritus & forma, memorat Anacletus. Qui primus est Canon Apostolorum, præscribit, ut Episcopi à duobus, aut tribus Episcopis ordinentur. Innocentius Papa *epist. ad Victricium Rhotomagensē Episcopum*, prohibet quemquam Episcopum consecrari, nisi à tribus Episcopis. Synesius item *epist.* 67. *ad Theophilum Alexandrinum*, Siderium contra leges Ecclesiæ perhibet renuntiatum Palæbiscæ Episcopum, quatenus nec Alexandriæ Episcopus facto isti consensit, neque fuit à tribus consecratus Episcopis. Denique in Concilio Rhegiensi reprobat Armentarii ordinatio, qui fuerat renuntiat Ebreduni Episcopus; tum eo nomine, quòd tres Episcopi ad eam non intervenirent, tum quòd Metropolitanus consensus defuerat: quæ
tamen

tamen simul utraque requirit quartus hic Nicænus Canon. Quinimò Concilium Arelatense primum *can. 21.* exigit, ut qui Episcopum consecrat, septem secum alios assumat Episcopos: ubi verò compleri numerus ille non poterit, ne minùs quàm tres Episcopi interveniant.

Quæstio illustris est, sit-ne de necessitate quoque Sacramenti, an solùm de necessitate præcepti, ut tres hîc interveniant Episcopi? Tres ventilantur in hac re Theologorum sententiæ. Contendunt aliqui hoc esse de Sacramenti necessitate, ut si secus fiat, nihil agatur. Alii contendunt, esse quidem de Sacramenti necessitate, non tamen absolute, sed hac restrictione, si non fuerit ab Ecclesia dispensatum, ut secus fiat. Quo etiam modo docent plerique circa Confirmationis Sacramentum, esse de Sacramenti necessitate, ut administretur ab Episcopo; ubi tamen intervenierit Papæ, aut Concilii generalis dispensatio, posse simplicem Sacerdotem esse illius ministrum. Tertia demùm opinio est, posse etiam citra dispensationem suscipi validè ordinationem, & characterem Episcopalem, tametsi illicitè, ab unico etiam Episcopo. Præcitatus quidem Anicetus Pontifex declarat ejusmodi ordinationes viribus carere, atque irritas esse. Illius tamen Canonis glossa id exponit de exequutione officii, hoc est, ut non liceat sic ordinato illa exequi, quæ sunt muneris Episcopalis, donec dispensisetur.

Tertia hæc potior sententia est, propter illa quæ sequuntur argumenta. Primum enim Innocentius Papa *epist. 22. ad Bonifacium*, dissi-

86 *Notitia Conciliorum S. Ecclesiæ,*
dium componens Antiochenum , mandat eos,
qui fuerunt ab Evagrio Paulini in Sede Antio-
chena successore ordinati, recipi cum suis or-
dinibus, & honoribus. Et tamen Evagrius con-
tra sacras Ecclesiæ leges fuerat à solo Paulino
ordinatus Episcopus , ut fidem facit Theodo-
ritus *lib. 5. hist. Eccl. cap. 23.*

Synesius perhibet de Siderio superius me-
morato, fuisse ab uno Episcopo Cyrenensi Phi-
lone consecratum Episcopum , neque id tamen
obstitisse quominus magnus Athanasius absque
nova consecratione cum ipso dispensaverit,
eumque ad Ecclesiæ Metropolitanæ clavum
admoverit.

Ad hæc Synodus Regiensis cum præfato
Armentario dispensavit, ut baptizatos, & neo-
phytos confirmaret : cùmque ordinatis ab Ar-
mentario Clericis , si sint alioqui vitæ incul-
patæ, ut in Ordinum ministerio retineantur.

Apostolorum etiam præcitatus Canon pro-
bat Episcopi consecrationem à duobus factam
Episcopis.

Simon Apostolus apud Clementem Papam
lib. 8. constit. Apost. cap. 27. sancit valere Episcopi
ordinationem à duobus factam Episcopis : &
hoc addit licere in necessitatis casu , Episco-
pum ab unico Episcopo consecrari.

Item Dionysius *lib. Hier. Eccles.* describens
Episcopi inaugurandi ritum , meminit unius
dumtaxat Episcopi consecrantis.

Idque amplius inde confirmatur, quod fieri
vix poterat ut Apostoli totum terrarum orbem
peragrans , novasque in provinciis, ad quas
accede

Cap. XVII. Ad Nicanum Canon. IV. 87
accedebant, fundantes Ecclesias, copiam semper habere possent Episcoporum, quos passim constituerent, aut quorum ope novos Episcopos ordinarent.

Testatur Henriquez *Summe sua tom. 1. lib. 18. cap. 24.* Papam Gregorium XIII. dispensasse cum recens à se constituto Æthiopiæ Patriarcha è Societate Jesu, ut solus sine assistentibus Episcopis posset novos Episcopos consecrare, ubicumque operæpretium esset.

Quærenti Augustino Angliæ Primati, quot sint Episcopi necessarii ad novum Episcopum consecrandum? respondit Gregorius Magnus *resp. 8.* ad interrogata Augustini verbis quidem obscuris, quorum tamen hic est genuinus sensus. Cum sit solus in Anglia Episcopus Augustinus, expectandos esse ex vicina Gallia Episcopos, qui novos Episcopos ordinaturo Augustino assistant; & postmodum adhibendos esse noviter ordinatos in Anglia Episcopos ad novam aliorum consecrationem.

C A P U T XVIII.

Ad Nicanos Canones V. VI. VII.

Quintus Canon sancit, *Latam excommunicationem, sive in Clericum, sive in Laicum, per sententiam proprii ipsorum Episcopi, servandam esse in aliis quoque provinciis, aut Parochiis, ad quasque transferit excommunicatus; neque ab aliis ullibi Episcopis posse reconciliari, & ad*

§ 8 *Notitia Conciliorum S. Ecclesie,*

communione Fidelium admitti. Quæ sanctio inserta legitur in Gratiani Decreto 11. q. 2. *can. servetur ista sententia.* Eademque renovatur in Concilio Sardicensi *can. 13.* Solùm itaque superest excommunicato remedium vel absolutionis, vel recursus ad superiorem Antistitem per appellationem, quæ tamen haud suspendit excommunicationem, de qua fuerit appellatum, sed ad superius Tribunal devolvit, juxta *cap. cum ad hæc, de appellat.* Sanè ubi excommunicationis sententia esset apertè invalida, ut si nulla præcessisset præmonitio, eo casu nullatenus ligaret, nec esset opus appellatione, *cap. statuimus, de sent. excommunic. in 6. & cap. 1. de sent. & re judic.* Est enim excommunicatio ferenda non modò in peccatorem, sed etiam in contumacem, alioquin irrita.

Præscribit hic idem Nicænus Canon quintus, ut singulis annis bis convocentur ad Synodum omnes in singulis provinciis Episcopi. Primum quidem appetente Quadragesimæ tempore, deinde autumnò: atque ut Synodus examinet prolatas à singulis per Parochias Episcopis sententias, quæ ibi, prout videbitur, vel confirmabuntur, vel corrigentur, vel revocabuntur. Eandem iterat constitutionem Concilium Antiochenum *can. 20.* & Oecumenicum Chalcedonense *can. 19.* & Leo Papa I. *epist. 82, cap. 7.* Quæ simul omnia compilantur in Decreto Gratiani, *dist. 18.* Quin etiam Apostolorum Canon 37. jubet quotannis Episcoporum provinciæ convocari Synodos, tum hebdomade quarta Pentecostes, tum die duodecima mensis

Cap. XVIII. Ad Nicæn. Can. V. & seq. 89
mensis Hyperberetæi, qui nostro ferè Octobri
responder, ibique appellationum causas termi-
nari, singulorumque Episcoporum prolatas in
Parochiis sententias & acta examinari.

Hoc ipsum olim Romanus quoque Ponti-
fex singulis annis servabat, duasque Synodos
Episcoporum cogebat. Primam quidem Pro-
vincialem convicinarum Antistitum, quibus
præstet speciali titulo Metropolitanis: secun-
dam nationalem mense Octobri, Italiæ, atque
Siciliæ Episcoporum, quibus ipse præficitur
speciali jure Primatis. Hujus rei notitiam sup-
peditat Leonis Magni epistola 62. ad Episco-
pos Siciliæ, *cap. 4.* his verbis: *Ut quia saluber-
rimè à sanctis Patribus constitutum est, binos in
annis singulis Episcoporum debere esse conventus,
terni semper ex ipsis ad diem tertium Kalendas
Octobris Romam fraterno Concilio sociandi oc-
currunt.* Nonnunquam etiam, sed rariùs, coge-
bat summus Pontifex, ut Occidentis Patriar-
cha, Concilium Episcoporum, non modò Ita-
liæ, & Siciliæ, sed etiam Galliæ, Hispaniæ,
Britanniæ, Africæ, Illyrici, quale superiùs vi-
dimus Arelatense in causa Donatistarum. De-
nique ad Romanum spectat Episcopum, ut sum-
mum univèrsi gregis Dominici Pastorem, Con-
cilii Oecumenici convocatio.

Nicænus Canon 6. sic ait: *Antiqui mores
serventur in Ægypto, Libya, & Pentapoli, ut
Alexandrinus Episcopus horum omnium habeat
potestatem, quandoquidem & Episcopo Romano
hoc est consuetum. Similiter & in Antiochia, &
in aliis provinciis sua privilegia Ecclesiis ser-*

ventur. Illud autem est omninò manifestum, quod si quis absque Metropolitanì sententia factus sit Episcopus, eum magna Synodus definit esse Episcopum non oportere. Hæc sunt Canonis verba, cui tamen initium deest, supplendum ex Concilii pariter Oecumenici Chalcedonensis actione 16. ubi Nicænus iste Canon sic allegatur à Paschasino Apostolico Legato: *Ecclesia Romana semper habuit principatum, consuetudo viget in Ægypto, &c.* Deinde eadem actione Chalcedonenses Patres sic prosequuntur: *Videmus omnes ante omnia primatum, & præcipuum honorem, SECUNDUM CANONES Dei amantissimo Archiepiscopo veteris Romæ conservari.* Rufinus Canonem istum verbis ambiguis, atque adedò intelligentiâ, & constructione vacuis, non tam vertit, quàm pervertit: nec ille tanti est, ut ejus ineptiis sit immorandum. Ista porrò Canonis verba, ἡ τῆς Ῥώμης ἐπισκοπῆς τὸ πρῶτον: quandoquidem & Episcopo Romæ hoc est consuetum; sic intelligenda sunt, ut idedò præfata in Ægyptum, Libyam, & Pentapolin Alexandrino Præfuli competat auctoritas, quia id ei jus tribuere solet Romanus Episcopus.

Joannes Morinus, Oratorii Domini Jesu Sacerdos ingenio & doctrina consummatissimus, in suis eruditissimis exercitationibus Ecclesiasticis, de limitibus trium Patriarchatuum Romani, Alexandrini, & Antiocheni, fusè disputat, commonstratque universam Africam, præter regionem Ammoniacam, quam Alexandrinus Patriarcha complectebatur, pertinuisse

Cap. XVIII. Ad Nicæn. Can. V. & seq. 91
niisse ad Romanum Episcopum, spectatum ut
Occidentis Patriarcham.

Idemque probat Patriarchæ Antiocheno
subiectas fuisse omnes Orientis Ecclesias ab
Hellesponto usque ad Euphratem & ultra, Sa-
nè compertum est, fuisse semper Antiochiā,
etiam in civili partitione, totius Orientis Me-
tropolin: sic enim eam vocat Zosimus *lib. 1.*
historia, & Chrysostomus, civis ipse Antio-
chenus, *homil. 3. ad popul. Antioch.* & Hierony-
mus adversus errores Joannis Jerosolym. Quia
verò multiplex olim erat Orientis acceptio,
prima quidem, quæ Thraciam & Mysiam (quæ
postmodum Bulgarix sortita est nomen) om-
nemque Asiam ab Hellesponto ad Tygrim am-
nem, quin etiam Ægyptum ipsam, & Libyam,
atque Pentapolin complectebatur. Has enim
regiones omnes moderabatur à Magno Can-
stantino Augusto constitutus Præfectus Præ-
torio Orientis, ut testatur Zosimus *hist. lib. 2.*
Nec multum differt hæc Præfecti Prætorio
Orientis sortitio à partitione provinciarum
Orientis, quæ Constantino ex Constantini
patris testamento obtigit, necnon ab ea, quæ
obvenit Arcadio, cui Theodosius pater Orien-
tem, quemadmodum Honorio Occidentem;
in Imperium concessit. Altera est Orientis sig-
nificatio multò contractior pro Syria, Phœ-
niciaque, & Mesopotamia. Præfecto Prætorio
Orientis subiectæ erant quinque istæ Dicece-
ses, Ægypti, Asianæ, Ponticæ, Thraciæ, &
specialis Orientis, ut docet liber notitiæ Im-
perii, quem eruditis commentariis illustravit
Panci

92 *Notitia Conciliorum S. Ecclesie,*
Panzirolus, & insuper lex 2. & 3. *C. de milit. & e-*
ste, lib. 2. & lex ultima, *C. de diversis offic. lib. 12.*
his adde legem 1. *C. ut nemo ad suum patrocini-*
suscipiat. Singuli harum Diœcesum Præfeti
dicebantur Vicarii. Cæterum specialis Diœce-
sis Orientis Vicarius dicebatur speciali nū-
cupatione, *Comes Orientis.* Ad hanc specialem
Orientis Vicariam pertinebant omnes illi Epi-
scopi Orientales, qui Joannem Patriarcham
Antiochenum ad Ephesinum Concilium comi-
tati fuerunt, multasque turbas adversus Cyril-
lum, & Oecumenicam Ephesi Synodum, ut in-
frà suo loco videbimus, concitarunt. Et con-
stituebant Exarchiam, seu Primatum Antio-
chenum: ipsa verò Antiochena Patriarchia ad
Hellespontum protendebatur, Asiam minorem
& Ponticam complectens.

Tertia denique Orientis acceptio protendi-
tur ab ora Asiatica litoris Ægæi versus Solis
ortum, deducta Ægyto, Libyaque. Et secun-
dum hanc designationem Antiochensis Pa-
triarchia, seu Ecclesiastica Patriarchæ Antio-
cheni Diœcesis omnes Orientis Ecclesias re-
gebat, & cum majori Asia minorem Asiam
simul, & Ponticam comprehendebat. Syno-
dica Nicæni Concilii ad Ecclesias Ægypti epi-
stola, loquens de sedata veteri circa Paschalem
diem contentione, affirmat Orientales, qui
hac in re Judæos consectabantur, eodem post-
hac die Pascha celebraturos, quo reliquæ or-
bis Ecclesiæ. Perspicuum verò est illos, de
quibus dicit, Orientales Quartadecumanos,
fuisse Asiæ minoris incolas, quorum princeps
Eccle

Ecclesia erat Ephesina Metropolis, ut legitur apud Eusebium *lib. 5. histor. cap. 22. 23. 24.* Epiphanius insuper *heresi 70.* Audianorum ait in celebranda Paschali solennitate dissidium exarsisse inter Orientem & Occidentem: quibus locis sub nomine Orientis intelligitur Asia minor, quæ nunc etiam Anatolia, id est Oriens, nominatur. Et verò testatur Hieronymus *adv. error. Joan. Jerosol.* Metropolin TOTIUS ORIENTIS esse Antiochiam, nimirum ab Asiatico litore ad Indos. Itaque postmodum ad constituendum Constantinopoli Patriarcham, Provinciæ Asianæ, & Ponticæ ab Antiocheno Patriarchatu decisæ sunt, & Thracia subducta Romano fuit Episcopo.

Canon Nicænus 7. *Mos* (ait) *antiquus obtineat, ut Ælia, id est Jerosolyma* (quam Ælius Adrianus everfam instauraverat) *Episcopus honoretur, salva Metropolis propria dignitate.* Tamen si Jerosolymorum Ecclesia cæteras omnes antiquitate præcesserit, fueritque Domini prædicatione, miraculis, morte, & resurrectione decorata, & præterea Spiritus Sancti descensu, primisque Apostolorum prædicationibus, Jacobi etiam Apostoli sede & martyrio, multisque aliis nominibus incluta; nihilo secius Metropoli Cæsareæ Palestinæ subiecta, suffraganeaque fuit, aded ut à Jerosolymitani Episcopi judiciis ad Cæsareensem devolverentur appellationes, ut fidem faciunt Hieronymus ad Pammachium, & *lib. adv. error. Joan. Jerosol.* & Leo Magnus *epist. 62. ad Maximum Antiochenum.* Suprema verò jura Præsulis Jerosoly

94 *Notitia Conciliorum S. Ecclesiæ,*
 rosolymitani in solis majoribus Synodis efful-
 gebant, in quibus ille secundo ab Antiocheno
 Patriarcha loco sedebat. Veruntamen in Pro-
 vincialibus Synodis Metropolita Cæsarensis
 præsidebat, eique proximè assidebat Eliæ Epi-
 scopus. Hinc factum, ut in Synodo coacta Cæ-
 sareæ in Palæstina, in qua conclusum est con-
 tra Quartadecumanos, præfederit Theophilus
 Cæsarensis, cui assedit Narcissus Jerosolymi-
 tanus, ut colligitur ex Eusebio *lib. 5. hist. Eccles.*
cap. 15. simile postea accidit in Synodo Dio-
 spolitana. Require inferiùs, quæ hac de re ob-
 servamus ad canonem quintum Concilii Late-
 ranensis sub Innocentio III. deque nova ere-
 ctione Jerosolymitani Episcopatus in absolutum
 Patriarchatum.

C A P U T XIX.

Ad Canonem Nicanum VIII.

Octavus Canon studio pacis componendæ
 remittit de veterum Ecclesiæ Canonum
 severitate, eosque qui se Catharos dicunt (hi
 sunt Novatiani) ad Ecclesiæ unitatem rever-
 tentes, in pristinum restituit Episcopatus, vel
 Sacerdotii, vel alterius Clericalis Ordinis gra-
 dum; si tamen eidem Ecclesiæ alius jam non
 fuerit provisus Orthodoxus Episcopus. Quo
 casu cum qui ex Novatiani schismate eandem
 occupaverat Sedem, contentum esse jubet Sa-
 cerdotis

Cap. XIX. Ad Canonem Nicæn. VIII. 95
cerdotis, aut Chorepiscopi gradu: Ne, inquit,
in una civitate duo sint Episcopi. Canonem istum
designat Augustinus *epist. 110.* sic dicens: *Ad-*
huc in corpore posito beatæ memoriæ Patre, &
Episcopo meo sene. Valerio, Episcopus ordinatus
sum, & sedi cum eo: quod Nicæno Concilio pro-
hibitum esse nesciebam, nec ipse sciebat.

«Cæteroqui hæc ipsa Nicæna Synodus *can.*
10. lapsos ita excludit à Clero, ut si quis ali-
quando lapsus Clero ascriptus fuerit, aut ordi-
natus, deponi eum jubeat simul ac præcedens
ejus lapsus innotuerit. Et antea Synodus Elibe-
rina *can. 51.* quemcunque ex quavis hæresi con-
versum ita excludit à Clero, ut eos etiam, qui
fuerant ante hæresin ordinati, deponi præci-
piat. Cornelius Papa & Martyr in sua ad Fa-
bium Antiochenum epistola, penes Eusebium
lib. 6. hist. Eccl. cap. 35. ait se vixdum, idque in
gratiam universi populi pro eo supplicantis,
admisisse ad laicam communionem unum de
tribus Episcopis, graviter facti sui pœnitentem,
qui Novatiano manus imposuerant. Et refert
Cyprianus *epist. 52. ad Antonian.* ab eodem Papa
Cornelio Episcopum, olim schismaticum, sed
jam pœnitentem, Trophimum fuisse ad laicam
communionem admissum; sed tam effusæ beni-
gnitatis causam fuisse fratrum recolligendorum
necessitatem, quorum plurimi ductore Trophi-
mo ad Ecclesiæ unitatem se recipiebant. Idem
Cyprianus *epist. 64. & 68.* contendit non esse re-
cipiendos lapsos, quantumvis pœnitentes, ad
pristinum ordinis gradum. Testatur Augusti-
nus *epist. 162. ad Episcopos Donatistas, & in Bre-*
viculo

96 *Notitia Conciliorum S. Ecclesie,*
viculo Collat. Melchiadem Papam Donatistis
 Episcopis, qui à schismate discederent, condia-
 tionem obtulisse, ac decrevisse, ut ad Episco-
 pale ministerium admitterentur: & in quibus-
 cumque locis duo essent contrariarum partium
 Episcopi, confirmaretur is qui prior fuisset or-
 dinatus, alteri verò plebs alia regenda provi-
 deretur: quod Melchiadis propositum collau-
 dat Augustinus. Idemque *lib. 2. contra Cresco-*
num, cap. 11. & epist. 5. refert Africanum Con-
 cilium eadem ratione & necessitate adductum,
 pro lapsorum reductione, & Ecclesiastica pace
 restituisse Donatistas Episcopos ad pristinum
 dignitatis gradum: quam rem approbat, ad-
 ditque sub finem epistolæ quintæ, restitatio-
 nem quandoque factam in pristinos Episcopa-
 tus favore Arianorum in Ecclesiam redeun-
 tium: hoc tamen adjungens, citra gravem, &
 urgentem necessitatem insistendum constanter
 esse Canonum disciplinæ, prorsus interdicen-
 tium Clericis lapsis reditum ad priorem gra-
 dum. Similiter scribunt Socrat. *lib. 3. cap. 7. 8. 9.*
 & Theodorit. *lib. 3. c. 4. & 5.* Athanasium cum
 Alexandriam per Juliani Edictum postliminio
 revertisset, Synodum habuisse, quæ decrevit,
 ut Ariani Episcopi hæresin ejurantes pristinas
 Sedes recuperarent. Quam indulgentiam cum
 ægrè ferret Lucifer Episcopus Calaritanus, ita
 communionem averſatus est & redeuntium in
 Ecclesiam, & eosdem recipientium, ut novum
 ab eo schisma pullulaverit. Verum, ut ait Boni-
 facius Papa VIII. regula juris 78. *In argumen-*
tum trahi nequeunt, quæ propter necessitatem ali-
quando

Cap. XIX. Ad Nicanum Canon. VIII. 97.
quando sunt concessa. Denique Apostolis ascri-
ptus Canon 29. ait : Ne Episcopus , vel Pres-
byter , vel Diaconus justè depositus ministerium
pristinum resumat. Et Canon 61. Ne convictus
de crimine ad Clerum promoveatur. Et Canon
62. Ut lapsi Clerici deponantur , & si potentiâ
ducuntur , ne recipiantur , nisi ut laici.

C A P U T XX.

Ad Canones Nicænos XI. XII. & XIV.

CANONES Nicæni 11. & 12. tres distinguunt
Pœnitentium classes, *Auditorum, Prostra-*
torum, & citra oblationem Communicantium. Au-
ditores extra fores , atque in vestibulo Eccle-
siæ versabantur in summo luctu & squalore:
deinde post statutum tempus intra fores admit-
tebantur , divinorum Officiorum partem , &
concionem Evangelicam audituri ex loco val-
vis propinquiore, qui narthex dicebatur. Isti à
tergo erant alterius pœnitentium classis, quos
Prostratos vocabant. Qui omnes ad humum
demissi preces cum lacrymis ad Deum funde-
bant : mox jubebantur Diaconi voce de loco
sacro excedere Offertorii tempore , ne divinis
interessent mysteriis. Tertii denique Pœniten-
tes integræ Synaxi usque ad finem cum cæteris
Fidelibus assistebant, sed sacre Eucharistiæ mi-
nimè participabant.

Gregorius Thaumaturgus, & Basilus Mag-
nus in suis pœnitentiarum canonibus , alique

veteres publicè pœnitentium ordines quatuor distinguunt. 1. *πρόσκλησις*, fletum : 2. *ἀκρόασις*, auditionem : 3. *ὕπὸ πλάσις*, prostrationem : 4. *σύστασις*, consistentiam : quibus tandem succedebat *κοινωνία*, participatio divinorum. Exempli causâ Basiliius ei, qui mœchatus fuerit, præscribit in suis ad Amphilochoium Canonibus annos pœnitentiæ publicæ quindecim: quatuor annos in fletu, quinque inter audientes, quatuor inter prostratos, reliquum inter consistentes.

Gregorius Neocæsareensis *can.* 11. flentes ait excludi à foribus Ecclesiæ, audientes intra fores admitti, versarique in narthece, juxta januam post catechumenos; sed ipsos omnes antequam celebrentur ineffabilia Dei mysteria, cum catechumenis depelli foras; & consistentes demùm unà cum populo fideli ad finem usque Sacrificii persistere, privari tamen Eucharistiæ participatione. At verò Judæis, & Gentilibus, ipsisque Hæreticis permittebatur intra Ecclesiam consistere, atque Dei verbum, Psalmosque audire usque ad finem Missæ, siue Collectæ Catechumenorum, id est usque ad Offertorium, ut fidem facit Carthaginense Concilium IV. *can.* 84. solis verò pœnitentibus primæ classis interdicebatur Ecclesiæ ingressu.

Pœnitentium habitus erant pullæ vestes cinere conspersæ, sacci, cilicia, squalor capitis inculti, totiusque corporis neglectus: severis præterea jejuniis, orationum frequentiâ, vigiliis, chameuniis, aliisque *Χλιδωροποιίαις*, seu asperitatibus jugiter exercebantur: à deliciis, conviviiis,

conviviis , balneis , & hominum congressibus abstinere , nec eis militare licebat , vel inire conjugia : hæc docent Arelatenſe Concilium ſecundum *can. 11*. Leo Magnus *epiſt. 92. cap. 11. & 12*. Tertull. *lib. de pœnit.* Pacian. *paren. ad pœnit.* Hieronym. *in epitaphio Fabiola*, quo hujus ſanctæ viduæ graphicè deſcribit publicam in Baſilica Laterana pœnitentiam : & Concilium Agathenſe *can. 15.* & Toletanum III. *can. 12.*

Nec verò ſemper publicæ fiebant ob publicè nota delicta pœnitentiæ , ſed plerumque etiam propter occulta. Itaque publica confefſio non ſemper publicam pœnitentiam comitabatur , ut ex Ambroſio colligitur *lib. 1. de pœnit. cap. 16.* Si quis (inquit) *occulta crimina habens*, propter Chriſtum tamen pœnitentiam ſtudioſè egerit, quomodo iſthic recipiet , ſi ei communio non refunditur ? Ibi verò , imò toto illo opere , non de alia , quàm de publica tractat pœnitentia. Subjungit enim : *Volo veniam reus ſperet , petat eam lacrymis , petat gemitibus , petat totius populi fleſibus.* Idemque *lib. 2. de pœnit. cap. 10.* hortatur ad publicam pœnitentiam , quos ab ea pudor deterrebat. Hoc verò utitur argumento , non eſſe cur eos pudeat Deo publicè ſupplicare , & humiliari , cùm ipſos non pudeat ſua peccata homini , quem ipſi lateant , confiteri. An , inquit , *pudeat te Deo ſupplicare , quem non lateſ , cùm te non pudeat peccata tua homini , quem lateſ , confiteri ?* Quæ Ambroſii ratio prorfus inepta foret depellendo pudori , ſi publica exomologèſis , ſeu confefſio , indivulſa ſemper eſſet cum publica pœnitentia ; cùm nemo ignoret

100 *Notitia Conciliorum S. Ecclesie,*
graviorem multò pudorem nasci ex publica ad
universum populum confessione criminis an-
teà ignoti,quàm ex privata,secretaque ad unum
Sacerdotem. Hoc igitur Ambrosii loco,pudor
exurgens ex publica pœnitentia, cujus tamen
causa ignoretur, cum pudore confertur,quem
parit secreta penes unum Sacerdotem manife-
statio. Præterea Concilium Toletanum I.V.
can. 52. statuit per publicam pœnitentiam, in
qua nulla fuerit publica delicti confessio, ne-
minem ab Ordinibus Ecclesiasticis excludi.
Nam alioquin publica pœnitentia perpetuam
pariebat ad Ordines Ecclesiasticos irregulari-
tatem, ut docent Origenes *lib.2.contra Celsum,*
Hieron. *dial.advers. Luciferianos,* Siricius Papa
epist.1. cap.1. aliique communiter Patres.

Absolutio, quam veteres manuum imposi-
tionem, reconciliationem, pacisque commu-
nionem vocabant, nunquam (secluso mortis
discrimine) impertiebatur pœnitenti, nisi post
transactum omne, secundum Canones, pœni-
tentia tempus, ut liquidò testificantur Cypria-
nus *epist.11. ad Antonianum,* & *epist.59. ad Fi-
dum,* & Canones passim Eliberini,& hujus Ni-
cænæ Synodi Canon 13. statuens ne cuiquam
in fine vitæ Viaticū negetur : sed si sumpta re-
conciliatione,atque viatico,æger de periculoso
morbo convaluerit, jubet canonicæ pœniten-
tiæ tempora continuari, eoque durante negat
esse administranda Sacramenta. Mos quidem
aliquando vixit sub Paganorum infectationi-
bus, ut prolatis Confessorum,ac Martyrum li-
bellis ac precibus, Episcopi citiùs veniam, pa-
cemque

cemque pœnitentibus darent ; sed in contrarium gravissimi viri sæpenumero reclamarunt, Cyprianus, Tertullianus, atque hoc ultrà fieri vetuerunt Synodus passim Eliberina , & Arelatenfis can. 9.

Nunquam verò Pœnitentibus reconciliatio intra Ecclesiam indulgebatur , quin simul sacra eis daretur Eucharistia. Perspicuè namque Ambrosius lib. 2. de pœnit. cap. 3. dicit : *Quotiescumque peccata donantur , corporis ejus Sacramentum sumimus , ut per sanguinem ejus fiat peccatorum remissio.*

Quæ verò crimina erant publicâ expianda pœnitentiâ , ad tria potissimum genera reducuntur , infidelitatem , luxuriam , & homicidium , ut docent Tertul. de pudicit. cap. 1. & 12. Pacianus Barcinonensis Episcopus paranesi ad pœnit. Gregorius epist. 92. ad Rusticum Narbonensem Episcopum. His adde falsi crimen, & calumniam , ex Agathensis Concilii canone 32. aliaque peræquè gravia delicta , ut colligitur ex plerisque veterum Patrum canonibus pœnitentialibus. Et hæc sufficiant ad notitiam publicæ , quæ undecim sæculis vixit , pœnitentiæ.

Canonis 13. circa ægrotos pœnitentes decretum paulò ante proposui , ut eis de vita periclitantibus Communio Eucharistica exhiberetur : sed ubi convaluerint , ad pœnitentiam , donec tempus præscriptum expleverint , revocentur.

Canon 14. Diaconis prohibet , ne Presbyteris ausint Eucharistiam sacram porrigere,

hanc addens rationem, quâ Calvinistarum hæ-
 resis Sacrificium incruentum adorta proflige-
 tur: ἔτι ὁ χάρις, ἔτι ἡ συνήθεια- παρέδωκε τὸς
 ἑξῆς μὴ ἔχοντας προσφέρειν, - οἷς προσέειπεν
 Διδόναι τὸ ἶναι τῷ Χριστῷ Neque lex, neque
 consuetudo tradit, ut qui offerendi potestatem
 non habent, his qui offerunt, dent corpus
 Christi. Sed expressior in actis Concilii istius
 habetur declaratio apud Gelasium Cyzicenum,
 quam multis glossematis eludit, & obscurare
 nititur Calvinus *lib. 4. institut. cap. 17. §. 36.* At
 inepta ejus glossemata eluduntur Nicæni hu-
 jus testimonii perspicuis verbis: *Iterum etiam*
hic in divina mensa, ne humiliter intenti simus
ad propositum panem & calicem; sed attollentes
mentem, fide intelligamus situm in sacra illa men-
sa illum Dei Agnum tollentem peccata mundi, in-
cruentem à Sacerdotibus immolatum; & pretio-
sum ipsius Corpus, & Sanguinem verè nos su-
mentes credere hac esse nostra resurrectionis sym-
bola; propter hoc enim neque multum accipimus,
sed parum, ut sciamus non ad satietatem, sed ad
sanctificationem sumi. Ita loquitur Nicæna hæc
 Synodus. Sacrificium Eucharisticum suo va-
 ticipinio firmat Malachias Propheta, qui *cap. 1.*
 sic Deum loquentem inducit: *Non est mihi vo-*
luntas in vobis, dicit Dominus exercituum, &
munus non suscipiam de manu vestra: ab ortu
enim Solis usque ad occasum magnum est no-
men meum in Gentibus, & in omni loco sacri-
ficatur, & offertur nomini meo oblatio mun-
da; quia magnum est nomen meum in Gentibus,
dicit Dominus exercituum. Quam Malachiæ
 prædi

prædictionem satis alioqui per se manifestam, sancti veteres Ecclesiæ Doctores de Sacrificio Eucharistico corporis Dominici unanimes interpretantur. Ex quibus (ut cæteros omittam) Justinus Martyr in dialogo cum Triphone Iudæo, sic ait : *De nostris Gentium , quæ in omni loco offeruntur, sacrificiis, hoc est pane Eucharistia, & poculo similiter Eucharistia, jam tum loquutus Malachias prædixit, nos quidem glorificare nomen ejus, vos autem profanare.*

Illà porro Nicænorum Patrum loquutio, *ἀθύρως θυσιῶν*, incruentè sacrificatum, affinis ac synonyma est cum hac altera expressione *ἀναμικτὴ θυσιᾶς*, incruenti sacrificiis, quam de Eucharistia frequentissimè usurpant Græci Patres, Clemens lib. 6. constit. cap. 2. Eusebius lib. 1. demonstrat. Evangelic. cap. 10. Gregor. Nazianz. Stelent. 1. & 2. Anastasius Sinaïta epist. ad Phrudegardum, Cyrillus Alexandrinus in Concilio Alexandrino, ad anathematismum 11. Synodus Quinisexta can. 32. & Synodus Nicæna secunda act. 6. Hoc discrimine mystica differt oblatio à cruenta semel in Cruce exhibita.

Ex isto canone 14. addisce, ad potestatem quoque Diaconorum pertinuisse non modò vivificum Calicem, sed etiam Eucharisticum panem aliis quibuscumque administrare, qui Sacerdotes non essent, saltem ubi non aderat Sacerdos ministrans. Et fidem facit Justinus apolog. 2. in fine, solenne Diaconis fuisse, ut sacratissimam Eucharistiam ad absentes Fideles deferrent.

C A P U T XXI.

Ad Nicanos Canones XV. XVII. XIX. & XX.

CAnon decimusquintus cavet, ne Episcopi, Presbyteri, & Diaconi ab Ecclesiis, ad quas fuerant ordinati, ad aliarum Ecclesiarum ministerium transeant. Citatur *in cap. non oportet Episcopum, 7. quæst. 1.* Huic parem edidit canonem sextum Synodus Chalcedonenfis, prohibentem ne quis Episcopum, Presbyterum, aut Diaconum ordinet, quin simul eundem alicujus certæ Ecclesiæ ministerio addicat, sive in urbe, sive in oppido, sive in monasterio: sin minus, ita ordinatos interdicat ab Ordinum exercitio. Citatur *in cap. neminem absolute, distinct. 7.* Idem sancitum in Concilio primo Arclatensi, *can. 21.* quo vetatur Presbyteris, & Diaconis in alias Ecclesias transgredi, solisque jubentur Ecclesiis inservire, quibus præfixi sunt, & secus facientes de gradu deponit. Simile statuunt Apostolorum Canones 16. & 17. ubi etiam excommunicatur Episcopus Clericum recipiens alterius inviti Episcopi. Concilium demùm Tridentinum hanc laudabilem disciplinam ex parte instaurat sess. 23. cap. 16. *Nemo, inquit, ordinetur, quin certa Ecclesia ascribatur: nec admittantur alieni Clerici ad divina officia celebranda sine commendatitiis proprii ordinarii Episcopi.*

Superior

Superior, seu proprius Episcopus, citra cuius licentiam nemo potest Clero, vel Ordinibus initiari, triplex recensetur à Bonifacio Papa VIII. scilicet originis, domicilii, & beneficii, *cap. cum nullus, de temp. ordin. in 6.* Idque jus invaluit, ex quo desit vetus consuetudo ascribendi certæ Ecclesiæ recens ordinatos, adeò ut ab illius Ecclesiæ obsequio in aliam commigrare liberum ei non esset: dum verò pristina illa consuetudo tenuit, ille proprius ac perpetuus habitus est cuiusvis Clerici Episcopus, qui primus ordinaverat, Clericumque à se ordinatum Ecclesiæ particulari alligaverat, ac ejus residentiæ astrinxerat, ut infra demonstrabo peculiari diatriba post Carthaginense Concilium primum.

Quoad verò translationem Episcoporum Nicæno isto Canone, aliisque hîc citatis prohibitam, ea pariter inhibetur Concilii Sardicensis canone 1. Carthaginensis tertiî canone 38. allegato apud Gratianum *can. non licet 107. de consecr. dist. 4.* Attamen Pontifices Anterus & Pelagius, necessitatis, aut magnæ utilitatis gratiâ transferri ac mutari posse nonnunquam Episcopos, accedente judicio Synodi Episcoporum, aut supremæ Sedis, declaratur *cap. mutationes, & cap. sequenti, 7. quest. 1.* exempla occurrunt Petri Apostoli ex Antiochia Romanam transmigrantis; Eustathii quoque sanctissimi Martyris, qui hac in Synodo confedit Antiochenus Episcopus, cum fuisset olim Episcopus Beroënsis. Gregorius pariter Nazianzenus primum Nazianzenam rexit Ecclesiam, factus

deinde Salsimorum Episcopus, & postremò electus ab Oecumenica Synodo Constantinopolis Episcopus, ipso acceptante. Sequens autem ejus abrogatio fustione, & ambitione contigit quorundam, qui hoc facto vituperium indelebile contraxerunt. Quin & ipsi Nicæni Patres in locum dejectorum Episcoporum Ariannorum, Eusebii Nicomediensis, & Theognidis Nicæni, aliarum Ecclesiarum Episcopos subrogarunt. Alexander quoque in Cappadocia Episcopus ad Sedem Jerosolymitanam revelatione divina traductus fuit, ut fidem facit Eusebius *lib.6. histor. Eccl. cap.9.* His conformia exempla perhibet Socrates *lib.7. cap.35. & 36.* Item vir sanctissimus Germanus, teste Cedreno, à Metropoli Cyzicena transiit ad Constantinopolitanam. Itaque translationum Episcoporum legitimæ possunt esse causæ, atque aliunde profectæ, quàm ex ambitione, vel avaritia.

Canon 17. deponi jubet Clericum usurarium. Idem statuitur Apostolorum Canone 44. & Arelatenfis Concilii I. canone 12. & Laodicensi canone 5.

Nicænus Canon 19. statuit, ut qui ex hæresi Paulinistarum convertuntur, post susceptum ab illis Baptismum rebaptizentur: & si fuerant in ea secta Clerici ordinati, si post conversionem judicentur Ordinibus Ecclesiasticis idonei, ubi novum Baptismi lavacrum susceperint, denuò ordinentur. Superiùs vidimus damnatas Synodos Africanas à Stephano Papa hoc nomine, quòd hæreticorum Baptismum

1
mum, ut inanem reprobaſſent. Debuit ergo ſpecialis in Pauliniſtis ineſſe cauſa, cur ipſorum Baptiſmus rejiciendus eſſet. Atque hæc legitima quidem fuit, quia cum Paulo Samofateno negantes Chriſtum eſſe Deum, & inſuper cum Sabellianis omnem abrogantes realem Perſonarum divinarum diſtinctionem, & ſtatuentes unicam in Deo perſonam, talia ex conſequenti verba in Baptiſmo ſolebant adhibere, quæ hujusmodi hæreſim ſapientia, Baptiſmo proprio valorem omnem, & efficaciam amoverent. Paulus tamen, & Sabellius in hoc invicem diſſidebant, quia Sabellius Chriſto Divinitatem vindicabat, quam Paulus nefarius eidem abrogabat. De his diſſerit Epiphanius hæreſi 62. & 65.

Hic obſerva, per hunc Nicænum canonem 19. poſſe confirmari illam complurium Theologorum ſententiam: Illum qui non ſit baptizatus, ſic eſſe ordinationis ſacramentalis incapacem, ut ei collata omni careat validitate. Etenim hoc loco ſacra decrevit Synodus, ut poſt validum Baptiſmum, manus illis ad ordinationem denuò imponantur, qui poſt irritum, & inanem Pauliniſtarum Baptiſmum fuerant ab iſdem ordinati. Quæſtio iſta ſub Innocentio Papa III. magna partium contentione diſceptata fuit: qui Pontifex, licet rem in ambiguo circa validitatem reliquorum à Baptiſmo Sacramentorum reliquerit indeciſam, ne tamen graviffimum periculum ex ea incertitudine pendèret, adductus etiam Synodi Compendienſis decreto (cujus mentionem ſpecialem

108 *Notitia Conciliorum S. Ecclesie,*
specialem facit) statuit Innocentius, non modò
Baptismum, sed etiam præcedentes Ordines
denuò conferri, *cap. veniens, de Presbyt. non
baptiz.* Canon verò Synodi Compendii habitæ
sic decernit: *Si quis in Presbyterum ordinatus,
deprehenderit se non esse baptizatum, baptizetur,
& iterum ordinetur.*

Nicænus denique Canon 29. sanxit, ut die-
bus omnibus Dominicis Fideles stantes orent,
nec genu flectant. Citatur *cap. quoniam sunt,
dist. 3. de consecrat.* Publici tamen pœnitentes
excipiuntur, quos jubet Concilium Carthagi-
nense IV. *cap. 82.* etiam tempore Paschali, &
omnibus per annum Dominicis flexis humi
genibus orare.

C A P U T X X I I.

De numero Canonum Nicænorum distrib.

Circa Nicænorum Canonum numerum gra-
vis agitur controversia, & adhuc sub
iudice lis est. Concilium Carthaginense sex-
tum sub Romanis Episcopis celebratum, Zo-
simo, Bonifacio, & Cœlestino, magna in hac
re ambiguitate fluctuavit. Insistebat Zosimus
apud Concilium, ut decerneret de admittendis
appellationibus ab Episcoporum Africanorum
iudiciis ad Apostolicam Sedem, juxta Nicæ-
norum Canonum præscriptum. Huic postula-
tioni haud statim acquievêre Carthaginenses,
miserunt

miseruntque ad Atticum Constantinopolis Episcopum, & Cyrillum Alexandriæ Episcopum, ut sibi copiam facerent omnium Nicæni Concilii constitutionum. At isti transmiserunt ad Africanos vulgata illa viginti Nicæna capita, in quibus ne verbum quidem ullum de appellationibus ad Romanam Sedem. Rufini quoque historia eorundem viginti, nec plurius meminit. Præterea Theodorus *lib. 2. hist. Eccl. cap. 8. in fine*, refert editos à Nicænis Patribus Canones viginti fuisse.

Ex opposito tamen veteres Sancti Patres haud pauca hujus Concilii decreta referunt nullatenus hisce viginti comprehensa. Ambrosius *epist. ad Vercellensem Eccles.* scribit interdictam à Synodo Nicæna bigamorum ordinationem in sacrum Clerum. Hieronymus *præfat. in Iudith*, testatur hunc librum fuisse à Synodo Nicæna sacris libris annumeratum. Zosimum jam vidimus eidem ascribentem decretum de appellationibus ad Romanum Episcopum, quod idem confirmatur ex Theodoro *lib. 2. hist. Eccl. cap. 4.* ubi refertur Athanasium Episcoporum Arianorum judiciis oppressum recutrisse ad Julium Romæ Episcopum, ipsosque Arianos missis epistolis ad Juliū fuisse appellationis hujus causam nonnihil prosequutos. Athanasius itaque sequutus (ut Theodorus loquitur) Canonem Ecclesiæ, τῶ τῆς ἐκκλησίας ἐπεδεδεγμένον νόμον, Romam advenit, & Julius accusatores citavit: sed quænam illa Ecclesiæ lex? Non videtur Sardicensis Canon; hæc enim Synodus post istam Athanasii appellationem coacta fuit, ut
liquet

110 *Notitia Conciliorum S. Ecclesiæ.*
liquet ex insequenti capite 5. Theodoriti : sit
ergo potius Nicænus.

Indubitatum prætereà est Nicæni Concilii
decretum, non tamen his viginti comprehen-
sum, de non celebrando Pascha, nisi die Domi-
nica occurrente primùm post decimamquartam
mensis Martii lunam. Hanc enim isti Synodo
sanctionem attribuit paulò post habitum Con-
cilium Antiochenum canone 1. ipseque qui
Nicæne Synodo interfuit Constantinus Au-
gustus, in sua epistola, quam refert integram
libro ejus vitæ tertio Eusebius, & qui in eo-
dem Concilio ut sydus effulsit Athanasius *epi-
stola de Synod. Arimin. & Seleuc.* Denique hoc
idem refert Epiphanius *hæresi 69.*

His adde, in epistola Julii Papæ recenseri
octo & viginti Nicæni Concilii Canones, quo-
rum primus hic est : *Non debent præter senten-
tiam Romani Episcopi Concilia celebrari.* Secun-
dus & tertius canon decernunt de appellatio-
nibus ad Romani Episcopi tribunal admitten-
dis, néve Comprovinciales quidpiam statuunt
adversus ullum Provinciæ Episcopum, incon-
sulto Romano Episcopo. Insuper Ægypti Epi-
scoporum epistola ad Felicem Papam II. sic
enuntiat. *Scimus in magna Nicæna Synodo trecen-
torum decem & octo Episcoporum ab omnibus con-
corditer esse roboratum, non debere absque Romani
Episcopi sententia Concilia celebrari, nec Episco-
pos damnari, licet hæc, & complura alia necessa-
ria Synodi capitula fuerint ab hæreticis quotidie
nos infestantibus exusta, nobisque præcepta.*

Prætereà Atticus Episcopus ad finem actuum
Synodi

Synodi Chalcedonenſis, modum perhibet conſcribendarum literarum, quæ Canonicae, & Formatae dicuntur, fuiſſe in Nicæno Concilio præſcriptum per literarum Græcarum uſum, quarum aliæ numerales, aliæ nominum propriorum initiales ſint. Ad hoc tamen aliquis reſpondebit, viſum non fuiſſe Patribus decretum iſtud publicari, ſed ſecretò ſingulis Epiſcopis conſignari, ne facile poſſent iſtiusmodi epiſtolæ ab aliis ſupponi, & ut ſuppoſitæ dignoſci ac dijudicari queant.

Extant inter Athanaſii opera mutud ſcriptæ literæ hujus, & Marci Papæ, Latinae, non verò Græcæ. Scribit ad Marcum Athanaſius, Arianos quaquaverſum conquiſitos Canones Nicænos per univerſum Orientem, concremaſſe, aded ut nullibi tota Ægypto reperiantur horum exemplaria. Addit fuiſſe primùm fabricatos à Nicæna Synodo Canones octoginta, quos eadem ad ſeptuaginta reduxerit. Obſecrat Marcum Athanaſius, ut ex Romanæ Eccleſiæ ſcriniis novum Synodi exemplar ad ſe tranſmittat. Reſpondet Marcus, ſe Nicænos Canones ſeptuaginta ad ipſum, ut expetierat, tranſmittere. Geminæ iſtæ literæ Baronio, aliisſque pleriſque falſæ videntur, & ſuppoſititiæ: non enim fulciuntur ætatis antiquioris, ſed mediæ dumtaxat testimoniis, & ipſis tantùm Latinis, ut Ivonis Carnotenſis p. 4. *Decreti, cap. 108. & 109.* Stephani etiam Papæ *epiſtola ad Lutobium Epiſcopum*, allegatur etiam à Synodo Florentina *Ocumenica ſeſſione 20.*

Alphonſus quidem Piſanus, & Franciſcus Turrianus

Turrianus, ambo è Societate Jesu, edidèrunt sub nomine Nicæni Concilii Canones octoginta ex Arabico exemplari translatos in Latinum, quos ab Alexandrino Patriarcha precario acceptos transcribi curaverunt alii duo, quos ad hunc Patriarcham delegaverat pius IV. ut ipsum ad Concilium Tridentinum invitarent. Huic alterum planè conforme Arabicum, idque vetustissimum exemplar repertum fuit in Bibliotheca ejus Cardinalis, qui postea Summus Pontifex evasit sub Marcelli II. nomine. Arabica porro lingua fuit olim, & nunc quoque est Libyæ, Ægypto, & Pentapoli vernacula & vulgaris. Verumtamen si his plagis tempore Cyrilli Episcopi Alexandrini canones hi octoginta nonnihil habuissent auctoritatis, quis neget transmissurum omnes ad Carthagenenses Patres enixè petentes, cum tamen solos viginti transmiserit?

Abrahamus Echellen, natione Syrus, religione Maronita, librum Romæ edidit de primatu Romani Episcopi, in quo Arabicorum Canonum fidem astruere contendit. Illic primatum Romanum supra omnes Patriarchas monstrat assertum à Canonibus Arabicis tertio, septimo & quadragesimoquarto. Jura pariter appellationum à quorumcumque Episcoporum judiciis ad Papam, Canone septuagesimo primo. Hosque Arabicos nititur confirmare, tum præfatio Zosimi ad Concilium Carthagenense comminatorio, tum appellatione Athanasii ad Julium Papam, juxta Ecclesiæ legem, ut loquitur Theodorus; tum testimonio Nicæno allegato &

& recepto in Concilio Chalcedonensi, de Romæ Ecclesiæ principatu ; tum denique mutuis Athanasii & Marci epistolis , tametsi duarum istarum vacillet fides, & nutet authoritas.

Suspiciones autem suppositionis Canonum Arabicorum Echellenus isto non prorsus contemnendo argumento amolitur. Octoginta, inquit, Nicæni Canones Arabici antiquissima traditione asseruntur, & asservantur penes omnes Orientales Ecclesias, dudum schismaticas & hæreticas : tum Melchitarum, qui per Syriam, Ægyptum, & Chaldaeam diffusi sunt, Græcorumque schisma & hæresim consecrantur : tum Cophthorum, qui per Ægyptum dispersi, Dioscori dogma probant : tum Armenorum, Eutychis Hæresiaracha sectatorum, qui per ambas Armenias latè propagantur : tum Nestorianorum, qui Mesopotamiam & Babyloniam incolunt : tum Jacobitarum Monothelitarum, qui Ninivem, & trans Tygrin amplas regiones habitant, Susianam, Persidem, Parthiam ; quin & per Bactrianam & Indos diffunduntur. Atqui nemo crediderit, universos toto Oriente sparsos Hæreticos, Schismaticosque, regionibus, religione, ritibusque dispares, linguisque diversos, Ecclesiæ Romanæ insensos, simul in hoc unum conspirasse, ut Canones sub nomine primæ Oecuménica Synodi eementirentur, & confingerent, quibus ejus, quem tantoperè avversabantur, Romani Episcopi supra se omnes potestas constabiliretur.

Scribit Athanasius epist. de Concilio Arim. & Seleuc. fuisse accuratè conscripta Nicænæ Synodi acta ; supersunt autem in tria volumi-

114 *Notitia Conciliorum S. Ecclesia,*
na dispersita hujus primi Concilii acta per Ge-
lasium Cyzicenum, quorum etiam meminit in
Bibliotheca sua Photius. Isidorus quoque in
prologo suæ Canonum collectionis affirmat, se
à quibusdam Episcopis ex Oriente profectis
audivisse, asservari in illis regionibus visum ab
ipsis codicem actorum Nicænæ Synodi, qui
mole sua quatuor Evangelia æquipararet. Ve-
rùm nec istud Gelasii Cyziceni opus omnes
discutit ambiguitates. Haud enim pauca vete-
res primæ notæ Scriptores de Nicæno Conci-
lio perhibent, quorum nullum apparet in ope-
re illo vestigium. Mirum sanè est, res totius
Ecclesiasticæ historiæ celeberrimas, & præ re-
liquis memorabiles, quales sunt Canones, &
acta omnium primi & præcipui generalis Con-
cilii: Baptismum quoque primi, atque illustris-
simi Christianorum Imperatoris, qui Eccle-
siam dirisima & diuturna præcedentium Impe-
ratorum tyrannide penè obrutam non modò
in libertatem asseruit, sed etiam in maximum
splendorem & triumphum evexit, tantis invol-
vi obscuritatibus, adeoque gravibus, & tamen
mutuò dissidentibus veterum testimoniis, ut
neque perspicaciora ingenia se ab his extricare
queant, suisque in utramvis partem conjectu-
ris opposita, & quasi ineluctabilia dispellere
argumenta: ut alias omittam insignes, & ma-
joris momenti controversias, quæ inter Theo-
logos validis hinc inde rationibus disceptan-
tur, neque disceptari desinent inter ipsos Fide-
les: cum tamen velit Deus, illos vel ex hoc
ipso propriam inscitiam, humanique ingenii
exili

Cap. XXII. De numero Canon. Nicæn. 115
exilitatem agnoscere, atque humiliter profite-
ri, ut addiscant, monente Apostolo, non velle
plusquam oportet sapere, sed sapere ad sobrie-
tatem.

C A P U T XXIII.

Concilium Romanum sub Sylvestro Pontifice.

MUltis rationibus vacillat fides actuum
Romanæ primæ sub Sylvestro Synodi
ante Nicænam, fierique potest, ut Canones,
qui primæ Romanæ tribuuntur, proculsi fue-
rint in Romana illa, quæ Nicænam Oecume-
nicam sequuta est, eamque confirmavit. Et
sanè canones illos, non nisi post Nicænum,
& subsequutum Romanum Concilium com-
memorat Damasi Pontificale in Sylvestro: &
Collectiones Conciliorum à Francisco Turria-
no Scietatis Jesu editæ, cæteræque anteriores,
non nisi unius meminērunt Romani sub Syl-
vestro Concilii. Istud celebratum fuit in Ti-
tulo Equitii, quem Sylvester ipse erexerat in
Thermis, quæ primùm Titii, exinde Domi-
tiani, postremò Trajani nomen sortitæ sunt.
Isthic, Damaso teste, interfuerunt ducenti sep-
tuagintaseptem Episcopi, qui Nicænam fidem
Canonesque approbaverunt. Statutum hîc pa-
riter fuit, ne Laïcus Clerico audeat crimen in-
ferre.

In isto eodem confesso legimus distinctos ordines Clericorum, scilicet Ostiariorum, Lectorum, Exorcistarum, Acolythorum, Subdiaconorum, Diaconorum, Sacerdotum, Episcoporum. Prima hîc legitur mentio Cardinalium, tam Diaconorum, quàm Sacerdotum urbis Romæ. His nimirum cura & præfectura Titulorum, seu præcipuarum, ac Parochialium Romæ Ecclesiarum incumberebat, necnon pauperum, quibus ad vitam necessaria Diaconi subministrabant. At nos fusiùs de Cardinalibus ad secundum Concilium Lugdunense agemus.

Statutum pariter hîc legimus, ne Clericus coram laïco iudice causam dicat. Circa istam Clericorum immunitatem à Laïcorum iudicio idem pariter statutum est in Chalcedonensi Concilio, *can. 9.* aliisque permultis Conciliis, præsertim Gallicanis. Require infrà, quæ hanc in rem fusiùs discutiuntur ad Cabilonensis Synodi canonem 11. Edictum quoque hîc fuit, ne Altaris Sacrificium in panno sericeo, vel tincto celebretur, sed in puro lineo per Episcopum benedicto, quod referat mundam Sindonem, quâ Christi mortuum corpus involutum fuit.

Post Nicænam Synodum statuit in hac Romana Sylvester, ut Ecclesiæ proventus quadri-fariam dispertirentur, aded ut pars una Episcopo tribueretur, secunda Clero ministranti, tertia Fabricæ & ornamentis Ecclesiæ destinaretur, ultima pauperum necessitatibus applicaretur. Quod jus confirmarunt Pontifices Gelasius, Gregorius Magnus, alique relati in
Decre

Decreto, c. vobis enim, c. concessio, c. quatuor autem, c. mos est, 12. q. 2. Præterea in c. ad hoc, 16. q. 1. ex S. Gregorii lib. 3. epist. 11. & ejusdem epist. ad Augustin. Angl. Episcopum, resp. 1. Meminit hoc idem Concilium Baptismi à Sylvestro Pontifice Constantino Augusto collati, & mirificæ curationis à lepra, cui medendæ nefarium ex infantium sanguine balneum Medici præscripserant. Quæ historia refertur pariter in posteriori Synodo Nicæna, necnon in vetustis Sylvestri Papæ actis, quæ olim approbavit Gelasius Papa in Concilio Romano septuaginta Episcoporum, ut habetur in can. Romana Ecclesia, dist. 15. His alludit Gregorius Tironensis, narrans Clodoveum Franciæ Regem ad sacrum lavacrum properasse quasi alterum Constantinum, ut mundaretur à lepra. Venantius Fortunatus eadem Sylvestri acta commemorat in vita S. Marcelli. Ex Græcis verò Scriptoribus Theophanes, & Simeon Metaphrastes in vita S. Sylvestri, Constantinum perhibent ab ipso baptizatum. Quam in sententiam magis propendet Baronius.

Baptizatum autem Nicomediæ sub finem vitæ Constantinum fuisse, gravissima suadent testimonia. Hoc enim disertè affirmat Eusebius lib. 4. vita Constantini, cap. 62. addens collatum ei fuisse Baptismum ab Eusebio Nicomediensi. Etiam si verò Scriptor iste sit Arianus, cum tamen de re omnium, quæ suo tempore contingerant, notissima, universoque orbi comperta testimonium publicum conscriberet, si jam antea fuisset Romæ à Sylvestro cum insigni

solennitate, tantique miraculi accessione baptizatus Imperator, non modò fuisset prædictæ impudentiæ, sed projectæ omninò stultitiæ contrariæ, & publicam testificationem scriptis mandare apud homines, qui sub Constantino vixerant. Sit licet Eusebius suspectus author, non potest tamen ullatenus suspectum esse illius hac in re testimonium. Eidem subscribit Ambrosius *orat. in obit. Theodosii*: suffragatur etiam Hieronymus *in Chronic.* Socrates quoque *lib. 1. cap. 39.* Theodorus *lib. 1. cap. 32.* Sozomenus *lib. 2.* quibus adstipolatur Cassiodorus *histor. tripart. lib. 3.* Solet etiam hanc in partem proferri testimonium Episcoporum Orthodoxorum, qui fuerant in Synodo Ariminensi, in epistola ad Constantium scripta, quam referunt Athanasius *lib. de Synod. Arim.* & Socrates, & Sozomenus, & Theodorus, & in fragmentis Hilarius: refert verò ea epistola, Constantinum accepto Baptismo, ex hac vita in æterna præmia commigrasse. Cæterum Baronius solo unius Typographi errore subnixus, eò loci pro CONSTANTINO, legendum autumat CONSTANTEM. Providè namque admonet Joannes Morinus in sua Constantiniana historia, legi in omnibus quæ existerunt Athanasii editionibus Græcis, & Latinis, eò loci *Constantini*, non verò *Constantis*, præterquam in columna Latina editionis Commelini: in Latina, inquam; siquidem in columna Græca contextus Græci ejusdem Commelinianæ editionis disertè habetur *Κοιναριστινῶ*. Cæterum editiones Parisienses,

cæteræque omnes à Commeliniana, explicitè habent apud Athanasium loco præfato *Καίσαρ-
νῶς* in Græca columna, & Constantinus in Latina. Perperam itaque ex unius Typographi mendo, quod erat corrigendum ex illibata columna Græca ejusdem ipsius editionis, adjacente illi Latinæ translationi, contendit Baronius corrigenda esse reliqua omnia Græca, Latinaque Athanasii exemplaria, quæ constanter exprimunt Constantinum: sed ipsa insuper omnia, tum Hilarii, tum Socratis, tum Sozomeni, tum Theodoriti exemplaria, quæ cum hanc eandem Ariminensium epistolam referant, nihil habent, sive Græcè, sive Latinè, quàm Constantinum, quemadmodum & Cassiodori Tripartita historia. Perspicuè igitur arguunt testimonia post Eusebium memoratum, tum Athanasii, tum Hilarii, tum Ambrosii, tum Hieronymi, tum Socratis, tum Sozomeni, tum Theodoriti, tum Cassiodori, quibus addendus Gelasius Cyzicenus apud Photium, necnon Evagrius, & Chronicon Alexandrinum, itemque Alexander Monachus in suo Græcè conscripto de sacra Crucis inventione libro, fuisse baptizatum in Nicomedia Bithyniæ civitate Constantinum Augustum sub exitum vitæ.

Porro vetustiores Conciliorum editiones in unum Romanum Concilium à Nicæno proximum compingunt; quæ posteriores editiones in duo diviserunt. Sed ista discussio levioris est momenti, quàm ut in eâ facienda sit mora.

CAPUT XXIV.

*Gesta per Arianos contra Nicænam fidem
sub Magno Constantino : & de Tyri
Conciliabulo.*

Fidei Symbolum in Nicæna proculsum refert Athanasius de fide ad Jovianum, cui fide, & non ex animo Ariani subscripserunt. Arius ipse, ut anathematis infamiam, & exilii pœnam declinaret, Nicænam fidem subdolè, & dissimulanter professus est : ideoque à Constantino restitutus sub conditione hac, ne Alexandriam reverteretur, ut docet Athanasius *apologia* 2. Addunt Socrates, & Sozomenus Edictum Constantini, ut decretis Nicænis ab omnibus obtemperaretur, propositis in refractarios pœnis exilii, & bonorum amissionis; utque Arii libri non modò hæretici, sed etiam obscœnus ille, quem *Thalie* titulo inscripserat, ignibus traderentur : ut vocarentur *Porphyriani* omnes hujus hæresis sectatores, odio Sophistæ nomine, qui nefariis libris Christianam Religionem prosciderat. Dum vixit Constantinus Ariani Nicænae fidei apertè obistere ausi non sunt, at eam labefactare, & quasi occultis cuniculis subvertere non destiterunt assiduis adversus præcipuos hujus fidei cultores molitionibus, & apud Principem calumniis : in Athanasium præsertim furor illorum desæviit. Vita functo post Nicænam Synodum
Alexan

Alexandro, Clerus. populusque Alexandrinus in Sedem Alexandrinam promovit Athanasium, obstantem licet, & frementibus, in diesque tumultuantibus Arianis.

Fax Arianorum præcipua erat Eusebius Nicomediensis Episcopus, qui aulicis artibus Constantini gratiam & consuetudinem in primis nactus fuerat. Hic Imperiale rescriptum ab illo per dolum extorsit, minis refertum adversus Athanasium, nisi Arium in urbem Alexandriam, & in communionem reciperet. Athanasius tantum malum prudenti responsione divertit, responditque Arium recipi non posse sine manifesta fidei Nicænæ, & publicæ quietis proditione. Videndus ipse Athanasius *apologia* 2. Theodorus *lib. 1.* Sozomenus *lib. 1.* & Rufinus *lib. 1.* qui simul referunt hæc quæ sequuntur.

Eusebius Nicomediensis, doli, & scelerum artifex curat occultè detineri Arsenium Episcopum, subornatque accusatores, & testes, Athanasium apud Principem criminantes, fuisse ab illo per summum nefas Arsenium trucidatum, & retentam occisi manum ad magicas præstigias, quam ad criminis indicium proferbant. Hujus, aliorumque criminum, quæ Athanasio imputabantur, cognitionem Imperator Synodo commisit, quam suadente Nicomediensi, Cæsareæ Palæstinæ Metropoli indixit, cujus erat Episcopus Eusebius alter Arianæ sectæ dux inter præcipuos, qui scriptis libris, & habitis coram Constantino orationibus, in summa erat commendatione, Cæ-

farcam itaque conveniunt Orientis Episcopi majori ex parte Ariani. Citatus Athanasius horum judicium declinabat, tum quia infensos adversarios ipsos pariebatur, tum quia illorum non suberat jurisdictioni, utpote altioris Sedis & Ecclesiæ Patriarchæ. At Constantinus ab Arianis elusus mandat ei, ut se judicio Synodi sistat, neque causam suam fugâ, & indebitâ evasione prodat, si sit innocens: simulque Synodum transfert in Tyrum Phœniciæ Metropolin, atque Eusebianorum suasu Dionysium Comitem illis addictissimum, & professione Arianum, cum militari manu delegat ad Synodum.

Athanasius sic affectum videns Constantinum, satius duxit Tyrum concedere, secumque adduxit quadragintaseptem suæ Patriarchiæ Episcopos, quos inter eminebant sancti Confessores Potamon & Paphnutius: præter quem numerum Eusebiani sexaginta Episcopi conveniant, ut scribit Socrates *lib. 1. cap. 20.* His omnibus præsidebat Eusebius Cæsareensis. Jument Eusebiani, ut Athanasius stet reus, suamque coram Synodo causam dicat: tum Potamon Heracleæ in Ægypto Episcopus, ut refert Epiphanius *heresi 68.* conversus ad Cæsareensem Eusebium, hæc illi lacrymans exprobravit: *Tu Eusebi sedes stante in tuo conspectu Athanasio: quis tantam indignitatem non perhorrescat? Anne meministi, te mecum in carcerem, dum furebat Diocletiani persecutio, fuisse detrusum? Illic orbatus oculo fui, ut in hac facie vides, & poplite succisus ob constantem*
fidei

fidei confessionem. Tu verò nullam in tuo corpore referens notam, dimissus es integer & illaesus, quia Gentilium acquiescens voluntati libertatem tuam, & corporis indemnitate proditione redemisti Christiana Religione.

Protestatus Athanasius primum fuit de iudicum incompetentia ; sed ipsius à pseudo-Synodo declinatione rejecta : producti sunt accusatores ex Meletiana factione manum exhibentes , quam mentiebantur occiso per ipsum Arsenio amputatam. Arsenius porro , qui nisi fugâ salutem quæsvisset , proximè ab Eusebianis, ne flagitium internosci posset tam perditæ ipsoꝝ imposturæ , in occulto strangulandus erat , per insignem Dei providentiam paulò ante de carcere dilapsus, nocte intempesta ad Athanasium diverterat , qui eum hætenus abditum, derepentè in conspectu Concilii malignantium constituit , ejusque palium ex utroque latere removens : *En*, inquit, *Arsenii dextram, en etiam sinistram ejusdem manum : nunc ab his accusatoribus percontamini undenam istam, quam proferunt, hominis manum acceperint ?* Scribit præterea Theodorus libro 1. capite 3. subornatam ab Arianis mulierem postulasse Athanasium illati sibi per vim stupri , cum illum suscepisset hospitio. Cum igitur mulier in Athanasium suas querelas proponeret , progrediens Timotheus Presbyter : *Egone (ait) mulier vim tibi, & stuprum intuli ?* Tum ipsa credens esse sibi ignotum Athanasium , convitiis Sacerdotem excipiens , rem præfractius asseverat , & Judicum

fidem

fidem contra Timotheum obtestatur ad sceleris vindictam. Objecta pariter Athanasio fuit sacri cujusdam Calicis effractio, quam cum ille negaret, commisit pseudo-Synodus hanc inquisitionem delegatis à se Athanasio infensissimis Episcopis, Theognidi Nicææ, Valenti Mursæ, Ursacio Singidoni, aliisque Arianis Episcopis, ut in Mareotidem profecti rem plenius investigarent.

Egreditur ex illo malignantium Concilio Athanasius, atque ad Imperatorem proficiscitur. Interea Legati ex Mareotide redeunt, legatione quamcelerrimè, & iniquissimè functi. Damnatur à Conciliabulo innocens Athanasius, & Sede Alexandrina depellitur, ut ipse in sua testatur apologia.

Peraçtâ Tyri Synodo, Eusebiani mandato Constantini Jerosolymam conveniunt ad magnificæ dedicationem Basilicæ, quam largis sumptibus extruxerat. Dumque illi Jerosolymis consistunt, Arium novam fidei confessionem, in qua nulla erat Consubstantialitatis mentio, profitentem publicè complectuntur, atque in communionem recipiunt, synodalibus literis Constantino commendant, & obnixè supplicant, ut eum sinat Aléxandriam regredi.

Interea innumeris superatis obstaculis per Aulicos objectis, qui Athanasium ab accessu Principis omnimodè arcebant, perpeßus innumeras repulsas magnanimus Christi Confessor, Imperatorem tandem adit, eique adversariorum nequitiam, & fraudes propalavit. His compertis Constantinus Antistites, qui
Tyri

Tyri confederant, Constantinopolin accersivit ad se, iudicii contra Athanasium sui rationem reddituros: cæteris Episcopis ob sceleris conscientiam detrectantibus, & moras nec tentibus, sex tantummodò regiam in urbem adventarunt, suæ in Aula potestati, suarumque fraudum confisi præligiis, uterque scilicet Nicomediensis, & Cæsareensis Eusebius, Theognis, Patrophilus, Valens, & Ursacius: qui ut iudicii Synodalis examen effugerent, veteribus omiſſis calumniis, novas alias in Athanasium comminiscuntur, quibus denuò Constantinum adversus Athanasium concitarunt, eum comminatum fuisse asseverantes, prohibiturum se annonæ ex Ægypto transvectionem ad regiam civitatem; atque testes partim à se ipsis, partim à Dionysio corruptos pruduxere quinque Episcopos Ægyptios, ex illorum numero qui Athanasium comitati, eundem in Tyri pseudo Synodo pro viribus defenderant. O humani animi deplorandam levitatem, inconstantiam, & perfidiam! Constantinus omnia perquisitione omiſſa, graviterque Athanasio succensens, Treviros illum exulare jubet: non tamen permisit Eusebianis, quod avidissimè expetebant, alium ejus loco deligere Alexandrinum Episcopum: hoc tamen obtinuerunt, ut Alexandriam, unde Athanasius ejiciebatur, regrederetur Arius. Verùm statim atque in ea civitate versari cœpit Hæresiarcha, omnia tumultu & violentiis replet, ideoque eum aliquantò post urbe excedere jussit Constantinus.

Treviros

Treviros profectus Athanasius, à Maximino illius civitatis Episcopo, atque ab ejus Clero, & populo, tanquam Dei Angelus, atque, uti verè erat, invictissimus Fidei Confessor, & propugnator exceptus est. Nec multò post excessit ex hac in meliorem vitam Constantinus anno à Christo 337. diviso inter filios tres Imperio, quos ei Fausta Maximiani Herculii Imperatoris filia pepererat. Constantino enim natu maximo Gallias, Hispanias, Britannias, & quidquid trans Alpes erat, attribuit: Constantinus natu minimus Italiam, Siciliam, Africam, Græciam, & Illyricum sortitus est: Constantius natu inter ambos medius, Asiam, & Orientem cum Ægypto adeptus fuit.

C A P U T XXV.

Gesta ab Arianis post Magni Constantini excessum.

Constantino patre mortuo, Constantinus junior Nicenæ fidei cultor ex Galliis, ubi regnabat, Athanasium cum honorificis literis Alexandriam remisit, non auso Constantio, cui parebat Ægyptus, quique Arianam aperte fovebat impietatem, obistere, metu fraterni belli, infestantibus etiam ditionis suæ fines Persarum armis. Quicumque etiam alii Orthodoxi Episcopi fuerant à Tyri Conciliabulo propriis Ecclesiis ejecti, restituti sunt opera

râ Catholicorum Principum Constantini & Constantis : qua occasione Ariani seditiones, & tumultus passim excitarunt. Vita functis Romæ Pontificibus Sylvestro, ejusque successore Marco, Julius Thronum Apostolicum ascendit. Cùm verò Eusebiani neque Athanasium, neque Orthodoxos Alexandrinos sine-
rent esse quietos, & pristinas in Athanasium calumnias retexerent Calicis effracti, læsæque Imperatoriæ Majestatis, obtenderentque ipsum Synodali sententiâ depositum, non potuisse solo Principum mandato restitui, Julius Romæ Episcopus causæ hujus discussionem in Romana Synodo à se indicta suscepit. Athanasium igitur, ejusque adversarios ad causam in Concilio dicendam, missis in Orientem Legatis, citavit. Athanasius se judicio synodali Romæ stitit, & Eusebianos tergiversantes, atque evasionum leves prætextus consarcientes, annum integrum cum dimidio expectavit. In Romano itaque plusquam quinquaginta Episcoporum Concilio causâ ejus accuratissimè exploratâ, restitutus demùm Athanasius in pristinam Sedem fuit, ut ipsemet prolixiùs commemorat in 2. apologia, quæ Julii quoque epistolam continet, quæ facit fidem hoc eodem Romano Concilio fuisse pariter absolutum, & ad propriam Ecclesiam remissum Marcellum Ancyra Antistitem, aliosque complures Episcopos ex Thracia, Cœlesyria, Phœnicia, Palæstina: Presbyteros etiam plerisque, qui eodem ex Ægypto, & aliunde convenerant. Desiit Romanum istud Concilium
anno

Cap. XXV. Gesta Arian. post Constant. 129
de tamen rursus ab Arianis dejecti sunt.

Arianâ quoque perfidiâ crudeliter est dive-
xatus Eustathius Antiochenus ille in Nicæna
olim Synodo spectabilis sanctitate vitæ, do-
ctrinaque insignis. Adversus hunc in pseudo-
Synodo Antiochena Eusebius Cæsarensis,
Theognis Nicænus, aliique facinorosi Præsul-
les meretricem subornarunt, quæ Eustathium
in medio Patrum confesso reum postulavit,
quòd cum ex se infantem, quem ulnis gestabat,
progenuisset, educationis tamen impensas non
exsolveret. Alii quoque detulerunt, sinistrè de
Fausta Imperatoris matre fuisse loquutum. Sed
accusatrix mulier calumniæ pœnitens, qua in-
nocentissimum Præsulem circumvenerat, ean-
dem postmodum retractavit, ut testificatur
Theodoritus, seque pretio corruptam ab Eu-
sebio Cæsarensi, ut perfidè adversus Eusta-
thium Episcopum mentiretur, publicè decla-
ravit. Nec minùs tamen ab Antiocheno con-
ciliabulo Eustathius depositus fuit, & à Con-
stantino relegatus, extremum diem post mul-
tas ærumnas clausit in exilio. Huic deposito
Ariani Stephanum, deinde Eunuchum Leon-
tium, utrumque Arianum, substituerunt. Eu-
stathius scriptis libris Ecclesiam illustravit, qui
ab Hieronymo, Theodorito, aliisque veteri-
bus celebrantur.

Constantinopolitanæ autem Ecclesiæ perse-
cutionis historia altiùs à Constantini regno
repetenda est: quo tempore Arius virus suum
in Ægypto & finitimis oris spargebat, Alexan-
der Constantinopolitanæ Ecclesiæ gubernacula

130 *Notitia Conciliorum S. Ecclesiæ,*
regebat, Alexandro Alexandria Episcopo, &
studio religionis, & morum similitudine con-
junctissimus, à quo etiam epistolam accepit
circa nascentem hanc hæresim, quæ refertur à
Theodorito *lib. 1. cap. 4.* Alexander Constan-
tinopolis Episcopus, quanta valuit sedulitate
curavit, ne tanta lues in regiam urbem propa-
garetur, eandemque postmodum in Nicæna
Synodo hæresim cum aliis Patribus condem-
navit.

Atramen Eusebiani cum in Aula Principis
gratiâ & potestate prævalerent, tantum effe-
cerunt, ut Constantinus Arium, resipiscen-
tiam à suis erroribus simulantem benignissi-
mis literis acciverit, positurum in ipsa regia
civitate Fidelium communione; & mox acce-
dentem Hæresiarcham singulari benignitate
complexus sit. Alexander ubi frustra Impera-
torem admonuit, rogavit & obrestatus fuit, je-
juniis, lacrymis, & orationibus intentus no-
ctem toram Deo supplicando in Ecclesia excu-
buit. Postridie Arius cum amplissimo comitatu,
agmen ducente Nicomediensi Eusebio, ad Tem-
plum progreditur. Verum urgente ventris ne-
cessitate cogitur de via in publicas latrinas di-
vertere, ubi divina exceptus ultione, disruptis
viscerum compagibus, instar execrandi Judæ
sua effudit intestina, simulque foedissimam ani-
mam. Quo eventu plures commoti admissam
hæresim ejurarunt. Ipse Constantinus divinam
in hominem nefarium vindictam agnovit, &
revocare Athanasium Treviris exulantem pro-
posuit: nec tamen præstitit, morte ipse præ-
ventus

Cap. XXV. Gesta Arian. post Constant. 131
ventus, ut refert Athanasius *orat. 1. contra*
Arianos.

Demum anno 340. Alexander Constantino-
polis Episcopus, instante suæ mortis die, ne
Arianorum factio successorem sibi Arianum
provideret, sedulam dedit operam, ut sibi de-
functo Paulus Sacerdos meritissimus subroga-
retur: quod & factum est, obfistentibus licet
Arianis. Cæterum adveniens primum Constan-
tinopolin Constantius mortuo Patre, Paulum
urbe exegit, ejusque in Sedem Eusebium pro-
movit defultorium Episcopum, qui primum
Beryti Episcopus in Nicomediensem Sedem
transiit, atque ex illa in Constantinopolita-
nam se ambitiosè proripuit. Paulum Constan-
tius in Pontum deportari jussit. Post biennium
deinde mortuo tot facinorum autore Euse-
bio, Paulus in pristinam Sedem regreditur. Sed
Arianis adversus eum tumultuantibus, Con-
stantius Antiochiâ excedens Constantinopo-
lin iter aggreditur, unde Paulum exulare ju-
bet in Singera Mesopotamiæ ferro vinctum, ut
refert Athanasius *epist. ad Solitar.* rursusque
inde in Emesam, quarto demum exilio Cucu-
sum Cappadociæ ad fines Armeniæ in desertis
Montis Tauri: quo loco in squalenti & obs-
curo carcere inclusus est, fame, frigoreque ne-
candus: post sex dies Ariani, recluso carcere,
spirantem adhuc laqueo strangulant, ut ibidem
Athanasius refert.

C A P U T X X V I.

Synodus Gangrensis.

GAngræ in Paphlagonia, Magno imperante Constantino, celebrata Synodus fuit, cujus uberem notitiam Synodicæ literæ suppeditant, in quibus Eustathii errores recensentur, quorum causâ indictum istud Concilium fuit. Eustathius iste Manichæorum deliria propagavit, cujus meminere Socrates *lib. 2. cap. 33.* & Sozomenus *lib. 3. cap. 15.* Nuptias eò usque damnabat, ut omnem salutis spem conjugatis adimeret, eosque qui cum Presbyteris olim ante ordinationem conjugatis communicarent, execraretur. Idem quoslibet connubio conjunctos disjungebat; quo fiebat, ut innumeri post abdicata matrimonia continere non valentes, adulteriis, omniq; spurcitia se contaminarent. Solennes in Ecclesia conventus despicientes Eustathiani, privatos conventus acitabant. Novis etiam, & inusitatis vestium formis utebantur: servos à propriis dominis abducebant: mulieribus virorum indumenta, & capillorum detorsionem suadebant. Divites qui se suarum opum possessione non abdicabant, excludebant penitus à regno cœlesti. Et quasi conspirassent contrariâ reliquis omnibus incedere viâ, detestantes reliqua jejunia, sola probabant, & sanciebant jejunia dierum Domini-
carum

carum. Carnium etiam comestionem, ut rem de se abominabilem, omni tempore damnabant. Osi præsentia Cordubensis Episcopi, qui Synodo huic interfuit, præfeditque, satis arguit coactam tunc temporis fuisse, quando imposita sibi Apostolica Legatione à Sylvestro fungebatur in Oriente, ut divexatas, & nutantes Ecclesias confirmaret. Ideoque Symmachus Pontifex in Romano Concilio Gangrenses Canones asserit Apostolica autoritate decretos.

Canon 2. fidem facit eo tempore Fideles per religionem à sanguine & suffocato abstinuisse, juxta decretum Apostolicum, *Act. 15.* Ex epistola Gallicanarum Ecclesiarum Lugdunensis, & Viennensis ad Ecclesias Asiæ refert Eusebius *lib. 5. hist. Eccl. cap. 1.* Sanctam Martyrem Biblydem, sub immuni persecutione Marci Aurelii Antonini, & Lucii Veri Imperatorum, sic loquutam fuisse ad Gentilem Præsidem, plebemque circumstantem: *Quomodo possemus nos Christiani in animum inducere, ut infantes, quemadmodum calumniamini, devoremus, qui nefas esse ducimus sanguine vesci vel brutorum?* Tertullianus *Apologet. cap. 9.* eandem calumniam eodem refellit argumento abstinentiæ ab animalium sanguine. Sed & his longè posterius Concilium in Trullo Quinisextum anni 707. *can. 67.* eandem sanguinis, & suffocatorum animalium prohibitionem instaurat. Quæ cum sit ab Apostolis præcepta, non ut divini, sed humani juris, ac Ecclesiastici, ut se Judæis aliqui scandalizandis, & à conversione ad Christi

fidem deterrendis accommodarent, potuit sensim legis hujus obligatio antiquari, ex quo ipsius causa, finisque desivit. Præterea, ut observavi ad tertium Apostolorum Concilium, ex actis liquet Apostolorum *cap. 15. & ex 1. Corinth. 8.* præceptum abstinendi sanguine, suffocatis animantibus, & idolothytis, fuisse non omnibus Christianis, sed solis Syris & Cili-
cibus impositum.

Canon duodecimus illos perstringit, qui cum sibi peculiare vestis genus asciscant, eos audent damnare, illorumque averfari communionem, qui vulgari & communi veste utuntur. Hæc observatio argumentum Novatorum retundit, quo specialia vestimenta reprobare intendunt ex vi hujus Canonis, quibus Clerici & Monachi amiciuntur: cum tamen perspicuum sit, Ecclesiam per hoc minimè damnare Laicos communi cultu indutos. Hæc sunt hujus Canonis verba: *Si quis propter eam, quæ existimatur, exercitationem amictu pallii utitur, & tanquam ex eo habens justitiam, eos condemnat; qui cum pietate birros, ac vestem communem, & usitatam ferunt, sit anathema.* Pallium, utpote simplicius vestis genus, assumebant tum Philosophi Ethnici, tum Christiani plerique, ad purioris, & segregatoris vitæ professionem. Et quum abjectâ togâ, sumptoque pallio Tertullianus, quasi novi generis vitæ sectator, humanique generis osor insimularetur, suum procudit de pallio tractatum, quod ita describit, ut sit extrema vestis tunicæ superinducta, quadrata, ex utroque laterum
regesta,

regesta, & per fibulam ad collum alligata.

Canon 2. anathemate ferit eos, qui (quod faciunt hæretici Calviniani,) abhorrent Fidelium conventus ad Martyrum sepulturas, & sacra reprobant, quæ inibi celebrantur: quique memorias Sanctorum vitâ factorum criminantur.

Canon 21. observari jubet omnia, non solum quæ Scriptura præcipit, sed etiam quæ traditionibus Apostolicis continentur: damnatque profanas novitates, quas Hæretici invehunt. Quàm igitur ineptè Sectarii abutuntur Gangrensis Canonibus contra Ecclesiasticum cœlibatum, & abstinentias, indumentaque religiosa, quæ tum approbavit, tum segregatoris vitæ professionis hominibus præscripsit sancta Dei Ecclesia, alio longè, sine, quàm Manichæi, nuptias idèò, & carnum usum reprobantes, quia hæc esse de se mala, atque adèò per diabolum tum creata, tum introducta dicerent. Cùm tamen Christi Ecclesia res illas per se bonas, Deique opera esse prædicet, nihilque condemnet, quàm animi proterviam obedire detrectantem, aut perfidiam ejus, qui spontaneo voto melioribus, & perfectioribus astrictus, suam idcirco damnationem habet, quia primam fidem irritam facit, ut disertè loquitur Apostolus 1. *Timot.* 5. de viduis, quæ nubere volunt post continentiae perpetuæ professionem. Hæc verò Catholica discrimina perspicuè indicant decem Gangrenses Canones 1. 2. 4. 6. 9. 10. 12. 13. 14. 21. Ecclesia aèrò traditione Apostolicâ, quæ hoc canone

21. astringitur, & sibi à Deo concessa potestate utens, nonnullas dapes aliquandiu prohibet, quemadmodum primum parentibus fructum scientiæ Deus interdixit, quem tamen sciebat bonum, & à se creatum esse,

Traditiones Apostolicas, quas Gangrenæ canon 21. astringit, veteres Patres confirmant ipsis etiam sacris Scripturarum testimoniis. Basilii *lib. de Spiritu Sancto*, cap. 20. duo Pauli testimonia ad faciendam traditionibus fidem, profert, scilicet 1. Cor. 11. *Laudo vos, quid per omnia mihi memores estis, & sicut tradidi vobis, præcepta mea tenetis.* Et 2. Thessal. 2. *Itaque fratres tenete traditiones quas accepistis, siue per sermonem, siue per epistolam nostram.* Additque ibi Basilii, non scriptas Traditiones Apostolicas paræ esse authoritatis cum Apostolicis Scripturis apud omnem Ecclesiam. Chrysostomus item in commentariis ad utrumque Pauli locum admonet Apostolum loqui de Traditionibus non scriptis, & simul addit istas non minorem fidem mereri, quàm quæ Apostoli scriptis commendarunt. Similia profert Tertullianus *lib. de cor. mil.* in quo postquam varias Baptismi cæremonias, & signi Crucis frequentissimum apud Fideles, ad frontem producta manu in omni opere usum, & anniversarium pro defunctis sacrificium, aliaque hujusmodi commemoratus est, ita subjungit: *Harum & similium disciplinarum si legem expostules Scripturarum, nullam inuenies: traditio tibi præceditur auctrix, consuetudo firmatrix, & fides observatrix.* Idemque *lib. de præscript. contra heret. ex*
instituto

Cap. XXVII. Concilium Antiochenum. 137
Instituto docet Hæreticos non ex Scripturis,
sed ex Traditionibus refellendos esse.

C A P U T XXVII.

Concilium Antiochenum.

C^Hristi anno 341. habita fuit Antiochiæ Synodus partim Orthodoxorum, partim Arianorum Antistitum; quo ferè tempore Julius alteram Romæ celebrabat in causa Athanasii, & Marcelli Ancyрани, qui & ipse fuerat Constantinopolis conciliabulo, quod Tyri pseudo-Synodum proximè subsequutum est, depositus, sub Imperio Magni Constantini. De his Socrates loquitur *lib. 1. cap. 36.* & Tripartita Historia *lib. 3. cap. 9.* Hæc porro Synodus Antiochena coacta fuit Encæniorum occasione: convocarat enim Episcoporum cœtum Constantius Augustus ad dedicandam Antiochiæ Basilicam à Constantino inchoatam, & ab ipso Constantio perfectam, cui à splendore & magnificentia operis nomen inditum Dominici Aurei; ipseque Constantius his Encæniis & Synodo interfuit.

Convenerunt Episcopi nonaginta, in quibus fuere Ariani trigintasex, & propriis fraudibus instructi, & Principis autoritate suffulti, qui seorsim ab Orthodoxis, & his enixè renitentibus, diversas Fidei formulas verbis semper ambiguis recuderunt, suppressaque Homousii

voce. Iidem Athanasium deposuerunt sibi tantoperè invisum & exosum, hoc prætextu, quòd cum fuisset Tyri conciliabulo damnatus, se restitui absque ullo Concilii decreto, sed solius junioris Constantini literis curasset, connivente per prudentiam Constantio, ne propter Athanasium quies Imperii, & fraterna concordia interturbaretur.

Sanè Constantini junioris interitus Ariarum potestatem, & quidvis agendi licentiam auxit. Hic anno præcedente, scilicet 340. dum bellum haud satis justum adversus Constantem fratrem natu minimum parat, interfectus est apud Aquileiam. Hac ergo Antiochena Synodo Ariani depulso Athanasio Georgium Cappadocem in ejus Sedem protrudunt, quem Julius Papa in sua epistola, quam refert Athanasius *apol. 2.* dicit à trigintasex Episcopis promotum, cæteris Episcopis, qui hunc numerum excedebant, obersistentibus, & reclamantibus, in quibus erat admirabilis ille Jacobus Nisibis Antistes, qui & olim Nicæna in Synodo confederat. Hujus pseudo-Synodi supersunt canones vigintiquinque, quorum aliquibus auctoritatem indulgit Ecclesiæ usus & approbatio.

Canone 1. instauratur decretum Nicænum de Paschate die Dominica celebrando.

Canon 2. ab Ecclesiis eos ejici mandat, qui nolunt sacræ Eucharistiæ communicare. Illos quoque à Fidelium societate refecat, qui cum excommunicatis participant. Quoad istam partem convenit cum Apostolorum canone 10. eos excommunicante, qui cum excommunicato simul

mul precati in domo fuerint. Similem inferiùs requirito Carthaginensis Concilii quarti canonem 73. Denique posteriorum temporum indulgentior disciplina infert in isto casu minoris excommunicationis pœnam, quæ nec à suffragiis, nec à consortio Fidelium, nec à conferendis alteri Sacramentis excludit, sed à sola Sacramentorum receptione, *ε. cum excommunicato*, 11. q. 3. & *c. nuper*, de sent. excom. Plura requirito inferiùs circa hæc ad Canonem tertium Concilii Lateranensis sub Innocentio II. Pontifice. Altera deinde successit ex Constantiensi Concilio moderatio, ut excommunicationi etiam minori locus non sit ex participatione cum excommunicato, nisi hic publicè fuerit, ac nominatim denuntiatus.

Quoad verò priorem hujus secundi Canonis Antiocheni partem, de suscipienda ab omnibus qui assistunt, nec canone prohibentur, Eucharistia, id habet conformitatem cum Apostolorum canone 8. illos excommunicante, qui convenientes in Ecclesiam non communicant. Cui conformatur etiam Apostolorum Canon 10. quos omnes canones qui exactiùs perpendit, non aliud concludet, quàm fuisse præceptam communionem iis dumtaxat, qui Altari subministrant Clericis; & à Fidelium pariter societate excludi *τὸς ἀποστρεφόμενος τὸ μετὰ τὴν τῆς Εὐχαριστίας καὶ πνεύματι*, ut loquitur Canon Antiochenus. Hoc est, averfantes participationem Eucharistiæ per aliquam perversitatem. Pontifex Anacletus postquam *epist.* 1. *num.* 2. admonuit sacrificanti solenniter

Episcopo

impossibilis diebus Dominicis, & festis, quibus universi sacro interesse tenentur, maxime ubi de ipso quoque Calice communicabatur, quando etiam nemini licebat extra Parœciæ propriæ Ecclesiæ vel audire Sacrum, vel Sacramenta suscipere: cum tamen nunc temporis multò numerosiores sint Ecclesiæ non Parochiales, in quibus licitum est Missam audire, & citra Pascha communicare.

Canon Antiochenus 3. ita decernit: *Si quis Presbyter, vel Diaconus, vel omnino quilibet de Clero, desertæ suæ Ecclesiæ in alienam abierit, & in ea diutius commoretur, ne amplius ministret, maxime si suus Episcopus vocet. Quod si hac in atractione, seu pravitate persistat, deponatur, si verò præter culpam istam depositum Clericum alius Episcopus susceperit, ille quoque à Synodo communi redarguatur, tanquam Ecclesiastica jura dissolvens.* Habetur in Decreto, c. si quis Presbyter, vel Diaconus 7. Et conformatur Apostolorum canonibus 15. & 16. & Arelatensis Concilii primi canoni 22. & Nicænis canonibus 15. & 16. Vide suprà quæ inibi dixi.

Canon 4. statuens synodali judicio depositum Episcopum, nec per aliam Synodum posse restitui, redolet impietatem, & implacabile Arianorum odium in Athanasium, aliosque ab iisdem dejectos ob Fidem Episcopos. Hoc ipsum respondit Joannes Chrysostomus istum sibi canonem objicientibus, postquam æmulatorum conciliabulo depositus suam nihilominus repetiverat Ecclesiæ.

Canon

Canon 5. æquior est, statuens ne quis à proprio Episcopo excommunicatus, sive Clericus, sive Laicus, ab alio suscipiatur antequam fuerit vel à proprio Episcopo, vel à Synodo post causam sedulò examinatam absolutus. Idem antè statuerat Nicænus Canon 5. & deinde Sardicenis Canon 13.

Antiochenus Canon 9. Metropolitanorum Episcoporum jura, dignitatemque tuetur. Ἰδὲ καὶ ἑκάστην ἐπαρχίαν ἐπισκόπους ἰδέσθαι χρὴ τὸν ἐν τῇ μητροπόλει προεστῶτα ἐπισκόπον, καὶ τὴν προηγήσασθαι πάντας τῆς ἐπαρχίας. Episcopos qui sunt in unaquaque provincia scire oportet, Episcopum qui Metropoli præst, curam etiam suscipere totius provincie. ὅτιν ἑδοξε καὶ τῇ πρῇ προηγήσασθαι αὐτὸν, μηδὲν τι πρὸ αὐτοῦ πειστέον τῶς λοιποῖς ἐπισκόποις ἀντὶ αὐτοῦ, καὶ τὸν ἀρχαῖον κρατῖσθαι τῶν πατέρων ἡμῶν κανόνα, ἢ ταῦτα μόνον ἕσα τῇ ἑκάστῃ ὑπεβάλλει παρεκκλήσια, καὶ ταῖς ὑπ' αὐτὸν χώραις. Unde visum est eum quoque honore precedere, reliquos verò Episcopos nihil gravis momenti aggredi sine ipso, ut statuit constitutus ab antiquis Patribus Canon, nisi sola quæ ad Parœciam cujusque spectant, aut regiones Parœcia subditas. Privilegia ista Metropolitanorum dudum sanciverant Nicæni Patres can. 4. 5. 6. & 7. Parœcia verò tunc dicebatur, quæ nunc Diœcesis dici solet; cum olim Diœcesis nomen, tam in Civili, quàm in Ecclesiastico usu complures provincias complecteretur. Denique sancit, inconsulto Metropolita nihil moliri debere Episcopos, & vicissim, neque inconsultis Episcopis Metropolitanam. Citatur à Gratiano

Cap. XXVII. Concilium Antiochenum. 143
tiano *cap. per singulas provincias, 6. quest. 3.* Sed
malè de Græco transfertur ibi, ὃ τὰυτα μόνον,
vel sola illa: cùm enim præcedat vox μόνον,
sciendum erat, μόνον ὃ, significare, nihil nisi.

Iste igitur canon tres commemorat Eccle-
siasticæ præfecturæ gradus. 1. ἐπαρχία, Pro-
vinciam sub Metropolitano Præfule: 2. παροι-
κία, Parœciam, sub Comprovinciali, seu Suf-
fraganeo Episcopo; sicut etiam in canone An-
cyrano 17. legimus Episcopum, qui non susci-
pitur à propria Parœcia, non tamen debere al-
terius Episcopi Parœciam invadere: 3. χῆρον,
locum, seu minorem regionem; unde Cho-
repiscopi dicti, locorum particularium intra
Parœciam Præfecti, quorum etiam mentio fit
in Antiocheno Canone 40. Sed omnes gra-
dus istos antecellebat Diœcesis, habens plu-
res in suo ministerio provincias, qualis erat
singulorum Patriarcharum ditio. Cujus vocis
& gradus usurpatio, tum alibi, tum sæpe in
Chalcedonenſi Concilio frequens est. Nunc
verò Diœcesis usurpari pro Parœcia solet, ipsa
verò Parœcia pro infima præfectura pagorum,
aut aliquarum urbis partium, quarum præ-
fectus Pastor, vulgò Parochus audit. Melius
tamen juxta Græcorum Canonum expressio-
nem Parœcus diceretur. Non me latet quid
Parochi nomine intellexerint antiqui, sed
aliud est Pastorum animarum, & aliud longè
diversum veterum Parochorum officium, quo
vocabantur nomine illi, qui salem, & ligna,
& in universum omnia victui necessaria sup-
peditabant iis, qui Reipublicæ causâ peregrè
ibant,

144 *Notitia Conciliorum S. Ecclesiæ,*
stant; & generalius conviviorum exhibito-
res, necnon nuptiarum auspices, ac paranym-
phi.

C A P U T XXVIII.

Distributio de provinciis Ecclesiasticis.

Quia verò distributiones Ecclesiarum fa-
ctæ comperiuntur ad imitationem anti-
quæ partitionis Imperii, aded ut omnium Ec-
clesiarum antiquissima & sanctissima Jeroso-
lymitana nihil olim fuerit quàm simplex Pa-
rœcia, sub Metropoli Cæsareæ Palæstinæ, non
alia de causa, quàm quia tunc temporis Cæ-
sarea secundum civilem potestatem habebatur
totius Palæstinæ Metropolis; tametsi ante-
quam ab Herode Idumæo in honorem Cæsaris
amplificaretur, non alio nomine quàm Tur-
ris Stratonis insigniretur. Sic etiam quia By-
zantium nobilis civitas ab irato contra ipsam
Septimio Severo fuerat sub præfectura igno-
bilis oppidi Perinthis, seu Heracleæ Thraciæ
constituta, ided Byzantinus Episcopus, qui
post aliquod tempus evasit in Patriarcham
Constantinopolitanum, fuit ab initio unus ex
Episcopis subiectis Metropoli Heracleæ. Quia
etiam inter Romani Imperii civitates primo
post Romam fulgebat dignitatis gradu Ale-
xandria Ægypti, tertio verò Antiochia Syriæ;
idcirco prima secundum dignitatem Ecclesia
Romæ,

Cap. XXVIII. De Provinciis Ecclesiast. 145
Romæ, secunda verò Alexandria, tertia Anti-
ochiæ constituta fuit. Afferit Anacletus Pon-
tifex, Apostolos renovasse in Ecclesia factam
dudum à Romanis Provinciarum divisionem,
cap. Provincias, dist. 99.

Itaque operæpretium duxi brevem, sed ta-
men exactam Præfecturarum Romani Imperii
notionem tradere, ut inde innotescat. quæ fue-
rit prioribus sæculis partitio, & ordo Ecclesia-
sticarum Præfecturarum. Summa olim Præfecti
Prætorio potestas, quæ arma simul & jura com-
plectebatur, fuerat jam inde à Tiberii tempore
penes unum. At ex quo insidias Perennis Præ-
fecti Prætorio evasit Commodus Imperator,
cœpit ea potestas, ne nimia foret, ac Præfectos
ad Imperii ambitionem sollicitaret, inter duos
dividi, teste Herodoto *lib. 1.* Postmodum Con-
stantinus Magnus quatuor etiam Præfectos
constituit, inter quos universas Imperii Provin-
cias dispertivit hoc ordine. Primus Præfectus
Orientem regebat, cui subdebantur Ægyptus,
Libya, Pentapolis, Cyprus, Asia, Cappadocia,
Cilicia, Armenia, Syria, Thracia, Mysia & re-
liquæ Orientis plagæ. Sequebatur Præfectus
Illyrici, cui parebat Illyricum, Dacia, Triballi,
Pannonia, Mysia superior, Macedonia, Thessa-
lia, Græcia, Peloponnesus, Creta, & circum-
fusæ insulæ. Tertius sequebatur Italiæ Præfe-
ctus, qui præerat Italiæ, Siciliæ, Africæ, &
circumjacentibus insulis. Quartus erat Gal-
liarum Præfectus, cui obtemperabant Gallia,
Hispania, Britannia, & circumfusæ insulæ, ut
Zosimus tradit *lib. 2.*

Quatuor hæ Præfecturæ singulæ in plures dispartiebantur Diœceses, quæ à Præfectorum Vicariis administrabantur, unde Vicariæ quodque dicebantur, plures etiam complectentes provincias, ut videre est in libro notitiæ utriusque Imperii, quem eruditis commentariis illustravit Pancirolus.

Secundo in duas partes Imperio, sex dinumeratæ sunt Orientalis, seu Constantinopolitani Imperii Diœceses. Prima Orientis, cujus Metropolis Antiochia, & cujus Vicarius speciali designatione dicebatur Comes Orientis: secunda Ægypti: tertia Asiæ: quarta Ponticæ: quinta Thraciæ: sexta Illyrici partis Orientalis, quarum meminere leges 1. & 2. *C. de militari veste*, lib. 12. & lex 1. *C. ut nemo ad suum patrocinium suscipiat rusticanos, vel vicos eorum*, & lex ultima *C. de divers. offic.* lib. 12. Orientis Diœcesis Metropolis fuit Antiochia, ut probatur ex Zosimo lib. 1. Hieronymo *ad Pammachium*, Chrysostomo *homil. 3. ad popul. Antioch.* De hujus Vicarii officio extat titulus *Codici de officio Comit. Orientis*. Diœcesis Ægypti Metropolis extitit Alexandria, ut liquet ex Theodorito lib. 1. *hist. Eccl. cap. 1.* Ægypti Vicarius appellatione insigniebatur Præfecti Augustalis, de cujus officio titulus reperitur in Codice & Digestis. Diœcesis autem Asiana Metropolin habuit Ephesum, Chrysostomo teste in *Epist. ad Ephes.* necnon subscriptione Theodori Episcopi Ephesini, *act. 18. Synodi sexta.* Ponticæ deinde Metropolis erat Cæsarea Capadociæ, ut constat ex Nazianzeno *orat. de laud. Basilii*,

Cap. XXVIII. De Provinciis Ecclesiast. 147.
Basilii, & ex subscriptione Philaletis Episcopi
Cæsareæ Cappadocum in sexta Synodo. Thra-
ciæ Metropolis à tempore Constantini fuit
Constantinopolis, quam ille constituit Impe-
rii Sedem. Tres istæ porro Diœceses, Thracia;
Asiana, & Pontica, fraude Anatolii Episcopi
ad novum constituendum Constantinopolis
Patriarcham, tum in Constantinopolitano,
tum in Chalcedonensi Concilio distractæ fuê-
re, Thracia quidem à Sedis Romanæ ditione,
Asiana verò & Pontica ab Antiochena, cui
subjectæ fuerant, Sede.

Diœcesis autem Macedoniæ, Daciæ, atque
Illyrici partis ejus, quæ pertinebat ad Orientis
Imperium, Metropolis fuit Thessalonica, ut fi-
dem facit Theodorus *lib. 3. hist. Eccles. cap. 17.*
Ad postremum tamen Justinianus tum Sedem
Præfecti Prætorio Illyrici, tum etiam Vica-
riam Apostolicam, seu jura Primatus, assen-
tiente Papa Vigilio, ex urbe Thessalonica tran-
stulit Acridum Dardaniæ oppidum, Justiniani
natale, deque suo nomine Justinianam primam
dici voluit *Novellâ 11.* Deinde Nicolaus Pa-
pa I. *epist. 2.* hortatus est Michaëlem Augustum,
ut instaurari curaret antiqua jura, quæ Thes-
salonicensis Episcopus olim exercuerat, tan-
quam Romani Pontificis Vicarius per novam
& veterem Epirum, per Illyricum, Macedo-
niam, Achaïam, Thessaliam, Daciam Ripen-
sem, & Daciam Mediterraneam, & Myliam,
& Dardaniam, & Prævalim. Has enim omnes
Provincias hæc olim Vicaria complecteba-
tur:

Sex pariter constitutæ sunt Occidentis Diœceses, ac Vicariæ Civiles, una Italiæ, altera Illyrici partis, quæ ad Occidentale pertinebat Imperium, tertia Africæ, quarta Galliæ, quinta Hispaniæ, sexta Britannia. Metropolis Italici Vicariæ fuit Mediolanum, Gallicanæ verò Augusta Trevirorum. Utrumque colligitur ex Athanasio *epist. ad solitar. vitam agentes*, dum loquitur de Paulino Trevirorum, & de Dionysio Mediolani Episcopo. Id firmat Theodorus *lib. 2. hist. Eccl. cap. 15.* Salvianus quoque, & ipse Gallus, *lib. 2. de provid. Dei*, Trevirim dicit summam Galliarum urbem. Vicaria porro Britannia Metropolis Eboracum fuit, quæ est Romanorum colonia, quam Spartianus *in Severo*, Urbem absolutè per antonomasiam vocat, & in qua Constantius Imperator, Magni Constantini pater regni constituit, diemque obiit, ut prodit Eusebius *lib. 1. vitæ Constantini*, Eutropius, Aurelius Victor, & Orosius.

Diœcesis Africæ indubitatum est Metropolim, tam civilem, quàm Ecclesiasticam fuisse Carthagine constitutam, cujus etiam Episcopus Primatu supra omnes totius Africæ Antistites potiebatur, ut passim cernere est in Cypriani epistolis, & in universalibus Conciliis Africæ, quæ ab Episcopo Carthaginensi omnes indicebantur, & quibus præsidebat, cuique subiacebant Numidiæ, & Mauritanæ Primatus.

Illyrici partis ejus, quæ ad Imperium Occidentale spectabat, Metropolis fuit Sardica urbs in Illyrica celeberrima, & Concilio Oecuménico

Cap. XXVIII. De Provinciis Ecclesiast. 149
 nico spectabilis, in quo trecenti Occidentales
 Episcopi, curante religiosissimo Constante, qui
 Occidentale regebat Imperium, de Ariana impietate triumpharunt. In subscriptionibus magni Concilii Nicæni apud Gelasium Cyzicenum ita signatum legimus : *Protogenes Sardicæ civitatis Episcopus pro sanctis Dei Ecclesiis, quæ sunt in Dacia, Calabria, Dardania, & Provinciis vicinis.*

De Hispania, quænam fuerit Metropolis ac Vicaria, nonnihil ambigitur. In Hispalim propendeo Romanorum Coloniam, Bætici caput, sitûs commoditate, opibus, amplitudine, & emporii frequentia ab omni ævo inclytam. Constat utique Hispalis Episcopum fuisse ab antiquis sæculis Hispaniarum Primatem : hanc enim illi potestatem indulget Simplicius Papa I. *epist. 1.* Deinde Hormisda Papa *epist. 26.* quæ est ad Salustium Hispalensem Episcopum. Hoc jure Primatûs usi sunt sanctissimi urbis ejusdem Episcopi Leander, & Isidorus, qui primus in Concilio Toletano IV. subscripsit. Ipse verò Toletanus Episcopus, olim solius Carpetanæ provinciæ Metropolita, Regum Gothorum operâ, qui Toleti regiam fixerant, Primatûs honore potiri cæpit in Concilio Toletano duodecimo, ut in ejus canone sexto decernitur.

Roma verò suum peculiarem agnoscebat Præfectum, qui cæteris omnibus præminebat Urbis dignitatibus, l. 3. *C. de offic. Præf. Urbis.* Huic parebant suburbicæ quoque regiones, quotquot nimirum intra centesimam ab

150 *Notitia Conciliorum S. Ecclesie,*
urbe lapidem continebantur, protensæ intra
Tusciam, Picenum, & Campaniam, *l. 1. ff. eod.*
Huc respexit Septimius Severus Augustus,
quando exauthoratos milites Prætorianos Ro-
mæ finibus ad usque centesimum lapidem sub
capitis pœna jussit excedere, ut refert Hero-
dianus *lib. 2.*

Demum Justinianus depulsis ex Africa Van-
dalis, quintum adjecit Præfectum Prætorio ad
quatuor præcedentes, ejusque residentiam Car-
thagine, quam de se Justinianam tertiam dici
voluit, constituit, *l. 1. Cod. de offic. Præf. Præ-
Afr.*

Nos superius Vicariam quidem Galliæ Tre-
viris præfiximus: at verò sedem ipsius Gallia-
rum Præfecti, ejus potestas Hispaniam quo-
que, & Britannia insulam complectebatur,
stabiliverat Constantinus I. in Arelatensi urbe,
cui etiam Constantinæ nomen impertitus est.
Prorsus enim errant nonnulli, qui hoc nomen
mutuatum existimant à Constantino tyranno,
qui contra Honorium rebellis hac se urbe
communierat; non enim post profligatum &
extinctum tyrannum illum idem Honorius in
suo ad Agricolam Galliarum Præfectum re-
scripto Arelatem vocaret Constantinam, ut
eam vocat, si recens id nomen à tyranno ac-
cepisset. Ex hoc porro rescripto comprobatur
insuper, fuisse Arelatæ constitutam Præfecti
sedem. Jubet enim Honorius eodem rescripto,
veterem consuetudinem, per tyrannos diu in-
termittam instaurari, ut quotannis in ea urbe
conventus habeatur septem Galliæ provincia-
rum

Cap. XXVIII. De Provinciis Ecclesiast. 151
rum, *sub illustri* (sic enim loquitur) *præsentia*
Præfecturæ. Undenam verò illa vetus consue-
tudo ortum habuit, nisi à Constantino hujus
urbis studiosissimo, qui suum ei nomen indi-
dit, quique totius Occidentis generale Conci-
lium eadem in civitate celebrari voluit in causa
Donatistarum: aut etiam ab ipsius patre Con-
stantino Chlora, qui in Gallia imperavit? In-
super illa Galliarum Præfecti sedes Arelatensis
asseritur hisce verbis Episcoporum olim Are-
latensi Primate subditorum, ad Leonem Pa-
pam scribentium: *Hanc civitatem sublimissima*
Præfectura, hanc reliquæ potestates velut commu-
nem omnibus patriam semper inhabitant. His al-
terum non minoris authoritatis testimonium
adjungimus Gregorii Turonensis, scribentis
lib. 1. histor. Franc. cap. 7. quo tempore Hunno-
rum Rex Attila se obsidioni Aureliæ accinxit,
ejus urbis Episcopum sanctum Anianum im-
plorandi auxilii causâ ad Aëtium Galliarum
Præfectum se contulisse Arelatæ commoran-
tem. Denique res eadem astringitur antiquis in-
scriptionibus, quarum una hæc visitur in Are-
latensi urbe de Auxiliari Præfecto, cujus etiam
fit mentio in Hilarii Arelatensis Episcopi vita
ab Auctore temporis ejusdem conscripta, quæ
pariter meminit cujusdam Præfecti, quem Hi-
larius privatim sæpius correptum, tandem in-
tra Ecclesiam concionando præsentem redar-
guit. Inscriptio autem est hujusmodi, ut pa-
gina sequens indicat.

Domini-
nis no-
stris,
Pii, Fe-
licibus,
Victo-
ribus,
Trium-
phato-
ribus,
Inlu-
stris,
(hoc est
illustribus)
fecit
millia-
re pas-
suum
unum.

SALVIS DD. NN. THEODOSIO
ET VALENTINIANO P. F. V.
AC TRIUM. SEMPER AUG. XV.
COS. VIR INL. AUXILIARIS
PRÆF. PRÆTO. GALL. DE
ARELATE MAMILLARIA PONI F.
M. P. I.

Erat enim primus lapis milliarius proficifcentibus ex ea urbe.

Hinc est, quod sanctum Doctorem & Pontificem Ambrosium Arelatenses sibi civem jure vindicare possunt, cum testetur in ejus vita Paulinus, natum in Gallia, in ipsoque Prætorio educatum infantem, & in ipsis cunis apum indicio, qualis futurus esset, præmonstratum, dum pater ipsius Prætoriana Præfectura in Galliis fungeretur.

Perperam verò Josephus Scaliger, & Guidus Savaro in suis ad *Apollinarem commentar.* tres fuisse intra Galliæ fines Vicarios imaginantur, cum disertè doceat liber notitiæ Imperii, sex tantum fuisse Occidentis Vicarios, in Italiæ quidem Præfectura tres, & in Galliæ Præfectura totidem alios, unum quidem intra fines ipsius Galliæ, secundum in Hispania, tertium in insula Britannia. Quam rem accuratius observant Pancirolus in suis ad eandem notitiam commentariis, & Jacobus Sirmundus in notis ad Sidonium, lib. I. epist. 3.

C A P U T X X I X.

Prosequutio Canonum Antiochenorum.

Sed jam ad Antiochenos Canones, unde digressi sumus, regrediamur. Igitur canon 10. sancit, Chorepiscopos Hypodiaconorum, Lectorum, & Exorcistarum ordinatione contentos esse debere, nec nisi ex venia ejus, cui subsunt, Episcopi licere illis Presbyteros, & Diaconos consecrare. Requirito superius observata ad Ancyranum canonem decimumtertium.

Canon 23. providet, ne quis Episcopus extra fines suos citra Episcopi loci voluntatem audeat ullum ordinare. Refertur *in c. Episcopum non debere*, 9. q. 2. Idem providit Apostolorum canon 34. jubens Episcopum deponi, qui sic fecerit, & eos quos ordinavit. Id renovavit Concilium Constantinopolitanum *can. 2.* & Tridentinum *sess. 6. de reform. cap. 5.*

Antiochenus canon 24. constituit ut cognoscant Presbyteri & Diaconi eas, quæ ad Ecclesiam pertinent, facultates: ut si Episcopus moriatur, possit quidem quæ sui patrimonii sunt, quibus ipsi libuerit relinquere; res verò Ecclesiæ sine diminutione Ecclesiæ ipsi conserventur, nec aliò transferantur. Refertur *in cap. quacumque res*, 9. q. 1. Idem decernit Apostolorum canon 39. *Ut Episcopi (inquit) quæ*

154 *Notitia Conciliorum S. Ecclesiæ,*
propria ipsorum sunt, valeant in quoscunque pla-
cuerit hæredes transferre, ut tamen ad alios res
Ecclesiæ minimè transeant. His accinit Agathen-
 sis canon 48. quem inferiùs consulito cum no-
 stris ad ipsum additamentis. Legimus in Jure
 Canonico, vetitum Episcopis, & quibuscum-
 que Clericis testamento disponere de proven-
 tibus dignitatum, ac præbendarum; & si secus
 fiat, irrita esse testamenta, solamque illis Ec-
 clesiæ succedere, *cap. quia nos, cap. relatum*
12. & cap. cum in officiis, de testam. Quibus sub-
 inde canonibus jus spoliî successit, non recep-
 tum quidem in Gallia, Germania, & Belgio;
 vicens tamen in Italia, & Hispania: quo jure
 non ampliùs Ecclesiæ, sed Camera Apostolica
 successit in facultates, quæ provenêre, aut pro-
 venisse præsumuntur ex Episcopatum & Be-
 neficiorum fructibus. Nulla juris spoliî men-
 tio reperitur in corpore Juris Canonici, sed
 apud Guidonem Papæ, Galliæ Jurisconsultum
decis. 110. Dum hæc Antiochiæ Synodus ha-
 bebatur absque Julii Papæ consensu, in præ-
 judicium causæ Athanasii ad ipsius Tribunal
 devolutæ, Romanæque Synodi ab eodem in-
 dictæ, Romanam Synodum istam Julius pro-
 sequebatur, ad quam citati Orientales accedere
 detrectarunt: quia verò Romæ comparebant
 Athanasius Alexandrinus, Marcellus Ancy-
 ranus, Asclepas Gazæ, Lucianus Adrianopo-
 lis, alique suis per Arianos deturbati Sedibus
 Episcopi, discussâ demùm horum causâ de-
 cretum est, fuisse injustè depositos, & ad pri-
 stinas remissi sunt Ecclesiæ, depulsis quos eo-
 rum

rum loco Ariani promoverant. His de causis scripsit Julius ad Orientales epistolam, in qua hoc etiam asseverat, fuisse in primis ab Apostolis traditum, deinde in Magno Nicæno Concilio firmatum, *Non posse ullam convocari Synodum invito, & inconsulto Romano Episcopo.* His literis Orientales non obtemperant, aliasque ad Julium rescribunt querelarum plenas. Utraque, & Julii, & Orientalium profert literas Athanasius *apolog. 2.*

Imperabat eo tempore in Occidente Constantinus, qui in Constantini fratris ditiones successerat. Constantinus verò religiosissimus, & optimus Princeps, ut hæc Episcoporum dissidia componerentur, egit cum fratre Constantio, ut Oecumenica Synodus Sardicæ cogeretur, eo quod esset civitas confinis, ac Orienti intermedia & Occidenti, sita inter Illyricum, Mæsiam & Thraciam. Docet Theodorus Balsamon, dici vulgò Triaditzem, quæ olim Sardica.

C A P U T XXX.

Synodus Oecumenica Sardicensis.

I Taque conspirantibus unà Constante, Constantioque Imperatoribus, anno Christi 347. Sardicæ convenerunt ex Oriente septuaginta-sex Episcopi, & ex Occidente circiter trecenti. Eoque suos misit Julius Papa Legatos Osium Cordubæ, Protogenemque Sardicæ Episcopos,

156 *Notitia Conciliorum S. Ecclesiæ,*
 pos, Archidamum quoque, & Philoxenem
 Presbyteros. Ariani se numero videntes cum
 Catholicis impares, ab his se subdixerunt, &
 Philippos in Thraciam concedentes, conven-
 ticulum inierunt, cui falsò Sardicensis Con-
 cilio nomen indiderunt, in quo etiam tantoperè
 sibi exosam CONSUBSTANTIALIS vocem dam-
 narunt. His autem frustra accitis, & rogatis,
 ut Sardicam ad Synodum reverterentur, dis-
 cussa rursus Athanasii, Marcelli, & Asclepæ
 causa est à Patribus Sardicæ confidentibus, qui
 eos demùm expurgatos, & liberos in pristinas
 Ecclesias remitti decreverunt, depulsis Ale-
 xandriâ Georgio, Ancyra Basilio, & Gazâ
 Quintiano; aliosque similiter ab Arianis ex-
 pulsos Episcopos, post accuratum causæ exa-
 men in pristinam redintegraverunt dignitatem.
 Quin etiam aliquot Arianos Episcopos ex his
 qui Philippis confidebant, juridicè citatos,
 & coràm adesse detrectantes, examinatis eo-
 rum actis damnarunt, & Sedibus dejecerunt,
 Stephanum Antiochiâ, Menophantem Ephe-
 so, Acacium Eusebii successorem Cæsareâ Pa-
 lestinae, Gregorium Laodiceâ, Theodorum
 Heracleâ, Narcissum Neroniade, Ursacium
 Singidon: in Mysia, Valentem Murso in Pan-
 nonia. De his omnibus Sardicenses Patres li-
 teras ad Julium Papam, Constantium, & Con-
 stantem Augustos, & ad Ægypti Ecclesias
 conscripserunt: aliasque insuper encyclicas ad
 universas Ecclesias. Nullum verò novum Fidei
 Symbolum ediderunt, sed Nicænum confir-
 marunt.

Canon

Canon primus eos laïca privat communione, qui ab uno Episcopatu se in alium promoveri consentiunt. Vide superiùs observata, & producta ad Nicænum canonem 5.

Canon 3. statuit, ut inviolabile sit jus appellandi ab Episcoporum Synodis ad Romanum Pontificem, vetatque ne in fraudem hujusmodi appellationis de alio quoquam provideatur in locum Episcopi, qui Synodi judicio depositus appellaverit. Post hæc abrogantur quæ Antiochena Synodo paulò antè decreta vidimus adversus Athanasium, aliosque Episcopos; quibus injustè depositis, alios temerè subrogaverant. Istud appellationum jus ad Romanum Episcopum attribuitur decretis Nicæni Concilii per Zosimi literas in Actis Carthaginensis Concilii sexti: qua de re infra suo loco.

Canon 6. cavet ne in vicis & oppidis erigantur Episcopatus, ne dignitas vilescat: ejusmodi verò locis præfici solebant Chorepiscopi.

Canones 8. 9. 10. 11. 12. fanciunt, ne quis Episcopus eat in Comitatum, seu Principis Aulam, nisi ab ipso Principe vocatus, cujus literas hæc Synodus vult exhiberi aut Metropolitanò, aut Synodo Provinciali, à quibus tenetur Episcopus literas commeatus formatas referre. Quod si Romæ versetur Imperator, ne quis Episcopus ei supplices libellos offerat, nisi priùs lectos & approbatos ab Episcopo Romano. Cum Episcopis has leges transgredientibus omnis interdicitur communicatio. At his perditis temporibus innumeri reperiuntur veriùs
aulici

aulici assentatores & parasiti, quàm Episcopi;
 neque reverà Pastores, sed mercenarii, qui lu-
 porum incurfus parvipendentes, & residendi
 officium averfantes, Aulam conſectantur, &
 Ecclesiæ Christi dignitatem, jura; & discipli-
 nam Procerum libidini fœdissimè subjiciunt,
 ad hoc unum intenti, ut eorum gratiam aucu-
 pando, suas promovere possint cupiditates.
 Mirificè Chrysostomus *homil. 57. in Genes.* in-
 vehitur in Prælatos officii sui negligentes: ubi
 observans quantis ærumnis, laboribus, & vi-
 giliis Jacob gregem Labani curabat, *Genes. 31:*
 commonſtrat quàm deploranda, & divinâ ul-
 tione puniendâ sit Prælatorum circa Domini-
 cum gregem incuria, cujus salutis Princeps Pa-
 storum Christus sanguinem, vitamque profu-
 dit. Scire convenit, conventum Philippensem,
 qui falsò nomen sibi Concilii Sardicenis vin-
 dicabat, damnasse quoscumque vera, legitima-
 que Synodus Sardicenis absolverat; Julii quo-
 que decreta proſcripiſſe, primatque inter om-
 nes pseudo-Synodos anathema dicere ausam in
 Romanum Pontificem, eo quòd Julius cum
 Athanasio, aliisque injustissimè exauthoratis
 Episcopis communicasset, ut Sozomenus scri-
 bit *lib. 3. cap. 7.* Et quia Gratus Carthaginis
 Episcopus Orthodoxus in legitima Synodò
 Sardicensi confederat, isti Philippenses Aria-
 ni cum Donato communicarunt Carthaginis
 pseudo-Episcopo, cæterisque Donatistis; ut
 Hilarii fragmenta docent. Quemadmodum in
 Ægypto etiam Ariani societatem inierant cum
 Meletianis odio Athanasii. Eoque factum est,
 ut

ut communi Arianorum, & Donatistarum fraude suppressis in Africa legitimi Sardicensis Concilii decretis, ipse Augustinus, aliique Patres Africani in Concilio Carthagenensi sexto non aliud agnoverint Sardicense Concilium, quàm Arianorum.

Peracta Sardicensi hac Synodo, Hæretici Constantino Augusto freti, omnia rursus in Oriente perturbant, & Catholicos rapinis, carceribus, & verberibus, exiliisque insectati sunt, donec Constantis fratris sui literis deterritus Constantius, exules nonnullos revocavit, & Athanasium, mortuo nefando illo, sceleratoque Georgio, Sedem pristinam repetere permisit, ut ipse narrat Athanasius *epist. ad Solitar.*

C A P U T XXXI.

Concilium Carthagenense sub Iulio Papa, quod primum dicitur.

SOluto Sardicæ Concilio, reversus ex eo Gratus Carthaginis Præsul, Constantem (cujus imperio parebat Africa) contra Donatistas concitavit; quos ut reprimeret Constans, Legatos plena instructos potestate, & copiis accinctos misit in Africam, ut tumultuantes Schismaticos reprimerent. Unde ipsi Donatistæ usurpatis Sedibus dejecti, compulsi sunt exulare, interque hos Donatus Carthaginis pseudo

do-Episcopus. Horum omnium exilio factum est, ut Africanæ Ecclesiæ tranquillissima pax potirentur. donec mortuo Constante, qui ei successit Apostata Julianus in Ecclesiæ Christi perniciem intentus, omnes Donatistas postliminio revocavit. Quum verò illis depulsis Africa universa in fide unanimi, & profunda pace conquiesceret, Gratius Africæ Primas hanc ideò Synodum indixit, ut ruinas sarciret, quas Donati schisma fecerat.

Canon 5. meminit Canonum Sardicensium (hi verò sunt ordine 16. 18. 19.) prohibentium suscipere alienum Clericum, aut ordinare citra proprii ejus Episcopi literas. Quam servari disciplinam districtè præcipiunt Carthaginenses Patres, sed & Apostolorum Canones 15. & 16. & maximè 32. *Neminem*, inquit, *peregrinum, sive Episcopum, sive Presbyterum, sive Diaconum recipi decernimus, sine commendatitiis literis, ὡς καὶ ὁ κανὼν.* Theodorus Balsamon *ad Apostol. can. 15.* scribit opus esse volenti Clerico in alieno Episcopatu versari, commendatitiis literis; at volenti Clericalia ibidem obire munia, necessarias esse literas dimissorias; quales etiam sumebant Episcopi à suo Metropolitano, vel à Provinciali Synodo, ut statutum paulò ante vidimus à Concilio Sardicensi. Hodie verò ad Clericalia munia in alieno Episcopatu obeunda sufficiunt Ordinum literæ cum commendatitiis, seu testimonialibus proprii Episcopi, juxta Concilium Tridentinum *sess. 23. cap. 16.* Prohibet verò Synodus Nicæna *can. 16.* omnem alieni Clerici ordina

ordinationem fieri, factamque declarat irritam, ubi proprii consensus Episcopi defuit. Istæque debet apparere consensus ex dimissoriis literis. Vide proximè sequentem diatribam, quâ disquirimus, quis olim habitus, & quis nunc temporis habeatur proprius cujusque Clerici Episcopus.

Canon 6. Clericis interdicat domorum administrationem, aut procurationem suscipere, cum edicatur 1. Timoth. 2. *Nemo militans Deo implicet se negotiis secularibus.* Eodè spectat Lateranensis canon in cap. penult. de vita & honest. Clericor. Maximè verò Chalcedonensis canon 3. quem inferiùs requirito cum nostris ad ipsum annotationibus.

Canon 8. interdicat procuratores, tutores, negotiorum gestores in Clerum ordinari, nisi postquam redditis ratiociniis liberati fuerint. Habetur in Decreto, cap. magnus Episcopus, distinct. 54.

C A P U T XXXII.

Ad præcedentem Canonem quintum diatriba, quisnam olim habitus fuerit, aut quis nunc habeatur proprius Clerici cujusque Episcopus.

C ompertum est ex superioris Africani Concilii canone 5. & Nicæni canone 16. & Arelatensis primi canone 22. & Sardicensis

162 *Notitia Conciliorum S. Ecclesiae,*
 canone 15. & Antiocheni canone 22. aliisque
 plerisque, proprium cujusque Clerici Episcopum,
 ad quem pro suscipienda ordinatione re-
 currendum erat, aut saltem pro dimissoriis ad
 hunc finem literis, illum ipsum fuisse, à quo
 Clericus quivis fuerat ordinatus, & pro ve-
 rusta consuetudine certæ addictus Ecclesiae,
 in qua ministraret, unde postmodum excedere
 sacri præallegati Canones districtè vetabant.
 Hanc diffusè, atque eruditè pertractat quæ-
 stionem Sorbonicus Doctor Franciscus Hallier
de sacris electionibus, & ordinationibus, sect. 5.
cap. 3.

Scio equidem, habitam quoque originis ra-
 tionem fuisse. Ipse namque præfatus Cartha-
 ginensis Canon 5. hoc etiam præscribit : *Nec*
licere (inquit) Laicum usurpare sibi de plebe
aliena, ut eum ordinet sine conscientia ejus Ep-
iscopi, de cujus plebe est. Quod idem & à Sardi-
 censi Concilio decretum fuisse ibi asserit Gra-
 tus Episcopus, qui teste Athanasio *apol. 2.* unus
 fuerat de Sardicensibus Patribus. Julius Papa,
 sub quo hæc duo celebrata Concilia sunt, sic
 decernit in rescripto ad Orientales pro Atha-
 nasio : *Nullus Episcopus alterius parochianum*
presumat retinere, aut ordinare, vel judicare
absque ejus voluntate : quia sicut irrita erit ejus
ordinatio, ita & judicatio.

Cæterum pro origine reputabatur ipsum do-
 micilium, ut si quis in alia, quàm in qua natus
 fuerat, Parœcia inhabitaret, eo ipso subjiceretur
 Episcopo loci, in quo domicilium fixerat;
 ut posset ab eodem in Clerum assumi, Eccle-
 siæque

Itaque certæ ascribi, nec posset ab alio deinceps ordinari absque dimissoriis. Nec verò præcitati Canones obliſtunt; censebatur enim quis de plebe, & de Paræcia, cujus erat incola. Id verò innumera suadent testimonia: & in primis Arausicani Concilii primi canon octavus, qui tamen requirit etiam juremeritò alterius Episcopi testimonium, in cujus olim Paræcia diu habitaverat ordinandus in Clerum: *Si quis (inquit) alibi consistentem Clericum ordinandum putaverit, prius definat, ut cum ipso habitet. Nec eum sine consultatione ejus Episcopi, cum quo antè habitavit, ordinare præsumat: quia non sine causa diu ab alio non ordinatus remansit.*

In Carthaginensis Concilii cap. 44. & Africanani cap. 28. Epigonius Episcopus conqueritur, quendam à se baptizatum, educatum, & demùm in Lectorem ordinatum, subreptum sibi fuisse à Juliano Episcopo dicente, civem esse suæ Paræciæ: ideoque ab eodem sine Epigonii Dimissoriis factum Diaconum. Judicat Concilium fuisse hoc indebitè à Juliano attentatum: ratioque in promptu est, quia dudum fuerat is Clericus ab Epigonio primùm ordinatus, & Ecclesiæ Mapaliensi ascriptus, in qua biennio Lectoris officium exercuerat. Cæteræ rationes Epigonii ex abundantia, & ad majorem ingratitudinis expressionem producuntur, quòd is, de quo agebatur, Clericus fuisset ab Epigonio baptizatus; quòd inopè fuisset, ejusque charitate sustentatus, & ab ipso Juliano commendatus:

Paulinus *epist.* 45. quæ etiam inter Augustini epistolas inseritur ordine 35. refert se Burdigalæ à Delphino baptizatum fuisse, deinde Barcinone in Hispania ad ferventem illius populi postulationem ordinatum Clericum, & sacratum à Lampio; se verò decrevisse Sacerdotium ab Ambrosio Mediolanensi suscipere. Unde duo observatu digna eruuntur: primum quidem, exiguam, & ferè nullam originis, & Baptismi rationem habitam in ordinationibus; quandoquidem Paulinus ipse in Provincia ab urbe nativitatis, Baptismi que sui longè diffita in Clerum assumptus est. Ad id namque sufficiebat perspecta viri virtus, & fama illustis, præsertim populo id postulante, & precibus urgente: sed ubi non fuisset perspecta viri alienigenæ virtus, ne periculum foret, indignum, aut etiam Canonibus virum interdictum ordinandi, remittendus sanè fuisset ad originis Episcopum, aut certè alium, cui perspectæ fuissent hujus ad Ordinem requisitæ qualitates.

Observandum secundò ex eodem Paulini testimonio, potuisse aliquem jam in Clerum assumptum, & Ordinibus initiatum, recipere ab altero Episcopo sacrum Sacerdotium abque prioris Episcopi Dimissoriis; si tamen non sponte, sed quasi per vim susceperat Ordines anteriores, cum hac protestatione, nolle se addici certæ, & peculiaris Ecclesiæ ministerio. Id enim Paulinus ipse à se factum testatur epistola 6. ad Severum: *Nam (inquit) in Barcinonensi Ecclesia condicione consecrari adductus sum,*

sum, ut ipsi Ecclesia non alligarent; in Sacerdotium autem, non etiam in locum Ecclesie dedicatus. Ubi autem istæ deerant conditiones, ab illo qui primum ordinaverat, Episcopo suscipiendum erat Sacerdotium, quantumvis alibi aliquis natus fuisset.

Præterea multa suppetunt hujusce ritus apud veteres exempla, præter istud Paulini. Origenes enim ortu Ægyptius, ab Alexandro Hierosolymorum Episcopo fuit Presbyter Consecratus ad solas Demetrii Alexandrini Episcopi literas de moribus & doctrina testimoniales, absque dimissoriis. Nec verò tantus vir, qui Deo revelante fuerat evehctus ad Hierosolymitanam Sedem, quique singulari vitæ sanctitate, & librorum, quos scripsit, eruditione toti Ecclesie illuxit, atque illibatam vitam glorioso tandem martyrio conclusit, rem indebitam ausus fuisset, aut libro in Demetrium Alexandrinum edito defendisset, cujus mentio fit ab Hieronymo *de Scriptoribus Ecclesiæ, in Alexandro.*

Præfatus etiam Paulinus, & Severus Sulpitius, scriptores ambo vitæ Sancti Martini Turonensis Episcopi, narrant Martinum Sabariæ in Pannonia natum, ab Hilario Pictavorum Episcopo fuisse primum Exorcistam creatum, deinde majoribus Ecclesie Ordinibus insignitum, & deinceps Hilario, dum vixit, addictum.

Epiphanius juxta Eleutheropolin Phœniciæ urbem natus, Clero, invitatus licet ac repugnans, in Cypri urbe Salamine initiatus fuit;

166 *Notitia Conciliorum S. Ecclesiæ,*
mox Diaconus, deinde Presbyter, postremò
Episcopus ejusdem urbis creatus fuit, ut Græ-
cè scripta ejus vita testatur.

Similiter Hieronymus Stridone in Dalmatia
oriundus, ab Antiochiæ Episcopo Paulino est
Presbyter ordinatus, ut ex ipsius epistolis 57.
58. & 61. compertum est. Hieronymi frater
Paulinianus æquè Stridonensis, Sacerdotio ab
Epiphanio Constantiæ (quæ & Salamis dici-
tur) Præsule consecratus est, ut ex Hieronymo
epist. 61. liquet.

Augustinus, cui patria Tagaste, Baptismum
quidem Mediolani ab Ambrosio suscepit, à
Valerio autem Hipponensi Episcopo Clericali
militiæ ascriptus est, & Sacerdotio consecra-
tus, ut refert ipsius vitæ scriptor Possidius,
& ipsemet in confessionum libris.

Pinianus nobilis Romanus cum Hipponem
Augustini videndi gratiâ venisset, urgente, at-
que ad Clerum postulante illum populo, ju-
ravit se Clericatum in nulla alia Ecclesiâ re-
cepturum, testante ipso Augustino *epist. 225.*

Evagrium etiam Ægyptium Gregorius Na-
zianzenus Constantinopoli Diaconum ordi-
navit, Socrate teste *lib. 5. cap. 18.*

Quinetiam Augustinus, & Severus mutuò
disceptantes pro Timotheo Clerico, *epist. 240.*
& 241. nihil de ipsius patria disputant, sed so-
lùm à quonam fuerit ordinatus, ut eum sibi
solus possit, qui Clericum fecerat, vindicare.
Conqueritur ibi Augustinus, Timotheum post-
quam pluries in Ecclesiâ sibi subdita de pul-
pito legerat, fuisse tamen à Severo, se incon-
sulto

sulto, Subdiaconum ordinatum; sed eum ad suam Ecclesiam pertinere asseverat, rogatque Severum, ne hunc aperiri sinat aditum ad ordinem dissolvendum Ecclesiasticæ disciplinæ; sed Timotheum ad se dimittat, ne iste perjurio ulterius Deum offendat, postquam Ecclesiæ, in qua primùm ordinatus est, juravit se ab illa non recessurum. Ex hoc Augustini loco perspicua fit vetus Ecclesiæ consuetudo, qua is, qui Clero ascribebatur, juramento spondebat stabilitatem in Ecclesia, cui per ordinationem primùm astringebatur. Qua tamen sponsione se devincire Barcinonensi Ecclesiæ Paulinus recusavit, & ipse Hieronymus Antiochenæ, quia in sua ordinatione nullius se Ecclesiæ ministerio addicendum protestatus est, ut ipse de se testatur *epist. 61.*

Collapsa demùm Ecclesiæ disciplinâ, ex quo desit laudabilis consuetudo traditione Apostolica & sacris veterum Conciliorum sanctigonibus stabilita, ut quivis Clericus in ordinatione sua certæ, & peculiaris Ecclesiæ ministerio deputetur, à qua discedere non sit ei deinceps liberum, ut statuitur generalis Concilii Agathensis primi *can. 22.* & Oecumenicarum Synodorum, Nicænæ primæ *can. 15.* & Chalcedonenfis *can. 6.* factâ demùm Clericis pro suo libito ab una ad aliam Ecclesiam commigrandi licentiâ & potestate, tum primùm diversa invaluit proprii Episcopi notio & acceptio. Tria enim distincta sunt genera Episcoporum, ad quos unicuique liberum esset pro libito recurrere ad quosvis Ordines suscipien-

168 *Notitia Conciliorum S. Ecclesiæ,*
dos. Hi verò sunt Episcopi vel originis, vel
domicilii, vel beneficii : cujus distinctionis
primus ex iis qui supersunt, meminere Canon
Bonifacii Papæ VIII. *cap. nullus, de temper.*
ordin. in 6,

C A P U T XXXIII.

Mediolanensia Concilia primum, & se-
cundum : nova Orthodoxorum Episcopo-
rum exilia, & Ecclesiarum ab Arianis
clades.

DUæ Mediolani celebratæ sunt Synodi cir-
ca Nicænam fidem : prima quidem anno
trecentesimo quadragesimo septimo, ut contra
Baronii sententiam probat Dionysius Petavius
in notis ad Epiphanium, & in sua de Photino
dissertatione. Prima hæc fuit Catholicorum sub
Julio Papa, & Constante Occidentis Impe-
ratore, cui parebat Mediolanum. In hoc Con-
cilio Valens, & Ursacius Episcopi, quorum
Ecclesiæ Mursia, & Singidon in ditione quo-
que Constantis erant, libellos pœnitentiæ de-
derunt, & retractationis ac palinodiæ, tum
Arianæ, quam hætenus professi erant, hære-
sis ; tum calumniarum quas adversus Athana-
sium confinxerant. Ambo remissi à Synodo
sunt ad Julium Romæ Episcopum, à quo ven-
iam, & reconciliationem acceperunt. Hæc
referuntur tum in literis Osi ad Constantium,
apud

Cap. XXXIII. Concilia Mediol. &c. 169
apud Athanasium *epist. ad Solitar.* tum in epistola Synodi Ariminensis, apud eundem *lib. de Synodis*, & apud Socratem *lib. 2.* & Theodoretum *lib. 2. cap. 15.* & in fragmentis Hilarii, & in epistola Liberii Papæ ad Constantium, apud Luciferum.

Christi postmodum anno trecentesimo quinquagesimo religiosissimus Constans Augustus, sanctæ Ecclesiæ adversus Arianos & Donatistas egregius defensor & vindex, interfectus est juxta Pyrenæos, in castro, cui Helenæ nomen, à Gaisone Magnentii tyranni Duce. Dici non potest quàm grave vulnus Ecclesiæ mors illa inflixerit. Arianorum namque audacia eo quo hætenus reprimebatur, disjecto aggere, omni deinceps ferociâ toto terrarum orbe grassata est. Tunc venales illæ animæ Ursacius, & Valens, ut Constantii gratiam inirent, fidem Ecclesiæ datam fregerunt, seque iterum Arianis adjunxerunt.

Magnentius sublato Constante in Constantium arma perduellia convertit, omnibusque utriusque partis viribus acie configitur ad Murciam Pannoniæ urbem. Primo impetu concussæ Constantii copię pedem retulerunt. Sed resumptis fortiter animis, in Magnentianos irrupere, illosque internecione profligavere. Biennio post desperatis rebus suis Magnentius mortem sibi apud Lugdunum conscivit.

Dum se Constantius ad prælium adversus tyrannum comparabat, Gallum patruī sui Constantii filium, & Juliani, qui postmodum

in apostasiam lapsus est, & imperavit, fratrem natu majorem creavit Cæsarem, dum esset Antiochiæ. Quo tempore Gallus, ut dæmonis præstigias eluderet, oracula reddentis intra Daphnem Antiochiæ suburbanum lucum lauris consitum & fontibus irriguum, qui patrum superstitione fuerat Apollini dicatus, sacra transtulit ossa Martyris Babylæ, olim Antiocheni Episcopi, sub Decio Martyrium passi; qua translatione oraculum prorsus obmutuit. Cum verò perfidus Julianus in Imperium Constantino successit, sacras Babylæ reliquias indidem reportari jussit, fanum & dæmonis aram instauravit: sed excusso repente fulmine ara disjecta est, fanumque conflagravit, ut inter alios veteres Authores enarrat Joannes Chrysostomus Antiochenus civis *libro contra Gentes*.

Vt verò paulò intermissum historiæ Constantii filium retexamus, dum hujus, & Magnentii copiarum acerrimo prælio decernebant, Constantius intra Ecclesiam Mursi, non longè à conflictu exitum ipsius anxie præstolabatur, unà cum loci Episcopo Valente. Hic occultè procuraverat, ut sibi prælii exitus quamcitraquissimè aliquo indicio significaretur, antequam Constantius id rescire posset. Primus itaque Valens victoriam Constantio nuntiavit, & sciscitanti unde id sciret, asseveravit id sibi ab Angelo revelatum inter supplices ad Deum preces. Itaque ille victoriam Valentis pietati acceptam referens, acriorem pro Ariana secta contra Orthodoxos insectationem exorsus

exorsus est. Nam & per Occidentem, hæcenus Arianæ perfidiæ inaccessum, suam hæresin longè, latèque propagare statuit, usus maximè operâ Episcoporum Fortunatiani Aquileiensis, & Saturnini Arelatensis. Cùm autem jam ab omni metu & fratre Constantis, & Magnentii Tyranni liber Constantius urgebat Athanasii damnationem, velleretque huic subscribere Liberium Pontificem Julii successorem, petit Liberius causam istam in plena, atque intra Italiæ finès convocata Synodo pertractari: quibus acquiescens Constantius Concilium indixit Mediolani, quod celebratum est anno 355.

Speraverat Liberius in Occidentali Synodo prævalituram Catholicam partem; & utique Catholici numero longè hîc prævalebant: res tamen in contrarium vertit, ob Constantii potentiam, nescio dicam, an impotentiam, qui omnem adhibuit vim, ut quæ animo constituerat, omnium consensu probarentur, Orthodoxorum vota pro nihilo haberi volens, seque illis infensissimum exhibens.

Adfuerunt Papæ Legati Lucifer Calaritanus in Sardinia Episcopus, Pancratius Presbyter, & Hilarius Diaconus. Hi postularunt in primis, ut ad stabiliendam Fidei, animorumque optatissimam unitatem & concordiam, subscriberetur à cunctis Nicæno Concilio, quod unum poterat omnia dissidia consopire. Cœpit sine mora subscribere Dionysius Mediolani Episcopus, sed ei Valens calamum & chartam

172 *Notitia Conciliorum S. Ecclesiæ,*
chartam per vim extorsit. Ex adverso instant
Ariani, hanc unam esse incundæ concordæ ra-
tionem, si omnes Athanasii, cujus causâ præ-
sens Synodus indicta fuerat, quemque tot præ-
cedentia Concilia proscripserant, condemna-
tioni subscribant. Neque hac in causa de com-
muni fide decerni, sed de privati hominis de-
lictis. Dionysius Arianorum fraudulentis pol-
licitationibus delusus, spondentium hoc facto
universæ Ecclesiæ pacem & unanimitatem,
quæ alioquin nulla speranda foret, condemna-
tioni Athanasii, prout Orientales Synodi ju-
dicaverant, subscripsit. Sed eum seorsim coar-
guit Eusebius Vercellensis Episcopus, & ad
facti hujus pœnitentiam reduxit. Hæc igitur
inter innumeras rixas protracta, finitaque ses-
sio fuit.

Postridie interpellatus Eusebius profitetur
se haud ægrè iturum communis pacis studio
in Dionysii sententiam circa ipsum Athana-
sium tot jam Synodicis decretis exauthora-
tum, dum provideatur, ne sibi seniori Epif-
copo junior Dionysius præferatur; ideoque
illius oblitteretur subscriptio, ut cùm ei visum
fuerit, iterum subscribat, postquàm ætate pro-
vectior suum, ut par est, nomen apposuerit:
non multùm in oppositum contendit Diony-
sius. Ariani autem consensione Eusebii om-
nium laudatissimi gestientes, de cujus nutu &
exemplo cæteri pendebant partium Occidua-
rum Antistites, Dionysii nomen ita eraserunt,
nulla ut litera superesset. Tum verò Eusebius
simul & Dionysius apertè protestantur, se
damna

Cap. XXXIII. Concilia Mediol. &c. 173
damnationi sanctissimi & innocentissimi Episcopi Athanasii nunquam consensuros, qui non nisi propter justitiam, & Fidem persecutionem patiebatur. Hæc refert Ambrosius *sermone* 69. Reliqui Orthodoxi resumptis animis pro Athanasio stant, Valenti & Ursacio perturbationum Ecclesiæ funestis facibus propriam obsecant, quam voce & scriptis publicè ediderant confessionem, se per calumniam falsissima crimina adversus Athanasium confinxisse.

Tum confusi, eoque acrius excandescentes Ariani, ut scripsit Athanasius *epist. ad solit. vit. agent.* Apostolicos Legatos constantissime perditis conatibus suis obistentes indignissime habent; ex quibus Hilarium Diaconum flagellis crudeliter lacerant, deinde reliquos duos Apostolicos Legatos, Luciferum, Pancratium, simulque Eusebium, Dionysium, Paulinum Trevirorum Episcopum, aliosque suis ablegant Ecclesiis: qui mox in diversas orbis plagas raptati, ac deportati sunt edicto Constantii, qui & ipsum Liberium Romanum Episcopum ab isto conciliabulo dejectum, & depositum in Thraciam relegavit. Cujus in Sedem Ariani Felicem suffecerunt Romanæ Diaconum Ecclesiæ, qui tamen mente Orthodoxus, ambitu tamen primæ Sedis cum Arianis societatem inivit, Athanasique damnationem suo scripto roboravit. At Clerus, populusque Romanus perfidi hujus invasoris communionem averfatus est. Eum tres Ariani Episcopi Pontificem ordinarunt, ut perhibent Athanasius

174 *Notitiâ Conciliorum S. Ecclesiæ,*
sius epist. ad Solitar. Hieronymus de Scriptorib.
Eccl. in Acacio, Rufinus, & Theodoritus lib. 2.
cap. 14.

Constantius missio cum exercitu Cyriano Comite, Georgium perditissimum ex Mediolanensis hujus pseudo-Synodi decreto in Alexandrina Sede stabilivit. Luctuosissima tunc edita est Catholicorum strages, sine professionum, aut sexuum discrimine, in Clericos, in Monachos, in sacras Virgines: cædibus, raptationibus, carceribus, flagellis, & exquisitis cruciatibus promiscuè tables Ariana grassata est: sacra omnia, profanaque à militibus direpta: innumeri inter durissimos cruciatus trucidati, concitatis etiam per Arianos Paganis, & Judæis in populum fidelem, qui ea omnia passus est, quæ in internecino bello ab immanibus, & sævissimis hostibus infligi possunt. Ista porro calamitas per universam Ægyptum, Cyrenem, Libyam pervagata est. Tot inter atrocitates clam evasit ad necem conquisitus Athanasius, multosque annos delituit. In hisce latebris epistolam conscripsit ad solitariam vitam agentes, atque diversas, quæ supersunt, apologias.

Osius etiam Cordubensis, toto terrarum orbe celeberrimus, jamque ætate centenarius, ut scribit Athanasius, frustra blanditiis, terroribusque ad damnandum Athanasium tentatus, Sirmium tandem Pannoniæ oppidum deportatus est, ibique usque ad Sirmiensem Synodum detentus exul. Lucifer verò Calaritanus scripsit in exilio ad Constantium plures pro

pro Ecclesia Catholica libros, quibus nihil fortius, nihil constantius, nihil aculeatius legi potest: vir sanè magnanimus, Fidei zelo succensus, martyriisque appetens.

Quod verò spectat ad Constantinopolitanam Ecclesiam, Paulus ejus Episcopus, fidei & constantiæ specimen, disgnusque Alexandri successor illius, cujus precibus Arius infami morte perierat, extorris ab Arianis factus est, subrogatò in ejus locum Eusebio hætenus Nicomediæ pseudo-Episcopo. Sed haud multò post, ipso mortuo Eusebio, Paulus à populo revocatus, in suam, unde dejectus fuerat, Ecclesiam regreditur. Ariani tamen Macedonium ejusdem regiæ urbis Episcopum creant. Divisis ergo studiis partium graves accenduntur seditiones. Constantius verò tunc Antiochiæ existens Hermogenem ducem Constantinopolin mittit, cum mandato, ut Paulum Ecclesia, & urbe statim exigar, simulque Macedonium ipsum, eo quòd ipsius violentiis consiliis, & cohortationibus seditiones, & per diversa loca cædes factæ fuissent. Paulus Romam ad Julium Papam se recepit, cujus decreto, & Constantis fratris ad Constantium literis rediit ad pristinam Sedem, simulque Athanasius Alexandriam: quod quidem postliminium istam præcessit pluribus annis Athanasii depulsionem, quam paulò ante commemoravi.

Cæterum mortuo Constante, Paulus Constantii jussu deportatur, & Cucusi tandem in Armenia strangulatur in carcere ab Arianis: restitui

restituitur autem in Sedem Macedonius. Cæterum transactis aliquot annis, suadente Aca-
cio Cæsareæ Palæstinæ Episcopo, qui erat ab-
solutorum Arianorum princeps, Concilium
cogit Constantinopoli Constantius, quo semi-
Ariani Episcopi (quorum principes erant Ma-
cedonius Constantinopolitanus, & Basilus An-
cyranus) suis deturbantur Sedibus. Itaque de-
jecto Macedonio, Eudoxius ex Antiochena,
quam dudum invaserat, Sede in Constantino-
politana transfertur. Abdicatus Macedonius
novam procudit hæresim contra Spiritus sancti
divinitatem. Licet enim ipse semi-Arianus Fi-
lium profiteretur esse Deum, & Patri secun-
dum substantiam similem; at Spiritum San-
ctum in ordine creaturarum rerum collocabat;
quæ postea hæresis secundâ Oecumenicâ Sy-
nodo damnata est.

Ut verò ad Antiochenam Ecclesiam regre-
diamur, statim atque Leontius Eunuchus &
Arianus Antiochenam Sedem morte sua va-
cuam reliquit, eò accurrens Eudoxius Germa-
nicæ in Syria Episcopus, dolo, & factione
Episcopatum Antiochenum occupat: sed ali-
quanto post ab Arianis ad thronum Constans-
tinopolis Ecclesiæ promotus est. Antiochenæ
verò Ecclesiæ iidem digresso Eudoxio Mele-
tium præfecerunt, qui fuerat Sebastæ Episco-
pus, virum eloquentiâ, & morum lenitate
spectabilem, hactenus Arianis addictum. Sed
præter omnium expectationem, cum primum
ad Antiochenos sermonem haberet, aperte
docuit, Dei Filium ejusdem esse cum Patre
substantiæ,

substantiæ. Tum Archidiaconus, qui retrò
astabat concionanti, porrecta manu, ne ultra
loqui pergeret, os dicentis occlusit. At Mele-
tius manum suam elevans, tres digitos primùm
diductos, deinde in unum compressos osten-
dit populo, significans Patrem, Verbum, &
Spirituum Sanctum, tametsi personis distinctos,
unius esse, ejusdemque essentiæ. Cumque Ar-
chidiaconus ore Meletii dimisso, ejus manum
comprehendisset, ipse rursus libera voce po-
pulum cohortatur, ut Nicænæ Synodo firmi-
ter adhæreat, alioquin enim omnem eis salu-
tis æternæ viam præcludi. Tam inexpectato
casu Ariani perculsi Meletium exauthorant,
ejusque loco Euzoïum protrudunt. Tum verò
Antiocheni tres in partes mutuò adversantes
divisi sunt. Ariani omnes Euzoïum complecte-
bantur: ex Catholicis verò pars Meletium
agnoscebat, & sequebatur Episcopum: pars al-
tera Meletii, utpote ab Arianis protrusi, & cum
eis olim communione maculati, societatem ab-
horrebat. Et quidem suos conventus scorsim
peragentes, Eustathianorum nomen à magno
illo quondam Eustathio Antiochiæ Episcopo
sibi assumebant: quæ Antiochenæ Ecclesiæ
conscissio diu perduravit. Lucifer enim Cala-
ritanus Episcopus Legati munere fungens apud
Orientem, Paulinum Eustathianis Episcopum
consecravit, sicque tres simul extiterunt An-
tiocheni Episcopi. At Luciferi in ea legatione
socius Eusebius Vercellensis Episcopus, ali-
quantò post Antiochiam adveniens collegæ
factum haud multum approbavit, providitque

178 *Notitia Conciliorum S. Ecclesia,*
 ne schisma istud Antiochenum perpetuò propa-
 garetur, ut cùm alter amborum, sive Mele-
 tius, sive Paulinus prior moreretur, ad alterum
 superstitem transfret pars illa, quæ defuncto
 paruerat. Cæterùm mortuo postmodùm in Oe-
 cumenica Constantinopolis Synodo Meletio,
 Episcopi Orientales Paulino antiquiores, hoc
 nomine, quodd ab Occidentali Episcopo fuisset
 promotus, & esset Damaso Romæ Episcopo,
 aliisque Occidentalibus necessitudine, & so-
 cietate conjunctior, Flavianum loco Meletii
 succederent; etiam si Antiochena Synodo anni
 378. constitutum fuisset, & juramento com-
 muni firmatum, ne quis alterius defuncti suc-
 cessor crearetur, præter alterum ex duobus su-
 perstitem. Flavianus tamen valdè se laudabi-
 lem in Episcopatu præstitit; atque in primis,
 quando Theodosium Augustum dira omnia in
 Antiochenos seditious, perduellionis, & de-
 jectæ, raptatæque per urbem statux conjugis
 Flaccillæ Augustæ reos molientem, profectus
 Constantinopolin oratione placavit, veniam-
 que consternato populo impetravit. Vita de-
 inde Paulinus excedit, cui adhuc vivente Fla-
 viano successor eligitur Evagrius. Præcedentes
 Historias recensent partim Athanasius *epist. ad*
Solitar. & apoloc. 2. partim Rufinus, Socrates,
 Sozomenus, & Theodoritus.

CAPUT XXXIV.

Concilium Sirmienſe, & Ancyranum.

Sirmienſem Synodum Baronius refert in anno 357. alii quidam cum Dionyſio Petaviô anteriorem fuiſſe contendunt. Arianorum conciliabulum fuit, qui cùm videri Catholici, atque in Chriſtum religioſi affectarent, damnaverunt Photinum Sirmii (quod oppidum eſt Pannoniæ) Episcopum, poſtquam à Baſilio Ancyræ Episcopo in hoc cœtu diſputando convictus, non tamen converſus fuit. Fucrat olim Phoſinus Marcelli Ancyræ Episcopi, de quo mentio à nobis ſuperiùs facta, diſcipulus. Hæreſin verò Pauli Samofateni dudum Antiochenis duabus Synodis execratam ex inferis reduxit, *Chriſtum nihil aliud, quàm merum hominem eſſe*. Damnatus pluries fuit Photinus, tum à Catholicis in Sardicenſi Concilio, ut refert Epiphanius *hæreſi* 72. & in Mediolanenſi primo, ut teſtis eſt Hilarius *in fragmentis*: tum etiam ab Arianis in hoc Sirmienſi, ubi abdicatus Episcopatu fuit.

Adverſus Photinum novam Sirmienſes ediderunt formulam fidei, quâ Filium Dei Chriſtum Patri ſecundùm ſubſtantiam profitebantur eſſe ſimilem, ſed ejus ſilebant cum Patre conſubſtantialitatem. Huic profeſſioni, quæ nihil hæreticum exprimebat, ſimulque Atha-

180 *Notitia Conciliorum S. Ecclesiæ,*
nasii condemnationi subscripsit infeliciter Li-
berius Papa, qui Sirmii tunc exulabat pro Ca-
tholica fide, desiderio succumbens repetendæ
pristinæ Sedis, & ex eadem æmulum suum Fe-
licem pseudo-Papam deijciendi. Quod & ob-
tinuit per Sirmiense decretum, cui Constan-
tius quoque Augustus consensit. De hac Li-
berii subscriptione agit Sozomenus *libro 4.*
cap. 14.

Ea res magno Catholicis offendiculo fuit.
Romam regreditur Liberius cum Arianis aper-
tè communicans : ex adverso Felix hætenus
schismaticus, omnem abruptit, quam cum Aria-
nis habuerat societatem. Liberius hac prævari-
catione cœpit esse Romano Clero, magnæque
parti plebis invisus. Felix autem cœpit tum
primùm pro Romano Pontifice haberi, cum
illum antea Romani omnes aversarentur. Mor-
tuo demùm Felice resipiscens Liberius, & ab
Arianorum consuetudine resiliens, admissus
à Clero fuit Romæ consistente in legitimum
Pontificem : ejus itaque Pontificatus interrup-
tus est Felicis nomine secundi Pontificatu,
qui vivente Liberio excessit, judicio Eccle-
siæ, Martyr sub Constantio. Prudentia verò
& moderatio Romani Cleri prælarè effulsi-
t, quatenus ex una parte Romanos Episcopos
perfida cum Arianis societate conjunctos mi-
nimè sustinuit : aliunde verò eosdem ad me-
liora conversos admisit, licèt antea lapsos, &
Catholicæ causæ proditione infames, ut ni-
mirum Ecclesiæ paci consultum esset, & schis-
ma perniciosum anteverteretur, haud dubiè
successu

Cap. XXXIV. Concil. Sirm. & Ancyr. 181
succellurum, si alios, quamvis digniores, sibi
Episcopos præfecisset.

Verumtamen ut est leve, atque instabile ingenium hæreticorum, eadem ipsa Sirmii pseudo-Synodus secundam recudit fidei formulam, in qua *Substantia* vocem, quam paulò antè Filio attribuerat, expunxit. Huic verò deteriori professioni lapsu deplorabili subscripsit insignis ille Osius, hætenus strenuus & magnanimus Catholicæ professionis dux & princeps; sed Athanasii damnationi ut consentiret, adduci nullo modo potuit. Quis humanæ infirmitatis & inconstantia vicem non lugeat, non obstupescat, non contremiscat! Quis hæreticorum artes, & nequitiam non perhorrescat! Magnum illum & sanctissimum Osiu, invictæ constantia specimen, quo tot annos Orthodoxa fides adversus atrocissimos Ariatorum insultus invicta steterat & inconcussa: illum verè (uti vocabant) Synodorum Patrem, qui Legatus Apostolicus duabus Oecumenicis præfuerat Synodis, Nicænæ & Sardicensi; qui tanta commendatione interfuerat, præcipuasque partes egerat in Concilio Eliberino, Arelateni, Neocæsareensi, Alexandrino, & Gangrensi; qui Solis instar Orientem & Occidentem mirificæ doctrinæ, sanctitatis & prudentiæ splendore collustraverat; qui fuerat magni Constantini primus in Fide Catechistes; & quem ille vicissim per venerationem & observantiam Patris nomine honorabat; qui Symbolum fidei Nicænæ composuerat; qui ætate ferè centenarius exilium pro Fidei confessione,

multasque ærumnas & verbera invicto animi robore sustinuerat : illum, inquam, Osium Fidei columnam, Ecclesiæ columnen ; illum tot victoriis, & trophæis insignem, flagellis tandem, & cruciatibus (ut scribunt Socrates & Sozomenus) adegit Ariana perfidia, ut Arianæ professioni subscriberet. Refert autem Athanasius *epistola ad Solitar.* ipsum sub exitum vitæ suam damnasse cum Ursacio & Valente, cæterisque Sirmiensibus societatem & consensionem.

Dimisso Sirmii conciliabulo, alterum Ancyra coëgit ejusdem civitatis Episcopus Basilii, qui Phorinum publicè disputando convicerat, cuique sola placuerat prima Sirmiensis professionis formula, & displicuerat secunda. In isto Ancyrano conventu Basilii obtinuit, ut ad secundam Sirmiensem formulam his conceptam verbis : *Filius per omnia similis Patri* ; adjungeretur, *secundum essentialiam.* Quæ formula ab Ancyranis ad Constantium Principem transmissa sic ei placuit, ut eam jusserit prævalere. Hanc Hilarius refert *lib. 6. de Synodis.*

C A P U T XXXV.

*De Conciliabulis Ariminensi, Seleuciensi,
& Constantinopolitano.*

DE Constantino verissimè testatur Ethnicus Historicus Ammianus Marcellinus, his verbis:

Cap. XXXV. Conciliab. Arim. Seleuc. &c. 183
verbis : *Christianam Religionem absolutam , & simplicem anili superstitione confundens , in qua scrutanda perplexius , quàm componenda , excitavit dissidia plurima : quæ progressu fufius aluit concertatione verborum ; ut catervis Antistitum , jumentis publicis , ultrò citroque discurrentibus per Synodos , quas appellant , dum ritum omnem ad suum trahere conatur arbitrium , rei vehicularia succiderit nervos.*

Uno eodemque anno trecentesimo quinquagesimo nono Constantius duas toto orbe Synodos indixit , unam Seleuciæ in Oriente , alteram Arimini in Occidente. Convenère Arimini trecenti quinquaginta Episcopi Catholici , ut refert Severus Sulpitius , & præterea octoginta Ariani , in quibus insigniores fuere Valens , Ursacius , & Auxentius Sedis Mediolanensis invasor , pulso in exilium Dionysio. Huic interfuit Synodo Legatus Liberii Papæ Vincentius Capuæ Episcopus , eodem dudum munere perfunctus in Nicæna. In primis institerunt Ariani , ut illa conflata Sirmii formula prævaleret , qua Filius Patri similis asserēbatur , nullâ interpositâ *substantia* , multoque minùs *consubstantialitatis* mentione. Catholici verò solùm admittendum esse Nicænum Symbolum contendebant : & post varias demùm concertationes sese invicem ambæ partes disjunxerunt. Catholici Antistites Valentem , Ursacium , Auxentium , Demophilum declaratos hæreticos de Fidelium societate rescarunt.

Quia verò dirimi , ac solvi Synodum Con-

stantius vetuerat, antequam ipse receptis synodicalis literis, & de actis Concilii plenè informatus atque instructus, suum Patribus placitum scripto significasset, pars utraque per deputatos viros synodicas ad eum scripsit; sed ab Arianis delegati Valens & Ursacius citiore cursu primi ad Constantium in Oriente agentem delati, præoccupato illius animo, sic illum à Catholicis abalienaverunt, ut aditum ad se Legatis Orthodoxis non permisit: scripsit tamen ad Synodum, se negotiorum fluctibus obrutum non potuisse Legatos in suum conspectum admittere; verumtamen eis mandasse, ut Adrianopoli expectarent, donec ipse ab expeditione, cui se accingebat, regressus esset.

Sic ille consultò egit, ut Orthodoxi, quorum pars major maluerat propriis, vel Ecclesiarum expensis Arimini vivere, quàm oblato ab Imperatore comiteatu frui, tanta temporis prolixitate, magnitudineque sumptuum deteriti, faciliùs cum Arianis convenirent; aut saltem ipsorum legati ante ipsius discessum, ut hac via possent accessum ad Principem demereri: quod & factum est, lugubri sanè exitu; Legati enim Catholicæ partis eò tandem adducti sunt, ut novæ, & omnium deterrimæ formulæ subscripserint. Cùm enim Sirmienfis altera formula Filium profiteretur *per omnia Patri similem*, hæc nova, cui subscripserunt, tantummodò *Filium Patri similem* profitebatur. Quæ Legatorum prævaricatio non paucos ad Arianorum partes traduxit, aliis spem, animumque

Cap. XXXV. Conciliab. Arimin. & Seleuc. 185
mumque deiecit, reliquos gravi mœrore affli-
xit. Ad Taurum quoque Comitem, quem cum
armatorum magna manu Concilio præfecerat,
rescripsit Constantius, ut Patres omnes in
unum consensum traheret, nec antè digredi
ex Concilio quemquam pateretur.

Reversi ad Synodum prævaricatores Legati,
ab Episcopis Catholicis communione Fide-
lium expulsi sunt. Hic tamen non diu perse-
veravit fidei ardor, diversi namque in dies tum
animi dejectione, tum vi, tum dolis, tum pro-
missis, tum minis, tum longioris moræ tædio
superati ad Arianos deficiebant: qui cum alio
loco suos hætenus habuissent conventus, tan-
dem ad Ariminensem Basilicam primariam
concesserunt, depulsis, qui pauci restabant,
Orthodoxis. Isti etiam, qui constantiâ majori
perstiterant numero viginti, Arianzæ demùm
formulæ post aliquot concertationes subscrip-
serunt; cum scilicet Valens Episcopus, quasi
benevolus arbiter, simulato pacis, & Eccle-
siasticæ unitatis studio, suggestisset addendum
quasi per summam erga adversarios indulgen-
tiam: *Filium non esse Dei creaturam, quales sunt
ceteræ creaturæ*; simulque celerem unà cum
Tauro Comite perurisset omnium qui reliqui
erant, subscriptionem. Fegadius, qui ab reli-
quis Orthodoxis quasi constantiæ specimen,
& Concilii oraculum suspiciebatur, proposi-
tioni Valentis acquievit, eamque scripto pro-
bavit: reliqui nihil cunctati hujus exemplum
sequeuti sunt, & hoc infausito exitu dirempta
est Synodus sacrilega.

Postmodum isti rem seriùs expendentés, advertunt à se impium dogma confirmatum, atque per ea verba, *Sicut cetera creatura*, divinum, æternumque Verbum fuisse à seipsis incautiùs in ordinem rerum conditarum redactum; hoc solo discrimine, quod eas propria quadam, sed tamen creata, dignitate præcellat. Quam impietatem absoluti quidam Ariani, ut erant Valens & Ursacius, propugnabant: at semi-Ariani, quales erant Basilius Ancyranus, & Macedonius Constatinopolitanus, rejiciebant, atque ad execrabiles Pauli Samosatani, Photini Sirmienfis, & Aëtii sectas referebant. Semi-Ariani enim Filium similis cum Patre essentia, seu substantia, non tamen coessentialem, seu consubstantialem profitebantur; cum tamen absoluti Ariani Patri dissimilem Filium blasphemantes, inde Anomœi dicti fuerint, ut testificatur Epiphanius.

Liberius Papa Concilium istud pro suo officio reprobavit, quocirca iterum ab Arianis redactus est in ordinem; nemo tamen ejus in locum sublektus est: ipse verò in Romæ cœmeteriis aliquot menses delituit. Sanctus autem Gaudentius Arimini Præsul, ut advertit ablatam Orthodoxis suffragiorum libertatem, omniaque in deterius ruere, se clanculum à Concilio subduxit; eoque soluto regressus in propriam Ecclesiam, decreta illius justiori decreto damnavit. Unde in tumultu ab Arianis concitato fustibus, & lapidibus interemptus Martyr in cœlum migravit.

Eodem

Eodem anno 359. altera in Seleucia Synodus Orientalium coacta fuit centum & quinquaginta Episcoporum. Hilarius Pictavorum Episcopus, qui antè à Synodo Biterrensi, quam Saturninus Arelatensium Episcopus Arianus convocaverat, ob Fidei constantiam depositus, in Phrygiam fuerat à Constantio relegatus; nihilominus à Præfecto Imperiali ad Seleuciæ Synodum fuit invitatus. Quò ille cum paucis Catholicis accessit, fidemque consubstantialitatis strenuè, intrepideque in medio Ariarum propugnavit. Eadem in pseudo-Synodo inter ipsos hæreticos graviter decertatum est; semi-Ariani enim absolutos Arianos damnationis sententiâ perculerunt, & eorum præcipuum ducem Acacium Cæsareæ Palæstinæ præsullem, aliosque ejusdem professionis Episcopos ejecerunt.

Interea Constantinopoli Constantius ex Orientali expeditione revertit: eum primus convenit Acacius, quem Baronius suspicatur eum ipsum fuisse Presbyterum, qui Constantino Magno à Constantia sorore, quæ Licinio nupserat, commendatus fuerat, quique Constantini testamentum sibi ab eodem depositum reddidit Constantio; qua ex re præcipuam, & singularem ejus gratiam demeruit, quique Arianum eidem virus afflavit. Humanissimè igitur à Constantio exceptus est, cujus etiam animum adversus Seleuciensè conciliabulum exasperavit, suavitque ut Constantinopoli novam indiceret Synodum, qua reprobareretur Seleuciensis. Hic se prodit Constantii incon-

stantia

stantia, & commune hæreticorum ingenium, qui circumferuntur omni vento doctrinæ in nequitia hominum, ut dixit Apostolus *ad Ephesios* 4. Idemque scribit *ad Titum* 3. hæreticum delinquere, cum sit proprio judicio condemnatus: significans eum sibi contradicere, & mox reprobare, quæ paulò antè probaverit. Cum enim Constantius primam Conciliabuli Antiocheni formulam à Basilio Ancyrano procusam, & Synodo Ancyrana mox comprobata prævalere jussisset, quâ Filius Deo Genitori secundum substantiam similis prædicabatur; & hac ex causa Semiariani in Seleuciensi Concilio Arianos absolutos dissimilitudinis Filii à Patre suo assertores supplantaverint; nunc sibi ipsi dissimilis Constantius, ab Acacio delusus, his ultimis faveat.

Constantii ergo mandato Constantinopolin convenère quinquaginta delecti Episcopi, qui novam ab Acacio conflatam formulam probaverunt, quæ nova recensetur à Socrate inter Arianæ professionis formulas; cum tamen Catholici unicam semper Nicænam professionem complexi sint. Hac itaque Synodo ab Acacianis depositi, & communione exclusi sunt Basilius Ancyræ Episcopus, & Macedonius Constantinopolis, Eleusius Cyzici, Eustathius Sebastæ, alique Episcopi Semiariani. Aëtius quoque ex Syria Presbyter nonnullorum criminum insimulatus, novorumque dogmatum auctor de gradu Sacerdotii dejectus est, etiamsi esset Acacianus, & absolutus Ariannus.

Ex

Cap. XXXV. Conciliab. Arim & Seleuc. 189
Ex Orthodoxis depositus ista pseudo-Synodo
fuit Cyrillus Hierosolymitanus Episcopus,
cujus in Sedem Herennius Arianus promotus
est.

Hilarius Pictaviensis, dimisso Seleuciano
conciliabulo, Arianos Constantinopolin us-
que prosequutus, ut in ipsa Principis hæretici
Aula trophæum Christi victor magnanimus
erigeret, tres supplices libellos obtulit Impera-
tori, ut sibi liceret eo præsentē de Fide cum
Arianis disputare. Scriptos etiam adversus
Arianam hæresim libros Constantio offerre
non formidavit: unum ex duobus futurum
sperans, ut vel Constantius tandem, aliique
Ariani veritate Fidei perspecta convinceren-
tur, aut ipse graves pro Fide pateretur ærum-
nas, aut etiam morte afficeretur. Sed neutrius
compos fuit voti. Cum enim ejus invictam vir-
tutem & eloquentiam pertimescerent adversa-
rii, ne Orientem, ubi prævalebat Arianismus,
Hilarius commoveret ulterius, Constantio per-
suaserunt, ut ipsum suam Pictaviensem Eccle-
siam remitteret, ut scribit Sulpitius post Hie-
ronymum.

Hoc eodem anno propter Constantem Ni-
cænæ Fidei professionem proscripti dudum
Sancti Episcopi Paulinus Trevirorum, & Ro-
danius Tolosatum, confessionis laudem Mar-
tyrii gloriâ cumularunt, per multa incommo-
da vitâ functi in exilio.

Macedonius postquam depositus Constanti-
nopoly fuit, novam invexit adversus Spiritum
Sanctum hæresim, cui divinitatem impiè abro-
gabat:

gabat : & cùm Filium Patri secundùm divinam substantiam esse similem prædicaret , Spiritum tamen & substantia dissimilem, ac utique longè inferiorem, quinimodò utrique subditum ac servum, sacrilego dogmate asseverabat. Quam hæresim ipsius sodales Basilius Ancýranus, Eusebius Cyzicenus, & Eunomius propugnarunt & propagaverunt.

Acaciani verò postquam depulso Macedonio, Eudoxium , qui erat Antiochiæ Episcopus , in Sede Constantinopolitana collocaverunt , in Eudoxii quoque vacuam Sedem Meletium promoverunt , & Meletio paulò post exauthorato, Euzoium suffecerunt : quam historiam superius prosequuti sumus. Hoc tamen addendum, in Antiochena ultima Synodò Ariarum à Constantio coacta, qua & Meletius depositus est , & Euzoïus intrusus , Acacium decimam conslavisse formulam Arianæ professionis , qua Filius Patri *ὁμοιού*, dissimilis asserabatur : unde & Anomæorum nomen Acacianis hæsit. Hæc testatur Socrates *lib. 2. cap. 35*. Ista contigerunt anno Christi 360. At sequenti anno Constantius Imperator vitæ excessit Antiochiæ , ab Euzoïo paucis ante mortem diebus baptizatus.

CAPUT XXXVI.

Synodus Laodicensa.

Coacta fuit Laodiceæ, in provincia Phrygiæ Pacatianæ, ut ex ipsa Synodi epigrapha constat. Est autem Laodicea una septem Ecclesiarum Asiæ, quarum enumeratio legitur in Joannis Apocalypsi: mentio quoque fit ejusdem civitatis *Coloss. ult.*

Conjicio celebratam fuisse hanc Synodum sub Liberii Pontificatu, dum esset Julianus Romanorum Imperator. Nec enim subscribendum duco Baronii sententiæ in *appendice ad Annal. tom. 4.* quem sequitur Severinus Binius, alique, quorum sententiam minùs solidis argumentis fulciri deprehendo. Eorum præcipuum, & in specie solidius argumentum istud est, quia Nicænum Concilium, teste Hieronymo *præfatione in librum Judith*, judicavit, hunc ipsum librum Judith esse canonicæ, ac divinæ autoritatis. Inferunt itaque Laodiceanam Synodum esse procul dubio antiquiorem Nicenâ, quatenus Laodicensa non collocat in Scripturæ sacre catalogo librum Judith, quem tamen collocasset, si post Nicænæ Synodi declarationem coacta fuisset. Totum hoc argumentum nititur illo unico Hieronymi testimonio, quod tamen Hieronymus non unico, sed pluribus evertit testimoniis oppositis: etenim

Etenim negat in Prologo Galeato, librum Judith esse agiographum, sed asserit esse apocryphum, perinde ac librum, quem commemorat, *Pastoris*. Idemque expungit ex Scripturis divinis librum Judith, *ad cap. 1. Aggei*, quod idem repetit *epist. 11. ad Furiam*. Adde denique quartum his conforme Hieronymi ejusdem testimonium, quo non solum suam aperit de libro Judith sententiam, sed eam insuper universæ attribuit Ecclesiæ, *epist. 115.* his verbis: *Judith, & Tobie, & Machabæorum libros legit quidem Ecclesiæ, sed eos inter canonicas Scripturas non recipit.* An igitur quod de Concilio Laodiceno concludit, idem, & quidem fortiori argumento, propter toties multiplicatum Hieronymi testimonium, concludet Baronius, antiquiorem esse Hieronymum Nicæno Concilio? nec tantum Hieronymum, sed etiam Gregorium Nazianzenum, Rufinum, & Athanasium, qui juvenis, & Diaconus, ab Episcopo suo Alexandro fuit in Nicænum confectum introductus ad disputandum, ob ejus perspectum ingenii acumen? Hic verò in Synopsi scripta post Concilium libros Judith, Tobie, Sapientie, & Ecclesiastici, disertè declarat minimè canonicos esse, aut divinos: additque hac de causa non legi Fidelibus in Ecclesia, sed Catechumenis dumtaxat.

Quis verò judicet ita scripturum Athanasium, postquam Synodo Nicænæ interfuit, si illa librum Judith inter sacros reposuisset? Nazianzenus verò in suo de Scripturis veris & germanis carmine non recenset in illarum se-

rie memoratos libros, neque etiam Machabæorum, quin imò neque Joannis Apocalypsin : quin etiam ista subjungit, *εἰ δὲ τίτλων ἐκτὸς, ἢ ἐν γυναικὶ* : si quis proferatur alius ab his recensitis liber, non est germanus. Rufinus pariter in *Symbol. Apost.* librum Judith cum aliis quibusdam, de sacrorum Librorum catalogo excludit, collocatque inter Ecclesiasticos libros, quos carere dicit divinæ fidei certitudine, atque auctoritate. Et tamen Athanasium, Nazianzenum, Hieronymum, Rufinum nemo inficias ierit scripsisse post Nicænam Synodum. His adde, neque studiosissime conquisita olim per Dalmatium Cyzici Episcopum Nicænæ Synodi acta, quidquam de libro Judith, vel de divinorum Librorum catalogo prodidisse.

Quinetiam cum Laodiceni Concilii septimus canon meminerit hæreticorum Photinianorum, qui non nisi post Synodum Nicænam exorti sunt, fatendum omnino est, Laodicensa comitia Nicænis esse recentiora. Scio aliquos cavillari, quod hujus canonis secunda translatio (quæ est Isidori Mercatoris) Photinianos haud exprimat : sed Photinianos exprimit prima translatio, quæ est Dionysii Exigui, qui consensu omnium eruditotum est antiquior, & cujus versio multò præ Isidoriana fidelior, & exactior est. Et insuper omnia, quotquot hætenus legi potuerunt, archetypha Græca Photinianos exprimunt. Quis porro negat majorem habendam fidem Græcis exemplaribus omnibus, quibus eruditissimus, & antiquissimus

translator astipulatur, quam Isidori translationi, quam multis passim scatere mendis, nemo Græcè præsertim doctus ignorat? At illi deusdè cavillantur, haud esse credibile, fuisse à Laodicensis Patribus approbatum; aut receptum Photinianorum Baptismum, quem tamen ut nullum, & invalidum rejicit Concilium secundum Arelatense *can. 16.* At percontari libet, undenam isti colligant, in hoc Laodicensi canone septimo approbati Photinianorum baptismum? ibi enim de Baptismo nullum est verbum, sed de hæresi abjuranda, deque instructione circa res fidei, & de Chrismatione ad Sacramentum, uti autimo, Confirmationis. Baptismi tamen præcessionem supponit etiam in ipsa Catholica Ecclesia collati ipsismet catechumenis, postquam ab hæresi ad Ecclesiam conversi fuerunt, quorum in hoc ipso Laodicensi canone mentio præcessit; cum esset illorum temporum consuetudo, ut plerique Baptismum differrent etiam ad exitum vitæ. Itaque haud facile quis mihi persuaserit, ad hunc respexisse canonem Basilium Magnum, dum scribens ad Amphilochoium *cap. 1.* ait nonnullis Asiaticis visum fuisse, ut Catharorum, sive Novatianorum Baptismus approbaretur; sed potius ad canonem octavum Synodi Nicææ (quæ est in Asia civitas) respexit, quo diserte decernitur, ut Cathari, qui ad Catholicam fidem convertuntur, recipiantur etiam cum gradu, & sacris Ordinibus, quos in hæresi susceperant. Cur enim minoris Synodi canonem, nihil ejusmodi exprimentem allegaret,

garet, omisso Synodi Oecumenicæ canone, qui rem perspicuè definiverat? Stet igitur pristino suo loco, quem in omnibus veteribus Conciliorum editionibus Concilium Laodicenum occupabat post Nicænum ipsum: qui locus etiam eidem Laodiceno assignatur in Decreto, *c. prima adnotatio, dist. 16*, nec inde dimoveatur, neque causa detur querelæ *de termino moto*.

Canon Laodicenus primus communione ad aliquod tempus illos suspendit, qui secundas nuptias inierint, eisque preces, & jejunium præscribit antequam eis permittatur ad sacram communionem accedere. His planè similia statuit Concilium Neocæsareense *can. 3*, ad quem hîc respicitur per hæc Laodicensi verba, κατὰ τὴν Ἐκκλησιαστικὴν κανόνα: secundum Ecclesiasticam regulam. Et Basilius in suis ad Amphiloichium canonibus idem decernit. Quinimò trigamos ad Eucharisticam communionem vix admittit post quinquennium exactè in pœnitentia transactum; adedè distriktè primitiva Ecclesia vitæ puritatem, & morum munditiem exigebat accessuris ad sacratissimam Domini mensam.

Canon Laodicenus secundus sancit ad communionem admittendos esse pœnitentes, postquam delicta confessi sunt, eisque injunctum pœnalis satisfactionis tempus explevere, κατὰ τὴν ἀναλογίαν τοῦ πλάσματος: secundum proportionem delicti. Quo canone impietas Novatorum circa pœnitentiam refellitur, Meminit enim confessionis, & conversionis, ac de-
testationis peccatorum, & his congruentis satisfactionis, quam vult adimpleri antequam

196 *Notitia Conciliorum S. Ecclesiæ,*
pœnitenti detur ad Eucharistiam accessus. Cō-
formatur Laodicensi Concilio Tridentinum,
quatenus decernit *sess. 15. cap. 8.* ut satisfactio
injungatur pro qualitate criminum.

Canon 6. Hæreticis Ecclesiæ ingressum in-
terdicit : sed iisdem , necnon Judæis & Genti-
libus permittitur à Carthaginensi Concilio
quarto , can. 84. intra Ecclesiam versari , &
Verbum Dei audire usque ad Catechumenor-
um Missam.

Canon 10. decernit , non debere Catholi-
cos suis permittere liberis connubia indiscri-
minatim cum Hæreticis. Cujus sanctionis de-
sumenda ratio est non solum ex odio hæreticæ
pravitatis , aut ex periculo perversionis circa
fidem , sed etiam ex profanatione Christiani
conjugii , quod unum est ex Ecclesiæ Sacra-
mentis. Huic similem sanxit canonem deci-
mumquartum Synodus Chalcedonenfis. Vox
tamen indiscriminatim *ἀδιαφόρως* , quam habet
canon iste Laodicensus , innuere videtur , posse
aliquando nuptias permitti cum Hæreticis , ubi
gravis subest , atque rationabilis causa. Eodẽ
pariter collimant , & eandẽ sanctionem ite-
rant canon Laodicensus 31. & Agathensis 64.
à Gratiano quoque in Decreto insertus , c. *non*
oportet cum omnibus , & c. *cave* , 28. q. 1.

Canon Laodicensus 13. non permittit po-
pulo electionem eorum , qui ad sacrum Altaris
ministerium applicandi sunt. Probatum in-
victis testimoniis fuit superiùs ad Nicænum
canonem quartum , ad Episcoporum electio-
nem admissa olim fuisse plebis suffragia. Secus
tamen

tamen fieri solitum fuit circa minorum Sacerdotum, & inferiorum Ecclesiæ Ministrorum electionem, ut ex isto canone decimotertio perspicuum sit. Populi quidem testimonium de vita & moribus ordinandi requirebatur, juxta illud primæ Timoth. 3. *Oportet illum & testimonium habere bonum ab iis qui foris sunt.* Quin imò nonnunquam populus ipse aliquem optimè meritum proponebat, & postulabat ordinari. Testatur enim Paulinus *epistola* 45. se Barcinone in Hispania fuisse ab Episcopo Lampio initiatum Clero, & sacratum ad illius populi postulationem. Item refert August. *epist.* 225. fuisse Pinianum ab Hipponensi populo instanter postulatum, ut ad Clerum promoveretur. Insuper (ne quid huc pertinens omitatur) *Actuum Apost.* 1. non soli Apostoli, sed tota Ecclesia Mathiam elegit; & Joseph Barsabam, ut ex eis unus assumeretur. Et *Act.* 6. credentium convocata multitudo septem Diaconos elegit. Verùm ad illud primum caput testatur Chrysostomus, Petrum potuisse quidem per seipsum meritò eligere, sed maluisse per modestiam & prudentiam universæ Ecclesiæ gratificari. Postulationes autem quæ fiebant Episcopis à populo, nihil habuisse præter supplicationes, neque jus ullum, aut obligationem induxisse, certum est.

CAPUT XXXVII.

*Diatriba de Eulogiis , ad Laodicenum
Canonem XIV.*

CAnon 14. *Ne sancta instar Eulogiarum in festo Pascha in alias Paræcias transmittantur.* Ratio Canonis est, quia cùm diebus Paschæ libus Fideles Eucharistiam omnes sumerent, non alio symbolo sacræ societatis opus erat illis. Per Eucharistiam quippe, *unus panis & unum corpus multi sumus omnes, qui de uno pane & de uno calice participamus*, ut ait Apost. 1. Cor. 10. Eulogiarum distributio fieri solebat nunc intra Ecclesiam, nunc verò intra privatas Fidelium ædes, ad quos deferebantur: sæpenumero etiam fideles privatim ad amicos procul distantes trans mittebant ut mutux pietatis & sacræ charitatis symbola, quas penes se habebant Eulogias, seu benedictiones. Exempla suppetunt in epist. August. 31. 34. 35. & in epist. prima Paulini ad Severum.

Catechumenis aliquando datæ sunt Eulogiæ diebus Paschæ, hoc respectu, quia Eucharistiæ non communicabant. Sed hoc fieri deinceps prohibuit Concilium Carthaginense tertium can. 5. his verbis: *Placuit ut per solennissimos paschales dies Sacramentum catechumenis non detur nisi solitum sal: quia si fideles per illos dies Sacramenta non mutant, nec catechumenis*

Cap. XXXVII. De Eul. ad Laod. can. XIV. 199
mentis oportet mutare. Quo loco nomen Sacra-
mentij latiore significatu usurpatur pro quibus-
libet mysticis signis, ut erant panes Eulogia-
rum, sal benedictum. Huc pertinet Augustini
locus lib. 2. de peccatorum meritis, cap. 26. Et
quod accipiunt (loquitur autem ibi de catechu-
menis) quamvis non sit corpus Christi, sanctum
est tamen, & sanctius quam cibi, quibus alimur;
quoniam Sacramentum est. Similiter Theophilus
Alexandrinus can. 8. decernit oblatorum ad
Altare (hoc est panis & vini) minimè partici-
pes esse debere catechumenos, sed Clericos, &
populum fidelem.

Eulogiarum nomen commune est particulis
 azymi, quæ à Sacerdote & Diacono Clericis,
 populoque fidei tribuebantur; simulque par-
 ticulis fermentati panis, quas ex usu Occiden-
 talium Ecclesiarum Episcopi ad Baptismalium
 Ecclesiarum Sacerdotes trans mittebant. Quod
 genus Eulogiæ, vulgò *Fermentum*, dicebatur.
 Hujus auctor, ac institutor Fermenti ab Ana-
 stasio memoratur Melchiades in *ipsius vita*.
 Meminit quoque *Fermenti* Innocentius I. re-
 scribens ad Decentium Episcopum Eugubi-
 num, *cap. 5.* At verò Eulogiarum ex azymo
 pane oblationum Sacrificio incruento destina-
 tarum, quarum pars separabatur ad divinam &
 mysticam in Altari consecrationem, reliquum
 verò, eulogiarum, seu benedictionum nomine,
 distribuebatur finitâ Missâ inter fideles, qui
 Eucharistiam non sumpserant, vetustior est,
 quàm Fermenti institutio. De prior illa extat
 Pii Papæ I. canon, his verbis: *Ut de obla-*

200 *Notitia Conciliorum S. Ecclesie,*
tionibus, qua offeruntur à populo, & de consecra-
tionibus qua supersunt, vel de panibus quos defe-
runt fideles ad Ecclesiam, vel certè de suis, Pres-
byter convenienter partes incisas habeat in vase
nitido & convenienti, ut post Missarum solennia,
qui communicare non fuerint parati, Eulogias, hoc
est panem benedictum, omni die Dominico & die-
buss festis exinde accipiant, qua cum benedictione
prius faciat. Hæc Pius Papa. Hic usus viget
etiam nunc apud Græcos finitâ Milsâ, & in
usu est apud Græcorum Ecclesiam tituli San-
cti Athanasii in Romana Civitate.

Idem porro ritus oblationum, ex quibus sa-
cra mox Eucharistia conficienda erat, confir-
matur istâ Cypriani Carthaginensis querelâ,
lib. de opere & de eleemos. *Locuples & dives*
es, & Dominicum celebrare te credis, qua corbo-
nam omnino non respicis, qua in Dominicum sine
sacrificio venis, qua & partem de sacrificio, quod
pauper obtulit, sumis. Similem renovat quere-
lam Augustinus serm. 215. de temp. *Oblationes*
qua in Altari consecrentur, offerte: erubescere
debet homo idoneus, si de aliena oblatione commu-
nicat. Eandem materiam idem sermone se-
quenti prosequitur Augustinus. Hæc ad ple-
nam Eulogiarum notitiam.



CAPUT XXXVIII.

Prosecutio Laodicenorum Canonum.

Canon Laodicensus 15. declarat non aliis licere intra Ecclesiam canere, quàm Canonici cantoribus, qui ambonem conscendunt, & de membranis legunt. Πλέον τῶν κανονικῶν ψαλτῶν, τῶν ἐπὶ τὴν ἄμβωνα ἀναβαινόντων καὶ ἀπὸ διφθέρας ψαλλόντων. Ubi hoc observata denominationem Canoniconum fuisse olim Ecclesiæ Cantoribus ascriptam. De Cantoribus, seu Psalmistis consulto inferiùs canonem 10. Carthaginensis Concilii quarti. Quàm sunt ergo veteris Ecclesiæ disciplinæ dissimilanei Calvinistarum profani conventus, in quibus Laici omnes viri & fœminæ promiscuè cantant.

Hic verò observandæ sunt accuratiùs hæ Synodi voces, τῶν κανονικῶν ψαλτῶν : Canoniconum Cantorum. Et hoc sciendum, Canonem non tantùm significasse regulam, sed præterea catalogum Ecclesiasticum, ac indicem non modò sacrorum Librorum, qui ex hoc dicantur Canonici; at etiam Clericorum Ecclesiæ ministerio addictorum, & de sportulis ac oblationibus Ecclesiæ participantium. Unde & Canoniconum nomen ad nos dimanavit, non verò à canone, seu regula Sancti Augustini, ut quidam imaginantur. Hæc enim vocis ac-

ceptio multò antiquius usurpata est, quod tum ex Laodicensi Canone, tum ex aliis Canonibus veterum Conciliorum facillè probamus. In primis namque sic ait Nicæni Concilii Canon 16. *Πρεσβύτεροι, ἢ Διάκονοι, ἢ ὅλοι ἐν τῷ κανόνι ἐξέταξιµοι.* Sacerdotes, aut Diaconi, aut generatim quicumque sunt in canone recensiti. Et insequens Canon 17. de Clericis ita loquitur, *πολλοὶ ἐν τῷ κανόνι ἐξετάζοµενοί τινι πλεονεξία, καὶ τινι ἀιχροκερδία διώκοιτες :* plerique in canone recensiti, avaritiam & turpe lucrum sectantes. Præterea Synodus Antiochena, can. 2. *ἢ δὲ φανεῖν τ.ε. τῶν Ἐπισκόπων, ἢ Πρεσβυτέρων, ἢ Διακόνων, ἢ περὶ τοῦ κανόνος τοῖς ἀκοινωνήτοις κοινωνῶν :* si quis deprehensus fuerit Episcopus, aut Presbyter, aut Diaconus, aut alius, qui de canone sit, cum excommunicatis communicans: Canon etiam Antiochenus 6. *ὁ αὐτὸς δὲ ὅς ἐστι ἐπὶ λαϊκῶν, καὶ Πρεσβυτέρων, καὶ Διακόνων, καὶ πάντων τῶν ἐν τῷ κανόνι :* idem sit decretum circa Laicos, Sacerdotes, & Diaconos, & omnes qui de canone sunt. Eiusdem Synodi canon 11. *ἢ περὶ Ἐπισκόπου, ἢ Πρεσβυτέρου, ἢ ὅλης τῆς κανόνος :* si quis Episcopus, vel Presbyter, aut generatim quis de canone. Chalcedonense porro Concilium damnans simoniacam in Clero promotionem, can. 2. *εἰ τις Ἐπίσκοπος, ἢ πρεσβύτερος ἐπὶ χρήμασιν ἢ οὐκ ἐκ δίκης, ἢ παραμονάσειον, ἢ ὅλως τίνα τῶν κανόνων :* si quis Episcopus per pecunias promoveat, vel œconomum, vel defensorem, vel mansionarium, vel omnino aliquem, qui sit in canone. Illa quoque Liturgiæ pars, in qua

Sanctus

Sanctorum conscripti nomina pronuntiantur, quorum opem Sancta Ecclesia ante & post mysticam consecrationem invocat, ex antiqua denominatione Canon dici solet, voxque ipsa *Canonizandi*, ortum inde habere videtur, vel quia in Missæ Canone nomen addebatur ejus quem Ecclesia vindicabat, ut loquitur Optatus in libro 1. *adversus Parmenianum*, hoc est Sanctorum numero recenter ascribebat; vel quia Sanctus defunctus, cujus publicè colendi & invocandi nova per Ecclesiam potestas fiebat, Canoni; hoc est, Sanctorum catalogo inscribebatur, ut nullus publico cultu honoraretur, aut invocaretur, qui non publico illo albo esset inscriptus. Ceterum ut ad catalogum Clericorum singulis olim Ecclesiis addictorum regrediar, is innuitur à Sancto Cypriano in epistola 35. monente fuisse à se Numidium inscriptum Presbyterorum Carthagenensium numero; ut deinceps sedeat in Clero. Ejus insuper meminere Canones Apostolorum 17. & 51. sub nomine *Κατάλογος τῶν ἱερατικῶν*, Catalogi sacri. Et Basilius Magnus in epistola canonica ad Chorepiscopos, sub nomine *Ἀναγραφῆς*, inscriptionis. Præterea Concilium Agathense *can. 2.* sub vocabulo *MATRICULÆ*. Sidorius quoque Apollinaris *lib. 6. epist. 8.* sub voce *ALBI: Nomen* (inquit) *Lectorum albus nuper excepit*. Porro ex Albo Clericorum debebantur Clerici contumaces, depositi, excommunicati, aut sceleris convicti, ut liquet ex citato Canone Agathensi, & ex Augustini epistola 137. de Bonifacio Sacerdote criminis accusato. Clerici

rici quoque ad ordines expetiti & rogati, non inferebantur Canon, seu catalogo ministrorum illius, in qua ordinabantur Ecclesiæ, nisi se inferi consentirent, ut constat ex Paulini epistolis 6. & 45. Hæc testimonia ad probationem Canonis sufficiant.

Canon 19. decernit : *Vt finitis Episcoporum homiliis Catechumeni separatim orent. Deinde egrediantur. His digressis orent pœnitentes, & subinde succedant. His exaltis fideles ter orent, primum silentio, secundam & tertiam orationem voce pronuncient. Deinde omnes sibi invicem pacem dent, & sic sacra fiat oblatio.* Decernit demum, *solis fas esse Ministris Altaris ad Altare accedere, solisque ibi communicare.*

Observa Catechumenorum duplex olim in Ecclesia genus. Auditorum, & Competentium. Primi quidem verbum Dei intra Ecclesiam audiebant, & Christiani esse desiderabant, sed ad Baptismum suscipiendum nondum nomen dederant. Secundi autem nomen ad hoc dederant, ideoque ad Baptismum instituebantur aliquot ante Pascha, vel Pentecosten hebdomadis, & preces in Ecclesia super ipsis fundebantur. De his loquitur Augustin. lib. de cura pro mortuis, cap. 12. *Pascha*, inquit, *appropinquabat, dedit nomen inter competentes.* Et ejus sermo de temp. 116. ad competentes. Eosdem Leo Papa *epist. 4.* & Ordo Romanus vocant Electos.

Observa illam post tres Fidelium orationes dari solitam pacem, fuisse olim per mutua oscula exhibitam, ut perhibet Iustinus Martyr. apol. 2.

apol. 2. *Nos invicem*, ait, *osculo salutamus*, φιλή-
ματι ἀπαζόμεθα, finitis orationibus : & Diony-
sius, *Eccles. Hierar. cap. 4.* Cyrillus Hierosoly-
mitanus *catech. mystag. 5.* Chrysostomus *ho-
mil. 30. in 2. Cor. 13.* & Augustin. *serm. 83. de
diversis*, sic dicens : *Post orationem Dominicam
quam accepistis & reddidistis, dicitur : Pax vo-
biscum ; & osculantur se invicem Christiani
in osculo sancto, quod est signum pacis, si quod
ostendunt labia fiat in conscientia : idest, sicut labia
tua ad labia fratris tui accedunt, sic cor tuum à
corde illius non recedat.* Huc pertinet illud
Apostoli sæpius repetitum : *Salutate invicem
in osculo sancto. Rom. 6. v. 16. 2. Cor. 13. v. 12.
Thess. 5. v. 26.* Nec verò id fiebat inter diversos
sexus, cum certum sit fœminas intra Ecclesiam
fuisse muro intermedio à viris sejunctas. Pacem
dabant Sacerdotes primùm Episcopo, deinde
ipsi inter se invicem, ac demùm Laïci Laïcis
vicissim, ut statuit canon iste 19.

Canon 20. vetat Diaconis sedere præsentem
Presbytero, nisi hic jubeat : vult tamen Dia-
conum ab inferioribus Clericis honorari. Syn-
odus quoque Nicæna, ut suprà vidimus, pro-
hibet sedere Diaconos inter Presbyteros. Vide
inferiùs huc pertinentem canonem 34. Con-
ciliî Carthaginensis quarti, cum nostris ad eun-
dem observationibus.

Canon 21. Subdiaconis vetat in Diaconio
manere, aut sacra Vasa contingere. Cui tamen
adversari videtur in primis Conciliî Carthagi-
nensis quarti canon quintus statuens, ut qui
Subdiaconus ordinatur, Calicem vacuum, pa-
tenamque

tenamque vacuam sumat de manibus Episcopi. Deinde Concilium Bracarense citatum in Decreto, *c. non liceat, dist. 23.* interdicat inferioribus Clericis Vasa sacra deferre, nisi Subdiaconis. Sed distinguendum cum Theodoro Balsamone, Subdiaconis inhiberi sacrorum Vasorum contrectationem dum divina Sacramenta continent, non item si vacua sint; quin imò contrectationem horum esse de eorum officio.

Canones 22. & 23. ministrum ὑπηρίτην, hoc est Subdiaconum, & inferiores Clericos negant gestare posse Orarium: quæ vox orarii Græcis passim, Latinisque usitata, stolam quam nunc vocamus, significat. Hujus non rarè mentio est in liturgia Chrysostomi, ubi stola nunc dicitur ὠράειον, nunc ἐμπρεχῆλιον, quod sonat *collo superinjectum*. Et quartum Toletanum Concilium citatum in *c. orarium, dist. 15.* sic decernit: *Vnum orarium oportet Levitam in sinistro humero gestare, propter quod orat; dexteram autem partem oportet habere liberam, ut expeditius ad ministerium sacerdotale discurrat.* Aliquando etiam orarium significat linteum, quo fideles, etiam laici, sacratissimam Eucharistiam involutam privatim asservabant, quod Dominicale quoque vocabatur. Scribitque Ambrosius in obitum Satyri fratris sui, eum cum esset catechumenus, in gravissimo naufragii, vitæque periculo constitutum, ne vacuus mysterii è vita discederet, divinum ab illis, qui erant mysteriis initiati, petivisse Sacramentum, & ipsum sibi ad collum alligari fecisse

fecisse orario involutum, seque mox in medios fluctus præcipitem dedisse ; sed insigni miraculo fuisse ad litus delatum incolumem.

Canon 24. omnibus Clericis cauponarum ingressum interdicit. Habetur *in c. non oportet, dist. 44.* cui conformis est canon Apostolorum 53. *Si quis Clericus in caupona comedens deprehensus fuerit, segregetur, præterquam si in via propter necessitatem diverterit in publicum hospitium.* Conferenti canones Laodicenos cum illis, qui nomine Apostolorum inscribuntur, liquido apparet magnam eorum partem vel ex Laodicenis in Apostolicos, vel ex Apostolicis in Laodicenos esse derivatam.

Canon 28. *Non oportet (ait) in Dominicis locis, seu Ecclesiis agapen facere, & intus manducare, vel accubitus sternere.* Agape convivium erat inter fideles in Ecclesia solitum exhiberi post sacra peracta mysteria, jam inde à nascentis Ecclesiæ primordiis usitatum. Hujus meminit Apostolus 1. ad Cor. 11. & Judas in canonica epistola, his verbis : *Hi sunt in epulis* (Græcè legitur *οἱ τῶν ἀγάπαις*, in agapis) *macula convivantes sine timore.* Ritum agaparum describit Chrysostomus homilia 17. in princip. ad 1. ad Cor. 11. *Statis, inquit, diebus mensas faciebant communes, & peracta Synaxi, post Sacramentorum communionem inibant convivium ; divitibus quidem cibos suppeditantibus, pauperibus vocatis, & omnibus communiter vescentibus.* Ita Chrysostomus. Meminit insuper Tertullianus in Apologetico : *Cæna nostra de nomine suo rationem sui ostendit : vocatur enim ἀγάπη, quod est*

208 *Notitia Conciliorum S. Ecclesiæ,*
est apud Græcos dilectio : quantiscunque sumpti-
buis constet, lucrum est pietatis nomine facere sum-
ptum, siquidem inopes refrigerio isto juvamus.
Synodus Gangrensis *can. 11.* anathema intor-
quet in eos, qui agapas ita despiciunt, ut in eis
intervenire nolint ; idque statuit occasione
Eustathianorum Hæreticorum, de quibus ad id
Concilium suprâ egimus. Quia tamen ex ad-
verso graves se in agapas inlinuabant abusus,
quales ipsi etiam coarguunt Apostoli Paulus &
Judas, idè Laodicensi Patres agapas intra Ec-
clesiam fieri vetant. Ejusmodi etiam in Eccle-
siis convictus Ambrosio impensè displicuisse
refert Augustinus *lib. 3. confess. c. 2.*

Canon 29. celebrari prohibet Sabbatum ri-
tu Judaico, præcipitque diei Dominici cele-
brationem. Dies Dominicus celebratur loco
Sabbati ex Apostolica institutione, *1. Cor. 16.*
Per unam Sabbati unusquisque vestrum apud se
seponat, &c. & vocatur Dominica dies Apo-
cal. *1. v. 10.* in honorem scilicet & cultum Do-
minicæ Resurrectionis.

Canon 35. prohibet relietâ Dei Ecclesiâ
nominare Angelos, vel congregationes face-
re. Angelos hîc intellige malos & desertores,
quos variis nominibus designare & invocare
solebant Hæretici sectatores Saturnini, Basi-
lidis, Ebionis, Apellis, & similium ex Simo-
nis Magi colluvie prodeuntium, quorum me-
minere Irenæus, Tertullianus, Epiphanius. Hoc
ipsum confirmat, qui sequitur canon 36. inter-
dicens magiam, incantationes & phylacteria,
seu amuleta, nimirum magica & præstigiola.

Canon 48.

Canon 48. Oportet eos , qui illuminantur , post Baptismum supercœlesti Chrismate ungi , & esse regni Christi participes. Duplex solebat olim , uti & nunc , in Baptismo adhiberi unctio. Nam Baptisinum præcedebat unctio ex oleo catechumenorum , sequebatur verò post Baptisinum unctio Chrismatis ; cujus meminere Clemens Papa lib. 3. Apostol. constit. c. 16. & 17. Dionysius Hier. Eccles. cap. 2. Cyprianus epist. 70. ad Ianuar. Tertullianus de Baptismo cap. 7. ibi : Exinde , inquit , egressi de lavacro perungimur. Justinus quæst. 137. Cyrillus Hierosolymitanus catech. mystag. 2. & 3. Ambrosius lib. 2. de sacram. cap. 7. Augustinus serm. 206. de temp. Synodus prima Arausicana can. 1. De sacri verò Chrismatis per Christum institutione , & usu , scribit Fabianus Papa & Martyr epist. ad Episcopos Orient. Memorat Optatus lib. 2. contra Parmenianum , vitream Chrismatis sacri ampullam è sublimi fenestra in subjecta saxa projectam à Donatistis , per miraculum servatam fuisse illæsam. Unctio porrò ex oleo catechumenorum , quæ Baptismo præmittebatur , fiebat quidem apud Latinos in capite , & in pectore baptizandi , ut ex Ambrosio notat Pamelius ad Tertullianum de Baptismo , initio libri ; vel etiam in pectore & scapulis , ut habet liber Theodulphi Aurelianensis de ordine Baptismi cap. 10. At verò apud Græcos unctio ista fiebat à Sacerdote per totum ejus , qui baptizandus erat , corpus. Id enim disertè tradunt Dionysius Eccl. Hier. cap. 2. Cyrillus catech. mystag. 2. & Chrysostomus ho-

mil. 6. in epistolam ad Colossenses. Quæ causa fuit ut Conon Presbyter, cui demandatum fuerat baptizandi officium, sibi metuens ex libidinis sensu, quo, invitus tamen, & omni conatu renitens afficiebatur, quando mulieres ante baptismum oleo perungebat, fugam in desertum capeffiverit, unde tamen revocatus fuit apparente sibi Joanne Baptista, & concupiscentiæ affectum resecante, aded ut paulò post Perficam scæminam insignis pulchritudinis, cujus præsertim metu se fugâ subduxerat, absque ullo ejusmodi sensu perunxerit, aded ut nec sexum ipsum penitus adverterit, ut testificatur Sophronius *cap. 3.* His adductus Rainaldus Theophilus *in tractatu de vetita Clericis cum scæminis conversatione*, persuasum quidem habet, mulieres perinde ac viros olim toto corpore inungi solitas ad ipsam immediatè cutem, sed tamen obviam itum oculorum illecebris interposito oppanso aliquo linteo. Adjungo quod non minùs decebat, obviam quoque itum tactûs illecebris, obvoluta pluribus ex panno aut lino involucris ministri manu.

Canon 49. statuit : *Ne panis in Quadragesima offeratur, nisi Sabbatis & Dominicis diebus.* Similiter Synodus in Trullo Quinifexta, *can. 52.* constituit ut totâ Quadragesimâ, exceptis Sabbatis & Dominicis, & Annuntiationis festo, non alia celebretur Liturgia, nisi Præsanctificatorum *αγνυιασμενων*, quæ ibi Balsamon interpretatur, oblationem sacrificii diebus antea actis celebrati, quemadmodum apud Latinos fieri mos est magnæ Parasceves die.

Idemque

Idemque istam canonis rationem profert, quia sacrificium lætitiæ solennis est indicium, ideoque non conveniens cum mœstitia jejuniorum & pœnitentiæ.

Aliqui tamen de Eulogiis, non de Sacrificio canonem istum 49. exponere malunt, conjicientes, idè in Quadagesima Eulogias panis prohiberi, ne per earum comestionem solvatur jejunii rigor, exceptis Dominicis, & Sabbatis, quibus apud Græcos vacat jejunium; sed intelligendum esse locum de pane Eucharistico, tum alia suadent argumenta, tum illud quod sumitur ex Ecclesiastico verbi *προσφέρειν* significatu, quo utitur iste canon. Similiter enim Nicænus canon 14. negat Diaconos potestatem habere τὴν *προφέρειν*, sed solos Sacerdotes. Canon etiam Nicænus 12. eos qui in pœnitentium classe versabantur, quæ *ὑστάσις*, consistentia dicebatur, solaque privabantur Eucharistiæ communionem, dicit *κοινωνεῖν ἄνευ προσφορᾶς*, communicare in reliquis, præterquam sacra divini Altaris, seu Sacrificii oblatione. Laodicens item Canon 58. non permittit, in privatis domibus sacra offerri mysteria, & *ὅτι ἐν τοῖς οἰκοῖς ΠΡΟΣΦΟΡΑΣ γίνεσθαι παρὰ ἐπισκόπων ἢ πρεσβυτέρων*, ut alia innumera sanctorum Patrum loca Græcæ istius vocis in Ecclesia veteri notionis pro ipso Sacrificio prætermittam.

Testantur Socrates *lib. 5. cap. 42.* & Sozomenus *lib. 7. cap. 19.* divina in omnibus Ecclesiis celebrari Sabbato solere mysteria, præterquam in Ecclesiis Romæ & Alexandriæ. Cujus rei

causa quoad saltem Romanam Ecclesiam, fortassis erat, quia Romana Ecclesia Sabbatis jejunabat, ut perspicuum est ex Innocentii Papæ *epist. ad Decentium*, cap. 4. Hieronymi *ad Lucinium*, Augustini *epist.* 86. *ad Casulanum*, & *epist.* 118. *ad Ianuarium*. Itaque Synaxium, quæ Latinis Collectæ dicebantur, quædam institutæ solùm erant ad audiendum Dei verbum, & publicè atque in commune orandum; aliæ verò præterea ad sacratissimum & incruentum Sacrificium offerendum. Quod etiam prælaudato Socratis locò astringitur, ubi refert Alexandriæ fieri Synaxes *δέχαι τῆς τῶν μυσηρίων τελετῆς*, absque mysteriorum oblatione.

Canon Laodicens 50. Fidelibus in Quadragesima xerophagiam præscribit. Hoc est, ut non nisi siccis vescantur cibis. Tertullianus lib. 1. adversus Psychicos, sic dicit: *Xerophagiam observamus siccantes cibum ab omni carne, & jervulentia, & vividioribus quibuscumque pomis, ne quid vinositatis vel edamus, vel potemus*. Ejusmodi xerophagiam in jejniis etiam nunc servant Græci, apud quos vigere testatur Balsamon abstinentioniam à piscibus, quos etiam Tertullianus omnis carnis nomine comprehendit. Armeni quoque Christiani, sed tamen Eutyichiani & Schismatici, non solùm se abstinent à terrestrium carnibus, lacticiiniis, & ovis, sed etiam à piscibus, à vino, ab oleo, ut scribunt diversi, qui has nostro sæculo nationes peragrarunt. Docet præterea Balsamon *ad Apost. can.* 69. servari quoque à Græcis omnibus xerophagiam, totius anni decursu, feriis

riis quartis & sextis, aded ut nec his, neque Quadregesimalibus diebus, vel cum ægrotis dispensetur unquam in mortis etiam confinio, nisi circa pisces.

Quod attinet ad Sabbatorum jejunium, Græci, omnesque Orientales illud semper, etiam intra ipsam Quadregesimam abhorruerunt ab ipsis Ecclesiæ primordiis; canon enim Apost. 66. dicit: *Si quis Clericus inveniatur, siue Dominico die, siue Sabbato jejunans, uno solo excepto Sabbato* (eo videlicet, quod est pridie Paschæ) *deponatur; si verò Laicus, excommunicetur.* Canon item Apost. 69. præcipit Quadregesimæ, omniumque quartarum, & sextarum feriarum per annum jejunium. Ignatius epist. ad Philippenses, post districtè commendatum Quadregesimæ, feriarumque per annum quartæ, & sextæ jejunium, adjungit eos, qui Sabbatis jejunant, uno excepto (pridie nimirum Paschæ) esse Christiçidas. Petrus Alexandrinus Episcopus, & Martyr, can. 15. jejunium feriæ quartæ ided præcipi refert, quia eo die consilium initum fuit de capiendo, & occidendo Christo: sextæ autem, quia eo die crucifixus est. Causa verò cur Orientales Sabbati jejunium tantoperè averfabantur, ista fuit, quia jam inde ab Apostolorum tempore obortæ erant hæreses profitentes Hebræorum Deum, qui mundum condidit, legemque Moyse dedit, esse malum, ejusque odio Sabbatis jejunabant, quos ille suo cultui destinaverat. Cujus hæresis author fuit Simon ille Magus: quam hæresin discipuli ejus Menander, Basili-

des, Saturninus, Cerinthus, Carpocrates pro viribus propagarunt. His successit Cerdon, Cerdoni Marcion, quibus se Manichæi adjunxerunt. Videndus Irenæus *lib. 1. cap. 20. & seqq.* Epiphanius *heres. 21. & seqq.*

Refert Augustinus *epist. 86. ad Casulanum*, in Ecclesiis Orientis non jejunari quidem Sabbatis, in Occidentalibus verò ritus esse diversos, ut alicubi Sabbato jejunetur, alicubi minimè, tum per Africæ plagas, tum etià per diversa Italiæ loca. Romæ quippe districtè Sabbatis jejunari, sed non Mediolani: seque quum hac de re Ambrosium consulisset, istud ab eo sapientissimum responsum retulisse: *Quid possum hic dicere amplius, quàm quod ipse facio? Quando hîc sum, non jejuno Sabbato; quando Roma sum, jejuno Sabbato: & ad quamcumque Ecclesiam veneritis, ejus morem servate, si pati scandalum non vultis, aut facere.* Eadem repetit Augustinus *epist. 118. ad Ianuarium*. At in Gallia Concilium Agathense *can. 8.* & Aurelianense quartum *can. 2.* Sabbatis jejunari præcipiunt. Eademque in Hispania servari testatur Hieronymus ad Lucinium Bæticum.

Innocentius Pontifex *epist. ad Decentium*, mandat jejunandum esse feriis sextis, & Sabbatis; & addit, illam, cur Græci censerent jejunandum esse Sabbato pridie Paschæ, rationem valere quoque circa omnia per annum Sabbata, memoriam nimirum Dominicæ sepulturæ, ac triduanæ Christi mortis. Quandoquidem fatentur Græci, festivum Dominicæ Resurrectionis gaudium non tantum die Paschæ,

chæ, sed omnibus etiam anni Dominicis diebus celebrandum esse; adeo ut ob hujus Mysterii memoriam nec liceat genua flectere inter orandum. Huc pertinent *c. placuit*, & *c. Sabbato, de consecr. dist. 3.*

Feriis autem quartis solennia fuisse Orientalibus, & Græcis jejunia, liquet *ex epist. Ignatii ad Philippenses*, & *ex can. 15. Petri Alexandrini*, & *ex can. Apost. 69.* & ex Clemente Alexandrino *lib. 7. Stromatum*, & Origene *homilia 10. in Levit.* Apud Latinos pro feria quarta, quam non jejunabant, assumptum est multis locis Sabbati jejunium. Locus autem Ambrosii *lib. de Elia, & jejunio, cap. 10. Quadragesima totis, præter Sabbatum, & Dominicum, diebus jejūnatur*; intelligendus est de ritu Mediolanensis Ecclesiæ, cui præerat Ambrosius.

Canon Laodicenus § 1. Martyrum Festa prohibet celebrari in Quadragesima, nisi Sabbatis, & Dominicis. Ratio eadem est, quæ prohibiti diebus iisdem sacrificii, *can. 49.* Quia non est conveniens publica lætitia cum luctu & pœnitentia. Quam etiam ob causam, qui sequitur canon § 2. inhibet nuptias, & natalitia per Quadragesimam celebrari.

Canon § 3. saltationes, & choreas excludit à nuptiis Fidelium, permittitque modesta convivia, cum Christus Dominus noster interfuerit convivio nuptiarum in Cana Galilææ.

Canon § 4. Clericis vetat spectaculis & scenicis interesse: citatur in *c. non oportet, dist. 95.*

Canone 57. cavetur, ne in villis, aut in vicis constituentur Episcopi, sed solum Visitatores, quos Canon iste vocat *theodoros*. Simile decretum decidit Synodus Sardicensis *canon*. 6. non licere Episcopum præficere alicui pago, aut etiam parvæ urbi, cui possit simplex Sacerdos sufficere: & rationem addit, ne Episcopi nomen, & auctoritas vilescat. Huc spectat in Decreto Gratiani tota distinctio 80. Periodeutarum Clericorum mentio quoque fit in lege Græca Justiniani, *Codice de Episc. & Cler.* ad Martianum Præfectum: ubi collocantur post Chorepiscopos, ante cæteros Sacerdotes.

Canon 58. *Non oportet in domibus oblationes celebrari ab Episcopis, aut Presbyteris.* Debita sanctis, & incontaminatis mysteriis veneratio jus istud produxit; nam ne in lege quidem Mosæica licitum erat alibi, quàm in tabernaculo hostias offerri. Deciditur hoc idem apud Gratianum, *c. sicut non alibi*, & *c. Clericus*, & *c. Missarum, de consecrat. dist. 1.* Consequens fit ex canone Laodicensi, ut Episcopus qui celebrare in loco privato perhibetur, non possit hanc alteri Sacerdoti concedere potestatem, cum sit juris regula indubitata: *Nemo plus juris in alterum transferre potest, quàm ipse habeat.* At posteriorum temporum Canones id quandoque licitum esse decernunt, cum Episcopi venia, modò adsit Altare portatile. Attamen postremum jns Tridentini Concilii *sess. 23. in decreto de observ. & evit. in celebr. Missarum*, Episcopis prohibet istam indulgere licentiam.

centiam. Veruntamen ubi urgeret necessitas, scribunt omnes ferè Theologi, hanc posse dari & accipi facultatem: mens enim Tridentinorum Patrum fuit abusus excindere, non verò Fidelium necessitatibus deesse. Eadem necessitatis ratio causam dedit prioribus Ecclesiæ sæculis, atrociter defæviente Gentilium insectatione, in locis abditis, & privatis sacrosancta Mysteria celebrandi.

Canon 59. providet, ne in Ecclesiis decantentur vulgaria, aut privata carmina, néve alii legantur, quàm sacri, & canonici libri, quos sigillatim recenset. Novatores hunc solent Canonem Canoni Tridentini Concilii, *sess.* 2. opponere, eo quòd Laodiceus Canon retineat libros Tobiae, Judith, Sapientiae, Ecclesiastici, Machabæorum, qui divinæ declarantur authoritatis à Tridentino. At neque Laodiceus Canon Apocalypsin commemorat, quam Novatores Calviniani inter sacros Libros recipiunt: qui ex opposito librum Baruch expungunt, quem tamen Laodiceus Canon sacris accenset.

Sufficit verò nihil fuisse Laodiceæ definitum expressè contra divinam libri Judith, & aliorum voluminum authoritatem. Solis hæreticis hoc proprium, & singulare est, ut illis, quæ circa Fidem pronuntiavit Ecclesia, præfractè ausint refragari, cum tamen per insignem moderationem Ecclesia Christi, dum res adhuc in incerto sunt, & necdum ei divini Spiritus illustratione revelantur, suum soleat suspen-

dere iudicium, donec pleniori luce divinus eam Spiritus dignetur collustrare. Neque censet temerè præveniendum, sed potius humiliter præstolandum Dei beneplacitum, quo dispellatur omnis ambiguitas. Quemadmodum post Laodicenæ Synodi tempora, prælucente Deo constabilita est illorum librorum autoritas, de quibus hætenus Ecclesiæ dubitaverat. Id enim factum est in Concilio quarto Carthaginensi, *can. 47.* & in Concilio Romano sub Gelasio, & novissimè in Generali Tridentino. His adijunge sacrorum librorum indicem, quem contexit Augustinus tribus illis Conciliis conformem, *lib. 2. de doctr. Christiana, cap. 8.* Similiter licuit aliquando dubitare, antequam suum interposuisset Ecclesiæ definitivum iudicium circa huiusmodi Scripturas, sed postquam Ecclesiæ pronuntiavit, nefas est vel dubitare. Sic pariter priscis Ecclesiæ sæculis licuit gravissimis, & sanctissimis illorum temporum Theologis Papiæ, Irenæo, Justino, Lactantio, Victorino, Severo Sulpitio, ipsique Tertuliano, qui nullam cum Sanctis habet sortem, esse Chiliaſtis, quod nunc hæresim saperet. Licuit olim non modò Judæis Scriptoribus, Philoni & Josepho, sed etiam Justino *apol. 1.* Clementi Alexandrino *lib. 2. Stromatum*, Tertuliano *de habitu mulier.* Lactantio *lib. 2. divin. Inst. cap. 15.* viris eruditis docere, & scribere dejectos fuisse de cælo malos Angelos, eo quòd in terris cum mulieribus congressi fuissent, & ex eis homines progenuissent. Quod re postmodum melius compertâ non affirmaretur ci-

Cap. XXXIX. Synodus Alexandrina. 219
tra piaculum, postquam circa rem istam, novo
lucis auctu suam Deus Ecclesiam instruxit.

CAPUT XXXIX.

Synodus Alexandrina sub Liberio Papa.

Postquam Arianorum contra Ecclesiam violentissima procella morte Constantij Augusti deferbuit, & Julianus sumptis Imperij habenis omnes Episcopos ab Arianis relegatos in pristinas Sedes revocavit, nihil prius & antiquius, qui ad clavum universalis Ecclesiae sedebat, Liberius habuit, quàm ut Ecclesiae ruinas instauraret, Arianosque ad Ecclesiae sinum invitaret, redeuntesque paternâ charitate complecteretur. Hic in primis Occidentales Episcopos magni nominis, Eusebium Vercellensem, & Luciferum Calaritanum, adhuc in Oriente propter Fidem exulantes, Legatorum Apostolicorum potestate decoravit, ut collapsas in Oriente Ecclesias erigerent.

Interea Alexandriam reversus Athanasius, Concilium Episcoporum illic convocavit, ad quod invitatus Lucifer, duos vice sui Diaconos delegavit, cum interea Antiochiae haereret, ut illi Ecclesiae schismate divulsae, quod superius retulimus, provideret. Cùmque esset ingenio ad rigiditatem, & severitatem propenso, Meletii Episcopatum, & partes, eo quòd olim Arianis consensisset, minimè approbans, oppositis Meletio Eustathianis, Episcopum creavit, & sacra

cravit Paulinum. Synodus verò Alexandrina, præfidente Athanasio, studens paci, & unitati communi, decrevit, ut Arianæ Episcopi, & Presbyteri à lapsu resurgentes reciperentur in Ecclesiam cum pristino gradu. Hoc decretum Luciferus quidem displicuit, ut erat inflexi animi: non tamen obniti apertè ausus fuit communi decreto, cui quos delegaverat Diaconi subscripserant, ut scribit Rufinus. Quin etiam quum Eusebius dimisso Concilio Alexandrino, cui studiosè suffragabatur, Antiochiam concessisset, nec satis Luciferi in ea urbe gesta probaret; Lucifer vicissim quæ Alexandria gesta erant iniquo ferens animo, se ab Eusebii communione subduxit, & quamprimum in Sardiniam reversus, omnium averfatus est communionem Episcoporum, qui per Arianam fraudem Ariminensis Concilii professioni subscripserant; necnon eorum omnium, qui eosdem sub pœnitentia recepissent: tametsi Liberius ad restituendam Ecclesiæ pacem, missis ad omnes Italiæ Episcopos literis, quæ extant inter Hilarii fragmenta, inandasset esse recipiendos. Et ita conflatum Luciferianorum schisma.

Multa præterea in hac Synodo Alexandrina constituta sunt, ut refert Socrates *lib. 3. cap. 5.* ibi quippe damnata est Macedonii, Eunomii-que hæresis contra Spiritus Sancti divinitatem. Alia quoque, quæ recens emergebat hæresis Apollinaris, quæ animam humanam à Christo removebat. Innovatum quoque fuit præcedentis alterius Alexandrini, sub Sylvestro Papa Concilii, cui Osius Legatione Apostolica in
universo

universo Oriente defungens præfederal, decretum, ubi reprobatur fuit Sabellii dogma, quo divinarum Personarum omnis realis distinctio tollebatur. Ut verò disertè fides Trinitatis explicari posset, atque à Sabellii blasphemiam discerni, néve fideles vocabulorum penuriâ cum Sabellianis sentire viderentur, statutum est, Osio auctore, utendum esse nominibus, *ὁ πατήρ*, ad significandam communem trium naturam; & *ἡ υἱοσύνη*, ad exprimendas singularum personarum distinctas proprietates. Quæ eadem vocum usurpatio hac altera Synodo Alexandrinâ, sub Liberio comprobata est, autore illius Præsides Athanasio; sic tamen, ut tam Latinis, quàm Græcis liberum esset propriis linguarum diversarum idiomatis uti, ne circa verba certamen exardesceret, modò nulla esset in re discrepantia, ut testatur, & collaudat Gregorius Nazianz. *orat. in laud. Athanasii*.

Sanè inter Catholicos, non autem hæreticos, ut ait Hieronymus *epist. 57. ad Damasum*, de proprietate vocis hypostasis gravis agitata est concertatio, illis Arianisim, illis Sabellianisim invicem exprobrantibus; cum tamen re ipsa idem omnes circa Trinitatis fidem sentirent. Ipse Hieronymus suspectam sibi ibidem asserit hypostasis vocem circa divinas Personas, eo quòd hypostasis Latine substantiam sonet: esse autem tres in Divinitate substantias, seu essentias, mens ejus refugiebat asseriri; ideoque Damasum Papam hac de re consulit, cujus tamen ignoratur responsio. Hilarius quidem *lib. de Synodis*, admittit dici posse
tres

tres in Deo substantias. Ex adverso Augustinus *lib. 3. de Trinit. cap. 8. & 9. & lib. 7. cap. 4.* & Hieronymus *ad Damasum*, & ante hos Tertullianus *lib. contra Praxeam*, & Concilium postremo Toletanum secundum *cap. 1.* & Lateranense sub Innocentio III. *cap. 2.* unicam in Deo affirmant esse substantiam, tres verò negant. Sed hi substantiam pro essentia intelligunt: Hilarius verò substantiam non pro essentia, sed pro hypostasi, ut ipse protestatur, sumit. Et quidem Apostolus *Hebr. 1.* Unigenitum Dei vocat, *χαρακτῆρα τῆς ὑποστάσεως αὐτοῦ*, characterem hypostasis ipsius: ubi vulgatus Interpres totâ Ecclesiâ receptissimus, hypostasim vertit substantiam: *Figura*, inquit, *substantia ejus*. Extat luculentus Gregorii Nysseni liber de differentia essentia, & hypostasis. Aristoteles quidem in prædicamentis vocat *ὑποτάς*, quam nos substantiam dicimus. At verò *ὑπόστασις*, Theologi Scholastici pro clariorî hac in re discrimine, non jam substantiam, sed subsistentiam dicere solent. Basilii Magni cum fratre suo Gregorio Nysseno conformiter sentiens discernit inter *ὑποτάς* & *ὑπόστασις*, *epist. 43.* ut essentia sit aliquid unum pluribus commune, hypostasis verò proprium aliquid singulare, & incommunicabile: atque hoc adjungit, ex differentia horum vocabulorum ignorantia ortum esse multorum errorem circa Dei notitiâ necessariam.

CAPUT XL.

Synodus Occumenica secunda, & Constantinopolitana prima, simulque Romana sub Damaso Synodus.

CONSTANTINOPOLIS olim dicta Byzantium, à Pausania Lacedæmoniorum Duce condita, mirificè à Constantino Augusto nobilitata, & amplificata fuit, à quo nomen accepit, factaque est Imperii sedes, & caput. Hæc civitas sita est in Europæ Provincia Thracia, quæ nunc Romania vocatur, ad fretum Bosphorum, quod ambo maria committit, Ægeum, & Ponticum. Tribus locis mari alluitur: à meridie quidem sinu Propontidis, quod vocant *Mar di Marmora*, qui sinus pars est maris Ægei, quod vulgò *Archipelago* dicitur. Ab ortu civitas Bosphoro cohæret Asiam ab Europa dirimenti, cui ab Asia objecta est Chalcedon urbs, quæ nunc *Scutari* dicitur. Denique alluitur à parte Septentrionis sinu illo, qui à Bosphori superiori, seu Boreali parte versùs occasum exporrigitur, qui vulgò denominatur Cornu, & portum constituit toto orbe commodissimum. Ulterius verò ad Arcton imminet civitati Pontus Euxinus, qui nunc mare nigrum, aut mare majus appellatur. Ipsa verò urbs nunc à Turcis *Stambol* nuncupatur.

Hæc Synodus habita sub Romano Pontifice
Damaso,

224 *Notitia Conciliorum S. Ecclesie,*

Damaso , & Imperatore Theodosio fuit , tres potissimum ob causas. 1. ut Nicæna fides tot jactata procellis, & tot pseudo-Synodis reprobata , de novo adversus Arianos stabiliretur. 2. ut Macedonii hæresis, negans Spiritus Sancti divinitatem, profligaretur. 3. ut Ecclesia Constantinopolis Præsul Orthodoxus præficeretur , quam Ariani Episcopi Eusebius , Macedonius , Eudoxius , Demophilus , alter alteri succedendo labefactaverant. Isthuc conveniunt centum quinquaginta Orientales Episcopi , an. Chr. 381. quo eodem in Occidente intra fines Italiæ , duæ aliæ Synodi successivè celebratæ sunt , Aquileïensis primùm , deinde Romana. Aquileïensis acta supersunt , eique præfuit Valerianus Antistes Aquileiæ , quæ est Carnorum Metropolis , ad Timavum amnem sita , Italiæ quondam adversus Barbarorum e Septentrione incursus validissimum propugnaculum, ab Hunnis deinde duce Attila subversa; nunc verò propter cæli intemperiem , & circumjacentes paludes planè deserta , & inhabitabilis. Valeriano in hac Synodo proximus assedit Ambrosius Mediolanensis. Hic etiam interfuit Philastrius Brixienfis Episcopus, scriptorum eruditione librorum , vitæque sanctitate perillustris ; necnon Justus Lugduni Episcopus , alique tum ex Italia , tum ex Gallia, tum ex Africa. Synodica etiam epistola Aquileïensium ad Episcopos Provinciarum , Vienneus & Narbonensium primæ atque secundæ, meminit Proculi Massiliensis , & Constantii , qui Legati ab Ecclesiis Gallicanis missi ad Concilium

Concilium fuerant. Quin etiam altera ejusdem Concilii ad Gratianum, Valentinianum, & Theodosium Imperatores epistola dicit, ex omnibus Provinciis Occidentalibus Legatos Synodo interfuisse. In hac damnata fuit Ariana impietas, & Episcopi Ariani Palladius & Secundinus Sacerdotio depositi sunt. Dimisso Aquileiæ Concilio alterum Romæ coëgit Damasus Episcoporum Occidentis, inter quos præfati confederunt Ambrosius & Valerianus. Ad istud pariter invitaverat Orientales, qui longam Constantinopoli inter se altercando trahentes moram, sese per literas Synodales utcunque excusaverunt, missis Romam tribus ex suo cœtu Episcopis, Cyriaco, Eusebio, & Prisciano, qui eas detulerunt. Hæ referuntur integræ apud Theodorum *lib. 5. cap. 9.*

Illo Romano Concilio, cui Damasus præsedit, reprobata est Ariminensis Synodus, quam ipse antea Liberius damnaverat, ut refert Damasus in sua ad Episcopos Illyrici epistola, in qua hæc memoratu digna leguntur: *Neque enim præjudicium aliquod fieri potuit per numerum Arimini congregatum, quando constat neque Romanum Episcopum, cujus ante omnia decebat eos expectare decretum, neque Vincentium, qui tantis annis Episcopatum inviolabiliter custodivit, neque alios talibus præbuisse consensum.* Quibus docemur, Concilia quantumvis generalia, atque etiam legitimâ Romani Episcopi autoritate indicta, carere tamen certâ in suis decretis autoritate & fide, antequam illius fuerint approbatione communita. Concilium namque

Ariminense, dubium non est œcumenicum fuisse, legitimèque indictum, cum eò Liberius de suo latere delegaverit: nec minùs certum est, graviter circa fidem Catholicam errasse. Similiter quamvis Synodus ista Constantinopolitana fuerit pariter Oecumenica, & insuper Orthodoxa (idemque dicendum de Chalcedonensi) attamen nonnulla utriusque decreta omni autoritate caruerunt, quia Damasus, & Leo Romani Episcopi noluerunt illa suis approbationibus comprehendere. Huc pertinet illa altera Damasi sententia in epist. ad Stephanum, & Concilium Africanum: *Nam ut nobis Synodum sine ejus* (loquitur de Romana Cathedra,) *autoritate fieri non est catholicum, nec Episcopus nisi in legitima Synodo, & suo tempore Apostolicâ vocatione congregata, definitè damnari potest: neque ulla unquam Concilia rata leguntur, quæ non sunt fulta Apostolicâ autoritate.* Hæc Damasus. Ante quem Julius etiam Papa epist. ad Episcopos Orientales, quam refert ad longum Athanasius apol. 2. asserit fuisse ab Apostolis traditum, & deinde à magno Concilio (hoc est Nicæno) declaratum, non posse ullam convocari Synodum inconsulto, aut invito Romano Episcopo. Ante Nicænum verò Concilium Marcellus Papa, & Martyr epist. ad Episcopos Antioch. Provinc. refert ad Apostolorum sanctionem ista, quæ sequuntur. Primò, ut possint quilibet Episcopi à quocunque judicio appellare ad Romanum Episcopum. Secundò, ut nulla celebretur Synodus absque Romanæ Sedis beneplacito. Tertiò, ut
 nullus

nullus Episcopus, nisi in legitima Synodo per Apostolicæ Sedis auctoritatem convocata cujuscunque criminis accusatus judicetur. Notissimum etiam est in Oecumenico Chalcedonensi Concilio, caput accusationis contra Dioscorum Patriarcham Alexandrinum fuisse ab eo Synodum convocatam *inconsulto Romano Episcopo*, quod nec fieri licet, nec unquam aliàs factum est. Vnde perspicuè arguitur istam Synodum Constantinopolitanam, quæ Chalcedonensem præcessit, fuisse Damasi Romani Episcopi auctoritate convocatam.

Theologi, & Juris Canonici periti duas approbant regulæ istius exceptiones. Primam si Papa infidelis, aut hæreticus esset; quo titulo Baronius astringit legitimâ instructum fuisse auctoritate Clerum Romanum, quando Concilium Sinuessanum adversus Marcellinum Pontificem convocavit, postquam iste idola coluit sub Diocletiani persecutione. Secundæ exceptioni locus est in casu schismatis, si jus foret utrinque ambiguum, sicut usu venit in Conciliis Pisano, & Constantiensi, quæ depositis eorum temporum Summis Pontificibus, alios de novo crearunt; illud quidem Alexandrum V. & hoc Martinum V. Sed jam Constantinopolitani Concilij Canones exploremus.

Canone 1. approbatur & revocatur Nicæna fides de verbi Divini cum Patre *ὁμοουσία*, id est, consubstantialitate. Damnantur insuper nefaria Macedonii, & Eunomii dogmata, Spiritui Sancto divinitatem abrogantia, & blasphemanti-

tia, ipsum esse Filii creaturam, atque diversæ, inferiorisque à Filio substantiæ. Proscribuntur simul hæreses Photini, Christum hominem tantum prædicantis: & Sabellii, unicam in Deo personam asserentis, tribus nominibus pro suarum diversitate operationum designatam, ut eadem persona dicatur Pater ratione creationis, & Filius propter redemptionem, & Spiritus sanctus propter animarum sanctificationem. Hæresis etiam reprobatur Apollinaris Laodicensi, humanam Christo animam detrahentis, ut ejus vices Verbum in corpore assumpto gerat.

Canon 2. providet ne ultra propriarum Ecclesiarum fines Episcopi se extendant, néve ultra suas Parochias, nisi à locorum Episcopis rogati ordinationes faciant. Habetur *in c. Episcopi qui extra diœcesim*, 9. q. 2. Idemque statuerat canon Apost. 34. quod deponi jubentur Episcopi, qui sic intra alienos fines ordinaverunt, & Clericos qui ordinati sunt. Idemque sub Papa Julio statuit Concilium Antiochenum *can. 22.* qui citatur à Gratiano *c. Episcopum non debere*, 9. q. 2. & Concilium denique Tridentinum *sess. 6. de refor. cap. 5.*

Canon 3. *Episcopus Constantinopolitanus habeat priores honoris partes post Romanum Episcopum*, eo quod Constantinopolis sit nova Roma. Hunc Damasus canonem in Concilio Romano reprobavit, quippe qui ex mera editus ambitione, Sedibus Patriarchalibus ab antiquo institutis, & Nicæna Synodo confirmatis præjudicabat, novamque invehebat authoritatem,

quæ

quæ Imperatorum potestate suffulta, se adversus Ecclesiæ Romanæ Primatum à Christo in persona Petri constitutum insolentiùs erigeret. Quod posterioribus sæculis effectum est, unde hæreses, & exitialia schismata emerferunt toto Oriente. Conatum eundem ambitiosum Græci renovarunt in Synodo Chalcedonenſi, sed eum fecit irritum Leo Magnus *epist. 51. ad Anatolium Constantinopolis Episcopum, & epist. 52. ad Marcianum Augustum, & epist. 53. ad Pulcheriam Augustam*, ubi hunc canonem tertium sic designat: *Frustra quorundam Episcoporum profertur consensus, cui tot annorum series negavit effectum.* Deinde Justiniani Imperatoris prodivit novella 130. Græcæ huic vanitati astipulans: *Sancimus (inquit) secundum ipsorum fines, Sanctissimum veteris Roma Papam primum esse omnium Sacerdotum: Beatissimum verò Archiepiscopum Constantinopolis nova Roma, secundum ordinem obtinere post sanctissimum Apostolicum Thronum veteris Roma.* Quam novellam inseruerunt Græci libro 5. Basilicôn, *cap. 3.* sed illud Laicæ potestatis edictum, non alio fulcro subniti potuit, quàm Synodorum decretis à supremo universalis Ecclesiæ Capite reprobatis. Pseupo-Synodus Trullana, sub altero Justiniano his similem edidit canonem 2. His verò Sanctissimi Pontifices refragati sunt Damasus, Leo Magnus, Gregorius etiam Magnus *lib. 6. epist. 31. ad Eulogium Alexandrinum, & Anastasium Antiochenum; Nicolaus I. epist. ad Michaëlem Imperatorem,* quæ incipit: *Proposueramus*; Leo Papa IX.

230 *Notitia Conciliorum S. Ecclesie,*
epist. ad alterum Michaëlem Imperatorem. Episcopis tandem Constantinopoleos gradus ille dignitatis secundus indultus à legitima potestate fuit decreto Innocentii III. in generali Concilio Lateranensi, quod refertur *c. antiqua, de privileg.* Sanè ipse Constantinopolis Episcopus pluribus sæculis nihil amplius quàm Suffraganeus extitit Metropolitani Heracleæ Episcopi ; quod ipse ultrò testatur schismaticus Balsamon scribens in hanc Synodum.

Canone 4. declaratur irrita Maximi Cynici ad Constantinopoleos Episcopatum promotio, & omnes quoque per eum factæ ordinationes invalidæ : declaratque Maximum neque esse, neque fuisse unquam Episcopum. Gravis & ardua hîc involvitur quæstio inferiùs speciali dissertatione ad Canones ordinationum Carthagenensis Concilii quarti plenissimè discutienda.

Canon 6. prohibet in primis admitti accusationem adversus Episcopum, ab eo intentatam, qui vel hæreticus, vel aliter excommunicatus sit, vel condemnatus, vel infamis sit, nisi se plenè purgaverit, & infamiæ labem absterferit. Quin neque adversus ullum Clericum audiri permittit accusationem, si accusator ipse jam reus delicti factus sit, nisi postquam se obiecti criminis insontem probaverit. Quam renovavit constitutionem Concilium Carthagenense vulgò dictum, *can. 6.*

Eodem canone 6. sancitur, *Ut in accusatione Episcopi possit à Provinciali Episcoporum Synodali judicio recurri ad majorem Synodum Diœcesis*

sis Episcoporum : προσέγειναι μέζονι Συνόδῳ τῶν διοικήσεως ἑπισκόπων. Marcellus Papa, & sub Maxentio Tyranno Martyr, *epist. ad Episcopos Provinc. Antioch.* scribit esse jam inde ab Apostolis constitutum, ut accusatus Episcopus non nisi in Synodo Romani Pontificis autoritate coacta judicari possit. Istud quidem jus poterat sibi Romanus Episcopus, quoties visum fuisset, asserere. Cæterum in remotioribus regionibus, maxime per Oriëtem, illa de Episcoporum delictis cognitio & judicium exercebatur à Synodis Episcoporum, ut ex veteris Ecclesiasticæ historiæ locis innumeris compertum est.

Episcopatum igitur limites, gradusque diversi admodum inter se erant, quemadmodum & Synodi ab Episcopis convocandæ. Tria namque ista, Episcopi jurisdictionio, Episcopalis ditionis amplitudo, & Synodorum indictio, proportionem mutuam conveniunt. Primus se offert gradus Episcoporum alicui Metropolitano subjectorum. Isti non aliis præsumt, quam inferioribus Clericis & Laïcis, nec aliam cogere Synodum valent, quam subditorum Clericorum. Horum Episcoporum ditionio, quæ nunc Diocæsis dicitur, olim Paræcia vocabatur. Secundus Episcoporum gradus ac ordo est Metropolitanorum, quorum potestas & jurisdictionio in omnem Provinciam plures complectentem Episcopatus protenditur. Hi Synodos Provinciales, hoc est suffraganeorum Episcoporum, indicare possunt ex tota Provincia, quam iste sextus canon ἐπαρχίαν, suffraganeos verò Episcopos ἐπαρχιώτας vocat. Tertius gradus

Episcopos comprehendit pluribus Ecclesiasticis Provinciis præfectos, siue Patriarchæ, siue Primates forent. Horum ditiones ac præfecturæ vocabantur antiquitus Diœceses, & inde congregatæ Synodi nominabantur Diœcesanæ, in quas ex pluribus Provinciis Episcopi conveniebant. Supra Primates constituti erant Patriarchæ, qui Archiepiscopi quoque dicebantur; quod nomen seriùs Metropolitanis communicatum est. Patriarcharum, aut Primatum Concilia Græcis quidem Diœcesana, Latinis Universalia & Generalia dicebantur, quamdiu nullum Oecumenicum apud Latinos Concilium celebratum est. Convocatio autem Oecumenicarum Synodorum ad solum Romanum Pontificem pertinet, ut alibi demonstravimus, cujus est solius SUMMA PER OMNEM ECCLESIAM TOTO TERRARUM ORBE DIFFUSAM POTESTAS, & cui uni cæteri omnes Patriarchæ subjiciuntur.

Quamquam Primatiæ frequentiores in Occidente fuerunt, non defuerunt tamen in Oriente, cujusmodi erat Thessalonicæ primum in Macedonia, ut constat ex Papæ Leonis *epist.* 84. aliàs 82. *ad Anastasium Thessalonicensem*, necnon ex *epist.* 2. Nicolai Papæ *ad Michælem Augustum*. Deinde Acridi, seu Justinianæ primæ in Dardania, ut perspicuum est ex Justiniani novella 131. *cap.* 3. Erant pariter in Oriente Primates Seleuciæ ad Tygrin, quæ nunc est *Bagdet*, ut fidem facit Nicænus canon Arabicus 33. Falsò autem multis persuasum est, Bagdet esse antiquam illam in Chal-
dæa

dæa Babylonem ; cum certum sit Euphratem per mediam Babylonem excurrisse , cum tamen Bagdet non nisi ad Tygris amnis Orientalem plagam sita sit , ubi condita fuerat antiqua Seleucia. Primatis Romagyreos , seu Annensis meminit Procopius *lib. 2. de bello Persico*, eumque Persicis Ecclesiis præfuisse testatur. Canon ille 33. Arabicus refert Seleuciensem illum Antistitem plenam habere potestatem Archiepiscopos ordinandi , & vocari nomine CATHOLICI , hoc est Universalis. Procopius etiam Catholici nomen inditum ait Primati Annensi , seu Romagyreos. Armenorum Patriarcham Otto Frisingensis *lib. 7. cap. 31.* de ipso ad Eugenium III. Pontificem Legatione loquens , dici etiam CATHOLICUM refert , & Episcopis plusquam mille præesse.

Primatum meminit Synodus Chalcedonensis *can. 9. & 17.* Porro Zonaras ad ejus *can. 17.* Exarchos commemorat Episcopos Cæsareæ Cappadocum , & Ephesi , & Thessalonicæ , & Corinthi , quos idem insignia dignitatis suæ gestare dicit *πολυτάβεια* , sic à Crucium multitudine dicta. Quod idem insigne Synodus octava Oecumenica *ὑποφύριον* vocat , *can. ult.* idest superhumeralis : Latini dicunt PALLIUM , quale mittit Gregorius Magnus ad Corinthi Episcopum *lib. 9. epist. 55.* Legimus in Pontificali Anastasii Marcum Sylvestri successorem Pallii gestandi jus Ostiensi Episcopo concessisse , eo quod ad ipsum pertineat Romani Episcopi consecratio. Require inferius præallegatum octavæ Synodi Canonem ultimum , cum annotatis.

Primatiæ nihil aliud fuere quàm Vicariatus Summi quidem Pontificis in Occidente, Patriarcharum verò in Oriente. Quatuor verò erant Primatum præcipua privilegia. 1. Jura appellationum à Metropolitanarum judiciis. 2. Jus indicendæ Synodi diocesanae, quò poterant citare subditos Episcopos, eosque tenitentes per Ecclesiasticas censuras compellere. 3. Jus formatarum literarum expediendarum, sine quibus Episcopis non licebat à propriis Ecclesiis abscedere. 4. Jus ordinandi subditarum sibi Ecclesiarum Episcopos : quod tamen jus non peræquè omnibus, sive Patriarchis, sive Primatibus competeat ; sed pro consuetudine, aut commissæ potestatis tenore, in quibusdam restrictius, in quibusdam effusius erat, in quibusdam etiam prorsus nullum, præterquam intra fines propriæ Metropolitanæ provinciae, solo Metropolitanæ jure, non verò Primatiali, aut Patriarchali. Non est instituti mei tam vasta, prolixaque disquisitio, quam satis exactè prosequitur Franciscus Hallier in suo opere de *sacris Ordinationibus, & Electionibus*. Sanè indubitatum est, Patroclum Arelatensem fuisse à Pontifice Zosimo constitutum Primatem Provinciarum Viennensis, & geminarum Narbonensium ; & tamen qui Zosimo proximè successit Bonifacius I. *epist.* 3. in Patroclum acriter invehitur, eo quò Lotebia præfecisset Episcopum absque Metropolitanæ Narbonensis consensu, cui jus attribuit vel ratam, vel irritam faciendi hanc ad Lotebiensem Episcopatum promotionem. Præterea Papa Leo Magnus

Magnus *epist.* 89. ad *Episcopos Provinciae Viennensis*, Hilarium Arelatensem hoc nomine criminatur, quòd Episcopum ordinasset intra fines Provinciae Viennensis, inconsulto Metropoli-
 ta. Quin etiam hæc verba subjungit: *Quid sibi Hilarius quarit in aliena Provincia? & id quod nullus decessorum ipsius, aut Patroclus habuerit, quid usurpat?*

Multæ supersunt veterum Romæ Pontificum epistolæ ad diversos Episcopos, quos Vicarios suos Apostolicos ac Primates creant, quibus præcensita jura comprobantur. Leonis Magni ad Anastasium Thessalonicensem, Hormisdæ ad Remigium Remensem *epist.* 1. ejusdem ad Episcopum Tarraconensem *epist.* 59. ejusdemque ad Sallustium Hispalensem *epist.* 26. Zosimi ad Episcopos Galliæ in gratiam Patrocli Episcopi Arelatensis; item Vigilii *epist. ad Aurelianum Episcopum Arelatensem*, quæ legitur in actis Synodi quintæ Oecumenicæ, coll. 7. & Gregorii Magni lib. 4. *epist.* 52. ad universos Episcopos pro Vigilio pariter Arelatensi: Gregorii quoque Papæ II. & Zachariæ Papæ *epist. ad Bonifacium Episcopum Moguntinum*, quem Primatem per omnem Germaniam constituunt. Idem tamen Summi Pontifices protestantur, per hujusmodi Primatias nihil derogari antiquis Metropolitanorum juribus. Hormisdæ in suis ad Remigium, & ad Sallustium epistolis: *Vices (ait) nostras tibi committimus, salvis privilegiis, quæ Metropolitanis Episcopis decrevit antiquitas.* Idem hoc protestatur præallegatus Vigilius, idem-
 quo

236 *Notitia Conciliorum S. Ecclesiæ,*
que præcitatus Gregorius Magnus.

Quem verò Latini Primatem, Græci non modò ἱεραρχον vocabant, ut fidem faciunt Chalcedonenses canones 9. & 17. sed etiam ἀρχιεραλον, tametsi Patriarchæ subjectum. Quam rem doctissimè suo more prosequitur Joan. Morinus Congregationis Oratorii Domini Jesu Sacerdos, in sua exercitatione Ecclesiastica 17. Porro in nostra Gallia de tot veteribus Primatiis, Arelatensi, Remensi, Senonensi, aliisque, nihil præter inanem titulum superest, solo excepto Lugdunensi, ad quem adhuc à Metropolitano judiciis provocatur, scilicet Turo-nensis, Senonensis, Rotomagensis.

Nunc eò, unde digressi sumus, revertamur. Hujusce Concilii canoni sexto circa provocationem ab inferiori Episcoporum Synodo ad majorem ac superiorem Synodum, seu ad Exarchum, aut Patriarcham, consonat Chalcedonensis Synodi canon 9. & insuper Pelagii Papæ I. epistola 21. his verbis : *Si verò in qualibet Provincia orta fuerint quæstiones, & inter ipsius Provincia Episcopos discrepare cœperit ratio, atque inter ipsos dissidentes non conveniat, ad majorem tunc Sedem referantur : & si illic facile, aut justè non discernuntur, ubi fuerit Synodus regulariter congregata, canonicè, & justè discernantur. Majores verò, & difficiles quæstiones, ut sancta Synodus statuit, & beata consuetudo exigit, ad Sedem Apostolicam semper referantur.* Circa hanc Pelagii constitutionem de majoribus quæstionibus ad Sedem Apostolicam referendis, eam constat fuisse praxim omnium priscorum Ecclesiæ

Ecclesiæ sæculorum ; ipsiusque Canonici juris pars maxima constituitur ex Romanorum Episcoporum rescriptis ad varias consultationes Episcoporum. Idque conforme est regimini, quod à Deo inspiratus constituit Moyses, ut narratur Exod. 18. *Moyses electis viris strenuis de cuncto Israël, constituit eos Principes populi, Tribunos, & Centuriones, & Quinquagenarios, & Decanos, qui iudicaret plebem Domini omni tempore : quidquid autem gravius erat, referebant ad eum, faciliora tantummodò iudicantes.*

Subjicitur denique fidei regula Symbolum Constantinopolitanum, illud idem quod in solennioribus Missis decantari solet, cum additione tamen vocis, *FILIOQUE*, à Latinis facta, quâ occurritur posteriorum Græcorum hæresi. Cum enim Macedonius, & Eunomius Filium quidem ex Patre procedere, sed Spiritum sanctum à solo Filio creatum assererent, ut liquet ex Basilii contra Eunomium libro, Concilium id unum definivit, quod Hæretici isti convellebant, superfluum iudicans adungere id, in quo ipsi cum Catholicis conveniebant. Quandonam verò Ecclesia, cujus est una eademque potestas, & fidei Symbola edendi, & aliquando edita illustrandi, & ampliandi, vocem illam addiderit, non est planè compertum. Certè Græcanicæ hæresis semina circa divini Spiritus à solo Patre processionem primus jecit post Nestorium defensor hujus Theodorus in suis ad Cyrilli anathematismos commentariis cap. 9. quo loco priscis Ecclesiæ

Patribus

238 *Notitia Conciliorum S. Ecclesie,*

Patribus Græcis, & Latinis palam aduersatur. Photius vt invasionis suæ in Sedem Constantinopolitanam, & schismatis sui à Romana Cathedra, vnde fuerat anathemate fulminatus, causas & prætextus emendicaret, hanc de processione Spiritus Sancti hæresim arripuit, & propugnauit in suis encyclicis literis, quibus Romanam Ecclesiam proscindit ob illam ad Symbolum adjectionem, & professionem processionis Spiritus à Patre, Filioque, tametsi suam Photius hæresim Græcis suis omnibus persuadere non valuit; quandoquidem ipsi contemporaneus Leo Imperator Græcorum, cognomine Sapiens, hanc Spiritus ab utroque processionem profitetur in suo ad Omarum Saraceuorum Regem libello.

In hac ipsa Constantinopolitana Synodo Episcopi, qui interfuerunt, de Iustitiæ & Ecclesiæ commodis parum solliciti, sed propriis tantummodò, atque adedò iniquis affectibus indulgentes, multas perturbationes concitauerunt, multaque præstiterunt Episcopis indigna & indecora, quæ vberius describit in carmine de vita sua Gregorius Nazianzenus, qui pleraque ab illis indigna in hoc ipso Concilio, in quo confederat, passus est. Fuerat depulso inuasore Maximo, Gregorius, dictus Nazianzenus, ad hanc sublimem Constantinopolis Sedem, totius Concilij non modò consensu, sed etiam applausu, acclamationibus, & laudum præconiis promotus, & pro tam insigni electione Theodosius Augustus vniuerso Concilio gratulatus fuerat. Et tamen post paucos

cos dies hoc ipsum Concilium Gregorio eaque justitiæ & officii erant monenti & roganti, non modò refragatum est, sed eundem etiam repulit, despexit, & dignitate quam contulerat, abdicavit, sublecto in locum meritissimi viri indignissimè dejecti viro indigno & incapaci, non tantum laïco, sed necdum Christiano, tamen senio provecto, Nestatio adhuc Catechumeno.

Meletius Antiochenus Episcopus Sanctorum factis post obitum, tam à Latinis, quàm à Græcis ascriptus, in cujus anniversaria celebritate Chrysostomus sermonem habuit, cum sedisset ut Patriarcha in hac Synodo, eâ nondum solutâ diem obiit extremum; cuius funus summis honoribus Concilii Patres prosequuti sunt, in quo Gregorius Nyssenus panegyricam dixit orationem. Is decedens Episcopos ad pacem Ecclesiæ conciliandam impensè hortatus est; hoc desiderans, ne alius sibi, quàm Paulinus daretur successor, ut sic dispersa sub duobus hætenus Episcopis Ecclesiæ Antiochenæ membra in unum corpus coalescerent, quemadmodum jam antea provisum fuerat; communique conspiratione conventum & promissum ab utraque Fidelium Antiochenorum parte, statim atque alter è duobus Episcopis præmoveretur.

Gregorius Nazianzenus in hoc instabat, ut solus in Antiochena Ecclesia Paulinus agnosceretur, atque relinqueretur Episcopus: sed quoniam hic Orientalibus erat invisus, hac de
causa

causa quòd à Latino Episcopo cum Meletii, qui jam antea Episcopatu Antiocheno potiebatur, injuriosa offensione in eandem Antiochiæ Sedem intromissus fuisset, & quia Damasus Romanus Episcopus, alique Occidentis Præsules cum uno Paulino sibi fidissimo, nihil verò cum Meletio communicaverunt; ideò Synodi hujus Oecumenicæ Partes exosum habere cœperunt Nazianzenum, quasi Damaso addictum, & Occidentalium partes sustinentem. Eos itaque pœnituit quòd cum ad Episcopatum Constantinopolis promovissent: Meletio autem Flavianum, despecto Paulino, sublegerunt.

Interea Constantinopolin ad Synodum post Meletii obitum advenit Timotheus Alexandrinus Episcopus cum numero Episcoporum Ægypti comitatu, qui omnes indignati sunt, quia non expectato Alexandrino Præsule, cujus prima fuerat habenda ratio, & præsidente Antiocheno Meletio, fuisset Gregorius aliarum antea Sedium Episcopus, contra Canonum præscripta translatus in novum Constantinopolis Episcopatum. Major Græcorum pars Timotheo se adjungens, contra Gregorii promotionem, quamvis à seipsis factam, reclamavit. Tum Gregorius studio communis pacis & propriæ quietis se sponte abdicavit, firmiterque constituit nullis unquam posthac Synodis interesse, eo quòd, ut ipse probè expertus ait, omnia in his per tumultus & factiones gererentur. Igitur anno sequenti adhuc Constantinopoli existens ad novam in ea urbe indictam

etiam Synodum invitatus, & à Theodosio Augusto rogatus, recusavit accedere.

CAPUT XLI.

Concilium Taurinense.

HAbitu fuisse constat Taurinense Concilium paulò post Ambrosii Mediolanensis excessum, sedente ad universæ Ecclesiæ clavam Papa Siricio, sub quarti sæculi finem. Ab evidenti veritate prorsus deviant Baronius, & post ipsum Binius, dum isto Concilio declaratum affirmant, Massiliensem Ecclesiam esse Narbonensis secundæ Provinciæ Metropolim Ecclesiasticam. Cùm ex adverso Concilium ipsum perspicuè dicat, se hoc privilegium indulgere non urbi, aut Ecclesiæ Massiliensi, quam ad aliam Provinciam pertinere disertè fatetur, & hac ratione penitus excludendam ab hoc jure circa alienam, diversamque Provinciam: sed privatim hoc attribuere personale privilegium soli Proculo, nullatenus in ejus successores transfundendum; seque hoc uno respectu moveri, quòd sit ætate provectior, & quòd plerique Narbonensis Provinciæ Episcopi ab ipso fuerint ordinati: *Quamvis* (inquit) *eiusdem regionis Episcopi aliud defensarent, ac sibi alterius Provincia Sacerdotem præesse non debere contenderent.* Et mox ita proseguitur: *Non tam civitati ejus, quæ in altera provincia sita est, quàm*

Q

242 *Notitia Conciliorum S. Ecclesia,*
ipsi potissimum deferretur. Et subinde : *Quamvis*
unitate Provincia minimè tenerentur, constrin-
gerentur tamen pietatis affectu, hac ipsi Procula
tantum in diebus vite ejus forma servabitur. Et
sanè constituerat Nicæna Synodus, *can. 4.* ut
intra unamquamque Provinciam præsit Metro-
politanus Episcopus in ea constitutus. Perspi-
cuè verò tellatur tum notitiæ Imperii liber,
tum Ammianus Marcellinus *lib. 15,* Arelatam
& Massiliam pertinere ad Viennensem Provin-
ciam. Quin & hoc idem iteratò declarat de
Massiliensi urbe Taurinensis Synodus, eam
esse alterius à Narbonensi, Provinciæ. Hæc
ergo secunda Narbonensis, neque Massilien-
sem Episcopum poterat, neque Arelatensem
agnoscere Metropolitanum, sed solum Aquen-
sem. Etenim Aquas-Sextias Notitia illa Impe-
rii asserit esse Narbonensis secundæ Metro-
polim. Et constat (quod & alibi fusiùs explicui-
mus) veterem Ecclesiarum partitionem fuisse
ad Imperii partitionem accommodatam, &
conformem.

Hoc sanè Metropolitanæ privilegium, quod
per ambitum, & factionem Proculus à Tauri-
nensi Concilio contra jus extorserat, Zosimus
Pontifex suis quæ supersunt rescriptis repro-
bavit. Quin etiam contumacem Proculum, qui
aliena jura invaserat, à propria quoque Massi-
liensi Sede extrusit, idemque in Patroclum
Arelatensem insignia privilegia contulit.

Porro Arelatensis Ecclesia non modò con-
sequuta ex antiquo fuit ut esset Metropolis,
suamque constitueret Provinciam in regione
Viennensi

Viennensi peculiarem, eique ut suæ Metropoli subiecta foret Massiliensis Ecclesia : verum etiam diu Primatiæ ac Apostolici Vicariatus iure supra utramque Narbonensem provinciam potita est, tantumque authoritatis Zosimi Papæ concessione obtinuit, ut non modò in sua Viennensi, verum & in prima Narbonensi, quæ Narbonensi Metropoli; & in secunda Narbonensi provincia, quæ Aquis Metropoli subiciebatur, Episcopos crearet. Cæterum istud privilegium Episcopos in alienis provinciis creandi, ac ordinandi idem Zosimus meliore consilio, ut ipse scribens ad Simplicium Viennæ Metropolitanum ingenuè fateatur, revocavit. Quò etiam respexit Sanctus Leo Papæ *epist. 89. ad Episcopos Provincia Viennensis*, his verbis : *Quid sibi Hilarius Arelatenfis quarit in aliena provincia? & id quod nullus decessorum ipsius, aut Patroclus habuerit, quid usurpat? cùm ipsum quod Patroclo à Sede Apostolica temporaliter videbatur esse concessum, postmodum sit sententiâ meliore mutatum.*

Et utique ordinatio Episcoporum ad Metropolis Episcopum pertinet, ex Nicænis canonibus 4. 5. 6. 7. cui non est æquum derogari à Primati, vel etiam ab ipso Patriarcha. Denique sanctus Papa Gregor. *lib. 4. epist. 95.* ubi Vigilio Arelatenfi confert super vicinis provinciis Apostolici Primatis ac Vicarii dignitatem: *Singulis (inquit) Metropolitæ secundum priscam consuetudinem proprio honore servato.* Et Papa Hormisdas similia jura Remigio Rhenensium Episcopo indulgens, hoc addit

244 *Notitia Conciliorum S. Ecclesiæ,*
Salvis privilegiis qua Metropolitanis decrevit
antiquitas.

Id verò mirum est, Episcopum Massiliensem qui alteri subiciebatur Metropolitæ, scilicet Arelatensi, tantum juris habuisse etiam ante istud Taurinense Concilium, ut etiam in aliena Provincia jus exerceret Metropolitani, & Episcoporum creationi præsideret. Probabilis conjectura est, facile contigisse, ut quemadmodum imperante Ariano Constantio, Saturninus Arianus Arelatensem Ecclesiam occupaverat; ita & Aquensem alius aliquis Arianus Episcopus eodem Constantio regnante, vel qui successit, Juliano Apostata, vel Valente, vel Valentiniano, qui omnes erant Orthodoxis infensissimi, occuparit. Qua occasione plebs Catholica cum cæteris Episcopis, aut cui scilicet omniū Ecclesiarum incumbit, Romanus Pontifex curam Aquensis Metropolis proximiori Episcopo, qui est Massiliæ, quæ dimidiæ tantum diei itinere distat ab Aquis-Sextiis, demandaverit: qui vicem tunc Metropolitanam gerens nonnullos in eadem Provincia Episcopos ordinavit, aliaque Metropolitanamunia obierit: indeque contigerit, ut idem Massiliensis Proculus factione potens, & gratiâ principum virorum subnixus, quibus obistere tutum non fuisset, hoc demum à Synodo Taurinensi obtinuerit, ut commendatam sibi precario Provinciam tota vita ut proprietarius possideret. Et sanè testatur Synodus, se cōtemplatione pacis, atque concordie ita judicasse. Sed tandem jura prævaluerunt, Papa Zosimo

Zosimo istud Synodi iudicium contrario decreto abrogante.

Tunc etiam temporis Viennensis Ecclesia de Primatu cum Arelatensi contendebat : Synodus verò Taurinensis, ad quam illa controversia delata fuit, non diffinitivam, quæ litem dirimeret, sed ambiguum sententiam tulit, ut illa Ecclesia Primatis dignitate potiretur, quæ se Metropolim probaret.

CAPUT XLII.

Concilium Carthaginense IV.

INitio Pontificatus Anastasii, Honorio Augusto quartum, & Eutychiano Consulibus, anno Christi 398. convocatum est universale Concilium (sic enim vocatur in ipsius proloquio) ducentorum quatuordecim Episcoporum Africanorum in secretario Carthaginensis Basilicæ. Concilio præsedit Aurelius Carthaginis Episcopus, & Africæ Primas. Huic inter alios interfuit Augustinus Hippo-nensis Episcopus.

Africa Occidentalis, quæ Patriarchiæ subiciebatur Romani Episcopi, quæque in partitione Imperii pertinebat ad Romanum Occidentis Imperium, sex Provincias complectebatur. 1. Proconsularem Africam, seu Zeugitanam. 2. Numidiam. 3. Byzacenam. 4. Tripolitana-m. 5. Mauritaniam Septensem, seu Tingita-

nam. 6. Mauritaniam Cæsareensem, ut constat ex notitiæ Imperii libro, & ex Concilii Milevitani *cap.* 27. variisque Carthaginensibus Conciliis. Primatis autem universalis titulo præerat his omnibus provinciis Episcopus Carthaginis. In sola Proconsulari provincia, in qua erat Carthago, recensiti sunt Vandali-
cæ persecutionis tempore centum & sexaginta quatuor Episcopi, teste Victore Vticensi *lib.* 1. in summa Episcopales Sedes plusquam trecentæ Carthaginensi Primati obtemperabant, cum nunc temporis duæ tantum supersint; Septensis, quæ Olyssipponensi Metropoli; & Tingitana, quæ Eborensi Metropoli subjicitur, ut observat Aubertus Miræus in Episcopatum notitia. Duæ illæ Metropoles sunt in Lusitania. Præter Carthaginensem totius Africæ Primatem, singulis quoque Africæ provinciis præerat suus peculiaris Primas, subditi Carthaginensi. Is verò in singulis Provin-
titulus dignitatis non erat certæ Sedi, vel ecclesiæ affixus; quippe qui non alius esse
rat, quàm pro tempore antiquissimus e
Provinciæ F
pus, qui & Senex,
appellabat
colligitur passim
Africanis
ato Milevitano
gustini lil
ersus Donatistas
præclarè
t Leo Pontifex
his ver
ngulis Africa
constituebantur
is civitatis, sed
: quibus tam
licet

Cap. XLII. Concil. Cathaginese IV. 247
non incongruè dici potest Metropolitanus, propter
Metropolin totius Africa Carthagem. Ita Leo
Papa.

Canones Carthaginienses 1. 2. 4. de ordinationibus tractant Episcoporum, Sacerdotum, & Diaconorum per manuum impositionem: nec meminerunt ullius instrumenti ab ordinatore traditi, aut ab ordinato contrectati. Unde gravis emergit difficultas, quia decretum unionis Armenorum ab Eugenio IV. Pontifice post dimissam Synodum Florentinam editum, nullius in tribus istis ordinationibus meminit manuum impositionis, sed traditionis instrumentorum, quam requirit ut necessariam. Certum præterea est, illam instrumentorum contrectationem, aut saltem libri Evangeliorum, in primis ordinationibus locum non habuisse, quando necdum edita fuerant sacra Evangelia. Certum denique est, fieri sacras Græcorum ordinationes ex Ecclesiæ Romanæ approbatione per manuum impositionem, absque ulla instrumenti exhibitione, vel contactu. Hæc quæstio prolixiorē exigit discussionem, quam remitto ad hujus Concilii appendicem. Cùm verò in hodierna Sacerdotum consecratione duæ concutrant manuum impositiones, oppositis dissentiunt ab invicem rationibus Theologi, quænam illarum, an etiam utraque sit essentialis.

Canon 5. declarat, *Subdiaconos ordinari sine ulla manuum impositione, sed solum de manu Episcopi sumendo Calicem vacuum, & Patenam vacuum; de manu autem Diaconi urceolum cum*

248 *Notitia Conciliorum S. Ecclesie,*
aqua, & mantile & manutergium. Hic observa
 Subdiaconatum non esse Ordinem ex divina
 institutione Sacrum, sed ex Ecclesiastica dun-
 taxat, ut monet Innocentius Papa III. *c. à*
multis, de atat. & qual. & ord. presic. adeò ut
 primitus fuerit à Sacris Ordinibus exclusus,
c. nullus, dist. 6. Et Synodus Ancyrae *can. 13.* de-
 clarat, non licere Chorepiscopis ordinare Pres-
 byteros, aut Diaconos, nihil prohibens de
 Subdiaconis. Quinimò Synodus Antiochena
can. 20. disertè asserit ordinari à Chorepiscopis
 posse Lectores, Exorcistas, & Subdiaconos,
 at nullatenus Diaconos, aut Presbyteros. Ea
 quoque de causa, Subdiaconos absque ma-
 nuum impositione ordinari, docet iste canon
 Carthagenensis. Quoad verò Subdiaconorum
 sub primitiva Ecclesia cœlibatum, pleraque
 antiqua Concilia, quæ ad id Sacerdotes & Dia-
 conos astringunt, nihil de Subdiaconis expri-
 munt; sed alia tamen his quoque præcipiunt,
 unde conjicio in reliquis sub nomine Diaconorum
 Subdiaconos etiam comprehendi. Nam
 vetustissimum Concilium Eliberinum *can. 33.*
 deinde Agathense *can. 28.* & Turonicum se-
 cundum *can. 20.* & Epiphanius circa finem li-
 bri adversus hæreses, idemque in hæresi Ca-
 tharorum 59. negant disertè, Subdiaconis li-
 cere esse conjugatos cum affectu, seu cohabi-
 tatione maritali. Quod idem non obscure in-
 dicat Synodus Chalcedonensis *can. 14.*

Canones Carthagenenses 6. 7. 8. 9. modum
 præscribunt ordinandi Acolythos, Exorcistas,
 Lectores. Septem Ordines recensentur in Ro-
 mano

mano Concilio sub Sylvestro, *cap. 7.* Ostiario-
rum, Lectorum, Exorcistarum, Acolytho-
rum, Subdiaconorum, Diaconorum, Presby-
terorum. Eisdem omnes repetit Concilium
istud Carthaginense, quibus tamen addit Can-
tores, seu Psalmistas; sed hoc est officium po-
tius quàm Ecclesiasticus Ordo, cùm Conci-
lium ipsum Cantores creati à Sacerdote affir-
met, reliquos autem ab Episcopo. Acolytho-
rum præter duo illa Latina Concilia meminit
insuper Cyprianus *epist. 55.* & Cornelius Papa
in epist. quam refert Eusebius *lib. 6. hist. Eccles.*
cap. 33. ut sileam Gelasium *epist. ad Episcopos*
Lucania, cap. 3. aliosque sequentes Romanos
Pontifices. Apud veteres autem Græcos non
invenio Acolythorum distinctam mentionem,
tametsi vox illa sit planè Græca: non apud
Dionysium *in Hierar. Eccl.* non apud Ignatium
epist. ad Antiochenos, qui recenset ordines
Presbyterorum, Diaconorum, Hypodiacono-
rum, Lectorum, Cantorum, Janitorum, Labo-
rantium & Exorcistarum, nihil commemorans
de Acolythis, ut neque Concilium Antioche-
num, quod quidem *can. 10.* à Chorepiscopis
ordinari posse monet Lectores, Exorcistas &
Hypodiaconos; à solis verò Episcopis Dia-
conos & Presbyteros. Nihil verò de Acoly-
this loquitur. Ne verò Laborantes ab Ignatio
commemoratos aliquis fortè cum Acoly-
this confundat, docet Epiphanius *in com-
pend.* Laborantes id habuisse officii, ut Fi-
delium defunctorum corpora curarent, & ad
sepulturam componerent, quos Pollincto-

res profana vocabat antiquitas.

Canon 10. statuit Cantorem, seu Psalmistam posse absque interventu Episcopi per Sacerdotem constitui, hac verborum formula : *Vide ut quod ore cantas , corde credas ; & quod corde credis , operibus comprobes.*

Canon 22. sancit ut eligantur viduæ ac sanctimoniales (hæ dicebantur etiam Diaconissæ) quæ ministerio adhibeantur fœminarum baptizandarum , & capaces sint illas ante Baptismum instituendi. De Diaconissarum ministerio circa fœminarum Baptismum , ne quid in eo fiat , vel appareat indecorum , tractat Clemens Papa lib. 3. *Constit. Apost. cap. 14.* & Epiphanius *hæres. 79.* At verò circa mares, exclusis tantum fœminis, minor adhibebatur cautio, cum sic alloquatur baptizatos Cyrillus Hierosolymitanus catech. mystag. 2. *O rem miram ! nudi apparuistis in conspectu omnium , nec tamen pudore suffusi estis.*

Canon 13. Sponsis injungit, ut nocte , quæ ipsorum benedictionem sequitur , se in virginitate contineant , propter sanctæ illius benedictionis reverentiam. Et legitur in Decreto, *c. sponsus & sponsa, dist. 23.*

Canon 15. *Ut Episcopus vilem suppellectilem & mensam ac victum pauperem habeat, & dignitatis suæ autoritatē fide ac vitæ meritis quarat.* Habetur etiam in Decreto, *c. Episcopo, dist. 41.* & Tridentino *sess. 25. cap. 1.* Memorabile est Ammiani Marcellini scriptoris Ethnici sincerum de quibusdam Episcopis præconium, lib. 27. *Antistites* (inquit) *quosdam Provinciales tenuitas edendi, potandi*

Cap. XLII. Concil. Carthaginense IV. 251
*potandique parcissimè, vilitas etiam indumento-
rum, & supercilia humum spectantia, perpetuo
Numini, verisque ejus cultoribus, ut puros com-
mendant & vercundos.*

Canon 20. *Ut Episcopus nullam rei familiaris
curam ad se revocet, sed lectioni, & orationi, &
verbi Dei Prædicationi tantummodò vacet.* Huc
spectat Gregorii Nazianzeni de seipso testimo-
nium in carmine de vita sua, nullam se dedisse
operam in exigendis quæstorum suorum ratio-
nibus circa Ecclesiæ suæ facultates. Sapienter
tamen Augustinus, ut refert in ejus vita Possi-
dus cap. 24. facultatum Ecclesiæ curam fide-
libus Clericis omnem delegabat, qui cuncta ac-
cepta & erogata notabant: ipse verò singulis
annis eorum rationes audiebat, nunquam ta-
men clavem, aut annulum habens.

Canon 22. *Ut Episcopus sine consilio Clerico-
rum suorum Clericos non ordinet, ita ut civium
testimonium & conniventiam quærat.* Habetur in
c. *Episcopus sine consilio, dist. 24.*

Canon 31. *Ut Episcopus rebus Ecclesiæ tan-
quam commendatis, non tanquam propriis utatur.*

Canon 32. *Irrita erit donatio Episcoporum,
vel venditio, & commutatio rei Ecclesiastica abs-
que conniventia & subscriptione Clericorum.* Vi-
de in Decreto, 12. q. 2. per totam. In Galliæ Re-
gno per edictum Henrici secundi, anno 1558.
quod deinde in Comitibus Aurelianensibus
art. 29. sub Carolo IX. ex deliberatione Galli-
cani Cleri confirmatum est, nemorum ad Ec-
clesias pertinentium arbores proceras deicere
prohibetur Episcopis, Abbatibus, & quibus-
cunque

cumque præbendatis, & aliis quibuscumque personis. Solemnitates etiam servandas ad legitimam rerum Ecclesiæ alienationem, quibus omissis (saltem in Gallia) foret invalida, refert Chenutius Jurisconsultus in suo tractatu de alienationibus rerum Ecclesiæ. Prima est, ut interveniat Capituli, aut Cleri deliberatio, & consensus scripto expressus, cum singulorum subscriptione, juxta hunc Carthaginensem canonem, & sine exceptione, 12. q. 2. Secunda, ut ex deputatione per Capitulum committantur certæ personæ ad juridicè inquirendum de qualitate rei cujus tractatur alienatio, deque utilitate, aut necessitate ejus alienationis; quæ demùm facta inquisitio refertur ad Capitulum. Tertia, ut publicè per Parochos, tam loci, quàm convicinos, perque affixas schedulas denuntietur illa futura alienatio per licitationem ac subhastationem, ut qui in licitatione plus obtulerit, rem habeat. Quarta, ut accedat Episcopi consensus, aut ejus Vicarii, aut Abbatis, si de re agitur regularis Ecclesiæ, aut Monasterii. Quo ultimo casu requiritur insuper Summi Pontificis consensus; non enim ad istud sufficit Superioris Generalis, & multò minùs Provincialis authoritas. Prædictæ requiruntur solemnitates, etiam si non fiat alienatio in perpetuum, aut etiam ad annos triginta, dummodo fiat emphyteusis ultra novennium, ut ex praxi & jure Gallicano docet Chenutius: qui etiam refert ob unum, & alterum harum solemnitatum defectum, multis in Gallia judiciis irritas fieri multas rerum Ecclesiæ alienationes,

tionē, quæ fuerant pluſquam centum annorum præſcriptione firmatæ.

Tres juſtas eſſe rerum Eccleſiæ alienandarum cauſas docet Gloſſa in præmiſſo cauſæ 12. q. 2. Primam ipſius Eccleſiæ neceſſitatem, aut evidentem utilitatem: ut ſi fructus ad Eccleſiæ impenſas, aut Cleri ſuſtentationem, aut debitorum ſolutionem ſufficere non poſſint, *c. hoc juſ porrectum*, 10. q. 2. Cauſa ſecunda eſt pietatiſ, ad ſubſidium pauperum in gravi neceſſitate, vel in redemptione captivorum, juxta diffinitionem Sancti Papæ Gregorii *lib. 5. epift. 17. & lib. 7. epift. 4.* qui vult hiſ caſibus ſacra Vaſa confringi, & conſtari. *Aurum enim habet Eccleſia non ut ſervet, ſed ut eroget, & ſubveniat in neceſſitatibus. Can. aurum*, 12. q. 2. Cauſa denique tertia eſt vitandi damni, quando Eccleſiæ prædia ſterilia, aut inculta remanerent ob magnas neceſſarias in eiſ reparandis impenſas, magnamque diſtantiā, *c. ſine exceptione, & c. terrulas*, 12. q. 2. & *c. ad aures, de rebus Eccleſ. non alien.*

Denique contra rei Eccleſiæ alienationem, quæ fit à Capitulo, vel unus Clericus ejuſdem Capituli opponens admittitur, *c. ſi quis, de rebus Eccl. non alien.* etenim in re communi potior eſt conditio prohibentiſ. Sed reliquos hujus Concilii canoneſ proſequamur.

Canon 34. *Vt Episcopuſ quolibet loco ſedens ſtare Preſbyterum non patiatuſ.* Refertur à Gratiano *c. Episcopuſ in quolibet, diſt. 95.* Huc ſpectat iſtud quod ad Nepotianum *epiſt. 2.* ſcribit S. Hieronymuſ:

254 *Notitia Conciliorum S.Ecclesie,*

onymus: *Episcopi* (inquit) *Sacerdotes* se esse no-
verint, non *Dominos*; honorent *Clericos* quasi *cle-*
ricos, ut & ipsis à *Clericis* quasi *Episcopis* honor
deferatur. Scitum est illud *Oratoris Domitii*: Cur
ego te, inquit, habeam ut *Principem*, cum tu me
non habearis ut *Senatorem*? Et subinde: *Recorde-*
mur semper quid *Apostolus Petrus* precipiat *Sa-*
cerdotibus: *Pascite* eum qui in vobis est *gregem*
Domini, providentes non coactè, sed spontaneè,
secundum Deum: neque turpis *lucris gratia*, sed
voluntariè; neque ut *dominantes in Clerum*, sed
forma facti *gregis ex animo*: ut cum apparuerit
Princeps Pastorum, percipiatis *inmarcescibilem*
gloria coronam. Hæc simul citantur ead. dist.
95. c. esto subiectus.

Canon 35. *Vt Episcopus in Ecclesia, & con-*
fessu Presbyterorum sublimior sedeat. Intra verò
domum, *Presbyterorum collegam* se esse cognoscat.
Citatur in c. *Episcopus in Ecclesia*, dist. 59. In
Liturgia Chrysostomi sedes *Episcopalis* dici-
tur, ἡ ἀνω καθέδρα, quæ sursum est *sedes*. Et
Augustinus in Psalm. 126. dicit *Episcopis* al-
torem poni locum, ut cognoscant se esse
in *specula constitutos ad vineam Domini*,
quæ est ejus *Ecclesia*, custodiendam. Et de
isto (inquit) alto loco *periculosa redditur*
ratio.

Canon 44. *Clericus nec comam nutriat, nec*
barbam. Allegatur apud *Gratianum c. Clericus*,
dist. 42. Idem cavetur *Agathensis Concilii*
can. 20. De tonsura porro clericali multa præ-
clara require infra ad can. 40. *Concilii Toletani*
quarti.

Canon 45.

Cap. XLII. Concil. Carthagenſe IV. 255

Canon 45. *Clericus profeſſionem ſuam, & in habitu & in inceſſu probet: & nec veſtibus, nec calceamentis decorem quærat. Habetur in can. Clericus profeſſionem, diſt. 41. Huic ſimilem requirere inferiùs canonem 16. Nicænæ Synodi ſecundæ. Clericum nihil magis dedecet, aut contemptui magis obnoxium reddit, quàm illa exteriùs ſe prodens immodèſtia. Sapientiſſimè admonet Eccleſiaſticus cap. 19. *Ex viſu cognoscitur vir, & ab occurſu faciei cognoscitur ſenſatus. Amictus corporis, riſus dentium, & ingreſſus hominis enunciant de illo; id eſt, qualis interiùs ſit: quemadmodum gnomon exterior horologiï diſpoſitionem indicat interioris machinæ.**

Canon 47. *Clericus per plateas, & andronas, niſi magna, & certa ſui officiï neceſſitate, non ambulet.*

Canon 51. *Clericus quantumlibet verbo Dei eruditus, artificio victum quærat. Habetur in Decreto, c. Clericus quantumlibet, diſt. 91.*

Canon 52. *Clericus victum, & veſtitum ſibi artiſciolo, vel agricultura, abſque ſui officiï detrimento parat. Eadem docet, jubetque Clemens Papa lib. 3. Conſtitut. Apoſtolic. cap. ult. adducens Apoſtolorum exempla, & ſpeciatiim Pauli tabernaculorum opificis, Act. 18. v. 4. Act. 20. v. 34. 2. Theſſ. 3. Epiphanius har. 80. fidem facit, ſuo tempore plerique Sacerdotes ſolitos eſſe propriis manibus operari. De Spiridione, qui in magna Synodo Nicæna conſedit, perhibent Ruſinus, & Socrates, illum ſimul & Tremithuntis in Cypro Epiſcopum, &*

& capellarum gregis fuisse pastorem. Synodus verò Nicæna secunda, *can. 15.* pauperibus Clericis exemplum proponit Pauli Apostoli, ut ad ejus imitationem victum manibus propriis operando sibi parent. Admodum notabile est, quod duabus epistolis scribunt Agatho Papa, & Romanum Concilium ad Imperatorem Constantinum cognomine Pogonatum, suos ei commendantes ad sextam Synodum Legatos. Se enim primum excusant, quòd cum cupivissent doctiores, & eloquentiores mittere pro tanti muneris, & officii dignitate, idèoque ex ultima Britannia Clericum his ornatum dotibus accivissent; iste tamen adventare non potuerit, nec alius reperiri queat Clericus insigniter doctus, ex quo direptis & vastatis per Longobardos Ecclesiis, tam hi qui mittuntur Legati, quàm cæteri Clerici non valuerint studiis literarum incumbere, adacti necessitate ad manuum laborem assiduum, quo vitam sustentare possent. Denique Aquileiense Concilium, cui Ambrosius Mediolanensis interfuit, pauperiem dicit in Sacerdotibus esse gloriosam. Verùm ad istiusmodi gloriam non sunt ambitiosi nostrorum temporum Clerici, vel Monachi.

Canon 60. *Clericum scurrilem, & turpibus verbis jocularum ab officio decernit removendum.* Citatur à Gratiano *c. Clericum scurrilem, dist. 46.* Stultiloquium, & scurrilitatem damnat Apostolus *Ephes. 5. v. 4.* Præclare admonet Bernardus: *Nuga in ore Laïcorum nuga sunt; in ore Clericorum blasphemia. Consecrasti tuum Evangelio*

gelio , talibus aperire non licet. Sanctum audiamus Ambrosium lib.1. officiorum , cap. 23. Licet interdum honesta joca , & suavia sint , tamen ab Ecclesiastica abhorrent regula : va vobis , qui ridetis , quia flebitis , ait Dominus. Non solum profusos , sed omnes etiam jocos declinandos arbitror : plerum tamen suavitatis , & gratia sermonem esse non indecorum. Hæc Ambrosius.

Canon 68. Ex pœnitentibus Clericus , quamvis sit bonus , non ordinetur : si per ignorantiam Episcopi factum sit , deponatur à Clero , quia se ordinationis tempore non prodidit fuisse pœnitentem. Similiter Siricius Papa ad Himerium Tarracônæ Episcopum , cap. 14. Illud quoque par fuit nos providere , ut sicut pœnitentiam agere non conceditur cuicumque Clericorum , ita post pœnitentiam ac reconciliationem nulli unquam liceat Laïcorum Clericatus honorem adipisci. Hæc Siricius. Causa utrobique est decor , & veneratio statûs Clericalis , utque Clericus sit , juxta Paulum , inconfusibilis , & irreprehensibilis. Similiter Leo Papa epist. 92 , inquis. 2. Alienum est (ait) à consuetudine Ecclesiastica , ut qui in Presbyterali honore , aut Diaconi gradu fuerint consecrati , bi pro aliquo crimine suo , per manûs impositionem remedium accipiant pœnitendi. Quod procul dubio ex Apostolica traditione descendit , secundum quod scriptum est : Sacerdos si peccaverit , quis orabit pro eo ? Vnde hujusmodi lapsis ad promerendam misericordiam Dei , privata est expetenda secessio , ubi illis satisfactio , si fuerit digna , sit etiam fructuosa. Hæc Leo Magnus. Similiter Origenes lib. 2.

258 *Notitia Conciliorum S. Ecclesie,*
contra Celsum, docet quia pœnitentiam obivisset, eum arceri in perpetuum à sacris Ordinibus, aut eorum exercitio. Optatus item Milevitanus in fine libri 2. *Multis* (inquit) *notum est, & probatum, persecutionis tempore aliquos Episcopos inertiam à confessione Dei delapsos thurificasse; & tamen nullus eorum qui evaserunt, aut manum lapsis imposuit, aut ut genua figerent inoperavit.* Et Augustinus lib. 1. contra Donat. de Baptismo cap. 1. *Ordinatis* (ait) *cum ad Ecclesiam à schismate redeunt, non imponitur manus inter Laicos.* Sed & Concilium Carthaginense quintum, *can. 11.* sic statuit: *Idem confirmatum est, ut si quando Presbyteri, vel Diaconi in aliqua graviore culpa convicti fuerint, quareos à ministerio necesse fuerit removere; non eis manus tanquam pœnitentibus, vel tanquam fidelibus Laicis imponatur.* His adde apud Gratianum *c. Presbyter si fornicat, dist. 182.* Cæterum publicæ pœnitentiæ loco Clericus delicti reus in Monasterium relegabatur, aut ad privatam secessionem, ut docent Leo Magnus *loco cit.* & Hieronymus *epist. 48. ad Sabinianum, & Concilium Aurelianense tertium can. 4.*

Canones autem, quibus pœnitentia Clericis ipsis injungebatur, ut est Arausici primi Concilii canon 4. *dicens pœnitentiam desiderantibus etiam Clericis non negandam*; quidam exponunt de pœnitentia privata: alii etiam de publica, non judiciaria quidem, sed spontanea, nullo interveniente gravi delicto: de qua etiam loquitur Concilium Toletanum quartum *can. 53.* quæque in ipsis Laicis promotionem

Cap. XLII. Concilium Carthaginense IV. 259
motionem sequentem ad Ordines minimè impediebat, ut ibi decernitur. Ita noster Morinus exponit *lib. 2. exercit. Eccl. cap. 23.*

Veruntamen Cypriani epistola 56. ad Fidum, quæ continet initio querimonias contra Therapium Episcopum, eo quòd Victorem Presbyterum, qui graviter in Deum deliquerat, ausus fuisset reconciliare, pacemque ei dare præproperâ festinatione, antequam plenam implevisset pœnitentiam; illa, inquam, epistola perspicuè loquitur de pœnitentia, tum publica, tum judiciaria: nec potest ullatenus de privata, vel de spontanea exponi. Potius igitur censuerim, regulam illam de interdicta sacris Clericis pœnitentia, neque semper, neque omnibus locis viguisse, ut superius perspeximus de Sabbatorum jejuniis, etiam in diversis Occidentis locis, deque aliis Ecclesiasticæ disciplinæ officiis.

Canon 69. irregularem dicit, qui aut secundam uxorem, aut viduam, aut alterius derelictam duxerit. Huc spectat Apostolorum canon 18. insertus in Decreto, *c. si quis viduam, dist. 34.* & Concilii Agathensis canon 1.

Canon 74. *Qui communicaverit, vel oraverit cum excommunicato, sive Clericus, sive Laicus, excommunicatur.* Citatur *c. qui communicaverit, 11. q. 3.* Similem Antiochenæ Synodi canonem secundum require superius.

Canon 76. *Is qui pœnitentiam in infirmitate petit, si casu, dum ad eum Sacerdos invitatus venit, oppressus infirmitate obmutuerit, vel in phrenesim versus fuerit, dent testimonium qui*

260 *Notitia Conciliorum S. Ecclesie,*
audierint, & accipiat pœnitentiam: & si conti-
nuò moriturus creditur, reconcilietur per manus
impositionem, & infundatur ori ejus Eucharistia.
Si supervixerit, admoneatur à prædictis testibus
petitioni suæ satisfactum, & subdatur statutis
pœnitentiæ legibus, quandiu Sacerdos, qui pœni-
tentiæ dederit, probaverit. Idem firmè statuit
Synodus Arausicana prima, cap. 12. Subitò ob-
mutescens, prout statutum est, baptizari, aut pœ-
nitentiæ accipere potest, si voluntatis præteritis
testimonium aliorum verbis habet, aut præsentis
in suo nutu.

Canon 80. *Omni tempore jejunii manus pœni-*
tentibus à Sacerdotibus imponantur. Observato
multiplices in Ecclesia manuum impositiones.
1. in Sacramento Confirmationis: 2. in sacris
ordinationibus: 3. in reconciliatione, seu ab-
solutione pœnitentium: 4. in orationibus, quæ
fieri solebant supra ipsos Pœnitentes; quæ de
re canon iste loquitur, & canon 90. hoc idem
statuit circa Energumēnos: 5. & postremò San-
ctimonialēs, Diaconissæ, & Virgines conse-
crabantur per manuum impositionem, ut do-
cet Synodus Chalcedonenſis can. 15.

Canon 84. *Ut Episcopus nullum prohibeat*
ingredi Ecclesiam, & audire verbum Dei, sive
Gentilem, sive Judæum, sive Hæreticum, usque
ad Missam Catechumenorum. Soli Pœnitentes
primi ordinis, scilicet flentes, ingressu Eccle-
siæ prohibebantur: cum Judæis verò, Paganis,
& Hæreticis non communicabatur quidem ad
precum societatem, sed admittebantur intus
ad verbi Dei auditionem, ne aditus ipsis ad
conver

Cap XLII. Concil. Carthaginense IV. 261

conversionem præcluderetur. Allegatur in cap. Episcopus nullum, dist. 1. In Judaïco Templo pars quædam erat quæ Atrium Gentium vocabatur, quo loco Gentilibus consistere, atque adeò Deum verum, & unicum palam licebat adorare. Hinc refertur Joan. 12. v. 20. *Erant autem quidam Gentiles ex iis qui ascenderant, ut adorarent in die festo.* Vide suprâ Laodicensium canonem 6.

Canon 90. *Omni die Exorcista energumenis manum imponant.* Require can. 80. superiùs.

Canon 91. *Pavimenta domorum Dei energumeni verrant.*

Canon 94. *Eorum qui pauperes opprimunt, dona à Sacerdotibus refutanda.* Notatu dignus canon circa eos qui securos se ab obligatione restituendi, quæ aliis rapuere, præsumunt, neque exspoliatis se obstrictos putant, dum falsam & inanem splendoris, & pietatis gloriam sibi, suæque impostero profapiæ quærant Sacella construendo, vel nova servitia fundando ex corrahis injustè pecuniis. Huc spectat effectum Ecclesiastici præclarissimum c. 34. v. 23. *Dona iniquorum non probat Altissimus, nec respicit in oblationes, nec in multitudine sacrificiorum eorum propitiabitur peccatis. Qui offert sacrificium ex substantia pauperis, quasi qui victimas filium in conspectu patris.*

Canon 104. testatur de habitu religioso viduarum, quæ se obsequio Ecclesiæ devoverunt, deque voto perpetuæ castitatis: *Si quæ viduæ se devoverunt Domino, & veste laicali abjecta, sub testimonio Episcopi, & Ecclesiæ in religioso*

262 *Notitia Conciliorum S. Ecclesie,*
habitu apparuerit. Mentio quoque est 1. Tim. 4.
viduarum peccantium dum nubunt, eo quod
fidem quam Christo dederant, irritam faciant.
Cyprianus de discipl. & habitu virg. Ut que
(inquit) se Christo dicaverint, & à carnali con-
cupiscentia recedentes, tam carne, quàm mente se
Deo devoverint. Et Hieronymus ad Sabinianum
Diaconum ita loquitur: Moris est, ut tam vir-
go, quàm vidua, qua se Deo devoverint, & seculo
renuntiantes, omnes delicias seculi conculcarint,
crinem monasteriorum Mauribus offerant dese-
candum, capite postea ligato, & velato. Diony-
sius Eccl. Hierar. cap. 6. mutationis vestimento-
rum, & tonsuræ, & consecrationis Sanctimo-
nialium meminit.

C A P U T X L I I I .

Appendix ad Canones Ordinationum præ- *cedentis Concilii.*

Scholasticæ Theologiæ Professores, cum
non consulissent Græcarum ordinationum
approbatos ab Ecclesia Romana ritus, neque
iplos veteris Ecclesiæ Latinæ usus & normas,
sed observatis dumtaxat posteriorum tempo-
rum Latinis Ritualibus & Pontificalibus, haud
satis accuratè discusserunt Sacramentorum sin-
gulorum substantialia, & pleraque affirma-
runt haud satis cum Græcorum Catholicorum,
aut etiam veteris Ecclesiæ Latinæ venerandis
usibus

Cap. XLIII Concil. Carthaginense IV. 263
usibus & traditionibus convenientia.

In primis istorum multi asseruerunt ad Sacramenti Pœnitentiæ validitatem necesse prorsus esse, ut absolvendi forma personam Ministri connotet; cùm tamen antiquissimus, & multoties ab Ecclesia Romana comprobatus Ecclesiæ Græcæ usus sit, ut absolutio per formam deprecativam impendatur, sicut ex Græcorum Orthodoxorum Euchologiis, aliorumque per Orientem dispersorum fidelium diffusè, atque apertissimè commonstrat noster Joan. Morinus in suo de Pœnitentia tractatu: quæ si Theologi Scholastici rescivissent, aliter procul dubio docuissent. Enimverò cum S. Thomas in 4. dist. 3. art. 2. ad 1. & Paludanus ead. dist. quæst. 1. quæsto 3. aliique communiter, ex eo quod Ecclesia Græca baptizando sic pronuntiet: *Baptizetur Christi servus*, &c. inferant & arguant; non esse absolutè necessariam in Baptismo personæ baptizantis seu ministri expressionem: pari argumento docuissent, nec esse necessariam in Pœnitentiæ Sacramento, cùm nec in hoc, nec in ullis Sacramentis Græci Ministri suam unquam personam enuntient.

Eadem ratione si Scholasticis Doctoribus innotuissent approbatissimi Græcorum Maronitarum, & quorundam aliorum Orientalium cum Romana Ecclesia communicantium ritus & praxes Ordinationum, procul dubio his per æquè detulissent, nec in eas devenissent conclusiones, ex quibus sequatur, Orthodoxos Orientis omnes fuisse tot sæculis hætenus ab Ecclesia Romana delusos, quæ non tantum

illorum examinavit, & probavit ritus; sed etiam illos ita eorum observationi astinxit, ut lethalem contrahant noxam, si velint in propriis Ecclesiis ritu Latino ministrare. Ex quo id pariter sequeretur, vel cogitatu horrendum, nullos penes ipsos esse, aut fuisse Presbyteros & Episcopos, nullam Eucharistiam, nullum Sacramentum Pœnitentiæ, Confirmationis, Ordinis, Extremæ-Vnctionis: quinimò neque pluribus sæculis apud Latinos ipsos sub illis felicissimis Sāctorum veterum Patrum sæculis, ut patet vel ex canone 5. Carthaginensis quarti Universalis Concilii, in quo cum ducentis, & ultrà Episcopis confedit Augustinus, asserente pro certissima Ecclesiæ norma & indubitata praxi, ubi traduntur Ordinis instrumenta, ibi nullam esse manus impositionem; & ita Sacerdotibus & Diaconis, dum ordinantur, imponi quidem manus, sed nihil eis tradi aut porrigi: at Subdiaconis Calicem cum Patena tradi, sed nullatenus imponi manus.

Noster quidem Morinus contendit *in suis ad sacras Ordinationes exercitationibus*, nullam fuisse in Sacerdotum & Diaconorum ordinationibus traditionem instrumentorum annis plusquam octingentis apud Latinos. Cæterum vir eruditionis consummatæ non advertit Ordinem Romanum, libellum ab Alcuino Caroli Magni Præceptore alicubi allegatum, ac per consequens altioris antiquitatis, referre *in 2. parte*, non solum manus ab Episcopo illis imponi, qui Sacerdotio initiantur, & manus inungi, sed etiam Calicem cum vino aquâ permixto,

Cap. XLIII. Concil. Carthaginense IV. 265
mixto, & Parenam cum pane tradi, simulque
ista eis enuntiari: *Accipe potestatem offerre Sa-*
cificium Deo, Missamque celebrare, tam pro
vivis, quàm pro defunctis.

Inter Scholasticos Scriptores S. Bonaventura
in 4. dist. 24. p. 2. art. 1. q. 4. solius meminit, tan-
quam essentialis materiæ ad Sacerdotium &
Diaconatum, impositionis manuum. Ex adverso
Dominicus Soto, & Capreolus, & Valentia
contendunt, hanc nihil esse, quàm acciden-
tariam cæremoniam, solamque esse de Sacra-
menti essentia traditionem instrumentorum.
Meliùs tamen Petrus Soto, Ledesma, Bellar-
minus, Vasquez, utraque, saltem in Latinis Ec-
clesiis, docent ad sacrarum ordinationum vali-
ditatem & essentiam pertinere.

Sanè quæcumque supersunt libello. Ordinis
Romani vetustiora monumenta, nullius in sa-
ctis Ordinibus meminere traditionis, solam-
que prædicant *χρηστονίαν*. Dionysius *in Eccl.*
Hier. Clemens Papa *in Apostolic. const.* de quo
libro Epiphanius *haeres. 70.* testatur complecti
omnia, quæ pertinent ad Ecclesiasticam disci-
plinam. Canones etiam ordinationum Cartha-
ginenses, & omnia ferè Sanctorum Patrum,
cùm vel per occasionem de Ordinibus sermo-
cinantur, loca. His adjungit Morinus, quos
ipse primus in lucem edidit antiquissimos or-
dinationum Rituales ex Vaticana, & aliis illu-
stribus Bibliothecis erutos, necnon librum
Syriacum ordinationum Maronitarum, qui
fuerunt hætenus montis Libani accolæ, quo-
rum fidem, & Sacros ritus dudum Ecclesia Ro-

mana probavit. Eo libro non aliter ordinantur Sacerdotes, quàm solâ manuum impositione cum certis quibusdam precibus, & verborum formis: nil porrigitur ei qui Sacerdotio initiatur quàm Evangeliorum liber, ut ipsum legat. Prætermitto Armenorum eorum, qui cum Romana Ecclesia communicant, ordinandi ritus, quorum sacris ministeriis exercendis Summi Pontifices concesserunt Ecclesiam Romæ tituli Sanctæ Mariæ Ægyptiæ cæ.

Quin imò sacræ Scripturæ non aliud in huiusmodi perhibent, quàm χειροτονίαν, seu χειροθεσίαν, hoc est, manuum impositionem, passim in *Actis Apost.* & *1. Timot.* 4. Ipsaque χειροτονία communiter à Patribus Græcis usurpari solet pro sacra ordinatione. Sed etiam Concilium ipsum Tridentinum omnem amovet ambiguitatem, cum disertè dicat *sess.* 14. *cap.* 3. Sacerdotes ritè ordinari per impositionem manuum. Et *sess.* 23. *can.* 4. *Si quis* (ait) *dixerit per sacram ordinationem non dari Spiritum sanctum, ac proinde frustra Episcopum dicere: Accipe Spiritum sanctum, anathema sit.* Atqui verba ista profert Episcopus dum manus imponit. Iudicat ergo Concilium id esse de ordinationis substantia. Omitto Latinorum etiam Patrum testimonia, qui ut præclarè observat, & monet Bellarminus *lib. de Sacram. Ordin.* *cap.* 9. instrumentorum traditionem prorsus silent, manuum impositionem semper commemorant.

Tantis accedat argumentis relatio Theodo-
riti

riti *hiſt. relig. cap. 13.* Macedonio Monacho per aſtutiam ac dolum ad Altare ſacrum accito, nec proſus de ſui ordinatione futura ſuſpicianti, fuiſſe à Flaviano Epifcopo Antiocheno ſacrum celebrante manus impoſitas, ἐπιθεῖναι χειρὸς τῶν ἱερέων, eumque hoc modo Sacerdotem factum aded ſuccenſuiſſe, ut Pontificem arrepto quo ſuſtentabatur ſcipione, percutere nixus ſit, niſi circumſtantes ſenem excandefcentem coërcuiſſent.

Romani Pontifices Leo IX. Cœleſtinus III. Innocentius III. ſimulque Concilium Lateranenſe quartum, Innocentius IV. Alexander IV. Gregorius X. ſimulque Concilium Lugdunenſe ſecundum ex generalibus, Concilium pariter Florentinum, quod anno integro fidem Græcorum & ritus examinavit, & Clemens VIII. qui Græcos Romæ Collegio à ſe fundato, & Eccleſiâ donavit, ut inibi ritu Græco miniſtrarent, quique ſua Conſtitutione 3^a. quæ eſt in Bullario *tomo 3.* edixit ut Romæ commoretur Græcus Epifcopus Catholicus, qui Græcos priùs probatos Græcanico ritu ordinet; iſti omnes (inquam) Græcorum ritus & ordinationes approbarunt, & quoties Clerici Græci de ſchiſmate convertuntur, ſi fuerant ab Epifcopis ſchismaticis ordinati, admittuntur ad ſacrum miniſterium citra novam ordinationem.

Posteriores demùm Theologi perlecto Arudii Theologi Dominicani libro, quo Græcorum, penes quos diu verſatus fuerat, Eccleſiaſticos ritus accuratè deſcribit, & viſis aliquando

quando Romæ factis Græcorum ordinationibus in eorum propria Ecclesia tituli sancti Athanasii, & observantes nullum fuisse ordinatis Sacerdotibus & Diaconis porrectum instrumentum quod tangerent, rem majori sedulitate exploraverunt, atque antiquiores Ecclesiarum Græcæ, Latinæque ritus, ac usus cum Græcanicis horum temporum conformes esse perspexerunt. Ideoque rationes investigarunt, quibus possent apprimè Græcanici usus cum Latinis horum temporum, ac præsertim cum decreto Eugenii ad Armenos, in quo majoris difficultatis versatur cardo, conciliare. Inter plures quæ à diversis circumferuntur, duæ sunt, ut mihi quidem videtur, præcipuæ soliditatis conciliationes. Una quidem, ut Christus Dominus noster materiam sacramentorum ordinationum instituerit manuum impositionem, quam nec ipsa mutare possit Ecclesia; & insuper aliam quandam instituerit materię partem essentialem quidem, & specialius connotantem illam potestatem, quæ per singulos Ordines confertur: ista verò altera materię pars in aliquo signo consistat per Christum indeterminato secundum speciem, sed determinato tantummodo genericè: ipsam verò speciem, & modum Ecclesiæ reliquerit determinandum, quæ possit ipsum pro suo arbitrio quoque immutare, ac novum inducere. Itaque Orientales Ecclesias unum certum elegisse modum, Latinam Ecclesiam alterum, retentâ utrobique tamen manuum impositione.

Alii aliis verbis, eodem tamen sensu dicunt, Christum instituisse Sacramentorum materiam secundum formale, sed Ecclesiæ determinandam quoad aliqua Sacramenta reliquisse secundum materiale. Formale isti dicunt quod alii genericum, id est modum, vel actum aliquem significantem quomodolibet potestatem singulis Ordinibus inhærentem. Materiale porro vocant certum, fixumque, atque ab Ecclesia definitum modum, qui sit adhibendus inter conferendum Ordines, qualis est instrumentorum traditio ex Latinæ Ecclesiæ designatione; aut alia quædam actio ex Orientalis Ecclesiæ præscripto. Qua sanè distinctione generici, & specifici; seu mavis, formalis, & materialis, illa rituum diversitas non modò respectu Orientis, & Occidentis, verum etiam, ut initio insinuavi, veterum Occidentalium cum hodiernis Occidentalibus conciliatur. Atque Eugenii IV. decretum non primam ordinationum Sacramentalium partem, hoc est genericam, & formalem; sed specificam ac materiale solùm prosequitur, quæ jamdudum usu Romanæ Ecclesiæ inter omnes Occiduos Orthodoxos vigebat.

Hac eadem ratione argumentum resolvit Bellarminus, quo videtur per Ecclesiam immutata sacri Diaconatus materia, quæ sit per Evangeliorum traditionem; cum tamen fuerint ipso primo nascentis Ecclesiæ anno Diaconi septem ab Apostolis ordinati, multique alii deinceps diversis locis, sola manuum impositione

sitione , antequam ullum conscriptum esset Evangelium : quorum primum ab Apostolo Matthæo conscriptum fuit anno Christi , ut supputat Baronius , 41. annis septem à descensu Spiritus Sancti supra Christi discipulos. Quamquam Irenæus *lib. 3. cap. 1.* refundat longè posterius Evangelii Matthæi conscriptionem ad tempora , quibus Petrus & Paulus Romæ prædicabant ; quod referendum videretur ad annum Christi saltem sexagesimum. Quinetiam fieri potest, ut sola manuum impositio sit Orientalibus essentialis quantum ad materiam, cæteraque in ipsorum ordinationibus adhiberi solita sint cæremoniæ tantum accidentariæ : adeò ut sola essentialis materia sit penes illos chirothesia, quam intentio Ministri , & superadditæ verborum formæ ad hunc vel illum determinant sacri Ordinis gradum. Cum è diverso illa manuum impositio fortassè non constituat in Latinis Ecclesiis totalem , & adæquatam Ordinum sacrorum materiam, eo quòd ab aliquot retrò sæculis visum sit Romanæ Ecclesiæ aliud quid materiale adungere traditionem instrumentorum , quæ ex ipsius mente ac instituto, vel sit de materia essentiali, vel concurrat ut conditio sine qua non , & ita necessaria sit ad Sacramenti , si non essentiam, saltem existentiam, pro illa quam Christus Ecclesiæ contulit circa rem sacramentariam potestate.

Hæc verò , quam dixi potestas , in tribus potissimum Sacramentis conspicua est. In Ordine quidem , ut jam disseruimus. In Pœnitentia

tentia etiam, in qua restringitur per Ecclesiam illa indefinita potestas absolvendi, quæ confertur in Ordine Sacerdotii supra ipsa hominum peccata, quæ sunt Pœnitentiæ Sacramentalis subiecta materia. Nec rationi à Pœnitentia ductæ sufficienter occurrens dicendo, in Ordinatione quidem non conferri absolvendi potestatem, nisi in actu primo, sed in actu demum secundo conferri ab Episcopis, dum ordinatis Sacerdotibus subditos attribuunt, in quos exercere possint illam, quam in Ordinatione receperunt, ligandi, & solvendi potestatem; hæc enim adhuc perdurat argumenti vis in Episcopis ipsis, & Parochis, qui licet subditos nanciscantur solâ aditione ad propriam Ecclesiam, in quos deinceps ipso jure divino habent ligandi, solvendique potestatem; attamen Ecclesia ipsa iisdem hanc restringit potestatem, ut nec Parochus in proprios Parochianos, nec Episcopus in proprios Diœcesanos quidquam possit circa reservados per superiorem Ecclesiasticam potestatem casus, tametsi concurrant simul in hac re Pastor, & subditi sibi gregis Agnus. In Pastore quidem divinitus concessa jurisdictio, sententia absolutio- nis, & solvendi intentio: In Agno verò unâ cum interiori pœnitentia diligens confessio.

Nec minùs effulget in Matrimonii Sacramento illa in re sacramentaria Ecclesiæ Christi potestas. Cùm enim hujus Sacramenti materia divinitus constituta sit mutuus, ac legitimus partium consensus; certum est apud on-
nes

nes Catholicos, Ecclesiam posse pro suo prudenti arbitrio edicere, ut consensus qui olim plenè sufficiebat ad hoc sacramentum, jam non sufficiat: & ex adverso disponere potest, ut deinceps sufficiat ille consensus, qui antehac minimè sufficiebat. Nam sufficiebat ante Tridentinam Synodum clandestina consensus, jam nullatenus sufficiens. Ex opposito in multis circumstantiis non sufficiebat olim mutuus consensus, qui nunc sufficit, remotis pristinis impedimentis. Generalia enim Concilia Lateranense sub Innocentio III. & Tridentinum multa graduum prohibitorum impedimenta dirimentia sustulerunt, aded ut mutuus consensus, qui antea non valebat, jam sit validus ad hoc Sacramentum in gradibus olim vetitis. Circa memoratas ordinationum materiæ difficultates, ex rituum diversitate ortas, disputant Cardinalis de Lugo *disput. 2. de Sacram. in genere, sect. 5. n. 85. & seqq.* Becanus *p. 3. de Sacram. Ord. q. 4.* Et inter Gallicanos Theologos præter præallegatum Ioan. Morinum, Nicolaus Ysambertus, Philippus Gamachæus, Franciscus Hallier.

Istam porrò Ecclesiæ circa Ordinum impedimenta, quæ apponere, vel amovere potest, auctoritatem nos adductione testimoniorum ex antiquorum Patrum libris, & Canonum ex probatissimis Conciliis, necnon exemplorum plurimorum ex Ecclesiasticis Historiis, rursum uberius confirmabimus inferius ad canonem 4. octavæ Synodi Oecumenicæ.

CAP. XLIV.

CAPUT XLIV.

Concilium Carthagenſe V.

QUemadmodum quarto Carthagenſi Cōcilio præſedit Aurelius Carthageniſis Epifcopus, totius Africæ Primas, ita & iſti quinto, cui pariter interfuit Auguſtinus.

Hujus canone 5. cavetur, ne relictâ principali Eccleſiâ ſuâ Epifcopus in aliam ſe transferat Eccleſiam. Huic contraveniunt Epifcopi, qui magnâ parte anni ruri verſantur, & deliciantur.

Canon 6. qui citatur *c. placuit de infantibus, de consecr. diſt. 4.* jubet infantes, de quorum Baptiſmo certitudo haberi non poteſt, ſine trepidatione baptizari: & ſimiliter Eccleſias conſecrari, de quibus nihil conſtat, an fuerint conſecrata. Conſule inferiùs annotata ad canonem 84. Synodi Quiniſextæ, eadem decernentem. Sextus ille canon renovatur in Concilio Africano, num. 39.

Canon 7. *Ut dies Paſcha formatarum ſubſcriptione omnibus intimetur.* Quæ literæ Græcis, *canonica*, Latinis *formata* dicebantur, ut teſtatur Atticus ſub finem Concilii Chalcedonenſis, his verbis: *Græca elementa, numeros etiam exprimere nullus eſt qui, ſi vel tenuiter Græci ſermonis peritiâ habeat, ignoret.* Ne igitur in faciendis Literis canonicis, quas mos Latinus *formatas* appellat, aliqua fraus falſitatis teme-

rè præsumeretur, hoc à Patribus trecentis decem & octo Nicææ constitutis saluberrimè inventum est, & statutum, ut formatæ istam calculationis, seu computationis habeant rationem; id est, ut assumantur in computationem Græca elementa prima Patris, Filii, & Spiritus Sancti, id est, π , ν , α : quæ elementa, & octogenarium, & quadringentesimum, & unum significant numerum: Petri quoque Apostoli litera prima, hoc est π , quæ numerum octoginta significat: ejus quoque qui scripsit epistolam prima litera: & cui scribitur secunda litera: accipientis tertia litera: civitatis quoque de qua scribitur, quarta litera: & indictionis quæcunque est ejus temporis, idem qui fuerit numerus assumatur. Obiter hîc observandum ex prædicto testimonio, usum indictionum jam viguisse tempore Nicæni Concilii. Harum verò indictionum plerique suspicantur authorem Constantinum Magnum, Errare insigniter constat Cedrenum, aliosque nonnullos illarû authorem affirmantes Theodosium. Indictiones seriem annorum quindecim complectebantur. Earumque triplex discrimen fuit, aliæ dicebantur Constantinopolitanæ, de quibus ita loquitur Ambrosius epist. ad Episcopos Æmiliæ: *Indictio Septembri mense incipit, hoc est, ipsis Kalendis Septembribus.* Aliæ dicebantur Cæsareæ, quarum initium sumitur ab octavo Kalendas Octobris. Tertiæ demùm Romanæ, quia in Pontificiis Diplomatibus adhiberi solent, & exordium sumunt à Kalendis Januarii.

CAPUT XLV.

Dissertatio de Litteris formatis.

Formatæ, seu Canonice Litteræ in varias distribuuntur species, quarum aliæ communicatoriæ dicuntur, quæ ab Episcopis dabantur subditis peregrè agentibus, ut quocumque ibant, in communionem fidelium admitterentur. Optatus lib. 2. contra Parmenianum, recensita Romæ Episcoporum serie à Petro usque ad Damasum, ita subjungit: *Cum quo (Damaso) nobis totus orbis commercio formarum in una communionis societate concordat.* Et Concilium Arelatense primum, can. 7. *Ut qui fideles ad Præsdatum promoti fuerint, literas accipiant communicatorias; ita tamen ut in quibuscumque locis eas gesserint, ab Episcopo ejusdem loci cura de illis agatur: ut si cœperint contra Ecclesiasticam disciplinam agere, tum demùm à communione excludantur.* Præsdatum hîc intellige Præfecturam quamcumque, aut Magistratum. Præterea Augustinus, ut Fortunium Episcopum Donatistam, asserentem suam, suorumque communionem ubique terrarum protendi, dum vult se Catholicum asserere, falsi è contrario convincat, sic ait epist. 163. ad Eleusium: *Quærebam utrum communicatorias epistolas, quas formatas dicimus, posset quò vellem dare? Et affirmabam quod manifestum erat omnibus, hoc modo illam facillimè terminari posse questionem.* Com-

inunicatorias literas Græci κοινωρικὰς καὶ εἰρηνο-
κὰς γραφαὶς dicunt.

Dimissoriæ item literæ Græcè ἀπολυτικαὶ
γραφαὶ, formatis continentur, sine quibus à
proprio Episcopo obtentis nullus Clericus ab
alio potest ordinari, juxta Concilii Sardicen-
sis canones 18. & 19. Quin imò neque jam
susceptos Ordines alibi exercere, juxta Apo-
stolorum canones 13. & 16. Neque ipsis fas est
Episcopis longius peregrinari, vel in Aulam
proficisci absque dimissoriis Metropolitanæ
sui, vel Provincialis Synodi, juxta Sardicenis
canonis octavi præscriptum, Zosimus Papa
in epist. ad Episcopos Gallie, injungit omnibus
Romam ex Gallia profecturis Episcopis, ut
formatas ab Arelatensi Episcopo accipiant. Et
Concilium tertium Carthaginense ita sancit
can. 28. *Episcopi trans mare non proficiscantur,
nisi consulto prima Sedis Episcopo sua cujusque
Provincia, ut ab eo præcipue sumere possint for-
matam.* Illam verò formatam epistolam Zona-
ras ad can. 23. & Balsamon ad can. 26. Cartha-
ginenses, sive Africanos exponunt, ἀπολυτικὰς
γραφαὶς, hoc est, literas dimissorias.

Formatæ complectuntur etiam literas Com-
mendatitias, quæ ad hoc valebant, ut fideles
peregrinantes, tam Laici, quàm Clerici, hos-
pitio, & mensa susciperentur, atque Ecclesia-
stica communione. Aliquando etiam ut Cleri-
corum ordinatio significaretur, aut etiam ut
daretur de moribus testificatio. Has Græci vo-
cant, συστατικὰς, sine quibus verat Apostolorum
canon 32. quemquam extraneum, sive Episco-
pum

pum, sive Presbyterum, sive Diaconum suscipi. Quæ iteratur prohibitio per Laodicenum canonem 41. & allegatur à Gratiano *cap. non oportet, de consecr. dist. 5.* & Clemens lib. 2. *Apost. constit. cap. 258.* hoc idem pariter extendit ad Laicos. Tertullianus. *de prescrip. cap. 20.* has litteras vocat contesserationem hospitalitatis. Et Gregorius Nazianzenus *invect. 1. in Julianum*, refert hunc apostatam transferre in Gentilismum proposuisse diversos Christianorum ritus, atque ex his præcipuè literas hospitalitatis. Balsamon ad Apost. can. 15. scribit opus esse Clerico in aliena Diœcesi versanti Litteris dimissoriis, si velit inibi Clericalia munia exercere; non enim ad hoc extendi, aut sufficere commendatitias. Litterarum commendatitarum mentio fit 2. Cor. 3. *Nunquid egemus sicut quidam, litteris commendatitiis ad vos aut ex vobis?* Concilium Chalcedonense can. 11. approbat ut pauperibus quidem concedantur literæ pacificæ, *εἰρηναί* (hæ sunt communicatoræ, de quibus paulò ante) non autem commendatitiæ, *συγκαταί*, nisi quando injusta suspitione laborant. Denique Tridentinum Concilium sess. 23. cap. 16. *Nullus Clericus peregrinus sine commendatitiis sui Ordinarii litteris ab ullo Episcopo ad divina celebranda, & Sacramenta administranda admittatur.* Hæ vocantur pariter literæ testimoniales.

Formatarum nomine designantur pariter literæ Paschales, indicentes quotâ Dominicâ ejus anni celebrandum sit Pescha. Antiquissima consuetudo fuit, ut Romanus Episcopus

quotannis ad universas Ecclesias scriptis circularibus literis diem Paschalem indiceret, ut liquet ex Arelatenfis primi Concilii *can. 1.* Quia verò Ægyptii Astronomiæ peritiâ præcellebant, ea cura per Nicænam Synodum demandata fuit Alexandrino Patriarchæ, ut in primis Romano Pontifici diem Paschalem sedulò exploratum indicaret, quò postmodum Romanus Episcopus illum per universas Ecclesias promulgaret, ut scribit Leo Magnus Papa *epist. 64. ad Marcianum Augustum.* Primates verò & Metropolitani suarum Provinciarum Episcopis, & hi subjectis sibi Ecclesiis per Literas formatas significabant, ut statuit canon iste 7. Carthagenensis. Promulgabatur autem futurus dies Paschalis per Diaconum inter Missarum solemnias ipso Epiphaniæ die, ut constat ex Concilii quarti Aurelianensis *can. 1.* & Bracarenfis in Lusitania Concilii secundi *can. 9.* qui inseritur *de consecrat. dist. 3. c. placuit.* Quo jubetur, adveniente Natalis Domini die, in Ecclesia post Evangelicam lectionem, adstante populo, lunam & diem futuri Paschatis intimari. Memorat Gregorius Turonensis *lib. de glor. Mart. cap. 24. & 25.* in oppido Lusitaniæ Osen, esse piscinam marmoream ab Baptismi usum à Catholicis extructam; atque in hanc ipsa feria quinta majoris Hebdomadæ solitum ingredi cum Clero & frequenti populo Pontificem explorandi gratiâ, nullaquæ repertâ eo loco aquâ, protinus egredi, & valvas obseratas sigillis munire. Sed adveniente post triduum Sabbato reverti solitum Pontificem unâ cum
 convenien

convenientibus ad Baptismum populis, inspectisque, & effractis signaculis ostia referari: & dictu mirum! piscinam ante triduum relictam vacuum reperire aquis redundantem; idemque miraculum quotannis renovari. Addit idem author, Regem Hispaniarum Theodegisclum sectâ Arianum, molestè ferentem quod apud suos simile miraculum nullum esset, credidisse id fieri fraudulenter. Itaque suo quoque annulo unâ cum Catholicorum Antistite fores Baptisterii communiisse, effossa prius in profundum terrâ per Basilicæ circuitum, & dispositis omni ex parte militibus toto triduo excubantibus. Sed cùm fons quoque ubertim aquis refertus Sabbato sequenti visus esset, confirmata est divini miraculi fides cum hæreticorum confusione. Auctor pariter in *Chronico* est Sigebertus, anno Christi 573. coortam fuisse inter Hispanos & Gallos altercationem, quo die illius anni esset celebranda Paschalis festivitas. Sed à Gallis rectè celebratam divino ostento monstratum fuisse; cùm enim Hispani hoc anno diem per errorem calculi prævenissent, fuisse ipsorum fontes, quo die celebrarunt, vacuos, & aridos; sed alterâ hebdomade, qua Galli Pascha celebrarunt, eisdem ipsos Hispaniæ fontes aquarum copiâ exuberasse. Cassianus quoque *collat. 10. cap. 1.* perhibet moris esse, ut Sancto Epiphaniæ die moneatur inter sacra mysteria populus, quo die sit celebrandum Paschale festum.

Formatis pariter continentur Encyclicæ, sive circulares literæ, quæ vel ab Episcopo Roma-

no, vel à Primate, vel ab alio inferiore Prælato, vel à Synodo transmittuntur ad plures Ecclesias distribuendæ, sive in causa fidei, sive ad morum disciplinam, sive ad indicendas preces aut jejunia, vel ad monendos fideles.

Inter formatas recensentur quoque Communitoria, seu Memoriales literæ, quæ Legatis, aut Apocrisiariis, seu Nunciis expediuntur, præscribentes uti se gerere debeant in suæ legationis, aut nuntiaturæ officio. Harum mentio est *can. 98. Concilii Africani*, & apud Cyrillum *epist. 1. ad Successum*, apud Augustinum *epist. 129. & 158.* apud Sidonium Apollinarem *lib. 8. carm. ad Lampridium*, & apud veteres alios. Dicebantur etiam una voce Communitoria:

Inter formatas item locum habent Tractoriæ literæ, quibus providebatur, ut Prælati ad Synodum comitantibus vecturæ, & viatica suppeditarentur. Earum meminit istud ipsum Concilium Carthaginense quintum, *can. 10.* De tractoriis multa tum ex sacris, tum ex profanis Scriptoribus congerunt testimonia duo Gallicani Jurisconsulti consummatissimæ eruditionis Barnabas Brissonius *de verborum signif. verb. Tractoria*, & Jacobus Cujacius *ad lib. 12. Codicis, tit. 51. de Tractoriis.*

CAPUT XLVI.

Prosequutio Canonum Carthaginensium.

CAnon 9. Hujus Concilii Carthag. sic statuit : *Ab Imperatoribus visum est universis postulandum , propter afflictionem pauperum , quorum molestiis sine intermissione fatigatur Ecclesia , ut defensores eis adversus potentias divitum sum Episcoporum provisione delegentur.* Legitur & in Decreto c. ab Imperatoribus , 23. q. 3. Istud justitiæ , & charitatis in pauperes testimonium sancto Ludovico Gallorum Regi præclarum dat Ecclesia in ejus officio : *Cum metueret pius Rex , ne causa pauperum negligerentur , bis singulis hebdomadis in publico residens loco audiebat eorum querelas , & tum justitiâ , tum misericordiâ eas expendens , celeriter eos expediebat.*

CAPUT XLVII.

Hæresis Pelagiana historia.

Pelagius è Scotia Britannia insulæ Provincia oriundus , & in Palæstina Monachus , adversus Christi gratiam nova dogmata disseminavit : Non aliam esse Dei gratiam , nisi Dei legem & doctrinam , Christique exempla , col-

latamque nobis arbitrii libertatem : Ad amicum æquè futurum mortalem , etsi non deliquisseti Eundem suo peccato sibi uni nocuisse , non verò progeniei suæ , neque ullum esse peccatum originis ; adeoque infantes non egere Baptismo ad animæ salutem : Omnia merita referenda esse ad solam arbitrii libertatem. Pelagii discipulus Cœlestius , ejus dogmata primus cœpit per Africam spargere. Quare Paulino accusatore Carthaginis Diacono damnatus in Concilio Carthaginensi fuit.

Post hæc Episcopi duo Gallicani, Eros Arelatenfis , & Lazarus Aquensis Pelagium accusant apud Episcopos Palæstinæ , ubi tunc ille in Monasterio versabatur , atque ad eos capitula transmittunt ex Pelagii & Cœlestii libris excerpta. Indicitur Lyddæ (quæ & Diospolis dicitur) à Metropolitano Cæsareæ Synodus , cui ipse præsedet Cæsareensis Episcopus Eulogius , eique proximus assedit Joannes Hierosolymorum Antistes , cumque his alii duodecim Episcopi , anno 415. quos singillatim nominat Augustinus *lib. 1. contra Iulianum , cap. 5.* Capitula Synodi recenset idem *lib. 2. de pec. orig. cap. 11. & epist. 106. ad Paulinum.*

Pelagius fraudulentis responsionibus ita Synodo illudit , ut ab eo fuerit Catholicus iudicatus. Cùmque Hieronymus tunc in Palæstina degeret, Pelagium scriptis primus oppugnavit, tum in sua ad Ctesiphontem epistola , tum in dialogis suis inter Atticum Orthodoxum, & Critobulum , quo nomine Pelagium designat

gnat, cujus causam in Palæstina tuebantur Joannes ille Jerosolymorum Episcopus, & Rufinus Aquileiensis Presbyter, Origenista uterque. Sub idem quoque tempus cœpit Pelagium Augustinus incessere tribus ad Marcellinum libris, & quarto ad Hilarium, & libro de natura & gratia, quorum ipse cum laude meminit Hieronymus, dicens sibi superfluum esse de his ultra scribere, quæ jam sunt à meliore ingenio tractata.

Postmodum anno Christi 416. sub Innocentio Papa, duobus aliis in Africa Conciliis Milevitano, & Carthagenensi damnantur errores Pelagii, & Cœlestii. Ambæ Synodi literas ad Innocentium per Iulium Episcopum dirigunt, qui Carthagine profectus Milevim fuit, & hinc Romam se contulit. Innocentius re-diffusa, Synodorum Africæ judicium approbat, & Pelagium communione segregat, dequæ his ad utramque Synodum rescribit. Cœlestius his Synodis damnatus, appellat quidem Romanum Episcopum, sed dum vixit Innocentius, suam non est ausus ultra proseguere appellationem: at eo defuncto successorem Zosimum cōvenit. Ad hunc simul etiam delatæ sunt ex Palæstina literæ Pelagii, quas ille cum commendatitiis Praylii (qui Jerosolymitano Episcopo Joanni successerat) ad Innocentium (qui fortè per id tempus è vivis excesserat) dirigebat. Quibus perlectis, auditoque Cœlestio, credidit Zosimus ambos inculpabiles & injustè laceffitos. Quia tamen damnatus uterque fuerat, & à Conciliis Africanis, & ab Innocentio Papa, distulit

284 *Notitia Conciliorum S. Ecclesie,*
distulit eos absolvere, donec ab Africanis Patribus responsum referret.

Ad Africanos igitur literas scripsit paulò commotiores, quas ex vetusto exemplari Vaticano Baronius edidit. Per has declarat fidei Catholicæ professionem Romæ, ab utroque factam, iudicium insuper Episcoporum Palæstinæ, additque Erotis & Lazari gravia vituperia, utpote qui Pelagium, aliosque sanctitate conspicuos viros calumniis proscidissent. Africanorum, ad quos scribit, nimiam in condemnando Cœlestio præcipationem increpat. His acceptis literis Africani Zosimo rescripserunt, quâ decebat moderatione; simulque Paulini Diaconi libellum miserunt, quo accusationum singula capita distinctè, dilucidèque proponebantur, super quibus denuò interrogandus erat Cœlestius. Tandem Romæ à Zosimo hæreticorum calliditate detecta, qui secundum capita ista interrogati suum amplius occultare virus nequinerunt, aut ultrà Iudices suos ludificari, damnationem ambo meritam acceperunt. His accessit Imperatoris Honorii edictum promulgatum pridie Kalendas Maii, ann. 418. quo pœna deportationis Pelagianis hæreticis decernitur. Hæc ferè singula refert August. *lib. de pec. orig.* Decreti huius anterioris Innocentii Papæ (ut sileam ejus, quæ supersunt literas ad Concilia Carthaginense & Milevitanum, quibus Pelagium & Cœlestium ipse damnat & excommunicat) meminere pariter Prosper *adversus Collatorem*, & Gennadius *de viris illustribus* c. 43. qui addit fuisse postea hoc

hoc decretum ab ejus successore Zosimo in omnem Ecclesiam propagatum. Estque illud ipsum, de quo ita loquitur Anastasius Bibliothecarius in Innocentio : *Hic constitutum fecit de omni Ecclesia* ; hoc est decretum fidei ad universam Ecclesiam pertinens.

Accepto demùm Zosimi decreto, eodem quoque anno 418. Kalendis Maii in plenaria totius Africæ Synodo, ut ex ea prorsus ista eliminaretur hæresis, canones damnationis editi sunt, qui octo pariter leguntur in Concilio Milevitano antecedenti, & quos nonnulli Baronio contradicentes contendunt falsò ascriptos Milevitano. Sed cùm nemo revocare in dubium possit causam hæresis Cœlestii fuisse sub Papa Innocentio in Milevitano Concilio ventilatam, neque convinci possit fuisse hosce octo canones falsò illi attributos, quanquam iidem quoque pertineant ad plenarium Africæ Concilium Carthagine celebratum; nil obest quin dicendum sit, fuisse illos octo canones ad majorem firmitatem resumptos, innovatosque in plenario Concilio, postquam fuerant in minore, hoc est Milevitano, sanciti. Id verò convincitur ex eo, quod Concilium secundum Turonense anni 567. *canon. 20.* unum allegat ex his octo sub nomine Melevitani; qui tamen idem canon citatur à Ferrando Diacono *tit. 18.* sub nomine Carthaginensis. Et Cœlestinus Papa *epist. ad Episcopos Gallia*, octo eisdem canones attribuit pariter Carthaginensi Concilio.

De hoc anno 418. Prosper in *Chronico* ista refert

286 *Notitia Conciliorum S. Ecclesie,*
 refert : Honorio Augusto duodecimum , & Theo-
 dosio Augusto octavum Consulibus , Concilio apud
 Carthaginem habito ducentorum septemdecim
 Episcoporum , ad Pontificem Zosimum Synodalia
 decreta perlata sunt ; quibus perlatis , per uni-
 versum orbem heresis Pelagiana damnata est.
 Eiusdem Synodi plenariæ sub Zosimo , simul-
 que duarum præcedentium Milevitanae & Car-
 thaginensis sub Innocentio , meminit Augusti-
 nus epist. 47. his verbis : *Quod scriptum est ad*
Papam Romanæ urbis Innocentium de Concilio
Carthaginensis Provincia , & de Concilio Numi-
dia , & aliquantò diligentius à quinque Episco-
pis , & quæ ipse ad tria rescripsit : item quod Pa-
pæ Zosimo de Africano Concilio scriptum est ,
eiusque rescriptum ad universos totius orbis Epis-
copos missum : & quod posteriori plenario totius
Africa Concilio contra ipsum errorem breviter
constituimus. Quibus verbis Augustinus indicat
 quatuor habitas in Africa Synodos circa Pela-
 gii & Cœlestii errores : duas scilicet sub Inno-
 centio , Milevitanam & Carthaginensem,
 Provinciales ambas ; & alteras totidem sub il-
 lius successore Zosimo , primùm Africanam
 in Provincia Zeugitana , cujus erat Metropo-
 lis Carthago (hæc anno quadringentesimo
 decimo septimo coacta fuit ;) alteram deinde
 pleniorẽ illam ducentorum & decem ac sep-
 tem Episcoporum , quæ anno eodem inchoata
 fuit, nec soluta, nisi postquam à Zosimo Pela-
 gius Cœlestiusque damnati sunt.

Istud verò Concilium Augustinus dicit po-
 sterius fuisse, non tam respectu rescripti à Zo-
 simo

fimo contra duos Hæresiarchas editi, quàm respectu Concilii Africani Provincialis. Ista porro plenaria Synodus Africana ea ipsa est, quæ communiter inscribitur *Concilium Carthaginense sextum*. Cæterum quinque illi Episcopi, quos ibidem memorat Augustinus, sunt Aurelius Carthaginis, deinde Alypius, Augustinus, Evodius, & Possidius, quorum communis extat epistola de Pelagio ad Innocentium Papam, quæ est inter epistolas Augustini 95.

Pelagianæ hæresis toto jam orbe profligatæ patrociniū suscepit Julianus Memorii Capuæ Episcopi filius, & in eadem Sede successor, mox ob hæresim eadem Sede deturbatus. Hio plures conscripsit pro tuendis Pelagii erroribus libros, ut acer ingenio, linguaque, & calamo promptus, & disertus; sed procax, & temerarius, qui cum Augustino grande iniit, diuturnumque certamen. Emerfit deinde Semipelagianorum hæresis, dicta etiam Massiliensium, propugnantibus illam in Gallia Cassiano Abbate, Fausto Regiensi Episcopo, Genadio, Vincentio. Hanc nascentem hæresim sub vitæ suæ finem editis duobus libris *de predestinatione Sanctorum, & de dono perseverantia*, refutavit Augustinus, literis è Gallia præmonitus Hilarii & Prosperi; & post Augustinum Prosper, Fulgentius, aliique magni nominis viri.

CAPUT XLVIII.

Concilium Milevitanum.

PRæclarè admonet Baronius, duo fuisse Milevitana Concilia in unum à Collectoribus confusa. Primum anno Christi 402. initio Pontificatus Innocentii, necdum obortâ hæresi Pelagianâ. Huic præsedit Aurelius Carthagenensis, Arcadio, & Honorio Augustis quintum Consulibus, ut refert ejusdem præfatio, quæ tamen indebitè præfixa est secundo Milevitano Concilio illi, quo fuit examinata Pelagii, & Cœlestii hæresis.

Istud secundum circa prænotatam hæresin coactum est anno Christi 416. ultimo Innocentii vitæ anno: quo eodem pariter habitum fuit in causa eadem Concilium Carthagenense, præsidente quoque Aurelio. Ed tamen convenerunt solius Proconsularis Provinciæ, aut pauci etiam vicinarum Provinciarum Episcopi. Hoc verò Milevitanum Concilium secundum coëgit Sylvanus Numidiæ Primas; qui tamen ipse authoritati suberat Episcopi Carthagenensis, universæ Africæ Primatis, ut paulò antè monuimus ad quartum Carthagenense. Autumat Baronius ad hoc Milevitanum secundum solos pertinere anathematismorum in hæresin Pelagianam canones octo, à plenario deinde Carthagine habito Africanorum Concilio instauratos.

stauratos, & denuò appobatos; cæteros autem canones Milevitano ascriptos, fuisse huc à quibusdam Collectoribus, & aliis Africanis Conciliis transportatos. Nos indiscriminatum, ac simul illos prosequemur.

Secunda hæc Milevitana Synodus celebrata fuit Imperatoribus Honorio, & Theodosio Arcadii filio, cui Augustinus interfuit. Est verò civitas Milevis Provinciæ Numidiæ caput.

Primus in isto Concilio canon, qui est in Africano septuagesimus nonus, illos anathemate percellit, qui sentiunt cum Pelagio, Adamum creatum fuisse morti obnoxium, quam non effugisset etiamsi non peccasset. Non inficiatur Synodus primum parentem, quamvis in prima innocentia perseverasset, habuisse tamen in seipso principia mortalitatis, adversarias nimirum elementorum, ac humorum, ex quibus constituitur, qualitates, & innati caloris vim depascentis primigenium humorem, & ipsam corporis materiam, cujus est natura mutabilis: his adjunge innumeras ab extrinseco destructionis causas Adamo impendentes. Veruntamen eum innocentem Deus supernaturali præsidio semper conservasset incolumem, ut verissimè dicat Apostolus Rom. 5. *Per unum hominem peccatum in hunc mundum intravit, & per peccatum mors; & ita in omnes homines mors pertransiit, in quo omnes peccaverunt.*

Canon Milevitanus 22. qui est in Africano Concilio 92. edicit, ne Presbyteris, aut inferioribus Clericis permittatur appellatio ad

290 *Notitia Conciliorum S. Ecclesiæ,*
transmarina, sed solum ad Synodos Africæ.
Non dissentit à canonibus Sardicensibus, qui
jus appellandi ad Romanum Episcopum per-
mittunt quidem Episcopis; sed Presbyteris &
inferioribus jus solum provocandi ad Syno-
dos indulget. In Carthagenensi Concilio sex-
to major fuit circa appellationes ad Romanam
Sedem disceptatio, de qua plenius eodem lo-
co agemus. Neque verò Carthagenenses Patres,
neque hi Milevitani disceptare intendebant de
Romani Episcopi supra universalem Ecclesiam
præeminentia & juridica potestate, ex qua se-
quitur jus ad ipsum ex omnibus Ecclesiæ
partibus appellandi; sed sapienter studebant
exitialem illorum abusionem coercere, qui
suis Prælati refractarii, prætextu juris appel-
landi, priorum Episcoporum judicia, si-
mulque Canones Ecclesiasticos, & omnem
disciplinam eludendo, sua flagitia & procaci-
tatem tuebantur, seque debitæ vitiorum suo-
rum correctioni subtrahebant.

Neque desunt eorundem temporum, & lo-
corum exempla similis procacitatis in appel-
lantibus flagitiosis Clericis ad Romanum Tri-
bunal. Apiarius Presbyter Africanus, à suo
Episcopo Urbano justissimè ob gravia scelera
excommunicatus, Zosimum Papam appellave-
rat, Romanque profectus illum adeo suis men-
daciis adversus Urbanum concitaverat, ut Zo-
simus in suorum Legatorum ad Concilium
Carthagenense commonitorio mandaverit de
Urbano excommunicando, aut Romam evo-
cando, nisi quæ sui officii erant, corrigeret,
Idem

Idem tamen Apiarius postmodum se coram eodem Concilio exhibuit, suaeque palam confessus crimina, veniam suppliciter à Patribus petiit, eaque lege obtinuit, ut à Siccensis Episcopatus finibus, cujus erat Praefulus Urbanus, exularet, quamvis honorifice subreptitio Zosimi decreto restitutus, ut eadem ipsa Synodus ad Bonifacium Papam scripsit, qui Zosimo successerat, ut constat ex Concilii sexti Carthaginensis *cap. 105*. Idemque Patres scripserunt ad Bonifacii quoque successorem Caelestinum, ut perspicuum est ex Concilio Africano *cap. 101*.

Notum pariter est, Caelestium jure merito à Patribus Africanis damnatum, & ab horum sententia provocantem, sic decepisse Romanum Pontificem, ut ejus gratiam inierit, eumque suis accusatoribus infensum reddiderit, atque ipsis Africanis Patribus multo minus æquum, quam decebat.

Quod verò Apiarii Presbyteri provocacionem admisit Zosimus, cum tamen Oecumenica, & probatissima Sardica Synodus jus istud Romanarum appellationum solis indulgisset Episcopis, id extraordinarium fuit. Sed ab impio Sacerdote Zosimus elusus, eam calumniis ejus fidem habuit, ut sibi hoc velut extraordinario casu suprema utendum esse potestate duxerit. Appellatio porro Caelestii cum esset in causa Fidei ad universalem Ecclesiam pertinente, Romani Episcopi officium erat iudicium hujusmodi ad suam trahere cognitionem, facta ad se provocacione.

Multa graviter disserit Bernardus circa nimiam appellandi ad Papam multorum licentiam, lib. 3. de consider. ad Eugen. *Appellantur*, inquit, *boni à malis, ut non faciant bona; & supercedent à voce tonitruu tui formidantes. Appellantur Episcopi, ne illicita audeant matrimonia solvere, vel prohibere: appellantur ne rapinas, ne furta, ne sacrilegia, & qua huiusmodi sunt, cohibere ullatenus, vel punire præsumant: appellantur ne indignas, & infames personas à sacris officiis, beneficiisve repellere, seu amovere queant. Videas præripi passim partes oppressorum, & prurumpere ad appellandum non tam gravatos, quam gravare volentes. Zelatus est Dominus domum orationis factam speluncam latronum. Et cur, inquis, malè appellati non veniunt ostensuri suam innocentiam, appellantium malitiam convicturi? Dico quod dicere ad hoc solent, Nolumus vexari frustra: in Curia esse qui proclivius faveant appellantibus, foveant appellationes: cessuris Rome, domi sedere satius. Fateor me non omninò decredere his. Quem das mihi in tam crebris appellationibus, qua hodie sunt, qui pro expensis itineris nummum restituerit illi, quem fortè appellavit? Hæc, aliaque Bernardus. Sanè ad supremæ potestatis officium pertinet considerare illud 1. Cor. 6. *Multa mihi licent, sed non omnia expediunt. Et iterum: Potestatem dedit mihi Dominus in adificationem, non in destructionem.**

Canon 16. Milevitanus, qui verbis iisdem iteratur in Concilio Africano, can. 64. *Placuit etiam, ut petatur à gloriosissimis Imperatoribus, ut jubeant iudicibus dari petitos sibi defensores Scholasticos,*

laicos, qui in actu sint, vel in officio defensionum causarum Ecclesiasticarum, more Sacerdotum Provincia: ut iidem ipsi qui defensionem Ecclesiarum susceperint, habeant facultates pro negotiis Ecclesiarum, quoties necessitas flagitaverit, vel ad obsistendum callide decipientibus, vel obrepentibus, vel ad suggerenda necessaria, ingredi iudicum secretaria. Vidimus de pauperum defensoribus Canonem nonum Concilii Carthagenensis quinti: unde constat tam pauperum, quam Ecclesiarum defensores. solitam fuisse Ecclesiam à Principe per supplicationem efflagitare.

Defensorum etiam Ecclesiae meminerunt civilia Romanorum jura, l. 33. l. 42. *de Episcopis & Cler.* 51. Defensores aliquando Laici erant, de his enim loquuntur allegata Concilia: & Zosimus Pontifex *epist.* 1. *ad fin.* de Laicis Ecclesiae defensoribus loquitur. Aliquando erant Ecclesiastici: nam Synodus Chalcedonenfis *can.* 24. defensori Ecclesiae Constantinopolitanae potestatem confert ejiciendi Clericos, & Monachos in ea citra Episcopi beneplacitum existentes: quam certè Laicis non contulisset. Imò eadem Chalcedonenfis Synodus saepe Joannem Presbyterum memorat Ecclesiae defensorem. Gregorius quoque Magnus sapissimè Clericorum meminit Ecclesiae defensorum, *lib.* 4. *epist.* 25. *lib.* 7. *epist.* 7. *lib.* 8. *epist.* 26. *lib.* 9. *epist.* 33. & alibi passim.

Præter illos Ecclesiae alii erant regionarii defensores, quos vel Papa, vel alii Episcopi præficiebant pro tuitione, & suprema admini-

294 *Notitia Conciliorum S. Ecclesiæ,*
stratione jurium, aut prædiorum Ecclesiæ,
maximè in remotioribus regionibus, quasi
locales œconomos. Ad hujusmodi defenso-
res innumeras scribit epistolas idem Grego-
rius.

Erant insuper civitatum Defensores, quo-
rum tamen erat planè civile officium: sicut
enim Romæ erant Consules, Tribuni plebis, &
Senatus; ita horum vice in plerisque Imperii
urbibus erant pro Consulibus nunc decemviri,
nunc triumviri, nunc quartumviri; pro Sena-
tu, Curia, & vice Tribunorum Defensores, de
quibus agunt leges 3. & 4. *C. de defens. Civit.*
& lex 1. *C. de officio Iuridici Alexand.* Horum
munus initio quinquennale fuit, sed Justiniani
novella 15. restrinxit ad biennium: quam no-
vellam parum scitè Balsamon intelligit de de-
fensoribus Ecclesiæ, quos ex eadem probare
conatur fuisse semper Laicos. Defensores tam
Ecclesiæ, quàm civitatum communi Græco-
rum appellatione dicebantur *ἐκκλησιολογοί*.

C A P U T · XLIX.

De Concilio Plenario Africano, & Cartha- ginensi sexto.

DUO ista Cócilia communiter distingui so-
lent, & ut distincta recensentur à Baronio,
volente fuisse habitum Africanum anno 418.
uti collocat Prosper in *Chronico*, scilicet Ho-
norio

norio duodecimùm , & Theodosio octavùm
Consulibus ; cui , eodẽm authore Prospero,
interfuere ducenti decem & septem Episcopi.
Carthaginense porrò sextum Conciliũ refert
Baronius , aliique ad sequentẽ annum
419. Certè utrumque fuit Carthagine celebra-
tum , utrumque plenarium fuit , utrique sub-
scripserunt ducenti decem, & septem Episcopi
sub eodem Carthaginis Episcopo , simul to-
tiusque Africæ Primate Aurelio. Ex utriusque
actis liquet, fuisse ad utramque Synodum mis-
sos Zosimi Papæ Legatos, Faustinum Episco-
pum , Philippum & Asellum Presbyteros : &
ab utraque fuisse cum synodalibus literis di-
missos tres eosdem Legatos ad Bonifacium
Zosimi recens defuncti successorem : quod
utique citra miraculum fieri non potuit in
distinctis Synodis.

Deinde quid rationis esse poterat, ut duæ tam
proximæ convocarentur ex universa Africa
Plenariæ Synodi ? Numquid una sufficiebat ad
providendum , ne detrimentum Ecclesiæ Afri-
cane paterentur ex hæresi Pelagiana , quæ
jam aliis Africanis Synodis Milevi , & Car-
thagine fuerat examinata , & explosa ? Quod
verò scribit Baronius , Carthaginensi Conci-
lio sexto subscripsisse quidem ducentos decem
& septem Episcopos , in propriis Ecclesiis
singulos eorum, sed paucos in Synodo conse-
disse, id affirmari nequaquam posse inde argui-
tur, quia in ipsis Concilii actis refertur conse-
disse in ipso eisdem omnes , qui numerò du-
centi decem & septem subsignaverant , ut ad-

monet Cardinalis Perronius, & ipse Spondanus Baronii abbreviator. Est itaque sub diversis, iisque verissimis denominationibus Carthaginensis, & Africani unum & idem Concilium congregatum anno quadringentesimo decimo octavo, sub Zosimo Papa, qui suos eo Legatos tres prænominatos direxit cum suo quatuor capitum commonitorio. Hic profligata est Pelagiana hæresis, hinc missæ Synodi literæ ad Atticum Constantinopolis, & Cyrillum Alexandriæ Antistitem, pro comparandis Nicænæ Synodi germanis exemplaribus. Hic abundanter, cumulatèque provisum est circa omnem Cleri, Ecclesiæque disciplinam. Et ne canonum, aut librorum dispersorum multitudo confusionem, aut ignorationem pareret, sapienter renovata sunt, & in unum veluti fascem congesta veterum Africæ Conciliorum salubriora decreta, & iisdem verbis huic Synodo inserta, ut sic in unum libellum collecta commodiùs addiscerentur. Hinc factum, ut quamplurimi hujusce Concilii Canones iis legantur quoque verbis in Milevitano secundo, & Carthaginensibus tertio & quinto. Sancti etiam Augustinus, & Prosper unius tantum plenarii meminerunt totius Africæ Concilii circa Pelagiana dogmata: hic in Chronico, ille in sua quadragesima septima epistola.

In hoc ergo Carthaginensi sexto, seu Africano plenario Concilio lectum est monitorium, quod tribus Legatis suis Zosimus mandaverat, quatuor continens capita. 1. Ut renovetur Nicænæ Synodi canon, quo statuitur,

ut

ut quilibet Episcopus Synodi iudicio condemnatus jus habeat ad Romanum Episcopum appellandi, qui alterutro modo poterit causæ providere, sive iudices vicinos Episcopos committendo, sive Legatos *ex suo latere* in eas partes expediendo. 2. Ne in comitatum, hoc est Principis Aulam, Episcopi sine Synodi vel Metropolitani literis accedant, post examinatam sedulo & approbatam profectionis causam. 3. De appellationibus Sacerdotum, aliorumque Clericorum admittendis à propriorum Episcoporum sententiis ad Synodos Provinciales. 4. De Urbano Episcopo Siccensi, qui Apiarium Sacerdotem iudicio damnaverat, aut excommunicando, aut Romam evocando, si ea quæ corrigenda erant, non corrigeret.

Quod attinet ad hoc ultimum, admonuit Synodus Pontificem, quod Apiarius sua tandem crimina, & in proprium Episcopum proterviam atque calumnias palam in Concilio confessus sit, séque Concilii iudicio subjecerit. Quoad verò appellationes Episcoporum ad Romanam Sedem, postquam Nicænos canones Concilium perlegit, nec in Monitorio contentas reperit, dixit Augustinus Hipponensis Episcopus Legatus Provinciæ Numidiæ: *Et hoc nos servaturos profitemur, salva diligentiori inquisitione Concilii Nicæni*; totaque Synodus in illius sententiam consensit, & hoc ipsam Romam rescripsit literis, quas Bonifacius, qui Zosimo nuper defuncto successus erat, recepit. Addiderunt & istud, misisse Synodum ad Cyrillum Alexandriæ, & Atticum Constantino-

polis Episcopum, ut ad se integros, & il-
libatos Nicænos Canones transmitterent:
pollicentur verò Africani Patres, se Nicæno-
rum Canonum præscripta omnia servatu-
ros. Aliquantò post deferuntur Carthaginem
literæ Cyrilli & Attici, cum viginti Ni-
cænis Canonibus in Latinum è Græco trans-
latis. Quos ut receperunt, scripserunt Africa-
ni Patres ad Cœlestinum, quem Bonifacius
paulò antè vita defunctus habuit successo-
rem, tum Apiarii, de quo paulò supra, pœ-
nitentiam; tum quæ ex lectione Nicænorum
ad se transmissorum canonum sibi comperta
erant: nihilque ibi repertum circa Zosimi de
appellationibus Episcoporum cōmonitorium,
nisi quod canone 5. Nicæno statuitur, ne
qui fuerint à proprio Episcopo communione
Fidelium exclusi, ab ullo alio Episcopo reci-
piantur, nisi devolutà appellatione secus
fuerit à Provinciæ Synodo judicatum. *Quam
ob rem* (inquit) *impediò deprecamur, ne
deinceps ad vestras aures hinc venientes faci-
lius admittatis, nec à nobis excommunicatos ul-
teriùs in communione velitis accipere: quia
hoc à Nicæno etiam Concilio definitum facile ad-
vertet Venerabilitas tua.* Nescitur quid ad ista
responderit Cœlestinus.

Ista usque adedò accurata Nicæni Concilii
conquisitio, cujus etiam expressa erat mentio
in Zosimi cōmonitorio, satis arguit Synodi
Sardicensis mentionem, quæ legitur *cap. 1.
artic. 6.* hujus Carthaginensis Concilii sexti,
esse supposititiam, & ab aliquo posterius assu-
tam

tam laciniam, qui hos ipsos canones in Concilio Sardicensi, in quo utique continentur, legerat. His adde, Sardicenses ipsum Concilium fuisse Africanis Patribus ignotum, cum scribant ad Cœlestinum his verbis: *Nam ut aliqui tanquam à tua Sanctitatis latere mittantur, nullâ invenimus Patrum Synodo definitum.* Quæ nullatenus dixissent, si Sardicenses legissent, aut ex ore Legatorum audivissent; cum hæc Synodus illud ipsum de mittendis à Romano Episcopo Legatis in casibus appellationum perspicuè decernat *can. 7.* Et Augustinus, qui in hoc ipso Carthaginensi Concilio confedit, scribit *lib. 3. contra Cresconium, cap. 34.* se nullum agnoscere Concilium Sardicense, nisi Arianorum. Quia, ut superius ad Synodum Sardicensem observavimus, Ariani se ex legitimo Sardicæ Conventu subduxerunt, ut perverfos canones liberiùs conflarent, quos deinde Sardicensis Synodi e mentito nomine venditarunt. Itaque in itâ etiam cum Donatistis societate, qui Africam penè omnem inceslerant, suum per illos conciliabulum totâ promulgari Africâ, & legitimam Synodum supprimi curaverant.

Et sanè dubitandi nullus est locus de veræ Sardicensis Synodi autoritate pari cum Nicæna, cum sit utraque Oecumenica, & à Romanis Pontificibus approbata; ideòquæ prævalere debet cuivis Africano Concilio inferioris ordinis, in iis præsertim, quibus Pontifex Maximus obstitisset, ut in hac causa contigit.

Evidentissimum pariter est, fuisse antiquissimum

simum appellationum ad Romanum Tribunal
 usum, etiam ante canones Sardicenses : ex-
 communicatus namque ab Episcopo Ponti
 Marcion, ad Pium Romæ Episcopum appel-
 lans auditus fuit, teste Epiphanio *heres.* 42.
 Fortunatus & Felicissimus à Cypriano Cartha-
 ginensi depositi, appellantes admissi sunt à
 Cornelio Papa, testificante ipso Cypriano
epist. 55. *ad Cornelium Papam.* Deinde in His-
 pania Basilides depositus ad Stephanum Pa-
 pam provocat, ut idem refert Cyprianus *epist.*
 68. Athanasius à Synodo Tyri dignitate mo-
 tus, Julium Papam appellavit, à quo restitutus
 fuit. Quæ appellatio præcessit Synodum Sar-
 dicensem, ut ex Athanasii & Theodoriti nar-
 ratione colligitur. Post Sardicense decretum
 Joannes Chrysostomus à Theophilo Alexan-
 drino in Synodo exauthoratus, ad Innocen-
 tium Papam provocans admittitur, ut constat
 ex duabus ejusdem ad Innocentium Papam
 epistolis. Flavianus Constantinopolis Episco-
 pus, à pseudo-Synodo Ephesina gradu motus
 ad Leonem Papam provocat, ut refert Libe-
 ratus *in Breviario*, *cap.* 12. Theodoritus etiam
 ibidem depositus, ad ejusdem Leonis judicium
 provocat, ut fidem facit ejus ad Leonem epi-
 stola. Ignatius item Constantinopolis Episco-
 pus, ab Episcoporum conciliabulo Sede pul-
 sus, judicium reclamans Nicolai I. admissus
 est, ut scribunt Curopalates, Cedrenus, Zo-
 naras. Alios innumeros præmitto, quorum
 passim obvia sunt exempla ex omnibus or-
 bis Christiani plagis in epistolis Sanctissimo-
 rum

Cap. XLIX. Conc. African. & Carthag. 301
rum Pontificum Leonis & Gregorii.

Cur autem Zosimus Sardicense Concilium nomine Nicæni allegaverit, respondent nonnulli, fuisse id quoque à Nicæna Synodo definitum, sed ab Arianis unà cum multis canonibus aliis ejusdem Synodi suppressum, solis exceptis viginti, qui Arianæ impietati nihil præjudicant; sed tamen illa omnia decreta permansisse integra in exemplaribus Romanæ Ecclesiæ, ex quibus ea Zosimus desumpserit. Porro de diminutione Canonum Nicænorum fusiùs disseruimus ad Nicænum ipsum Concilium.

Respondent alii, Sardicensem simul cum Nicæna conjunctim habitas fuisse pro una, eademque Synodo: tum quia magna Episcoporum pars, quæ in Nicæna confederat, interfuit pariter in Sardicensi, ut ex subscriptionibus liquet, atque utrobique eadem Fidei causa dijudicata fuit. Cæteroqui Synodus Sardicensis numerum Oecumenicarum augeret; talem enim fuisse illam, liquidò constat, quatenus toto ex orbe Christiano, Romani Episcopi studio, & præsidentibus ipsius Legatis, coacta & celebrata fuit; & tamen non recensetur distinctè inter Oecumenicas, eo quòd in unam cum Nicæna coaluerit. Ex quo rectè conjicitur, fuisse à Zosimo dictos canones Nicænos, qui tamen sunt Sardicenses, quia in Romanæ Ecclesiæ archivis ambarum Synodorum decreta sub eodem Nicæni Concilii titulo connectebantur. Sed jam prosequendi sunt nobis canones aliquot præsentis Africani Concilii.

Canon 3.

Canon 4. *Ut Episcopi, Presbyteri & Diaconi non ordinentur, nisi postquam omnes, qui sunt in domo eorum, Christianos Catholicos fecerint.* Habetur iisdem verbis in Concilio item Carthagenensi tertio, *can. 18.* Ejusmodi zelum ac studium fidei, atque animarum salutis requirebat olim Ecclesia in Clero, ut nemo posset per Hierarchicos Ordines sibi eam sponfam acquirere, nisi exemplo Davidis Micholem desponsaturi proferret Philistinorum aliquot præputia, scilicet Hæreticorum conversionem.

Canon 6. *Ut prima Sedis Episcopus non appelletur Princeps Sacerdotum, aut Summus Sacerdos, aut quid simile, sed prima Sedis Episcopus.* Insertum est in Decreto, *c. prima Sedis, dist. 99.* Primam (de qua hîc) Sedem intellige Primatiales Africæ. Compellationes quæ factum redolent, abhorret exemplo humillimi, & mitissimi Sponsi sui Christi Ecclesia: ideoque Romanus Papa, tametsi reverà Summus Sacerdos, & Sacerdotum Princeps; non tamen his, quibus legitimè pro sua dignitate posset, sed humili titulo utitur Servi servorum Dei, juxta Christi verbum Luc. 22. *Qui major est in vobis, fiat sicut minor; & qui præcessor est, sicut ministrator.* Est autem verosimile, jam inde à primis sæculis fuisse attributum Romanis Episcopis titulum Pontificis Maximi, & Episcoporum Episcopi. Etenim Tertullianus malè erga Zephirinum Papam affectus, ejusque Edicti pro admittendis ad veniam pœnitentibus mœchis prima verba recitans, *lib. de pudicitia, cap. 1.* istam præmittit inscriptionem: *Pontifex Maximus*

Maximus, Episcopus Episcoporum. Et in Concilio Africano de Hæreticis rebaptizandis, Cyprianus tunc temporis non sat benè in Stephanum Papam affectus, sic illum in proloquio perstringit: *Neque enim se quisquam nostrum Episcopum Episcoporum constituit, aut tyrannico terrore collegas suos ad obsequendi necessitatem adigit.* Et in actis Sanctorum Martyrum Sebastiani, ejusque sociorum sincerissimis Cæum Papam Tiburtius Chromatii filius nuncupat Episcoporum Episcopum: quod postea nomen ab aliis eidem affigitur.

Canon 9. *Ut Sacramenta Altaris non nisi à jejunis hominibus celebrentur, excepto uno die anniversario, quo Cæna Domini celebratur.* Habetur in cap. *Sacramenta Altaris, de consecrat. dist. 1.* Huc illud Tertulliani refertur, lib. ad uxorem, cap. 3. *Non sciet maritus quid secretò ante omnem cibum gustes; & si sciverit, panem illum non credit esse qui dicitur.* His consonat Divi Augustini testimonium in epist. 118. c. 6. *Non nisi à jejunis Corpus Domini ritè sumi potest.* Dies Cænæ Domini canone isto excipitur, quia exemplo JESU-CHRISTI, eodem die ad vesperam sacrum celebrari mos erat, ad quod Fideles etiam cœnati communicabant. Reperitur etiam iste canon numero 29. in tertio Carthaginensi Concilio.

Canon 65. *Placuit ut plebes, qua nunquam habuerunt proprios Episcopos, nisi ex plenario Concilio cujusque Provincia, & Primatis, atque consensu ejus, ad cuius Diœcesin eadem Ecclesia pertinebat, decretum fuerit, minimè accipiant.*
Sanctum

304 *Notitia Conciliorum S. Ecclesiæ*,
Sanctum Basilium legimus Cæsareæ in Cappa-
docia Metropoliten , ut æmulo suo Tyanæ
(quæ erat in secunda Cappadociæ Provincia)
Metropolitæ suffraganeorum Episcoporum nu-
mero prævaleret, crexisse in Episcopalem Sa-
simorum Ecclesiam , eique Gregorium Na-
zianzenum , quamvis reluctantem, præfecisse.
Præterea Augustinus (ut ipse de se testatur
epist. 261. ad Cælestinum Papam) in suæ Dicc-
cesis Hipponensis oppido Fussala , Sedem no-
vam fecit Episcopalem , cui primùm præfecit
Episcopum Antonium , de consensu Primatis
Numidiæ , cui subiecta erat Hipponensis Ec-
clesia.

Canones octo adversus errores Pelagii , &
Cælestini, qui in Milevitano præcedenti Con-
cilio leguntur , in isto quoque plenario Con-
cilio inserti sunt, uti & Milevitanus canon 22.
quo appellationes transmarinæ prohibentur.
Huic plenario Concilio subicitur epistola sy-
nodica hinc ad Bonifacium Papam transmissa.

Prosper *lib. contra Collatorem , cap. 10.* refert
ita fuisse ab Africanis Patribus decretum. *Con-*
stituimus in Pelagium & Cælestium per venerabi-
lem Episcopum Innocentium , de Beatissimi Apo-
stoli Petri Sede prolatam manere sententiam , do-
nec apertissima confessione fateantur , gratiâ Dei
per Iesum Christum Dominum nostrum , non so-
lùm ad cognoscendum , sed etiam ad faciendum
justitiam , nos per singulos actus adjuvari , ita ut
sine illa nihil vere , sanctæque pietatis habere,
cogitare, dicere, agere valeamus.

C A P U T L.

Concilium Toletanum I.

EST Toletum urbs insignis ad Tagum am-
nem sita, Carpeatanorum caput, quæ nunc
regio *Castille nova* dicitur. Primum Toleta-
num Concilium sub Innocentio I. Papa fuit,
& Imperatoribus Arcadio & Honorio, anno
Christi 405. Extat Innocentii Papæ ad hanc
Synodum epistola. Ejus cogendæ potissima
causa fuit Priscilliani hæresis, quæ sicut can-
cer per universam Hispaniam serpebat. Itaque
plures editi sunt contra illam in hac Synodo
canones, sicut in aliis Hispanicis, Cæsaraugu-
stana, & Bracarensi prima. Severus Sulpitius
hujus hæresis historiam exactè describit, quæ
Simonis, atque Basilidis artes magicas, Gno-
sticorum spurcitas infames, & Manichæorum
deliria renovabat. Ejus author Priscillianus
propterea morti ab Imperii usurpatore Maxi-
mo addictus est.

Canon 5. exigit ab omnibus Clericis, ut
Missæ quotidie intersint. *Presbyter, Diaconus,*
Subdiaconus, vel quilibet Ecclesia deputatus Cle-
ricus, si intra civitatem fuerit, vel in loco, in quo
Ecclesia est, si in Ecclesiam ad Sacrificium quoti-
dianum non venerit, Clericus non habeatur.

Canon 6. *Puella Dei familiaritatem non ha-*
beat cum Confessore, aut cum quolibet Laïco san-
guinis alieni. Similiter Concilium Parisiense,

sub Gregorio Papa IV. & Ludovico Pio Francorum Imperatore, hæc statuit lib. i. cap. 46. *Ne Clerici, vel Monachi cum Sanctimonialibus colloquantur, nisi ex consensu Episcopi, & ex causa necessitatis. Neve ullus Sacerdos alicujus Monialis confessionem audiat, nisi coram testibus haud procul adstantibus.* Consulito etiam inferius quæ annotavi ad can. 20. Nicænæ secundæ Synodi, & ad can. 28. Agathensis.

Canon Toletanus 14. veterem abolet ritum, quo liberum erat fidelibus, vel intra Ecclesiam absumere sacram Eucharistiam, vel manibus acceptam referre domum. *Si quis acceptam à Sacerdote Eucharistiam non sumpserit, velut sacrilegus propellatur.* Idemque decernitur Cæsaraugustani Concilii canone 3. Obvia passim apud priscos Ecclesiæ Patres occurrunt exempla delatæ in privatas ædes à Fidelibus Eucharistiæ, quibus illa in manus dari solebat intra Ecclesiam. Sic Tertullianus ad Uxorem cap. 3. *Non sciet maritus, quid secretò ante omnem cibum gūstes; & si sciverit, panem illum non esse credit, qui dicitur;* nimirum Eucharistiam divinam. Et Cyprianus de lapsis: *Cum (inquit) quaedam arcam suam, in qua Domini sanctum fuit, manibus indignis tentasset aperire, igne inde surgente deterrita est, ne auderet attingere.* Idemque lib. de spectaculis: *Qui festinans ad spectaculum dimissus est, & adhuc gerens secum, ut assolet, Eucharistiam.*

Ejusmodi quidem consuetudinem occasione persecutionum invaluisse, probabile est. Cum enim Fidelibus liberum non esset ad Synaxes convenire, si quando furtim loco abdito Col-
lectam

lectam celebrabant, non modò ibi communicabant, sed etiam singuli exceptas de Sacerdotum manibus sacratissimas particulas domum reportabant, quas postmodum jejuni sumebant inter privatas preces. Quæ consuetudo etiam partâ Ecclesiæ pace diu multis in locis perduravit: cujus exemplum in fratre suo Satyro refert Ambrosius, quod require supra *ad can. 22. & 23.* Laodicensi Concilii. Gregorius etiam Nazianzenus *orat. in funere Gorgianæ sororis*, perhibet illam in conclavi suo sacram Eucharistiam asservare cum magna veneratione solitam, precibus aliquando ad eam fufis, vehementi quo illa conflictabatur, morbo fuisse liberatam. Basiliius Magnus *epist. ad Caesariam Patriciam* (quæ etiam allegatur ab Anastasio Nicæno Episcopo in suo quæstionum libro, qui est *tom. 6. Biblioth. Patrum*,) sic scribit: *Aliquem verò manu propria communionem sumere, ubi non est Sacerdos, minimè grave esse supervacaneum est ostendere, propterea quòd res ipsa longâ consuetudine probetur. Omnes enim qui sunt in desertis Monachi, ubi non est Sacerdos, illic habentes communionem, ex seipsis illam sumunt: Alexandria autem, in Ægypto, unusquisque ex Laicis qui illic degunt, maxima ex parte communionem habent domi.* Hæc Basiliius. Simile refert Gregorius Magnus *lib. 3. dialog. cap. 36.* de Maximiano, ejusque sodalibus navigantibus, qui atroci tempestate jactati, clavo deperdito, malo effracto, velis laceratis, & in undas dispersis, & nave fluctibus obrutâ, sacram in tanto discrimine sumperunt Eucharistiam, quam penes se habebant, cujus

308 *Notitia Conciliorum S. Ecclesiæ*,
mirifica virtute, præsentis discrimine erepti, ad
portum denique incolumes omnes appulerunt.
Quibus etiam testimoniis, & exemplis hoc ar-
guitur, fuisse plerumque in usu apud primiti-
vorum sæculorum Fideles, Eucharisticam sub
unica specie communionem sumi.

Canon 17. *Is (ait) qui uxorem non habet,*
& pro uxore concubinam habet, à communione
non repellatur; tantum ut unius mulieris, aut
concubina, aut uxoris, ut ei placuerit, sit conjun-
ctione contentus. Habetur *c. is qui, dist. 34.* Con-
cubinam dicit (ut ibi admonet Gratianus) quæ
sine dotalibus instrumentis, aliisque solenni-
tatibus asciscabatur in conjugium. Id planum
est ex Augustini libro *de bono conjug.* Cujus
testimonium idem Gratianus adducit *c. concu-*
bina, & c. solet, 32. q. 2. Eadem quoque Iusti-
nianus edicit *novella 18. c. 5.*

CAPUT LI.

Synodus Ephesina Oecumenica.

Ephesi, quæ est minoris Asiæ Metropolis,
Ecoactum fuit Oecumenicum Concilium
occasione Nestorii Hæresiarchæ, temporibus
Cœlestini Romæ Episcopi, & Imperatorum
Theodosii secundi, & Valentiniani tertii. Ne-
cætarus qui præsedet generali Constantinopo-
litano Concilio, successorem in Sede Urbis Re-
giæ Episcopali habuit Joannem Chryso-
stomum; hunc excepit Arsacius, Arsacium Atti-
cus,

cus, Atticum Sifinnius, Sifinnium Nestorius, Germaniciâ, quæ Antiochenæ subest Ecclesiæ, oriundus. Hic novo & pernicioso dogmate Mariam Virginem negavit esse Θεοτόκον, hoc est Deiparam, solumque illi Christiparæ nomen asseribat. Geminas quippe Christo personas affingens, divinam, humanamque, consequenter docebat, Mariam Virginem genuisse personam humanam, prorsus à divina discretam. Cumque virus suum latè propagare Nestorius, tum voce, tum scripto niteretur, graves per omnem Ecclesiam turbas excitavit.

Huic se constanter Cyrillus opposuit Alexandrinus Patriarcha. Hic Nestorium scriptis primùm amantissimis literis, de sententia pravè concepta dimovere conatus est, præcipuum fidelium omnium, maximè verò Episcoporum officium esse ducens, fidei periclitanti suppetias ferre. Quod ibidem his verbis æternæ memoriæ commendandis protestatur, πῶς ἐν ἡν σιωπῇσαι πίστεως ἀδικημένης, καὶ πούτων διεσπασμένων : ἢ ἐ παρεξησόμεθα τῷ βήματι τοῦ Χριστοῦ ; ἐκ ἀπολογησόμεθα δὲ τῆς ἀκαίρου σιωπῆς ἕνεκα ; καὶ τοὶ τεταγμένοι παρ' αὐτοῦ πρὸς τὸ λέγειν ἃ δεῖται. Cum igitur fides tam insigniter læderetur, totque passim perverterentur, quâ tandem tacere hîc licuit ? an non ante tribunal Christi sistemur ? an intempestivi silentii rationem reddituri non sumus, præsertim nos, qui ea de causa hunc in locum provecti sumus, ut quæ oportet, prædicemus ? Quin etiam Joannes ipse Antiochenus Patriarcha, qui postea contra fas omne partes Nestorii adversus Cyrillum acerrimè defendit, hortatorias literas (quæ in

prima Synodi Ephesinæ parte continetur) ad Nestorium scripsit, ut à concepto errore resili-
ret, atque fidem Ecclesiæ, pacemque laceßere
desineret. Interea scribunt hac de re ad Cœle-
stinum Romæ Episcopum seorsim Cyrillus, &
Nestorius nihil suum dogma dissimulans, sed
propugnans. Quibus acceptis Cœlestinus Ro-
mæ multorum Episcoporum Concilium coëgit,
in quo damnatus est Nestorii error, cui decem
indulgentur ab hujus decreti notificatione
dies, intra quos nisi errorem publicè ejurave-
rit, dignitas illi Episcopalis abrogatur, & de
fidelium communi societate rescatur. Resti-
tuuntur autem quotquot Nestorius contradi-
centes sibi à communione Ecclesiæ, vel à sacris
functionibus abstraxerat. Horum executio Cy-
rillo committitur, cui Cœlestinus Apostolicæ
Sedis Legati officium, suasque vices, & pote-
statem mandat.

Cyrillus itaque Alexandriæ Synodum sibi
subditorum Episcoporum habuit, in qua duo-
decim excusi sunt adversus Nestorianā impie-
tatem anathematismi; quæ etiam quatuor ad
Nestorium delegavit Episcopos cum synodali-
bus lite ris, qui eum componerent, atque ana-
thematisimos palam approbare suaderent. At
ille missos à se repulit, duodecim illa capita
anathematizavit, majorique in quoscunque fi-
deles crudelitate defævit. Tandem ad sedandas
istas, quibus Ecclesia conflabat, procel-
las, interpellatus Theodosius Augustus Syno-
dum Ephesi Oecumenicam indixit, ad quam
commisit ad compescendos tumultus Irenæum,
& Candidianum Nestorio conjunctissimos, in
quem

quem etiam Theodosius erat animi propensioris. Nam cum increbescente Nestorii hæresi, Cyrillus illam tribus libris ad Theodosium, & reginas Eudociam & Pulcheriam missis solidissimè confutasset, Nestorio patrocians Theodosius Cyrillum acerbioribus literis perstrinxit.

Omnium sæculorum experienciâ perspectum est, quanta sit vis Aulicæ propensionis ad res fidei, & Ecclesiæ convellendas. Cum enim cupiditas, ambitio, & æmulatio permultos etiam Episcopos transversos agant, hinc fit, ut Principum injustis desideriis ut plurimum adblandiantur, dicente Apostolo: *Omnes quæ sua sunt querunt, non quæ Iesu Christi.* Dum Ephesum conveniunt Antistites, Joannes Antiochenus, eique subjecti Orientis Episcopi occasiones captant evitandi condemnationem popularis sui Nestorii, & conciliandæ sibi gratiæ Principis & duorum ejus Legatorum Nestorio prorsus addictorum. Cum itaque illi moram consultò trahere viderentur, his absentibus generale Concilium Ephesi apertum est anno Christi 431. ubi ter citatus Nestorius, & ex pervicacia judicio sistere se recusans, adductis probationibus, atque sedulò examinatis ipsius libris & literis, hæreticum præfractum & obstinatum declaravit, abdicavitque Episcopatu. sacra Synodus.

Quinto inde die Joannes cum suis advenit Episcopis, inter quos eruditionis, & eloquentiæ laude præcellebat Theodoretus Cyri in Palæstina Episcopus. Isti se non fuisse diutiùs expectatos acriter conquesti, suisque privatis,

affectibus etiam in evidentem totius Ecclesiæ Christi perniciem indulgentes, privatâ ibidem conflata Synodo, confestim acta legitimi Concilii rescindunt, & ulciscendi cæcâ perciti cupiditate, Cyrillum Alexandriæ, & Memnonem Ephesi Episcopum damnant, quasi Apollinaris hæresi contactos, quæ animam intellectualem, & humanam removebat à Christo, ut ejus vicem occuparet divina Verbi persona. Quod tamen dogma nunquam in mentem Patrum Ephesinorum venerat: nihil enim repugnat, unicam esse in Christo, eamque divinam personam, cum integra, completaque ex anima, & corpore humanitate. Sed *occasionēs* (ut ait Salomon *Proverb. 18.*) *querit, qui vult ab amico recedere: omni tempore erit exprobrabilis.* Illis igitur aucupandus erat, tametsi falsissimus, prætextus, ut possent adversarios infectari cum specie nonnulla justitiæ.

Cum Antiochenæ factionis Episcopis conspirant unanimes Comites Candidianus, & Irenæus, & literas ex legitima Synodo profectas dolosè intercipiunt, multis per proprias literas calumniis Imperatorem, & Aulæ Proceres adversus Orthodoxos Patres inferros reddunt. Mandato Theodosii Cyrillus, & Memnon in carceres detruduntur. Nec minùs tamen legitima Synodus suo fungi pergit officio plusquam ducentis constans Episcopis; & harum tempestatum authorem Joannem frustra delinire ac pellicere conata, tertio tandem citatum, & contumacem excommunicat, & deponit.

Contigit

Cap. LI. Synodus Ephesina Oecumenica. 313

Contigit tandem ut elusis Comitum exploratoribus, Concilii legitimi literæ justarum querelarum plenæ per virum fidelem, sub e mentito mendici habitu arundine inclusæ deferrentur ad Theodosium, ejusque sororem Pulcheriam eximiæ pietatis, & prudentiæ virginem, aliasque spectatæ virtutis personas, quibus satagentibus Theodosius rei veritate compertâ, benevolum se tandem sacræ Synodo exhibet, acta per Candidianum, & Irenæum revocat, & admissis legitimæ Synodi decretis, Nestorium in pristinum Monasterium Antiochenum, in quo Monasticen olim professus fuerat, & postremò, ne Monachos, aliosque falsâ doctrinâ pervertere pergeret, Oasin relegat, ubi vitam infelicem calamitoso exitu conclusit, verminante ipsius per divinam ultionem blasphemâ linguâ. Libri ejusdem undequaque conquisiti flammis absumpti sunt. Denique Theodosio interveniente cum magni Simeonis Stylitæ interventu, pax inter Cyrillum & Joannem, cæterosque Orientales conciliata fuit. Istique in integrum restituti, Concilio legitimo lubentes acquieverunt.

Hujus Synodi *parte 4. act. 7.* requirentibus Rhegino Constantiæ Cypri Episcopo, totiusque insulæ Metropolitâ, cæterisque Cypri Episcopis, asserentibus deductum jam inde ab Apostolis privilegium, ut non ab Antiocheno Antistite, sed ab ipsa Provinciæ Cypri Synodo, Episcopi insulares ordinarentur, sancta Synodus hoc eisdem privilegium confirmavit. Egregiam Cyprii Præsules nacti sunt opportunitatem, quando Antiochenus, & alii Orientales

Episcopi non modò non contradicebant in hac causa, utpote absentes, sed etiam schismate se à sacra Synodo divulserant, ut sic mererentur propriis excidere juribus. Occasione quidem veteris Antiocheni schismatis, quando plures in illa civitate creati Episcopi populum sic distrahebant, ut pars uni, pars alteri adhæreret, quæ divisio octo & quadraginta duravit annos, quibusdam Euzoïo, aliis Meletio, aliis Paulino, aliis postmodum Flaviano, aliis Evangelio addictis; hanc divisionis diuturæ occasionem Cyprii nacti, quasi *αυτοκέφαλοι* cœperunt res suas gerere inconsulto Antiocheno Patriarchâ. Ubi verò schisma desit, omnesque Antiocheni in unum Alexandrum Episcopum convenerunt, tunc Alexander jus pristinum à Cypriis vindicare conatus est apud Innocentium Papam annis ante hanc Synodum triginta. Innocentius judicavit Cyprios Antiocheno subjici, ut constat ex ejusdem epistola 18. Post Concilium etiam Ephesinum eadem iterum contentio recrudit, imperante Zenone. Narrant enim Cedrenus *in Zenone*, & Nicephorus *lib. 16. cap. 37.* Petrum Cnapheum, seu ut à Latinis vocatur, Fullonem, Episcopum Antiochiæ, de Cypriis jura Patriarchalia repetere molientem, causâ cecidisse, cum eodem ipso tempore ex divina revelatione Barnabæ Apostoli corpus in Insula effossum fuisset cum Evangelio Matthæi ejus pectori imposito, quod Barnabas vivens manu suâ descripserat. Quâ re motus Zeno voluit deinceps Ecclesiam Constantiæ censeri Apostolicam, & à potestate Antiochenis immunem. Videndus noster

Morinus

7
Cap. LI. Synodus Ephesina Oecumenica. 315
Morinus lib. 1. exercitat. Eccles. cap. 4.

Ex multis liquet hujus Synodi locis, habitam fuisse in Ecclesia Mariæ dedicata, cujus patrocinium sancta Synodus susceperat. Est verò speciali notâ dignum quod scribunt Ephesini Patres in synodica ad Clerum & populum Constantinopolitanum epistola, Deiparam Virginem cum Evangelista & Apostolo Joanne Ephesum ex Judæa profectam, illic reliquam vitam usque ad felicissimum obitum transgisse.

CAPUT LII.

Concilium Arausicanum 1.

Arausio Civitas Cavarum est in secunda Narbonensi Provincia, cujus Episcopalis Ecclesia suffraganea est Arelatensi Metropoli. Hic convocatum Concilium fuit anno Christi 441. sub Leone I. Pontifice, imperantibus Theodosio secundo, & Valentiniano tertio. Præsedit Hilarius Arelatensis, confedit Eucherius Lugdunensis, ambo subscripti.

Canon 1. *Nullus ministrorum qui baptizandi recipit officium, sine Chrismate usquam debet progredi, quia inter nos placuit semel in Baptismate chrismani. De eo autem qui in Baptismate, quacumque necessitate faciente non chrismatum fuerit, in Confirmatione Sacerdos commonebitur. Nam inter nos chrismatum ipsius non nisi una benedictio est. Non ut præjudicans quidquam dico, sed ut necessaria habeatur chrismatum repetita.* Hæc Arausica

Arausicana sanctio satis perplexa & obscura sic exponi debet. Cum sæpe fiat ut nondum baptizatus inopinatò in mortis discrimen incidat, debet Parochus secum assiduè sacrum Chrisma deferre, ut quum tale periculum adveniet, præsto sit ad baptizandum simul & chrismandum. Sed si quis occurrète periculo fuerit privatim baptizatus, sed non inunctus, ac deinde periculo ereptus Sacramentum Confirmationis desideret, admonendus erit vel Episcopus, quem sacræ Literæ, sanctique Patres solo nomine Sacerdotis exprimere solent; vel inferior Sacerdos, cui onus incumbit explorandi & præsentandi confirmandos, ut sic admonitus curet duplicem simul adhiberi chrisimationem; in vertice quidem unam, quæ cæremonialis est, & præcedenti Baptismo defuit; & in fronte alteram, qua consignentur Confirmationis Sacramento. Non enim approbat Synodus diversis & longè remotis actibus has fieri chrisimationes, quas ambas judicat esse necessarias. Ea porrò fuit veteris Ecclesiæ consuetudo, ne duæ istæ chrisimationes longiùs à se disjungerentur. Nam etiam in Baptismo præter verticis inunctionem, frons etiam baptizati ad Confirmationis Sacramentum linebatur. Ita docent innumera Patrum testimonia.

Amalarius Fortunatus Episcopus Trevirensis *lib. 1. de Eccles. offic. cap. 27.* postquam docuit statim à Baptismo ungendum esse Neophytum in vertice, ita subjungit: *Sicut in Gestis Pontificalibus legitur, Beatum Sylvestrum instituisse, ut à Presbytero ungeretur Chrismate Neophytus in cerebro.* Deinde addit, hanc fieri posse

posse unctionem à Presbytero, etiam Episcopo præsentē; cū tamen solus possit Episcopus dare baptizatis Spiritum sanctum per manūs impositionem, ungendo Chrismate non in vertice, sed in fronte. Super quo profert historiam Philippi Diaconi, non valentis Spiritum sanctum dare baptizatis à se Samaritanis, quia nec Apostolus, nec Pontifex erat: unde necesse fuit mitti ad hoc officium Petrum & Ioannem, *Act. Apost. 8.*

Constat ex Conciliis Florentino, & Tridentino, solum Episcopum esse ordinarium Confirmationis ministrum. Docet verò S. Thomas 3. p. q. 72. art. 11. extraordinarium Confirmationis ministrum posse ex delegatione Papæ simplicem esse Sacerdotem. Idque probatur ex Gregorio Magno lib. 3. epist. 26. ad Januarium Episcopum Calaritanum 1. *Vbi Episcopi (inquit) desunt, ut Presbyteri etiam in frontibus baptizatos Chrismate tangere debeant, concedimus.* His enim verbis citatur à Thoma, & pariter à Gratiano *cap. pervenit, dist. 95.* quamvis alii aliter legant. Testatur quoque vetustissimus, sed falsò attributus Ambrosio, Commentarius in Paulum ad Ephes. 4. *In Ægypto Presbyteri consignant, ubi non est Episcopus.* Canon quidem 20. Toletani Concilii primi demandat Presbytero chrismationem, absente Episcopo; sed exponitur à nonnullis de cæremoniali chrismatione Baptismi: tamen si doceat Amalarius Fortunatus, hanc fieri à simplici Sacerdote in cerebro chrismationem, etiam Episcopo præsentē.

Notanda ergo hæc Amalarii verba, sub finem

nem dicti cap. 27. *Vt ab Episcopis solis inungatur per manus impositionem, ab Apostolis acceptum est.* His enim perspicuè declarat, ipsam Episcopi actionem, quâ frontem manu inungit, esse ipsammet manûs impositionem, quâ juxta *Act. cap. 8.* dabatur ab Apostolis Spiritus Sanctus: & quidem *vers. 18.* manus in singulari exprimitur, quia unctio hæc sacra fit unica manu. Licet autem alibi dicatur circa Confirmationem manuum impositio, id nihil obstat, quia de pluribus Apostolis loquitur, & sic de pluribus manibus, quamvis singuli seorsim unicam manum adhiberent. Addit Amalarius, per manus impositionem efformari Crucem super Fideles eodem loco, ubi Pontifex Aaronicus in aurea lamina insculptum Dei nomen ineffabile portabat. Igitur uno, eodemque contactu in Confirmatione imponitur manus, frons Chrismate linitur, & signum Crucis efformatur. Itaque inaniter recurrunt scriptores aliqui ad specialem Christi dispensationem, ut Apostolis liceret pro Chrismatione uti manuum impositione.

Canon 3. præscribit, ut qui pœnitentiam acceperunt, si eâ nondum peractâ è vita excedunt, communicent Sacramento Viatici sine manûs impositione: sed si supervixerint, in statum pœnitentium redeant, donec completo pœnitentiæ decursu, manuum impositionem, seu reconciliationem accipiant. Hæc eadem jam edixerat Synodus Nicæna canone 13. Hæc ergo Concilia, Nicænum & Arausicanum, simulque Ancyranû, *can. 6.* & Agathense *can. 11.* & Innocentius primus *epist. ad Exuperium*, definiunt

finiunt, ubi est periculum mortis, ministrandam esse pœnitentibus Eucharistiam, nondum completo pœnitentiæ præscripto à Canonibus tempore. Observandum hîc, non esse credibile, admissos fuisse pœnitentes ægrotos ad sacrum Viaticum absque sacramentali absolutione privata. Manuum itaque impositionem, quæ differebatur post sacrum Viaticum, & expletum pœnitentiæ canonicum tempus, intellige solam publicam & solemnem, quæ publicam pœnitentiam quasi fibulâ claudebat, & pœnitentem in communem fidelium statum & ordinem restituebat.

Canon 4. *Pœnitentiam desiderantibus, etiam Clericis, non esse denegandam.* Consulito quæ circa vel interdictam, vel permissam Clericis pœnitentiam disserui ad Concilii Carthaginensis quarti canonem 68.

Canon 5. sancit Ecclesiarum immunitatem, ut qui ad eas confugerint, extrahi nequeant. Habetur *cap. eos qui ad Ecclesiam, dist. 87.* Idemque sancitur in Concilio Aurelianensi primo, *can. 1.* & in Aurelianensi quarto, *can. 21.* Quæ cum sint Gallicana Concilia, non servantur tamen in toto Gallicano Regno circa confugientes reos delictorum. Enimverò, ne ista immunitas fieret impunitas criminum, cautum est Edictis Francisci I. ann. 1539. *artic. 166.* & Henrici III. ann. 1585. ut rei, contra quos Judex capturam decreverit, ex locis etiam sacris abducantur. Apud Gentiles quoque asyla erant in sacris locis constituta, ne ad ea confugientes inde divelli possent. Referunt acta Sylvestri, Constantinum contulisse his, qui ad Ecclesias

clesias confugissent, immunitatem. Quam constitutionem suadente Eutropio eunucho, potentissimo simul, & flagitiosissimo, Arcadius contrariâ lege abrogavit, quæ tertia est in Codice Theodosiano, *sub tit. de his qui ad Eccles. confug.* Divina tamen ultione Eutropius ipse ob innumera scelera deposcitur ad supplicium: ipse tunc ad Ecclesiam fugit, cujus violaverat paulò antè immunitatem. Chrysostomus suggestu conscenso, illam in Eutropium, quæ adhuc superest, illustrem orationem habuit, nec cum priùs sivit à frementibus militibus, & Magistratibus abduci, nisi præstito à Magistratibus de vitæ ipsius securitate jurejurando. Ipse verò dignitate omni, & opibus exspoliatus, in Cyprum relegatus fuit. Hanc reorum ad Ecclesias confugientium immunitatem renovavit Imperator Leo I. *presenti lege, C. de his qui ad Eccles. confug.*

Canon 8. vetat ordinari Clericum alienum absolutè, aut proprium in aliena Diœcesi, nisi accedat Episcopi consensus, ad quem pertinet vel Clericus, vel Ecclesia. Ejusmodi sanctiones frequentes in Conciliis occurrunt: in Sardicensi *can. 15.* in Carthaginensi tertio *can. 20. & 21.* in Tridentino *sess. 6. cap. 5. & sess. 23. c. 8. & 9.* & in Decreto Gratiani *cap. placuit, & cap. Episcopus 7. q. 1.*

Canon 12. *Subito obmutescens, prout statutum est, baptizari, aut pœnitentiam accipere potest, si voluntatis præterita testimonium aliorum verbis habet Sacerdos, aut præsentis in suo nutu.* Huic similem superiùs exquire canonem 76. Concilii Carthaginensis quarti, quem canonem innuere

Cap. LII. Concilium Arausicanum 1. 321
innuere videntur prædicta verba , *Prout statutum est.*

Canon 14. permittit Energumenis , ut omnimodè communicent , si se solitudini Clericorum tradant ; monitisque obtemperent , virtute Sacramenti muniendi contra dæmonum aggressiones. Priore quidem sæculo Energumeni simul cum Catechumenis & Pœnitentibus à sacra communione , divinisque mysteriis post Evangelii prædicationem , jubente Diacono , foras emissi arcebantur , ut docet in *Hierarchia Eccles.* Dionysius.

C A P U T L I I I .

Concilium Vasense, seu Vasionense.

VAsione Vocontiorum oppido in secunda Narbonensi Provincia , Concilium celebratum est sub Leone Papa I. imperante Romæ Valentiniano III. Christi anno 442. Haud rectè dictum à Baronio Vasatense! Vasio suam hodie quoque veterem retinet denominationem. Meminere hujus Plinius , Mela , Ptolemæus.

Canon 4. eos excommunicat , qui defunctorum oblationes retinent , aut Ecclesiæ reddere morantur : *Quia (inquit) fideles de corpore decedentes votorum suorum plenitudine , & pauperes presidio eleemosynæ , & necessaria sustentatione fraudantur.* Vocatque hujusmodi reten-

322 *Notitia Conciliorum S. Ecclesie,*
tores sacrilegos. Citatur nominatim Vascensis
hic Canon in Concilii secundi Arelatensis ca-
none 47, juxta Sirmundi editionem; ibidem-
que confirmatur. Citatur pariter in Decreto
cap. qui oblationes; 13. q. 2. Idemque statuitur in
Concilio Matisconensi primo, *can. 4.*

CAPUT LIV.

• *Concilium Arelatense II.*

Nescitur quo tempore sit habitum, nisi
quod pro certo est, subsequutum fuisse
Aranficanam primam, atque Valonensem Sy-
nodum; ambarum quippe meminit. Itaque
præposterè collocat Binius sub Pontificatu Si-
ricii, qui tamen longè tria ista Concilia præ-
cessit.

Hujus Arelatensis canones 2. & 3. circa sacri
Cleri cœlibatum superiùs allegavi, satisque
hac de re differui in observationibus ad Ni-
cænum canonem 3.

CAPUT LV.

Concilium Nannetense.

Hujus quoque Gallicani Concilii tempus
ignoratur. Nota dignus est ipsius Canon 1.
qui & ab Ivone citatur Decreti parte 2. c. 122.

Ut Dominicis, & festis diebus Presbyteri antequam Missas celebrent, plebem interrogent, si alterius Parochianus in Ecclesia sit, qui proprio contempto Presbytero, ibi Missam velit audire. Quem si invenerint, statim ex Ecclesia abjiciant, & ad suam Parochiam redire compellant. Similiter interrogent si aliqui discordantes sint, qui inter se litem implacabilem habeant; & si inventi fuerint, statim reconcilientur. Quod si renuerint pacem suscipere, ab Ecclesia rejiciantur usquequò ad charitatem redeant. Non enim possumus munus, vel oblationem ad Altare offerre, donec prius fratri reconciliemur. (Matth. 5.) His ita peractis Sacerdotes Missarum solennia ritè peragant. Huic consentit canon 31. Arelatensis Concilii secundi: Hi qui publicis inter se odiis exardescunt, ab Ecclesiasticis conventibus sunt removendi donec ad pacem recurrant.

Prior verò hujus Nannetensis Canonis pars de audiendo in propria Parochia Sacro, iteratur sequenti Canone 2. Ut nullus Presbyter alterius Parochianum, nisi in itinere fuerit, vel placitum ibi habuerit, ad Missam recipiat. Eòdem spectat Concilium Tridentinum sess. 24. cap. 4. de refor. multæque constitutiones à sancto Carolo in multis Synodis Mediolanensibus editæ. His tamen derogat constans, totoque prope-modum orbe Christiano recepta contraria consuetudo.

CAPUT LVI.

Synodus Chalcedonensis Oecumenica.

EXacto Hæresiarcha Nestorio, Maximianus Constantinopolis Ecclesiam rexit, hunc deinde Proclus excepit, Proclum Flavianus, qui cum Synodum Episcoporum triginta, regnante juniore Theodosio, Constantinopoli celebraret, Eusebius Dorylæi Episcopus oblato libello exposuit Synodo, Eutycheten Presbyterum, & Monasterii, quod celeberrimum erat in urbe Regia, Archimandritam, prætextu declinandi erroris Nestoriani, ambas Christi naturas ita confundere, ut in unam mutuâ commistione coaluisse diceret. Ter missis à Concilio Legatis citatus Eutyches fictitiis excusationibus tergiversatus est; & demum tertiâ citatione septem dierum petivit inducias, quibus suam, quam fingebat affectam, valetudinem confirmarer. Interea Chrysaphio Eunuchus, qui gratiâ Imperatoris præ cunctis aliis prævalebat, quique amicitiam erat Eutycheti conjunctissimus (fuerat quippe ab Eutychete de sacro fonte levatus, idemque Flaviano dudum erat per privatas similtates infensus) suam causam impensè commendat Hæresiarcha. Hujus avidè suscepto patrocínio Eunuchus Theodosio suadet, ut Florentium Patricium cum potestate jubeat Synodo interesse. Theodosii

dosii mandatum detulit ad Synodum Magnus Silentarius, cum quo Monachis suis comitatus, Prætorianorumque militum satellitio stipatus advenit Eutyches, arrogantiam tumens, & perversus. In his rerum angustiis Florentium gratulabundi Patres excipiunt, multumque Theodosio debere præ se ferunt, quod clarissimi viri, cujus fides, religioque perspecta sit, præsidio Synodum præmunisset. Eutyches mandato Synodi suum exponit sensum: admonetur à Patribus, ne contra receptam in Ecclesia fidem quidquam innovaret, utque abjurato errore ad Ecclesiæ rediret unitatem. At ille in contumacia persistens, tandem Sacerdotio, & Monasterii præfecturam dimoveretur, subscribentibus 30. Episcopis, & 23. Abbatibus.

Sic ille condemnatus, immanibus adversus Synodum intemperis furit, quam libellis per compita & fora civitatis affixis proscindit, novasque pro se factiones ubique conflat. Quin etiam ad Leonem Romæ veteris Episcopum scripto conquestus est, Nestorianam hæresin per Flavianum Constantinopoli revixisse, & in dies augeri; sequæ fidem Ephesinam, quam par est constantiam prædicantem, fuisse Nestorianorum factione oppressam, & ordine motam, neque ullatenus auditum, dum Apostolicam Sedem appellat. Huic Leo plenas benevolentiam literas rescripsit: sed acceptis deinde Flaviani literis cum omnibus Synodalibus actis, damnationem Eutychis approbavit. Hoc exclusus perfugio Eutyches, per summum nefas à Synodi & summi Pontificis judicio ad Theo-

dofii tribunal provocavit. Annuit Imperator à Chryſaphio perſuaſus, novamque Synodum indixit : concurrant, & tumultuantur Euty-
chiani Monachi, multique ex Aula, & de ple-
be partibus Hæreſiarchæ additi. Verùm iſta
quoque Synodus audito illo, & exploratis prio-
ris Synodi actis, hanc ſuo iudicio confirmavit,
& ita Flaviani ſinceritas, & Eutyſchis perversi-
tas luculentiùs innotuit.

Eutyſches ad ſuæ cauſæ penè complorata
ſubſidium diſcordiam inter Episcopos ferere
aggreditur. Dioſcorum itaque olim magni Cy-
rilli Alexandrini Diaconum, & tunc in Ale-
xandrino Patriarchatu indigniſſimum ſucceſſo-
rem, projectiſſimæ nequitie hominem, plu-
rimis adulteriis, ſacrilegiis, rapinis, & homi-
cidiis inquinatum, Chryſaphii clientem, &
Flaviano propter Sedium æmulationem, mo-
rumque contrarietatem inſenſum, in ſuas fa-
cile partes allicit ſpecie tuendæ contra Neſto-
rianos fidei, quam præceſſor ejus in Ephēſina
Synodo ſtrenuè propugnaverat. Agit per literas
cum Theodoſio Dioſcorus, tantas controver-
ſiarum difficultates non fuiſſe privaris aliquot
Episcoporum hoſtiliter adverſus Eutyſchen af-
fectorum conventibus dijudicandas, ſed eſſe
per Oecumenicam Synodum dirimendas. Huic
obſtitit ſuggeſtioni Flavianus, & Leo Ponti-
fex reclamavit. Sed urgentibus Chryſaphio
& Dioſcoro, Theodoſius Synodum novam,
& Oecumenicam indixit Ephēſi celebrandam
poſt annos à prima Ephēſina novemdecim,
ad quam Leo ſuos direxit Legatos duabus in-
ſtructos

structos epistolis, unâ ad Synodum, alterâ ad Flavianum, quibus Catholicam fidem adversus Eutychem præstigias egregiè elucidat.

Ad eam itaque Synodum convenerunt Dioscorus Alexandrinus, Dominus Antiochenus, Joannis illius qui priori Ephesinæ Synodo præfractè obstiterat, successor; Juvenalis Ierolymitanus, & Flavianus Constantinopolitanus. Ad Synodum Theodosius Barsumam Archimandritam misit, qui nomine totius Ordinis Monachorum, & Imperatoriâ fretus auctoritate, Antistites insectaretur, qui Eutychem damnaverant. Misit præterea Comitem Elpidium istius Synodi defensorem, seu conservatorem; cui dedit in mandatis, ut Episcopis, à quibus fuerat damnatus Eutyches, omnem judicandi potestatem adimeret.

Tam infaustis, & iniquis auspiciis coacta Ephesi Synodo, jubet Elpidius ante omnia de actis Constantinopolitanæ sub Flaviano Synodi quæstionem haberi. Obstant Legati Apostolici, & primum omnium literas Leonis postulant recitari. Obstrepit cum suis Eutyches: Legatos in invidiam trahit & suspicionem, ut Flaviano addictos, & apud eum prafosos. Concitantur adversus eos tumultus, denegatur eis in sedendo primatus, quem sibi Dioscorus vindicat. Abscedunt Synodo Legati, sed paulò post revocantur. Interea valida trecentorum Monachorum manus in Synodum irrupit, multos secum trahens armatos milites, cum quibus occultè Dioscorus conspirabat. Horrendis vociferationibus complentur

omnia, raptantur, & verberibus afficiuntur sacri Episcopi, notariis digiti effringuntur, tabulæ Synodi discerpuntur. Flaviano nisi interrogato silentium indicitur, & Antistites ejus asseclæ in vincula conjiciuntur.

Tum demùm soli asseclæ Dioscori omne sibi judicium causæ hujus usurpant, Domnum Antiochenum suo dejiciunt Episcopatu, simulque Theodoretum Cyri, & Ibam Edessæ, utrumque absentem, & indictâ causâ. Qui verò intersunt Episcopi, partim spontanei Eutychiani, partim metu adacti, puris, & albis membranis subscribunt, in quibus quid esset scribendum magna pars ignorabat. Legati Apostolici etiam inter gladios, & hastas elabuntur ex illo Concilio malignantium, postquam frustra reclamarunt, protestatique sunt. Denique in ista Latronum Synodo (sic enim, & jure merito Græci *λησιών Σύνοδον* istam vocant) prolatum Eutychetis symbolum approbatur, ut Ephesinæ, atque Nicænæ fidei conforme, & pristinum in statum restituitur Hæresiarchia. Flavianus verò & Eutychis accusator Eusebius Dorylæi Episcopus, declarantur hæretici Nestoriani, suisque Sedibus deponuntur, & carceribus includuntur. Flavianum, appellentem ad Apostolicum Tribunal Dioscorus ex Episcopo carnifex tam atrocibus verberibus excipit, ut mox in exilium deportatus, toto corpore fractus, contusus, & vulneratus, post triduum vita excelleret. Sine mora in ejus locum subrogatur Anatolius Diaconus, & Dioscori apocrisiarius. Tum demùm quasi victor exultans

Dioscorus

Dioscōrus Alexandriam revertit , ubi tam immania flagitia novis aliis accumulans , damnatus à Leone , ipse vicissim contra Leonem anathema explodit novà , & hæcenus inauditâ audaciâ.

Tantarum calamitatum accepto nuntio, dici non potest quanto animi dolore Leo Flaviani necem, Episcoporum Catholicorum depositiones, vincula, exilia, divulsas Ecclesias, prostratam, & pessundatam Religionem, exultantem hæresim, universoque Oriente triumphantem, & insolescentem deploraverit. Coacta quamprimum Romæ Synodo, Ephesium istud conciliabulum, seu potius latrocinium rescidit, & damnavit Dioscorum, ut dixi, & hujus incendii facem Eutycherem anathemate perculit, crebrasque ad Theodosium, ejusque sororem Pulcheriam literas conscripsit. Quin etiam cum plerisque Italiæ Episcopis obviam prodiit Valentiniano Augusto, qui cum Reginis Galla Placidia matre sua, & uxore Eudoxia Romam religionis ergò ad invisenda sacra Apostolorum limina veniebat. Cùmque illis tot Religionis clades cum luctu, crebrisque singultibus exposuisset, lacrymas Reginis excussit, suisque precibus obrinuit, ut Valentinianus & Regina Theodosio scriptis literis suaderent, ut statum Ecclesiæ præsentem miseratus curaret novo, legitimoque, ac libero Concilio, quæ per vim, & factiones Ephesi gesta erant, examini subdi.

Studebat Leo ut in Italia, ubi liberiùs poterat Ecclesia respirare, nova Synodus indice-

retur, quæ labem ac infamiam Ephesinam
leret. Sed Theodosii mens Hæreticorum
bus irretita flecti Valentiniæ, & Augu-
rum precibus nullatenus potuit. Quinimo
mulgatis edictis istum Ephesinum con-
tum Nicænæ Synodo iussit æquari. Sed
multò post ipse morte sua meliori regimini
cum cessit.

Leo quod à Theodosio impetrare non
luerat, obtinuit ab ejus successore Marciano
Principe religiosissimo, cui approbante
natu, & Orientis Imperium, & se ipsam
tui dedit Pulcheria, eâ tamen lege, ut sibi
gini esse liceret. Leonis igitur acceptis liti-
Marcianus suffragante Pulcheria Synodum
generalem Chalcedone indixit, quæ civitas
septem tantummodò stadiis distat ab Urbe
gia, interjecto inter utramque Bosphoro;
scilicet sine, ut illi commodè posset inter-
suamque authoritatem impertiri, ut factum
qui tot hætenus turbas concitaverant, in
cio continerentur.

Primum quidem ad Leonis petitionem
plorata fuit Anatolii fides, & admissa ejus
blica fidei professio, damnans Eutychetis
Dioscorigenæ perfidiam. Marcianus quotquot
Synodus latrocinans adhuc superstites expulsi
revocavit, ut ad legitimam Synodum con-
nirent. Flaviani corpus ex loco, ubi ex-
Martyr occubuerat, solenni pompâ Constan-
tinopolin retulit.

Hisce felicissimis auspiciis apertum est quar-
tum Occumenicum Concilium Chalcedone,

quæ

quæ civitas est Provinciæ Bithyniæ, Bosphoro è regione Constantinopolis adjacens, intra Templum sanctæ Virginis & Martyris Euphemiæ, anno Chr. 451. præsidentibus Leonis Legatis Paschasino Libybætano, Lucentio Asculano, Juliano Coënsi Episcopis, & Bonifacio Presbytero. Secundus ab Apostolicis Legatis sedit Anatolius Constantinopolis Episcopus: tertius Dioscorus Alexandriæ: quartus Maximus Antiochiæ: quintus Juvenalis Jerosolymæ, aliique deinceps, tum ad dexteram, tum ad lævam. Principes verò à Marciano missi cum amplissimo Senatu, in medio confederunt ante cancellos sanctissimi Altaris, ut exprimitur act. 1. & alibi passim, *ἐν τῷ μέσῳ πρὸς τῶν καγκέλων τῆ ἀγιοτάτης θυσιαστηρίου.*

Principio Legati Leonis obtestati sunt, fas non esse Dioscorum, qui reus sit à Synodo judicandus, inter Episcopos sedere judicem. Eusebius Dorylæi libellum profert adversus Dioscorum, refertum flagitiis conciliabuli Ephesini. Leguntur subinde acta Synodorum Constantinopolis sub Flaviano, & Ephesi sub Dioscoro. Fremunt Patres in Dioscorum tor ejus sceleribus propalatis. Instat Dioscorus omnia refundere in Patres Concilii Ephesini, nihil se illis invitis, aut inconsultis egisse. At illi replicant, vim sibi illatam per introductos à Dioscoro milites. Convictus scelerum Dioscorus, de gradu & sessione in Synodo dejicitur.

Observandum in prima ista actione, primam ejiciendi Dioscori allegatam fuisse causam, quia

quia Synodum ausus est convocare sine Apostolicæ autoritate Sedis, *ὅτι ἐξ ἑκείνου γίνεσθαι*, quod nunquam hactenus factum est, nec fieri licet. S. Marcellus Papa & Martyr *epist. ad Episc. Antioch. Provinc.* scribit canonem Apostolorum esse, ut non possint Concilia celebrari præter sententiam Romani Pontificis. Idem testatur Papa Julius *epist. ad Orientales Episcopos*, apud Athanasium *apolog. 2.* & Socratem *lib. 2. cap. 13.* & Sozomenum *lib. 3. cap. 9.* additque hunc Apostolorum canonem fuisse à Synodo Nicæna renovatum. Quod idem testificatur Synodus Alexandrina *epist. ad Felicem*, Damasus quoque Papa *epist. ad Stephanum*, & Concilium Africæ: *Nam ut nostis* (inquit) *Synodum sine Romana Sedis autoritate fieri, non est Catholicum: nec Episcopus nisi in legitima Synodo, & suo tempore Apostolicâ vocatione congregata definite damnari potest: neque ulla unquam Concilia rata leguntur, qua non sunt fulta Apostolicâ autoritate.* Hæc Damasus. Item Synodus septima Oecumenica *act. 16.* pseudo-Synodum reprobatur Constantinopoli habitam, eo quod inconsultâ Sede Apostolicâ celebrata fuerit. Denique in Romano Concilio sub Papa Symmacho, cum Theodoricus Rex convocatis Episcopis Italiæ diceret, se idem ipsos accivisse, ut causam Symmachi judicarent, responderunt universi, non ad Regem, sed ad Romanum Episcopum vocationem Concilii pertinere, quamvis ipse accusaretur Papa, neque acquiescere, nisi postquam Symmachus asseruit, suo rogatu Episcopos fuisse

Cap. LVI. Synod. Chalcedon. Oecumenica. 333
se à Rege convocatos , séque de novo Syno-
dum istam approbare.

Actiōe 2. recitata sunt Symbola Nicæ-
num , & Constantinopolitanum , lectæque li-
teræ Cyrilli, tum ad Nestorium, tum ad Joan-
nem Antiochenum, deinde Leonis Papæ ad
Flavianum. Et hac Leonis perlectâ epistolâ
Synodus acclamavit , *Petrus per Leonem loquun-
tus est , Apostoli hoc docuerunt.* Dioscorus qui
se subdlexerat , citatur reus ; at sibi conscius
flagitiorum , refugit se actionibus secundæ &
tertiæ sistere. Post tertiam compellationem ve-
nire recusans , accusatur , & judicatur absens.
Prolatis etiam Alexandrinorum testimoniis
circa devastatos ab ejus satellitibus & ministris
agros , incensas ædes & segetes , abreptas ab
eo multorum uxores , violatasque virgines,
fœdata connubia , aliæque atrocia facinora ;
has ob causas , simulque ob sceleratissimè per
eum gesta in Eutychis causa, damnatus à sacra
Synodo Dioscorus fuit , & dignitate spo-
liatus.

Episcopis verò Ephesinis veniam supplici-
ter orantibus , post editam ab eis convenien-
tem Fidei professionem , facile indultum fuit.
Ibas Edeßæ , & Theodoretus Cyri Episcopus
pristinis Sedibus , & Ecclesiis , quibus privâ-
rat eos Ephesina pseudo-Synodus, redintegra-
ti sunt. Fidesque unanimi omnium consensu
stabilita fuit ad normam epistolæ Leonis. De-
claratumque est , Dominum nostrum Jesum
Christum ex duabus distinctis naturis , divina,
humanaque , inconfusis , & impermixtis con-
sistere.

sistere : & divinitate quidem Deo Patri , humanitate nobis esse consubstantialem , ac per omnia nobis similem , excepto peccato. Marcianus Augustus, rebus jam à Synodo pacificè constitutis , ad sacrum Concilium accessit, cujus actioni sextæ interfuit , & cum eo Pulcheria Augusta , de omni Ecclesia optime merita. Ille verò dignam Imperatore Christianissimo & sapientissimo habuit orationem.

Denique peractâ actione 15. soluta est sacra Synodus , ex eâque recesserunt Comites , & Senatus, Legatique Apostolici. Sed Anatolius furtim congregatis Orientalibus , præter Ægypti Episcopos , & necdum creato Alexandrino in locum dejecti Dioscori , ad quem Episcopum maximè omnium pertinuisset ambitioni Anatolii obistere , canones tres adulterinos , & obreptitios edidit. Quorum primo constituebatur : Episcopum Constantinopolis, (eo quòd hæc civitas Imperii sede & Senatu decoretur , sitque secunda Roma) insistendo sanctioni Synodi Oecumenicæ Constantinopolis sub Theodosio seniore , æqualibus privilegiis cum veteris Romæ Episcopo potiri debere , atque secundum ab eo dignitatis locum tenere. Deinde Constantinopolitanæ Ecclesiæ ut Patriarchali debere subjici Ponti , & Asiæ , & Thraciæ Metropoles omnes. Sicque dirimebantur à veteri Diocesi Antiocheni Patriarchæ Pontus & Asia minor : Thracia verò adimebatur de jure Patriarchico Romani Episcopi. Tertius denique canon subdolè enunciat, fuisse à Synodo concessum Episcopis Ægypti,
ut

ut differrent sacræ Synodo subscribere, donec Alexandria creatus Episcopus esset, eo quod ita invaluisset apud eos consuetudo, ne quid inconsulto Alexandrino Antistite in causa omnibus communi agerent, aut subscriberent. Subscripserunt autem tribus hisce canonibus Anatolius, & Orientales, qui cum ipso conspiraverant.

Ubi fraus ista Legatis Apostolicis innotuit, novam ac decimam-sextam iniri sessionem obtinuerunt, in qua & reclamarunt adversus canones subreptitios adversantes Nicæni Conciliis sacris decretis, & contra normam legitimarum Synodorum furtim editos. Protulerunt insuper Leonis Episcopi commonitorium, qui quod futurum erat prælagiens, ita illis inter alia capitula mandaverat: *Sanctorum quoque Patrum constitutionem prolatam nulla patiamini temeritate violari, servantes omnimodis Personæ nostræ in vobis, quos vice nostra transmisimus, dignitatem. Ac si qui fortè civitatum suarum splendore confisi, aliquid sibi tentaverint usurpare, hoc quâ dignum est constantiâ retundatis.* Hæc Leo. Sanè commemoratus ille ab Anatolio Concilii secundi Oecumenici canon fuerat irritus, quia illum Legati Pontificii, & qui eos miserat Damasus, repudiarunt; adeò ut nec ipsi Orientales ullam ejus rationem habuerint, qui postmodum ad damnationem Joannis Chrysostomi Constantinopolis Episcopi, Theophilum Alexandria Patriarcham accersiverunt, ut quasi superior judicio Constantinopolitani Episcopi præsideret. Unde

● Pascha

Paschasinus ex Legatis unus, hæc subintulit: *Si usi sunt, quid requirunt? si non usi, quare requirunt?* Cæterum cum Græci ab iniquo proposito discedere recusarent, istud unum obtinuere Legati, ut sua protestatio in actis Synodi conscriberetur. Deinde Leo scriptis ad omnes Episcopos encyclicis literis, ea sola probavit Synodi decreta, quæ ad Catholicam Fidem pertinebant, aut quibus sui Legati subscripserant, cæteris rejectis.

Canon Chalcedonensis 3. Clericis interdicat alienas possessiones lucri causâ conducere, aliena negotia gerere, aut sæcularibus negotiis immisceri, exceptâ viduarum, aut pupillorum piâ causâ. Ita 2. Timot. 2. *Nemo militans Deo implicat se negotiis sæcularibus.* Et consonat Apostolorum canon 7. atque in Decreto tota dist. 88. cujus canon ultimus refert epistolam Cypriani, declarantis excludi Victorem à suffragiis fidelium & Altaris sacrificio, eo quod Presbyterum tutelâ onerasset. Huc spectat Decretalium titulus, *ne Cler. vel Mon. sacul. negot. se immisc.* Vide Ambrosium lib. 1. de offic. cap. 36. *Non te implices negotiis sæcularibus, quoniam Deo militas. Etenim si is qui Imperatori militat, à susceptionibus litium, actû negotiorum forensium, venditione mercium prohibetur humanis legibus, quantò magis qui fidei exercet militiam?* Hæc Ambrosius. Paria sancit Concilium primum Carthaginense can. 6. & Lateranensis canon allegatus in c. penult. de vita & honest. Cler.

Chalcedonensis canon 4. Manachos dam-
nat

nat : *σειόντας ἀδιαφόρως ἐν ταῖς πόλεσιν*, concursantes temerè per civitates. Cui similis est canon 42. Synodi Quinisextæ, coërceri jubens ab Episcopis Eremitas subjectionis jugo solutos, & vagos. Quod idem providetur quoque *c. quanto, de offic. jud. ordin.* & Francicâ constitutione Caroli IX. in Comitibus Aurelianensibus, *art. 11.* Idem præterea Chalcedonensis Canon quartus quibuscumque Monachis prohibet Ecclesias, vel Oratoria construere injussu Episcoporum, quibus etiam jubentur esse subditi & morigeri sub excommunicationis interminatione : mandat autem Episcopis ut Monasteriorum curam gerant. Similes juris antiqui dispositiones continentur in *c. nemo Ecclesiam, de consecr. dist. 1. c. autoritate, de privilegi. in 6.* & Justiniani *authent. de Ecclesiast. titulis, §. si quis autem* : & *authent. de Monachis, §. 1.* & speciali *authent. ut nullus fabricet domus Oratorii præter voluntatem Episcopi, §. 1.* Vide inferiùs etiam annotata ad Concilium Arelatense tertium. Concilium Agathense *can. 58.* Cellulas novas, aut congregatiunculas Monachorum absque notitia Episcopi prohibemus institui. Dixitque Bernardus Abbas *epist. 42. ad Henricum Senonensem Episcopum* : *Certus sum ego Monachus, & Monachorum qualiscumque Abbas, si mei quandoque Pontificis excutere à propriis cervicibus jugum tentavero, quod Satana mox tyrannidi me ipsum subijcio.* Ibidemque suum aperit sensum circa Pontificalia in Abbatibus insignia. *Abbatēs (ait) apertè indicant quid cogitent, dum multo*

338 *Notitia Conciliorum S. Ecclesiæ,*
tempore ac pretio Apostolicis adeptis Privilegiis,
per ipsa sibi vindicant insignia temporalia, uten-
tes & ipsi more Pontificum mitrâ, annulo, atque
sandaliis. Sanè si attenditur rerum dignitas, hanc
Monachi abhorret professio: si ministerium, solis
liquet congruere Pontificibus. Profectò esse deside-
rant quod videri gestiunt, meritoque non queunt
Episcopis esse subiecti, quibus jam se comparant
desiderio. Quid si & nomen eis conferre posset pri-
vilegiorum autoritas, quanto putas anro redime-
rent, ut appellarentur Pontifices? Quò ista, ô Mo-
nachi? ubi timor mentis? ubi rubor frontis? quis
unquam probatorum Monachorum tale aliquid aut
verbo docuit, aut reliquit exemplo? Ita Bernardus.
Hoc idem sancivèrè Patres Tridentini
sess. 23. de reform. cap. 3. his verbis: *Nec de ca-
tero similia loca erigantur sine Episcopi, in cujus
diœcesi erigenda sunt, licentia prius obtenta.*

Canon 6. vetat quemquam ordinari Cleri-
cum; nisi cum deputatione ministerii ad cer-
tam Ecclesiam. Consulito superius Nicænum
canonem 15. cum ibi annotatis.

Canon 9. observatu dignissimus est, quâ
parte decernit, ut qui adversus Metropolitenum
habet querelam, liberum ei sit iudicio experi-
ri, vel apud ἑξάρχον (ita Primatem Græci vo-
cant) vel apud Patriarcham. Quod idem repe-
ritur & in can. 17. Itaque supra Episcopos infi-
marum Sedium constituti quidem erant totius
Provinciæ Metropolitani, supra Metropolita-
nos Exarchæ, sive Primates, utpote pluribus
præfecti Provinciis: denique supra Exarchos
ac Primates eminebant Patriarchæ; sic tamen

ut

ut quæ inferioris gradûs Episcopo in proprios subditos competebat potestas & jurisdictio, nihil pateretur detrimenti ex Præsulum superioris gradûs autoritate; salvo tamen appellationum jure. Pari ratione Hormisda Pontifex summus *epist.* 1. Remigio Remensium Episcopo vices suas per universum Clodovei Regnum committens, & Sanctus Gregorius Papa jus idem attribuens Vigilio Arelatensium Episcopo, expressè protestantur, nihil velle detractum de pristinis Metropolitanorum singulorum in suas Provincias juribus. Ephesinus quidem in Asiana diœcesi, Cæsarensis in Pontica, Thessalonicensis in Macedonia & Illyrico, denique Perinthis (quam ut scribit Ammianus Marcellinus *lib.* 17. posteritas Heracleam dixit) Exarcha Thraciæ rexit Ecclesias antequam, hoc illi jus Byzantinus præripuisset Episcopus. Tales itaque Exarchi erant in Oriente Episcopus Ephesinus, Cæsarensis, Thessalonicensis, aliique quos commemorat Gelasius Cyzicenus *lib.* 2. *cap.* 27.

Notandum quoque ad hunc canonem, circa vocem Exarchi diœceseos, hoc nomen, *Diœceseos*, amplioris olim fuisse potestatis significationem, eo quod sub se plures Provincias complecteretur; quemadmodum & Archiepiscopi nomen, quod iis solis competebat Præsulibus, qui integræ alicui diœcesi, hoc est pluribus Provinciis præessent, nimirum Patriarchis, & Exarchis; tametsi Metropolitanus Episcopo nomen Archiepiscopi attributum etiam legatur in Synodo Sardicensi *can.* 6.

Resumito quæ superius diximus ad Constantinopolitani Concilii canonem 6. quo etiam decernitur, ut in Episcopi accusatione possit à Provinciali Synodo recurri ad Diocesis Synodum, utpote majorem. Simile planè sanxit Pelagianus *l. epist. 21.* ut à Metropolitana Sede, vel à Provinciali Synodo recurrendi potestas sit ad majorem Sedem, aut Synodum; ita tamen ut majores semper quæstiones ad Apostolicam Sedem referantur.

Canon 10. prohibet, Clericum ordinari in duabus simul Ecclesiis, aut ab una in aliam transire: quod si fecerit per gloriæ inanis, aut avaritiæ cupiditatem, statuit esse à secunda Ecclesia removendum, & ad priorem Ecclesiam reducendum; quod idem repetitur hujus Synodi canone 20. Quod spectat ad prohibitionem duarum simul Ecclesiarum (seu, ut vocant) beneficiorum ac præbendarum, eam innovat Synodus Nicæna secunda *can. 15.* quem inferius exquire, in eo enim fusiùs hanc pertracto quæstionem.

Canon 11. cavet, ne literas commendatitias pauperibus peregrinantibus Episcopi concedant, sed solum pacificas: reserventque commendatitias solis honorabilibus personis, quarum virtus perspecta, explorataque sit.

Canon 14. nuptias inhibet cum persona infideli & hæretica, nisi præmittat conversionem ad Catholicam fidem. Sic etiam Synodus Laodicensa *can. 20.* *Non oportet (inquit) eos, qui Ecclesia sunt, filios indiscriminatim cum hæreticis matrimonio conjungere.* Eodemque *can. 31.*

Non

Non oportet cum omni hæretico matrimonium contrahere, vel dare filios aut filias, sed magis accipere, si se Christianos futuros polliceantur. Concilium pariter Agathense can. 67. Quoniam (ait) non oportet cum omnibus hæreticis miscere connubia, & vel filios, vel filias dare, sed potius accipere; si tamen profiteantur Christianos futuros se esse & Catholicos. Citatur in Decreto, c. non oportet cum omnibus, 28. q. 1. præterea c. cave, 28. q. 1. Cave Gentilem, aut Iudaam, atque alienigenam, hoc est hæreticam, & alienam a fide tua, uxorem accersas tibi. Qui canon desumptus est ex Ambros. lib. 1. de Abraham, c. 9.

Canon 15. prohibet Diaconissam ordinari χειροτονεῖσθαι, ante annum quadragesimum; eandemque si post susceptam manuum impositionem ἀγαμέην τὴν χειροθεσίαν, se nuptiis tradat, anathematizat unà cum eo, qui eidem copulatur. En diversas ex antiquo manuum impositiones, ad Sacramentum Confirmationis, ad Sacramentum Ordinis, ad preces solennes supra Pœnitentes, ad absolvendos ac reconciliandos Pœnitentes, ad consecrandas Virgines aut Diaconissas, & denique ab Exorcistis supra energumenos, juxta Concilium Carthaginense quartum, canon. 90.

Cùm autem tam disertè Chalcedonensis iste Canon asserat consecrari Diaconissas per manuum impositionem, mirum alicui videri posset, tam manifestè à Synodo ista contradici Nicænæ primæ Synodi canoni decimonono, absolutè neganti suscipi manuum impositionem à Diaconissis, hisce diser-

tis verbis : ἐμνήσθημεν δὲ τῶν διακονιῶν , τῶν ἐν τῷ χρόνῳ ἐξετασθῶν , ἐπὶ μὲν δὲ χειρὸς θέσιν τινα ἔχουσι , ὥστε ἐξάπαντες ἐν τοῖς λαϊκοῖς αὐτὰς ἐξετάζειν : meminimus Diaconissarum quæ in habitu esse probantur , quod non habeant manus impositionem , ut omnimodè ipsæ inter laicas habeantur. Synodus Trullana *can. 14. & 40.* Diaconissas *χρηστονῶν* docet. Præterea refertur Apostoli Bartholomæi decretum , quo forma ista præscribitur ordinandi Diaconissas , ut Episcopus præsentem sacro Sacerdotum & Diaconorum Collegio illis manus imponat , adhibita solenni precatone , *lib. 8. constituit. Apost. cap. 19. & 20.*

Diaconissæ ordinabantur ad diversa in Ecclesiis obeunda ministeria. Cura namque & sollicitudo viduarum eis demandabatur. Constitutionum namque Apostolicarum *lib. 3. cap. 7.* præcipitur , ut viduæ obediētes sint Episcopis , Presbyteris , Diaconis , adhuc etiam Diaconissis. Eisdem sollicitudo incumbēbat fœminas catechizandi , & ad Baptismum denudandi , providendique , ne quid indecorum in earum Baptismo fieret , vel appareret , ut addiscimus ex Concilii Carthaginensis quarti canone 12. & ex *constituit. Apost. lib. 3. cap. 14.* Atque ex Epiphānio *hæres. 79.* iisdem cura , & præfectura januarum Ecclesiæ incumbēbat eâ parte , quæ fœminis solis excipiendis destinata erat : necnon eleemosynarum distributio , quas fœminis indigentibus conferri opus erat. Necesse quoque erat Diaconissas plerumque per Christianorum ædes concurrere ad multa christianæ

christianæ pietatis officia exercenda, & frequentes, quæ inter fœminas occurrunt, peccatorum occasiones explorandas, & amovendas, ut ex eodem libro 3. *constit. Apost.* passim liquet, præsertim *cap. 6. 7. & 15.* Itaque ut his ministeriis sanctè defungerentur Diaconissæ, manuum impositione, & solenni oratione inaugurarantur. Quæ tamen manuum ab Episcopo impositio ab ea differebat manuum impositione, quâ Diaconi consecrabantur: hæc enim erat Sacramentalis, & gratiæ per se, atque, ut loquuntur Scholastici, ex opere operato productrix, eisdemque à reliquis fidelibus secernebat: cum tamen illa Diaconissarum merè cæremonialis esset, nec eas à laicis eximeret. Sexus namque in fœminis indispensablem causat irregularitatem. Et hoc unum intenditur à Nicænis Patribus, dum canone 19. negant ordinari Diaconissas ipsâ manuum impositione, eo quòd non digrediantur extra laicorum classem. Porro Diaconissarum aliæ intra privatas ædes, aliæ in communibus & sacris asceteriis degebant, ut docet lex *raptorum*, *C. de Episc. & Cler.*

Chalcedonensis canon 16. statuit, non licere virginibus Deo consecratis, aut Monachis nuptias inire, & contravenientes excommunicat. Vide huc pertinentia 1. *Timoth. 5.*

Canon 19. edicit singulis annis Provinciales Synodos bis convocari. Vide superiùs Nicænum canonem 5. cum ibi annotatis.

Canon 20. prohibet Episcopis alterius Episcopi Clericum suscipere; alioqui tam Episco-

344 *Notitia Conciliorum S. Ecclesiæ,*
bus suscipiens, quàm susceptus Clericus com-
munionē interdicuntur. Vide superiùs Nicæ-
num canonem 15. idem statuentem, quæque
ibi observavimus.

Canon 24. prohibet fieri deinceps sæcularis
semel ab Episcopo consecrata Monasteria.

Canon 25. Episcopos sancit esse intra tri-
mestre ab electione consecrandos, citra casum
inevitabilis necessitatis. Quod idem constituit
pariter Concilium Tridentinum *sess. 23. cap. 1.*
quod inferiùs requirito. Vult autem Canon iste
Chalcedonensis, proventus Ecclesiæ viduatæ
penes Oeconomum ejusdem Ecclesiæ intactos
ac integros reservari. Viduatam *ἡνδύων* dicit
Ecclesiā, quæ licet electum, confirmatumque,
nondum tamen habet consecratum Antisti-
tem. Simili utitur locutione Pelagius Pontifex
dist. 100. c. quoniam, & Innocentius III. *c. inter
corporalia, de consecrat.* Illa (inquit) dicitur Ec-
clesia viduata, quæ licet Episcopum habeat,
inutilem tamen habet: non quasi sponsum non
habeat, sed quia sponsus ejus nondum sit conse-
cratus. Synodus verò Quinisexta *can. 35.* re-
lata apud Gratianum 11. q. 2. *c. non liceat,* san-
cit integros Ecclesiæ viduatæ fructus esse suc-
cessori Episcopo statim ab ipsius ordinatione,
seu consecratione persolvendos. Quod idem
præscribit S. Gregorius Papa *lib. 2. epist. 25. 26.
& 27. & lib. 3. epist. 11.* In regno tamen Fran-
ciæ ex vetusta consuetudine, quæ Regaliorum
jus dicitur, omnes redditus, fructusque Ca-
thedralium Ecclesiarum & Abbatiarum, ne
quidem exceptis præbendis vacantibus, qua-
rum

rum conferendum plenam potestatem haberet Episcopus, ad ipsius Regis non quidem dominium; semel enim Deo dicatum non est ad humanos usus transferendum, *c. semel Deo dicatum, de reg. jur. in 6.* sed ad dispositionem (modò profana non sit) transeunt, donec Episcopi, aut Abbates de novo provisi Regi fidelitatem juramento obstrinxerint. Redditus istos solet Rex Sacello Parisiensi donare. De præbendis autem eo tempore vacantibus, pleno jure disponere solet in favorem cujuscunque ipsi libuerit. Regalis hujusce juris antiquitas liquet ex iis diplomatis, quibus aliquot Ecclesiæ Gallicanæ ab hac servitute eximuntur, qualia refert permulta Renatus Chopinus *lib. 1. de sacra politia annorum 1137. 1206. 1208.* aliaque.

CAPUT LVII.

Diatriba de veterum Ecclesiarum situ, partibus, & forma.

CHalcedonenſis Concilii actione 1. refer-
tur magnificos, & gloriſſimos Judices,
& Senatores Synodo interfuiſſe, atque in me-
dio conſediſſe inter cancellos ſanctiſſimi Alta-
ris, ut ſuperius relatum eſt. Ad ſiniſtram verò
conſediſſe Apoſtolicos Legatos, & poſtea Ana-
tolium Conſtantinopolis Episcopum: à dex-
tris autem Dioſcorum Alexandriæ, & Juvena-

Iem Jerosolymorum Episcopum. Hæc nobis occasionem suppeditant pertractandi de prisca, tam Orientalium, quàm Occidentalium Ecclesiarum dispositione. Illarum itaque quatuor ut plurimum partes erant. Prima pars, Græcis dicta *πρόναον*, erat vestibulum, arcubus aut columnis suffultum, quod primum subeuntibus occurrebat. Hic statio erat primi ordinis Pœnitentium, qui *πρσκλησίτες*, hoc est flentes dicebantur, quique ingressu Ecclesiæ interdicti, hoc ipso loco & statu versabantur, qui Græcè *πρόσκλησις*, id est fletus, vocabatur, dicente Gregorio Neocæsareensi *can. pœnit. 11. ἡ πρόσκλησις ἐξο τῆς πύλης τῆ ἐκκλησίᾳ*: fletus est extra portam Oratorii. Qui ritus servabatur etiam dum vel in cœmeteriis, vel in privatis ædibus Collectæ fidelium celebrabantur, deserviente Gentilium persecutione. Secunda pars Ecclesiæ dicebatur *ναῶς*, navis, seu gremium. Hæc pars muro vel tabulato in duas per longitudinem partes secabatur usque ad locum, qui Græcis *ἄμβον*, Latinis pulpitum appellabatur. Ad eam, quæ ingressuris sinistra erat, partem fœminæ, ad dexteram viri conveniebant. De ista sexuum sejunctione agit Clemens *lib. 2. Constitut. Apost. cap. 61.*

Prima navis pars, quæ ingredientiæ primùm suscipiebat, *νάρθηξ*, narthex denominabatur, ubi statio assignata erat Pœnitentibus secundi ordinis, qui *ἀκρώμενοι*, audientes dicebantur; locusque ipse *ἀκρόασις*, auditio, eodem Neocæsareensi testificante, *ἡ ἀκρόασις ἐνδοθι πύλης ἐν τῇ νάρθηκι*; auditio intra januam in narthece.

thece, Ista namque nomina *fletus*, & *audientio*, non solum Pœnitentium ordinibus, sed etiam assignatis eis locis tribuuntur. Dein ulterius, sed tamen intra narthecis spatium, siti erant Catechumeni, & Energumeni. Qui omnes finita ad populum homilia, quæ post lectum in Missa Catechumenorum Evangelium pronuntiari solebat, completisque quibusdam solennibus super ipsos orationibus, quarum meminit Laodiceus canon 19. foras unâ cum Pœnitentibus, Audientibus, & Prostratis, Diacono proclamante dimittebantur; non enim eis licitum erat sacris interesse mysteriis.

Navem exinde penitiùs subeuntibus occurrebant hinc inde transversi parietes, unus ex virorum, alter ex fœminarum latere: quibus in parietibus portæ erant, quarum præfectura ex parte virorum incumbebat Clericis Ostiariis, ex parte fœminarum Diaconissis. Has ingressis portas illa pars navis occurrebat, ad quam conveniebant Pœnitentes illi, qui peculiariter *ὑποπιπύμενοι*, id est Prostrati vocabantur, ideòque *ὑπόπτιν*, id est prostrationem, collocat Gregorius Neocæsarensis, *ἔσθθιν τῆς πύλης τῆς ναῦ*, intra portam navis. Ulteriorem stationem occupabat alter Pœnitentium ordo, qui *ὑνεστάτες*, Consistentes dicebantur. Hi soli ex Pœnitentibus divinis mysteriis ad finem usque assistebant, nec tamen sacramentalis communionis participes erant. Istos omnes antecedeabant Communicantes fideles, inter quos provectiore & intimo navis loco versùs Sanctuarium, ex parte virorum Monachi, ex parte fœminarum

scæminarum Sanctimonialiales virgines , aut viduæ Deo dicatæ locabantur , ut fidem facit in Hierarchia Ecclesiastica Dionysius. Per navem hinc inde producebantur porticus cum arcubus , aut columnis ; quod genus porticum vocant Alas. Intra porticus inferebantur cubacula ad secretius orandum destinata , ut Paulinus commemorat *epist. 12. ad Severum*. Ista cubacula erant Sacella , in quibus etiam Altaria erigebantur.

Tertia Ecclesiæ pars Ambon dicebatur, seu Chorus muro circumseptus, ad quem per gradus aliquot ascendebatur. Situs erat Ambon inter Navim, quæ & Gremium dicebatur , ipsumque Sanctuarium. Suas Ambon habebat hinc inde inferius alas. Ex ambone Clerici Ordinum inferiorum psallebant , juxta Laodicensi Concilii canonem 15. & Carthaginensis quarti canonem 10. & præscriptum Romani Concilii anni 595. sub sancto Papa Gregorio. Ibi quoque decantabatur à Diacono solemniter in sacra Missa Evangelium : proclamabantur præterea Episcoporum edicta, jussiones & censure : hæc recitabantur ex Diptychis Fidelium tum viventium , tum defunctorum nomina: insuper à Lectoribus Clericis legebantur ad plebem sacri Libri, inde pariter Homiliæ ad populum habebantur. Superfunt Romæ integri duo vetustissimi Ambones : unus in Ecclesia sancti Clementis Papæ & Martyris ad Amphitheatrum , alter in Ecclesia Sanctorum Martyrum Nerei , & Achillei : prior quidem Ambon duo continet pulpita, singula in utroque

que latere cohærentia, cùm tamen Sanctorum Nerei & Achillei Ambon unicum habeat pulpitum, idque à se disjunctum, & muro navis cohærens, sed perinde antiquum.

Quatuor ut plurimum erant in ambonibus portæ, ex quibus geminæ navim spectantes vocabantur *ἀρχαὶ* speciosæ, aliæ geminæ aditum ex ambone ad Sanctuarium aperientes, dicebantur *ἀγίαὶ πύλαι*, portæ sanctæ. Istarum cura & custodia Subdiaconis incumberebat, quibus prohibent Laodiceni canones 21. & 22. ab his januis discedere, atque in Sanctuarium, aut Diaconium se ingerere.

In Ecclesiis Græcorum locus erat Amboni, & Sanctuario intermedius, qui nunc *Ὡλήσιον*, nunc *Ὡλήσιος* legitur appellatus, aut *Ὡλήσιον*; eratque ipso ambone seu choro gradus aliquot altior. Atque eousque procedebant ad Eucharisticam communionem illi qui Sanctuarii prohibebantur ingressu, scilicet quicumque fidelium non erant de sacro Clero, vel ipsi etiam sacri Clerici, qui ob aliquam culpam redacti fuerant ad laicam communionem. Solea itaque interjacebat inter ambonem & Sanctuarii cancellos, in quibus cancellis apud Græcos erant sacræ portæ. Mihi quidem adhuc incompertum est, utrum tempore hujus Chalcedonenſis Concilii Senatus, qui ante cancellos confidebat, eſſet intus, an extra cancellos, in Sanctuario, an in Solea. Utrobique enim dici potuit fuiſſe ante Sanctuarii cancellos. Ipsos verò Episcopos statim magna ex parte, quantum locus capere poterat, non dubitarim confediſſe intra Sanctuarium.

Quare

Quarta demùm Ecclesiæ pars diversimodè vocabatur: apud Latinos quidem Sanctuarium, Secretarium, Tribunal, Sancta Sanctorum: apud Græcos autem ἱερτεῖον, ἱερὸν βῆμα, τὰ ἅγια τῶν ἁγίων, ἀγιασθήτειον, θυσιαστήριον. Erat verò pars Ecclesiæ sacratissima & penitissima. Hujus in medio situm erat sub Tabernaculo Altare primum, in quo Sacerdos sacrum faciens stabat facie ad populum conversâ. Quo etiam situ plerâque Romæ adhuc visuntur Altaria præcipua, nimirum quinque singularum Basilicarum præcipuarum, quæ Patriarchales nuncupantur, Lateranensis, Petri in Vaticano, Pauli ad viam Ostiensem, Sanctæ Mariæ Majoris in Esquilis, & Laurentii in agro Verano; & præterea Cæciliæ trans Tyberim, & Sabinæ, & Alexii, & Pancratii, & Eustachii, & Nerei & Achillei.

Tabernaculum superpositum Altari primario erat fornix lapidea, aut ex metallo, quatuor suffulta columnis, qualis etiam nunc visitur in Altaribus jam denominatis, cui nomen præterea Ciborii Græcè, Latinèque tribuebatur, ut passim legimus in libro Pontificali Anastasii. Germanus similiter Constantinopolis Episcopus, κιβώριον istud describit, & quatuor columnis, superimpositâ testudine, seu laqueari, constare scribit, ita ut quatuor columnis Altare ambiretur, testudine verò supernè operiretur. Quin & huic voci Græcam etymologiam assignat ἀκίς, seu κίς ὡς τε, id est arca, & ὥραν, quod est videre, quasi sit arca visionis, seu manifestationis Domini Salvatoris.

Cap. LVII. De veter. Eccl. situ & forma. 351

ris. Latini verò à cibo deducunt, idest vivifico Eucharistiæ pane, quo nutrimur ad vitam æternam. Simili modo sacri vestitus laciniam vocant Orarium Græci, Latinique; isti quidem ab oratione, illi ab ὡρᾶν, quod est observare, ut ait Balsamon Græcus Scriptor, eo quòd hujus elevatione ad Clerum, seu chorum Diaconus Sacrificio administrans signum decorum, quæ à choro vel agenda, vel psallenda sint, ideòque diligenter observetur à choro. Atque hunc apud Græcos significandi per Orarii elevationem ritum à Diacono ad chorum se vertente, perspeximus in solennibus Liturgiis, quæ Romæ à Græcis celebrantur in Basilica sancti Athanasii.

Sanctuarium undique per circuitum obsepiebant cancelli, quorum mentio est in hac Synodo Chalcedonenfi, Eusebius etiam *lib. 10. hist. Eccl. cap. 4.* loquens de structura Basilicæ Tyri, à Paulino Tyrriorum Episcopo dedicata: *Locus (ait) Sanctuarii in speciem quadratam columnis sublimibus est undique circumseptus, quarum media intervalla interstitiis ligno instar retis, aut transfenna cancellatis, in mediocrem & aquabilem longitudinem porrectis circumclusa.* Additque Altare in Sanctuarii meditullio situm esse.

Idemque scribit in primo hujus Templi ingressu fuisse fontes, quibus abluerent se ingressuri, additque Templi portas spectasse ad orientem Solem. Igitur Sacerdos ex Altari facie ad populum versa spectabat Orientem. Idemque Author *lib. 3. vite Constantini*, c. 36. describens fundatam

fundatam à Constantino Ecclesiam in ipso Dominicæ Resurrectionis loco, tres ejus portas dicit positas ad ortum fuisse: & subinde cap. 37. *Istis (ait) portis ex adverso erat fornix orbis dimidiati, & cæli circuli speciem adumbrans, in summo Sanctuario in orbem ductus, quem duodecim columna Salvatoris Apostolorum numero pares tanquam corona cingebant.* Hæc Eusebius. Templi quoque Salomonis anterior facies prospexit Orientem, ut multis locis tradit Josephus, & ex eo Franciscus Ribera *in opere suo de Templo Judaico.*

In Sanctuario præter intermedium Altare geminæ hinc inde mensæ collocatæ erant, quales etiam nunc marmoreæ conspiciuntur in Sanctuario commemoratæ Martyrum Nerei & Achillei Ecclesiæ. In ea quæ ad lævam erat, reponebantur Vasa sacra cum suis velis, simulque panis partim Consecrationi, sacræque Communioni destinatus, partim Eulogiis post Synaxin distribuendis. Mensam istam Græci *ἐπίθεσιον*, id est propositionem, & *διακόσιον* vocant, cujus accessum Subdiaconis interdicat, necnon sacrorum Vasorum contactum Synodus Laodicensis *can. 21.* In altera ad dexteram erecta mensa reponebantur sacra Episcopi, aut Sacerdotis sacrificaturi vestimenta.

Per interiorum Sanctuarii circuitum dispositæ erant exedrae pro Sacerdotibus, & his sublimior Cathedra Episcopalis in medio ac imo Sanctuarii hemicyclo ex adverso Altaris, adeo ut sedens Episcopus, & Altare, & populum rectè prospiceret. Hujusmodi cernitur solum
in

in illo Sanctorum Nerei & Achillei Sanctuario, ex quo olim S. Gregorius Papa, ut ipse de se perhibet, sermonem ad populum habuit. Propter quæ venerandæ antiquitatis vestigia sedulo admonuit, insculptis marmoris literis, nunquam satis laudatus ejusdem titularis Cardinalis Cæsar Baronius, ne quis posthac istius Ecclesiæ speciem immutaret, aut lapidem moveret; cujus etiam curam atque ministerium Sacerdotibus Oratorii Sanctæ Mariæ dictæ in Vallicella, fecit attribui. Ista verò Pontificia sedes tribus est elevata gradibus supra contiguas hinc inde dispositas marmoreas exedras. De cathedra Episcopi sic scribit Augustinus in Psal. 126. *Quomodo vinitori altior locus sit ad custodiendum vineam, sic & Episcopis altior locus factus est, & de isto alto loco periculosa redditur ratio.* Liturgia quoque Chrysostomi sedem Episcopi vocat τὴν ἄνω καθίδραν, quæ sursum est cathedram. Clemens lib. 2. const. Apost. cap. 69. similiter dicit, in medio Sanctuarii sedere Episcopum (id est in medio penitioris parietis qui Sanctuarium à tergo ambit) & Clerum sacrum ad ejus utrumque latus sedere.

Verumtamen ex ista Cathedra, quæ divinis Officiis inserviebat, non sermocinabantur Episcopi ad populum, neque ex ambone, nisi minores Sacerdotes: sed quando Antistes habiturus erat sermonem ad plebem, apponebatur ei cathedra supra celsiorem Altaris gradum è regione navis. Eaque consuetudo vigebat tum in Orientalibus, tum in Occidentalibus Ecclesiis. Gregorius enim Nazianzenus

orat. 150. ait se concionante cancellos vim passos à confluente multitudine avida verbi Dei, καὶ ἡ βιαζομένη κυκλὶς αὐτῇ τοῖς πρὸς λόγον ἀβιζομένοις. Cancelli autem intra ambonem erant Sanctuarium circumsepientes. Et de Chrystomo Socrates prodit quasi rem illi à cæteris Episcopis peculiarem, quò facilius audiri ab universa plebe posset, accedere solitum ad ambonem, ut inde concionaretur. Prudentius verò in carmine de Hippolyto martyre, ubi ejus Basilicam describit, ita canit :

Fronte sub adversa gradibus sublime tribunal

Tollitur, Antistes prædicat unde Deum.

Et Sidonius Apollinaris in carmine Eucharistico ad Faustum Episcopum, ait :

Seu te conspicuis gradibus venerabilis ara

Concionaturum plebs sedula circumfistit,

Exposita legis bibat auribus ut medicinam.

Suprà memoratus Clemens meminit duorum, ut appellat, *Pastophoriorum*, quæ solebant intra Ecclesias exstrui : quorum pariter mentio est apud Paulinum sub nomine *secretariorum*, quæ dicit esse ad absidem, *in epist.* 12. *ad Severum*. Cum verò absis peculiariter diceretur fornix, seu arcus ipsum Sanctuarium superne coronans, colligitur inde duo illa pastophoria, seu secretaria fuisse ad utrumque Sanctuarii latus collocata, quorum unum inserviebat ad recondendam (ut aliquibus visum est) sacratissimam Eucharistiam ; aut, ut est aliorum opinio, erat ipsa, quæ nunc vocatur Sacristia, & olim Secretarium : quod nomen attribuebatur

tribuebatur quoque Sanctuario, ut diversis testimoniis paulò post comprobabitur. Græcè quoque Sacristia vocari solebat *Κυδοφυλάκιον*, & cui ejus cura incumberebat, Græcè *Κυδοφύλαξ*, Latinè Sacrista, custos, & ædituus. Alterum pastophorium ac secretarium inserviebat recondendis sacris & Ecclesiasticis libris: testatur enim Paulinus se, quod ad lævam erat secretarium, hoc inscripsisse disticho.

Si quem sancta tenet meditandi in lege voluntas

Hic poterit residens sacris intendere libris.

Antequam vetus Vaticana Basilica renovaretur, qualis nunc cernitur, erat in ea juxta Sacristiam à latere Confessionis Apostolorum Petri & Pauli Bibliotheca ipsius Basilicæ, ut constat tum ex ipsius veteris Ecclesiæ ichnographia æri incisa, tum ex libro Joannis Severani de septem Urbis Ecclesiis. Idemque Paulinus de altero Secretario ad Templi dexteram à se descripti sito, testatur à se positum in eo aliud distichum:

*Hic locus est veneranda penus, quo conditur,
& quo*

Promitur alma sacri pompa ministerii.

Locus itaque, quo sacra recondebatur Eucharistia solebat antiquitus ut plurimum esse armarium ad latus Sanctuarii, ut colligi potest ex prædicta mentione Pastophoriorum & Sacrariorum, seu secretariorum, apud Clementem, & Paulinum. Concilium Turonense secundum canon. 3. prohibet in imaginario ordine com-

poni corpus Domini, sed constituit in Altari reponi sub Crucis titulo. Poterat esse locus aptè dispositus in illa crucis mediana parte, quâ se duo ligna committebant, ut ita verum Christi corpus esset loco imaginis Crucifixi. Aut certe titulus Crucis pro ipsamet Cruce hoc loco usurpatur, ut velit Synodus Eucharistiam recondi intra loculum in Altaris medio sub Cruce ipsa.

Alibi Sacramentum reponi, & asservari solebat intra suspensam supra sacrum Altare columbam ex auro vel argento, ut colligitur ex supplici libello, quem Oecumenicæ Synodò quintæ obtulerunt Clerici, & Monachi Antiocheni, *act.* 1. querentes de Severo pseudo-Patriarcha hæretico, eumque accusantes, quod aureas columbas super Altaria suspensas, & alias argenteas super Baptisteriorum Fontes ausu sacrilego diripuisset. Legimus in Basilii vita, quæ Amphilochio falsò ascribitur, columbis argenteis includi solitam fuisse in Templis atque asservari Eucharistiam. Qui ritus suspendendi vasculo divinam inclusam Eucharistiam, quæ serico funiculo nunc elevabatur, nunc demittebatur ad populum communicandum, in aliquibus primariis Galliarum Ecclesiis ad nostram perduravit ætatem, sed jam inolevit. Extat Venentii Fortunati carmen de turri, quam Felix Bituricensis Præsul ex auro fabricari curaverat ad condendum in ea divinum Sacramentum. Is verò Felix Synodò isti Turonensi secundæ legitur subscriptus. Asservatæ in Templis Eucharistiæ suppeditat exemplum

ut

Cap. LVII. De veter. Eccl. situ, & forma. 357
(ut alia omittam) Optatus Milevitanus *lib. 2. contra Parmenianum*, in illo Donatistarum scelere, qui factâ in Catholicorum Ecclesiam irruptione, depromptum inde sacratissimi Domini Corporis Sacramentum canibus devorandum projecerunt; sed canes ultrici dente, atque efferatâ rabie non Eucharistiam, sed sacrilegos dilaniarunt. Clemens Papa *epist. ad Iacobum fratrem Domini*, meminit pariter asseruationis fragmentorum divini Sacramenti intra Sacrarium.

Ut unde digressi sumus, regrediamur ad Secretarium, eâ quidem voce res diversæ significantur. Primum enim apud Jurisperitos usurpatur pro secreto iudicis auditorio, ubi seorsum tum partes, tum testes audiebantur, & lis seu causa occultè instruebatur ac discutebatur. Apud Ecclesiasticos verò Scriptores diversa connotat; nunc ipsum conclave, in quo vasa sacra, & alia ad sacrificium spectantia, omnisque ad Templi cultum & ornatum pertinens supellex asservatur: nunc etiam illam Sanctuarii partem, in qua vasa, velaque, & indumenta sacra ad sacrificium decenter appabantur: nunc demum pro toto ipso Sanctuario usurpatur. Nam ut ordiar ab hac ipsa Synodo Chalcedonensi, Liberatus Diaconus in *Breviario cap. 23.* vocat secretarium Ecclesiæ sanctæ Euphemiae, locum in quo Synodus ista congregata fuit. Gregorius Papa *lib. 2. epist. 54.* Ecclesiæ Sanctuarium similiter secretarii nomine designat. Quod idem exprimunt complurium Conciliorum priscorum Acta: tertium

358 *Notitia Conciliorum S. Ecclesiæ*,
 enim Carthagine habitum initio inscribitur,
In Secretario Basilica restituta. Et quartum Car-
 thaginense similiter *in Secretario* : & sextum
 Carthaginense *in Secretario Basilica Fausti* : &
 septimum Carthaginense, *in Secretario* quoque
Basilica restituta : & Milevitanum *in Secretario*
Basilica : & Africanum plenarium *in Secretario*
Basilica : Cæsaraugustanum *in Secretario* : Are-
 latense secundum *can. 15*. disertè Secretarium
 nominat ipsum Sanctuarium.

• Similiter vox βῆμα, duplicem habet Eccle-
 siasticam significationem, secluis ejus aliis
 apud profanos significatis. Nam præterquam
 quod Sanctuarium communiùs significat, usur-
 patam lego & pro Ambone : vocis quippe ori-
 go ac etymon locum denotat, ad quem per as-
 censum pertingitur, παρὰ τὸ βαίνειν : atqui &
 ad Ambonem, & ad Sanctuarium gradibus
 conscendebatur, unde ambon παρὰ τὸ ἀναβαίνειν,
 ab ascendendo. Ideoque Gregorius Nazianze-
 nus *invektiva 1. in Iulianum*, postquam memi-
 nit hunc apostatam, ac militiæ Christianæ de-
 fertorem, fuisse olim in Ecclesia Clericum Le-
 ctorem, subjungit, καὶ τὸ μὲγαλόν βῆμα ὃ ἡγιά-
 μενον πῦν, loquens de ambone, ex quo intra
 Ecclesiam legerat. Et forsan μέγα βῆμα, ut hîc
 loquitur Nazianzenus, ambonem propriè de-
 notabat, sicut ἄγιον βῆμα, soli quadrat Sanctua-
 rio, quò nullatenus Lectoribus, aut Clericis,
 necdum sacris, licebat tempore divinorum
 Officiorum accedere.

Quam rem perspicuè docet Laodicens Syn-
 nodi canon 19. quo solis permittitur sacris Cle-
 ricis

ricis Sanctuarium ingredi, & ibi communicare. Quæ utique ne ipsis quidem Subdiaconis licere declarat eadem Synodus *can. 21. & 22.* Concilium verò Bracarense primum *can. 1.* *Placuit intra Sanctuarium Altaris ingredi ad communicandum non liceat laicis viris, aut mulieribus, nisi tantum Clericis; sicut antiquis Canonibus statutum est.* Ex illo Concilio Bracarense, & ex secundo Turonensi *can. 4.* apparet aliquid in Occidentalibus Ecclesiis remissum de illa veteri Orientalium disciplina, cum hi canones occidentales à Sanctuario solos laicos arceant, & Clericos indiscriminatim admittant. Porro præfatus canon 4. Turonensis secundæ Synodi sancit, *Vt Laici secus Altare, in quo sacra mysteria celebrantur, inter Clericos, tam ad vigiliæ, quam ad Missas stare penitus non præsumant; sed pars illa, quæ à cancellis versus Altare dividitur, choris tantum psallentium pateat Clericorum: ad orandum verò, & communicandum laicis, & fœminis, sicut mos est, pateant Sancta Sanctorum.* Hæc tamen postrema canonis verba prioribus apertè contradicerent, nisi hoc sensu exponas, patere laicis, & fœminis Sancta Sanctorum, reductis ad prospectum velis temporibus orationi, aut mysticæ communioni destinatis, sed non ad introgrediendum.

Baptisterium solebat esse non intra, sed extra Ecclesiam; ut fidem facit Paulinus, qui præfatâ sæpius epistolâ 12. refert Baptisterium à se inter duas Basilicas exstructum. Cyrillus pariter *Catech. mystag. 1.* solitum construi testatur Baptisterium extra Basilicas ad vicina

ipsis atria *ἐν προαύλιον οἶκον*. Et sanè ipsi Baptismatum ritus, quos ibidem describit, illud necessariò præsupponunt. Horum prisca monumenta quibusdam supersunt in locis, ut Romæ ad Lateranensem Basilicam Baptisterium Constantinianum, & in primariis Tusciæ civitatibus, Pisis, & Florentiæ Metropolitanarum Ecclesiarum Baptisteria sejuncta nunc quoque cernuntur ab ipsis Ecclesiis.

Seriùs in Ecclesiarum usum receptum fuit, ut Fidelium cadavera intra Templorum ambitum sepelirentur, præterquam eorum, quos Ecclesia publico cultu veneratur. Reliquorum autem fidelium in publicis cœmeteris, aut atriis Templi condebantur: Episcopos tamen in ipsis Ecclesiis tumulari mos fuit, ut testatur Sozomenus *lib. 2. cap. ult.* in quo scribit quoque Magnum Constantinum fuisse in Ecclesia Constantinopolis sepulchro conditum, quam ipse idem in memoriam & cultum sanctorum Apostolorum exstruxerat. Verùm non in alia Tépli parte sepultus est Constantinus, quàm in vestibulo; quod idem censendum pater existimo de Episcopis. Liquet verò ex Chrysostomo *homil. 26. in 2. Corinth.* sic loquente: *Constantius Augustus Constantinum Magnum ingenti honore se affecturum existimavit, si in vestibulis collocaret Piscatoris; quod enim in Regiis janitores sunt Regibus, id in sepulchro Reges sunt Piscatoribus: & praeclare secum agi putant si janna ipsis assignetur vestibularis.* Concilium Bracarense primum anni 572. *can. 36.* prohibet intra Basilicas sepeliri Fidelium cadavera. Insuper Concilium Varense

Varense citatum in Decreto, *6. precipiendum*, 13. *quæst.* 2. jubet extra Ecclesias sepulturæ mandari Fideles defunctos, sed vel in porticu, vel in atrio, vel in exedris, quo nomine hîc intelligito loca illa, quæ vulgò Claustra dicuntur. Simile injungit Concilium Triburiense *can.* 17. allegato à Gratiano *c. nullus laicus, de consecrat. dist.* 2. Idem jus edicitur pariter *l. 2. C. de Sacros. Eccl.* Scripsit tamen ad Paulinum Nolanum Episcopum Augustinus libellum *de cura pro mortuis gerenda*, ab ipso Paulino interpellatus, à quo petierat pia quædam Matrona, ut permitteret defuncti filii corpus in sancti Confessoris Felicis Basilica deponi; sic autem respondet Augustinus: *Quod verò quisque apud memoriam Martyrum sepelitur, hoc tantum mihi videtur prodèsse defuncto, ut commendans eum etiam Martyrum patrocinio, affectus pro illo supplicationis angeatur.* Nullum tamen de hujuscemodi sepultura consilium Paulino suggerit Augustinus. A Gregorii Papæ sæculo jam invaluerat consuetudo intra Ecclesiam sepeliendi, ut constat *ex lib.* 2. *Dialog.* *c.* 23. & *lib.* 4. *cap.* 51. 52. 53. 54. Perhibet Gregorius Turonensis Clodoveum primum Christianum Francorum Regem (qui anno Christi 511. obiit) sepultum fuisse in Sanctorum Apostolorum à se fundata Basilica: fortasse verò id attributum fuit prærogativæ Regalis dignitatis. Denique fontes etiam pro foribus Ecclesiarum extrui solitos, in quibus ingressuri fideles faciem, manusque abluerent, fidem faciunt antiqui Patres, Clemens Papa *lib.* 8. *constit.*

362 *Notitia Conciliorum S: Ecclesiæ,*
Apostol. c. 58. Tertullianus de oratione cap. 11.
Eusebius lib. 10. Hist. Eccl. c. 4. Paulinus epist. 12.
ad Severum, Chrysostomus homil. 72. in Ioan.
 & alibi. Quorum fontium vice nunc apponun-
 tur in ipso Ecclesiæ aditu vasa benedictæ aquæ;
 sicut in templis Gentilium ingredientibus lu-
 strales aquæ aspergebantur; ut (ne extra Ec-
 clesiasticos libros pedem efferamus, nec testi-
 monia conquiramus ethnicorum) refert Theo-
 dorus *lib. 3. Eccl. hist. cap. 3.* & Sozomenus
lib. 6. cap. 6. dum præclaram Valentiniani (qui
 postea Romano potitus est Imperio) confessio-
 nem sub Juliano factam referunt. Opportuni
 erant illi pro foribus Ecclesiarum constitu-
 ti fontes, præsertim viris communicaturis;
 ut manus lavarent, quibus Sacramentum
 excepturi erant. Ideò enim admonet Au-
 gustinus *serm. 152. de temp.* ut viri manus
 abluant priusquam ad sacram Communionem
 accedant. Illam enim fœminæ non nuda ma-
 nu, sed linteo, quod *Dominicale* dicebatur,
 excipiebant; ideòque non eis necesse erat ma-
 nus ablueri.

C A P U T L V I I I.

Concilium Arelatense III.

Quarto à Synodo Chalcedonensi anno, &
 Christi epoche 455. sub Leone I. Papa,
 coëgit Arelatense Concilium Ravennius Are-
 later.

lates Episcopus in causa Theodori Episcopi, qui dum jurisdictionem & visitandi jus in Lirinense Monasterium exequi vellet, obistente Abbate Fausto repulsus est, qui, ut dicit Sidonius Apollinaris carmine ad ipsum Faustum, Maximi successor bis fuit, primum in Abbatia Lirinensi, postremò in Episcopatu Regienfi Provinciæ Narbonensis secundæ; quique Semipelagiani dogmatis præcipuus propugnator extitit, cujus ob eam causam libros damnavit Romana Synodus sub Gelasio I. Grave scandalum ex illo Monachorum cum Episcopo conflictu obortum est. Rogatur à Concilio Theodorus, ut hanc offensam Fausto condonet: deinde hic sapienter ab Episcopi juribus discernuntur Abbatis jura.

Statuitur igitur, ut Clerici Monachi à nullo quàm à Theodoro, ejusque successoribus ordinari valeant; atque ab eo solo Chrisma requirant, Confirmationis Sacramentum ab eo solo suscipiant; Peregrini Clerici nulli citra ejus arbitrium, ad communionem & Ecclesiasticum ministerium admittantur; Laici porrò Monachi ad solam Abbatis directionem regimenque pertineant; nec eorum quemquam Episcopus in Clerum, vel ad Ordines promoveat, nisi Abbate id postulante. Requiere superius canonem 4. Chalcedonensem cum ibi annotatis, quibus & ista, quæ sequuntur, adjicimus.

Veterum etiam Monachorum sub Episcopis subjeccio, non tantum astringitur canone Chalcedonensi, aliisque testimoniis, quæ illic congeffi

364 *Notitia Conciliorum S. Ecclesie,*
congressi, ut Dionysii *Eccles. Hierar. cap. 6.* Bernardi Abbatis, aliisque, sed etiam Papæ Adriani II. *epist. 27. ad Carolum Calvum Francorum Regem*, his verbis : *Omne Monasterium in potestate Episcopi consistere debet, juxta Canonicam auctoritatem. Et quia hoc est transgressum, ideo plurima Monasteria habentur destructa.* Quod idem verbis eisdem repetitur ejusdem Papæ ad eundem Regem *epist. 30.* Concilii quoque Aurelianensis primi canon 21. statuit, *Abbates subesse Episcoporum auctoritati ac potestati, & ab iis, si deliquerint, esse corrigendos.* Hæc verò non à me ideo adducuntur, ut exemptionibus obstitam, quas posterioribus sæculis Regulares à Suprema Sede impetraverunt ; sed ut meum prosequar toto hoc opere institutum, veteres Ecclesiæ ritus, canones, & instituta indagandi, ut dignoscant Lectores qualis fuerit prior, aut posterior Ecclesiæ multis in rebus disciplina. Quia tamen gravissimè disceptabatur, quatenus pertingerent Regularium immunitates, cum isti eas ultra præscriptos limites proferrent, has singillatim controversias diremit, definivitque accuratissimè Gregorii Papæ XV. constitutio, quæ incipit, *Inscrutabili.* Ad quam, ut normam inviolabilem subsequentes Summi Pontifices Urbanus VIII. Innocentius X. Alexander VII. & Cardinalium Congregationes de Regularibus, cum eadem concertationes recrudescerent, suas omnes constitutiones, decreta, & judicia conformarunt. Circa hæc quoque providè sanxerunt Patres Tridentini *sess. 5. de refor. c. 2. item sess. 23. cap. 15.*
præterea

Cap. LVIII. Concilium Arelatense. 365
præterea sess. 24. cap. 4. necnon sess. 25. cap. 3. in
sine, & cap. 5. insuper cap. 7. & septem sequenti-
bz capitibus.

C A P U T L I X.

Dissertatio de Prædestinarianis, de libris Fau-
sti, & de commemoratis ab eo Conciliis
Arelatensi, & Lugdunensi.

QUOD omnibus Hæreticis commune stu-
dium est multa falsa comminisci, quæ
perversis dogmatibus apud incautos fidem
astruant, id Pelagianis maximè, & Semipela-
gianis insedit, adè ut pravis artibus nonnul-
los Orthodoxos, pios alioquin, & in cæteris
eruditos eluserint, Sidonium Apollinarem, &
Rabanum Maurum. Istis verò minimè pror-
sus Hincmarum Remensem accenseo, cujus
horrendam immanitatem, superbiam, dolos
& imposturas omnis agnoscit & detestatur Ec-
clesia.

Istud verò eruditioribus compertum jam est,
& olim fuit, Hæreticorum Prædestinatio-
rum nomen à solis olim Semipelagianis au-
thoribus inventum fuisse, Fausto, Gennadio,
pseudo-Prospero; neque istorum, aut etiam an-
teriorum ætate quenquam Orthodoxum scrip-
torem ex innumeris & sanctissimis, qui pro
fide Catholica adversus Pelagianorum & Se-
mipelagianorum errores editis libris disputa-
runt,

runt, hujusce nominis, alicujus hæreticæ sectæ indicis meminisse ; ut dubitari non possit, caliditate Semipelagianorum fuisse ista nuncupatione designatos eos omnes Orthodoxos , qui cum Sancto Augustino gratiam Dei cum libero hominis arbitrio post Adami peccatum ita conciliabant, ut liberum ipsius arbitrium peccato sauciatum negarent posse quidquam boni vel agere, vel conari, nisi gratiæ supernaturalis virtute præventum & sanatum, quam Deus vel ex spontanea misericordia peccatori largiretur, vel ex mera justitia sua denegaret. Atque inde fieri, ut alii ex divino proposito prædestinarentur ad gloriam, alii verò in peccatis suis antecedentibus derelicti præscirentur, atque adeò prædestinarentur ad debita peccatis ipsorum supplicia sempiterna, ut frequentissime loquitur Augustinus, aliique sancti Patres ; quorum pleraque testimonia proferunt Ratramnus *initio libri 2. de prædestinatione Dei*, & Prudentius Tricassinus *de prædestinatione contra Ioannem Scotum Erigenam, cap. 14. & 18.* & ut disertis verbis approbant, & definiunt Concilium Valentinum *can. 3.* & Lingonense *canone* pariter 3. prædestinationem ad pœnas æternas.

Quia tamen Semipelagiani pro persuaso habebant, gratiam & Prædestinationem Augustinianam nequaquam stare posse cum arbitrii libertate, sed inducere fatalem quandam sive ad bonum, sive ad malum necessitatem, idcirco invidiosè Catholicis falsa quædam, quasi ex Augustini sententiis consecutanea, affingebant, eosque

cosque velut Hæreticos sub nomine Prædestinarianorum insectabantur. Sapienter itaque admonet Florus Diaconus, & universa, cujus ipse nomine ac mandato scribebat, Lugdunensis Ecclesia contra Joannem Scotum, cap. 4. *Non potest inveniri toto tempore quod fuit inter Augustinum & nos, aliquam talem hæresin in Ecclesia extitisse, nisi quod vel ipsum, vel nos, qui eum sectamur, istius erroris accusat.* Et Synodus Arausicana secunda can. 25. non agnoscit extitisse, vel extare hujuscemodi hæresin, dum ad amoliendam istam Semipelagianorum calumniam sic decernit: *Aliquos divina potestate ad malum (scilicet culpæ) prædestinatos esse, non solum non credimus, sed etiam SI SINT QUI TANTUM MALUM CREDERE VELINT, cum omni detestatione illis anathema dicimus.* Et tamen ejusdem Concilii canones nihil ita inculcant & urgent, ut necessitatem prævenientis gratiæ Dei ad salutem, & ad quodcumque bonum opus: ejus, inquam, Gratia, quæ nemini debeatur, sed ex solo Dei proposito, electione & miseratione ortum ducat.

Possent aliquis suspicari hoc genus erroris aliquorum ex Adrumetino in Byzacena Provincia Monasterio, mentibus hæsisse, postquam Felix ejus loci Monachus fratribus communicavit transcriptam Augustini ad Sixtum Ecclesiæ Romanæ Presbyterum epistolam (ea verò est inter Augustinianas epistolas numero 105.) in qua gratiam Christi ostendit esse gratuitam, neque ex meritis nostris dari, neque justorum electionem ex prævisis meritis esse. Et nihilo-

minus

minus inexcusabiles esse omnes infideles, ipsosque parvulos, qui sine Baptismo de vita excedunt. His perlectis aliquorum animi perturbari cœperunt, unde inter Fratres dissensio coorta est, cujus consopientiæ gratiâ duo Adrumetini Monachi Cresconius, & Felix (diversus ab illo Felice, qui transcriptam illam Augustini ad Sixtum epistolam ad Fratres detulerat) profecti ad Augustinum, ejus dissensionis remedium, & quidnam circa graves illas difficultates sentiendum esset, expetiverunt. Hac occasione scripsit Augustinus ad Monasterii Adrumetini Præfectum Valentinum epistolam 46. in qua refert sibi à duobus supradictis Fratribus expositum, nonnullo dissidio fuisse turbatum Monasterium, eo quòd (verba sunt ipsius Augustini) *quidam in illo sic gratiam Dei predicent, ut negent liberum hominis arbitrium, & quod est gravius, dicant quod in die judicii non sit Deus redditurus unicuique secundum opera ejus: hoc tamen etiam indicaverunt, quod plures illorum non ita sentiunt; sed liberum arbitrium adjuvari per Dei gratiam, ut recta sapiamus atque faciamus.* Et aliquanto post: *Proinde librum vel epistolam meam, quam secum ad vos supradicti attulerunt, secundum hanc fidem intelligite, ut neque negetis Dei gratiam, neque liberum arbitrium sic defendatis, ut à Dei gratia separetis.* Ista occasione scripsit eodem tempore sanctus Doctor librum de gratia & libero arbitrio ad Valentinum & Monachos ejus, in cujus primo capite sic ait: *Quoniam sunt quidam, qui sic gratiam defendunt, ut negent liberum ho-*
minis

minis arbitrium ; aut quando gratia defenditur, negari existimant liberum arbitrium.

Valentinus hoc accepto & perlecto inter Monachos Augustini tractatu , gratulatoriam scripsit ad ipsum epistolam (quæ inter Augustinianas ducentesima quinquagesima sexta collocatur) misitque qui eam deferret Florum Monachum ; admonens Augustinum , accepto ejus libello , Fratres omnes conquievissè , & unanimes ejus doctrinæ acquievissè. Quia verò didicit à Floro sanctus Episcopus , fuisse quendam qui diceret præceptionibus & correptionibus nullum relinqui locum , si libertas humana, quam gratia Dei non prævenierit, aut adjuverit , sit omnis bonæ cogitationis & operationis incapax , alterum scripsit ad eandem Fraternitatem luculentum tractatum de correptione & gratia. Utriusque tractatus causam , & argumentum idem perhibet sanctus Doctor *lib. 2. retractionum , in fine*. Nam capite penultimo priorcm se scripsisse librum refert de gratia, & libero arbitrio : *Propter eos, qui cum defenditur Dei gratia , putantes negari liberum arbitrium , sic ipsi defundunt liberum arbitrium , ut negent Dei gratiam , asserentes eam secundum merita nostra dari , scripsi librum , cui titulus est : de Gratia & libero arbitrio*. Et subinde *cap. ult.* sic ait : *Rursus ad eosdem scripsi alterum librum , quem de Correptione & Gratia pranotavi , cum mihi renunciatum esset , dixisse ibi quendam , neminem corripiendum , si Dei præcepta non facit , sed pro illo, ut faciat , tantummodo orandum.*

Haud gravatè concesserim (quamvis Guibertus Mauguinus in suis aliis eruditissimis prædestinationis & gratiæ vindictis contradicat) ex Adrumetinis Monachis fuisse nonnullos , qui mentem Augustini non capientes , liberum in bonis operibus arbitrium aut eleverent , aut summovent , ut gratiam Dei constabilirent. Veruntamen illi postquam majori perspicuitate Augustinus rem illam elucidavit , aliter sentire cœperunt. Neque hæreseos infirmulari possunt , quia non ex pertinacia adversus Ecclesiam , sed ex inculpabili abstrusissimæ & difficillimæ quæstionis ignoracione brevi tempore aberrarunt à vero , neque sectam pepererunt , neque istâ de causâ quisquam veterum Monachos istos aut hæreticos dixit , aut Prædestinarios.

Ediderat Prosper sancti Augustini , ejusque doctrinæ studiosissimus assertor , Chronicon quod adhuc fidelium manibus teritur : at Pelagiani , quibus illud Isaia 28. convenit , *Dixistis : Posuimus mendacium spem nostram , & mendacio protecti sumus* ; sive in despectum adversarii sui Prosperi , sive sperantes fore , ut genuinum ejus Chronicon alterius fictitii suppositione aboleretur , cui tandem autoritas ex e mentito tanti viri nomine conciliaretur , alterum Chronicon edidère , cui præfixere ipsius Prosperi nomen , desinitque in idem tempus cum vero & germano Prosperi Chronico , scilicet ad annum Theodosii junioris decimumoctavum , & Albini consulatum , qui censetur annus Christianæ epoches quadringentesimus

tesimus quadragessimusquartus. Hic verò pseudo-Proſper, non modò Caſſianum laudibus effert, Semipelagianorum Antefignanum; ſed Auguſtinum, ejuſque diſcipulos hæreſis inſimulat, quam vocat Prædeſtinatianorum, hiſce verbis: *Prædeſtinatianorum hæreſis, quæ ab Auguſtino accepiffe dicitur initium, hiſ temporibus ſerpere exorſa eſt.* Hanc loquendi audaciam poſt novem ſæcula Sigebertus in ſuo Chronico notavit ad annum 414. & correxit, debuiffe ab eo ſcribi, *non ab Auguſtino, ſed ab Auguſtini libris malè intellectis*: & cum iſta correptione editum eſt à Pithæo illud pseudochronicon, cùm in omnibus anterioribus editionibus, ipſiſque omnibus, quæcunque reperiri potuerunt, manuſcriptis, ubique habeatur, *ab Auguſtino*; nullibi autem, *ab Auguſtini libris malè intellectis*: quod etiam Sirmundus fatetur.

Alter Prædeſtinatianæ hæreſis teſtis proferitur hæreticus ipſe Semipelagianus Gennadius, Maſſilienſis Caſſiani diſcipulus, libri author de Eccleſiaſticis dogmatibus: qui ad incautorum hominum fraudem & deceptionem Auguſtino aſcriptus, ejuſque operibus inſertus fuit, cùm tamen Pelagianorum errorum ſemina paſſim obtrudat. Hic idem ſcripſit quoque illuſtrium virorum catalogum, in quo magnis illis fidei Orthodoxæ contra Pelagianos aſſertoribus virulenter obtreſcat, Auguſtino, Hieronymo, Proſpero; hæreticos autem Pelagianos, Ruſinum, Fauſtum, Caſſianum laudibus celebrat. Auguſtinum accuſat ut multiloquum, & ex multiloquio affirmat non effu-

372 *Notitia Conciliorum S. Ecclesie,*
 gisse peccatum. Addit, eidem defuisse sinceritatem, ut in cæteris, sic etiam in quæstione de mortuorum resurrectione; eumque sic disputando errasse ait, ut tamen nondum fuerit hæresis damnatus. Idem Hieronymum Rufini obrectatorem vocat, & æmulationis stimulo incitatum, ad obloquendum vertisse stylum asserit. *De Prospero legi & librum* (inquit) *adversus opuscula* (suppresso nomine Cassiani) *quæ Ecclesia Dei probat, sed ille infamat nociva.* Fausti librum *de Gratia Dei*, dicit opus egregium, & Faustum libri auctiorem egregii Doctoris elógio cohonestat. Idem demum Gennadius indiculum de hæresibus conscripsit, in cuius calce notat Prædestinianos, quibus eadem dogmata tribuit quæ Massilienses apud Prosperum in objectionibus Gallogum, & in objectionibus Vincentianis attribuunt Augustino & Prospero, omnibusque absolutæ prædestinationis assertoribus. Quocirca sapienter Petavius *tom. 1. de Theol. dogmatib. lib. 9. cap. 2.* dicit in illo indiculo Gennadii nonnulla referri Prædestinianorum opinionis capita, quæ majori ex parte Augustini doctrinam sapiunt, nisi quod ad invidiam illi faciendam calumniosè concepta sunt. Itaque Gennadius hæreticus ipsos Catholicos in Hæreticorum album sub Prædestinianorum odioso nomine referre non erubuit.

Superest ut Faustum à Gennadio ejusdem sectæ assecla commendatum dispiciamus. Faustus id quod à Magistro & Doctore suo Cassiano didicerat, ut fidus discipulus cumulatè præstitit,

stitit. Docet Cassianus *collat. 17. cap. 17.* licitum esse mentiri ad bonum finem; nec tantum licitum, sed etiam ad salutem animæ necessarium, ita ut ex mendacio apud Deum iustificetur homo, & eveniat non raro, ut pœnam mereatur æternam idèd, quia mentiri opportunè noluerit. Faustus hac intentione Semipelagianæ sectæ propagandæ mendaciorum portenta comminisci, ac imposturas effingere non est veritus. Quæ causa est, ut ipsum meritò S. Isidorus *lib. de viris illust. cap. 14.* virum notet profundæ calliditatis, & eundem vocet Baroni-
us vulpeculam versipellem.

Prodivit in lucem ante aliquot annos librorum Fausti apologia, cujus author Catholicus dici, & haberi voluit, atque hoc facto grande subsidium suis de gratia & de prædestinatione opinionibus se credidit exhibere. At è contra, quam potuit majorem injuriam partibus suis inferre, quàm scripto isto? perinde ac si opiniones illæ, quas adèd infelicitè tuetur, stare non possent, nisi stante ac triumphante hæresi Pelagiana? Quàm sunt religiosiores & sapientiores alii ejusdem instituti & scholæ Doctores, qui dogmata Fausti, Cassiani & Gennadii & similium, quos sancta damnavit, suisque fulminibus obtrivit Ecclesia, profitentur simul se damnare, eorum execrari doctrinam, & enitè ut propriarum scholarum doctrina ab hac hæretica labe & infamia sit & credatur immunis & aliena? Fausti quidem libros ut hæreticos sanctissimi & doctissimi viri, qui eo sæculo floruerunt, & quorum nomina in Ecclesia cele-

brantur scriptis libris impugnarunt. Sanctus Fulgentius Ruspensis Episcopus septem adversus errores Fausti scripsit libros, quos sanctus laudat Isidorus, simulque Faustum malæ fidei coarguit. Hoc idem testatur author vitæ Fulgentii, qui eadem vixit ætate, Ferrandus Diaconus, sic dicens : *Sanctus Fulgentius libris Fausti respondit, ne occultum in illis serperet virus : cap. 28.* Quid memorem sanctum Alcium Avitum Viennensem Episcopum, qui eadem in palæstra decertavit, Faustumque prostravit, editis contra ejus hæreses libris, quos Ado quoque Viennensis ad annum 492. commemorat ? Sanctus præterea Cæsarius Arelatensis stylum in eundem acuit, ediditque libros in quibus Fausti dogmata refellit, vel ipso Genadio teste *de Script. Eccles. cap. 86.* Joannes quoque Maxentius Presbyter Antiochenus in responsione ad epistolam Papæ Hormisdæ Faustum Regiensem cum cæteris Pelagianis egregiè (verba sunt Bellarmini *de Script. Eccles. in Ioanne Maxentio*) refellit ex libris sancti Augustini. Petrus insuper Diaconus, Legatus in causa fidei à Græcis ex Oriente Romam missus, in suo de Incarnatione libro, Fausti libros contra veram sancti Augustini doctrinam scriptos conqueritur. Sed & ejusdem libros Gelasius Pontifex in Synodo Episcoporum septuaginta eadem censurâ notavit cum libris hæreticis Tertulliani, Joviniani, Montani, Priscillæ, Maximillæ, & Fausti Manichæi. Idemque declarat Hormisda Pontifex ad Possessorem scribens Episcopum Africanum. Libros quoque
Fausti

Fausti damnaverunt sancti duodecim Africani Episcopi in Sardiniam fidei causâ relegati.

Ut verò hujusce viri ingenium & institutum innotescat ; nonnulla ejus acta brevi perstringam. Fausti patria eadem fuit quæ Pelagii & Cœlestii ; natus enim in Scotia fuit , ubi ab ineunte ætate illorum hæresis semina exceperit. Factus deinde insulæ Lirinensis Monachus, Semipelagiano Cassiani Abbatis Massiliensis errore imbutus est , cui propagando vehementer incubuit. Cúmque ingenio , & eloquentiâ prævaleret , creatus fuit Monasterii Lirinensis Abbas. Quo in munere Theodoro Episcopo, cujus in Diœcesi situm erat Monasterium , visitationem Episcopalem molienti tanta obstitit violentiâ , ut grave inde scandalum sequutum sit, cujus causâ convocata fuit Arelatensis sub Ravennio Arelatensium Episcopo Synodus circa annum 455. cujus Decreto tum Episcopi, tum Abbatis jura definita sunt.

Postmodum ex Abbate Lirinensi factus est Regiensis in secunda Narbonensi Provincia Episcopus ; quo tempore idem duos de gratia & libero arbitrio libros elucubravir, in quibus ut erroris sui virus obtegeret , duo priora capita contra Pelagium scripsit , totum verò reliquum opus insumpsit adversus Augustinum, ejusque Discipulos, eadem ipsa renovans argumenta , quibus Pelagius primùm , deinde Julianus, aliique ejusdem sectæ sanctum Doctorem impugnare conati fuerant. Ejusque propositum præcipuum fuit , ut suppresso Augustini nomine , geminos ab ipso adversus,

Massiliensium errorem conscriptos libros de prædestinatione Sanctorum, & de dono perseverantiæ subverteret. Quia tamen Faustus libros suos ad Scotos populares suos destinaverat, ut eis, & sibi ipsi majus authoritatis pondus conciliaret, duorum approbatione, quæ ipse finxit, Conciliorum, Arelatensis triginta Episcoporum, & subsequents Lugdunensis; tres præterea epistolas subdolè contexuit; unam quidem ad Leontium Arelatensis Ecclesiæ Antistitem, quæ fingit ab eo congregatâ Episcoporum Synodum, quæ curam istam Fausto demandaverit libros istos conscribendi: ibique de eorundem Episcoporum subscriptione verbis consultò ambiguis sic utitur, ut primum & obvium in animo lectoris minùs calidi sensum pariant, eos hisce Fausti libris tanquam Synodalibus de fide definitionibus subscripsisse; sed accuratioribus horum verborum exploratoribus incertum relinquatur, an illæ Episcoporum subscriptiones fuerint Synodi decretis, an verò fausti libris adhibitæ. Secundam idem Faustus epistolam commentus est ad Lucidum Phesbyterum Prædestinatianorum erroribus irretitum, quem post familiares aliquot admonitiones pervicacem, & incorrigibilem ipse tandem ad Arelatense Concilium detulisset, cujus decreto esset ab Ecclesia ejiciendus, nisi capitula ad calcem hujus epistolæ conscripta profiteatur, eisque subscribat. Eadem fallaciâ Faustus tertiam commentus est sub nomine Lucidi epistolam, attestantis se tandem perlectis Fausti libris Arelatensis Concilii

cilii autoritate approbatis, errorem suum agnoscere & abjurare, cum hac subscriptione: *Lucidus Presbyter hanc epistolam manu propria subscripsi, & qua in ea adstruuntur assero, & quæ sunt damnata condemno.*

Faustus Britannis suis fucum factururus libros suos involucribus complicatos, tresque illas epistolas per Riochatum sibi fidissimum transmisit eâ lege, ut disertè testatur Sidonius Apollinaris *lib. 9. epist. 9.* ut in Gallia nemini illos exhiberet, etiam dilectissimum Sidonium Apollinarem Arvernorum Episcopum, quem transeundo invisurus erat, nihilo minus celaret. Quia tamen armis hostilibus omnia infesta erant, Riochatus duobus mensibus apud Sidonium coactus est commorari, nec tamen libros aperuit; sed post suam profectiorem proditus, & curâ Sidonii in itinere retentus libros, quæsitos Sidonio lectitandos ægrè exhibuit: cujus rei causâ in epistola illa nona Sidonius apud Faustum conqueritur, ejusque libros, quibus eum privari voluerat, laudibus effert; nihil tamen de Conciliis meminit, neque de tribus epistolis, quia præcipua Faustî sollicitudo fuerat circa tres epistolas, quæ ementorum Conciliorum meminere, ut celarentur, ne si tam insignis impostura Gallis innotesceret, sui nominis & famæ jacturam incurreret irreparabilem.

Sed si libri illi fuissent à Conciliis duobus confirmati aut subscripti, quid causæ fuit cur Faustus, ejusque mandato Riochatus eos in Britanniam transmissos adedò sollicitè celaret

quoscumque Gallos, ipsumque amicissimum Sidonium? Sanè Sidonius præter Fausti & Riochari mentem adeptus hos libros, non omisisset supremam hanc laudem, fuisse illos auctoritate Synodorum editos, aut etiam subscriptos, si trium quoque epistolarum copiam & notitiam habuisset.

Sed neque harum Synodorum; neque istarum epistolarum author ullus ex tam numerosa Scriptorum illius sæculi, & sequentium turma meminit usque ad Hincmarum projectæ nequitix, & fidei virum Semipelagianum: non Alcimus Avitus, non Cæsarius Arelatensis, non Ado Viennensis, non Synodus Valentina, non Amolo, non Remigius, Lugdunenses ambo Episcopi; non ipsa Lugdunensis Ecclesia de istis controversiis per Florum Diaconum scribens; & tamen ex illis iisdem Ecclesiis Faustus convenisse, ait gemina illa, quæ obtrudit Concilia. Quinimò ne ipse quidem Genadius Semipelagianus scriptor Fausto addictissimus, eique coætaneus, atque ejusdem cum illo Provinciæ incola, illorum sectæ suæ faventium Conciliorum ullatenus meminit: meminisset saltem ad librorum Fausti, quos collaudat, commendationem, si reverà extitissent illæ Synodi, quarum jussu conscripti, & auctoritate approbati libri illi fuissent. Synodus Arausicana secunda, cui sanctus Cæsarius præfedit Arelatensis Episcopus, non tantum de illis duobus Conciliis, quibus damnati sunt Prædestinatiani, nihil meminit, sed insuper canone ultimo, an tales Prædestinatiani extite

extiterint, ignorare se profitetur. Et tamen Concilium illud Arelatenſe tam frequens & celebre finxit Fauſtus, ut ex Epiſcopis triginta conſtiterit; cùm tamen in eadem Provincia Arauſicanum Concilium totâ receptum Eccleſiâ, cui Præſul Arelatenſis Cæſarius præfuit, quatuordecim duntaxat Epiſcoporum fuerit.

Sed quorſum triginta cõvenerunt Epiſcopi in cauſa erroris unius Lucidi Presbyteri, ut ipſe teſtatur in ſua ad Leontium epiſtola Fauſtus? Sufficiebat proprii illius Epiſcopi animadverſio. Tantæ molitiones, & tot Epiſcoporum ex multiplicibus Provinciis, Arelatenſium, Vienneſium, Lugdunenſium, Narbonenſium convocationes in unius Clerici cauſa non ſuperflue tantum, ſed ridiculæ planè fuiſſent. His adjuñge, non viſum fuiſſe ſufficere Arelatenſe in illa cauſa Concilium, ſed opus quoque Lugdunenſi Concilio fuiſſe; & quod riſum magis moveat, poſtquàm ipſe, de quo agebatur, Lucidus errorem, cujus accuſabatur, ſcripto proprio abjuraverat, nondum dirempto Arelatenſi Concilio. Atque ita merum eſt commentum id quod Fauſtus ad Leontium ſcribit, novis erroribus deprehenſis, adjici aliqua curaviſſe Synodum Lugdunenſem. Quinam enim novi prætexi poſſunt errores, emendato jam Lucido, qui ſolus erroris notabatur?

Verum enim verò, quis inſolitam iſtam Conciliorum formam non obſtupeſcat, ut canonum ac definitionum loco demandetur uni alicui, ut libros privatim componat, qui poſtmodum Concilii loco ſint,
eadem

eademque autoritate nitantur?

Compertum pariter est, illas epistolæ Fausti ad Lucidum subscriptiones appositæ, tam ipsius Lucidi, quàm decem Episcoporum, esse commentitias, & contra fidem ipsius Hincmariani codicis, aliorumque vetustissimorum manuseriptorum, in quibus sola legitur Fausti subscriptio, eaque sola est admittenda, ut ipsemet fateri cogitur Jacobus Sirmundus in sua Prædestinatiana historia, addens alias, quæ in vulgatis hætenus editionibus Auxanii, aliorumque cum Fausto novem Episcoporum nomina subnotant, spurias haud dubiè, & alienas esse. Et tamen idem ipse in sua Conciliorum Galliæ editione non solum eandem epistolam cum omnibus illis subscriptionibus edidit, sed etiam in ipso titulo, quò major autoritas spurio isti Concilio accederet, hanc præmisit superscriptionem: *Fausti Regiensis Episcopi epistola ad Lucidum Presbyterum e secta Prædestinarianorum, Synodi Arclatensis tempore scripta, & à multis Episcopis, atque à Lucido ipso subscripta.* Idemque fictitium istud Concilium anno assignat quadringentesimo septuagesimo quinto.

Nonnulli tamen has extitisse à Fausto commemoratas Synodos credunt, qui in duas dividuntur opiniones: aliis quidem opinantibus fuisse Episcoporum Semipelagianorum; quòd tamen non est credibile ob aliquorum subscriptorum sanctitatem publico Ecclesiæ cultu celebratam: aliis verò, in quibus sunt Baronius, & Dionysius Petavius, existimantibus habitas
quidem

quidem, & simul Orthodoxas fuisse Synodos; sed Faustum earum jussu scribentem ultra fines à Synodo præscriptos longius fuisse progressum, ut falsa quæ propugnabat dogmata, Conciliorum autoritate videretur fulciri. Veruntamen adhibitum à Fausto studium, ut nemini Gallo libri sui, quos in Scotiam trans mittebat cum tribus epistolis, ne ipsi quidem amicissimo & sibi conjunctissimo Sidonio innotescerent, ejus dolum & imposturam satis arguit; *qui enim malè agit, odit lucem.* Quod verò in tam multis ejus, atque insequentis sæculi Scriptoribus & Synodis nulla penitus, nec ab ipsis quidem Semipelagianis mentio duarum illarum Syndorum fiat, nisi à solo Fausto, quem aliunde palam est fuisse in causa hujus sectæ suæ mendacem & fraudulentum, id satis evincit adulterinas & supposititias esse.

Prædestinarianorum fabulam resuscitavit nono sæculo Hincmarus Remensis Episcopus in causa Godescalci Monachi Orbacensis, Prædestinarianæ Hæresis accusati, eo quòd cum Divo Augustino diceret, Deum aliquos prædestinasse ad damnationem æternam ut eorum peccatis justè debitam; quamvis negaret (ut ipse fateatur Hincmarus) prædestinationem ad peccata. Hincmarus tamen perinde esse asseverabat ineptissimè, & prædestinatione ad pœnam includi inseparabiliter prædestinationem ad peccata, sine quibus nulla potest pœna subsistere. Idem fuerat olim Godescalcus à Rabano Moguntinensi Archiepiscopo damnatus super clusforiis, atque ad deceptionem compositis

382 *Notitia Conciliorum S. Ecclesie,*
sitis sententiis librorum Hypognosticôn , &
de Dogmatibus Ecclesie, qui sunt planè fœtus
Semipelagianorum, quorum authorem crede-
bat Augustinum, cui falsò tribuebantur. Raba-
ni de Godescalco judicium, ejusdem Mogun-
tinæ Diœcesis Presbyter Lupus Servatus libro
edito coarguit, præjudicare ostendens sanæ &
Augustinianæ doctrinæ. Sed præterea in ea-
dem causa sanctus ipse Remigius Lugdunensium
Archiepiscopus, respondens ipsius Rabani ad
Notingum epistolæ, qua superfluo labore pro-
bare contendebat, neminem à Deo prædesti-
nari ad peccatum, negat absolutè quenquam
in hanc hæresim incidisse: quod sanè tanti
viri testimonium Prædestinantiæ causæ jugu-
lum petit. Sic itaque disserit Remigius in suo
de tribus Epistolis libro, cap. 41. *Assumpsit non
necessariam, nec ullatenus ad rem, de qua qua-
ritur, pertinentem disputationem, utrum impios
Deus, & iniquos prædestinaverit ad ipsam im-
pietatem & iniquitatem, idest, ut impii & iniqui
essent, & alii esse non possent, QUOD NULLUS
HOC TEMPORE DICERE, VEL DIXISSE
INVENITUR.* Posteriores denique à Remensi
Archiepiscopo condemnationem & pœnam
atrocem passus est infelix Godescalcus, inca-
sum appellans Romanæ Sedis judicium. Sed
quia isto Hincmari judicio gravis inferebatur
injuria sancti Augustini illibatæ doctrinæ,
Lugdunensis Ecclesia huic malo occurrere
studuit, approbavitque, ut suo nomine in op-
positum scriberet Florus Magister ejusdem Ec-
clesiæ Diaconus eruditissimus adversus librum
Joannis

Ioannis Scoti Erigenæ, qui hortatore Hincmaro, cui librum suum de divina prædestinatione inscripsit, istam pertractat materiam sensu apertè Pelagiano. Sed ejus rationes Florus strenuè suâ illâ lucubratione subvertit. Adversus eundem Scoti librum Prudentius Tricassinus Episcopus pro Augustino decertans uberimè quoque, & eruditè scripsit.

C A P U T L X.

Concilium Agathense.

Celebratum Agathense Concilium fuit Christi anno 506. sub Papa Symmacho. Est verò Agatha Provinciæ primæ Narbonensis vetus oppidum, colonia Massiliensium. Congregatum est Concilium concessu & veniâ Visigottorum Regis Alarici, sectâ Ariani, qui non solum Hispaniæ, sed etiam Provinciis Galliæ Aquitanicæ, & Narbonensi dominabatur, quas pater ejus Evaricus vi armorum invaserat. Tametsi verò & pater, & filius Hæretici, & Catholicæ Religioni infensi erant; hæc tamen non obstitērunt quia illarum partium Episcopi dominationis injustæ, & tyrannicæ jugo cervices submiserint, ut videri potest apud Sidonium, qui sub Evarico Avernorum Episcopus fuit, *lib. 7. epist. 6. ad Basilium*, quem Sirmundus fuisse probat Aqueensem in secunda Narbonensi Episcopum; & apud Gregorium Turo-

nensem

384 *Notitia Conciliorum S. Ecclesie,*
 nensem lib. 2. hist. Franc. cap. 25. Sub filio autem
 illius invasoris, & hæretici Alarico pariter
 Ariano videmus sanctissimum Præsulem Cæsari-
 um Arelatensem, qui huic Agathensi Con-
 cilio præfuit, aliosque qui huc convenerunt
 Episcopos, his verbis Synodum aperire: *Cum*
in Dei nomine, & permissu Regis (Alarici) in
Agathensem Civitatem Sancta Synodus convenis-
set, & in sancti Andrea Basilica consedissemus,
ibique flexis genibus in terra pro regno ejus, &
pro longævitate populi Dominum deprecaremur, ut
qui nobis congregationis permiserat potestatem,
regnum ejus Dominus felicitate extenderet, ju-
stitiâ gubernaret, virtute protegeret, &c. Simi-
 liter postquam Maximus tyrānus adversus reli-
 giosissimum & optimum Imperatorem Gratia-
 num rebellasset, Galliis per vim occupatis, Epi-
 scopi Gallicani pacem cum illo coluerunt, San-
 ctusque Martinus Turonum Antistes ad ipsum
 ut Imperatorem recutrit, neque ejus mensam
 & convictum recusavit. Sed ipsi etiam Summi
 Pontifices subjectionem & pacem coluerunt
 sub Principibus hæreticis simul, & Italiae in-
 vasoribus Odoacro, Theodorico, & hujus suc-
 cessoribus Arianis; quam rem nemo in dubium
 revocaverit.

Profiteor quidem haud licuisse his sese spon-
 te subicere, si non vis major adegisset; sed post
 impositum hujusmodi tyrannicum jugum, pro-
 posita docent sanctorum Episcoporum exem-
 pla, satius esse cum hujusmodi tyrannis, ac in-
 vasoribus violentis etiam hæreticis pacem ci-
 vilem, salvâ semper religione, conservare, sub-
 jectio

jectionemque politicam profiteri (modò ne quis per adulationem, aut metum Dei mandata transgrediatur) quàm aut solum vertendo proprias Ecclesias deferere , aut rebellando , vel imprudenter obfistendo , animum præpotentis tyranni exacerbare, atque in deterius præcipitem agere.

Sed ut ad Alaricum revertamur, refert Isidorus Hispalensis, ipsum feliciter regnasse subnixum orationibus , quas Cæsarius Arelatensis, & Quintianus Rutenensis Episcopi , ambo sanctissimi pro ejus salute & felici regnò ad Deum fundebant: sed ex quo malevolorum mendaciis & calumniis fidem adhibens ambos in exilium relegavit, tum demùm fuisse à Clodoveo Francorum Rege victum & occisum. Calumniam contra Cæsarium confictam refert ejus discipulus Cyprianus, Tolonenſis Episcopus, fuisse à malevolis accusatum perduellionis, quasi conspirasset trāsferre Arelatensem urbem in ditionem , & potestatem Regis Burgundionum pariter Arianì. Sed meram fuisse calumniam, subsequuta Cæsarii exulis miracula , ejusque in propriam Ecclesiã revocatio coarguerūt. Idem postmodùm simili calumniâ confictatus est, attentasse ipsum prodere Arelatem Francorum Regi Clodoveo jam Catholico , dum post devictum & cæsum in acie Alaricum Franci urbem illam obsidione premebant ; adeò ut Gothi , qui urbem occupabant, victum miserint ad Theodoricum Italiæ Regem , tunc Ravennæ, quam regni sui caput constituerat, residentem. Sed illum Theodoricus, licet Arianus, ho-

386 *Notitia Conciliorum S. Ecclesie,*
noribus, & laudibus cumulatam remisit Ate-
latem liberum, in ejus accusatores indignatus;
quam latius prosequitur historiam Cyprianus
In vita Cæsarii.

Agathensis canon 2. *Contumacibus Clericis,*
quia prioris gradus (nimirum, ut exponendum
autumo, Sacerdotii, quod anteriore dignitatis
gradu præcellit reliquis Ordinibus) *elati su-*
perbiâ, communionem fortassis contempserint, aut
Ecclesiam frequentare, vel officium suum implere
neglexerint, peregrina communio tribuatur: ita
ut cum eos pœnitentia correxerit, rescripti in ma-
trricula gradum suum, dignitatemque recipiant.
Matriculam intelligito Catalogum ministran-
tium Clericorum, qui alio nomine *Canon* dici-
tur. Observandum hîc est, non omnes Sacer-
dotes quotidie Missam celebrasse, sed tantum
per vices. Qui porro Sacerdotes non sacrifica-
bant, iidem tamen divinis Officiis intra Ec-
clesiam, cujus ministerio addicti erant, assiste-
re, atque intra Sanctuarium de manu ejus, qui
Missam celebrabat, communicare debebant.
Quia verò eveniebat aliquoties, ut Sacerdo-
tes, quibus diebus non ipsis obtingebant sacri-
ficandi vices, vel ex superbia, vel ex repidi-
tate animi indevoti refugerent de alterius ma-
nu communicare, seque divinis Officiis sub-
traherent; ita se gerentibus hæc pœna indi-
citur, ut reducantur ad peregrinam commu-
nionem. Cujus pœnæ mentio quoque paulò
infra fit *can. 5.* quò præfigitur communio pe-
regrina Clerico, qui aliquid fuerit de Ecclesiæ
rebus suffuratus.

CAP. LXI.

CAPUT LXI.

*Dissertatio de Laïca & de Peregrina
Communione.*

Peregrinam Communionem plerique cum laïca confundunt. Sanè id commune habent, ut quoties Clericis indicuntur, intelligatur esse pœnales. In primis Communio laïca Clericis majoribus, sive sacris initiatis decernebatur, ne intra Sanctuarium communicarent. Statuit enim Laodicens canon 19. *μόνοις ιερ-
τικοῖς ἐξέιν εἶναι οἱς ἔδουλασθῆεν εἰσεῖναι καὶ κει-
νῶν* : solis licet (non quidem Sacerdotibus, ut minùs peritè aliqui transtulerunt, sed ut exactiùs vertit Dionysius Abbas, cognomento Exiguus) sacro Ministerio dedicatis, ingredi Sanctuarium, ibique communicare. Veruntamen in alicujus delicti pœnam sacri Clerici quandoque isto excidebant privilegio, nec nisi cum promiscua turba licebat eis communionem sacrifici. Istud enim Agathense Concilium decernit can. 32. *Si Episcopus, aut Presbyter, aut Diaconus capitale crimen commiserit, aut chartam falsaverit, aut falsum testimonium dixerit, ab officii honore depositus in Monasterium detrudatur, & ibi quandiu vixerit, laïcam tantùm communionem accipiat.* Quem canonem inserit Gratianus dist. 50. c. *si quis Episcopus.* Præterea canon Apostolorum 15. vagos Clericos ad laïcam reducit communionem. Cyprianus epist. 2.

388 *Notitia Conciliorum S. Ecclesie,*
ad Antonianum, ita scribit de Trophimo Sa-
 cerdote in persecutione lapsq: *Sic tamen ad-*
missus est Trophimus, ut laicus communicet. Hoc
 pœnæ genus propriè depositio erat, hoc est de
 gradu Episcopatus, Sacerdotii, vel Diacona-
 tus dimotio, sejuncta procul ab excommuni-
 catione, quæ prorsus à divinis Sacramentis ex-
 cludebat, necnon à communibus fidelium ora-
 tionibus, & aliter dicebatur segregatio. Id com-
 probatur canone Apostolorum 25. *Episcopus,*
vel Presbyter., vel Diaconus, fornicationis, vel
perjurii, vel furti convictus deponatur, & non se-
gregetur (ubi Græcum exemplar ait καθαρ-
 ῶς καὶ μὴ ἀποκεκρίσθω. Dicit enim scriptura, non
 vindicabis bis in idipsum : similiter reliqui quo-
 que Clerici, &c. Supponit ergo duplicem ac-
 cessuram pœnam, si ad depositionem addere-
 tur excommunicatio. Quam eandem rationem
 Basilii ad Amphilochem canon. 32. pariter ad-
 ducit. Ideoque Patres quàm sæpius crimē
 idem in Clericis depositione, in laicis excom-
 municatione plectunt. Idemque Basilii ad
 Amphilochem canon. 3. sic habet : *Diaconus*
post Diaconatum fornicatus, à Diaconatu quidem
ejicitur; in laicorum autem locum extrusus, à
communione non arcebitur : quoniam antiquus est
canon, ut qui à gradu exciderunt, hoc solo puni-
tionis modo plectantur. In hoc ergo sita est laica
 communio.

Quia verò Clericis depositis solitæ (uti eas
 vocat Cyprianus) sportulæ minimè præstaban-
 tur, sed ut plurimum ex aliorum liberalitate,
 aut ex proprio labore ac industria victum sibi
 quærere

quare compellebantur, exclusi scilicet à decimis, & oblationibus Ecclesiasticis, contingebat aliquando ut ex cōmiseratione ipsis Ecclesia præstaret alimoniam, aliter tamen quàm sportulantibus & immatriculatis Clericis; nullos quippe illa illis suppeditabat annuos, aut menstruos redditus, nullamque ex oblationibus sortitionem; sed utcumque præstabat illis in dies alimenta, mensamque illis providebat eandem cum Peregrinis fidelibus, qui à proprio fuerant Episcopo per formatas literas Ecclesiis commendati, ad quas peregrè ibant. Atque hæc est, meo quidem iudicio, communio Peregrina, quæ quandoque motis ab officio & gradu Clericis indulgebatur, ut essent Ecclesiæ simul cum Peregrinis fidelibus alumni. Quemadmodum factum à seipso erga Basinopolis Episcopum Alexandrum, residere in sua Ecclesia recusantem, scribit ad Theophilum Alexandrinum Synesius epist. 66. *In Ecclesiam quidem (inquit) admittere illum nolui, nec sacram cum illo mensam communem habui: domi verò peregrinè ac innocentes honoravi.*

Cujus humanitatis exempla suppeditat Concilium Chalcedonense *act.* 7. providens ut ipsis Ecclesiæ Antiochenæ sumptibus alatur Dominus Antiocheno Patriarchatu exauthoratus. Et simili modo sustentationi providet Bassiani & Stephani, postquam illos Episcopatu submovit, *act.* 12.

Ad exemplum & similitudinem hujus pœnalis peregrinæ in Clericis communionis, alia vocabatur minùs propriè peregrina commu-

nio , qua Episcopi , alique inter Sacerdotes primarii , seu præfecturam habentes , non deponerentur prorsus à Clero , sed tantum à digniori & sublimiori pristino gradu , ut tamen in gradu inferiori Clericorum consisterent, ut Episcopi redigerentur ad Sacerdotum ordinem , isti ad Diaconorum , & Diaconi ad minorum Clericorum stationem & classem. Sic enim depositis Episcopis subtrahebatur illa reddituum Ecclesiæ quarta pars, quam Episcopis sacri Canones reservabant , ut deinceps minora cum Sacerdotibus stipendia reciperent. Sacerdotes quoque illi , qui præsent , & quos Apostolus judicat duplici honore , hoc est stipendio providendos , ab hoc exidentes honore , minus stipendium inter Diaconos nanciscebantur. Isti quoque , sed magis impropriâ loquutione , dicebantur sustentari peregrinâ communionem, tametsi victum & stipendia cum inferioribus Clericis ex Ecclesiæ distributionibus reciperent.

Hujusce pœnalis quidem , sed tamen mitioris disciplinæ legimus exempla primum in Nicæna Synodo *can. 8.* quo Novatianos dudum Episcopos ad Ecclesiasticam unitatem redeuntes, si eorum loco jam fuerat aliquis Orthodoxus Episcopus constitutus, edicit potiri Sacerdotis , aut Chorepiscopi gradu ac ministerio. Concilium similiter Toletanum primum *can. 4.* sic decernit : *Subdiaconus defuncta uxore si aliam duxerit, ab officio in quo ordinatus fuerat, removeatur , & habeatur inter Ostiarios & Lectores.* His accedit Concilium Regiense , quod habitum

tum est in Galliæ Provincia Narbonensi secunda, quodque disertè meminit istius peregrinæ communionis. Armentarius per ambitionem se in Ebrodunensem Episcopum fecerat ordinari à duobus tantum Episcopis, invito etiam Metropolitano, qualem se prætendebat eo tempore Arelatensis Episcopus, cujus curâ & solitudine convocata hæc Synodus fuit anno 439. Hujus ergo tertio canone sic statuitur: *Licet ei (Armentario) in unam suarum Parochiarum Ecclesiam concedere, in qua aut Chorepiscopi munere, aut peregrina communione foveatur: nec quidquam ipsi de Episcopalibus officiis usquam usurpare liceat, præterquam in Ecclesia, quam cujusquam misericordiâ fuerit indeptus; in qua ei solum Neophytos confirmare, & ante Presbyteros offerre conceditur.* Quæ sanè verba dignissima observatu sunt; sic enim Synodus Armentarium deponit & exauthorat Episcopali gradu, ut non solum salva ei supersint Sacerdotii jura, sed nonnullis etiam Pontificalibus, nimirum Confirmationis collatione, & reliquorum Presbyterorum præcessione potiat: & tamen providetur ei ut peregrina communione foveatur. Non est ergo ea communio laïca, cum liceat Armentario etiam præ reliquis Presbyteris sacrificium offerre; sed est communio non sacra, & tantummodo corporalis, ad victum & alimoniam; quod etiam arguit vox illa, *foveatur*.

CAPUT LXII.

Prosecutio Canonum Agathensium.

Agathensis canon 8. *Placuit, ut si Clericus relicto officio suo propter distractionem, ad iudicem sacularem fortasse confugerit, & is ad quem recurrit, solatium ei defensionis impenderit, cum eodem de Ecclesia communione pellatur.* Itaque tam Iudicem sacularem, quam Clericum ad eum recurrentem excommunicat. Habetur in Decreto 2. q. 3. *can. placuit ut Clericus.* Edicit quoque c. *Clericis, de judiciis,* Clericos de omni crimine sistendos Ecclesiastico iudici, nec valere quamcumque consuetudinem in contrarium. His aliæ consonant Synodi veteres: Chalcedonensis enim Oecumenica *can. 9.* jubet Clericorum lites non apud Iudices laicos, sed apud Episcopos agitari. Et Matisconensis primæ Synodi, anni 576. canon hoc idem jus renovat sub pœna excommunicationis in iudice laico, & fustigationis, aut carceris in Clerico. Idem tamen permittit laicis iudicium Clericorum in causis gravium delictorum, homicidii, furti, maleficii. Quæ canonis permissio videtur arguere prohibitionem oppositam esse tantum humani & Ecclesiastici juris, non divini, quod est immutabile & indispensabile. Justinianus in *authent. ut Clerici apud proprios Episcopos, §. penult. collat. 6.* seu *novella 83.* statuit in omnibus

nibus criminibus aliis quàm Ecclesiasticis conveniendos esse Clericos coram sæcularibus Judicibus. Consulito inferiùs Cabilonensis Concilii canonem 11.

Canon Agathensis 18. *Saculares, qui in Natali Domini, Pascha, & Pentecoste non communicaverint, Catholici non credantur, nec inter Catholicos habeantur.* Confirmatur Decreto Fabiani Papæ & Martyris, c. & si non frequentius, de consecr. dist. 2. Vide superiùs ad Antiochenum canonem 2.

Canon Agathensis 20. *Clerici, qui comam nutriunt, ab Archidiacono, etiamsi noluerint, inviti detondeantur. Vestimenta etiam, vel calceamenta eis, nisi qua religionem deceant, uti, aut habere non liceat.* Legitur in dist. 2. c. Clerici qui comam. Huc spectant Carthaginensis quarti Concilii canones 44. & 45. quos superiùs require.

Canon 28. Monasteria Monachorum à Monasteriis puellarum sancit esse longè remota, tum ob cavendas insidias diaboli, tum propter hominum obloquutiones. Citatur 18. q. 2. c. *monasteria puellarum.* Eandem præcipit adhiberi cautelam Concilium Hispalense secundum cap. 11. & Synodus Oecumenica septima, canon. 20. τὰ διπλὰ μοναστήρια, duplicia Monasteria virorum & Monastriarum interdicat. Similiter providet Innocentius Papa tertius in regesto 15. epist. 80. ad Helenensem Episcopum, & lex sanctissimarum 44. C. de Episcop. & Cler.

Canon 38. Clericos, & Monachos contu-

maces jubet verberibus coerceri. Pœnæ Ecclesiasticæ non omnes spirituales sunt, ut censuræ, depositiones, irregularitates ex delicto; sunt præterea quædam corporales, ut carcer, jejunia in pane & aqua, verberum inflictio, quibus sub custodia cæduntur graviore culpæ convicti Clerici aut Monachi. Id fieri solitum, præter canonem istum, fidem facit Cyprianus in *vita Casarii Arelatensis*, necnon alius Canon Agathensis 41. his verbis: *Clericus quem ebrium fuisse constiterit, aut triginta dies sit excommunicatus, aut corporali supplicio subditus sit.* Qui canon legitur pariter in Concilio Venerico (Gallicè *de Vannes*) numero decimus tertius. His accedit Concilii Liptinensis sub Papa Zacharia secundo, & Childeberto tertio Franciæ Rege, anno 743. in Hannonia celebrati canon 6. *Clerici (inquit) & Moniales fornicantes, carcere, jejunio in pane & aqua, & flagellationibus plectantur.* Denique Cassianus lib. 4. de *institutis Cœnobiis*, cap. 16. post dinumeratas graviore aliquas Monachorum culpas, ita subjungit: *Hæc vel plagis emendantur, vel expulsiōe purgantur.*

Canon 44. *Benedictionem super plebem in Ecclesia fundere, aut pœnitentem in Ecclesia benedicere Presbytero penitus non licebit.* His tamen posteriores regulæ Ecclesiasticæ derogarunt, præsertim in Missis Sacerdotum, adjunctis ad populi dimissionem benedictione populi, & ultimo Evangelio, ex decreto Pii quinti. Carthusienses veterem ritum sequuntur, & dictæ populi dimissione, Missam concludunt.

Canon 45.

Canon 45. *Terrulas, aut vineolas exiguas, & Ecclesia minus utiles, longè positas, parvas Episcopus sine consilio fratrum, si necessitas fuerit, distrahendi habeat potestatem.* Inferitur in Decreto, 12. q. 2. c. terrulas. Alioqui hoc ipsum Agathense Concilium can. 7. prohibet Episcopo alienare quidquam, aut distrahere de rebus Ecclesiæ, sine consultatione, & consensu etiam Comprovincialium Episcoporum. Vide in Decreto, 10. q. 2. per totam, & in Decretalibus de rebus Eccl. alien. vel non.

Canon 48. *Episcopi de rebus propriis & acquisitis, vel quidquid de proprio habent, heredibus suis, si voluerint, derelinquant. Quidquid verò de provisione Ecclesiæ suæ fuerit, siue de agris, siue de fructibus, siue de oblationibus, omnia in jure Ecclesiæ reservari censuimus.* Simile dudum legitur sancitum in Apostolorum Canonibus 39. & 40. Idemque decernitur ab Antiochena Synodo can. 24. & à primo Concilio Hispalensi, cui præfedit S. Leander, & approbavit Pelagius II. Papa: necnon à Magno Gregorio Papa lib. 10. epist. 42. ad Densdedit Mediolani Episcopum. Concilium Lateranum generale sub Alexandro III. can. 15. generaliter de clericis edicit, non posse testari, aut quomolibet inter vivos disponere de bonis per Ecclesiam acquisitis, sed in hæc Ecclesiam succedere. Vide c. quia nos, c. relatum est auribus, de testam. Horum ratio fundatur in destinatione facultatum Ecclesiæ, de quibus ita judicat Urbanus Papa & Martyr. *Ipsa res fidelium, quæ Domino offeruntur, non possunt aliis quam Ecclesiæ,*

396 *Notitia Conciliorum S. Ecclesie,*
clesie, & fidelium indigentium usibus applicari:
quia vota sunt fidelium, pretia peccatorum, pa-
trimonia pauperum. His Bernardus suffragatur
sermon. 23. in Cant. dicens: Ministri Ecclesie,
qui stipendiorum superflua, quibus egeni susten-
tandi forent, impiè, sacrilegèque sibi retinent, du-
plici profectò peccant iniquitate, quòd & aliena
diripiunt, & sacris in suis vanitatibus, & turpitu-
dinibus abutuntur. Idemque epist. 2. ad Cano-
nicum Lugdunensem: Quidquid præter necessa-
rium victum & vestitum de Altari retines, tuum
non est, rapina est, sacrilegium est. Idem similia
iterat epist. 42. Advertant Clerici quanta se
damnatione astringant, qui fructus Ecclesiæ
conferunt ad proprium luxum, vel augendas
cognatorum opes. Require superiùs circa hæc
Concilii Antiocheni canonem 24. cum ibi
annotatis.

Canon 52. *Presbytero, aut Diacono, aut*
Clerico sine Antistitis sui literis ambulanti com-
munionem nullus impendat. Vide Apostolorum
canones 15. 16. & 32. Et Chalcedonensem
canonem 13. & quæ congeffi de literis forma-
tis & dimissoriis, ad Concilii Carthaginensis
quinti canonem 7. Vide præterea Tridentini
sessionem 23. cap. 13.

Agathensis Canon 55. *Episcopis, Presbyte-*
ris, Diaconibus canes ad venandum, aut accipi-
res habere non liceat. Idem statuit Concilium
Epaunense canone 3. sub Sigismundo Burgun-
dionum Rege, Præsidente Alcimo Avito Vien-
nenfi Episcopo, anno 517. & præterea ca-
non 13. Matisconensis secundi Concilii,
an. 585.

an. 585. Et obiter antiquitatem observa venationis per accipitres.

Agathensis canon 64. Triennio suspendit à communione primùm Clericos, qui à propria Ecclesia citrà justam causam die aliquo ex solennioribus, putà Nativitatis Domini, Epiphaniæ, Paschæ, vel Pentecostes abfuerint. Deinde Presbyteros, aut Diaconos, qui quocumque anni tempore tres hebdomadas extra propriam Ecclesiam exegerint. Citatur *cap. si quis 7. q. 1.*

C A P U T L X I I I.

Concilium Aurelianense I.

QUæ ad Ligerim annem sita civitas vocatur à Julio Cæsare, aliisque priscis Scriptoribus Genabum, nomen postea sumpsit Aureliani. Ex quo autem Francorum Rex Clodoveus ejurato falforum Deorum cultu, per Remigium Episcopum sacro Fonte ablutus victoriam subinde illustrem de Alarico Vvisigottorum Rege, quem in acie suapte peremit manu, retulit, nihil antiquius habuit, quàm ut sacram, quam fuerat amplexus, Religionem propagaret, disciplinamque Ecclesiasticam per Episcoporum comitia instauraret. Hoc fine Aureliam convenère triginta & tres Episcopi, Symmacho clavum moderante universalis Ecclesiæ, anno à Christo 508. quamvis Baronius id

id referat ad annum præcedentem, atque etiam ante Vocladensem cum Alarico conflictum. Huic interfuere Synodo Remigius Remensis, Ildardus Rotomagensis, Lupus Sueffionensis, Melanius Redonensis, Quintianus Rutenensis, & Theodosius Antisiodorensis, eximie sanctitatis Episcopi, quos omnes cultu publico universa veneratur Ecclesia.

Canon primus immunitatem sanxit Ecclesiarum, ut qui ad eas confugerint, extrahi inde non possent. Hoc jus asyli jam superius assertum vidimus altero Gallicano Concilio Arausicano primo, *can. 1.* ubi plura reperies in hanc rem congesta.

Canon 4. ita concipitur: *De Ordinationibus Clericorum id observandum esse decrevimus, ut nullus secularium ad Clericatus officium presumatur, nisi aut cum Regis iussione, aut cum iudicis voluntate.* Similis est sanctio lib. 8. Capitular. Caroli Magni, cap. 120. *De Clericis hominibus, qui ad servitium Dei se tradere volunt, ut prius hoc non faciant, quam à nobis licentiam postulent: hoc ideò, quia audivimus aliquos ex illis non tam causâ devotionis hoc fecisse, quam pro exercitu, seu alia functione regali fugienda; quosdam verò cupiditatis causâ ab his, qui res illorum concupiscunt, circumventos audivimus, & ideò hac fieri prohibemus.* Cùm legem tulisset Mauricius Imperator, qua & eos qui publicis administrationibus vacassent, ad Ecclesiasticum officium recipi, & milites non expletis stipendiis in Monasteriis admitti prohibebat, priorem quidem hujus legis partem non impro-
bavit,

Cap. LXIII. Concilium Aurelian. 1. 399

probavit, sed potius laudavit: posteriori verò acriter restitit sanctus Gregorius Papa *lib. 2. epist. 62. ad Mauricium.*

Canon 21. statuit Abbates subesse Episcopis, & ab his, si deliquerint, esse corrigendos. Require superius canonem 4. Chalcedonensem, & Concilium Arelatense tertium cum annotatis.

Canon 26. *Id Sacerdotibus omnibus est decretum, ut ante Pascha solennitatem non Quinquagesima, sed Quadragesima teneatur.* Observandum est Telephori decreto, qui sextus à Petro Pontificatum gessit, Clericis omnibus injunctam fuisse abstinenciam septem plenarum hebdomadarum ante Pascha: *Quia (inquit) discreta esse debet vita Clericorum, & Laicorum.* Legitur hoc in Decreto, *c. statuimus, dist. 4.* Id verò quia fortasse jam obsoletum & antiquatum erat, reducitur hîc ad communem populi usum.

Inchoatio verò jejunii à feria quarta post Quinquagesimam, necdum fuerat introducta: quin imò necdum invaluerat sub Gregorii Papæ primi Pontificatus exordiis, quibus certum est adhuc jejunium inchoari solitum feria secunda post Quadragesimæ Dominicam, ut fidem facit ejuldem homilia 4. in Evang. quam etiam ad istud probandum adducit Amalarius *lib. 1. de officiis, cap. 7.* Non est tamen improbabile, Magnum Gregorium sub vitæ suæ finem constituisse demùm, ut à quarta post Quinquagesimam feria, ut nunc invaluit consuetudo, jejunium aperiretur; cum Gregorii ipsius Sacramen

eramentarium quartam illam feriam caput, ac initium jejunii esse affirmet : etsi aliqui suspicerentur esse laciniam Sacramentario Gregorii assutam.

¹ Canon 29. *Rogationes, seu Litánias, ante Ascensum Domini placuit celebrari, itaut præmissum triduanum jejunium in Ascensionis Dominica solennitate solvatur : per quod triduum servi & ancilla ab opere relaxentur, quo magis plebs universa conveniat. Quo triduo omnes abstineant, & Quadragesimalibus cibis utantur.* Sidonius Apollinaris lib. 7. epist. 1. ad Mamercum Viennensem Episcopum, hunc ipsum prædicat authorem Rogationum, quarum præsidio, civium suorum, quorum exitium & multa de cælo prodigia, & Barbararum Gentium incursiones interminabantur, saluti consuluerit. Hæc porro contigerunt circa Christi annum 474. Post Mamercum Hesychius Ecclesiæ Viennæ gubernacula suscepit, cui successit Avitus, qui homil. in Rogationes, sic ait : *Currit tramite viali non per Gallias modò, sed per orbem totum Rogationis observantia flumen irriguum.*

CAPUT LXIV.

Concilium Arausicanum II.

Arausione convenit hæc Synodus secunda Christi anno 529. ut Jacobus Sirmundus observat, sub Felice Papa IV. regnante in Italia Athalarico Amalasuntæ filio ; in
Gallia

Gallia verò liberis Clodovei. Concilio præfedit Cæsarius Arelatenfis, quod approbavit Bonifacius II. Pontifex in fua ad Cæsarium ipfum epiftola, quam ex antiquis manufcriptis Sirmundus in lucem protulit. Hac Synodo contra Semipelagianos, qui in Gallia, maxime in fecunda Narbonenfi provincia, per hujus hærefis præcipuos aſſertores eximii ingenii viros Caſſianum & Fauſtum percrebuerant, Chriſti gratiæ neceſſitas commendata eſt. Caſſiani ſcripta ſolidè impugnaverant Proſper edito adverſus Collatorem libro. Fauſti verò libros duos de libero arbitrio, & de præſcientia ac prædeſtinatione, oppoſitis & ſincerioribus libris oppugnarunt tres ſancti Epiſcopi Avitus Viennenſis, Fulgentius Ruſpenſis, & Cæsarius Arelatenſis.

Canon 3. *Si quis ad humanam invocationem gratiam Dei dicit conferri, non autem ipſam gratiam facere ut invocetur à nobis, contradicit Iſaia Propheta, vel Apoſtolo dicenti: Inventus ſum à non quærentibus me, palam apparui his qui me non interrogabant.* Semipelagiani, ſeu Maſſilienſes, quamvis contra Pelagium gratiam Dei ad ſalutem neceſſariam aſſererent, attramen in hominis arbitrio ejus ſemina & diſpoſitiones collocabant, ſcilicet in deſiderio ſalutis ac fidei, aut in oratione: quibus rebus hominem propriis & naturalibus relictum viribus gratiam mereri, & ad ſe attrahere dicebant, ut conſtat ex epiftolis Proſperi & Hilarii, quibus Auguſtinum admonent inſurgentiſtius in Gallia hæreſis.

Canon 4. *Si quis ut peccato purgemur voluntatem nostram Deum expectare contendit, non autem etiam ut purgari velimus, per Spiritus Sancti infusionem & operationem in nos fieri confitetur, resistit Spiritui Sancto per Salomonem dicenti: Preparatur voluntas à Domino; & Apostolo salubriter prædicanti: Deus est qui operatur in nobis velle & perficere pro bona voluntate.* Sanctissimus Ecclesiæ Doctor, & divinæ gratiæ propugnator insignis Augustinus, gratiæ Christi vim & efficaciam his verbis describit in libro de gratia Christi, cap. 10. *Sed nos eam gratiam volumus isti fateantur, quâ futura gloria magnitudo non solum promittitur, sed etiam creditur & speratur: nec solum revelatur sapientia, sed etiam amatur: nec solum suadetur omne quod bonum est, verum & persuadetur. Hanc debet Pelagius gratiam confiteri, si vult non solum vocari, sed etiam esse Christianus.* Vis illa quidem à Luthero invec̃ta, quæ humanam voluntatem necessitate adigat, arcenda procul à gratia est, solâque illi tribuenda virtus & efficacia, cui possit humana libertas dissentire, si velit, ut definit Synodus Tridentina sess. 6. can. 4. Idemque Augustinus, qui memorato superius loco, aliisque per multis asseruit gratiam victricem suam semper sortiri effectum, ad eò ut in libro de prædest. Sanct. cap. 8. hæc asseveret: *Gratia, quæ Dei benignitate humano cordi infunditur, à nullo duro corde respuitur; cum ad hoc detur, ut duritiem auferat cordis.* Idem, inquam, lib. de spiritu & littera, cap. 33. luculenter docet integram sub gratiæ ductu servari hominis libertatem, his verbis:

verbis : *Profectò & ipsum bonum velle Deus operatur in homine , & in omnibus misericordia ejus prævenit nos : consentire autem vocationi Dei, vel ab ea dissentire , sicut dixi, propria voluntatis est.* Hactenus sanctus Doctor. Nos verò errorem illum prorsus averſamur , qui voluntarium cum libero ita confundit , ut ipsam etiam necessitatem cum libertate conciliet.

Canon 12. *Tales nos Deus amat , quales futuri sumus ipsius dono , non quales sumus nostra merito.* Desumptus est ex Augustini epistola 105. Docet hæc Synodus , neminem quantumvis justum, promereri posse suam ad æternam vitam prædestinationem, seu quod eodem recidit, finalis perseverantiæ donum. Et fulcitur etiam isto canone merè gratuita in Dei proposito æterno prædestinatio ; hinc enim dependet series omnis gratiæ, bonorumque operum, quibus æterna vita paratur. Prius enim finis intenditur, deinde media eliguntur fini acquirendo convenientia. Itaque prædestinationis effectus , non verò causa sunt gratiæ efficaces, & ex his procedentia bona opera, & quod non cadit sub meritum, perseverantiæ donum. Unde Apostolus Rom. 9. *Non est volentis , neque currentis , sed misereentis Dei.* Idemque Apost. Rom. 8. *Diligentibus Deum omnia cooperantur in bonum his , qui secundum propositum* (scilicet Dei ; quod Dei propositum, ut observat Augustinus , Apostolus opponit voluntati & operibus hominis) *vocati sunt sancti : quos enim præscivit , illos & prædestinavit conformes fieri imaginis Filii sui , ut sit ipse primogenitus in multis.*

404 *Notitia Conciliorum S. Ecclesie,*
fratribus. Hinc optimum depromit argumen-
tum gratuitæ hominum prædestinationis Au-
gustinus *lib. de prædest. Sanctorum, cap. 15. & de*
bono perseverantia, cap. ult. ut cum prædestinatio
Christi sit exemplar, & origo prædestinatio-
nis Sanctorum, sicut *Christus prædestinatus est*
Filius Dei in virtute, ut loquitur Paulus *Rom. 1,*
ita ut gratuita protus fuerit ejus prædestinatio
ex mero, æternoque Dei proposito, nullis ejus
præcedentibus meritis, aut prævisis. Non enim
Christum Maria peperit merum hominem, qui
postea meritis accedentibus assumeretur ad
unionem hypostaticam Verbi, sed simul ho-
mo, Deus esse cœpit. Itaque Christus, & ad
ejus exemplar Sancti, per æternum Dei propo-
situm prædestinati sunt nullis prævisis, aut cau-
santibus meritis; sed quia prædestinati sunt,
ided datum illis fuit, ut mererentur divinæ
gratiæ auxiliis vitam æternam. Prosequitur
deinde Apostolus: *Quos autem prædestinavit*
(nimirum quod præmisit Apostolus, secundum
propositum) *illos & vocavit* (secundum propo-
situm) *quos autem vocavit, illos & justificavit*
(secundum propositum) *quos autem justificavit*
(secundum propositum) *illos & glorificavit* (se-
cundum propositum.) Denique istum omnem
de æterna apud Deum prædestinatione sermo-
nem Apostolus hac exclamatione concludit,
quæ inepta esset, atque impertinens, si omnia
essent ad prævisa hominum merita, & liberam
oblata gratiæ acceptionem aut rejectionem
refundenda. *O altitudo divitiarum sapientiæ &*
scientiæ Dei! quàm incomprehensibilia sunt judi-
cia

Cap. XLIV. Concil. Arausican. II. 405
etia ejus, & investigabiles via ejus! quis enim co-
gnovit sensum Domini? aut quis consiliarius ejus
fuit? aut quis prior dedit illi, & retribuetur ei?
Rom. 11. Quibus postremis verbis ostendit rur-
sus, & instat Deum prævenire omnia hominum
merita, omnemque bonum usum liberi arbi-
trii: & idcirco jure admirandum, atque inter
arcana inscrutabilia Dei habendum, cur hujus
miseretur, illius non miseretur.

Canon 14. Nullus miser de quacumque mise-
ria liberatur, nisi per Dei misericordiam præve-
niatur, sicut Psalmista dicit: Misericordia ejus
præveniet me. Et, Cito anticipet nos misericordia
tua, Domine. Canonem istum Synodus Arausi-
cana edidit, ut esset antidoti loco adversus Mas-
siliensium hæresin, quam his verbis Prosper
exponit in epistola ad Augustinum. Ad hanc
gratiam, qua in Christo renascimur, pervenire cre-
dunt, per naturalem scilicet facultatem, petendo,
querendo, pulsando, ut ideò accipiat, ideò inveniat,
ideò introeat, quia bono natura bene usus, ut ad
istam salvantem gratiam initialis gratia ope me-
ruerit pervenire. Sed his egregiè respondet Au-
gustinus de dono persever. cap. 23. Ubi intelli-
gimus & hoc ipsum esse donum Dei, ut veraci
corde, & spiritualiter clamemus ad Dominum.
Attendant ergo quomodo falluntur qui putant esse
à nobis, & non dari nobis ut petamus, quæamus,
& pulsemus; & hoc esse dicunt, quod gratia præ-
ceditur merito nostro, ut sequatur illa; cum acci-
piamus petentes, & inveniamus quærentes, ape-
riaturque postulanti. Nec volunt intelligere,
etiam hoc divini muneris esse, ut oremus, hoc est

406 *Notitia Conciliorum S. Ecclesia,*
petamus, quaramus, atque pulsemus. Hactenus
verba Augustini, qui & frequentissime in his
disputationibus Apostolicum effatum ingerit,
& sæpius inculcando iterat: *Quid enim habes*
quod non accepisti?

Canon 37. *Fortitudinem Gentilium mundana*
cupiditas facit, fortitudinem Christianorum Dei
charitas facit, qua diffusa est in cordibus nostris;
non per voluntatis arbitrium, sed per Spiritum
sanctum, qui datus est nobis, nullis meritis gratiam
prævenientibus. Desumptus est ex Augustini
opere perfecto contra Julianum lib. 1. n. 83. &
ex ejusdem libro de patientia, cap. 17.

Canon 18. *Debetur merces bonis operibus, si*
fiant; sed gratia qua non debetur, præcedit, ut
fiant. Hic igitur copulantur gratuitum & me-
ritorium, quia hominis meritum gratia præce-
dit Christi.

Canon 19. *Natura humana, etsi in illa in-*
tegritate, in qua condita est, permaneret, nullo
modo seipsam, Creatore suo non adjuvante, serva-
ret. Unde cum sine gratia Dei salutem non possit
custodire quam accepit, quomodo sine gratia Dei
poterit reparare quod perdidit? Decerptus canon
ex Augustini epistola 106. Huic sacrae doctrinae
de actualiū auxiliorum ad habitualem gratiam
necessaria adjunctione suffragatur aliud ejus-
dem sanctissimi Doctoris testimonium, lib. de
corrupt. & grat. cap. 12. *Si autem hoc adjutorium*
(inquit) vel angelo, vel homini cum primum fa-
cti sunt, defuisset, quoniam non talis natura facta
erat, ut sine divino adjutorio posset manere, si vel-
let, non utique suâ culpâ cecidissent: adjutorium
quippe

quippe defuisset, sine quo manere non possent: Quibus etiam verbis funditus evertitur Michaëlis Baii dogma, hominem peccare in eo etiam quod evitare non possit.

Canon 20. *Multa in homine bona fiunt, quæ non facit homo* (ut sunt gratiæ omnes prævenientes, de quibus supra diximus:) *nulla autem bona facit homo, quæ Deus non præstet ut faciat homo.* Depromitur ex Augustini libro contra duas epistolas Pelagii, cap. 8.

Canon 22. *Nemo de suo habet nisi peccatum & mendacium.* Ex Augustino tractat. 5. in Ioan.

Canon 25. *Aliquos divina potestate ad malum prædestinatos esse, non solum non credimus; sed etiam si sint qui tantum malum credere velint; cum omni detestatione illis anathema dicimus.* Hæreticis consuetum est falsa dogmata Catholicis affingere, ut sanam eorum doctrinam in odium, aut contemptum adducant. Sic Nestoriani Cyrillum calumniabantur esse Apollinaristam hæreticum; & Eutychiani Orthodoxos, qui distinctas & inconfusas in Christo naturas propugnabant, Nestorianæ hæresis insimulabant. Ita etiam Faustus, eique cœtaneus Gennadius, ex inconcussa S. Augustini doctrina, falsas, & malè cohærentes conclusiones eliciebant, quas Augustini discipulis falsò ascribebant, eisdemque hæresis insimulantes, dicebant Prædestinianos: quam calumniam ut amolirentur Arausicani Patres, hunc Canonem ad præcedentes addiderunt. Florus Hincemari ætati suppar, nomine Lugdu-

nenſis Eccleſiæ librum pereruditum edidit in deſenſionem Auguſtinianæ doctrinæ, in quo ſi-
cilitium illud monſtrum hæreſis Prædeſtinaria-
norum à vaſerrimo Fauſto excogitatum, &
commentitiis Arelatenſi & Lugdunenſi Con-
ciliis proſcriptum, ut Fauſtus comminiſcitur,
& ab Hincmaro Remenſi poſt ducentos circi-
ter & ſexaginta ab ætate Fauſti annos reſuſci-
tatum, affirmat eſſe meram fabulam, nec ullam
uiſſe unquam prædeſtinatianorum ſectam. Sed
hoc nomine Auguſtini deſenſores & diſcipu-
los uiſſe à Semipelagianis notatos, affingenti-
bus eis falſa & hæretica dogmata.

De hac eadem Semipelagianorum impoſtura
ſimile perhibet teſtimonium Rimigias Lugdu-
nenſis Archiepiſcopus, ejuſdem ſæculi ſcriptor,
in ſuo de tribus epistoſis libro, cap. 41. Denique ad
concilianda quæ contraria, ſibi quæ invicem vi-
dentur adverſantia Scripturæ loca, & ad ener-
vanda Semipelagianorum argumenta, memoriæ
commendanda eſt illa celebris ab Auguſtino
tradita vocationū diſtinctio, in eam ſcilicet quæ
generalis eſt, qua univerſi vocantur, nemine
proſus excepto, in æternam ſalutem; & in eam
quæ particularis eſt, & ſecundum Dei propoſi-
tum efficaci; & huic peculiare eſt, quod ſuo nū-
quam fruſtretur effectu. Sic enim docet libro
de prædeſtinat. Sanct. cap. 16. *Vocat enim Deus
prædeſtinatos multos filios ſuos, ut eos faciat mem-
bra prædeſtinati Filii ſui, non ea vocatione qua vo-
cati ſunt qui noluerunt venire ad nuptias; illa
quippe vocatione & Iudei vocati ſunt, quibus
Chriſtus crucifixus ſcandalum eſt; & Gentes, qui-*
buz

*bus Christus crucifixus stulticia est ; sed ea vocatio-
ne predestinatos vocat , quam distinxit Apostolus
dicens , ipsis vocatis Iudæis & Græcis predicare se
Christum Dei virtutem , & Dei sapientiam. Sic
enim ait : Ipsis autem vocatis , ut illos ostenderet
non vocatos : sciens esse quandam certam vocatio-
nem eorum , qui secundum propositum vocati
sunt , quos præcivit & prædestinavit conformes
feri imaginis Filii sui. Dixit ergo : Sed ex vo-
cante , non quacunque vocatione , sed qua voca-
tione fit credens. Et mox : Non enim vocatione
illa vocati sunt , de qua dictum est : Multi sunt vo-
cati , pauci verò electi ; sed illa ipsa , qua vocantur
electi. Et subinde ibidem : Vnde subiecit Apo-
stolus : Sine pœnitentia enim sunt dona & vocatio
Dei , idest , sine mutatione stabiliter fixa sunt. Ad
hanc vocationem qui pertinent , omnes docibiles
Dei sunt ; istorum autem nemo perit , &c.*

CAPUT LXV.

Concilium Lugdunense I.

Istud ex antiquis manuscriptis restituit in
lucem Jacobus Sirmundus summi vir inge-
nii, eximieque de sacris Literis meritis. Habi-
tum fuit regnante in Burgundia Sigismundo,
in Francia verò quatuor Clodovei I. liberis,
anno Christi 517. Huic præsedit Lugduni Epil-
copus Viventiolus. Hujus canon 2. speciali
nota dignus est : *Id quoque adjecimus , ut qui-
cumque nostrum tribulationem quancumque , vel*

amaritudinem , aut commotionem fortasse Potestatis necesse habuerit tolerare , omnes unà cum eodem animo compatiantur : & quidquid vel dispendiorum obtentu causa unus susceperit , consolatio fraterna anxietatis releuet tribulatos. Sapienter hoc decretum est , quia facile contingit, ut Episcopus ex officio agens , per æmulorum, aut malevolorum suggestiones cadat in Principis offensam ; utque reliqui Episcopi, sive metu displicendi , sive ambitione , sive alia cupiditate adducti , Principis iniquo affectui famulentur. Ut enim sileam exemplum Joannis Chrysostomi , qui Eudoxia Augusta illum insectante fuit Orthodoxorum etiam Episcoporum Synodo depositus , aliaque hujusmodi vetera exempla ; nec extra Gallicanum regnum digrediar , in primis sub Regia Merovæi progenie in Synodo Parisiensi oppressus est à Chilperico Rege , hujusque conjuge Fredegunde Prætextatus Rotomagorum Episcopus , ut refert Gregorius Turonensis *lib. 5. hist. Francorum , cap. 18.* Sub secunda verò , id est Caroli Magni stirpe , Carolo Calvo regnante , Hincmarus Remensium Antistes , potestate & gratia , qua valebat apud Regem , abutens , Silvanectensem Episcoporum aulicis artibus corruptorum Synodum cœgit , qua Rotaldum Sueffionum Episcopum , cui erat infensus , justum & integerrimæ vitæ Præsulem Episcopatu dejecit , & Sedem Apostolicam frustra appellantem retrusit in Monasterium. Idemque Remensis Hincmarus proprium nepotem suis injustis desideriis non obtemperantem , cognomine

mine Hincmarum, Laudunensem Episcopum, in altero Episcoporum malignantium Concilio Duziacensi deturbavit Episcopali Sede, carcere inclusit, quantumvis provocantem ad Romanum Pontificem, eique barbarica immanitate oculos effodit, ut fidem faciunt eorundem temporum Concilia Gallicana. Sub tertia denique Franciæ Regum stirpe Hugo Capetus Rex suspectum sibi Arnulfum Remorum Pontificem; eo quodd esset æmuli sui Lotaringiæ ducis Caroli, ex magni Caroli Augusti prosapia consanguineus, per adulatorum & Aulæ mancipiorum Episcoporum Synodum Remis habitam Sede dimovit, & vinculis addixit, suffecto ejus in locum Gerberto. Quam indignitatem ut rescivit Joannes Papa XV. rem totam misso in Galliam Legato Apostolico revisit, & causâ cognitâ libertati, pristinaque dignitati Arnulfum restituit. Gerbertus itaque Gallia excedens, ad Imperatorem Othonem III. se contulit, cujus operâ promotus primùm ad Archiepiscopatum Ravennensem; & postmodum defuncto Papa Gregorio V. ad Romanæ Ecclesiæ thronum conscendit, nomenque Sylvestri secundi sortitus est.



CAPUT LXVI.

Concilium Turonicum II.

Habitum fuit regnante Lutetiæ Chariberto, an. Chr. 570. Hujus exordio Patres ita pronunciant : *Ecclesiastica disciplina debet esse suffragium congregatio Sacerdotum.*

Canon 1. convocari jubet Synodum Metropolitanam, suorumque comprovincialium bis singulis annis ; aut si necessitas inevitabilis hoc impedierit, saltem semel in anno. Mandatque singulis Episcopis, ut ad Synodum convenient sub excommunicationis pœna, à qua sola dispenset certissima infirmitas ; nullatenus autem Regis obsequium, aut Regis ordinatio. *Non enim (ait) spirituali operi debet præferri Regalis præceptio.*

Canonem 3. de loco ubi recondendum est admirabile Sacramentum, & canonem 4. de loco Sanctuarii, & quinam ab ejus ingressu arceantur, jam retulimus in diatriba, quam Synodo Chalcedonensi subjecimus.

Canon 5. statuit, ut *qualibet Civitas pauperes suos incolas pascat, ne aliis locis divagentur.*

Canon 10. statuit, ut Clerici victum sibi, vestitumque artificiolo comparent, & ut iidem sibi propriis manibus præparent refectionem, & ita prætextu careant in suas ædes mulierem famulitii

Cap. LXVI. Concil. Turonic. II. 413
famulitii causâ introducendi. De his actum
diffusius ad canones 51, & 52. Concilii Car-
thaginensis quarti.

Canon 18. assignat Monachorum jejunia
per annum. Quia verò jejuniorum diebus non
prandebatur, sed solum cœnabatur, idcirco sic
ait : *De jejniis antiqua à Monachis instituta*
conserventur, ut de Pascha usque ad Quinqua-
gesimam (id est Pentecosten) exceptis rogatio-
nibus, omni die prandium Fratribus preparetur.
Post Quinquagesimam totâ hebdomadâ exactè
jejunent. Postea usque ad Kalendas Augusti ter
in septimana jejunent, secunda & quarta & sexta
feria, exceptis his qui aliqua infirmitate constructi
sunt. In Augusto, quia quotidie Missa Sancto-
rum sunt, prandium habeant. In Septembri toto,
& Octobri, & Novembri, sicut dictum est, ter in
Septimana. De Decembri usque ad Natalem Do-
mini omni die jejunent. Et quia inter Natalem Do-
mini & Epiphaniam omni die festiuitates sunt,
itemque prandebunt. Excipitur triduum, quo ad
calcandam Gentilium consuetudinem Pares-no-
stri statuerunt privatas in Kalendis Iannarii fieri
Litania, ut in Ecclesiis psallatur, & hora octava
in Kalendis ipsius Circumcisionis Missa Deo pro-
pitio celebretur. Post Epiphaniam verò usque ad
Quadragesimam, ter in septimana jejunent. In
istto Canone primùm observa, per triduum à
Kalendis Iannarii fuisse consuetudinem vete-
rem Litaniarum, & jejuniorum, ne fidelis po-
pulus communicaret sacrilegis dissolutionibus,
quibus indulgebant Gentiles iisdem diebus in
honorem Jani : quemadmodum multis in Ec-
clesiis

414 *Notitia Conciliorum S. Ecclesie,*
clesiis sacros celebrari conventus cernimus
cum orationibus, & concionibus, triduo pro-
fanorum Bacchanalium à Quinquagesima.

Observe secundò diebus jejuniorum Missam
differri solitam ad horam octavam, quia horâ
nonâ, & non antè licebat in jejuniis extra
Quadragesimam cibum capere. Incidebat au-
tem nona in tertiam post meridiem horam.
Quod verò attinet ad horam refectio-
nis, seu
cœnæ, per Quadragesimam ea differebatur in
vesperam, quæ in horam à meridie sextam in-
currit. Meridies verò incurrebat in horam sex-
tam veterum. Quo factum est, ut quamvis ho-
ra cœnæ jejuniorum hodiernorum multum præ
illo veteri ritu soleat anticipari, decantentur
nihilominus vespertinæ Preces per quadra-
gesimam ante refectio-
nem, atque adeò ante me-
ridiem, non autem in reliquis per annum jeju-
niis. Nam veteres hora, quæ nobis est post
meridiem sexta, vesperras decantabant, indé-
que Quadragesimalibus jejuniis ad refectio-
nem, hoc est cœnam, prodibant. In reliquis au-
tem per annum jejuniis canon iste 18. edicit,
ut horâ octavâ celebretur Missa, nimirum ho-
ra post meridiem secunda. Post Missam enim
preces horæ nonæ concinebantur, quibus ex-
actis occurrebat hora de meridie tertia, qua iba-
tur ad cœnam. Tertullianus contra Psychicos
cap. 10. scribit Psychicos (ita per contumeliam
ipso appellat Catholicos superbus & proter-
vus hæreticus) solitos non ultra nonam sua
omnia jejunia protrahere; suos verò, hoc est
Hæreticos Montanistas, usque ad vesperum.

Id

Id tamen apertè falsum & calumniosum est quoad jejunia Catholicorum quadragesimalia, ut ex testimoniis sequentibus liquet. Basiliius Magnus *homil. de jejun.* loquens de Quadragesima : *Expectas* (inquit) *vesperam ut cibum capias.* Chrysostomus *homil. 4. in Genes. de Quadragesima* pariter sic dicit: *Non existimemus indiam usque ad vesperam ad salutem nobis sufficere.* Paulinus epist. 6. ad Amandum: *Quotidiana,* inquit, *jejunia non refugit, & pauperem mensam vespertinus conviva non horruit.* Hieronymus epist. ad Eustochium, refert de quibusdam Monachis solitos fuisse post horam nonam cibum sumere, & apud eos jejunium totius anni æquale esse, exceptâ Quadragesimâ, in qua distri-ctius vivitur, atque ad pœnitentiam vela laxantur. Huc accedit etiam Concilium Cabilonen-*se,* dicens: *Solent plures, qui jejunare se putant, in Quadragesima mox ut audierint signum, ad horam nonam manducare, qui nullatenus jejunare credendi sunt, si ante manducaverint quam vespertinum celebretur officium.* Citatur de *consecr. dist. 1.* Iste quoque Turonensis canon hoc idem perspicuè decernit. Sic etiam testatur Micrologus lib. de Ecclesiast. observationibus, c. 49. *In hoc differt quadragesimale jejunium ab aliis, quod in aliis post Nonam, in hoc autem post Vesperam reficere nos debemus: nec juxta Canones quadragesimaliter jejunare censemur, si ante Vesperam reficimur.* Benedictus Monachorum Pater, in Regula cap. 41. *Quarta & sexta feria jejunent usque ad nonam.* Et subinde: *Ab initio Quadragesime usque ad Pascha ad Vesperam*

ram reficiantur. Ne verò Monachis id peculiare credas, sic testatur Bernardus serm. 3. de Quadrages. Hactenus usque ad nonam jejunavimus soli: nunc usque ad vespertam jejunabunt nobiscum simul universi Reges & Principes, Clerus & populus, nobiles & ignobiles, simul in unum dives & pauper. Denique August. epist. 118. ad Iannarium, ubi dicit horam solvendi jejunii esse nonam, non de aliis ibi jejuniis loquitur quàm Sabbatorum per annum. Id sanè fatendum, ab aliquot sæculis fervorem Christianorum multum deferbuisset, ideoque Ecclesiam de pristinae disciplinæ severitate plurimum remississe, quatenus fideles in deteriora lapsi ejus distractionis jugum è propriis cervicibus excussissent, si pia Mater eos voluisset ad hoc adigere, quod melius, & animabus curandis salubrius fuisset. Hinc pessum iverunt publicæ antiquorum pœnitentiæ, & Canonum adversus peccatores præscripta pœnalia: hinc jejuniorum miræ relaxationes, tum horam præscriptam longè anticipando, tum comestationem antea prohibitam jejuniis interfèrendo, tum xerophagias, de quibus superius ad Laodiceum Canonem tractavimus, circa ciborum & potus substantiam ferè omnino abolendo.

CAPUT LXVII.

Concilium Toletanum III.

Valde memorabile istud Concilium est, utpote convocatum felicissimis auspiciis, cum primum Catholica Fides, quæ prius sub Visigottis Arianis oppressa in Hispaniis ingemuerat, & quam paulò ante Rex Leovigildus atrociter fuerat infectatus, adedò ut primogenitum suum Hermenigildum ab Arianismo ad Catholicam fidem operâ sancti Leandri Hispalensis Episcopi conversum, præcellenti virtute Principem in vincula conjecerit, & ad ultimum capite truncaverit. At hujus frater minor natu Recaredus, fraternæ pietatis se præstitit imitorem. Hic mortuo parente Leovigildo Regnum capessivit, simulque religionem Orthodoxam, non modò professus est, sed etiam quanto potuit studio fovit & propagavit. Ea de causâ ipso Regni sui exordio hæc Synodum curavit celebrari, Pelagio II. Romæ Pontifice, anno Christi 589. & Hispanicæ Eræ anno 627. Hoc enim obiter discendum, Hispanicam Eræ annis triginta octo anteriorem esse Christiana epocha, ejusque initium desumi à Consulatu Appii Claudii, & Norbani Flacci, quo factam inter Triumviros Octavianum, Antonium, & Lepidum Imperii partitionem Senatus approbavit.

Subscripsere Concilio Antistites ex omni Hispania congregati, necnon ex ea Gallie parte quæ tunc Visigottorum Regibus parebat, Metropolitæ Narbonensis, alique Gallici Episcopi per se, aut delegatos à se Vicarios.

Sub eodem Rege Recaredo haud multò post hanc Toletanam Synodum, altera Narbonè habita est Episcoporum Synodus, qui iidem ferè subscripti leguntur in hac Toletana; Migetius Narbonensis Provinciæ Metropolitanus, & Episcopi Sedatus Biterrensis, Boëtius aut Poëtius Magalonensis, (quæ postea Sedes Monspelium translata fuit) Pelagius Nemausensis, Tigidius Agathensis, Sergius Carcassonensis, & Agrippinus de civitate Loteba, ea nunc Lodeva dicitur.

Observatu dignissimus est canon 7. *Pro reverentia Dei Sacerdotum id universa sancta constituit Synodus, ut quia solent crebrò mensis otiosa fabula interponi, in omni Sacerdotali convivio lectio Scripturarum divinarum misceatur: per hoc enim & anima adificantur in bonum, & fabula non necessaria prohibentur.* Citatur apud Gratianum *dist. 44. c. pro reverentia.* Eadem pariter regula præscribitur *cap. in omnibus, de consecratione dist. 5.*



CAPUT LXVIII.

Concilium Matisconense II.

MAtiscona oppidum est Hæduorum amni Arari adjacens. Sedem habet Episcopalem Lugdunensi Metropoli subjectam. Primum ibi Concilium celebratum fuerat anno Christi 582. Pelagio II. Pontifice, atque in ista Galliæ parte, quæ Burgundia est, regnante Guntrano, uno ex quatuor Clotarii liberis, qui Regnum paternum in totidem partes seu Tetrarchias partiti fuerant, Chariberto Lutiæ sedem sui Regni collocante, Guntrano Aureliani, Chilperiso Sueffionibus, Sigiberto Metis. Post sexennium sub iisdem Pelagio Papa & Guntrano Rege, celebratum majori frequentia fuit secundum Matisconæ Concilium anno 588, cui præfedit Priscus Lugdunensis, & cum eo sederunt alii sexaginta Episcopi.

Hujus canone 4. præscribitur, *Ut omnes fideles diebus Dominicis, viri & mulieres, Altaris oblationem faciant in pane & vino, sub anathematis pœna.* Vide quæ annotavi ad Laodicenum canonem 14.

Canon 6. *Quacumque reliquia Sacrificiorum post peractam Missam in Sacrario supersederint, quarta vel sexta feria innocentes ab illo, cujus interest, in Ecclesiam adducantur, & indicto*

eis jejunio easdem reliquias conspersas vino percipiant. Huc pertinet narratio Evagrii lib. 4. Hist. Eccl. cap. 36. Vetus, ait, consuetudo Constantinopoli fuit, ut si quando multa particula sacratissima Eucharistia superessent, pueri impuberes qui scholas frequentabant, accerserentur, qui eas manducarent. Contigit ut puer quidam Iudaei opificis vitrarii cum condiscipulis admissus, his reliquiis Sacramentorum participaverit. Hic domum regressus patri causam mora sciscitanti puer simplex & innocens, rem uti erat, significavit. At ille furore excandescens arreptum puerum in vitrariam fornacem coniecit accensam; mater inscia rei puerum toto triduo conquestum flebiliter in mariti officina compellat, cui puer de fornace respondit. Tum mater ad ostium clibani accurrens, puerum inter flammarum vortices illasum conspicit, qui se à quadam eximii decoris muliere servatum asseruit, qua ad eum crebro veniens, etiam cibum quoties esuriebat, allatum erogabat. Id miraculum protinus Iustiniano Imperatori perlatum est, qui puerum & matrem sacro Baptismo lubentes ablui curavit. Patrem autem in sua impietate pertinacem crucis suspendio damnavit.

Canon 15. injungit laicis, ut occurrentibus in itinere Sacerdotibus se veneranter inclinent, & si ambo equitent, laicus de suo capite galerum auferat in Sacerdotis honorem. Sed si Sacerdos pedes incedat; & laicus equo vehatur, descendat in terram laicus in venerationis debita significationem. Contravenientes statuit ad tempus ab Episcopo praeiniendum esse ab Eccle-

Cap. LXVIII. Concilium Matisc. II. 411
lia, quam inhonorant, suspensos, ac interdictos.

Canon 19. Clericis vetat forum ingredi criminale, in quo examinantur criminum rei, aut damnatorum supplicio spectatores interesse.

CAPUT LXIX.

*Concilium Constantinopolitanum II. &
inter Occumenica quintum.*

Nestorianam perfidiam, & Eutychianam impietatem Synodi Ephesina & Chalcedonenſis proſtraverant; non tamen extinxerant. Pertinax enim malitia in multorum animis, & virus hæreſeos, & nova factionum molimina in dies alebat & accendebat. Dudum etiam exoleti errores Origenis multis locis reſuſcitebantur; unde innumera diffidia per Orientem naſcebantur. In hac tamen multiplici hæreſum colluvie perfidia Eutychiana, quæ regnante religioſiſſimo Principe Marciano, in multorum animis metu potiùs quàm voluntatè reſpreſſa latebat, poſt illius obitum in tantam prorupit audaciam, ut per omnem Aſiam, & vicinas Europæ regiones omni furore & ſtrage graſſata ſit, & tres Orientis Patriarchias, Alexandrinam, Antiochenam, & Conſtantinopolitanam foedè concuſſerit, de quibus ſinguliſ pauca hæc perſtringenda.

In primis Alexandria auditò ſtatim Marciani Auguſti interitu, qui dum ſuperſtes fuit

Chalcedonenſem fidem ſtrenuè tutatus fuerat, ea ſoluti formidine quicumque Dioſcōro fa-
vebant, caput ſacrilegum extulerunt. Præcipui
horum duces fuere Timotheus Ælurus, & Pe-
trus Moggus. Hi primùm, ut refert Liberatus
cap. 15. catervis hæreticorum ſtipati, Prote-
rium adoriuntur Alexandrinum Episcopum,
ex Chalcedonenſi decreto in locum deturba-
ti ea Sede Diſcōri ſubrogatum, cumque in
baptiſterio, quò confugerat, latitantem jugu-
lant, & flammis injectum in cineres redigunt,
quos in ventum diſſipant. Ægerri mè hoc tu-
lit, qui Marciano ſucceſſerat Leo Auguſtus.
Nec minùs tamen baccantur Alexandria Eutychiani,
hortante Timotheo Æluro, qui per
vim & Orthodoxorum cædes Patriarchicum
Thronum, dejecto inde Proterio, invaſerat.
Quin etiam poſt hujus invaſoris interitum per
novam obſiſtentium Catholicorum ſtragem &
internecionem horrendam, projectiſſimæ ne-
quitix hæreticum Petrum Moggum in ea Sede
collocant.

Antiochiæ verò non ſegniùs inſoleſcebant
ejuſdem ſectæ hæretici, authore præſertim Pe-
tro Cnapheo, ſeu Fullone, qui ad Eutychetis
dogma hæreſim adjunxit Theopafchitarum, vo-
ceſque triſagio addidit: *Qui paſſus eſt pro nobis.*
Iſte concitatâ adverſus Martyrium Episcopum
Antiochenum multitudinem, illam violentus
Sedem occupavit. Quam eandem decurſis ali-
quot annis, alter Eutychianæ ſectæ propaga-
tor inſignis Severus invaſit, depulſo Flaviano
Catholico Præſule, favore ſubnixus & gratiâ
Impera

Imperatoris Anastasii, qui sublato è vivis successore Leonis Zenone, Romanum regebat Imperium: Severus ex ista sic occupata Sede sanctam Chalcedonensem Synodum publicè anathematizavit, Ecclesias depopulatus est, piosque omnes direptionibus, verberibus, carceribus, exiliis, cædibus atrociter divexavit, & in his trecentos Monachos immaniter excruciatos trucidavit, omniaque luctu, cruore & cadaveribus funestavit.

Nec minùs infestas Eutychianorum furias passa est Constantinopolis Ecclesia. Primum quidem sub Acacio, qui Petrum Moggum in Alexandrino Episcopatu retinendo omni præsidio & industria tutatus est, quippe Chalcedonensis fidei proditor diu fallacibus artibus diligentiam Romanorum Pontificum elusit. Deinde sub Antimo, qui abdicato Trapezuntis Episcopatu in Sedem Constantinopolitanam involavit, ut primum vacare cœpit obitu Epiphanii Catholici Episcopi, quam ille non destitit sua deinceps hæresi contaminare. Quæ cum graviter ferret Romanus Episcopus Agapitus, qui per id tempus Theodati Gottorum Regis causâ Constantinopolin ad Justinianum Augustum concesserat, non modò Antimi consalutatione, omnique communione abstinuit, sed & ipsum, obsistente licèt Theodorâ Imperatrice, Patriarchatu dimovit, Mennâ spectatæ Religionis virò in illius locum suffecto, quem suâ ipse manu sacravit, applaudente Senatu & populo, suæque sanctione id omne comprobante Justiniano. Et ita repressa illie

424 *Notitia Conciliorum S. Ecclesie,*
hæreticorum vesania tantisper conquievit.

Sed & Orientem infestabat præterea hæresis Nestoriana, quam valde fovebant libelli quidam à tribus Authoribus editi. Quorum primus Theodotus Mopsuestiæ Episcopus, qui ante Synodum Ephesinam adversus hæreticos Eunomium & Apollinarem ita scripserat, ut unam tamen Christi personam, & Deum carne indutum, & Mariam fuisse Dei matrem palam inficiaretur. Igitur Nestoriani, interdictis per edicta Imperialia Nestorii libris, ne deesset unde populi virus Nestorianum haurirent, scripta Theodori studiosè vulgarunt non Græco tantum idiomate, sed conversa etiam in Syrorum, Persarum, atque Armenorum sermonem. Alter fuit Theodoritus Cyri Episcopus, qui duodecim Ephesinæ fidei capitibus à Cyrillo Alexandrino conscriptis, totidem opposuerat & euderat acres, aculeatasque censuras. Tertius Ibas Edessenæ civitatis Episcopus, qui scriptâ ad Marin Persam epistolâ, coarguit Rabulam decessorem suum, quod immeritò Mopsuestenum, quem optimè de Ecclesia meritum, & strenuissimum hæreticorum debellatorem asserit, anathemate damnasset. Postmodum Dioscorus, ejusque in Ephesino Conciliabulo asseclæ, Edessenum Ibam duas Christi naturas prædicantem aduersus Eutychen crudeliter insectati sunt, tanquam ab Ephesina Synodo & à Cyrillo dissidentem, eumque sæpius in vincula redactum & condemnatum deposuerunt. Ab his provocavit Ibas ad Synodum Chalcedonensem, quæ Ibam Nestorii dogma

Cap. LXIX. Concil. Constantinop. II. 425
dogma damnantem, & anathematizantem;
communioni & pristinae dignitati restituendum duxit: de ipsius tamen ad Marin epistola nihil definivit.

Ad Nestorianam & Eutychianam luem tertia pestis & calamitas accessit ex duobus Monachis novæ Lauræ (id erat Sancti Sabæ in Palæstina Monasterium) Nonno & Leontio Bizantino. Isti collectos ex Origenis voluminibus maximos quosque errores in omnes Orientis plagas disperferunt, quorum summa erat: Ante corpus animam extitisse in cælo, ubi varia peccata commiserit: Cælum, solemque, lunam, & quæ cælis supernatant aquas, esse quasdam animatas & rationabiles virtutes: In resurrectione corpora hominum rotunda & orbiculata excitatum iri: Omnium damnatorum, & dæmonum, & hominum tormenta finem habitura: Impios homines, dæmonesque in priorem suum à creatione statum esse restituendos. Pro dæmonum salute Christum denuò crucifigendum, atque idipsum patiendum esse à malignis, qui in cælo sunt, spiritibus. Horum audentia ne latius in dies serperet, suppliciter id postulantibus Monachis quibusdam Jerosolymitanis, atque Pelagio Diacono, Vigilii Papæ Apocrisiario, & Mennâ Constantinopolis Patriarchâ, Justinianus Imperator non tantum Eutychianos, sed insuper Origenistas severo coercuit edicto, quod postea trium Orientis Patriarcharum, sed & Vigilii potissimum suffragio comprobatum est. In quo illud asseritur ex Origenis libris, Arium, Manetem, ac

ferè omnes reliquos Hæreticos, tanquam immanes feras ex antris & caveis profluentes, gregem Dominicum devastasse. Istiusmodi condemnationem iniquo admodum tulit animo Cæsareæ Cappadocum Antistes Theodorus Origeni addictissimus, sectæque Acephalus, quæ ramus & propago quædam erat hæresis Eutychie, prætereaque Pelagianæ Diacono summopere infensus.

Ut igitur quascunque poterat Origeni, & Acephalis ferret suppetias, Justiniano Principi, cujus gratiâ pollebat, suader, ne se tot curis & laboribus conficeret in Acephalis insectandis, & Chalcedonensi tuenda Synodo: facili quippe negotio totum posse componi, si Mopsuesteni Theodori libros, Ibæ epistolam, & Theodoriti Capitula publico edicto damnaret. Nec enim aliam ob causam quicumque cum Eutyche sentiunt, licet in varias dissecti partes, à Chalcedonensi Concilio dicebat abhorrere, nisi quòd Theodorum & Ibam justè ob hæresim suis dudum Sedibus ejectos restituisset, atque in Synodi confessum admisisset. Deinde quòd Ibæ relinquendo intactam epistolam, ejusque authorem honorificè restituendo, videretur hoc ipso Theodori doctrinam tantopere in ea epistola collaudatam approbasse. His verò deterfis tribus maculis fore tandem, ut alioqui gravissima Synodus nemine discrepante ubique recipiatur.

Ista Theodorus Cæsareensis Justiniano vaferrimè simul & mendacissimè suggestit. Non enim sacra Synodus Theodorum & Ibam in
communio

communione & pristina Sedem & sacrum
 Confessum recepit, nisi post testimonia pœni-
 tentiæ & publicam sinceræ fidei professionem.
 Nec ullum Theodoro Mopsuesteno haberi ho-
 norem voluit, cùm nihil de illo propositum,
 aut definitum in ea Synodo fuerit; sed si qua
 ejus mentio fuit in his quæ scripsit Ibas, ea
 dumtaxat historicè recitata sint, quomodo
 multæ in Conciliis proferri aliquando solent
 privatorum scriptiones pro rerum occurren-
 tium varietate. Longè quippe distant Synodica
 inquisitio & simplex recitatio. Si enim de sin-
 gulis quæ recitantur, definiendum esset, res in
 immensum abirent, & Synodi scopus, cui se-
 dulò intendendum est, in diverticula innume-
 ra molestiarum & confusionum plena distra-
 heretur. At Theodorus ipse in unum illum
 scopum collimabat, ut Chalcedonensi Con-
 cilio fidem abrogaret, omnemque procellam in
 Eutychianos incumbentem, in horum adver-
 sarios Nestorianos converteret, Catholicos
 verò inter se committeret, ac schismate ab
 invicem divelleret, unde ipsi debiliores evade-
 rent, & studia sua aliò diverterent; Eutychia-
 nis verò & robur, & securitas accresceret. Hæc
 sapienter penetrans Vigilius Pontifex, Theo-
 dorum ista molientem scriptis literis graviter
 coarguit: Justinianus tamen Theodoro mo-
 rem gerens, missis in omnem partem litteris
 Episcopos ad trium præfatorum Caputum dam-
 nationem instanter urget. Horum pars quidem
 acquiescit, pars verò metuens ne Chalcedonen-
 si Concilio fraus fieret, moras nectit, & rem
 non

non aliter , quàm totius orbis deliberatione respondet esse dijudicandam , non verò privatorum aliquorum studiis. Itaque rem eò tandem Justinianus deduxit, ut Capitula tria, simulque Originistarum causa ad Oecumenicæ Synodi dispositionem referrentur.

Anno igitur Christi quingentesimo tertio Constantinopolitana Synodus secunda, & inter Oecumenicas quinta indicitur. Interfuerunt Eutychius Regiæ urbis Episcopus, qui Mennæ successerat; Apollinaris Alexandrinus, Dominus Antiochenus, tres quoque qui absentis Eustochii Jerosolymitani Episcopi vices agebant, omnesque simul fuere centum sexaginta Episcopi. Vigilius verò Papa, qui non abs rem multum in universam Ecclesiam discriminis ex ista machinatione, quam Theodori Cæsarensis fraudulenta mens perperat, suspicabatur & pertimescebat, neque aliter in istam convocationem consenserat, quàm quia Justiniani potentia, seu potius impotentia obsistere citra ipsius Ecclesiæ grave aliud periculum & damnum minimè poterat; non judicavit se per seipsum aut suos Legatos huic assistere Synodo debere, licet tum temporis ab ipso Justiniano accitus Constantinopoli versaretur, ne sua præsentia per sæcularem potestatem adigeretur (sicut pluries in aliis Conciliis per Imperatores convocatis contigerat ipsis Orthodoxis Episcopis, atque aliquando ipsi Liberio Pontifici) ad quidquid quod ipsi Ecclesiæ dedecori ac detrimento verteret: sed sibi, sine cujus approbatione Synodus nihil ratum ac validum poterat decernere,

nere, expectandum esse totius rei exitum, maxime cum abessent Occidentis Episcopi, à quibus sinceriores poterat sibi fidem polliceri, & certiores in eorum animis fiduciam collocare. Sic namque integrum sibi fore approbare, aut reprobare quæcunque tandem Synodus decrevisset. Hanc Vigilii tanto in discrimine prudentiam magnoperè commendat illustrissimus Annalium Scriptor.

Vigilius tamen ut ad Concilium accederet eique præsideret, etiam atque etiam rogatus fuit, primum quidem à tribus Patriarchis, & septemdecim Episcopis, qui honorificam penam cum legatione Concilii nomine functi sunt deinde à tribus Patriciis, cum pluribus simul Episcopis ab Imperatore missis; nullis tamen precibus adduci potuit, ut à præcessorum suorum (hanc enim obtendit excusationem) consuetudine recederet, qui nunquam in Oecumenicis Synodis confederant. Prolixè tamen suam voluntatem & consensum pollicitus est in his rebus, quæ sacro approbante Concilio pro Ecclesiæ dignitate decernendæ erant.

Patres in Secretario Concilium auspicantur. Actum est in primis de Theodoro Mopsuesteno, cuius productis & examinatis libris, anathema in eum, ejusque doctrinam conclamatum est, definitumque, producto in hanc rem Augustini testimonio, hæreticos etiam post mortem condemnari posse. Itum hinc est in epistolam Iba, quam ut à recta desectentem fide Patres censurâ notarunt, & ultra legi prohibuerunt. Idemque decretum in Capitula Theodoriti.

Quibus peractis editi sunt Canones quatuordecim, quibus Catholica fides adversus Nestorium, Acephalos, aliosque Eutychis & Severi sectarios explicata est.

Actum hinc pariter de Origenis, Didymi, & Evagrii erroribus, quos uno quasi ore Patres omnes detestati sunt. Operæ pretium erit omnem damnationis scriptorum Origenis historiam ab ipsis primis exordiis contexere. Primus Origenis viventis libros damnaverat ejus Episcopus Demetrius Alexandrinus Patriarcha, eumque ut hæreticum anathematis sententiâ perculerat, ut scribit Hieronymus *lib. 2. adversus Rufinum*. Pro sui verò defensione literas apologeticas ad omnes Ecclesias scripsit Origenes, quibus erroneorum dogmatum crimen à se amoliri studet, refundens illa in quendam æmulum & hæreticum librorum Origenis exscriptorem, qui ad sanam Origenis doctrinam sua zizania superfeminaverit. Cæterum ex officio fecisset Origenes, si sufficienter providisset, ne (quod postea contigit,) fraus aliqua ulli ex suis libris fieret, illique sibi ascripti errores latius serperent. Colligendi ergo fuerant ab ipso singillatim in unum quasi fasciculum, & deinde ab ipso refellendi, & anathematizandi. Præterea non in uno, alterove codice, sed uti observat præfatus Hieronymus, in omnibus ferè libris, quos innumeros edidit Origenes, eadem semper hæreses inspersæ leguntur.

Contigit exinde sub annum Christi 399. ut Theophilus Alexandria Episcopus collectâ subditorum sibi Episcoporum Synodo libros
damnaret

Cap. LXIX. Concil. Constantinop. II. 431
damnaret Origenis, ejusque fautores communione fidelium excluderet, His de rebus Theophilus scriptis literis Anastasium Romanum Pontificem fecit certiores. Quibus acceptis literis Anastasius eodem anno, & Origenem, & Origenistas publicâ sententiâ damnavit, ut testatur Hieronymus *epist. 71. ad ipsum Theophilum*, & *epist. 78. ad Pammachium*, & *apolog. 1. & 2. ad Rufinum*. Multitudo subinde Monachorum Ægypti à Templo ex tota Ægypto depellitur, conceditque in Palæstinam, unde pariter ejecta, Constantinopolin ad Chrysostomum confugit, qui eos peregrinâ communione suscepit, providens iplis de victu, promisitque fore se intermedium reconciliationis ipsorum cum Theophilo conciliatoré. Quia tamen formatas ab eo nullas habebant, idèd donec plenior causæ cognitio haberetur, ut scribit Sozomenus *lib. 7. cap. 13*. noluit Monachos ad Sacramentorum Ecclesiæ communionem admittere, preces tamen eis in Ecclesia fundere non prohibuit.

Diu obstitit Chrysostomus, ne quod animo concipiebant in Ægypto profugi Monachi, libellos accusationum adversus Theophilum Arcadio Augusto exhiberent. At ubi nulla demùm spes illis reditus & pacis affulgere visa est, non ampliùs distulere libellum Imperatori adversus Theophilum offerre, gravibus refertum accusationibus, adèd ut Theophilus in capitis discrimen adduceretur. Credidit Theophilus, simulque illius adversus Origenistas commilito studiosissimus Epiphanius Constantiæ Cypti Episcopus, hanc
fuisse

fuisse Chrysostomo impulsore factam accusationem, & ipsum esse Origenistarum fautorem, falsâ in utroque persuasione delusi. Epiphanius Theophili suâ ad Chrysostomum scribit de cogenda Constantinopoli Synodo ad condemnandum Origenistas, sicut à Theophilo Alexandriæ factum fuerat, & ab ipso Anastasio Romæ, Cui rescripsit Chrysostomus, Ægyptios Monachos conqueri, se falsis appeti accusationibus. Quod verò spectabat ad rem Origenistarum, cum id nulla fuisset Oecumenica Synodo definitum, consultius sibi agendum videri circa libros Origenis, ne majus ex ea concertatione dissidium & schisma nasceretur: quandoquidem plerique sanctissimi Patres, & Ecclesiæ Doctores magnam Origeni venerationem habuerunt. Epiphanius his minimè acquiescens, suadente Theophilo Constantinopolin profectus est.

Advenientem in urbem Epiphanium Chrysostomus omnibus humanitatis officiis prosecutus est, rogavitque ut unâ Ecclesiâ & unâ domo secum uteretur. Ille verò negavit se ullatenus cum eo communionem habiturum, donec Origenis libros apertè damnasset, Monachosque Origenistas expulisset. Epiphanius post aliquot disputationes & similitates cum Clericis & cum Episcopis, qui tunc in urbe Regia versabantur, quosque nec à Chrysostomo divellere, nec ad suas potuit transferre partes, admonitus tandem sibi periculum impendere, si fortè tumultus aliquis, aut seditio moveretur, cujus ipse incensor esset, destitit ab
 inceptis

inceptis, & ex urbe directo in Cyprum itinere navigavit, re ob quam venerat infectâ.

Digressio Constantinopoli Epiphanio, Theophilus, jubente Arcadio, profectus est in Regiam civitatem, ut accusationibus quibus impetebatur, responderet. In hoc itinere complures collegit, secumque adduxit Episcopos, in animo habens, quod re postea complevit, Synodum adversus Chrysostomum in ipsius diœcesi celebrare. Sciebat enim Eudoxiam Augustam sanctissimo Præsuli, qui eam sæpius coarguerat, esse infensam. Quin etiam fortuito evenit, ut cum pro concione Chrysostomus alludens ad Eliæ Prophetæ verba, 3. *Regum* 18. sic exorsus esset: *Congregate ad me Sacerdotes dedecoris, qui comedunt mensam Iezabel*, &c. quotquot ei adversabantur, Imperatricem acrius in ipsius perniciem accenderint, persuadentes hæc conviciandi studio prolata adversus eam fuisse, simulque adversus Theophilum, Severianum, Acacium, Antiochum, Episcopos, qui Eudoxiæ cura & impensis Constantinopoli alebantur. Hæc ergo impotens irarum acrius conspirat cum ejusmodi Chrysostomo infensis Episcopis in ipsius exitium.

Convenit itaque Concilium malignantium præside Theophilo ad Quercum. Sic vocabatur Chalcedonis suburbium. Ed citatus Chrysostomus reus, cum non accessisset, damnatur absens, & Sede ac dignitate deponitur. Quin etiam postulante Pseudo-synodo, & urgente Eudoxia, ab Arcadio mittitur in exilium. Monachi verò profugi cum veniam supplices ro-

E c

gallent, redeunt in gratiam cum Theophilo. Hic verò, qui gravissimorum criminum accersitus reus Constantinopolin judicandus advenerat, Urbem primum triumphali comitatu intravit, honoribus in Aula cumulatus est, Synodumque in vicinia Regiæ urbis habuit, cui præfedit factus ex reo derepente iudex Episcopi sibi nullatenus subditi, atque in aliena Diœcesi, cujus etiam Antistiti ante aliquot annos totius Orientis Episcopi in secunda Oecumenica Synodo altioris dignitatis gradum præ omnibus Orientis Patriarchis indusserant.

Scribit Socrates, hunc ipsum Theophilum, cum frequenter Origenis scripta legeret, dicere solitum, ejus libros similes esse præto omnibus florum, herbarumque generibus confecto, unde bona & salubria multa decerperet; quæ verò mala inerant, missa faceret. Gelasius etiam Papa præcessoris sui Anastasii vestigiis insistens, in Concilio Romano de Origene sic pronunciat: *Origenis nonnulla opuscula, quæ vir beatissimus Hieronymus non repudiat, legenda suscipimus, reliqua autem omnia cum auctore suo dicimus esse renuenda.* Ita Gelasius, qui anno 492. Pontificatum iniit annis circiter 60. ante istam Oecumenicam Synodum quintam.

Quam demum Synodum ut propius attingamus, compertum est, ipsam multarum etiam inter Catholicos dissensionum seminarium fuisse. Quamvis enim circa fidei definitiones, quas edidit, omnes Catholici convenirent; attamen in his, quæ circa facta, & personas versaban

Cap. LXIX. Concil. Constantinop. II. 435
versabantur, dissensiones acerrimæ, atque diu-
turnæ succensæ sunt. Receptissimam & incon-
cussam totius Ecclesiæ doctrinam his ipsis ver-
bis tradit sapientissimus Cardinalis Bellarmi-
nus *lib. 3. de Rom. Pontif. cap. 2.* Primò, posse
Summum Pontificem cum suo cœtu (Consilia-
riorum) vel cum generali Concilio, errare in
controverſiis facti particularibus, quæ ex in-
formatione, testimoniisque hominum pendent.
Secundò posse summum Pontificem ut priva-
tum Doctorem errare, etiam in quæſtionibus
juris universalibus, tam fidei, quam morum;
idque ex ignorantia, ut aliis Doctõribus con-
tingit interdum. Veruntamen, quicumque hoc
prætèxto schisinata in Ecclesiam inveherent,
aut etiam Pontificem ipsum, vel Synodum per-
vicaciter despicerent, quibus ob dignitatem
debetur semper à fidelibus veneratio, illi pro-
cul dubio Deum offenderent, & scandalum fi-
delibus objicerent.

Cæterùm ex iis, qui tribus Capitulis non
acquieverunt, persuasi damnationem illorum
vel non esse vero consentaneam, vel etiam Sy-
nodo Chalcedonensi (qui fuerat Theodori
Cæsareensis scopus) injuriosam, quidam eò
progressi sunt, ut seipsos à reliquis fidelibus
divellerent, eorum communionem & societa-
tem omnem averſantes, & schisma sponte in-
ducentes. Hujusmodi fuerunt Istriæ complures
Episcopi, & Venetorum, & Liguriæ, In-
subriæque, atque in primis Paulinus Aquil-
leia, & Honoratus Mediolani Antistes. Hi
pamque Synodum istam, tametsi autoritate

jam Apostolica roboratum, non sunt veriti reprobare in Pseudo-synodo à se coacta, non modò inconsulto, sed etiam palam adversante Romano Pontifice Pelagio II. ut patet ex hujus ad ipsos epistolis. Atque hoc esse exordium Patriarchatus Aquileiensis per schisma usurpati, Baronius autumat. Coactus igitur fuit Pelagius agere cum Narsete Patricio & Exarcha Italiæ, sub Justiniano Principe, ut tantam proterviam suâ potentiâ & armis compesceret; Paulinum autem & Honoratum, ut nefarii schismatis authores, militum custodiæ traditos Constantinopolin ad Imperatorem traducere. Quamquam causa etiam reformidandæ magna erat Pelagio ipsi diram & sacrilegam Imperatoris tyrannidem, quæ paulò ante desævierat cum horrendo universæ Ecclesiæ despectu & scandalo contra Vigilium Papam, Synodum istam approbare renitentem. Istæ quidem per Justinianum, ejusque in Italia ducem Narsetem vexationes excitant graves rerum turbas totâ præsertim Italiâ, donec postremò Sancti Gregorii & Sergii Pontificum monitis & insigni prudentiâ extinctum est istud incendium, sedatæque perturbationes Ecclesiarum, ita ut Synodum quintam iidem tandem complecterentur, qui fuerant ei paulò ante infensiores.

Alii verò trium quidem Capitulorum damnationi minimè acquiescentes, non idèò tamen à communione se subtrahebant eorum qui damnabant. In primis enim perspicuum est, Vigilium Papam hujusmodi damnationi Capituli

Capitulorum, quæ ab eo enixè postulabatur, diu & constanter restitisse, nec eam potuisse Justinianum ab ipso extorquere, nisi postquam ægritudine, senioque confectum Pontificem in tetrum carcerem, alligato ad collum fœne detruxit, in quo dies multos elanguit, modico tantum pane & aquâ pascus. Comites autem Vigilii Romanos Clericos, ceu vilia mancipia Justinianus ad metalla damnavit omni calamitate mactandos. Vigilius verò ærumnis confectus, postquam ereptus è carcere Romam regreditur, in Sicilia interiit. Scripsere de his Paulus Diaconus *lib. 3. c. 12.* & *lib. 4. c. 4.* Beda *lib. de sex atatib.* Liberatus in *Breviario*, addens Vigilium fuisse quidem ab hæresi afflictum, sed non coronatum, eo quod non aliter fuerit liber dimissus, quàm trium Capitulorum diu recusatam damnationem relaxando. Hæresin verò Liberatus non aliam dicit, quàm Eutychianorum, qui hanc condemnationem fieri faterant. Quamquam reverà illa condemnatio nullatenus fidem Catholicam lædebat, sed tantum Nestorianum dogma. Hoc etiam refert Liberatus, eos qui consensiebant huic damnationi trium Capitum, fuisse à Justiniano muneribus donatos & honoribus auctos, dissentientes verò, Sedibus, dignitatibus & opibus spoliatos, in ærumnosa exilia relegatos fuisse, aliosque fugâ latitantes in angustiis felicem (sic loquitur Liberatus) exitum suscepisse. Isidorus quoque *de Viris illust. c. 25.* Victorem perhibet Episcopum Africanum fuisse pro trium Capitulorum defensione multatum exilio,

deinde in carcere mortuum sub Justiniano. Facundus quoque Hermianensis alter, Episcopus Africanus, eandem ob causam deportatus in ærumnosum exilium fuit. Theodorus pariter Africanus Episcopus, cum tria Capitula reprobare noller, relegatus ab eodem Justiniano fuit, quo in exilio vitam finivit, sed honorificè tumulatus fuit juxta Confessorum Africanorum sacra pignora, quibus Hunnericus Vandalorum Rex linguas ob fidei constantem professionem exciderat. Hæc in suo Chronico scribit Victor Tunnensis, qui temporibus illis Constantinopoli versabatur.

Cassiodorum quoque hanc Synodum non probasse inde colligit Baronius *ad annum* 556. *num.* 2. quod cum cæteras recenscat Oecumenicas, nullam hujus habeat mentionem: sicut ipse Sanctus Gregorius Papa fecisse aliquando visus est, dicendo se quatuor Oecumenicis Conciliis parem cum quatuor Evangeliiis venerationem deferre. In quinto enim Concilio (ut ipse attestatur) non de fide, sed de personis tractatum fuit. De Felice verò trium Capitulorum defensore ita scribit lib. 3. epist. 14. *Felix presentium lator, cum nullatenus in Hæreticorum dogmata lapsus sit, nec à Catholica fide discesserit, &c.* Idemque lib. 3. epist. 37. *ad Constantium Episcopum Mediolanensem: Quod autem scripsistis, quod epistolam meam Regina (Longobardorum) Theodolinda transmittere minime voluistis, pro eo quod quinta Synodus in ea nominabatur, si eam exinde scandalizari posse credidistis, rectè factum est, ut mini-*

Cap. LXIX. Concil. Constantinop. II. 439
mè transmitteretis. Vnde nunc ista facimus, ut vobis placuit, ut quatuor Synodos solummodo laudaremus. De illa autem Synodo, quæ postmodum Constantinopoli facta est, quæ à multis Quinta nominatur, scire vos volo, quia nihil contra sanctissimas Synodos constituerit, vel senserit; quippe quia in ea de personis tantummodo, non autem de fide aliquid gestum est: & de his personis, de quibus in Chalcedonensi Synodo nihil continetur: sed post expressas Synodos, seu Canones facta contentio, & extrema actio de personis ventilata est. Nos tamen, sicut voluistis, ita fecimus, ut ejusdem Synodi nullam memoriam faceremus. Hæc Sanctus Papa Gregorius: & ita se ille gessit circa personas, quæ schismate se ab approbatoribus hujusce Concilii non discindebant. Quinetiam approbatissimum Concilium Toletanum decimumquartum; receptis Leonis Papæ secundi literis unà cum actis sextæ Synodi, constituit, ut post quatuor Oecumenicas Synodos, hæc à Leone transmissa, quæ Monothelita damnantur, quinto loco poneretur. Unde ex consequenti Quintam istam excludebant sub Justiniano adversus tria Capitula convocata.

Admonet sapienter Barónius, Quintam Synodum malis initiis, & mala intentione auspiciatam nihil Ecclesiæ contulisse præter innumeras dissensiones, clades, vexationes, schismata, & sæcularis Imperii adversus sacros Pontifices, aliasque Ecclesiasticas personas diram horrendamque tyrannidem: nec per eam fuisse conversos, quin imò invaluisse magis hæreticos. Et cum contra Summi Pon-

tificis mentem per sæcularem potestatem hæreticorum pravis suasionibus excitatam, coactum habitumque fuerit istud Concilium, nullo præsentem Apostolico Legato, primusque subscripserit, qui eidem propria præfedit auctoritate Eutychius Constantinopolis Episcopus, fuisse manifestè illegitimum & schismaticum conciliabulum, nullo modo censendum inter Ecclesiæ Concilia, nisi ex solo tempore quo robur eidem accessit ex approbatione Apostolica, sive postquam Vigilus Papa carcere, & fame, suorumque miserabili clade diu mactatus, ut ad hoc approbandum adigeretur, tandem approbavit, ut fidem facit sexta Synodus *act. 18.* idque colligitur ex adducto superius Liberati testimonio, sive etiam ex decreto Pelagii Papæ, qui scripsit pro quinta Synodo memoratam superius epistolam ad Narsetem; quamvis etiam tunc perduraret tyrannidis violentia, fremeretque adhuc Justinianus, sive (quando jam Ecclesia majori securitate, & pace fruebatur) ex approbatione sancti Papæ Gregorii *lib. 1. epist. 42. lib. 2. epist. 10. & 36.* sive ex approbatione Nicolai I. *epist. ad Michaëlem Imperatorem.* Quibus omnibus adjungenda quoque approbatio Synodorum Oecumenicarum sextæ & septimæ. Quin etiam urgente ipsa Justiniani tyrannide, nil facere consultius poterant Romani Pontifices, quàm ut cederent illius voluntati, quia sic erat occurrendum certissimo & inevitabili totius Orientis adversus Romanam Ecclesiam schismati.

Acta, decretaque Synodi Quintæ Latine

sanctum

Cap. LXIX. Concil. Constantinop. II. 441
tantum supersunt, in quibus etiam haud pauca
supposititia Baronius agnoscit. Illa sanè Theo-
doritæ ad Joannem Antiochenum epistola his
inserta de obitu Cyrilli Alexandrini, cujus me-
moriæ probris, & conviciis proscindit, mera
impostura est, cum Cyrillus ipse literas scripse-
rit ad Domnum Antiochenum Episcopum,
Joannis successorem, quæ extant inter Cyrilli
opera. Nicephorus etiam scribit in Chronico,
Cyrillum Joanni supervixisse. Imò in sexta
Oecumenica Synodo *act. 3.* evidenter in actis
monstratum est, insertos fraudulentos in actis
hujus Synodi fuisse duos Vigiliæ Papæ ad Iusti-
nianum libros, & præterea Mennæ confectum
sermonem ad Vigilium: ex quibus arguitur
illius ætatis Orientalium profusa ad contexen-
das imposturas licentia.

CAPUT LXX.

Concilium Toletanum IV.

Quarta Toletana Synodus coacta sub Ho-
norio I. Pontifice fuit, regnante in Hispa-
nia & in Narbonensi Gallia Sisenando, Eræ
Hispanicæ anno 671. epochæ verò Christi 633.
in Basilica sanctæ Virginis & Martyris Leo-
cadiæ. Interfuit Rex Sisenandus, & ex omni-
bus Hispaniæ Provinciis, atque ex Narbonensi
subscripsere sexaginta duo Episcopi propria
manu, & alii septem per procuratores. Inter

442 *Notitia Conciliorum S. Ecclesiæ,*

quos eximia sanctitate insignes extiterunt, qui primus subscripsit Isidorus Hispalensis, scriptis libris, & publico Ecclesiæ cultu celeberrimus, alterum Ecclesiæ Hispalensis sydus post præcessorem suum Leandrum Hispalensem Visigottorum Apostolum : præterea qui ordine quintus subscripsit Justus Toletanus Episcopus, Stephanus Emeritensis, Nontinus Gerundensis, Conantius Palentinus, Braulio Cæsaraugustanus, fastis omnes Sanctorum ascripti.

Canon 24. constituit, *Ut puberes omnes, & adolescentes Clerici in uno atrii Conclavi simul habitent disciplinis Ecclesiasticis instituendi, sub senioris magistri probatissimi cura.* Similiter Concilii secundi Toletani canon 1. decreverat juvenes Clericos in domo Ecclesiæ sub Episcopi præsentia per sibi præpositum erudiri. Ambo hi canones inferuntur in *Decreto, dist. 28. c. de his, & 12.8.1.c. omnis atas.* Concilium Moguntinum sub Carolo Magno statuit communem etiam convictum Canonicorum. Et Aurelianense secundum *can. 9.* providet ne Clerici cum sæcularibus habitent. Aquisgranense sub Ludovico Pio *can. 121. & can. 122.* sancit cunctis Clericis æqualiter cibos distribui ad mensam. Idemque *canon 134.* modum & formam præscribit correctionis Clericorum in communi viventium. Et subinde *can. 135.* præcipit regulam & modum educationis, & convictus puerorum Clericorum. Similiter edicit Concilium Parisiense *lib. 1. c. 30.* denique Tridentinum Concilium *sess. 23. cap. 18. de reform.* pro-
videri

Cap. LXX. Concilium Toletanum IV. 443

videri jubet in singulis Diœcesibus Seminaria & scholas Clericorum, pro eorundem institutione. De his plenius Concilia, & acta Mediolanensis Ecclesiæ sub sanctissimo Præsule Carolo Borromæo. His adjungito S. Augustini exemplum & disciplinam, de quo in ejus vita cap. 51. ita perhibet Possidonius: *Cum ipso semper Clerici una etiam domo & mēsa, sumptibusque communibus alebantur & vestiebantur.*

Canon 25. *Ut Presbyteri quando in parœciis ordinantur, libellum officialem (vulgò Rituale) à Sacerdote accipiant, ut ad Ecclesias sibi deputatas instructi accedant.*

Canon 31. *Episcopi in protegendis populis ac defendendis injunctam sibi à Deo curam non ambigant. Ideoque dum conspiciunt iudices aut potentes pauperum oppressores existere, prius eos Sacerdotali admonitione redarguant: & si contempserint emendari, eorum licentiam Regis auribus intiment, ut quos Sacerdotalis admonitio non flectit ad justitiam, Regalis potestas ab impietate coërceat. Si quis autem Episcopus id neglexerit, Concilio erit reus. Episcopalis constantiæ erga Magnatum violentiam & injustitiam illustria suppeditant exempla S. Nicolaus Myræ Antistes in Eustachium Asiæ Proconsulem, ut in ipsius actis legitur: Sanctus Athanasius in Præfectum Libyæ ex Cappadocia oriundum: quem etiam ab eodem communione fidelium præcisum S. Basilus Cappadociæ Metropolitæ declaravit à fidelium cōsortio extorrem, epist. 47. ad Athanas. Idemque Basilus pari virtutis laude Modestum Præsidem coërcevit*

444 *Notitia Conciliorum S. Ecclesie,*
coërcuit. Et Chrysostomus Eudoxiam Augu-
stam, quæ viduæ agrum invaserat, ingressu
Ecclesiæ prohibuit. Parem exercuit coërcitio-
nem Ambrosius in Theodosium Imperatorem,
ob Thessalonicensium promiscuam cædem. Sy-
nesius etiam Ptolemæidis Episcopus Androni-
cum Provinciæ Pentapolis Præfectum, virum
crudelissimum & rapacem, simulque scelerum
ejus conscium & administrum Thoantem fru-
stra præmonitos, & in flagitiis obstinatos, à
cœtu fidelium exclusit, atque ad pœnitentiam
demum adegit, ut in suis ipse refert epistolis
57. 58. 71. & 89. Nec prætermittendus S. Au-
gustinus, qui præpotentem Africæ Comitem,
sibi singularem necessitudine devinctum Bo-
nifacium excommunicavit, eo quod hominem,
qui ad Ecclesiam confugerat, sceleratum qui-
dem, & morte dignum, abstrahi jussisset, ut
constat *ex append. epist. 6. & 7.* Idemque Au-
gustinus *epist. 159.* Marcellinum Africæ Præ-
fectum ita compellat: *Quoniam Christiano lo-*
quor, maximè in tali causa, non arroganter di-
xerim, audire te Episcopum jubentem convenit
Domine eximie, & merito insignis atque charissi-
me fili.

Canon 40. *Omnes Clerici, vel Lectores, sicut*
Sacerdotes, & Levita, detonso superius capite,
inferius solam circuli coronam relinquant: non
sicut hucusque in Galicia partibus Lectores fa-
ciunt, qui prolixis, ut laici, comis, in solo capi-
tis apice modicum circulum tondent. Ritus enim
iste in Hispaniis hucusque hæreticorum fuit, unde
oportet ut pro ampuando ab Ecclesiis scandalo,
hoc

Cap. LXX. Concilium Toletanum IV. 445
hic signum dedecoris auferatur. En ut comam in
quocumque Clerico scandalum, & dedecoris
signum sanctissimi, & sapientissimi Patres vo-
cant. Anicetus Papa *epist. ad Cler. Gall.* sic ait:
Clerici comam non nutriant, sed desuper caput in
modum sphaera radant. Citatur *c. prohibet, dist. 23.*
Concilium Carthaginense quartum, can. 44.
Clericus neque comam alat, neque barbam. Cita-
tur *cap. Clericus, dist. 42.* Isidorus *lib. 2. divin.*
offic. cap. 4. institutam ab ipsis Apostolis docet
Clericorum tonsuram & coronam ad Naza-
ræorum imitationem, tanquam indicium &
professionem peculiaris additionis ad cultum
Dei: quorum etiam ritu Paulus Jerosolymis
comam attondit, & purificatus in templo fuit,
Act. Apost. 21. Rem scribit mirificam Grego-
rius Turonensis in *vit. SS. Patrum, cap. 17. San-*
ctus, inquit, *Nicetius Episcopus ab ipso ortus*
sui tempore designatus est Clericus; nam cum par-
tu fuisset effusus, omne caput ejus, ut est consue-
tudo nascentium infantium, à capillis quidem nu-
dum cernebatur, in circuitu vero modicorum ca-
pillorum ordo apparuit, ut putares ab iisdem co-
ronam Clerici fuisse signatam. Ex tonsura quo-
que ortum habuit consuetudo rogandi & ob-
testandi Episcopum per ipsius coronam. Hie-
ronymus namque ad Augustinum epistola,
quæ est apud Augustinum 26. sic dicit: *Fra-*
tres tuos Dominum meum Alipium, & Dominum
meum Evodium, ut nomine meo salutes precor
coronam tuam. Ipseque Augustinus ad Procu-
lianum Episcopum epistol. 147. *Per coronam,*
inquit, *nostram nos adjurant vestri, & per co-*
ronam

ronam

ronam vestram vos adjurant nostri.

Canon 62. *Iudai qui Christianas mulieres in conjugio habent, admoneantur ab Episcopo, ut si cum eis permanere cupiunt, Christiani efficiantur. Quod si admoniti noluerint, separentur: quia non potest infidelis in ejus permanere conjunctione, qua jam in Christianam translata est fides. Filii autem qui ex talibus nati existunt, fidem atque conditionem matris sequantur. Similiter autem & qui procreati sunt de infidelibus mulieribus, & fidelibus viris, Christianam Religionem sequantur, non Iudaicam superstitionem.* Citatur c. *Iudai qui Christianas*, 28. q. 1. Canonem istum Toletanum restrinxit deinde Innocentius III, ad duos casus; nimirum, si velit conjux infidelis ab eo divertere qui fidem suscepit. Item si velit quidem cohabitare, sed non citra injuriam & offensam Dei, c. *quanto*, & c. *gaudemus*, de *divort.* His suffragatur Apostolus 1. Cor. 7. *Si quis frater habet uxorem infidelem, & hac consentis habitare cum illo, non dimittat illam. Quod si infidelis discedit, discedat; non enim servituti subjectus est frater, vel soror in hujusmodi.* Satis innuens eo casu posse fidelem progredi ad alias nuptias, ex conjugis infidelis discessione. Caterum in terris Pontificie ditionis, ex quo una seorsim regione concludi cœperunt Judæi, renovari cœpit canon hic Toletanus, nec licet converso Judæo simul convivere cum conjugē non conversa; quia nec isti permittitur inter Christianos habitare, neque illi inter Hebræos. Quocirca Sanchez cum quibusdam aliis obnixè

conten

Cap. LXX. Concilium Toletanum IV. 447

contendit, non posse conversum ex Paganismo vel Judaïsimo cohabitare deinceps cum priore conjugē, nisi convertatur, quamvis spondeat nullatenus obsistere professioni ac Religioni conversi conjugis. Observandum verò est, impedimentum disparitatis cultus, quo matrimonium dirimitur, haud esse divini, sed Ecclesiastici juris, neque primævæ antiquitatis. Licitum enim affirmat Augustinus *lib. de fide & operib. c. 19.* fidelis cum infideli connubium. Quin etiam Monicam matrem suam ab infantia Christianam, nupsisse vero ethnico, ipse testis est *lib. 9. confess. cap. 9.*

Canone ultimo Concilium anathemate percellit subditos in Regem perduelles, & quoscunque vitæ Regis insidiantes. Simili ferit anathemate Concilium Constantiense quoscunque Regum parricidas.

Ibidem decernunt Tolerani Patres, ut defuncto in pace Principe, Primates totius Regni unà cum Sacerdotibus Regni communi consilio successorem Regem pronuncient. Deinde præsentem Sisenandum Regem, ejusque regni futuros successores admonent, rogant, & enixè hortantur ad mansuetudinem & charitatem erga subditos, & insuper ad Religionem, Deique venerationem; ad justitiam & moderationem, ut ei placeant, qui eos populis præfecit, & cui rationem administrationis reddituri sunt exactissimam. Denique anathema pronunciant in flagitiosos & impios, si qui futuri sunt, Reges, & faulta omnia Sisenando adprecantur.

CAPUT LXXI.

Synodus Cabilonensis.

CAbilo Lugdunensis primæ provinciæ urbs Arari fluvio adjacens Episcopum habet Metropolitæ Lugdunensi suffraganeum. In hac celebratum quatuor & quadraginta Episcoporum Concilium fuit, cui præsedit Lugdunensis Præsul Gandericus, regnante in Gallia Clodoveo II. ut testatur Synodi hujus epistola, ad Theodosium Episcopum Arelatensem, multis nominibus accusatum, qui huc vocatus accedere recusavit, quemque Patres Episcopatu ad alteram usque Synodum suspendunt.

Canon 8. *De pœnitentia peccatorum, quæ est medela animæ, utilem esse omnibus censemus. Et ut pœnitentibus facta confessione à Sacerdotibus indicatur pœnitentia, universitas Patrum noscitur consentire.* Eadem prorsus sanxerat dudum Synodus Laodicensis can. 9. quem require superius. His enim antiquis Conciliorum sanctionibus refelluntur Hæretici Novatores.

Canon 11. *Pervenit ad sanctam Synodum, quod Iudices publici contra veteranam consuetudinem, per omnes Parochias, vel Monasteria, qua mos est Episcopis circumire, ipsi illicita presumptione videantur discurrere; etiam vel Clericos, vel Abbates, ut coram eis compareant, invitos ac districtos ante se faciant exhiberi: quod omnimodis*

omnimodis Religioni non convenit, neque Canonum permittit autoritas. Unde omnes unanimiter censuimus sententiantes, ut deinceps ista debeant emendare. Et si præsumptione, vel potestate quâ pollent, exceptâ invitatione Abbatis, vel Archipresbyteri, in ipsas Parochias, vel Monasteria aliquid præsumpserint, à communione omnium Sacerdotum eos convenit sequestrari. Ex isto canone, cujus etiam initium de veteri Clericorum à sæcularibus judiciis immunitate fidem facit; itemque ex Agathensis Concilii canone 8. quo simul excommunicantur, & Clericus recurrens ad Judicem sæcularem, & Judex hujusmodi causæ cognitionem suscipiens: qui canon citatur *cap. placuit*, 21. q. 3. simulque ex Concilii Matisconensis canone 7. & 8. anni 82. quibus & Judex communione fidelium excluditur, & Clericus ei se submittere, carcere & fustigatione punitur; demonstratur aperte, quanam sit vera libertas & privilegium Ecclesiæ Gallicanæ, cujus nunc servitus & oppressio falsis, eumentisque libertatis, & privilegiorum nominibus solet per antiphrasin exprimi. Nulla quæstio graviore partium contentione disceptatur, quàm quæ versatur circa conflictum jurisdictionum Ecclesiasticæ & sæcularis. Meum hæc de re iudicium ingerere non est animus, sed solum præcipua firmamenta, præsidiaque utriusque seorsim partis hîc proferam diligenter conquisita.

Primum quidem, Episcopalem jurisdictionem in universos sine ulla exceptione Cleri-

cos; at verò in laicos ubicumque de rebus Ecclesiæ, vel Religionis agitur, divino, atque immutabili jure alleverant introductam Theologi penè universi, & Canonum Doctores, ut nulla ei possit humana introductio derogare.*

Horum fundatur ratio in tribus propositionibus inconcussis, quas asserunt & componunt ad fidem Catholicam pertinere. Harum prior est, ordinem, dignitatemque Episcopalem non esse humanæ vel Ecclesiasticæ institutionis, sed immediate à Christo ipso dimanasse, qui omnes affatur Ecclesiæ suæ Episcopos in Apostolorum persona: *Sicut misit me Pater, & ego mitto vos.* Joan. 20. vers. 21. Et inter fidei Canones refertur canon sextus sess. 23. Tridentini Concilii de Sacram. Ord. *Si quis dixerit in Ecclesia Catholica non esse Hierarchiam divina institutione ordinatam, quæ constat ex Episcopis, & Presbyteris, & Ministris, anathema sit.* Ibidemque cap. 4. dicit Episcopos in Apostolorum locum successisse. Secunda propositio ista est: Deum, qui Episcoporum ordinem instituit, non alio fine instituisse, quam ut suam regant Ecclesiam. Ac per consequens id voluisse, ut omni jurisdictione & potestate instructi sint, quæ ad istud quorumcunque fidelium, sive magistratura, sive regali, aut imperiali potestate præfulgeant, exigitur. Quatenus enim mystici Corporis Christi membra sunt, eatenus à capite dependent Ecclesiastici regiminis, qui est Episcopus, dicente Apostolo Act. 20. *Attendite vobis, & universo gregi, in*

qua vos Spiritus sanctus posuit Episcopos regere Ecclesiam Dei. Necesse est igitur, Episcopos ex parte Spiritus Sancti esse convenienti potestate instructos ad totum hoc exercendum regimen, quod eis contulit, & ita à subjectis sibi oviculis, præsertim verò Laïcis independenti. Quod & ipsa naturalis suadet ratio, secundum quam is, qui finem intendit, debet quoque media providere, & suppeditare ad finem requisita. Nec verò minùs est divinæ certitudinis tertia propositio, quæ ex duabus etiam præcedentibus necessaria illatione colligi potest: Quoscumque fideles, sive Clericos, sive Laïcos, cujuscumque sint status & conditionis, teneri, si æternam salutem adipisci velint, subjici & obtemperare Episcopis, ab iisque dependere in cunctis ad regimen ipsis à Deo commissum pertinentibus, cujusmodi sunt omnia ad ordinem & disciplinam Ecclesiæ, ad publicum Dei cultum, aut ad salutem animarum spectantia: quod hisce verbis Deus jubet Hebr. 13. *Obedite Præpositis vestris, & subiacete eis; ipsi enim pervigilant quasi rationem pro animabus vestris reddituri.* Quid ad ista responderi possit ex parte Officialium & Principum hujus sæculi, non video. Et cum tres illæ propositiones divinæ sint veritatis, jure meritò martyrii coronam, miraculorum gloriam, & publicum totius Ecclesiæ cultum commeneruit sanctus ille Thomas ex Angliæ Cancellario Cantuariensis Episcopus & Primas, dum Henrici II. Anglorum Regis editis obstitit in eisdem contra Ecclesiæ jura re-

452 *Notitia Conciliorum S. Ecclesie,*
bus, quas nunc iudices Gallicani asserere &
agere non reformidant. Ipsi tamen viderint si
justum sit ordinem à Deo constabilitum sub-
verti, ovesque Pastoribus sibi à Deo præfectis
non obtemperare, non subjacere; imò verò
Pastores à Deo præpositos subjici propriis ovi-
bus, ab earum arbitrio dependere, legesque
ab eis circa regimen Ecclesiæ sub gravibus in-
terminationibus accipere. Prospiciant si æquū
& ritè ordinatum sit, Ecclesiam Domini simi-
lem fieri ridiculæ illi & scurrili mulierculæ,
cujus mentio est apud Epiphanium *adhæres. 59.*
quæ capitum pedibus, calceos autem capiti
suo aptabat: hoc enim fiet, si pars Ecclesiæ,
quæ præesse debet, subjiciatur; pars verò quæ
subjici debet, imperet. Meminerint Ozam re-
pentino interitu fuisse correptum, eo quòd
manum ad Arcam Dei, licèt vacillantem, ausus
fuerit admove, 2. *Reg. 6.* Osiā verò Regem
Juda fuisse lepra castigatum, & ab hominum
confortio, regniq; administratione dejectum,
dum Sacerdotii munia usurpat, Deoque incen-
sum adolet, 2. *Paral. 26.*

Quos autem præfiximus Canones Gallica-
narum Synodorum Agathensis, Cabilonensis,
Matisconensis, nihil diversum statuunt ab
aliarum Gentium Ecclesiasticis Regulis. Conci-
lium namque Romanum sub Sylvestro Ponti-
fice prohibet, *ne Clericus coram laico iudice*
causam dicat. Oecumenicum verò Chalcedo-
nense Concilium *can. 9.* vetat Judicibus laicis
de causis Clericorum cognoscere, jubetque
penes solos Episcopos agitari, nec ullatenus
recla

reclamavit ſupremus Senatus , qui omnibus Concilii actis unà cum Marciano Auguſto interſuit, eaque omnia ſæcularis brachii poteſtate roboravit. Concilium Carthaginenſe tertium, *can. 9.* ſic edicit : Placuit ut quiſque Episcoporum, Presbyterorum, Diaconorum, ſeu Clericorum, cùm in Eccleſia crimen ei fuerit intentatum, vel civilis cauſa fuerit commota, ſi dereliſto Eccleſiaſtico iudicio, publicis judiciis purgari voluerit, etiamſi pro ipſo fuerit prolata ſententia, locum ſuum amittat, & hoc in criminali actione. In civili verò perdat quod evicit, ſi locum ſuum obtinere maluerit. Siquidem ad eligendos iudices iniquè de Eccleſia conſortio iudicatur; qui de univerſa Eccleſia malè ſentiendo, de iudicio ſæculari poſcit auxilium; cùm privatorum Chriſtianorum cauſas Apoſtolus etiam ad Eccleſiam deferri, atque ibi terminari præcipiat. 1. Cor. 6. Concilium etiam Toletanum tertium *can. 13.* Inolita (inquit) præſumptio uſque adeò illicitis auſibus aditum patefecit, ut Clerici Concilios ſuos, reliſto Pontifice ſuo, ad iudicia publica pertrahant. Proinde ſtatuiſmus, hoc de cæterò non præſumi. Si quis hoc præſumpſerit facere, & cauſam perdat, & à communionem efficiatur extraneus. Hi canones inferuntur 11. quaſt. 1. c. inolita, & c. placuit. Recentiores miſſos facio canones, c. Clerici; de iudic. c. ſi diligenti, de foro compet. necnon Bullæ Cœnæ Domini articulos 13. 14. 15. 16. cùm anathematibus in eos; qui iuriſdictionem ſæcularem extendunt ad Clericos, aut ad res Eccleſiæ, atque in quocunque horum fautores.

Hinc faciendus gradus ad Imperialia edicta. Proferimus in primis Constantini Magni celebre illud rescriptum ad Ablabium Præfectum Prætorio, decernens, quæcunque causam in iudicium sæculare deductam, debere etiam post litem contestatam ad iudicium Episcopale devolvi, si pars litigans hoc requirat, alterâ etiam invitâ parte : & ut universi iudices quidquid ab Episcopo decretum fuerit, ratum habeant, l. 1. *Cod. Theod. de Episc. judic.* Præterea Imperatores Valentinianus, Valens & Gratianus ad Claudium Præfectum Urbis sic rescribunt : *Quoniam Chronopius ex Antistite idem fuit, qui fuerat in 70. Episcoporum iudicio antea damnatus, & eam sententiam provocatione suspendit, à qua non oportuit provocare; argentariam mulctam, quam huiusmodi sanctio generalis imponit, cogatur expendere. Hoc autem fisco nostro nolumus accedere, sed his qui indigent, fideliter erogari, l. quoniam 20. Cod. Theod. quorum appellat. non recip.* Porro sanctio illa generalis, cujus est in ista lege mentio, intercidit; partem tamen illius ad nos transmissit Sanctus Doctor Ambrosius epist. 13. ad Valentinianum juniorem Augustum : *Nec quisquam (inquit) contumacem judicare me debet, cum hoc asseram quod Augusta memoria pater tuus non solum sermone respondit, sed etiam legibus suis sanxit : in causa fidei, vel alicujus Ecclesiastici ordinis eum judicare debere, qui nec munere impar sit, nec jure dissimilis; hac enim verba rescripti sunt : hoc est, Sacerdotes de Sacerdotibus voluit judicare.* Haftenus Ambrosius.

Item

Item lex Clericos 41. *Cod. Theod. de Episc. & Cler.* inhibet Clericos apud alios iudices quàm Episcopos, iudicari, vel accusari. Præterea lex ut veneratio 2. *Cod. Theod. de Episc. iud. & lex quicumque residentibus* 35. *Cod. Theod. de Episc. & Cler.* decernunt, Clericos quos Episcopi sententia damnaverit, nullatenus esse Principis autoritate, vel rescripto restituendos. Item Imperatores Valentinianus, & Theodosius: Clericos, quos indiscretim ad saculare iudicium deduci debere infansus præsumptor edixerat, Episcopali audientia reservamus, *ult. Cod. Theod. de Episc. & Cler.* Is verò præsumptor infansus, cujus lex meminit, Maximus tyrannus fuit, Gratiani Imperatoris parricidio infamis, qui novis etiam edictis cultum restituerat idolorum, quem Religiosissimi Valentinianus & Gratianus suis edictis cœperant abolere. Denique Imperatores Valentinianus, Theodosius & Arcadius in l. graviter 3. *Cod. Theod. de Episc. iud.* sanciunt Episcoporum & Sacerdotum iudicia nonnisi coram Episcopis agitanda, quantum ad causas Ecclesiasticas pertinet; cætera verò negotia esse penes Iudices publicos terminanda.

Alia tribunalis Ecclesiastici ex Imperatorum declarationibus munimina, & præsidia suppetant in sua Ecclesiastica Historia Rufinus lib. 1. cap. 2. & Sozomenus lib. 6. cap. 7. ipsaque Theodosii & Valentiniani Principum epistola ad Synodum Ephesinam, quæ legitur in ejusdem Synodi actis. Carolus ille Francorum Rex & Imperator, qui tertius à Constantino, &

Theodosio Ecclesiasticæ, ut vidimus, jurisdictionis præcipuis assertoribus, nomen Magni commueruit, luculenter exprimit in suo Capitulari *lib. 6. cap. 98. & 301. & 313.* usquequò protendi debeat Ecclesiastici Tribunalis potestas, & quammulta postmodum à Gallicanis Curiis sint ei detracta, & usurpata.

Quinetiam post sequutas illas immanes Ecclesiastici juris diminutiones, valde optabile esset ut Regni Curia intra ipsos regionum edictorum fines se continerent. Edicta quippe Francisci I. anni 1539. *art. 5.* renovant quæ jure communi antiquo statuta fuerant, non esse recipiendam appellationem à canonica Prælati correctione: & sententiam pænalis censuræ nullatenus suspendi, sed tantum devolvi per appellationem. Eadem post Frânciscum I. sanxerunt Carolus IX. per edictum anni 1571. *art. 5.* & Henricus III. in Comitibus Blesensibus *art. 59.* Quibus ambo edictis hoc pariter jubent, ne à Curiis Regni ullæ admittantur appellationes tanquam ab abusu, nisi in solo casu infractionis legum Regni. Subinde Henricus IV. edicto anni 1606. *art. 2.* prohibet in casu appellationum à Prælatorum sententiis, ne Curia Regni unquam pronuncient per dimissionem partium ab omni lite, *les mettant hors de Cour & de proces*; sed non nisi per benè aut malè judicatum; benè aut temerè appellatum: atque in casibus temerariæ appellationis, hoc est quoties Curia non pronunciat, fuisse malè, hoc est contra leges Regni, judicatum, condemnetur indispensabiliter ad mulctam

multam centum viginti librarum is qui appellavit : nec possint Regiæ Curia multam istam suppressere, aut minuere. Ibidem quoque *art. 12.* statuitur causas matrimoniorum pertinere duntaxat ad Ecclesiasticum Tribunal, modò sequuta inde Prælatorum judicia legibus Regni non contradicant.

Et quoniam Gallicano jure delicta Clericorum distinguuntur solent in communia, circa quæ solis Prælati Ecclesiæ judicium competit ; & privilegiata, quorum cognitio ad Regni Curias pertinet, ea scilicet, quibus directè & immediatè publicus status læditur & offenditur, ut sunt crimina vis armatæ publicæ, item falsæ monetæ, itemque majestatis, ac alia similia ; Carolus IX. edicto Molinensi *art. 39.* prohibet Curiis Regiis retinere sibi cognitionem delictorum communium à Clericis admissorum, cum id judicium spectet ad Episcopum. Quod si Clericus reus comperiatur, tam communis, quàm privilegiati delicti, jubet eo casu remitti Clericum ad Ecclesiæ Tribunal, pro communi delicto ; sic tamen, ut Regia Curia sibi judicium reseruet privilegiati criminis. Quinimò in causis etiam privilegiati delicti sanxit Henricus III. edicto Melodunenfi *art. 22.* processum conjunctim faciendum, ac instruendum per Judicem Ecclesiasticum & Regios Officiales, ut teneantur Curia Regni Commissarios deputare, qui ad hunc effectum instruendi processus contra Clericum privilegiati criminis reum, transferant se ad locum Ecclesiastici Auditorii. Et tamen passim videmus

mus hæc regia edicta pletumque à Curiis Regni despici & infringi.

Effet hic supradictis authoritatibus adjungendum Lateranensis Concilii sub Leone X. judicium in violatores Ecclesiasticæ Jurisdictionis, in causa Senatus Aquisextiensis. Sed cum multa de eo judicio Concilii scripta sint, remitto lectorem ad sessionem octavam ejusdem Concilii Lateranensis quinti, ubi historia hujus judicii fusè tractatur.

Ut verò jam productis Ecclesiastici fori præfidiis, ad illa progrediamur, quæ Judicibus sæcularibus in istis controversiis favere videntur, occurrit in primis Roberti Bellarmini doctrina, Cardinalis utique doctissimi, rerumque Ecclesiæ acerrimi propugnatoris. Ejus ipsa hæc verba sunt tom. I. tract. de Cler. cap. 28. *Exemptio Clericorum in rebus politicis, tam quoad personas, quàm quoad bona, jure humano introducta est, non divino.* Seque ibidem dissentire à Bonifacio Papa VIII. profitetur, *in c. quanto, de censib. in 6. jure divino immunes esse Clericos.* Additque ipsum ita loqui, ut particularem Doctorem Canonistam, non ut Definitorum circa res fidei. Quo autem propriæ causæ ista confessione labefactatæ fulcimentum adhibeat, adjungit Bellarminus, ex quo privilegia illa Ecclesiæ, quantumvis humano jure introducta, confirmationem ab Oecumenicis Conciliis receperunt, non posse deinceps convelli, aut infirmari citra grave delictum. Hoc sanè multi negaverint, si adversus illa Concilia longi deinceps temporis usus ac consuetudo præva

prævaluerit. Certum enim eſt, quæcumque Conciliis quibuſcumque conſtituta ſunt, ſi non ſint divini juris, poſſe contrario uſu abrogari, & legitimâ ſubmoveri præſcriptione. Et pleraque Occumenicis olim Synodis conſtituta, neque ad fidem pertinentia, nec Romæ quidem, aut in ulla Italiæ parte ſervantur: quod ita perſpicuum eſt, ut ſexcentis exemplis poſſit evidenter commonſtrari.

His accedit, ejuſmodi nonnullis Curiarum ſæcularium uſibus favere videri vetuſtiſſimos aliquot Synodorum Canones, quibus ſanctiſſimos, & ſapientiſſimos Antifites interfuſiſſe liquet. Etenim Mاتيſconenſis Concilii canon 7. Officialibus publicis permittit judicia de Clericis poſtulatis gravium criminum reis, homicidii, furti, maleficii. Juſtinianus autem Imperator, etiam Episcopis criminalia Clericorum judicia ſubtraxit, *novel. 83.* Concilium inſuper Epaunenſe anni 517. *can. 11.* ita decernit juxta receptam Sirmundi editionem: *Clerici ſine ordinatione Episcopii ſui adire, vel interpellare publicum non præſumant: ſed ſi pulſati (hoc eſt in juſ vocati) fuerint, ſequi ad ſaculare iudicium non morentur.* Concilium Aurelianenſe primum, cui præter Remigium Francorum Apoſtolum alii etiam plures, quos ſuo loco memoravimus, interfuere Præſules Sanctorum faſtis aſcripti, prohibet *can. 4.* quemquam ordinari Clericum citra conſenſum Regis, aut regionum Judicum. Concilium inſuper Toletanum à Gratiano relaturn 17. *q. 7. canone filiis, vel nepotibus,* decernit Regem adiri

adiri posse, ut negligentiam suppleat Episcopi non coërcentis Rectores facultatibus Ecclesiæ abutentes. Martinus Papa V. diplomate anni 1429. indulgit Curiis Regni Franciæ judicia de beneficiorum possessorio. Istud integrum exscripsit Guido Papæ 9. 1. Quæ verò de jurisdictione Episcopali ex Valentiniani legibus prolata sunt, parum juvant; cum idem posteriori lege Clericos omnes ad forum traxerit sæculare. Novella enim 12. Valentiniani, tam Clericos, quàm Laicos adire vetat iudicium Episcopale, nisi per vinculum compromissi. Et si Laicus Clericum sive in civili, sive in criminali negotio ad publicum iudicem vocaverit, pulsatus sine dilatione respondeat. Et ut si Clericus Laicum lite pulsaverit, experietur coram iudice Laici. Eademque novella differtè hoc addit, quod in Gallicanis Curiis tanquam juris regula circumfertur: *Episcopos & Sacerdotes forum legibus non habere; nec posse de aliis præter religionem causis cognoscere.*

Licet autem in Hispaniis latius protendatur, quàm in Galliis Episcoporum jurisdictio, multam tamen etiam illic diminutionem patitur per recursum, quem vocant, *ad Regiam protectionem*, hoc est, ad Tribunalia Regni, sicut in Galliis per appellationes quas vocant *ab abusu*. De illo recursum fusè pertractat in ejus favorem & patrocinium Hispaniarum decus Didacus Covarruvias Episcopus Segobienensis *præf. quæst. cap. 35.* allegans exemplum usus illius favorabile, contra Episcopos edictis Romani Pontificis obistentes; silentio verò te-
gens

gens reliquos odiosos usus Regiæ protectionis. Fulsissime autem hanc pertractat materiam Salgado. Addit porro, & approbat Covarruvias in multis casibus, pro negotiorum Ecclesiæ expeditione adiri immediate solere Auditoria Regia ex antiquæ consuetudinis jure, quod propriis firmavit edictis Imperator Carolus V. Hispaniarum Rex: tametsi videatur indignum sacra Tribunalia secularibus & inferioris dignitatis Tribunalibus fasces submittere in causis etiam Ecclesiasticis, & religiosis.

De Bulla verò Cœnæ Domini adversum usurpatores, Ecclesiasticæ jurisdictionis, hoc aperte scribunt Doctores & Summistæ Romana in urbe probatissimi Franciscus Suarez, Gabriel Vasquez, Reginaldus, Bonacina, & alii, nullam prorsus habere vim, aut effectum in quibusdam articulis, qui neque divini juris, neque naturalis sunt, & adversus Hispaniæ Regem, Siciliæ, Sardiniaque possessorem, aut adversus Rempublicam Genuensem, quæ Corsicæ dominatur; tametsi hac Bulla speciatim declarentur excommunicati detentores harum trium Insularum, & quicunque detentorum fautores. Summus autem Pontifex nullam tam sollemnis censuræ suæ videtur habere rationem. Cum enim divino ipso, prorsusque indispensabili iure illos, quos publica, & notoria astringit excommunicatio, si non resipiscant, si sacrilegè detenta non restituant, si non convertantur & pœnitentiam agant, admittere ad Fidelium consortium, atque ad divina Sacramenta non liceat; ipse tamen Pontifex sciens Hispaniæ

462 *Notitia Conciliorum S. Ecclesiæ,*
Hispaniæ Regem , & Genuensem Rempublicam nihil de hac restitutione cogitare , horum tamen Legatos , Oratores & Officiales in Curia Romana residentes , quin etiam ipsos Proreges & Gubernatores memoratarum Insularum , quando tunc Romæ versari contingit , post triduum hujusce publicationis admittit ad Paschalia Sacramenta. Est verò juris regula, & constans effatum , *Optimam esse legum interpretationem consuetudinem* , l. si de interpretatione, D. de legib. & cap. cum dilectus , de consuetud. Sed hac de re in utramque partem satis hactenus disputatum sit.

Canon Cabilonensis 16. *Vt nullus Episcopus, neque Presbyter, neque Abbas, neque Diaconus per premium ad sacrum ordinem accedat : quod qui fecerit, ipso honore, quem premiis comparare præsumpserit, omnino privetur.* Synodus Oecumenica Chalcedonensis, act. 15. can. 2. Episcopum pretio vel ordinantem, vel Ecclesiam alicui conferentem ; simulque eum qui talia suscepit, de gradu deici jubet, hec non illum qui horum mediator intervenerit, si sit Clericus. Si verò Laicus existat, aut Monachus, sancit esse à communione extorrem. Bracarense Concilium secundum, cap. 3. testatur circa munera pro Clericorum ordinationibus, hanc esse antiquam Sanctorum Patrum consuetudinem & definitionem, ut anathemate simul involvantur, & qui dat, & qui recipit. Huc collimat Lateranensis Concilii generalis sub Innocentio III. canon 63. qui est in Decretalibus cap. sicut pro certo, de simon. Concilium

Caput LXXI. Synodus Cabilonensis. 463

lium denique Tridentinum *sess. 21. cap. 1.* his casibus indicit inflictas à jure penas ipso incurri factò à quibuscunque dantibus & accipientibus. Et absolutè vetat quidquam pro quorumcunque Ordinum collatione, aut pro Clericali Tonsura, aut pro dimissoriis, aut pro testimonialibus literis, nec pro sigillo quidem, vel alia quacunque ex causa, etiam sponte oblatum accipi ab Episcopis, eorumque ministris. Permittit verò notariis pro singulis dimissoriis aut testimonialibus litteris decimam ad summum unius aurei partem recipere, modò non sit eis aliundè constitutum salarium. Tota hæc Tridentina sanctio stabilita in Galliis fuit, insertaque in edictis Comitiorum Blesensium *art. 20.* Cæterum pro beneficiariis provisionibus, quæ vocantur *Forma dignum*, aut *Visa*, aut *Litera beneficiales*, eadem Blesensia Comitia *art. 12.* permittunt Ordinariis, ut aureum unum, nihilque amplius accipiant.

CAPUT LXXII.

Synodus VI. Occumenica.

Hæresis Eutychiana sub Marciano Augusto repressâ, & per Synodum Chalcedonensem prostrata, postmodum imperantibus Zenone & Anastasio Principibus hæreticis vires resumpsit, & quasi Lerneæ hydra in nova capita pullulavit. Sedem urbis Regiæ tenebat homo vaser, mirusque simulandi artifex
Acacius,

464 *Notitia Conciliorum S.Ecclesie,*
Acacius. Hujus hortatu Zeno Imperator Joannem Talaïdam Episcopatu Alexandria deiecit, ejusque in locum restituit, promovitque Petrum Moggum insignem sectæ illius hæreticum, quem idem antea miserat in exilium. Idemque Acacii suasu novam edixit fidei formulam anno quadringentesimo octogesimo secundo, ea calliditate conceptam, ut in eam Catholici simul & hæretici, omnibus suppressis verbis, quæ Fidei controversiam respiciebant, consentire possent: quam Henoticon, hoc est reconciliatorium edictum, specioso nomine appellavit. Sed in eo tacita erat Concilii Chalcedonensis abrogatio. Hinc se opposuit pesti quâ par erat constantiâ Felix Papa III. coacto Romæ Concilio, simulque missis Constantinopolin Legatis tribus, Vitali & Miseno Episcopis, atque Felice Romanæ Ecclesiæ defensore, cum hoc mandato & commonitorio, ut Acacium citarent ad Romani Pontificis tribunal, & Moggum Alexandria pellendum sedulo curarent. Ex his duo quidem Episcopi Vitalis & Misenus artibus Acacii seducti cum ipso Acacio & Moggo communicarunt: solus Felix in officio constans in vincula detrusus est. Quocirca Pontifex Romanus ambos Legatos Episcopos exauthoravit, & Acacium anathemate perculit, qui pessimam & temerariam rependens vicem, Felicis Papæ nomen ex dyptichis, hoc est Ecclesiasticis tabulis erasit. Referuntur hæc à Liberato *cap. 17. & 18.* necnon à Synodica epistola Concilii Romani secundi sub Felice Papa.

At verò Petrus Moggus pseudo - Patriarcha Alexandrinus , recepto Zenonis Henotico, non modò Catholicos omnes alienos à se habuit, sed etiam Eutychianos complures , qui quoddam neque Catholicæ partis essent , neque cum propriæ partis Episcopo convenirent, Acephali , hoc est capite destituti , nuncupati sunt,

Sciendum ex impuri Eutychetis hæresi diversas sectas , quasi surculos & propagines derivasse , tum Acephalorum , tum Theopaschitarum , quorum author Petrus Cnaphæus , seu Fullo , extitit , is qui per seditionem ejecto Martyrio Episcopo , Sedem Antiochenam invasit sub Zenonis Imperio , quique ad trisagium *Sanctus Deus , Sanctus fortis , Sanctus immortalis* , voces adjunxit , *qui passus es pro nobis*. Pullularunt item Severiani , à Severo dicti , qui pariter Antiochenam Sedem imperante Anastasio post depulsum ex ea Flavianum in Catholica professione constantissimum, invasit ; quique etiam Jerosolymitanum Episcopum, aliosque plerosque Episcopos Orthodoxos suis Sedibus deturbavit. Pullularunt & Theodosiani , quos commemorat Joannes Damascenus à Theodosio Alexandrino exortos, aliæque variæ sectæ,

Præ omnibus tamen propagavere se Jacobitæ , qui toto diffusi Oriente reliquarum sectarum majorem partem pertraxerunt. Nomen sortiti sunt à Jacobo quodam Syro, ut Anastasius Sinaïta testatur eo libro, qui *Dux vitæ* , inscribitur ; deinde Damascenus, & ex his Nice-

466 *Notitia Conciliorum S. Ecclesiæ,*
phorus *lib. 18. Eccles. hist. cap. 52.* qui etiam
perhibent eundem Cnaphæo, & Severo adhæ-
rentem, omni studio Eutychis & Dioscori
hæresim apud Syros longè lateque propa-
gasse: tanta verò fuisse animi levitate, ut ei
per ludibrium Zanzali cognomen inditum
sit.

Demortui Zenonis Imperium pariter, &
impietatem Anastasius suscepit ex Acephalo-
rum consortio pertinacissimus Henotici pro-
pugnator, & unà Manichæis addictus. Huic
successit Justinus, qui pro Chalcedonensi
Concilio stetit, & Severum ab Antiöchena,
quam invaserat, Sede repulit: qui tamen in
Ægyptum profugus, latius ibi virus erroris
diffudit. Deinde sub Justinii nepote, successo-
reque Justiniano, hujus uxor Theodora Eu-
tychetis sectam fovit & protexit, multisque ea
ex causa Romanam Ecclesiam cladibus affecit,
dum Anthimum hæreticum Eutychianum,
quem illa in Sedem Constantinopolitanam ex-
tulerat, & Papa deinde Agapitus deposuerat,
promoto in ejus locum Menna Orthodoxo, illa
pervacaciter satagit restitui. Quin & ipse Justi-
nianus sub exitum vitæ in hæresin lapsus est,
ut scribit Evagrius, sibi que assentiri recusantem
Eutychium Constantinopolis Patriar-
cham Sede expulit, ut in Eutychii vita le-
gitur.

Sub Imperatoribus insequentibus Justino II.
Tyberio, Mauricio, & Phoca, sedatis Hære-
ticorum tumultibus Ecclesia tranquilla pace
potita est. Veruntamen sub Heraclio Phocæ
successor

successore nova & horrenda procella paululum respirantem Ecclesiam violenter coccussit. Hæc fuit emergens sub infausto Heraclii patrocinio Monothelitarum hæresis. Postquam ille felicissime perfunctus Persico bello fuit, dum Hieropoli versatur, cum honoris & officii gratiâ convenit Athanasius Jacobitarum Patriarcha, quem hortatur Imperator, ut velit ejurato Eutychetis dogmate, Synodi Chalcedonensis decretis obsequi. Ille se haud ægrè duas in Christo naturas responderet admissurum, nisi ea professio secum pariter involveret in eodem voluntatum & operationum distinctionem & diversitatem. Heraclius propositam difficultatem dijudicari curat inter hunc Athanasium & Cyrum sibi fidissimum, Phasidis Lazorum Metropolitanum, qui postmodum ab eodem Heraclio promotus in Patriarcham Alexandrinum fuit; & Sergium quoque Constantinopolis Episcopum. Ab his tribus tandem unanimi conspiratione assertum fuit, distinctas esse quidem in Christo juxta Chalcedonense decretum naturas, sed ambarum tamen unicam esse voluntatem & operationem, eamque divinam, nullatenus verò humanam: non secus de voluntate judicantes, quàm de persona, quæ unica & divina est in naturis distinctis. Heraclius huic perversæ novitati fidem habuit. Ac postremò edictum sub Eëthesis nomine proposuit anno 639. jubens hanc unicæ voluntatis professionem sub gravium interminatione pœnarum à cunctis suscipi.

Mortuo Heraclio filius successit natu major

& sincerè Catholicus Constantinus, sed quarto inde mense à noverca Martina veneno perimitur : quo facto filium, quem ex Heraclio susceperat, nomine Heracleona, regium ad solium provexit. Sed hoc brevi depulso, Senatus & populus Constantem, Constantini superstitem filium in Imperium assumunt. Hic avo Heraclio quàm patri similior, transinstitit novum circa fidei professionem edictum ad Martinum Romæ Episcopum, virum sanctissimum, ut eidem cum reliquis Episcopis subscriberet; vocavitque Typum, ob annexam, quam ei suggererat Paulus hæreticus, fidei formulam. Hic verò Paulus, qui Sergio & Pyrrho Monothelitis in Patriarchalem Constantinopolis Sedem successerat, quorum hæresim confectabatur, jam fuerat Romanæ Sedis sententiâ excommunicatus & depositus. Et hic vicissim Apocrisiarios Apostolicos, & qui eis adhærebant, virgis, carcere, exilioque multavit.

Martinus accepto Constantis Typo, quamplurimorum Occidentis Episcoporum Concilium collegit in Basilica Salvatoris, quæ & Constantiniana & Lateranensis dicitur, anno Christi 649. Ibi lectus est typus, quo revocatur & aboletur Heraclii Eûthesis, atque specie communis pacis & Ecclesiasticæ concordie, sub ibi recensitis pœnis vetatur utraque deinceps assertio, tam unius, quàm duarum in Christo voluntatum & actionum, ut his reseratis contentionibus, ea tantùm omnes assentiant, quæ Synodis Occumenicis quinque tradi-

Cap. LXXII. Synodus VI. Oecumenica. 469
ta noscuntur, quibus quemquam contradicere prohibet.

Lectō Typo Synodus Lateranensis bonam & laudabilem Principis intentionem esse dixit in cōquirenda Ecclesiæ pace, sed propositum pacis remedium minimè probari posse, dum supprimi jubet Catholicam veritatem & fidem duarum Christi voluntatum ac operationum; divinæ, humanæque, assertam & definitam in Synodo Chalcedonensi, circa geminas & distinctas ejusdem Christi Domini nostri naturas in una Verbi personâ radicatâ: ubi enim natura humana est, ibi voluntas humana comprehenditur. Neque verò justum esse, ut fidei oracula simul cum perversis dogmatibus, ac indiscriminatim supprimantur, cū scriptum in Genesi sit: *Nunquid perdes justum cum impio, & erit justus sicut impius?* & Sacerdotibus per Moysen præcipiat Deus *Levit. 10.* ut habeant scientiam discernendi inter sanctum & profanum; & inter pollutum & mundum. Præsidente itaque & approbantē summo Pontifice, sacra Synodus damnat Cyprium, Sergium, Pyrrhum, Paulum, Theodorum, aliosque humanam Salvatoris Christi voluntatem & operationem respuentes, solamque divinam asserentes. Damnata ibi quoque sunt edicta in hæreticorum officiniis fabricata; Ecthesis Heraclii, & Constantis Typus. Literas etiam Apostolicas Martinus de his sacri Concilii decretis divino refertas Spiritu ad omnes per orbem fideles direxit.

Hac de causâ furens Imperator, per delega-

tum à se Theodotum Calliopam , abreptum sanctum Pontificem Constantinopolin ad se mandat adduci, quem deinde in Chersonnesum deportari jubet : quo loco per innumeras ærumnas gloriosum martyrium consummavit. Idemque scelestus Imperator , Maximum Monachum , sacræ fidei defensorem, vitæ sanctitate, præclarâque eruditione conspicuum, linguâ, manuque mutilavit, & in exilium relegavit. Hujus supersunt præter alia scripta in Dionysii Areopagitæ libros commentarii. Cujus etiam sancti Dionysii ad refellendam Monothelitarum hæresin testimonia proferuntur, tam in hac Laterana , quàm in sexta Oecumenica Synodo.

Rem verò mirificam scribit Theophanes, Theodorum Papam , qui Martinum habuit successorem, postquam Pyrrhus Monothelita (quem suam hæresin abjurantem ipse Romæ absolverat) relapsus est in eandem hæresin, convocasse Synodum ad Principis Apostolorum tumulum , & ex divino Calice vivificum Christi sanguinem in atramentum instillasse, quo Pyrrhi excommunicationem & depositionem propriâ manu scripsit. Rem similem præstitisse Patres Synodi octavæ refert in vita Ignatii Nicetas , quando Photii damnationi subscripsere.

Postquam probis omnibus invisus Constantinus Imperator Româ digressus , cujus opes & præcipua ornamenta direptum venerat , in Siciliam profectus , ibi tandem in balneo interemptus est , ejus excepit successionem filius
 Constan

Cap. LXXII. Synodus VI. Oecumenica. 471

Constantinus, cognomento Pogonatus, patri suo longè dissimilis, justitiæ, religionisque amantissimus. Hic domesticam maculam insignibus pietatis exemplis delevit, egitque primum cum Dono Episcopo Romano, deinde hoc mortuo, cum Agathone successore, de Synodo Oecumenica Constantinopoli cogenda, ad refarciendas illatas Ecclesiæ per hæreses ruinas. Annuit lubens Agatho, habitaque Romæ centum viginti Episcoporum Synodo, in qua res fidei primum sedulo discussæ & stabilitæ sunt, ut planior & securior ad Oecumenicam Synodum via inuniretur, misit inde Regiam in urbem Apostolicos Legatos quatuor, cum literis quibus rectam fidem luculentis divinæ Scripturæ, Sanctorumque Patrum sententiis & traditionibus Apostolicis explicabat accuratè.

Præter quatuor Agathonis Legatos, scilicet Theodorum & Gregorium Presbyteros, & Diaconum Joannem (qui postmodum ad summam Pontificis Romani evehctus est dignitatem) & Constantium Hypodiaconum, directi pariter sunt ad Oecumenicam Synodum totidem ejusdem Romani Concilii Legati Joannes Portuensis, Abundantius Paternensis, Joannes alter Regienensis, Episcopi omnes, & quartus Theodorus Presbyter. Adfuerunt itidem Patriarchæ Georgius Constantinopolis, Petrus Alexandria, Macarius Antiochiæ, & Georgius nomine Jerosolymitanæ Ecclesiæ, cumque his complures alii Episcopi.

Anno itaque Chr. 680. habita est sacra Oc-

472 *Notitia Conciliorum S. Ecclesie,*
cumenica Synodus in Palatii Imperialis Secretario, cui nomen erat Trullo. Quod nomen sæculis illis usurpabatur pro fornice in sublimē porrecto & concamerato, quem vocant Cupulam hodierni Itali, ut ex Codino & Anastasio colligitur. Sacro interfuere Conventui Constantinus Imperator, sanctæ religionis columen, & Palatii Proceres. Macarius Antiochenus Monothelita, suæ hæresi disputando patrocinator in Synodo fuit. Sacra verò Synodus postquam illum solidissimis argumentis ad sanam mentem reducere frustra conata est, pertinacem demum anathemate perculit, & dignitate movit, suffecto ejus in Sedem Theophane, spectatæ religionis viro. Ipse autem Macarius Monasterio conclusus est.

Polychronius Sacerdos & Monachus suam in tam illustri theatro dementiam propalavit. Cum enim esset Monothelita, ipsique per falsa ostenta dæmon illuderet, vehementer expectavit in sacram Synodum introduci; habere se dicens maximi rem momenti, quam Patribus referret. Admissus tandem intra Synodum, professus est sibi à revelante Deo demandatum, ut Imperatori & Patribus Fidei veritatem denunciaret, spemque salutis æternæ in hoc versari, ut singuli declarent & profiteantur, unicam existere in CHRISTO JESU voluntatem & actionem. Quo verò sibi plena fides habeatur, certò spondet mortuum à se in vitam revocatum iri, universo etiam spectante populo, statim atque cadaveris capiti schedulam apposuisse, in qua fidei suæ confessionem scripserat.

Visum

Visum est Patribus oblatam conditionem experiri, ne hac rejectâ, capraret occasionem Polychronius, aliique hæretici magis insolensendi, & jactandi quod Patres suæ causæ diffisi oblatam conditionem recusassent. Adducitur in forum paulò ante defuncti hominis cadaver magno plebis concursu; eò pariter confluunt plerique ex Concilio Patres: tum Polychronius chartam cadaveri admovet, ejusque auribus insusurrat, nec tamen movetur cadaver: instat, & denuò adjurat Monachus, sed frustra: omnes circumstantes, ut jussum fuerat, quiescunt & silent, ridiculum exitum præfagientes, donec ille post inanes conatus fatetur tandem non posse à se mortuum suscitari. Miserum Polychronium Patres omni modo conati sunt ad veræ fidei agnitionem adducere, sed pertinacem postremò anathemate feriunt, & Sacerdotio deponunt.

Unanimes Patres assensu Catholicam Fidei formulam excudunt, quâ geminas Christi voluntates, atque operationes, divinam unam, humanam alteram, distinctas & inconfusas prædicant: humanam verò voluntatem non solum divinæ non obluentem, sed ei per omnia subiectam & obsequentem. Huic definitioni subscripserunt omnium primi Presbyteri ab Agathone privatim delegati, deinde Patriarchæ Orientis, tertio Legati à Romana Synodo missi, quarto reliqui Episcopi, postremò Constantinus Augustus. Hic Imperator Patribus, & Patres Imperatori piissimo & optimo gratias agunt, adprecantibus cunctis.

474 *Notitia Conciliorum S. Ecclesiæ,*
fausta & prospera omnia religiosissimo Principi. Mittunt ad Agathonem Patres & rogant; ut Synodi sanctiones autoritate Apostolicâ roboret. His editum accedit Constantini, quomandat, ut Occumenicam sextam Synodum universi amplectantur, pœnasque in refractarios decernit. Cæterum antequam Synodi litteræ Romam deferrentur, summum jam diem Agatho Papa obierat, cujus successor Leo secundus Synodi acta & decreta comprobavit.

Disceptatur utrum Honorius Papa, hujus nominis primus, qui passim in isto & sequentibus Conciliis, atque in ipsa sancti Papæ Leonis epistola, simul cum Cyro, Sergio, Pyrrho, Petro, Paulo, Macario, legitur nominatim condemnatus, ejusmodi commeritus sit damnationem? Quæstio ista omnis de facto est, eoque externo; neque enim hîc agitur, utrum animo fuerit intus hæreticus Honorius: etenim ut Samueli dicit Dominus 1. Reg. 16. homo videt ea quæ patent, Deus autem intuetur cor: sed utrum in sua illa ad Sergium epistola, externoque facto fuerit verè reprehensibilis, quemadmodum vel Pauli Apostoli testimonio Petrus ipse sanctitatis specimen, & Apostolorum vertex & coryphæus disertè reprehensibilis asseritur in quodam suo circa legales observationes externo facto: & quemadmodum, sed longè graviori procul dubio, quàm in Petro contigerit, transgressione, consentiunt omnes, rem Catholicam suo facto duos summos Pontifices prodidisse per nimiam pusilla

pusillanimitatem : Marcellinum quando thura idolis adolevit ; & Liberium, quando in Concilio Sirmienti Arianorum placitis subscripsit. Honorium quidem Annalium Author conatur ab omni culpa purgare. Eundem alii hæresis arguunt. Mea verò sententia est, nullatenus hæreticum fuisse ; attamen ex pusillanimitate non leviter peccasse, simulatione tunc temporis utendo, quando ex officio incumbere ei erumpenti hæresi apertè obistere : ideòque causam suppeditasse sextæ Synodo, & summo Pontifici Leoni condemnationis suæ.

Præcipuæ defensionis Honorii rationes eruntur tum ex ipsius ad Sergium hæreticum epistola ita contexta, ut quamvis in speciem videatur Monothelitarum causæ favere, possit tamen Catholico sensu exponi : tum etiam ex illa celebri sancti Maximi cum Pyrrho Monothelita disputatione, in qua Maximus hæresis crimen ab Honorio conatur amoliri, ejusque ad Sergium epistolam Catholico sensu intelligendam ex eo probat, quod post ipsius Honorii Papæ & Heraclii Imperatoris obitum, Joannes qui sub Honorio præfatam illam ad Sergium epistolam suâ manu scripserat, Constantinum Augustum Monothelitis infensum scriptis literis admonuerat, illam Honorii epistolam, dum unam asserit Christi actionem & voluntatem, id tantum ex mente auctoris significare, non esse in Christo contrarias voluntates, sed humanam divinæ per omnia obtemperasse. Joanni ipsi vitio verti poterat ejusdem tam suspectæ epistolæ scriptio, ideoque

ideoque ipsius testimonium, utpote in propria causa, meritò haberi pro suspecto posset. Nichilominus huic etiam testimonio lubes accedo, ut Honorium ab hæresi excuseam; nec idèdò tamen ab omni culpa censendus est immunis. Hoc verò supponendum apud omnes qui non sunt illoꝝum temporum Ecclesiasticæ, atque ut expressiùs loquar, etiam Baronianæ historiæ rudes ac imperiti, Honorium Papam, quo tempore ad Sergium scripsit, ignorare non potuisse vigentem tunc temporis, gravesque toto Oriente tumultus cientem Mònothelitarum hæresim, quam complexi Orientis Patriarchæ atque Hæretici, cui adblandiebantur Imperatoris edicto freti, Catholicos sibi obistentes crudeliter insectabantur. Jam enim Cyrus in præmium novæ impietatis, satagente Heraclio, ex Phasidis Antistite factus erat Alexandrinus Patriarcha, jamque idem in Alexandria, & in omnibus sibi subditis Episcopali- bus Ecclesiis magna contentione novem à se edita capitula cum totidem anathematibus promulgari curaverat, in quorum septimo hanc novam & capitalem hæresim, quamevidentiùs proponebat & acerrimè propugnabat.

Constantinopoli verò pseudo-Patriarcha Sergius, coactà sibi subditorum Episcoporum in ipsa Imperiali civitate Synodo, eandem hæresim omni ope stabiliverat, & Heraclii Ethe- sin Græcorum Præfulum subscriptione firmatam, toto inspectante populo pro foribus templi-Sophiæ affixerat. Tantos rerum motus vel
sola

sola vulgi fama in barbaras , & remotissimas gentes disseminabat ; quantò magis ad aures Romani Pontificis , ad quem spectat , ut cum Paulo dicam , quotidiana instantia & sollicitudo omnium Ecclesiarum ; ad quem omnes de Fide controversiæ referri solebant , maxime quando Imperator ipse (cujus tunc temporis ditioni ac Imperio Roma cum Italia subiecta erat) illas excitabat ? Quis insuper nesciat summorum Pontificum consuetudinem perpetuam fuisse , ut suos Constantinopoli haberent Apocrisarios , quandiu ibi sedes Imperii fuit , qui omnia ipsis notificarent ? Nihil hîc immoror circa provincias illas Orientis , quas Romani Pontifices olim per suos Vicarios regere solebant , putà utramque Epirum , veterem & novam ; Illyricum , Macedoniam , Thessaliam , Achaïam , utramque Daciam , tam Ripensem , quàm Mediterraneam ; Mysiamque , Dardaniam & Prævalim , quarum meminit in suis ad Michaëlem Imperatorem literis Nicolaus Papa I. An ex tot Ecclesiis aliquis saltem Orthodoxus , sive Prælatus , sive privatus Sacerdos non extitit ullus , qui tantarum rerum & motuum Pontificem moneret ? His Patriarcharum Orientis sacrilegis novitatibus magna jam constantia , fideique ardore , quasi Ecclesiæ sanctæ murum & propugnaculum opposuerat sese Monachus Sophronius , qui postmodum prævalentibus in Palæstina Catholicis creatus Jerosolymorum Episcopus , Synodum Orthodoxam in iis partibus procuravit , in qua damnata fuit Monothelitarum hæresis.

Ante

Antequam verò ad Pyrrhum Honorius rescriberet, adhuc privatus Monachus Sophronius contra insurgentem hæresin ad Cyrum scripserat, & ad Sergium ex remotiore Palæstina profectus Constantinopolin fuerat, postquam scriptis ad eum litteris nihil valuerat obtinere. Quin etiam idem Sophronius strenuus & indefessus fidei Athleta, jam antea de his rebus litteras ad Honorium ipsum transmiserat, quæ sæpius in hac ipsa sexta Synodo commemorantur, & quarum mentio quoque est apud Photium *Biblioth. c. 131*. Sanè ista, & alia longè plura contigerant antequam Honorius Sergio rescripsisset. Has in causa fidei turbas & inordinamina, publicas istas circa nova dogmata & Imperatoris edictum toto promulgatum Oriente commotiones potuerat fortassis ignorare unus aliquis inter Sautomatas, aut inter divisos toto orbe Britannos bubulcus vel agricola, nullatenus verò in sublimi universalis Ecclesiæ specula constitutus à Deo custos & vigil Romanus Episcopus. Deinde Sanctorum Patrum & sacrorum Canonum effatum dicit: Non admittitur excusatio Pastoris, si lupus dispergit oves, & Pastor nescit. Sed quia res erat vehementis & urgentis periculi resistere nefario Principis edicto, cui Roma cum magna Italiæ parte obtemperabat, siluit & mali gravitatem dissimulavit Honorius, verbis usus ambiguus, sed tamen in speciem impietati Heraclianæ adstipulantibus. Defuit ille officio suo, & ut cum Ezechiel loquar, non ascendit ex adverso, neque opposuit murum pro domo Domini, ut stare

staret in prælio in die Domini; atque ut verbis prosequar ejusdem Prophetæ, constitutus speculator, vidit gladium venientem super terram, & non insonuit buccinâ.

Post Sergium Hæresiarcham interpellantem, qui Principi flagitiosum edictum suggererat, statimque promulgatum Episcoporum pseudo-Synodo confirmaverat, in proposito sibi ex metu silentio persistere grande Honorio discrimen creasset; Sergius quippe Imperatori astabat assiduus, qui sua contemni edicta iniquissimo tulisset animo. Cùm igitur, ut liquiddò testantur author Miscellæ Historiæ Paulus Diaconus lib. 18. & Cedrenus & Zonaras in *Heraclio*, inter tot, tantasque orbe toto ex Monothelitarum hæresi, quam Imperator & major Episcoporum Orientalium pars fovebat & promovebat, excitatas Orthodoxorum divexationes, Sophronius animum haud desponderet, seque belli sacri quasi Mathathias alter strenuum atque intrepidum ducem exhiberet, tum demùm Sergius Constantinopolitanus, cui perspecta dudum erat Honorii pusillanimitas, hunc interpellat, & apud eum conqueritur de Sophronio, quodd duarum in Christo voluntatum & operationum asseveratione, totum orbem perturbaret.

Hic jam quæro, quid respondere debuerit Honorius sceleratissimo, totique orbi notissimo Hæresiarchæ, qui sanctissimum virum eo solo nomine deferebat, quodd inconcussam Ecclesiæ fidem circa distinctas Christi voluntates, divinam unam, humanam alteram, intrepide

pidè tueretur, & propugnaret adversus novum & profanum, quod Sergius ipse invexerat, & unde quaque propagabat, Monothelitarum dogma? Ille verò tanquam mercenarius, & non pastor, vidit lupum venientem, & fugit, ut habet Evangelii comparatio. Sergio enim Romanus Pontifex hoc ipsum respondit, quod sanctissimus Papa Martinus cum Synodo Romana tantoperè execratur in laïco Principe Constante, nimirum suppressendas esse voces unius aut duarum in Christo voluntatum & operationum: subjungitque, quod ipsi peræquè Monothelitæ profitebantur, duas esse in Christo distinctas, & inconfusas naturas; sed tandem ut se Monothelitarum studiis accommodet, unicam admittentium operationem in Christo, ita concludit: *Unum esse Christum Dominum divina vel humana in utrisque naturis operantem.* Ut hac verborum elusione illorum insectationem declinaret, tamen ipsa eadem Catholicum sensum, sed ab ista quæstione alienum exprimerent.

Ista Honorii lecta fuit epistola istius sextæ Synodi actione 14. deinde lecta fuit Pyrrhi Constantinopolis Episcopi Monothelitæ ad Joannem Romæ Pontificem epistola, qua ipse Pyrrhus concertationes de Christi voluntatibus vituperat. Quibus duabus perlectis epistolis, sacra Synodus ambas Honorii & Pyrrhi epistolas declarat perniciosas, & jubet igne absumi. Eadem Synodus sub finem actionis 16. anathema pronunciat Theodosio Pharanitano, Cyro, Sergio, Honorio, Pyrrho, aliisque;

Cap. LXXII. Synodus VI. Oecumenica. 481
aliisque ; quos omnes dicit hæreticos.

Cum verò iusta condemnandi Honorium causa subsit , & ista condemnatio singulariter post lectam hac in Synodo ipsius epistolam pronuncietur , & subinde iterum cum aliis Monothelitis promiscuè : & cum non modò Græca exemplaria , sed Latina etiam translatio , quam contexit ipse Leo Papa , qui primus Synodum Apostolicà authoritate probavit ac roboravit , quod præstare non valuerat Agatho , à quo indicta fuerat , morte præventus : præterea cum sanctus ipse Leo in sua , quæ Synodo isti subjicitur , epistola de Honorio sic loqui non dubitet : *Honorium qui hanc Apostolicam Sedem non Apostolica traditionis doctrina lustravit , sed profana prodizione immaculatam fidem subvertere conatus est* : idemque sanctissimus Leo altera epistola ad Hervigium Regem , & ad Episcopos Hispaniæ memoriam Honorii iteratò damnet : cùmque insuper hac eadem Honorii damnatio nominatim iteretur duabus sequentibus Oecumenicis Synodis , septima & octava , tam in Græcis , quàm in Latinis antiquissimis exemplaribus , atque aded illis ipsis , quæ illorum temporum author Anastasius Bibliothecarius Ecclesiæ Romanæ Synodorum septimæ & octavæ translator edidit , dedicavitque septimæ translationem Joanni Papæ VIII. Synodi autem octavæ editionem Adriano Papæ II. ac idem Anastasius qui confedit inter octavæ Synodi Patres , & ita gestorum in ea Synodo testis est oculatus , omnique exceptione major , hujus acta , quibus interfuerat

H h

Latino sermone conscribens recenscat *actio* 10. Honorium unà cum Cyro, Sergio, aliisque à sacra Synodo damnatum & reprobatum, nimis sanè fuerit ex partium additione pertinaciæ, tam multa, tam antiqua, tam sancta, tam ab omni suspitione aliena testimonia, toties iterata rejicere, non modò Græcorum, sed etiam Latinorum sancti Leonis Papæ, atque Anastasi, quorum ille Synodum istam sextam approbavit primus & transtulit; hic verò in una ex iis Synodis confedit, quæ ipso eodem teste damnavit Honorium. His adde ipsum Adrianum Papam secundum, & Concilium Romanum, cui ille præsidebat Adrianus, qui simul damnaverunt Honorium ut Monothelitam, & referuntur atque approbantur in octava Synodo, *act.* 7.

Sanctissimus Pontifex Martinus transmissum ad se ab Imperatore Constante Typum in Lateranensi Concilio reprobavit, neque dubitavit exilium & mortem hac de causa subire: quid verò Constantis edictum continebat? hoc unum; Ut communis pacis gratiâ omnes à professione, sive unius, sive duarum Christi voluntatum abstinere. Uter igitur laudandus, aut vituperandus. Honorius hoc ipsum sponte decernens quod Constantis Typus; an Martinus in Laterano Concilio, qui martyrium potius subeundum, quàm Typum admittendum judicavit, & re ipsa perfecit? Si laudandus Martinus, ut est citra omnem dubitationem: ergo damnandus Honorius. Pyrrhi etiam in hac Synodo sexta fuit anathemate notata
epistola,

Cap. LXXII. Synodus VI. Oecumenica. 483
epistola, eo quodd asserreret, removendas esse
omnes in utramvis partem, sive unius, sive
duarum voluntatum concertationes, ut pax
servaretur: at hoc ipsum decernit Honorii
epistola, & aliquid superaddit, quod in spe-
ciem propendere videtur in favorem principis
Monothelitarum Sergii, ad quem epistola diri-
gitur; etiamsi hoc ipsum, ut antea dixi, sen-
su catholico possit exponi.

Similiter Imperator Zeno, studio, ut præ-
texebat, communis Christianorum concordie
edictum promulgavit, quod idcirco vocavit
Henoticon, id est, Reconciliatorium, san-
ciens ne ulla deinceps assertio fieret, sive unius,
sive duarum Christi naturarum, eo quod illa
disputatio innumeras pareret toto orbe dissen-
siones, ut sperandum esset, eâ consopitâ, re-
conciliationem animorum sequuturam: & ta-
men quantam commeruit laudem Felix Pa-
pa III. qui coacto pariter Concilio damnavit
Henoticon? quantam verò nomini suo labem
asperferunt Constantinopoli Acacius, Ale-
xandriæ Petrus Moggus, Antiochiæ Petrus
Fullo, & post hunc Severus, cæterique Epis-
copi, quotquot in Henoticon istud consen-
serunt?

Quantæ item perfidiæ rei judicati sunt in
Ecclesia Dei omnes illi sub Constantio Augu-
sto Episcopi, qui ab Arianis elusi in Synodis
Sirmienti & Ariminensi formulas Fidei ab Aria-
nis profectas approbaverunt, etiamsi nihil in
eis legeretur hæreticum, sed communis con-
cordiæ gratiâ, tam Arianorum voces alterius,

484 *Notitia Conciliorum S. Ecclesie,*
diversa, aut *dissimilis substantia*, quam Catholicorum vox *consubstantialitatis*, suppressibatur? Est enim memorabile documentum illud Martini Pontificis in Concilio Romano, perfidam & damnabilem esse pacis ineundæ conditionem, qua doctrina orthodoxa perinde atque hæretica supprimitur; cum Deum sic alloquatur Abraham: *Num perdes justum cum impio, & erit justus sicut impius?* cumque in libro Levitici Sacerdotes commoneat Dominus, ut habeant scientiam discernendi inter sanctum & profanum, inter pollutum & mundum.

At opponet fortasse aliquis ipsius Sophronii Jerosolymitani exemplum, suppressioni unius aut duarum voluntatum consentientis. Quisnam hujus rei testis? Sergius Constantinopolitanus in sua illa ad Honorium epistola, à quo etiam eandem postulat approbari suppressionem? Dignum utique patellâ operculum! Testietiam honesto in ea quam profequitur causa minimè creditur; infamis verò testis, aut flagitiosi, quavis in causa depositio pro nulla habetur. Quis ergo fidem habeat infami hæretico, excommunicato & scelesto Sergio circa ipsam causam testificanti, quam improbo affectu complectitur & profequitur? Contraria proferimus omni exceptione majora ipsius Sophronii testimonia, Synodicas ipsius ad ipsum Sergium & Honorium epistolas, in quibus duas in CHRISTO Jesu voluntates ac actiones constanter prædicat. Alterum testimonium est hujus sacre Synodi, hanc eandem Sophronii circa distinctas in Christo

Cap. LXXII. Synodus VI. Oecumenica. 485
voluntates fidem & certamina non semel prædicantis.

His tamen circa Honorii lapsum opponitur à nonnullis ipsa Pontificis Agathonis ad Constantinum Augustum epistola huic sextæ Synodo inserta *act.* 4. in qua asseverat Agathos, Romanam Ecclesiam à tramite Apostolicæ traditionis nunquam aberrasse, neque hæreticis novitatibus depravatam succubuisse; suosque prædecessores juxta Domini nostri ad Petrum pollicitationem nunquam à fide defecisse; quin potius fratres in ea confirmasse. Verum tamen sicut illa Christi ad Petrum asseveratio, *Rogavi pro te, Petre, ut non deficiat fides tua;* non obitat quin ipse Petrus Christum pauld post voce negaverit: ita nec Agathonis assertio circa prædecessorum fidem ullatenus obsistit, quin aliqui eorum, ut ipsi testantur Baronius & Bellarminus, contra debitam fidei professionem graviter peccaverint: ut Marcellinus quando idolis thus adhibuit; & Liberius dum Arianis in Synodo Sirmiensi proprio facto & subscriptione consensit, & palam communicavit. Simili pariter infirmitate cecidit Honorius, non quidem, ut præbabile est, fidem animo abdicando; sed tamen delinquendo adversus officium fidei profitendæ.

Denique ne quid intactum relinquitur, urgent aliqui, prorsus credibile non esse, si Honorius damnatus à Concilio fuisset, Legatos Romanos pro suo officio nihil in oppositum reclamasse. Negamus enim prorsus id fuisse ipsorum officii; neque enim decebat eos contra

jus ipsum privato affectu abreptos odiosam & suspectam facere Orientalibus Romanam Ecclesiam, quo tempore ipsi Orientales ingenuè multorum Patriarcharum suorum damnationi suffragabantur. Quinetiam fieri potuit, ut Legati nonnihil reclamaverint; sed quia id specie tenus, ac dicis causâ fecerint, & ipsa prudentia suaserit grave impendere discrimen, si ulterius insisterent; idcirco non fuerit ulla reclamatio actis Synodi inserta. Proclives erant Orientales ad quandam erga Romanam Ecclesiam æmulationem, ut apertè docet non modò succedentium sæculorum, sed etiam antecedentium experientia. Perspicuum enim est in præcedentibus Orientalibus Oecumenicis Synodis Constantinopolitanis duabus, & Chalcedonensi, Orientales non pauca fuisse molitos ex æmulatione in Latinos & Romanam Sedem: quanta igitur exarsissent indignatione adversus eosdem, si cum ipsi tanta facilitate tot Patriarcharum suorum damnationi acquiescebant, Romani pervicaciùs obstitissent, ne unus Papa in eadem causa, licet, ut existimo, minoris culpæ reus, merita damnatione cum aliis perstringeretur? Res in gravissimum discrimen acta fuisset, ut ex Legatorum Romanorum nimia pertinacia Orientales animis alienati recusarent eorundem exemplo quidquam adversus proprios Antistites decernere. Unde contigisset, ut Synodus præter humanam spem felicissimè inchoata, exitu infelici dirimeretur per discordiam & schismata, & ipsa hæresis majoribus viribus cresceret, ipsaque Ecclesia discinderetur.

CAPUT LXXIII.

*Appendix ad sextam Synodum, ac dissertatio
de Diptychis Ecclesia.*

IN præcedentis Concilii narratione retulimus Acacium Constantinopolis Episcopum, & Henotici authorem atque suasorem, cum fuisset à Felice Papa III. damnatus, nomen ipsius Felicis ex Ecclesiarum sibi subditarum diptychis erasisse, ut testatur Romani sub Felice Concilii epistola 2. Post hæc, mortuo Acacio, Gelasius Papa Felicis successor omnem adhibuit operam, ut ex Constantinopolitanæ Ecclesiæ diptychis nomen Acacii expungeretur, ut ex ejus constat epistolis Conciliorum tom. 2. atque ex Anastasio Bibliothecario. Hanc eandem rem pari studio prosequuti sunt, qui Gelasio successerunt Anastasius & Symmachus; sed obstiterunt cum Anastasio Imperatore Episcopi Constantinopoleos. Id verò tandem obtinuit Pontifex Hormisdas imperante Justino religioso admodum Principe, sub quo reintegrata pax est inter Orientales & Occidentales Ecclesias, damnatis Principibus ipsis Zenone & Anastasio, & Episcopo Acacio, aliisque omnibus Hæreticis ac Schismaticis; quorum oblitterata sunt de tabulis Ecclesiasticis nomina, & exitiale schisma desit, quod perduravit ex quo Felix anathema in Acacium dixerat annos sex & triginta.

Præterea per Concilium generale sextum sub Agathone id factum est, ut ablata sint (ut dicit Anastasius in Agathone) de diptychis Ecclesiarum nomina Cyri, Sergii, Pyrrhi, Pauli, Petri, per quos hæresis Monothelitarum universum pervaserat Orientem. His occasionibus locus differendi de diptychis aperitur, & quisnam fuerit eorum antiquus ritus.

Erant diptycha tabulæ quædam in Ecclesiis, nomina fidelium continentes, qui communione Ecclesiasticæ consortes erant, quæ legi solebant inter divina mysteria. Diptycha (quæ Græca vox est) Latine significant duplicata, ob geminas tabulas, quarum una comprehendebat viventium fidelium nomina, altera defunctorum: pro utrisque verò sacrificia & preces in Ecclesia offerebantur; eorumque nominum lectio publicè fiebat ex ambone, seu pulpito. Illorum autem nomina delebantur, quos Ecclesia communione, ac societate fidelium excludebat. Diptychorum usus jam inde à primis sæculis invaluit. Cujus meminit ritus Dionysius *Eccl. Hier. cap. 3.* sic dicens: *Et cum se mutuo omnes salutaverint, mystica sacrarum tabularum, ἱερὸν ἁλυσὶν, recitatio fit.* Huc illa spectat Cypriani querimonia circa nimis facilem quorundam lapsorum reconciliationem, sic dicentis *epist. 10. Ad communionem admittuntur, & offertur nomen eorum, nondum pœnitentiâ factâ.* Hæc pariter visitur praxis in liturgiis Sanctorum Jacobi Apostoli, & Basilii, & Chrysostomi. Innocentius verò Papa I. *epist.*

Cap. LXXIII. De Diptychis Ecclesia. 489

ad Decentium Episcopum cap. 2. statuit ut complera fidelium oblatione recitentur in Ecclesia nomina fidelium, qui oblationem fecerunt.

Præter eorum fidelium diptycha, pro quibus sive vivis, sive defunctis orabat Ecclesia, erant insuper Sanctorum in cælo regnantium diptycha, ut publicè invocarentur, & colerentur. Qui usus in omnibus comperitur veteribus liturgiis. Et Cyrillus Jerosolymitanus catech. 5. *Postea, inquit, mentionem facimus eorum etiam qui ante nos obdormierunt; primum Patriarcharum, Prophetarum, Apostolorum, Martyrum, ut Deus orationibus illorum & deprecationibus suscipiat preces nostras.* Theodoricus quoque lib. 5. *Hist. Eccl. cap. 34.* refert Orientales Ecclesias non aliter cum Occidentilibus pacem inivisse, quàm illæ Joannis Chrysostomi nomen in diptycha retulissent. Et mox cap. 35. ait, Alexandrum Antiochiæ Præsulem, ejusdem magni Joannis nomen tabulis Ecclesiæ inscripsisse. Innumera sunt ejusmodi priscorum testimonia. Primarii quidem Sancti semper, & in omnibus Ecclesiis denominabantur; Dei Genitrix Virgo, Joannes Baptista, sancti Apostoli, & insigniores aliqui Martyres. Deinde in singulis Ecclesiis peculiares ipsarum Sancti commemorabantur, iique maximè, quorum Reliquiis ditabantur. Cæterorum fiebat in commune memoria, tametsi eorum singula nomina in publicis tabulis conferentur.

Sed regrediamur ad eorum fidelium diptycha, pro quibus in Ecclesia preces fundebantur.

490 *Notitia Conciliorum S. Ecclesiæ,*
tur. S. Gregorius Papa *lib. 3. epist. 37. ad Constantium Mediolani Episcopum*, rescribit nullam ipsi necessitatem incumbere nominandi Joannem Ravennæ Episcopum inter Missarum solennia, cum nec Joannes ipsum Constantium nominare soleat ad Altare. In actis Synodi Chalcedonensis continetur epistola Episcoporum Ægypti ad Anatolium Constantinopolis, qua de Timotheo Eluro Alexandrinæ Sedis in vasore conqueruntur, quod etiam in venerabili diptycho, in quo piæ memoriæ transitum ad cælos habentium Episcoporum nomina continentur, quæ horis sanctorum Mysteriorum secundum regulas releguntur, posuisset Dioscori nomen. Inter capita conciliandæ concordiæ inter Ecclesias Latinam & Græcam, Imperante Michaële Palæologo, primum fuit, in sacris Hymnodiis, Pontificis Romæ veteris cum quatuor Patriarchis memoriam facere, ut refert Nicephorus Gregoras *lib. 3.* Et Alcuinus de celebratione Missarum sic scribit: *Post illa verba, quibus dicitur, In somno pacis, usus fuit antiquorum, sicut etiam usque hodie Romana agit Ecclesia, ut statim recitarentur nomina defunctorum.*

Quia verò in quotidianis Collectis fidelium omnium nomina recenseri præ multitudine non potuissent, mos erat præcipua nomina, nimirum Romani Episcopi, & Patriarcharum viventium, tum Episcopi loci, tum Imperatoris, sive Principis sæcularis, alta voce legere, ut ex multis veterum testimoniis liquet; tum eorum nomina, qui oblationem ad Altare fecerant,

Cap. LXXIII. De Diptychis Ecclesie. 491
 cerant, ut docet Innocentii Papæ epistola ad
 Decentium. Reliquorum nominum aliqua
 etiam pronuntiabantur, reliqua verò commu-
 ni & generali memoriâ comprehendebantur,
 ut addiscimus ex liturgiis Basilii & Chrysosto-
 mi, in quibus ita legimus, ὁ Διάκονος θυμῷ
 γυρῶν τὴν ἁγίαν πᾶντες καὶ τὰ δὶπτυχα τῶν το
 ζώντων, καὶ κοιμημένων ὧν βέλεται μνημονεύει.
 Diaconus sacram mensam incensat per circui-
 tum, & diptycha; vivorumque & defuncto-
 rum meminit, quorum vult. Et subinde, ἐν
 ταῦθα ὁ ἱερεὺς μνημονεύει ὧν διὰ ζώντων καὶ πθιέν-
 των. Hic Sacerdos memoriam facit quorum
 vult, vivorum & mortuorum.

CAPUT LXXIV.

Synodus Quini - sexta in Trullo.

IUSTINIANO secundo, cui nomen Rhinotme-
 to, rerum potiente, habitus Constantino-
 poli fuit alter Præsulum conventus in Trullo,
 id est Imperialis Palatii secretario supernè for-
 nicato, ubi Canones duo supra centum con-
 dicti sunt, anno Christi 707. Quam Synodum
 Pentecosten, id est Quini-sextam nuncuparunt,
 quasi supplementum quintæ & sextæ, à qui-
 bus nulli editi sunt canones. At canones istos
 à schismaticis profectos rejecerunt Romani
 Pontifices, præsertim Sergius, qui tunc Ec-
 clesiæ Romanæ clavum regebat, ut testan-
 tur

492 *Notitia Conciliorum S. Ecclesiæ,*
tur Anastasius in Sergio, & Beda lib. de sex-
tatibus. Adrianus tamen Papa in suo ad Caro-
lum magnum libello, citat ex his canonem 82.
quemadmodum etiam Synodus septima. Ve-
rum neque ex his conciliatur Synodo autho-
ritas; hoc enim canone utuntur sicut David
gladio Goliath Gethæi usus fuit, ut scilicet ad-
versarios propriis armis debellent. Illo namque
canone Iconoclastas adoriuntur, quo appro-
bantur imagines Dominum Jesum humanâ fi-
gurâ referentes. Illa verò imaginum ejusdem
sub agni specie abrogatio per hanc Trullanam
pseudo-Synodum & Scripturis divinis contra-
dicit, quæ plerumque sub agni tum denomina-
tione, tum effigie Salvatorem Dominum re-
præsentant, ut liber Isaïæ & Apocalypsis, &
testimonium Joannis Baptistæ. Religiosus etiam
primitivæ Ecclesiæ usus nihil habuit ejusmodi
repræsentatione frequentius, quæ passim visi-
tur in antiquissimis Romæ Basilicis, & subter-
raneis cæmeteriis, aliisque alibi vetustissimis
monumentis, tum sculpto, tum musivo, tesselatoque opere. Denique antiquus liber Ordo
Romanus ex vetusto, receptoque olim usu lo-
quitur his verbis: *In eadem Dominica post
Albas intra civitatem Romanam dantur agni ce-
rei ab Archidiacono in Ecclesia post Missam, &
communione populo.* Quæ adhuc quotannis
Romæ consuetudo servatur.

Canon 2. auctoritatem canonibus Aposto-
lorum octogintaquinque attribuit; & consti-
tutiones Apostolicas à Clemente Papa editas,
testatur fuisse ab insequentium temporum hæ-
reticis

reticis depravatas. Simile protulit iudicium & censuram in Romana Synodo Gelasius Pontifex de Clementis libris; sed & ipsos, qui circumferuntur Apostolorum Canones, dicit apocryphos. Hæc habentur in Decreto *dist. 15. cau. sancta Romana Ecclesia.*

Canon 12. usum conjugii Episcopis conjugatis interdicat. Canon verò 13. ex Canone Apostolorum pravè intellecto permittit conjugii usum Presbyteris, & Diaconis jam ante ordinationem conjugatis. Cæterum ex opposito canon Carthagenensis continentiae Diaconorum & Sacerdotum præceptum disertè refert ad Apostolorum traditionem ipsam. Et utique in Altaris ministerio, quæ totius Ecclesiæ functio sanctissima est, nihil habet minus ab Episcopo Sacerdos. Sed Sacris Ordinibus annexum cœlibatum in iis, qui etiam ante consecrationem jam erant matrimonio colligati, plenius comprobavi ad Nicænum canonem 3. Vide insuper Carthagenensis Concilii secundi canonem 2.

Canon Quini-sextus 32. Armenos reprobat, vinum aquâ non miscentes in sacro Altaris ministerio. Damnat præterea Hæreticos Hydroparastatas, seu Aquarios, qui solum ad Altare aquam offerebant, quos etiam perstringit scribens in Matthæum Chrysostomus. Et Concilium Carthagenense III. eisdem damnat *can. 24.* Atque his omnibus antiquior Cyprianus Martyr *epist. 63.* Trullanus canon iste vino permiscendam esse in Calice aquam, confirmat testimoniis liturgiarum Jacobi Apostoli, &

494 *Notitia Conciliorum S. Ecclesiæ*,
& Basilii. Vide canonem 2. *de consecr. dist. 1.*
Et vetustissimus Scriptor Justinus Martyr in
apologia 2. versus finem, de fidelium commu-
nionem sic ait : μεταλαβὴν τοῦ εὐχαριστή-
ου ἄρτου καὶ οἴνου καὶ ὕδατος : participant de pane Eu-
charistico, & vino, & aqua, scilicet qua vinum
ante consecrationem dilutum fuit.

Canon 42. jubet vagos, & per urbem dis-
cursantes Eremitas, vel in communibus Mo-
nasteriis cum Monachis profiteri, vel ad soli-
tudinem compelli, ut re ipsa exequantur quod
nomine præferunt. Vide superius circa vagos
Monachos canonem 4. Chalcedonensem.

Canon 52. In omnibus sancta Quadragesima
diebus jejunii, præterquam Dominicis & Sabba-
tis, & sancto Annuntiationis die, fiat sacrum
præsanctificationum ministerium ; ἡ τῶν ὁρνησιασ-
μίων λειτουργία ἰσρά. Iste notandus Græcicæ
Ecclesiæ ab antiquo ritus, ut feriis Quadrage-
simæ sacra Missa non celebretur, sed tantum
præsanctificata offerantur, ut moris est apud
nos die sancto Parasceves. Balsamon ad hunc
locum præsanctificationum inquit, Liturgiam
non intelligimus sacrificium incruentum, sed ad-
ductionem, seu oblationem sacrificii jam antea
peracti & perfecti. Atque hanc istius Canonis
rationem adducit, quia per sacrificium gau-
dium, & Ecclesiæ solennis exultatio celebra-
tur, quæ inconueniens est cum diebus pœni-
tentiae & luctus. Idcirco Laodicensæ Synodi
canon 49. oblationes fieri, & facta Martyrum
celebrari prohibet iisdem diebus. Et Laodice-
nus pariter canon 51. statuit, ut hæc festa, &
oblatio

oblaciones transferantur in proxima Sabbata, vel Dominicos dies Quadragesimæ ipsius.

Canon Trullanus 55. Sabbatorum jejunia etiam in diebus Quadragesimæ reprobatur, uti & reliqua parte anni, damnans diversum Romanæ Ecclesiæ usum, cui etiam arroganter jubet ut inviolabiliter deinceps obtemperet isti Apostolorum canoni 65. *Si quis Clericus inventus fuerit jejunans in sancto die Dominico, vel Sabbato, prater unum solum Sabbatum, deponatur: sin autem laicus, excommunicetur.* Cæterum de jejniis Sabbatorum requirere quæ tractavi ad canonem 50. Laodicenum.

Canon Trullanus 62. legi vetat falsas Martyrum historias, sed igni tradi præcipit. Balsamon hoc loco fidem & diligentiam Simeonis Metaphrastæ commendat, qui ex antiquioribus Sanctorum vitis pleraque falsa, & commentitia quæ irreperant, eliminavit, edito hac de re castigatioris libro. Laudem quidem aliquam eo nomine meretur Metaphrastes, sed non integram. Haud enim pauca spuria, & ab antecessoribus conficta in suam congestit Sanctorum historiam, spongiâ; lituræque digna, ut advertunt eruditi, & passim Baronius admonet.

Canon 69. *Nulli hominum liceat, qui sit in laïcorum numero, intra septa sacri Altaris ingredi, nequaquam tamen prohibet ab eo potestate & authoritate Imperiali, quando quidem voluerit dona Deo offerre ex antiqua traditione.* Balsamon privilegii hujus Imperialis causam refert ad Imperatorum unctionem, qua dicit eos simul

simul inaugurari Imperio & Clero. Cæterum neque illa unctio ullatenus pertinebat ad Sacramentum, neque à Deo præcepta fuerat, sicut unctio Regum Israël ex Dei mandato, sed tantum ab hominibus instituta. Unctionis Regum Franciæ exordium referunt Hincmarus Remensis, & Flodoardus ad divinam institutionem miraculo comprobata delatæ cœlitus ab Angelo ampullæ, quando Clodoveus baptizatus à Remigio fuit Remensi Episcopo, & Francorum Apostolo; quæ etiam nunc Remis asservatur. Post unctionem autem istiusmodi Reges Francorum mirifica strumas seu scrofulas solo contactu curandi potestate pollent. Mirum tamen est, Gregorium Turonensem ætati Clodovei multò viciniorem ac supparem, quique in suam historiam miracula diligenter conquisita congerere solet, nihil istius ampullæ de cœlo delatæ meminisse. Ivo Carnotensis Episcopus, occasione unctionis Regis Ludovici sexti, cognomine Crassi, qui fuerat inunctus à Metropolitano Senonensi, præsentibus cum ipso Ivone cæteris Senonensi suffraganeis Episcopis, contendit *in sua epist.* 189. tum ex veteribus aliorum Fraciæ Regum exemplis, tum ex aliis argumentis, hanc unctionem non esse alligatam sive Ecclesiæ Remensi, sive ejusdem Episcopo, sed posse in aliis æquè Diœcesibus, atque ab aliis Episcopis fieri. Ultimo sanè sæculo Henricus IV. à quo multi strumosi curati sunt, ab Archiepiscopo Turonensi fuit inunctus oleo Ampullæ Turonensis sancti Martini, necdum subditis

Caput LXXIV. Synodus Quini-fexta. 497

ditis ei Remensibus factioni cōtrariæ addictis,

Circa Remensem Regum Galliæ unctio-
nem scribit prodigiosam historiam Flodoardus:
scilicet Heribertum Comitem Aquitaniæ po-
tentissimum, omnem dedisse operam ut filius
suus crearetur Ecclesiæ Remensis Episcopus,
hac intentione, ut potestate ungendi Regem
penes Remensem constituta, non alius Gallo-
rum Rex ungeretur aut haberetur, quàm is
quem ipse electum & unctum vellet. Ministri
verò Comitis, moræ omnis impatientes Seul-
fum Remensem Episcopum veneno sustule-
runt. Quo factò filius Heriberti Comitis nec-
dum quinquennis per inauditum facinus ele-
ctus est Remensis Archiepiscopus; & Joannes
Papa X. novo scandalo hanc electionem ra-
tam esse voluit, & munia interim Episcopalia
in ea Ecclesia, Sueffionensium Episcopo
Abboni commisit, delegavitque pessimo exem-
plo, cui posthac Principes complures in-
sisterent, ut adolescentulos sibi consangui-
neos, vel affinitate conjunctos in summas Ca-
thedras extremâ Ecclesiarum perniciæ promo-
veri procurarent. Ita refert Flodoardus *lib. 4.*
cap. 19.

Ut verò ad Imperatorem Constantinopolis
redeamus, tanta hic ambitione supra omnem
sacrosanctæ Ecclesiæ dignitatem se efferebat,
ut intra templum ea celsitudine solium suum
elevaret, ut Patriarchæ sedile ad ejus pedes
collocaretur. Quia de re Innocentius Papa III,
Constantinopolis Imperatorem admonet, &
coarguit, *c. solita, de majorit. & obed.* Nicetas

Choniates in *Andronico Comneno* refert hunc Imperatorem pro mercede sibi concessa a Patriarcha indebita circa nuptiarum ex affinitate impedimentum dispensationis permisisse, ut Cleri subsellia tollerentur altius, quatenus lateri ipsius Patriarcha quodammodo assideret, totaque Cleri series: verum post solennem eoque nomine habitam Imperatori gratiarum actionem, in qua Davidicum versum Andronico applicabant: *Oculi mei ad fideles terræ, ut sedeant mecum*; ipsum paulò post cum insigni Cleri totius pudore ac derisione iussisse, ut ad pristinam mensuram Patriarchæ, Clerique sedilia rursus deprimerentur.

Hic locus est congerendi veterum selecta testimonia circa Clericorum supra quoscunque laicos, etiam Imperatores orbis, in loco præsertim sacro præcessionem, quæ hac seculorum fæce tantâ indignitate violantur. Scribit Theodorus *lib. 5. hist. Eccl. c. 17.* magnum Theodosium, cum esset Mediolani, ex medio Ecclesiæ gremio processisse ad sacrum Altare offerendi causâ, factaque oblatione constitisse post Cleri confessum intra cancellos. Id ut advertit Episcopus Ambrosius, misso Diacono Theodosium admonuit, solis licere Sacerdotibus & Diaconis in Sanctuario consistere; mandavitque ut inde ad laicorum locum digrederetur: purpuram enim facere Imperatores, sed non Sacerdotes. Respondit Theodosius excusando se, non per ambitum intus constitisse, sed solâ consuetudine adductum, quam Constantino-
poli didicerat: habere verò se gratiam Episco-

Cap. LXXIV. Synodus Quini-sexta. 499
po pro hac admonitione paterna , simulque
morem gessit, & exivit. Regressus postmodum
Constantinopolin , cum solitam oblationem
ad Altare contulisset , memor hujus moniti,
se extra Presbyterium ad populi stationem re-
cepit. Tum Nectarius Episcopus rogavit quor-
sum recederet ? At Imperator : *Hoc demum di-*
dici (ait) quantum inter Imperatorem interfuit &
Sacerdotem , & vix tandem reperi sincerum unum
veritatis magistrum Ambrosium , quem solum E-
piscoporum hoc dignum nomine cognovi.

Gregorius quoque Nazianzenus *orat. ad Ci-*
ves timore percussos , Praefectum sic alloquitur :
An me liberè loquentem a quo animo feretis ? nam
vos quoque imperio meo ac throno lex Christi
subjicit. Imperium enim nos quoque gerimus, addo
etiam praestantius & perfectius : nisi verò aequum
est spiritum carni fasces submittere , & caelestia
terrenis cedere. Sed non dubito, quin hanc dicendi
libertatem sis accepturus in optimam partem , ut-
pote sacri gregis mei ovis sacra , magnique Pa-
storis alumna.

Apostolici vir spiritus & ætatis Ignatius
epist. ad Philadelphios , his etiam altiora sapit,
& docet, ita loquens : *Praefecti obediant Casari,*
Praefectis autem milites , Diaconi quoque Sacer-
dotibus , & Sacerdotes simul , & Diaconi , &
reliquus Clerus , omnisque populus , milites
quoque & Praefecti , & Casar obtemperent Epi-
scopo , Episcopi verò Christo , sicut & Christus
obtemperavit Patri , & ita unitas à cunctis ser-
vabitur.

His convenientia prædicat Chrysostomus

500 *Notitia Conciliorum S. Ecclesie,*
in Matth. homil. 83. sacros sic alloquens Ec-
clesie Ministros: Si quis dux militia, si Præse-
ctus, si Princeps diademate coronatus indignè ac-
cedat, prohibe, majorem illo habes dignitatem:
propterea vos Deus hoc tali honore insignivit, ut
talia discernatis.

Carolus Magnus laicos indebitum sibi lo-
cum intra Ecclesiam vindicantes optimates,
sic reprimit lib. 6. Capitularis, cap. 290. *Si*
quis indebitum sibi locum usurpaverit, nulla se
ignoracione defendat, sitque plenè sacrilegii reus,
qui hoc attentaverit.

Huc pertinet præallegatum caput solita, de
majorit. & obed. quo Innocentius III. Impera-
torem commonet, Episcopum præesse Principi-
bus debere, utpote altioris dignitatis & po-
testatis, quantò cœlestia terrenis, spiritualia
& divina corporalibus, & humanis antecel-
lunt. Nota est historia sancti Episcopi Marti-
ni, ut se gesserit in mensa Imperatoris Maxi-
mi. Quinetiam Valerius Maximus de religione
populi Romani, quamvis falsorum Deorum
cultui addicti, & præterea innumeris trium-
phis & amplissimâ dominatione superbi, sic
testatur lib. 1. cap. 1. *Omnia post religionem po-*
nenda semper nostra civitas duxit, etiam in qui-
bus summa majestatis decus conspici voluit; qua-
propter non dubitaverunt sacris Imperia servire,
ita se rerum humanarum habitura regimen exi-
stimantia, si divina potentia bene & constanter
fuissem famulata.

Canon 79. vulgarem illius temporis abusum
reprimit, quo certis ritibus colebantur Vir-
gines

Cap. LXXIV. Synodus Quini-sexta. 501
ginei partus secundinæ; declaratque Virginis
partum fuisse ἀλόχον, hoc est vacuum à se-
cundinis: addit etiam absque ullo semine τέκον
ἀσπερως ὡς ἄντα.

Canon 82. de imaginibus Christi sub agni
specie. Vide in hanc rem quæ annotavi in
istius Synodi exordio.

Canon 88. notabile continet documentum.
Quoties (ait) non inveniuntur testes firmi, qui
citra omnem dubitationem affirmant fuisse infan-
tem baptizatum, debere citra omnem hasitatio-
nem baptizari, idque esse veteris & canonici
usus. Hoc idem constanter definivit Gregorius
Magnus lib. 12. epist. 37. his verbis: Hoc rite te-
nere debetis, quod & nos ab antecessoribus nostris
traditum accepimus, ut quoties tam de Baptismo
aliquorum, quam de Confirmatione, quam de Ec-
clesiarum consecratione dubitatio habetur, & nec
scriptis, nec testibus certa ratio habetur, ut bap-
tizentur tales, vel confirmentur, atque Ecclesia
canonicè consecrentur, ne talis dubitatio fideli-
bus ruina fiat: quoniam non monstratur iteratum
quod certis indicis non ostenditur rite peractum.
Hac nos vobis tenere & mandare docemus, &c.
Hæc notent inaniter arguti Casuistæ, qui ma-
lunt animas Christi morte redemptas in re du-
bia de æterna salute periclitati, quàm Sacra-
mentum etiam absolutæ necessitatis de aliqua
iteratione, perinde ac si Sacramenta ipsa Deus
non instituisset in subsidium & salutem anima-
rum; cùm in dubio præcipiat sapientissimus
simul & sanctissimus Pontifex Gregorius, ad-
ministrari quoque Confirmationem, quæ ta-

men non æquè est ut Baptismus absolutæ ad æternam vitam necessitatis. Hæc eadem de Baptismo pariter & Ecclesiarum consecratione, quoties dubium occurrit, resolvit præterea Concilium Carthaginense quintum *can. 6.* Et ne Summistas omninò relinquamus intactos, S. Raymundus *lib. 3. Summa, tit. de atat. ordin. §. 1.* hæc eadem extendit ad ordinationem, ita dicens : *Regulariter teneas, quod in huiusmodi, de quibus non constat quòd sint de essentia, vel non, invenitur tamen quòd debent fieri, intelligas omnia esse de essentia. Unde si aliquid tale, de quo dubitatur, utrum sit de substantia, vel non, fuerit omissum, potest ordinatio iterari : non enim intelligitur iteratum, quòd nescitur esse factum : dist. 68. c. Presbyteri : & de consecr. dist. 1. c. solemnitates.* Hæc, aliaque Raymundus. Et tamen antiquioribus nondum in mentem venerat illa providè sequentibus excogitata sæculis, in casibus ambiguis conditio præscripta in *cap. 2. de baptis. Si non es baptizatus, &c.* Ideoque verborum etiam absolutâ formâ in re dubia conferebant Baptismum, Confirmationem, Ordinem, Ecclesiæ consecrationem.

Canon 96. *Qui Christum per Baptismum induerunt, ejus in carne vita agenda rationem imitari professi sunt.* Sententia hæc omnium Christianorum infixæ cordi esse debet, οἱ χριστὸν διὰ τοῦ βαπτίσματος ἐδυσάμφοι τὴν ἐν σαρκὶ αὐτοῦ πολιτείαν μὴ μὲν καθωμολόγησαν.

Canon 100. picturas fieri prohibet, quæ ad turpes libidines alliciunt, & facientes jubet
excom

excommunicari. Id enim quæ hîc legitur vox ἀποειλέω significat, non verò ut Latinus vertit Interpres, *depositionem*. Quam pœnam solent Græci canones exprimere per verbum καθαιρέω, solosque hac censurâ Clericos plerere. Exemplum in hanc rem memorabile refert Prosper *lib. de promiss. & predict. Dei, cap. 6*: puellam in balneo se lavantem ex aspectu lascivo, quæ inibi erat, statuæ veneris, fuisse protinus à Sathana possessam, multisque vexatam diebus; donec ad Reliquias Stephani Martyris liberata est.

Canon 101. minimè permittit communicantes Eucharistiam aliquo vasculò excipere; sed manibus ipsis in crucis figuram conformatis. Hoc idem suadet Cyrillus Jerosolymitanus *catech. mystag. 5*. Quem etiam veterem communicandi ritum sic exprimit Chrysostomus *lib. 3: de Sacerdotio*; ὁ μετὰ τῷ Πατρὶ ἀνω καθήμενος ταῖς ἀπάντων κατέχεται χεῖρσι: qui cum Patre sursum sedet omnium manibus continetur. Alicubi tamen mulieres sacram Eucharistiam linteamine excipiebant, ut docet Augustinus *serm. 252*. Maximus Martyr & Monothelitarum debellator admonet communicaturos viros, ut priùs manus abluant, mulieresque ut linteamina mundissima deferant, ubi Christi corpus accipiant. Denique Concilium Antisiodorense præcipit can. 36. *Non licet mulieribus nudâ manu Eucharistiam sumere*. Vocatque idem Concilium canone 42. *Dominicale*; linteam illud, in quo jubet à fœminis Eucharistiam excipi.

CAPUT LXXV.

Septima Synodus Oecumenica, Nicana II.

LEO Isauricus Imperator, suadentibus Constantino Episcopo Nacoliæ, & nequissimo Besere, qui Christianis ortus parentibus, deinde captivus in Syriam abductus Mahumetanam hauserat impietatem, bellum execrabile sacris Imaginibus in dicit, quas edicto proposito ex Ecclesiis, aliisque quibuscunque locis proscripsit. Dum verò pervetustæ religionis imaginem Salvatoris, quæ ad æneam Urbis portam sita erat, ex edito loco vi, ferroque deturbat, succensent qui aderant, totaque hoc nuncio civitas percellitur: tunc armati populi concursu satellites diserpuntur, & apparitores ad hoc exquendum facinus missi. Ea de re infreder ferox & truculentus Leo, totamque urbem rapinis, hominum raptationibus, & feralibus suppliciis infestat, & cruentat.

Aggreditur inter alios sapientissimum & venerandum Studitarum collegii Præfectum, ejusque duodecim contubernales divina, humanaque sapientia instructissimos, ad quos cœu ad oraculum in præcipuis divinarum, humanarumque disciplinarum ambiguitatibus recurri solebat, quos ipsi quoque Imperatores frequenter consulebant. Hos privatis colloquiis, adhibitis nunc blanditiis, nunc minis,
in

in suas partes attrahere conatus est Leo , sed eorum constantiâ repulsus , eisdem cum ædibus in quibus convivebant , una cum instructissima Bibliotheca , flammis una nocte absumpsit. Novis præterea sceleribus priora accumulans ; Sanctorum etiam cultum abolere , eorum loculos perfodere , sacraque fœdare lipsana instituit. Has excitatas à Leone tragœdias recensent Author Historiæ miscellæ Nicephorus Constantinopolis Patriarcha in *Breviario*, Zonaras , & Cedrenus in *Leone* , ipsaque passim hujus Synodi acta.

Dum truculenter furit Leo , Regiæ urbis Patriarcha Germanus , ut sanctissimus , omni studio nascentem impietatem coercere nititur , atque fideles , quos dira insectatio urgebat aut labefactabat , confirmare : hunc privatis colloquiis frustra tentatum ex sede Patriarchali & urbe exegit , ejusque loco Anastasium Iconoclastam Leo subrogavit. Ioannem quoque Damascenum , piarum imaginum strenuum defensorem , transmissis ad Principem Damasci confictis proditionis literis , accusat , quasi Damascenam civitatem , cujus custodiæ Joannes præfectus , sibi vendere attentasset : unde ipsi dextera manus jussu Principis barbari amputatur : sed ei præcisam manum invocata Dei Genitricis insigni miraculo restituit.

Sic efferatum , grassantemque Leonem Gregorius Papa II. boni , sollicitique Pastoris pro Dominico grege munus obiens , à cœptis nefariis per literas revocare conatur. Verùm impius Leo adversus Pontificem suis nefariis co-

natibus adversantem exardescens, Marino primùm duci Romanæ urbis, deinde Paulo Patricio & Exarchæ semel & iterum in mandatis dedit, ut Gregorium Papam interimerent: at eorum conatibus exercitus ipsi, quos Imperator in Italia sub stipendiis habebat, non modò fortiter obstiterunt, sed etiam rebellionem & Italiæ defectionem adversus impium Principem machinati sunt. Sed optimus Pontifex nihil intentatum reliquit, ut Romam, & reliquam Italiæ partem, quam Longobardi non subegerant, sub officio & potestate Imperii contineret, ut Latini; qui illo sæculo scripsere, Authores produnt Paulus Diaconus, & Anastasius, ipsæque luculenter probant epistolæ Gregorii Papæ ad Vrsum Venetiarum Ducem, & ad ipsum Leonem Augustum, ut observat Baronius ad annum 726. cui hac parte adhibenda fides magis quàm Cardinali Bellarmino, qui relatione Græcorum duorum quos allegat, Cedreni & Zonaræ deceptus, quibus Theophanes adjungi quoque potuerat, affirmat *lib. 5. de Rom. Pontif. cap. 8.* Gregorium II. ab Imperio Græcorum Italiam subtraxisse, & eis ultra pendere tributum prohibuisse. At verò Græci schismatici pariter & hæretici, qui nec ea videbant, quæ in Italia gerebantur à Pontifice, & defectionem tamen Italiæ experiebantur, ad quam populos illos vasa Leonis pertinacia, invito etiam Pontifice, quem dirè insectabatur, adigebat, sibi & aliis quibuscunque persuasum esse volebant, rebellasse Occidentem, instigante Romæ quem
averiabant

aversabantur, Episcopo. Leo ipse hac defectione efferatus, & rabie majori percitus, comparatâ ingenti classe, & Pontificis, & Italiæ molitur exitium. Sed classem cum omni bellico apparatu ad Adriaticum litus exorta tempestas allisit, aliisque simul calamitatibus ejus Deus ferociam reprimat, & impietatem ulciscitur urbium undequaque defectionibus, fame, penuriaque, pestilentiis, & horrendis terrarum motibus, eò usque, ut Regiæ urbis ædes penè omnes publicæ privatæque, integri anni assiduis concussionibus corruerint, ipsaque urbis mœnia solo æquata sint: ipse verò Leo diris excruciatu tormentibus infelicem animam exhalavit.

Leonem filius excepit Constantinus, cui cognomen inditum Copronymi fuit ab excrementorum profluvio, quo dum infans baptizaretur sacrum Lavacrum inquinaverat. Qui verò illum baptizabat Germanus Patriarcha, vaticinatus est ejus aliquando impietate sanctam Dei Ecclesiam fœdatum iri: prædictionem eventus demùm comprobavit. Hic se totum magicis flagitiis, & cacodæmonum, animarumque execrandis evocationibus, & piorum persecutionibus addixit. Dei Genitricis, aliorumque Sanctorum cultum, atque sacram imaginum inhibuit.

Tot impietatibus, & conjunctis unâ crudelitatibus commoti populi Constantino rebellant, affinemque illius Artabasdum Curopalaten, qui adversus illum arma sumpserat, designant Imperatorem: Besezen verò tot malorum

rum authorem, suaforemque obtruncant, sacrasque imagines pristinis locis reponunt. Sed comparato exercitu Copronymus Constantinopolin terra marique obsidet, atque ad deditionem compellit, Curopalati oculos effodit, ejus liberos interficit, ne quis ex illa progenie scelerum ipsius & sacre Religionis vindex superesset. In reliquos perduelles crudelissime desævit, quamplurimos præcisus ferro manibus, variisque suppliciis excarnificatos interemit, reliquos omnibus fortunis exspoliatur. Quinetiam vesaniæ suæ specimen erga pseudo-Patriarcham Anastasium exhibet, quamvis ejusdem secum impietatis fautorem. Hunc enim afello præposterè impositum, & flagello per urbis compita cæsum, in thronum Patriarchalem denuò collocavit.

Cum verò Romani Pontifices Concilia diversa in Occidente diversis locis cogerent, ut malum in Religionis exitium erumpens cōhiberent, Copronymus pseudo-Synodum trecentorum & triginta Antistitum Constantinopoli coëgit, quâ in sacras imagines conclamatur. Interea Constantinus Monachus pseudo-Patriarcha successor Anastasii, satellitio Imperatoris stipatus, per forum, per Ecclesias, per omnis sexus Monasteria, per privatorum ædes concursans, imagines quotquot supererant diripit, abradit, dejicit, & eos qui habebant, verberibus & carceribus mancipat: Sanctorum reliquias cum venerandis imaginibus, & Catholicorum libris per fora excitaris rogis incendit. Ipse verò Copronymus aliquot

Scena

Senatores & clarissimos viros , eo quod prohibitas imagines coluissent , vel occultassent , durissimis nervis in medio foro verberari ad necem iussit : Monachos etiam , & Sanctimoniales raptari , & post immania supplicia & ludibria trucidari. Qui verò superfuerunt Monachi compulsi sunt pallio & cucullo deposito inire incesta connubia , sordidisque artibus victum quærere. Inter milites quoque Monasteria distributa sunt , ut omnis instituti Monastici memoria prorsus aboleretur : Monasteriorum autem prædia & facultates fisco addictæ.

Constantinum pseudo-Patriarcham tot scelerum facem ac incentorem divina ultio prosequuta est. Cum enim detestandus Copronymus arcanum illi suum de abroganda Christo Divinitate aperuisset , nec ille rem silentio texisset , iussus est per urbis vicos flagellari , & in sordidissimo loco jugulari. Par etiam ultio in Copronymum incubuit , cui pedes ardentibus anthracibus intumuerunt , tantoque æstu totum ejus corpus exarsit , ut vociferaretur infelix , se inextinguibili traditum igni ob violatum Deiparæ nomen & cultum : & cum eandem jussisset honorificè coli , sera tamen ejus minimè recepta est pœnitentia , sed acerbissimo & horrendo interitu ad quæ migraret supplicia demonstravit.

Successorem Copronymus habuit Leonem filium , qui Catholicum se principio simulavit : ubi verò suum stabili fundamento firmatum credidit Imperium , in apertam hæresis
pro

professionem erupit, quam & sacrilegio cumulavit. Cùm enim gemmarum cupiditate carbunculis radiantem coronam, quam in Basilica Mauricius olim dedicarat, detractam inde suo capiti imposuisset, eruperunt ex illius capite venenati carbunculi, ex quibus ardens exorta febris, hominem brevi extinxit, ut Theophanes, & miscellæ historiæ Scriptor Diaconus referunt.

Hic hæredem reliquit Constantinum ex Irene susceptum filium. Irene gubernacula suscepit Imperii sub Constantino decenni puero. Tum demùm immanibus, diuturnisque procellis discussis, pax & nova lux Orientis Ecclesiis refulsit. Catholicæ namque Religionis Amantissima Irene, nihil antiquius habuit, quàm ut illam jacentem excitaret, Regiamque civitatem multiplici anathemate involutam, & à reliqua Ecclesia divulsam reduceret. Cùmque Paulus abdicato Patriarchatu se in Monasterium conclusisset ad spontaneam pœnitentiam, respondit Imperatoribus causam rei sciscitantibus, quia Copronymi conciliabulo, quo procusum fuit adversus venerandas imagines decretum, suam adjecerit subscriptionem; & ni pœnitentiâ scelus elueret, æterno foret supplicio damnandus. Quâ permoti responsione Imperatores de optimo Patriarcha eligendo solliciti, Tarasium promovendum curarunt. Ille verò gravissimum onus detrectabat, nec prius urgentibus Augustis cessit, quàm fore pollicerentur, ut legitimam Synodum ex Romani Pontificis consensu indicendam

dicendam & habendam curarent.

Scriptit ergo literas ad Adrianum Papam Tarasius, quibus de sacrarum imaginum cultu piè, doctèque differit. Scripsère pariter ad eundem Constantinus & Irene, rogantes ut Synodum indiceret, suosque de more Legatos ad eam mitteret. Lætior Pontifici nullus afferri poterat nuntius. Itaque Petrum Archipresbyterum Ecclesiæ sancti Petri, & alterum Petrum Abbatem Sancti Sabæ committit, qui suo nomine Synodo præsent. Cæterùm aded Constantinopoli hæresis invalescebat, ut ibi tumultus incredibiles excitarent Iconomachi, quos nec ipsi potuerunt Imperatores compescere.

Igitur Nicæa præelecta fuit, in qua Synodus haberetur, quæ civitas Metropolis Bithyniæ est, prima Synodo Oecumenica dudum insignis. Interfuère cum Tarasio Religiosissimo Constantinopolis Episcopo duo Monachi, Joannes & Thomas, Sedium Orientis Patriarchalium locum tenentes, & cum his trecenti quinquaginta Episcopi, multique cum delectis Monachis Archimandritæ, qui Patrum confessum sanctitatis, doctrinæque splendore decorabant; missique ab Imperatoribus aliquot Senatores. Concilio præfederunt Apostolici Legati. Gesta hæc sunt Christi anno 787. Coacta jam Synodo, multitudo Episcoporum supplices libellos obtulerunt ad veniam deprecandam, eo quodd Copronymi Synodum approbassent; in primis Gregorius Neocæsareensis, qui fuerat in pseudo-Synodo quasi Præses & Antesignanus. Utramque in partem agitata
sententia

sententia est, sed mitior demùm prævaluit, quâ cunctis condonatum est, & permissum, ut suum quisque gradum & dignitatem retineret. Lecta primum fuit Adriani epistola, cui honorificè ab omnibus acclamatum est. Placuit deinde ut ex sanctorum Ecclesiæ Doctorum libris depromptæ palam legerentur gravissimæ sententiæ, & exempla, quibus Religiosâ imaginum veneratio asseritur tanquam à Sanctissimis Patribus tradita, jam inde ab exordiis Ecclesiæ, continuoque Christianorum sæculorum usu recepta, plurimisque confirmata miraculis. Quapropter Patrum suffragiis sancitum est, ut in Ecclesiis, aliisque honestis locis, Christi Domini, Sanctorumque imagines collocentur ad piam memoriam & virtutum imitationem excitandam: tum etiam ut ipsi in suis imaginibus debita sibi veneratione colantur, quandoquidem his delatus honor ad prototypum & exemplar refertur, quod illæ repræsentant. Decretum quoque ut fideles debita veneratione Sanctorum reliquias prosequantur, & his contradicentes hæretici declarantur, & anathemate feriuntur.

His sanctissimè constitutis, placuit in medium proferri Salvatoris imaginem, & ab omnibus suppliciter procumbentibus adorari. Perlecta etiam, ne quid deesset, examinataque sedulò fuit Copronymi Synodus, ejusque vanæ rationes verissimis aliis eversæ, & quantum opus erat, expositum, divinarum literarum testimonia, quibus idola Gentium redarguuntur, nihil cum sanctis imaginibus habere

bere commune. Proinde damnata illa pseudo-Synodus omnium consensu fuit, & dictum anathema in Anastasium, Constantinum, & Nicetam pseudo-Patriarchas. Postremò sancta Synodus Canones XXII. adjecit. His ritè peractis, Tarasius transmissis ad Adrianum literis, rerum in Synodo gestarum rationem reddidit. Porro Adrianus non solum Apostolicâ autoritate Synodum munivit & approbavit, sed præterea conscriptâ ad Carolum Magnum epistolâ, defendit ab aliorum criminationibus.

Actiōne hujus Synodi quinta, inter quamplurima Sanctorum testimonia locus adducitur Joannis Thessalonicensis Episcopi, quo asseritur, Sanctos Dei Angelos, Sanctorumque animas figuris corporeis sufficienter repræsentari, eo quòd utrisque Catholica Ecclesia corporeas substantias attribuat, tenuissimas quidem, utpote igneas, aut aëreas. Idque author ille confirmare intendit tum Davidis, atque Apostoli testimonio isto: *Qui facit Angelos suos spiritus, & ministros suos flammam ignis*; tum etiam Athanasii, Basilii, Methodii, aliorumque Patrum autoritate. Quod, ait Author ille, de sensu Catholicæ Ecclesiæ non sic intelligendum est, quasi Ecclesia hoc definitivisset; sed quia complures, & illustres Ecclesiæ Doctores hoc asseriebant, ita ut ea tum sententia prævaleret; nec solum apud Græcos, sed & apud Latinos, ex quibus est Hilarius in *Matth.* S. Augustinus innumeris penè locis, *lib. 3. de Genesi ad lit. cap. 10. & epist. 111.*

514 *Notitia Conciliorum S. Ecclesie,*
 & 115. & lib. 3. de Trinit. cap. 11. & in Psal. 85.
 & 145. & lib. 2. de Civit. Dei, cap. 3. & lib. 15.
 cap. 23. & lib. de divinat. demon. & in Enchi-
 rid. cap. 59. & alibi, ut asserat Vasquez tract. de
 Angelis, non dubitasse Augustinum Angelos
 esse corporeos, sed tantum an eorum corpora
 contrectari possent. Hoc idem tenuit quoque
 Cassianus collat. 7. cap. 13. Bernardus huc pro-
 pendet *serm. in Cant.* & Angelis corpus æ-
 reum assignat lib. 5. de consider. His accedit Ru-
 pertus Abbas lib. 1. de Trinit. cap. 11. Ex Græ-
 cis præter commemoratos Athanasium, Basi-
 lium, Methodium, Joannem Thessalonicensem,
 idem ipsum tradit Origenes lib. 1. *Periarchôn,*
in præm. Cæsarius Nazianzeni frater *dialog. 1.*
Elias Cretensis ad orat. 1. Nazianzeni, ad ver-
 ba ista: *Nihil enim mihi.* Quotquot etiam ex
 Græcis, Latinisque docuerunt Angelos cum
 mulieribus consuetudinem habuisse, ex iisque
 progenuisse gigantes, Justinus, Irenæus, Cle-
 mens Alexandrinus, Eusebius Cæsareensis,
 Tertullianus, Lactantius, alique, qui licet
 astruant in Angelis & hominum animis spi-
 ritalem substantiam, id unum volunt, esse
 tenuissimam & subtilem admodum, longèque
 distantem à concretis, crassioribusque corpo-
 ribus; non tamen omnis expertem materiæ.
 Olim prævaluerat apud sanctos Patres Platonis
 Philosophia, dæmones elementares consti-
 tuentis, & animas igneæ substantiæ. Exortu
 postmodum Scholasticæ Theologiæ receptior
 evasit Aristotelis doctrina lib. 12. *Metaphys.*
cap. 6. 7. 8. asserens, & probans, intelligentias
 esse

esse ab omni materia & quantitate separatas, Idque fortius apud Christianos suadet visio divinæ essentia, *Quoniam videbimus Deum sicuti est.* 1. Joan. 3. Ad hanc verò visionem nullam habere potest aptitudinem, nec remotam quidem, aut supernaturalem, materialis substantia. Itaque Magister sententiarum, & Thomas, & alii ferè omnes Scholarum Theologi, oppositam veteribus illis sententiam consecantur; cui plus etiam favent hæc Lateranensis sub Innocentio tertio Concilii verba, quæ leguntur *in cap. firmiter*, de summa Trinit. *Deus utramque de nihilo condidit naturam, spiritualem & corporalem; angelicam videlicet & mundanam: deinde humanam quasi communem, ex spiritu & corpore constitutam, &c.*

Et si verò probabilius sit, Lateranensis Concilii eam non fuisse mentem, ut res ista tanquam fidei propositio ibi definiretur; non foret tamen temeritatis experts his instructioribus sæculis pervicax in contrarium opinio. Et verò sancta Dei Ecclesia temporum progressu novis cognitionibus plenius illustratur: unde scribitur in Cantico, procedere illam instar surgentis auroræ. Quod exemplis sequentibus patet.

Licuit priscis sæculis Angelos credere corporeos, & ex his nonnullos cum mulieribus, antequam cælo exularent, corporum habuisse commercia. Licuit similiter sanctis olim Doctoribus Papiæ Hierapolitano, Melitoni Sardeni, Irenæo, Justino, Lactantio, Severo Sulpicio esse Chiliaſtis, quæ nunc persuasio

hæretica & piacularis esset. Licuit initio exi-
miis illis viris & Sanctis Cypriano Carthagi-
nensi, Dionysio Alexandrino, & Firmiliano
Cæsareensi, & amplissimis totius Africae &
Alexandrinae Diœceseos Synodis omnium in-
discriminatum hæreticorum rejicere Baptis-
mum, quod sive post Stephani Papæ decre-
tum, sive post Nicænam Synodum, pœnam
mereretur anathematis. Licuit antiquis de mul-
tis Scripturæ partibus ambigere, an canonicæ
essent, ut observatum superius à nobis est ad
Laodicenum can. 56. At re postmodum per-
spicue definita, non liceret circa hujusmodi
animo esse ancipiti. *Multa nunc scimus* (ait
Alfonsus de Castro lib. 1. de hæresibus, cap. 27.)
qua à primis Patribus aut dubitata, aut prorsus
ignorata fuerunt. Multa didicit Mater Ecclesia
(inquit Paulus Serlogus Societ. Jesu antelo-
quio 3. in Cant. sect. 3.) *processu temporum, mul-*
ta stabilivit, declaravitque fidei dogmata, qua
licitis olim opinionibus jactabantur. Vincentius
Lirinensis sic loquitur advers. hæres. commo-
nit. 1. cap. 27. *Crescat igitur oportet, & multum,*
vehementerque proficiat, tam singulorum, quam
omnium; tam unius hominis, quam totius Eccle-
sie, atatum, ac sæculorum gradibus intelligentia, &
scientia, & sapientia.

Canone 14. reprobatur abusus, quo pueri
Clerici post tonsuram admittebantur statim ad
legendum in Ecclesia pro suggestu ante susce-
ptam Lectoris ordinationem. Permittitur dein-
de Abbatibus, modò Sacerdotes sint, & ab
Episcopo benedicti, Lectores ordinare, & pro-
pti os

Cap. LXXV. Synodus VII. Oecumenica. §17

prios duntaxat Monachos. Permittit Chorepiscopis idem canon Lectores ordinare, dum præcellerit Episcopi consensus. Concilium Tridentinum *sess. 23. cap. 10.* Abbatibus pariter Sacerdotibus, & ab Episcopo benedictis indulget, ut subditis Monachis tonsuram & minores Ordines conferant.

Canon 15. prohibet duas cuiquam Ecclesias conferri, etiam paupertatis obtentu: quo casu proponit imitandum potius Paulum in Actis Apost. protestantem, se ad sui, suorumque victum propriis manibus laborasse, quod in suis pariter epistolis insinuat. Hic tamen canon, ubi magna est Clericorum penuria, duas permittit ab uno & eodem Ecclesias in minoribus oppidis possideri. Refertur à Gratiano *c. Clericus, 21. q. 1.* Idem antè sanciverat Synodi Chalcedonensis canon 10: interdicens, ne quis Clericus duarum civitatum Ecclesiis ascribatur. Pari ratione cavetur in Concilio Agathensi, *can. 57.* & in Epauensi, *can. 9.* & in Lateranensi sub Innocentio III. *can. 29.* & in Tridentino *sess. 7. cap. 4. & sess. 24. cap. 17.* necnon in *c. unum Abbatem, 21. q. 1.* ne unus duobus Monasteriis Abbas præficiatur. Jus quoque civile non permittit duplicem in uno militiam, seu duobus mereri cingulis aut stipendiis, *l. his quidem, C. qui milit. non poss. lib. 12.* sed hanc quæstionem paulò fusiùs & dilucidius discutiamus.

Canonum periti duplicè norunt plurium beneficiorum incompatibilitatem, primi generis, & secundi. Incompatibilitas primi generis ea

518 *Notitia Conciliorum S. Ecclesiæ,*
 est, ut secundo per pacificam possessionem ob-
 tento beneficio, primum statim vacet, *c. de*
multa 18. *de prabend. & Extrav. execrabilis,*
eod. tit. & c. literas 9. *de concess. prabend. & c.*
cum in cunctis 7. §. *cum verò, de election.* Altera,
 seu secundi generis incompatibilitas ea est, quæ
 simul nequeunt plura licite beneficia simplicia
 teneri, nisi accedat dispensatio, quæ iustâ cau-
 sâ subnixa sit: nec ideo tamen vacant priora
 beneficia per posterioris adeptionem, quamvis
 horum singula sufficere possint ad victum. Et
 enim si singula non sufficiant honestæ susten-
 tationi, possunt duo, vel tria licite possideri
 citra dispensationem, juxta Tridentini Con-
 cilio decretum *sess. 24. cap. 17.* his verbis: *Sta-*
tuit sancta Synodus, ut in posterum unum tan-
tum beneficium Ecclesiasticum singulis conferatur;
quod quidem si ad vitam honeste sustentandam
non sufficiat, liceat nihilominus aliquod simplex
beneficium, dummodo utrumque personalem resi-
dentiam non requirat, eidem conferre. At verò
 ad incompatibilitatem primi generis pertinent
 duæ simul dignitates, ut duo Episcopatus, duo
 Decanatus, aut unus Decanatus simul cum
 Præpositura, vel Archidiaconatu. Item plures
 parochiæ, aliæve curata beneficia. Item plures
 in eadem Ecclesia personatus, aut dignitates,
 etiâ sine animarum cura. Denique plures
 uniformes præbendæ sub eodem tecto, quam-
 vis simplices, ut duo Canonatus, *c. literas, de*
concess. prabend. Hæc quoque incompatibilitas
 extenditur ad Episcopum, qui statim atque
 consecratus est, & bonorum Episcopaliū
 fructu

fructu gaudet (non enim isthic comprehenduntur Episcopi merè titulares, aut aliorum Episcoporum suffraganei, qui licèt consecrati, non tamen fruuntur Ecclesiarum Episcopaliū proventu) aut etiam elapso tempore, quod Canones Episcoporum consecrationi præfixerunt, amittit illicd jure ipso omnia, quæ prius habebat beneficia, nisi Apostolicæ Sedis se dispensatione præmuniverit: *c. cum in cunctis* 7. §. *cum verò, de elect.* Sed si pauper sit Episcopus, poterit adhuc ei simplex conferri beneficium: licèt enim amittat anteriora, non tamen jus facit eum inhabilem ad posteriora simplicia, ut docent Martinus Navarra, & Lessius *lib. 2. de just. c. 34. dubitat. 27. numer. 139.*

Canon Nicænus 16. cavet ne Episcopi, aut Sacerdotes, aliique Clerici splendidis, ac insignibus indumentis, aut unguentis odoratis utantur; eosque puniti sancit, quicumque Clericum modestè vestitum deriserint. Prohibet etiam quibusvis Ecclesiasticis deferre in vestium oris ac marginibus lacinias versicolores. Citatur in *c. omnis jactantia*, 2. q. 4. Require superius Concilii Carthaginensis quarti canonem 45.

Canon Nicænus 17. Personarum Monasticarum frequentem hoc sæculo abusum reprobat, quæ cum in Monasteriis propriis subesse nolint, nova Monasteria construere aggrediuntur, quibus præficiantur. Præterea iubit Episcopis, ne novas Ecclesias, aut Oratoria extrui permittant, nisi ea suppetant, quæ

§ 20 *Notitia Conciliorum S. Ecclesie,*
ad perfectam foundationem sufficere possint.

Canon 20. Prohibet omninò duplicia Monasteria simul cohærentia, id est Monachorum hinc, & Monialium inde: huc pariter spectant ad evitanda periculosa consortia regulæ istæ sancti Basilii: Non habeat Monachus aditum ad Monacham, vel Monacha ad Monachum secretò ad colloquutionem. Non cubet Monachus in muliebri Monasterio. Si contigerit ut aliquam propinquam suam videre velit Monachus, in præsentia Abbatisæ huic colloquatur per modica & compendiosa verba, & in brevi ab ea discedat. Hæc Basilii regulas instaurat canon iste. Videto superiùs alia huc pertinentia ad canonem 28. Concilii Agathensis, jubentem diversorum sexuum Monasteria longè invicem esse remota. Alia huc spectantia revise pariter ad Concilii Toletani primi canonem 6.

CAPUT LXXVI.

De Synodo Francofordiensi, librisque Carolinis.

ANno 794. celebrata est Francofordii ad Mænum annem Synodus (est enim altera cognominis urbs ad flumen Oderam) tempore Adriani Papæ I. & Caroli Magni Francorum Regis. Hæc approbata fuit, quatenus hæresin damnat Elipandi Toletani Episcopi, &
Felicis

Cap. LXXVI. Synod. Francofordiensis. § 21

Felicis Episcopi Urgelitani, qui Jesum Christum hominem negabant filium esse Dei naturalem, sed asseriebant tantummodò esse adoptivum, Deique servum. Quatenus autem damnat septimam de Imaginum cultu Synodum, omni caret autoritate.

Patres namque Francofordienses rei gestæ ignoratione planè decepti sunt. Rejiciunt enim Synodum (ut loquuntur) Græcorum de adorandis imaginibus Constantinopoli in Bithynia celebratam sine consensu Romani Papæ. Quibus verbis multiplex circa factum error involvitur. 1. Constantinopolis pro Nicæa : 2. Constantinopolin esse Bithyniæ urbem, cum sit Thraciæ : 3. fuisse Græcorum Synodum illam sine Romani Papæ consensu habitam ; cum tamen constet fuisse ab ipso Adriano Papa indictam & approbatam, ejusque Legatos in ea præsedisse : 4. eandem Synodum constituisse, ut Imagines eodem cum Deo cultu colerentur ; cum tamen *ejus actione* 1. Basilii Ancyrae Episcopus, quondam Iconomachus, non aliter à Nicæna Synodo admisus fuerit, nisi profitendo palam sacras Imagines esse venerandas & adorandas, modò ne latriæ cultu, qui soli Deo debetur. Et *act.* 3. Constantius Constantiæ Cypri Episcopus, & *actionibus* 4. & 7. alii similiter Ecclesiæ reconciliati fuerunt, & unitati fidelium redintegrati, cum eadem fidei protestatione, modò ne latriæ cultu soli Deo competenti sacrae Imagines adorentur.

Porro, ut omnis verborum tollatur ambiguitas,

tas, latriæ cultu hîc intelligunt Nicæni Patres absolutum illum cultum, qualis à Gentilibus deferabatur idolis, quæ absolutè ab iisdem ut Dii colebantur, existimantibus numen in illis statuis residere: cum tamen fidelium cultus erga Imagines sit respectivus ad Deum, vel Sanctos per imagines repræsentatos, ut possit ejusmodi cultus pro exemplarium dignitate coram Imaginibus delatus, dici latriæ, vel hyperdulix, vel dulix cultus, respectivus quidem quoad imaginem, absolutus autem quod attinet ad exemplar, seu prototypum per imaginem repræsentatum.

Anterioris sæculi anno 1549. prodiit in publicum ignotus antea liber Carolo Magno ascriptus, & ab eodem ad Adrianum Pontificem directus contra Imaginum venerationem, absque ulla sive loci, sive Typographi nota. Si liber non est ab iisdem, qui publicarunt, hæreticis confectus, non alium habet authorem, quàm ejusdem cum Carolo sæculi Iconoclastam, non ipsum Carolum, à quo tamen transmissus ad Adrianum fuit, ut suo nomine, censuræque Apostolica illum perstringeret, aut refelleret. Extat utique Adriani Papæ ad Carolum liber, quo prior ille liber sacras oppugnans Imagines accuratè refellitur. Ex quo Adriani libro Ivo Carnotensis pleraque desumpta inserit in quarta Decreti sui parte. Constat certè ex Anastasii præfatione ad septimam Synodum, Gallos nonnullos Imaginum venerationem respuisse.

C A P U T L X X V I I .

Concilium Vormatiense.

SUB Adriano Papa II. & Imperatore Ludo-
svico II. anno Domini 868. habitum est
Concilium Vormatiense : hujus canon 22. ita
decernit : Si pater , vel mater filium , filiam-
que intra septa Monasterii in infantia annis sub
regulari tradiderit disciplina , non liceat eis post-
quam ad annos pubertatis pervenerit , egredi,
& matrimonio copulari : hoc ergo omnibus devi-
tandum est , quia nefas est , ut oblati Deo à pa-
rentibus filiis voluptatis frana laxentur : igitur,
ut prädiximus , non liceat eis susceptum habi-
tum unquam dimittere , sed convicti , quod consu-
ram, aut Religiosam vestem aliquando habuerint,
in Religionis cultu , habituque, velint nolint, per-
manere cogantur. Aded perspicuæ sunt istius
canonis , & plurimorum aliorum conformium
canonum expressiones , ut pudor omnis , ani-
mique sinceritas prorsus ei ableganda sit , qui
per multiplices alienatum & violètarum glos-
sarum invectiones in oppositum sensum hæc
detorquere obnitatur , quem voces ipsæ & ul-
tro , & iteratò præ se ferunt. Eadem non mi-
nùs evidentibus verbis repetitur sanctio se-
quenti canone 23. *Monachum aut paterna de-
votio, aut propria professio facit , &c.*

Istiusmodi Ecclesiæ usus & disciplina non
hic

hic habuit initium ; hoc enim ante constitue-
rat Gregorius Papa II. in sua ad Bonifacium
Moguntiae Episcopum epistola , iisdem pror-
sus verbis ; adeo ut Concilium Vormatiense
suos inde Canones 22. & 23. nihil ferè immu-
tando desumpserit. Idem patiter respuit Isido-
rus citatus in *c. quicumque* , 20. q. 1. Toletanum
quoque Concilium quartum rem eandem pror-
sus decernit anno 463. *canon. 48.* & habetur in
Decreto Gratiani, *c. monachum* , 20. q. 1. Idem-
que iteratur decretum in Concilio Tributienfi
citato in *c. quem progenitores* , 20. q. 1. Alexan-
der quoque Papa III. hoc idem decernit de
perpetua ad monachismum astrictione ex sola
parentum oblatione. Constitut. Alexand. III.
p. 50. cap. 10. Post quem Clemens Papa III.
hanc eandem confirmat disciplinam & usum,
c. cum virum, de Regular.

Itaque septingentos annos Ecclesia hoc jure
usa est ; patriæ potestatis jura multò ulteriùs
erga liberos proferens, nondum sui per ætatem
compotes , quàm præsens, magisque æquitati
consentaneus usus permittat. Urgebant for-
sitæ exempla Samuelis , quem mater taberna-
culo consecravat ; & Jephte votum , secundum
quod filiam unicam Deo immolavit. Quinimò
favore monasticæ Religionis ulteriùs etiam
progressi sunt olim Ecclesiæ Canones. Ex quo
enim aliquis etiam adultus, nec suæ mentis
compos aliena voluntate fuerat in ægritudine
periculosa monastico habitu amictus , æger
ille convalescens tenebatur reliquum tempus
vitæ indispensabiliter in Monachali veste , &
instituto

instituto traducere. Adèd ut Hispaniæ Rex Vamba, & morum sanctitate, & bellica laude, & Saracenorum victoriis inclytus, cum in morbum incidisset, alienatus sensibus, ab Episcopis & Proceribus Hispaniæ pro more in Hispania recepto monastica veste indutus, & deinde convalescens, se astrictum monasticæ vitæ ex ejusmodi sibi tradito amictu agnoscens, Regnum suum in affinem quendam suum transtulerit. Istud expressè refertur in Concilio Toletano anni 680. *can. 1.* cujus deinde *can. 2.* significatur eam tum viguisse in Hispaniarum Ecclesiis consuetudinem, ut cum se in ægritudine aliquis proximè putaret moriturum, monasticum habitum peteret & acciperet, aut etiam non petitum, si nesciens, nec sui compos acciperet, hoc ipso sic astringeretur monasticæ professioni, ut convalescens ad sæculum reverti non posset, monachusque in perpetuum remaneret; licet pœna dignus censeretur Sacerdos, qui habitum non petenti ministrasset. Quam disciplinam & consuetudinem Baronius quoque refert ad annum præfatum 680.

Posterioribus sanè canonibus meliùs cautum est, quibus omnis irrita professio monastica redditur, si non fuerit libera & spontanea, & non præcesserit saltem integer probationis annus. His quoque provisum est, ut omnis professio, quæ facta fuerit à scemina ante completos duodecim ætatis annos, aut à masculo ante quatuordecim, sit prorsus invalida, *c. significatum*, & *c. cum virum*, de *Regularib.* eandem præfigendo ætatem professioni regulari

526 *Notitia Conciliorum S. Ecclesie,*
regulari, quæ requiritur pariter ad validum &
insolubile matrimonium. Successit demùm
Concilii Tridentini ordinatio *sess. 25. de Regu-
lar. cap. 15.* quæ nunc ubique viget, requirens
ad Religiosam professionem in utroque sexu
completos ætatis annos sexdecim. Idemque
Concilium pœnam excommunicationis paren-
tibus, & aliis quibuscunque infligit, quicun-
que per viam, aut merum ad Religionem quem-
quam adegerint, vel ad id cooperati fuerint,
d. sess. 25. cap. 17. & 18.

CAPUT LXXVIII.

*Synodus Oecumenica octava, & Constan-
tinopolitana quarta.*

Historiam hujus octavæ Synodi exactè de-
scripsit Nicetas David Paphlagonius, scrip-
tor ætatis illius, in vita S. Ignatii Patriarchæ
Constantinopoleos. Nicephorus Orientis Im-
perator filiam suam Procopiam Michaëli Cu-
ropolati dedit in matrimonium, ex quo natus
est Nicetas, alique liberi. Cùm verò Nice-
phorus è vivis excessisset, omnium consensu
Michaëli deferretur Imperium, Principi justiti-
æ, & pietatis ornamentis spectatissimo, qui
magna virtute biennium imperavit, donec Leo
Armenus, cui Michaël præfecturam exerci-
tuum Orientis crediderat, in suum Principem
ac benefactorem perduellis regnum occupat.
Michaëlem

Michaëlem cum uxore & liberis in diversas insulas ablegat, & Monasteriis includit: Regios liberos castrari jubet, atque ex his Nicetam, cui castrato, & in Monachum detonso Ignatii nomen est inditum. Leo quâ tyrannide & nequitia regnum invaserat; eadem administravit, & olim à Synodo septima sopitam Iconoclastarum hæresin, magna Ecclesiarum clade, & piorum omnium dira insectatione restituit, non minori rabie furens quàm Leo ille Isauricus, à quo fuerat primùm excitata. Sed exacto Imperii septennio divinâ ultione interemptus est à Michaële Balbo pariter Iconoclasta; quem post annos Imperii octo filius excepit Theophilus paternæ impietatis æmulus, qui annos aliquot Imperio potitus, transmissit illud ad filium Michaëlem sub Theodoræ matris tutela Religiosæ, virilisque animi feminæ, quæ filium Catholica Religione imbuendum curavit, instauratoque sacrarum imaginum cultu, Methodium virum sanctissimum, quem in fide Orthodoxa invictum Michaël Balbus exilio damnaverat, revocavit, atque in Regia civitate Patriarcham constituit; quo munere præclare quadriennio perfunctus abiit in cælum.

Tum verò ejusdem Theodoræ studio Ignatius Michaële Curopalate natus in eandem promotus est dignitatem. Hoc præsule Orientalis Ecclesia & fidei sinceritate, & morum commendatione refulsit, tranquillæque pace integros undecim annos potita est. Sed tam felicem rerum statum Cæsaris Bardæ, ipsius Theodoræ

Theodoræ fratris ambitio turbavit. Hic Imperatori persuasit, ut matrem rerum gubernaculis ablegaret, includeretque Monasterio; atque ex Michaëlis vecordia fiduciam sumens, omnem Imperii potestatem in se unum transtulit. Erat præterea Bardas infensissimo adversus Ignatium animo, qui pastoralis officii, & constantiæ specimen dederat, quando post sæpius à se frustra admonitum Bardam, ut stupri consuetudine, quam cum propria nuku gravi omnium scandalo & offensione habebat, desisteret, ad sacram Eucharistiæ synaxim solenni Epiphaniæ die accedere ausum palam repulit, & ad pœnitentiam adhortatus est. His accesserat, ut cum suasu Bardæ Michaël accito Ignatio mandasset ut in vitam Theodoram attonderet, Monasterioque includeret; id facere, utpote rem indignam, & Ecclesiæ Canonibus adversantem recusaverit. Idcirco Bardas Ignatium apud Imperatorem majestatis reum postulavit, simulque in insulam deportavit, & Photium ad ejus Sedem intrusit.

Erat Photius vir laicus, natalibus illustris, dignitate protospatharius, & primus à secretis, vir immensæ ambitionis, veterator, & versatilis ad omnia ingenii, tantaque disciplinarum omnium peritiâ præditi, ut (vel ipso Niceta Davide teste) non modò sui ævi princeps haberetur, sed etiam cum præstantissimis veterum quorumcumque ingeniis decertare posset. At eximias naturæ & artis dotes animi ejus improbitas, & incredibilis ambitio, perfidiaque obscurabant. Vix credat aliquis quàm
impla

implacabili crudelitate, quàm impudentibus calumniis, & quàm immanibus corporis cruciamentis Regiæ stirpis Patriarcham eximia vitæ sanctitate venerandum, ætate etiam proVectum divexaverit scelestissimus Photius, quamdiu Bardas superstes fuit.

Interimitur à Basilio Macedone protoſtatore juſſu ipſius Michaëlis Imperatoris Bardas: occiſor verò Imperii ſocietatem aſciſcitur, nec multò poſt Michaël ipſe vino temulentus trucidatur. Cùm enim illum novus Imperator Baſilius ab infamia morum ad meliorem frugem reducere ſtuderet, illius tale odium in ſe concitavit, ut remigi quoque obtulerit Imperium, ſi Baſilium interimeret: ſed Michaëlem temulentum Baſilius antevertit & occidit.

Solus itaque Imperio potitur Baſilius, qui cùm eſſet juſtitiae & Religionis amantiſſimus, publicam rem Michaëlis vecordia, nequitiaque perditam reparavit. In primis Ignatium dejecto Photio revocavit, eamque ob cauſam Synodum Oecumenicam octavam Conſtantinopoli coëgit, aſſentiente Adriano Papa II. Nicolai I. ſucceſſore, qui etiam per ſuos Legatos Donatum & Stephanum Episcopos, & Marinum Diaconum, ſanctæ Synodo præſedit anno Chriſti 869. Jam Photium Imperator de throno in Monasterium depulerat, Eliamque Regiæ classi Drungarium cum dromone, id eſt celoce Imperiali pretioſis ornamentis inſtructo, cum magnifico, ſplendidoque comitatu præmiſerat ad reducendum eam quæ par erat honoris pompâ Ignatium. Reducem ab exilio

Patriarcham ordo Patricius occurrens exceperat, & confluentem, lætitiaque gestiens populus universus veneratus, atque in templum triumphali apparatu & faustis acclamationibus comitatus fuerat, antequam Synodus indicta esset.

Synodo interfuerunt, ut scribit Nicetas, Episcopi duo supra centum, Antistites verò & Sacerdotes, qui à Sanctissimis Patriarchis Methodio & Ignatio consecrati fuerant, & postmodum ad Photii communionem abrepti, libellis pœnitentiæ porrectis ad Synodi pedes procubuerunt, lachrymis effusis veniam supplicantes. Mitius cum his actum est, impositaque pœnitentiâ ad consellum tandem Synodi, & pristinum ministerium admissi sunt. Photius citatus reus ad Synodi conspectum adducitur. De propriis sceleribus interrogatus, adduci non potuit, ut aliud responderet, quàm istud Davidicum, *Posui ori meo custodiam; & quod sequitur, vos ipsi legitote*; hæc nimirum intelligi volens, *Cum confisteres peccator adversum me*. Instant Legati per obstinatum hoc silentium non evasurum damnationem; quibus ille, *Neque Iesus tacendo evasit damnationem*. Blandè rogatur, ut se iustificet circa sibi objecta: respondit hypocrita: *Iustificationes meae non sunt de hoc mundo*. Suadetur ut pœnitentiam exhibeat, qua solvatur anathemate: ille pertinaciter tacet, & sic è conspectu se subducit.

Nicolaus Papa Photium jam olim in Episcoporum Concilio damnaverat anathemate
ut

ut violentum Sedis Constantinopolitanæ invasorem. Photius verò coacto conciliabulo in Nicolaum anathema regerere ausus fuerat. Quin etiam non dubitavit pseudo-Synodi suæ acta multis suppositis additamentis, & falsis, eumentisque innumeris subscriptionibus aucta transmittere ad Ludovicum Caroli Magni pronepotem, Lotarii filium, & quartum à Magno illo Carolo Imperatorem Occidentis, unà cum literis ad uxorem ejus Ingelbertam Synodicis, illam sollicitantibus, ut conjugii Ludovico persuaderet à Nicolao Episcopo Romæ discessionem, utpotè legitimè per Catholicam & Oecumenicam Synodum deposito, eumque procul in exilium relegaret. Quæ tamen scripta fuerunt intercepta, & in octavam Synodum ab Imperatore Basilio producta. Porro hujusce Ludovici Franciæ Regis Legati, quemadmodum & Michaëlis Bulgarorum Principis actioni nonæ Synodi hujus interfuisse memorantur, aliis verò actionibus nulla legitur horum mentio.

Neque verò à solo Nicolao, sed præterea ab Adriano Papa in alia Synodo, in qua eadem iterum causa ventilata fuit, anathemate percussus est Photius, tertiumque demùm anathematis telum in eundem contorsit hæc Oecumenica Synodus. Rem miram perhibet in vita Ignatii Nicetas, damnationi Photii subscriptum ab Oecumenicæ Synodi Patribus fuisse calamis non solum atramento, sed etiam tremendo Christi sanguine tinctis. Simili subscriptione permixti atramento ex sacro Calice

§ 32 *Notitia Conciliorum S. Ecclesie,*
divini sanguinis à Theodoro Papa signatam
fuisse Pyrrhi Monothelitæ relapsi damnatio-
nem, testatur Theophanes. Octava hæc Sy-
nodus aliquot edidit canones, qui recensentur
in Græcis exemplaribus numero quatuorde-
cim: at verò in Anastasii Latina editione sep-
tem & viginti.

Canone 1. edicitur servandas, & tenendas
esse Apostolicas traditiones non scriptas, per-
inde ac divinas scripturas, & ad hoc firman-
dum ibidem allegatur illud Pauli ad Thessalo-
nicenses: *State & tenete traditiones, quas didi-
cistis, sive per sermonem, sive per epistolam no-
stram.* Traditionibus verò hujusmodi parem
cum divinis Scripturis adhibendam esse fidem,
scribunt quoque insignes Græci Doctores ac
Patres, Basiliius ad *Amphyloch. de Spiritu San-
cto*, cap. 29. Epiphanius hæresi 61. Chrysostomus
homil. 4. in secundam ad *Thessalonicenses*
epistolam, ut Latinos Patres sileam.

Canon 2. decernit Salvatoris nostri effigiem
eadem cum sacris Evangeliiis veneratione co-
lendam esse. *Quacumque enim* (ait) *litteris scri-
ptura, eadem coloribus pictura docent & repræ-
sentant.* Adjungitque Virginis Dei Genitricis,
Sanctorumque imagines esse venerandas, &
Angelorum Dei effigies, quales in Scripturis
repræsentantur.

Canon 4. Photium declarat nec esse, nec
fuisse unquam Episcopum, eo quòd prohibeat
Apostolus ad Timotheum scribens, fieri quem-
quam ex neophyto Episcopum: quam rem se-
quens canon 5. exponit tam de neophyto in
ordine

ordine Clericorum, quàm de neophyto in Christi fide. Idemque declarat de Sacerdotio eorum quos Photius ordinarat. Idem canon 4. in Anastasii editione addit, Ecclesias iterum dedicari aut consecrari debere, quas vel Photius ipse, aut alii ab eo ordinati, prout putabatur, dedicaverant, vel consecraverant. Gravis & difficillima hîc involvitur quæstio, quam expeditam dissertatione huic Synodo subjecta.

Canon 5. ut quis ad ulteriorem Ordinem promoveatur hoc exigit, ut annum in officio Lectoris expleverit, in Subdiaconi duos, in Diaconi tres, in Sacerdotii quatuor, antequam ad Episcopi honorem promoveatur. Permittit tamen ut Episcopi possint ex justa causa non nihil ex his temporibus ac interstitiis contrahere, atque in iis dumtaxat Clericis, qui piè & diuturno tempore in Clericorum ordine versati fuerint, dispensare. Concilium postremò Tridentinum *sess. 23. cap. 11.* constituit annum interstitii & ministerii à susceptione ultimi ex minoribus Ordinibus ad Subdiaconatū; & alterum annum ad Diaconatum, nisi necessitas, aut Ecclesiæ utilitas iudicio Episcopi aliud exposcat. Districtè autem vetat duos sacros ordines eidem uno die conferri, *cap. 13.*

Canon 11. anathemati subijcit eos, qui in uno, eodemque homine plures inesse animas asseveraverint. Hæc fuit veterum quorundam Philosophorum, necnon Manichæorum hæresis, præter animam rationalem, esse insuper in homine animam sensitivam, ex qua sola

534 *Notitia Conciliorum S. Ecclesie,*

promanant omnes concupiscendi actus, eamque Manichæi asseverabant esse propriâ naturâ malam, & à malo principio exortam. Adversus errorem istum sanctus Augustinus librum scripsit de duabus animabus contra Manichæos. Præclare docet Aristoteles *lib. 1. de anima*, text. 66. & 91. unam duntaxat existere in homine rationalem animam, & hanc esse simul virtute, seu eminenter sensitivam, & vegetativam. Suffragatur his ratio physica. Alioqui enim homo non esset unum aliquid per se, sed multa entia aggregata, quomodo plures simul homines dicuntur unus populus, pluresque arbores una sylva, & complures lapides unus acervus. Forma namque ipsa est quæ dat esse rei: sicque multiplices animæ ac formæ plura entia constituunt. Ratio etiam Theologica suffragatur. Cùm enim omnia Christus habuerit, quæ ad humanæ substantiæ integritatem pertinent, si ad eam distinctæ formæ, vegetans & sensitiva pertinerent, Verbum incarnatum simul homo esset, & brutum, & planta. Deinde in triduo mortis vel duæ istæ ultimæ animæ periissent; at quod semel assumpsit Verbum, nunquam dimisit: vel mansissent seorsim à corpore, atque ita duæ materiales formæ contra physicam rationem fuissent per se subsistentes, ab omni materia remotæ. Deinde quorsum abiissent? An ex honoris atque observantiæ officio animæ rationali se comites adjunxissent, an verò seorsim ab illa divagatæ fuissent?

Nec à seipso dissidet Aristoteles, dum *lib. 2.*
de

Cap. LXXVI. I. Synodus VII. Oecum. VIII. § 35
de generat. animal. cap. 3. affirmat embryonem hominis prius vivere vitam plantæ, deinde vitam bruti, & postremo vitam hominis. Sanctus quippe Thomas in *summa*, p. 1. q. 118. art. 2. ad 2. mentem hanc esse Aristotelis ait, formas illas in embryone nunquam simul, sed successivè facillè, atque abscedente vegetativa, succedere sensitivam, & hac desinente, infundi à Deo rationalem, quæ simul non quidem formaliter, sed virtute, seu eminenter sit vegetans, & sensitiva. A nonnullis tamen rejicitur illa sensitivæ animæ processio in illo imperfecto humano fœtu: volunt enim primum animari secundum gradum vegetativum, & immediatè subsequi animam, seu formam rationalem, quæ tamen operetur primum secundum facultatem vegetativam & sensitivam, non autem secundum rationalem gradum, nisi post unum aut alterum à nativitate annum.

Canon 12. Eorum damnat sententiam, qui sine Principum præsentia Synodum celebrari posse negant, solamque dicit necessariam præsentiam Episcoporum.

Canon 13. notabilis admodum est in eos, qui Concilia etiam Oecumenica cum summo Pontifice temerè committere, atque in dissidium vocare præsumunt: *Si quis* (inquit) *tanta efferatus audacia, quemadmodum Photius & Dioscorus, sive scripto, sive non scripto, insanias quasdam contra Cathedram Coryphæi Apostolorum Petri audeat jactare, eandem atque illi damnationis sententiam subeat. Si qua verò Oecumenica Synodo collecta, de Romana etiam Ecclesia*

536 *Notitia Conciliorum S. Ecclesie,*
controversia extiterit, licebit cum decenti reve-
rentia de proposita questione percontari, respon-
sumque admittere, vel utilitatem accipere, vel
dare; non tamen audacter contra senioris Romæ
Pontifices sententiam dicere.

Canon 14. *Sancimus ut designati ad super-*
humeralia gestanda (ea vocari pallia Pontificia
solent) certis illa temporibus, statisque locis ia
gestent, ne hujusmodi cultu per fastum, aut sup-
erbiam abutantur, aut quovis tempore divini officii,
& quacumque Ecclesiastica functione deferant.
Eos etiam qui Monachi fuerunt, & ad Episcopatu
honorem sunt provecti, ut Religiosam vestem
suam, habitumque monasticum servant, statui-
mus. Quod si Episcopus præter designata tempora
humeralia quomodocumque tulerit, aut monasticam vestem
abjecerit, vel corrigatur, vel deponatur. Huic si-
mîle postea decrevit Lateranense Conci-
lium generale sub Innocentio III. can. 16.
Vt Episcopi olim regulare Religionis sue habi-
tum retineant. Citatur in c. *Clerici officia, de vita*
& honest. Cler. Quod attinet ad usum pallii,
vide in Decretalibus, tit. *de autoritate & usu*
pallii, ubi cap. 1. statuitur, intra quamlibet pro-
vinciæ suæ Ecclesiam posse Archiepiscopum
uti pallio. Et cap. 3. non esse quem vocandum
Archiepiscopum, tametsi consecratum, nisi à
Romano Papa susceperit pallium: & conferri
per pallium Pastoralis officii plenitudinem:
cap. 4. soli papæ licitum esse pallio ubique uti:
cap. 6. in qualibet Ecclesia Provinciæ suæ pos-
se Archiepiscopum diebus solemnibus Missam
celebrantem gestare pallium, per quod Ponti-
ficii

Ecce plenitudo designatur. Plura de pallio require superius ad Constantinopolitani Concilii primi canonem 6.

Cæterum anno 878. quo ignatius Patriarcha migravit in cælum, Photius pristinam recuperavit Sedem revocatus ab ipso Imperatore Basilio suasu & præstigiis Santabareni Monachi, Photio conjunctissimi. Mortuo tamen Basilio filius ejus Leo Imperator cognomine Philosophus, quem nebulonis illius Theodori Santabareni dolis & calumniis in suspicionem adductum pater diu in vinculis detinuerat, hanc ultus est injuriam in Santabarenum, quem flagro cæsum, & oculis orbatum in exilium trahit: ejus verò sodalem Photium Patriarchatu depulit, suffecto in ejus locum Stephano.

Sciendum est, à Græcis schismaticis non admitti Synodum istam, quæ Basilio regnante, & Adriano Papa II. approbante peracta est. Sed hujus loco nomine octavæ Synodi Oecumenicæ pseudo-Synodum ab ipsis supponi, quam post obitum Ignatii Photius Constantinopoli collegit, conatus omni modo præcedentem, qua ipse justissimè damnatus & depositus fuerat, abolere. Photii causæ adblandiuntur schismatici Græci Synodorum compilatores Zonaras & Balsamon. Nilus quoque *libro de Synodis*, eandem pseudo-Synodum octavo collocat loco mendaciis refertam, suppressâ priori legitimâ. In Concilio Florentino, sub Eugenio Papa IV. Marcus Ephesinus pseudo-Episcopus disputat pro expungenda ex Syno-

dorum albo illa , quæ Photio invasore pulso Ignatium restituit. Conqueritur verò Baronius causam legitimæ Synodi non fuisse propugnatam à Juliano Cæsarino Cardinali , qui munere cum Ephesino disputandi suscepto , ejus impudentia mendacia non refellit , sed quasi abjecto clypeo visus est in id consentire , ut Ecclesia Catholica tam illustri Synodo Oecumenica , cui Summus Pontifex per suos Legatos præfederat inter Græcos, & cujus autoritate nefarium in Ecclesia Constantinopolitana schisma fuerat extinctum , spoliaretur , inque præceptæ hujus Synodi vicem altera summè exitialis , quam meritò Romani Pontifices damnaverant, subrogaretur.

Octavam legitimam Synodum habemus Græcè, Latineque conscriptam. Sed Latinum Anastasii exemplar pleraque habet , quæ in Græcis codicibus desunt. Neque verò suspecta esse potest Anastasianæ fides editionis , cujus acta & canones Latinitate donavit. Sanè de Græcorum Synodis olim loquens Sanctus Gregorius Magnus *lib. 5. epist. 14.* postquam expostulatus est, fuisse illas Græcorum fraude vitiatas , ita subjungit : *Romani codices multò veriores sunt , quam Græci , quia nostri sicut non acumina , ita nec imposturas habent.*

C A P U T LXXIX.

*Aliquot Anastasiana editionis Canonum
discussio.*

EDitionis Anastasianæ canon 19. adimit Episcopis Metropolitanis jus visitandi Suffraganeorum, seu Comprovincialium Episcoporum Ecclesias. In Occidente verò summi Pontifices & Concilia visitationum totius Provinciæ jura Metropolitanis asseruerunt, ut ex multis rescriptis perspicuum sit. Quale est Lucii tertii ad Archiepiscopum Ravennæ visitantem Dioccesin Bononiensem, *c. sopita, de censib.* & Innocentii quarti, *c. 1. de censibus in 6.* Et ante hunc Innocentii tertii, *epist. 85. regest. 15.* qui idem *in c. cum officii 16. de prescript.* condemnat Abbatem sancti Maglorii ad solvendum procurationis jus Archiepiscopo Senonensi Abbatiam visitanti: illa verò Abbatia est in suburbio Parisiensi. Episcopus verò Parisiensis nondum Archiepiscopali dignitate præfulgebat, sed tum suberat Metropolitano Senonensi. Similiter Bononiensis Ecclesia nondum fuerat, ut postmodò contigit, in Metropolin erecta. Quia tamen admodum erat proclive nasci rixas & simultates occasione visitationum inter locorum Episcopos & Metropolitenum, uno reprobante, aut abrogante quod alter probaverat, aut statuerat; & quia
impensæ

540 *Notitia Conciliorum S. Ecclesiæ*
 impensæ ac onera Patochiarum multiplici visi-
 tatione augebantur , idcirco demùm sancitum
 à Concilio Tridentino fuit , *sess. 24. cap. 3.* non
 posse ab Archiepiscopo suffraganeorum diœ-
 ceses visitari , nisi ex causis in Synodo Provin-
 ciali approbatis.

Denique Anastasianus canon 22. occasione
 intrusionis Photii per Imperialem authorita-
 tem , prohibet sub anathemate laïcis Princi-
 pibus , aut potentibus in sæculo authoritatem
 sibi in Episcoporum promotione arrogare ; sed
 Ecclesiam relinqui præcipit debitæ sibi liber-
 tati. Hoc deinde canone Summi Pontifices usi
 sunt contra Episcopatum investituras , quas
 sibi arrogabant Occidentis Imperatores ; &
 citatur à Gratiano *dist. 63. c. 1.* Græcæ autem
 editionis hujusce VIII. Synodi canon 5. de
 neophytis ad Episcopatum non eligendis post-
 quàm decretum fecit , ita pergit : *ἐπεὶ δὲ πλεον
 οὗτον (νεόφυτον) ἀπείργομεν εἰ παρὰ βασιλικῆς
 ἐξουσίας εἰς τὸτο ζῶωθῆται* : maximè verò neo-
 phytum repellimus , si per regiam intrusus fue-
 rit potestatem. Quod sanè in causa Photii , ad-
 nitente Cæsare Barda contigerat.



C A P U T L X X X.

Dissertatio circa quadam impedimenta Ordinum dirimentia apud veteres, quæ nunc temporis minimè dirimunt.

DIsquisitionem istam loco appendicis hîc infero, quia hæc Synodus VIII. Photium dicit nec esse, nec fuisse unquam Episcopum, atque ordinatos ab illo negat Ordines habere, consecrataeque ab eo Ecclesias jubet de novo consecrari *can. 4.* Præterea hæc eadem Synodus *act. 6.* ita distinguit inter ordinationes ab hæreticis factas, qui fuerant canonicè ordinati Episcopi, & eas quæ fiunt à non canonicè ordinatis; ut primas quidem affirmet validas, eaque ratione admissos ab Ecclesia fuisse ordinatos ab Acacio, & Petro Moggo hæreticis; secus autem judicet de secundis, ideoque secundam Synodum Oecumenicam rejecisse quotquot à Maximo Cynico contra canonum præscripta promoti fuerant ordinati. Hîc se aperit ingens difficultatum campus à paucis hætenus accuratè lustratus.

Difficultatis in eo versatur cårdo, quatenus Ecclesia ipsa contrarium à multis jam inde sæculis tenere & docere videtur; Ordinationes nimirum omnes, atque adeò cætera quævis Sacramenta, etsi contra Canones, aut prohibitiones in Ecclesia receptas conferantur, dum hæc

hæc tria interveniant, quæ à Synodis Florentina, Tridentinaque exiguntur, materia, forma, & minister conferre intendens, conferri sanè illicitè, sed tamen validè. Ex quibus consequens est, ut si ordinatio Sacerdotalis & Episcopalis à Photio suscepta tribus illis cõstabat, ipse Ordinum horum characterem verè suscepit. Unde & alterum consequitur, Ordines sic ab eo susceptos, validos extitisse, eosque pariter, quos Photius aliis post suam consecrationem contulit. Et tamen sacra Synodus nullum circa hæc tria requisita defectum in Photio arguit, sed tres istos, quòd neophytus ordinatus sit, quòd alienam Sedem violentus invaserit, quòd interstitia Ordinum præscripta non servaverit. Quæ omnia grave delictum involvunt; non tamen Sacramenti nullitatem. Quartum defectum adjungit Nicolaus Papa primus *epist. ad Michaëlem Imperatorem*, quod ejus ordinator Gregorius Syracusanus Episcopus, jam ante fuerat in Synodò depositus, & anathematizatus, ideòque nihil Photio contulisse, & Photium propterea nec Sacerdotem esse, nec Episcopum asseverat.

Nec verò in sola Photii causa ita statutum est in octava Synodo, verumetiam aliàs plerumque in similibus causis paria decreta edita ab Ecclesia sunt. Constantinus Romanæ Sedis invasor, paulò antè laïcus, & tumultuariè nullis servatis interstitiis ordinatus, non tantum legitimo Concilio depositus est, sed etiam judicatus omnis Ecclesiastici ordinis expers, perinde ac ante ordinationem illam illegitimam,

Cap. LXXX. De veter. impedim. Ordin. 543

eo quòd neophytus contra Canonum præscripta fuisset ordinatus in speciem, & apparenter duntaxat; & ejus aliàs collatæ ordinationes quasi merè laici pronuntiatæ sunt irritæ. Nihil de Formoso Papa loquor, quem qui ei successit Stephanus septimus, collecta Synodo judicavit, non valuisse quemquam ordinare, eo quòd à pristino Episcopatu Portuensi contra veteres Canones, & contra proprium jusjurandum ab eo extortum, in Romanam Sedem commigrasset. Nec tamen dubium saltem esse poterat, retinuisse Ordinem anteriorem, atque characterem Episcopalem, ex quo fuerat in Portuensem Episcopatum evectus. Decrevit nihilominus in Episcoporum Synodo Stephanus Papa, ut omnes à Formoso post ejus degradationem ordinati, se iterum ordinandos sisterent sub anathematis pœna. Cùm verò istam erroneam Synodum Joannes IX. meliore judicio in Ravennate postmodùm Synodo damnasset, insequutus Papa Sergius III. alià coactâ Synodo Ravennatem rescidit, prioremque sub Stephana ratam esse jussit. His ergo non immoror, in quibus non ratio, non jus ullum, sed Stephani & Sergii perditissima nequitia, & fœdissima inferiorum Episcoporum adulatio prævaluit.

Quantas porrò excitavit in Ecclesia tragedias contentionum Abbonis Remensium Episcopi causa? Iste cum aliis quibusdam Præfatis sollicitatus à Ludovici Pii Imperatoris liberis in optimum parentem rebellibus, eundem in Concilio abdicavit Imperio, transtulitque

litque in rebelles ex priore uxore liberos, Lotarium, Ludovicum, & Pipinum; uxorem verò secundi tori Juditham tribus privignis invisam, compulit in Monasterium. Cæterum haud multò post Ebbo ipse Remensis, & Abogardus Lugdunensis Episcopus, nefariæ illius conspirationis præcipua capita, meliore Synodo ad Theodonis villam coacta, sedibus suis exauthorati sunt. Sed post Ludovici Pii obitum Ebbo Lotarii operâ in pristinam Sedem restitutus, multas habuit ordinationes, quas illius successor Hincmarus Carolo Calvo, Pii & Judithæ filio gratissimus, irritas declaravit, & iterari districtè mandavit, contendens fuisse contra Canones restitutum Ebbonem, eaque de causa nullos penitus conferre potuisse Ordines, adeò ut iterari necesse esset quæcunque per eum hac in re gesta essent. Istud Hincmari placitum approbavit Concilium Sueffionense secundum.

Præterea quantis tumultibus agitavit Ecclesiam schisma Donatistarum? Isti causabantur Cæcilianum, qui fuerat in Ecclesia Carthaginensi Diaconus, deinde ordinatus ejusdem Ecclesiæ Episcopus, non fuisse prorsus Episcopum, utpote contradicentibus Canonibus ordinatum ab Episcopis sacrorum quondam Librorum sub persecutione traditoribus.

Ioannes quidem Morinus Congregationis nostræ Scriptor profundissimæ eruditionis, in suo de sacris Ordinationibus opere duo alia profert ejusmodi ordinationum nullitatis exempla. Sed (tanti viri pace dixerim) non satis advertens,

advertens, & memoriâ lapsus: scribit enim Lucium Papam tertium, ad ineundam cum Friderico Ænobarbo Imperatore pacem, spondidisse illi, se eos ordinaturum de novo, qui ab Octaviano Antipapa per Fridericum intruso fuerant ordinati, atque uti promiserat, præstitisse. Id nullo Morinus testimonio comprobabat, res verò prorsus aliter se habuit. Scribit namque Krantzius *lib. 6. hist. Saxon. cap. 47.* Lucium & Fridericum ad conciliandam mutuò pacem Veronæ convenisse, atque petenti Friderico annuisse perbenignè Lucium, se illos omnes admissurum ad sacra ministeria & dignitates, quos Antipapæ ordinarant: sed postridie cum manus illis essent imponendæ (manuum hæc impositio intelligi facile potest de absolutione à vinculis, quibus illaqueati erant, excommunicationis, suspensionis, interdicti, irregularitatis) recusasse Lucium id præstare quod pridie promiserat, prætexendo decreta Concilii Venetiis habiti, non posse nisi altero Concilio revocari.

Alterum Morini exemplum ex simili memoriæ lapsu profectum est: dicit enim Leonem Papam IX. in Synodo ad id convocata declaravisse, eos qui ordinati sunt à simoniacis Episcopis nullum penitus Ordinem suscepisse. Cum verò multas ex hoc nasci confusiones cerneret, suum postmodum restrinxisse decretum ad solas ordinationes, quæ simoniacè, hoc est oblatâ & acceptâ pecuniâ factæ fuissent. Cujus rei testem laudat Petrum Damiani. Cæterum testis ipse *epist. 16. ad Henri-*

cum Ravennatem Episcopum, cap. 30. refert Leonem IX. in Synodo ordinationes omnes simoniacorum Synodalis authoritatis vigore cassasse. Ista cassatio nihil aliud fuit, quàm suspensio ab Ordinum illorum exercitio, ut mox patebit. Prosequitur Petrus Damiani, cum ex istiusmodi decreto tumultus exortus esset, omnesque ferè Romanæ urbis Basilicæ Sacerdotalibus officiis, & Missarum solenniis destituerentur, tum demùm à Leone mitiùs agente instauratum fuisse prædecessoris Clementis secundi decretum, ut quicumque à simoniaco fuisset consecratus, non ignorans in ipsa sui ordinatione simoniacum esse Episcopum, quadraginta nunc dierum pœnitentiam ageret, & sic in accepti Ordinis officio ministraret. Certè si primum Leonis decretum tale fuisset, quale Morinus existimat, in primis condemnasset re ipsa providum prædecessoris sui decretum, declarando nullitatem Ordinum; quos tamen ille declaraverat ritè exerceri posse post aliquot dierum pœnitentiam. Idemque Leo sibi ipsi per secundum decretum contradixisset, non in re facti tantùm, sed etiam juris ab ipsomet definiti; permittendo, ut eosdem exercerent Ordines idem ipsi, quos nullos & irritos antè declaraverat. Et insuper ex Damiani testimonio compertum est, aliter à Clemente II. decretum fuisse, quàm à Morino referatur.

Sed idem Author alias solidiores probationes ex antiquitate deducit, quas subiecto, scilicet ex Urbani Papæ II. epistola ad Petrum Pistoriensem Episcopum, quâ significat apertissimè,

mè, Daribertum ordinatum ab hæretico & schismatico Episcopo, simulque excommunicato, nihil accepisse; ideóque se per novam ordinationem contulisse Dariberto Diaconatus ordinem, quem schismaticus Episcopus illi dare non potuerat. Similem loquendi formam legimus, scilicet nihil dedisse, nihil contulisse, nihil accepisse circa ordinationem, in epistola Damasi Papæ, in qua negat posse à Chorepiscopis Ordines sacros conferri, cum ipsi nullatenus Episcopatus ordine sint insigniti; ideóque eos, si quid hac in re egerint, nihil contulisse; & proinde illum qui manuum impositionem à Chorepiscopo suscepit, esse perinde ordinandum, ac si manus ei nullo modo impositæ fuissent.

Addit Morinus, canonem Apostolorum 67. sic statuentem, *Qui ab Hereticis vel baptizati, vel ordinati sunt, ut fideles vel Clerici sint, fieri nullo modo potest.*

Idemque sequentem narrationem adjungit ex Bertoldo, qui Gregorio V I I. non modò σύγχρονος, sed etiam addictus eidem fuit, atque pseudo-Papæ Guiberto adversarius. Hic ergo in Chronico ad annum 1091. refert Gregorium Papam VII. nimio & immoderato zelo exarsisse, dum judicavit eos, qui fuissent ab hæreticis, vel schismaticis Episcopis ordinati, si resipiscant, esse de novo ordinandos. Additque Bernardum Constantiensem, scholarum Magistrum, Gregorio ipsi conjunctissimum, scripsisse quod hac in re modum excesserit, dum ejusmodi rursus ordinandos cen-

fuit ; & demonstralle iudicium ejus esse plane Conciliis Nicæno & Africano repugnans, & sententiis Anastasii & Gregorii Magni Pontificum, Sanctique Doctoris Augustini. Eorundem quoque temporum Scriptor insignis Ivo Carnotensis Episcopus, sic in suo decreto refert p. 14. c. 55. *Gregorius Papa septimus in Synodo prasidens dixit : Ordinationes illorum, qui ab excommunicatis sunt ordinati, Sanctorum Patrum sequentes vestigia irritas fieri censuimus.* Hæc tamen verba diversum sensum suscipere possent, nisi Bernardus Constantiensis, & Bertoldus, ambo eidem Gregorio benevoli & addicti; & qui praxim ejusdem temporis, quo ipsi vivebant, perspectam habebant, quid hoc decreto significaretur, scripssissent. In ipso etiam Scholasticæ Theologiæ primordio ejusmodi adhuc vigeat opinio: Magister quippe sententiarum in 4. dist. 13. Sacerdotibus hæreticis potestatem detrahit Corporis Christi consecrandi.

His Joannis Morini probationibus, tres quas omisit, adjungo maximè perspicuas & solidissimæ ac primariæ authoritatis. Primum ex synodica Occumenicæ Sydoni Sardieensis epistola ad Alexandrinam Ecclesiam, quam ipse refert Athanasius *Apolog.* 2. ubi hæc ipsa verba leguntur. Γρηγόριος μὲν τοι παρανόμους οὐδὲ τῶν αἰρετικῶν λεγόμενους κατασθῆναι καὶ εἰς τὴν ὑμετέραν πόλιν παρ' αὐτῶν ἀπισταλῆναι, καὶ τὴν τοῦ γνωσκέτω ὑμῶν ὁμοφυχίαν ὅτι κρίσῃ πάσης ἱεράς τῆς συνόδου καθιρέσθαι, ἢ καὶ τὰ μάλιστα ἐκκλησιαστικῶν, εἰδὲ ὡς ἐπίσκοπος ὁλοῦς γενόμενος ἐνομιλῆναι: *Grego-*

rius quidem, qui dicitur illegitimè ordinatus ab hæreticis, & ab iisdem ad vestram Ecclesiam missus, hoc sciat unanimitas vestra, quod iudicio sacra Synodi depositus fuit: quinimò illa pariter censuit, quod ipse nunquam omninò fuit Episcopus.

Alterum suppeditat argumentum secunda Synodus Oecumenica. Maximus Philosophus Cynicus à Gregorio Nazianzeno fuerat ordinatus Sacerdos; idemque vacante Constantinopolis Episcopatu Sedem illam ardentè ambivit, corruptisque pecuniâ quibusdam Episcopis, ipse tandem ab iis ordinatus fuit Episcopus. Synodus porrò Oecumenica tum ipsum damnat Maximum, tum etiam eos, quos idem manuum impositione ad ordines Ecclesiasticos voluit promovere. Sic verò declarat sacra Synodus can. 4. *De maximo Cynico Philosopho propter indisciplinationis ejus totius doctrinam, quæ Constantinopoli orta est, statutum est, ne neque Maximus esse, vel fuisse putetur Episcopus; neque hi qui ab eo sunt ordinati, qualemcunque gradum Clericatus obtineant, omnibus quæ circa eum, vel ab eo gesta sunt, in irritum revocatis.*

Ultimum desumo argumentum ex Innocentii I. epistola 18. ad Alexandrinum Antiochiæ Episcopum, cap. ult. ubi sic loquitur: *Ab hæreticis baptizati recipiendi sunt cum suo Baptismo: sed ab hæreticis ordinati non sunt recipiendi cum suo ordine, quia hæretici solum baptismum dare permittuntur.* Certè nullus est hic locus distinctioni liciti & illiciti; nam neque Bap-

550 *Notitia Conciliorum S. Ecclesie,*
tismum licitè conferunt hæretici : est ergo locus distinctioni validi quoad hæreticorum baptismum, & invalidi quoad eorundem ordinationes.

Quæres, an igitur tot venerandi Patres, Concilia, & Summi Pontifices veritatem, quæ nunc perspectissima est, ignorabant? an nesciebant, quid inter illicitum & invalidum intersit, cum multa facta valeant, quæ tamen illicitè fiunt? Non utique hæc ignorabant, sed plerumque deliberarunt, an in plerisque ordinationibus res eadem simul esset illicita, & invalida. Cum ergo res tunc in ambiguo esset, necdum esset omninò evidens circa hujusmodi certitudo, nihil consultius fieri poterat, quàm ut de novo conferrentur, quæ vel planè irrita, vel certè dubia pro judiciorum varietate credebantur : quemadmodum, ut superius ad Quinisexti Concilii Canonem 84. observatum est, sapientissimè à Gregorio Magno, & à Carthaginensi Concilio quinto, & ab ipsa Quinisexta Synodo decretum fuit circa dubium Baptismum, Confirmationem, aut Ecclesie consecrationem, ut hæc omnia rursus peragantur.

Insuper hoc sciendum, veteres Patres hoc pro certo tenuisse, non solum divino & immutabili jure præscriptas à Christo esse certas & immutabiles Sacramentorum formas, quarum defectu nihil agatur; sed insuper concessum à Deo jus & potestatem Ecclesie fuisse addendi Sacramentis accidentia nonnulla, quorum defectu nullum sit futurum Sacramen-
tum:

tum : cum ad rerum existentiam requirantur sæpenumerò circumstantiarum externarum concursus & conditiones, maximè cum de entibus, non tam physicis, quàm moralibus, qualia sunt Sacramenta, sermo est. Certè nullitas essentialium à Deo immediatè institutorum defectu perpetua, & immutabilis, atque indispensabilis est. At quæ ortum habet ex eorum defectu, quæ Ecclesia instituit, non amplius perdurat, quàm pro ipsius Ecclesiæ arbitrio, quæ potest necessarias conditiones invehere, vel remove, propriasque leges condere, aut abolere

Istam Ecclesiæ potestatem circa ipsorum Sacramentorum valorem, aut nullitatem asserunt (ut innumeros sileam Theologos recentiores) Alexander de Ales *Summa* p. 4. q. 9. memb. 1. & 2. artic. 2. §. 1. resp. ad 1. & §. 3. resp. ad ult. Sanctus Bonaventura in 4. dist. 7. art. 1. q. 1. & art. seq. ex Canonistis verò Innocentius Papa IV. ad c. quanto, de consuet. ubi loquitur de Confirmationis charactere : & c. 2. de Bapt. ubi hanc Ecclesiæ potestatem extendit ad Baptismum, ac Matrimonium, & generaliter ad omnia Sacramenta. Similiter Cardinalis Ostiensis tit. de schismaticis, num. 4. Abbas Panormitanus ad d. cap. quanto, de consuet. laudat, & approbat hanc Innocentii sententiam, cum isto moderamine, ut si Ecclesia conditionem apponat, nec tamen intendat ut ejus defectus inducat nullitatem, eo casu futurum sit quidem validum Sacramentum, sed tamen illicitum, si fortè conditio scienter præmitta-

352 *Notitia Conciliorum S. Ecclesie,*
tur. Sed si Ecclesia conditionem præscribens
intendat ut ejus omissione sit irritum, tunc
quidem nullum futurum esse Sacramentum,
quidquid aliunde fiat. Denique docet Thomas
Sanchez numerosam citans Doctorum ceter-
vam, posse Papam non modò nova impedi-
menta matrimonium dirimentia inducere, sed
etiam certis prohibere personis, ne nuptias in-
ter se contrahant sub nullitatis pœna, aded ut
invalidum & inane futurum sit id matrimo-
nium; *tract. de matrim. lib. 7. disp. 1.*

Franciscus Hallerius Parisiensis Theologus,
quamvis aliam ineat rationem, nec loquatur
de potestate condendi circumstantia Sacra-
menta irrita facientes, sed de ipsa Sacramento-
rum materia & forma, *tract. de sacris Ordina-
tionibus, p. 2. sect. 2. c. 2. §. 21.* scribit materiam,
formamque ipsam posse variari, quin mò re ipsa
variari in tribus Sacramentis, Pœnitentia, Ma-
trimonio, & Ordine. Non in ratione quidem
formali, secundum quam Sacramentorum es-
sentia sunt à Christo institutæ immutabiliter;
sed in ratione materiali, atque individuali. Sic
alio (inquit) ritu Latini, alio Græci Ordines tra-
dunt; & alio ritu nunc à nobis, alio à veteribus
Latinis ordinationes peractæ sunt, manente semper
eadem materia in sensu formali, hoc est, prout
significatur spiritualis potestas in ordinatione tra-
dita; quamvis materialiter diversa sit materia
ipsa, prout diversa res ad istam significandam po-
testatem assumptæ sunt.

Hæc Hallerii distinctio, quamvis diversimo-
dè expressa, cum illa distinctione quadrat & conve-

convenit, quam alii Theologi excogitarunt, Christum Dominum instituisse aliquorum Sacramentorum materias & formas secundum genus, id est prout in genere significare debent gratiam, & potestatem seorsim à singulis Sacramentis conferendam; sed tamen posse per Ecclesiam determinari ejusmodi materiam aut formam secundum speciem, ut hoc, vel illo ritu talis gratia, vel potestas repræsentetur. Et insuper diversis temporibus posse ab Ecclesia variari pristinam illam, quam secundum speciem induxit, determinationem, atque reipsa per eam variatum fuisse in aliquibus.

Attingens deinde Hallerius Pœnitentiæ Sacramentum, docet Christum instituisse quidem ut peccata illius essent materia. Ut autem hæc, vel illa peccata hujus, vel istius Sacerdotis, judicio subjicerentur & potestati, vel ad majus Tribunal referrentur, id relictum Ecclesiæ arbitrio. Hinc transgreditur Hallerius ad Matrimonium: *Materiam (ait) matrimonii Christus constituit in legitimo partium consensu. An verò legitimus consensus esset in hoc vel illo affinitatis gradu, & utrum legitimus sit clandestinus consensus, necne, id omne judicio reliquit Ecclesia.*

Plerique alii Theologi simile scribunt de Ordinis Sacramento. Bellarminus ubi disputat de materia Diaconatus, quæ primis Ecclesiæ exordiis versabatur in sola manuum impositione, necdum scriptis Evangeliorum libris, docet materiam à Christo institutam esse unà cum manuum impositione, aliquid in genere designans

§54 *Notitia Conciliorum S. Ecclesiæ,*
designans illam, quæ Diacono confertur potestatem, quam Ecclesiæ postmodum determinavit, ut consisteret illud potestatis signum in traditione libri Evangeliorum. Conforinia scribunt Cardinalis de Lugo *disp. 2. de Sacram. in genere, sect. 5. num. 85. & seqq.* Becanus *p. 3. de Sacram. Ordinis, q. 4.* Et inter Doctores Parisienses, præter Morinum & Hallerium citatos, Gamachæus, & Ysambertus nobiles in Sorbonæ Collegio Professores.

Circa disputationem istam exquire præterea, quæ suprà disserui in appendice ad Concilium quartum Carthaginense.

CAPUT LXXXI.

Concilium Triburiense.

Est Triburia villa quædam Regia, seu castrum ad Rhenum fluvium, in quod amenitatis & voluptatis gratiâ Franciæ Reges, dum Germanico Imperio potiebantur, concedebant. Hoc loco sub Arnulfo Imperatore, dum esset Formosus Romæ Pontifex, celebratum fuit Episcoporum duorum & viginti Concilium anno Christi 895. post indictum & expletum triduanum jejunium cum Litaniis & Orationibus ad implorandam sancti Spiritus opem, ut testatur præloquutiva Concilii hujus epistola.

Canon 13. *Quatuor (ait) fieri partes juxta Canones*

Canones iudicamus de decimis & oblationibus fidelium : ut una sit Episcopi , altera Clericorum , tertia pauperum , quarta restaurationi Ecclesiarum seruetur , sicut in Epistola Gerasii Papa cap. 17. legitur. Allegatur ille Gelasii canon apud Gratianum 12. q. 2. c. vobis enim. Similis est sanctio in c. concesso , §. redditus , & c. quatuor , 12. q. 2. & can. ad hoc , 16. q. 1. Hanc eandem partitionem quadruplicem edixerat in Romana Synodo Sylvester Papa I. Huc pertinent Sanctorum testificationes : dicit enim Urbanus Papa I. Ipsa res fidelium , qua Domino offeruntur , non possunt aliis quam Ecclesia & fidelium indigentium usibus applicari ; quia vota sunt fidelium , pretia peccatorum , patrimonium pauperum. Similiter Bernardus serm. 23. in Cant. Ministri Ecclesia , qui stipendiorum superflua , quibus egeni sustentandi forent , impiè , sacrilegèque sibi retinent , duplici profecto peccant iniquitate , quòd & aliena diripiunt , & sacris in suis vanitatibus , & turpitudinibus abutuntur. Idemque epist. 1. ad Canon. Lugd. Quidquid præter necessarium victum & vestitum de Altari retines , tuum non est , sacrilegium est , rapina est. Similia idem repetit epist. 42.

Canon 18. Vasa in quibus sacrosancta conficiuntur mysteria , calices sunt & patena , de quibus Bonifacius martyr , & Episcopus interrogatus , si liceret in ligneis vasculis Sacramenta conficere ? respondit : Quondam Sacerdotes aurei ligneis vasculis utebantur ; nunc è contra lignei Sacerdotes aureis utuntur calicibus. Zephirinus Papa patenis vitreis Missas celebrari constituit.

Deinde

Deinde Urbanus I. omnia sacri ministerii vasa fecit argentea. In hoc enim sicut in reliquo cultu magis ac magis per incrementa temporum splendor succrevit Ecclesiarum. *Statuimus*, inquit, *ut deinceps nullus Sacerdos sacrum My-sterium corporis & sanguinis Iesu Christi Domini in ligneis vasculis ullo modo conficere presumat.* Citatur in c. *vasa in quibus sacrosancta, de consecr. dist. 1.* Hieronym. *epist. ad Rusticum*, sic testatur de contemporaneo sibi Exuperio Tolosatium Episcopo : *Nihil illo ditius, qui Christi corpus in canistro vimineo, & sanguinem portat in vitro.* Desumptus ex Concilio Remensi sub Carolo magno Canon *Vt calix, de consecr. dist. 1.* prohibet usum calicis vitrei ob materię fragilitatem. Et Cyprianus in vita Cæsarii Arelatensis : *An non (inquit) in vitro habetur sanguis Christi ?*

Canon 22. decernit in gravis delicti suspitione, ut Episcopo, vel suo delegato discuti-ente, reus per ignem candenti ferro examinetur. Tam probationum, quàm purgationum alię dicuntur canonicę, quę sacris Canonibus saltem posterioribus approbantur; alię vulgares, quę vulgari quidem in usu erant, non tamen canone sancitę, aut probatę, cuiusmodi recensentur duellum, ferrum candens, aqua fervens, aqua frigida, & id genus alia, quę aliquando auctoritatem à Canonibus quidem habuerunt, sed aliis posterioribus Canonibus prohibita sunt. Hinc tituli Decretalium *De purgatione canonica*, & *De purgatione vulgari*. Sub hoc ultimo titulo singula

gula capita abrogant, & interdiciunt hujusmodi purgationes, ad quas etiam per Judicum Ecclesiasticorum sententiam Rei compellebatur. Innocentius II. Episcopum deponit, tum ob ejus alia delicta, tum ob ejus judicium probationem indicens per ferrum candens: *c. ex literis, de excess. Pralat.* Et in Decreto Stephanus V. prohibet candentis ferri, & ferventis aquæ probationem, aut purgationem. Nicolaus verò monomachiam, *c. consulisti, & c. Monomachiam, 2. q. 4.* Insper S. Thomas 2. 2. *q. 95. art. 8. ad 3.* illicita docet esse illa examina, per quæ Deus tentatur ad miraculum operandum.

In Lege quidem veteri probabatur uxoris pudicitia per aquam zelotypiæ, in quam Sacerdos maledicta congesserat; sed nihil de peccato periclitabatur, ubi constabat de divina institutione, *Num. 5.* Nihilominus istæ purgationes non tantum constitutæ reperiuntur per veteres Longobardorum leges, sed etiam per Caroli Magni Capitulare congestum ex Synodalibus Antistitum illius temporis constitutionibus, *lib. 4. Capitul.* Hujusmodi examine perhibentur usi diversi Germanorum Imperatores. Lotarius circa sibi suspectam adulterii Teutbergam uxorem, ut testatur Regino *Chron. lib. 2.* voluit duos milites monomachia decernere. Sancta Imperatrix Cunegundis se apud sanctum Henricum conjugem suum adulterii suspicione malè conceptâ pedibus nudis super ardentes laminas incedendo liberavit, Surio teste. Otho III. uxorem Mariam Aragonum Rege

Rege natam flammis addixit adulterii accusatam, postquam illius accusatrix vidua (cujus maritus sollicitantis Imperatricis stuprum ex Dei timore recusaverat, ideoque falsis ab Imperatrice criminationibus apud Othonem adulterii attentati circumventus neci addictus fuerat) illæsa candentem laminam contrectavit, ad faciendam sceleris fidem, ut referunt Gotfridus Viterbiensis, & Albertus Crantzius.

Vulgares istas probationes Ivo Carnotensis passim reprobatur, & dissuadet *epist.* 47. 205. 252. 280. Videtur tamen idem alicubi approbare his concurrentibus conditionibus, si aliæ non suppetunt idoneæ probationes, nec desunt probabiles gravis delicti præsumptiones, & præcedit post legitimam accusationem sententia judicis hæc fieri decernens. Sic enim hac de re scribit ad Radulphum Remensem Archiepiscopum *epist.* 252. *Non negamus tamen* (inquit) *quin ad divina aliquando recurrendum sit testimonia, quando precedente ordinaria accusatione omnino desunt humana testimonia: non quod Lex hoc instituerit divina, sed quod exigat incredulitas humana.*

Qui plura his de rebus circa monomachiam, vel aquæ frigidaë victorum corpora vel sustentantis ad innocentiam argumentum, vel mergentis ad convictionem delicti; vel aquæ ferventis, in quam pedes, aut manus immergebantur; vel laminarum ardentium, aliasque id genus priscis hominibus usitatas probationes, disquisitiones, atque etiam ex antiquissimis
manuscri

manuscriptis exorcismos aquæ frigidæ, aut calidæ, aliasque solennes preces & ritus, quibus Sacerdotes præbant his examinibus, scire cupit, consulat annotationes eruditas Francisci Jureti ad Ivonis Carnotensis epist. 74.

Canon 40. declarat irritum matrimonium inter eos, qui ante conjugis mortem simul mœchati fuerant cum mutua futurarum nuptiarum pollicitatione, si conjux cui hæc inferebatur injuria, præcederet. Est unum ex criminibus matrimonium etiam contractum dirimentibus: refertur in *c. relatum*, 31. q. 1.

Canon 41, edicir, ut si frater fratris uxorem vitaverit, à neutro deinceps illa contingi possit propter evitandum incestum. Addit tamen si urgeat incontinentiæ periculum, Episcopum post mulieris pœnitentiam suo præscripto peractam, eisdem conjugatis usum matrimonii debere permittere: *Ne (ait) dum sperantur ad alta sublevari, corruant in cœnum*. Hinc inferendum, posse per Episcopum dispensari circa impedimenta jam legitimè contracto matrimonio supervenientia, etiam circa contractum in primo gradu incestum, ut docet Sanchez de *matrim. lib. 8. disput. 11. n. 16.* quem Bonacina, alique consecantur.

Canon 48. *Illud etiam (inquit) nec canonica institutione definimus, nec introductione aliqua refutamus; sed propter eos qui diversè de eo sentiunt, aliquid commemoramus: si quis sua com-matris spiritualis filiam fornicatò, & ita contingente rerum casu in connubium duxerit, consilio maturiore servato habeat, atque honestè legitimo conjugio*

conjugio operam det. Ex isto canone inferri potest, licere aliquando probabilem sequi opinionem, tutiore relicta, quando saltem res integra non est, sed uni partium jam se quis bona fide alligatum cernit, ut in hoc jam contracto ignoranter, ac bona fide matrimonio. Tutius enim pro certo foret in proposita questione usu matrimonii abstinere usque ad declarationem vel dispensationem requisitam à suprema Sede. Patres autem Triburienses nihil ausi hac in re (ut ipsi protestantur) definire, consulunt nihilominus pro altera duarum opinionum minus quidem tuta, sed quam tamen censent probabilem, & cui annexum jus est qualiscumque possessionis ex contractis pridem bona fide nuptiis. Porro circa spiritualis affinitatis vinculum consulto Tridentinum Concilium *sess. 24. cap. 2. de spirituali cognatione.* Illas porro, quæ probabilium nomine opinionum circumferebantur hoc titulo, quod à multis propugnarentur Scriptoribus, quorum hoc erat institutum, ut humanis, & prorsus iniquis cupiditatibus fræna laxarent, quasque damnavit & proscripsit jure merito Alexander Papa VII. in illius libri damnatione, qui inscriptus erat, *Apologia Casuistarum adversus Iansenistas*, nos execramur, ex quibus erant non paucæ, quæ luci non modò Evangelicæ, sed etiam naturali sic adversabantur, ut vel Turcis, vel Scythis horrorem incussissent. Authores itaque illarum, quantumvis numerosi, atque in sæculo spectabiles, nihil minus merebantur, quam gravium aut sapientium nomen.

CAPUT LXXXII.

Gallicana quedam Concilia in causa nuptiarum illegitimarum Philippi I. & postmodum Philippi Augusti, Regum Franciæ, celebrata Oslione, Claxomonte, & Divione.

Philippus ejus nominis primus Franciæ Rex, repudiata legitimâ uxore Bertâ Comitis Hollandiæ filiâ, ex qua etiam filium Ludovicum cognomento Crassum, qui patri in Regnum successit, susceperat, illegitimo sibi toro conjunxit Betradam cognatam suam, Fulconis Comitis Andegavensis adhuc viventis uxorem. Quocirca Urbanus Papa II. natione Gallus, quamvis gravem metuendi causam haberet, hostem patiens infensum Henricum Imperatorem, & ab hoc intrusum Guibertum Antipapam, essetque periculum, ne irritatus Franciæ Rex schismati se adjungeret, faveretque Henrici armis, publico tamen se opponere scandalo minimè dubitavit. Ergo Legatum suum toto Regno constituit Hugonem Lugduni Archiepiscopum, qui sine mora Concilium Episcoporum Galliarum indixit in urbe quam Bertoldus hujus historiæ scriptor vocat Oslionem, quæque à multis existimatur Augustodunum, dicta etiam Edua, & vulgò *Amun*.

in Burgundia. In hac Synodo Philippus communionem fidelium excisus est anno millesimo nonagesimoquarto. Cumque nihilo secius Rex in contumacia persisteret, ipse tandem Pontifex Urbanus in Galliam profectus illud Concilium Claramonte in Arvernia coëgit, cui ducenti & quinque Antistites interfuerunt, in quo iterum Philippus cum sua pellice Bertrada excommunicatus est. Ad postremum Rex meliorem suscepto consilio Bertradam dimisit. Ipsa verò Regina Berta jam è vivis excesserat procul à Regia, præcedente anno, ut liquet ex chronico Cœnobii sancti Petri Vivi, Diocesis Senonensis, iisdem temporibus conscripto à Clario Monacho.

Observatu dignum est, quod Petrus Mathæus sub finem historię sancti Ludovici refert ex veteri Codice Guilberti Abbatis Nogentini, scripto dum regnaret hujus Philippi filius Ludovicus Crassus: Philippum initio regni complures strumis morbidos suo contactu curasse, sed istud amisisse privilegium, neque posthac dum vixit, recuperasse, ex quo ejus mores per luxuriam & incestuosos Bertradae amores in deterius versi sunt. Porro Claramontanum Concilium istud habitum fuit anno millesimo nonagesimoquinto, quo Urbanus sacram indixit expeditionem pro Syria de manibus Mahumetanorum recuperanda: quæ quidem expeditio felicem nacta est exitum duce strenuo & religiosissimo Godofredo Bullonio, qui anno millesimo nonagesimonono Hierosolymam expugnavit, omniumque suffragiis

Cap. LXXXII. Conc. Gallic. de Nupt. 563
fragiis Rex Hierosolymorum primus electus fuit.

Claromontanæ Synodi canone 2. sic edicitur. *Quicumque pro sola devotione, non pro pecunia, vel honoris adeptione ad liberandam Ecclesiam Dei Hierusalem profectus fuerit, iter illud pro omni pœnitentia reputetur.* Cœperunt hac Synodo publicæ pœnitentiæ, pariterque privatorum pœnitentium satisfactiones pro peccatis in sacram pro Fidei propugnatione militiam transferri.

Canon 4. *Ne quis Clericus arma deferat.*

Canon 16. *Ne Reges, vel alii Principes aliquam investituram de Ecclesiasticis honoribus faciant.* Hoc idem edixit Synodus octava, canon. 22.

Canon 28. *Ne quis communicet de Altari, nisi corpus separatim & sanguinem sumat, nisi per necessitatem, & per cautelam.* Istud præceptum sub utraque specie communicandi Ecclesia haud multò post revocavit gravissimis adducta causis, & omnibus Missam non celebrantibus usum Calicis interdixit. Vide inferius Constantiensis Concilii sessionem 13.

Sequenti sæculo Franciæ Rex Philippus Augustus uxorem Gerbergam Danorum Regis filiam repudiavit, eaque vivente Moraviæ Ducis filiam Mariam ementito matrimonii nomine duxit, prætexens aliquam dirimentem cum dimissa affinitatem. Tum Cœlestinus Papa III. binos in Galliam Legatos transmisit, qui collectâ Divione in Burgundia Synodo, causâque sedulò exploratâ, Regem admonitum, & ad

564 *Notitia Conciliorum S. Ecclesie,*
monitionibus contumacem; Regnumque uni-
versum Ecclesiastico interdicto subji-
ciunt anno Domini millesimo centesimo nonagesimo-
septimo. Id Rex iniquo animo tulit, neque
Concilio per aliquot menses dignatus est ob-
temperare: sed ad ultimum resipiscens, & Ma-
riam dimisit, & Gelbergam revocavit. Franciæ
quædam historiæ hoc addunt, quædum dura-
vit interdictum, non fuisse pro veteri more in
publicis tabulis conscriptum, *Regnante Philip-*
po; sed, *Regnante Christo.*

CAPUT LXXXIII.

*Alia quædam anteriora Concilia in simili cau-
sa illegitimi inter Lotharium & Val-
dradam connubii.*

HIs hætenus commemoratis simile jam-
pridem contigerat in Lothario Lotharii
primi filio, Franciæ non quidem Occidentali
hujus nostræ, sed ut tunc temporis vocabant,
Orientali, seu Austrasiæ regnanti. Hic ergo
Princeps, qui Lotharingiæ, in qua regnabat, no-
men dedisse creditur, Theutbergam uxorem
falsis oneratam accusationibus repudiare insti-
tuit, & Valdradam pellicem, quam efflictum
deperibat, in matrimonium assumere. Hac de re
cùm ad Nicolaum primum Pontificem scrip-
sisset, isteque cunctaretur respondere, omnis
moræ impatiens Lotharius Concilium octo
Episco

Episcoporum Aquisgrani cogit anno octingentesimo sexagesimosecundo, à quibus novæ cum Valdrada permissæ sunt nuptiæ. Id Nicolaus improbavit, alterumque Concilium in civitate Metensi indixit anno sequenti habitum, sed pari ac prius illud eventu : simulque Legati ex eodem Concilio Romam directi sunt, qui utriusque Synodi principes fuerant, Guntarius Agrippinensis, & Teutgardus Trevirensis Archiepiscopus. Sed Nicolaus in Lateranensi Concilio ambos dignitate movit, simulque Synodos Aquensem & Metensem damnavit. At illi Pontifici rebelles pro Episcopis nihilominus se gessere. Nicolaus verò instituit ut aliorum loco Episcopi crearentur.

Lotharius perpetuò tergiversatus, tandem à fratre Ludovico Imperatore rogatus ut sibi suppetias in Italiam ferret contra Saracenos, Romam contendit anno octingentesimo sexagesimonono, extincto ante biennium Nicolao : atque per fraudem & mendacium ab ejus successore Adriano secundo veniam exoravit, cum sub Dominici corporis communionem Valdrada se pellice abstinuisse post Nicolai interdictum, & in potestate Pontificis fuisse dejerasset. Sed perjurii hujus in reditu pœnas dedit, eodem quippe anno Placentiæ lethali morbo confectus est. Hæc referuntur ab Othone Frisingensi, Reginone, Anastasio *in Nicolao primo*, Hermanno, Sigeberto, & *in tom. 3. Concil. Gal.*

CAPUT LXXXIV.

*Concilium Oecumenicum nonum, seu Lat-
ranense primum, sub Callisto II.*

QUamvis generalis Synodus octava consti-
tuisset *can. 22.* nemini Principum, aut Po-
tentium licere ingerere se Episcoporum electioni
aut promotioni : quamvis etiam primus in-
ter Christianos Imperator Constantinus in sua
ad Episcopos, qui Nicænæ Synodo non inter-
fuerant epistola, quam referunt integram
Theodorus & Gelasius Cyzicenus, hanc au-
ream & omnibus sæculis memorabilem senten-
tiam circa Conciliorum auctoritatem tradidis-
set, πάντες ὁ πῶς ἂν ἐκ τῶν ἁγίων τῶν ἐπισκόπων
ῥωτέοις ἐπράχθῃ, τὸτο πρὸς τὴν θεῶν βούλησιν
τὴν ἀναφορὰν ἔχει : quidquid in sacris Episco-
porum confessibus actum est, id omne ad Dei
consilium referri debet. Nonnulli tamen Ger-
manorum Imperatores à Constantini pietate
degenetes, jura Episcopatum, & Abbatia-
rum, cæterorumque beneficiorum Ecclesiæ
conferendorum sibi asserebant, & cum fœdis-
simo mercatu sacras dignitates venales habe-
bant; ideoque indignissimos viros ad eas assu-
mebant, unde nascebatur grandis morum &
sacrae disciplinæ corruptela.

Huic pesti Romani Pontifices occurrere
conati sunt, atque omnium maximè Grego-
rius

rius VII. dictus antea Hildebrandus. Cum enim post Damasi II. obitum vacante Apostolicâ Sede, Imperator Henricus, quem Itali secundum, Germani tertium ejus nominis recensent, delegisset Papam Brunonem Tullensium Episcopum, cumque Purpurâ Pontificali ornatum à se dimisisset, ut coram Cardinalium consensu se sisteret acceptandum & consecrandum: cumque hic per Galliam iter ageret, ubi tunc foruitò versabatur Hildebrandus, correptus ab eodem fuit, quòd necdum à Romano Clero electus se pro summo Pontifice gereret, ac si liceret à Principe laico supremæ in Ecclesia dignitatis apicem consequi. Addit Hildebrandus se id præstiturum, ut nec Imperator causam succensendi haberet, nec jura Ecclesiæ detrimentum paterentur. Bruno illius suasu purpuram deponit, & iter prosequitur, assumpto secum Hildebrando, cujus deinde operâ Bruno Romæ à Clero Summus Pontifex eligitur, sub nomine Leonis IX. qui fuit eximia vitæ sanctitate spectabilis; de quo ita scribit Leo Ostiensis: *Quandiu Roma remoratus est, omni tempore tribus per hebdomadam diebus à Lateranensi Ecclesia usque ad sanctum Petrum, privato habitu, nudisque pedibus, cum duobus, aut tribus Clericis, noctu psallendo & orando pergebat.* Harum verò Basilicarum intervallum est circitur quatuor milliarium.

Defuncto Leoni subrogatur Victor II. præcibus sacri Cardinalium Collegii apud Henricum Imperatorem expetitus. Moritur paulò post Henricus, deditque operam Victor Pon-

tifex, ut eligeretur in Imperium quinquennis
 ejus filius Henricus tertius, qui grandior fa-
 ctus Ecclesiæ Romanæ infensissimus hostis
 evasit. Mortuo subinde Victori sufficitur Ste-
 phanus X. hunc excepit à Romano Clero sub-
 lectus Nicolaus II. quem rogante Clero
 Henricus III. approbavit & admisit: iste indi-
 cto in Lateranensi Æde Concilio sanctionem
 edidit, quam refert Gratianus *dist. 23. c. in no-
 mine Domini*, quæ jubet Romanum eligi Ponti-
 ficem à Clero & populo; sic tamen ut præ-
 sint Cardinales Episcopi, adhibitis aliis Car-
 dinalibus Clericis, atque ita reliquus cum po-
 pulo Clerus ad consensum novæ electionis
 accedat: mox ita subjungit: *Salvo debito hono-
 re & reverentiâ dilecti filii nostri Henrici, qui in
 præsentia Rex habetur, & futurus Imperator
 Deo concedente speratur, sicut jam sibi concessi-
 mus & successoribus illius, qui ab hac Apostolica
 Sede personaliter jus hoc impetraverint.* Nico-
 laum II. excepit Alexander II. Alexandrum
 Hildebrandus dictus Gregorius VII. in Etruria
 humili loco & patre fabro natus, ingenii ta-
 men, virtutumque laude conspicuus. Eum
 Henricus legitimis suffragiis Romæ electum
 approbavit, & aliquandiu impensè coluit.
 Sed paucis inde annis mutato in deterius
 consilio, atrocissimè divexavit, eique Guiber-
 bertum Ravennæ Episcopum opposuit pseu-
 do-Papam, qui Ecclesiam dilaceravit sub le-
 gitimis Pontificibus Gregorio VII. Victo-
 re III. & Urbano II. mortuus demùm sub
 Paschali II. Sed ei alios subinde Antipa-
 pas

pas schismatici Henriciani substituerunt.

Henricum III. Imperatorem schismaticum Gregorius VII. in Concilio Episcoporum Laterani habito perculsit anathemate, subditosque illi populos subjectionis Sacramento solvit. Quam sententiam iteraverunt adversus eundem, ejusque cognominem filium, & successorem Henricum IV. insequentes Pontifices.

Prolatæ sententiæ hujus causæ multiplices fuerunt. Primum usurpatio dignitatum & Prælaturarum Ecclesiæ, quas titulo investituræ Imperatores conferebant. Deinde simonia, quia pretium pro his investituris exigebant. Postremò schisma & aperta rebellio, quia armis & factionibus Antipapas obtrudebant.

Henricus IV. paternæ nequitiae imitator, postquam Paschalem II. in Vaticano veneratus est, atque ab eo coronam Imperii sumpsit, eundem improvise capi jussit, & carcere inclusit: neque prius libertatem restituit, quàm extorsisset præreptas sibi, & patri Prælaturarum investituras. Paschalis verò reddita sibi libertate Concilium in Laterano coëgit, quo revocata est per vim extorta concessio, & ipse Henricus sacris omnibus interdictus.

Successorem Paschalis Gelasium II. Henricus adducto exercitu Roma exegit, & Burdinum Bracarensem Archiepiscopum in Romanæ Sedem Ecclesiæ vi obtrusit. Pulsus Gelasius in Galliam confugit, ibique diem clausit extremum. Denique unanimi Cardinalium consensione, tam eorum qui Gelasium comitati

370 *Notitia Conciliorum S. Ecclesiæ,*
adhuc in Gallia versabantur , quàm eorum qui
in Italia constiterunt , Summus creatur Ponti-
fex Guido Viennensis Archiepiscopus , cui
Callisti II. nomen inditum. Hic statim Remis
Concilium habuit, quo simul Henrico & Bur-
dinò anathema dixit. Inde Romam profectus
Burdinum tandem in suam redactum potesta-
tem Monasterio conclusit. Quin & Adalber-
tum Archiepiscopum Moguntinum Legatum
suum per omnem Germaniam constituit , qui
suo strenuè defungens munere Episcopos &
Principes pro tuenda Ecclesia in legitimas para-
tes pellexit, & validissimum eduxit exercitum;
qui cum haud procul ab Henrici copiis castra
posuisset paratus conflare, magno Dei bene-
ficio factum est , ut communicatis hinc inde
cōsiliis, duodecim ex utroque exercitu princi-
pes viri delecti de pace ineunda sedulò egerint,
& simul convenerint prorsus esse extirpandum
exitiale schisma , & ut Henricus Legatos ad
Pontificem expediat, pacem suppliciter rogan-
tes, quæ tandem generalis Concilii decreto fir-
metur. Assentitur Henricus, qui si detrectaret,
à suis omnibus se desertum iri, & sua ditione
spoliandum prævidebat. Nihil verò jucundius
Callisto , nihil utilius Ecclesiæ poterat accide-
re , quàm ut extincto tam diuturno schismate,
sedatisque bellis , quibus tot annos Italia &
Germania conflagraverant, pax desideratissima
succederet , atque ad Ecclesiæ unitatem redi-
rent Imperatores.

Nonum istud inter generalia Concilium
convocatum est anno millesimo centesimo vi-
gesimo

gesimo secundo, in quo hæ fuerunt pacis conditiones sancitæ. Ut Imperator liberis Clericis & Monachis sineret Episcoporum & Abbatum electiones, & restitueret quæcumque ablata Ecclesiis fuerant per ipsum, vel patrem, vel utriusque fautores & ministros. Pontifex vero concessit Henrico & successoribus ipsius, ut electi in Episcopos, vel Abbates in terris Imperii Regalia ab Imperatoribus sumere astringerentur, dum omnis abesset pecuniaria contributio, & simoniæ labes.

Hoc eodem Concilio provisum est de ferendis suppetiis adversus Saracenos Ecclesiis Orientis, & renovatæ sunt peccatorum remissiones ab Urbano secundo fidelibus olim indultæ, qui cruces in vestibus sumpserint, & Christianis, quos Saraceni opprimebant, opem ac præsidium tulerint.

Ordinationes præterea, quas fecit Burdinus, & pseudo-Episcopi per ipsum ordinati à die, qua publico Ecclesiæ Romanæ iudicio ille damnatus fuit, irritæ decernuntur.

Presbyteris etiam, Diaconis, & Subdiaconis, & Monachis concubinas habere, & matrimonia contrahere penitus interdicitur. Contracta quoque ab his matrimonia disjungi, & qui contraxerant, ad pœnitentiam adigi, juxta Canonum præscripta decernitur. Eò porro nequitæ sacer Clerus jamdudum redactus erat, ut Sacerdotes connubia passim inirent, convocatis affinibus & amicis, de dote & nuptialibus donationibus, similibusque conventionibus paciscerentur, & conventa publicis tabulis

572 *Notitia Conciliorum S. Ecclesiæ,*
bulis conscriberent. Quia verò Leo IX. aliis-
que Romani Pontifices istas sacrilegas scedita-
tes districtè prohibuerat, idcirco magna Cleri
pars his involuta spurcitiis Antipapis adhære-
bat, à quibus illæ approbabantur. In has Cle-
ricorum sacrorum ementitas nuptias acerrimè,
ut par erat, invehitur Cardinalis Petrus Da-
miani, qui temporibus Leonis IX. & Nico-
lai II. scribebat.

Canone hujus Concilii secundo sic decer-
nitur: *Nullus in Prapositum, nullus in Archi-
presbyterum, nullus in Decanum, nisi Presbyter;*
nullus in Archidiaconum, nisi Diaconus eligatur.
Hunc eundem canonem innovat Innocen-
tius II. in Concilio Romano. Uterque legitur
canon in Decreto *dist. 60. c. nullus, & c. inno-
vamus.* Concilium autem Tridentinum *sess. 22.*
de reform. cap. 4. annum indulget, intra quem
ii qui dignitates Ecclesiæ, vel beneficia possi-
dent, tenentur ad eum Ordinem promoveri,
quem illæ præbendæ requirunt. Quam ean-
dem sanctionem ediderat antea sub Clemen-
te V. Viennense Concilium, Clementina *ut ii*
qui divinis, de atat. & qual. & ord. præficiend.
Is verò indultus annus sumit exordium à die
sumptæ possessionis, dummodò provisorius illam
sua fraude non distulerit.



C A P U T LXXXV.

*Concilium Oecumenicum X. seu Lateranense
secundum, sub Innoc. Papa II.*

Postquam legitimis majoris partis Cardinalium suffragiis subiectus fuit Honorio II. Callisti II. successori Innocentius II. reliqua pars Cardinalium Petrum Leonis pseudo-Pontificem elegit, qui se Anacletum secundum dixit. Imminente quippe Honorii obitu conventum inter Cardinales fuerat, ut postquam ille excessisset, simul omnes ad sanctum Marcum convenirent, ut successorem communi consilio eligerent. Cæterum qui familiaritate & assiduitate propinquiores Honorio fuerant (ut refert Sugerius Abbas Sancti Dionysii in vita Ludovici sexti Francorum Regis) statim atque Pontifex decessit, antequam ejus obitus populo innotesceret, non ausi ad sanctum Marcum metu populi tumultuantis convenire, sine mora Innocentium elegerunt (qui antè Gregorius vocabatur) Cardinalem Diaconum tituli sancti Angeli. Reliqui verò Cardinales & Episcopi, qui cum majori Procerum Romæ civium parte Petro Leonis adhærebant, Presbytero Cardinali tituli sanctæ Mariæ trans Tyberim, ad sanctum Marcum eodem quoque die convenientes ipsum Petrum in Papam elegerunt. Hic
&

& cognatorum atque affinium potentia, & procerum & clientum multitudine, & divitiarum copiâ subnixus, ædes Frangipanum obsidet, ad quas se Innocentius receperat. Sed inde repulsus præcipuarum urbis Ecclesiarum thesauros & vasa diripit, ut his opibus suas partes promoveret.

Sibi etiam Petrus adjunxit Rogerium Calabriae, Apuliæ & Siciliae Ducem; cui primus titulum Regis indulxit. At Innocentius Romam tandem excedere cogitur, seque in Galliam recipere. Eum Rex Ludovicus VI. cognomento Crassus, pedibus ejus procumbens honorificentissimè excepit. Schismati huic extinguendo sanctus Bernardus diligentissimam & utilissimam operam navavit apud Reges Franciæ & Angliæ, deinde apud Lotarium Imperatorem, qui etiam pollicitus est se Romam usque Innocentium cum exercitu deducturum, & sedulò præstitit. Innocentius Ecclesiarum Gallicanarum in sui subsidium receptâ collatitiâ pecuniâ, ex Gallia in Italiam remear. Lotarius eidem se comitem cum exercitu numerofo adjungit in Longobardia, & Romam usque deducit, ubi & coronam Imperii de manu Innocentii suscepit, indeque in Germaniam regressus est, relicto Romæ pro Innocentii tutela præsidario milite.

Neque solum schismate per id tempus dilacerabatur Ecclesia, sed hæresibus quoque & seditionibus, quas Petrus Bruis, & Arnaldus Brixianus accendebant: quibus medendis malis Innocentius Concilium istud indixit.

Ejus

Ejus canone tertio duo circa excommunicatos decernuntur : primum , ne à suo Prælato excommunicatum alius Prælarus vel absolvere præsumat , vel suscipere citra appellationem. Quod idem statuerat Nicænus canon 5. sub Sylvestro , & Lateranensis canon 9. sub Calisto. Sancit præterea , ut scienter cum excommunicato communicantes eadem ipsi censurâ innodentur. Hoc tamen duplici moderamine temperarunt posteriora jura : primum quidem reducendo hanc poenam participantium cum excommunicatis , ad minorem excommunicationem. Secundò , ut nec ipsa minor excommunicatio locum habeat , nisi participando cum publicè denunciatis , atque nominatim , aut cum manifestis Clericorum percussoribus , juxta placitum Constantiensis Concilii à Martino V. Pontifice confirmatum. Hac de re plura require superius ad Antiochenum canonem 2. quo similis fuerat edita constitutio.

Decimus canon prohibet decimas Ecclesiæ à Laicis possideri , & possessiones quamprimum restitui jubet. Habetur apud Gratianum *can. decimas* , 16. *quest.* 7.

Canon 5. vim Clerico aut Monacho , diabolo suadente illatam punit excommunicatione , quam extra mortis articulum solus Papa solvere possit. Habetur *c. si quis suadente* , 17. *q.* 4.

Generali Concilio subjungitur Innocentii epistola mandans ut Petrus Abælardus , hujusque discipulus Arnaldus de Brixia , perversorum dogmatum artifices , in locis religiosis separatim includantur , eorumque libri hæretici concrementur.

CAPUT LXXXVI.

*Concilium generale XI. seu Lateranense
tertium sub Alexandro III. Pontifice.*

VIta functo Adriano III. successor electus est ab uno & viginti Cardinalibus Alexander III. à tribus verò dumtaxat Octavianus Romanus, Friderici Ænobarbi studiosus, qui duodeviginti annos adversus Alexandrum per omnem Italiam bellum atrocissimum gessit, parte Italarum pro legitimo Pontifice, parte aliâ pro Imperatore & Antipapa dimicante. Tandem bello profligatus Fridericus, & majori suorum parte tum apertè deficiente, tum vacillante resipuit, seque Venetiis ad Alexandri pedes abiecit, & ita solutus anathemate fuit. Sedatis belli fluctibus, Alexander generale Concilium in Laterano habuit ad providendum, ne deinceps Ecclesia simili calamitate conflictaretur. His alia causa Catharorum, seu Peterinorum hæresis accedebat, quæ in Aquitania exorta latius in dies propagabatur, & Vasconiam, Albigenum, Tolosam, finitimasque oras inceserat. Anno itaque millesimo centesimo septuagesimonono Concilium istud agitatum est.

Canon 1. statuit Romanum Pontificem esse posse neminem, qui à duabus saltem Cardinalium electorum partibus electus non fuerit.

Addens

Addens nihil per hoc sacris Canonibus præjudicari, qui in aliis quibuscumque electionibus atque deliberationibus majoris & sanioris partis consensum ratum habent : quatenus cum in his recurri possit ad superiorem, si dubium occurrat, isti recursum non potest locus esse in Summi Pontificis electione.

Canon 2. irritas decernit ordinationes Antipapæ Octaviani, aliorumque omnium per eum ordinatorum, cunctaque alia per eos gesta. Simile statuerat Concilium Lateranum sub Innocentio II. circa ordinationes à Petro Leonis pseudo-Pontifice factas. Itemque aliud Lateranum sub Callisto secundo Concilium *canon. 6.* circa ordinationes & reliqua gesta Burdini pseudo-Papæ.

Canon 3. statuit, ne annis triginta minor in Episcopum, aut vigintiquinque in Parochum, aut Archidiaconum, aut in aliam dignitatem, vel beneficium animarum curæ annexum eligatur, aut promoveatur. Hanc renovavit sanctionem Synodus Tridentina *sess. 24. c. 2. de reform.* Ille Lateranus canon refertur *c. cum in cunctis, de elect.* Quo eodem canone decernitur electum, & confirmatum Episcopum, missumque in possessionem bonorum Episcopaliū, eo momento pristina sua omnia beneficia per vacationem amittere, quo tempus expirat à canonibus præfinitum ad illius consecrationem.

Canon 5. astringit Episcopum, ut vitæ necessaria subministret ei, quem sine sufficiente patrimonio, vel titulo ad factum Ordinem

promovit. Refertur in *c. Episcopus si aliquem, & c. non liceat, de prabend.* Gregorius Turo-
 nensis lib. 8. hist. Franc. cap. 20. *Faustinianus*
 (inquit) *qui jussu Gundobaldi Aquensis urbis*
Episcopus ordinatus fuerat, ea conditione remo-
vetur, ut cum Beretrannus, Orestes, & Palladius,
qui eum benedixerant, vicibus pascere, cen-
nosque ei aureos annis singulis ministrarent. In-
 nocentius Papa III. *epist. 84. regesto 15.* Epi-
 scopum Pictaviensem increpat, eo quod in
 elusionem canonis, quo sine titulo vel patri-
 monio Clericis ordinatis per ordinatores, aut
 præsentatores, aut successores eorum jubetur
 de victu provideri, jusjurandum recepisset ab
 ordinandis, quod nullum vitæ subsidium ab
 ipso unquam petitori essent. Idemque *epist. ad*
Zamorhsem Episcopum, constituit, ut ordi-
 nator Episcopus ei, quem ordinatione sine ti-
 tulo consecravit, ejusque successor compella-
 tur de victu providere, donec titulum nan-
 ciscatur. Habetur in *c. secundum Apostolum, de*
prabend. Vide huc etiam spectans caput 2. *eo-*
dem titulo.

In Ecclesia primitiva nemo promovebatur
 ad Ordines, quin simul ascriberetur alicujus
 Ecclesie, aut Monasterii ministerio, ut edicitur
can. 6. Concilii Chalcedonensis, & legitur
c. 1. & 2. dist. 70. Capitulare quoque Caroli
 Magni lib. 1. cap. 25. Nullus (ait) *absolue ordi-*
netur, & sine pronuntiatione stabilitatis loci ad
quem ordinatur. Ea Clerici ad certam Ecclesiam
 ascriptio dicebatur intitulatio, & ipsa Ecclesia
 titulus. Postquam verò per ordinationum mul-
 titudinem

ritudinem ea consuetudo desit, tum demum requisivere jura patrimonium. Concilium quidem Tridentinum antiqua jura instaurans prohibet quemquam ordinari, quin certæ Ecclesiæ Ministerio ascribatur, *sess. 23. cap. 16.* non tamen ad hoc astringit, ut Ecclesiæ suppeditent stipendia Clericis illis ascriptis, nisi ratione beneficii.

Canon 6. cavet, ne Prælati per sententiam excommunicent, vel suspendant, nisi admonitione præmissa. Et ne ullus Religiosus à capitulo, vel proprii Superioris regulari disciplina vel correctione præsumat appellare. Legitur insertum in *c. ad nostram*, & *c. reprehensibilis, de appellat.* Quod attinet ad præmonitiones, hæ tantummodo requiruntur, quando decernitur censura circa præsens delictum cum contumacia conjunctum: at verò quæ circa futurum delictum, sive à jure, sive ab homine Prælato decernuntur, non exigunt aliam juris formam, quàm ut promulgentur.

Canon 8. Nulla Ecclesiastica beneficia, seu ministeria, vel Ecclesia alicui tribuantur, sive promittantur antequam vacent, ne desiderare quis proximi mortem videatur, in cujus locum & beneficium se crediderit successurum. Et subinde ita pergit. Cum verò præbendas Ecclesiasticas, sive beneficia, ac officia in aliqua Ecclesia vacare contingerit, non diu maneant in suspensio, sed infra sex menses personis quæ dignè administrare valeant, conferantur. Si verò Episcopus, ubi ad eum spectat conferre, distulerit, per Capitulum ordinetur. Quod si ad Capitulum pertinuerit, & infra præ-

580 *Notitia Conciliorum S. Ecclesie,*
dictum terminum hoc non fecerit, Episcopus se-
cundum Deum hoc cum religiosorum hominum
consilio exequatur. Velsi omnes fortè neglexerint,
Metropolitanus de ipsis secundum Deum absque
illorum contradictione disponat. Habetur in c. nul-
la, de concess. præbend. Vocatur jus devoluti
occurring quando non providetur tempore de-
bito, vel providetur quidem, sed de indigna,
vel incapaci persona.

Devoluti jus extenditur pariter ad beneficia
nominationi Patronorum subjecta. Quoties
namque Patronus Ecclesiasticus, aut Colle-
gium Ecclesiasticum, cui jus ad aliquam præ-
bendam nominandi, seu præsentandi compe-
tit, neglexerit idoneum Clericum præsentare
collatori post semestre computandum à die no-
titæ vacationis, jus illud suum amittit, idque
ad collatorem transfertur, qui potest pro libi-
to conferre cuivis non incapaci. Idem obtingit
post quadrimestre laïco patrono, quo elapso
tempore jure illo suo excidit, quod in colla-
torem ordinarium devolvitur. Id tempus pa-
tronis præfigitur in c. unico, de jurepatron. in 6.
Veruntamen laïcus patronus, cui minus tem-
poris indulgetur, variare semel potest, atque
à prima nominatione in alterius idoneæ per-
sonæ favorem resilire, nondum finito quadri-
mestri; patronus autem Ecclesiasticus non po-
test nisi semel intra suum illud semestre nomi-
nare, c. cum autem, de jurepatron.

Canon 15. decernit bona ex beneficio acqui-
sita non posse à Clericis in alios, quàm in Ec-
clesiam transferri. Qui canon quantumvis
malè

male sevetur, est perpetuæ ac indispensabilis obligationis. Sub Ecclesiæ nomine pauperes quoque hic comprehenduntur. Requiritur superius Concilii Agathensis canonem 48. cum iis quæ inibi concessimus.

Canon 16. edicit, ut prævaleat quod fuerit à majori & saniori parte Capituli constitutum. Habetur *c. 1. de his quæ sunt à major. part. capit.* Et confirmatur per canonem primum hujus ipsius Concilii.

Canon 18. mandat in cunctis Cathedralibus Ecclesiis præbendam erigi præceptoriam, ut ea proventus gratis doceat tum ejusdem Ecclesiæ Clericos, tum quosvis pauperes scholasticos.

Canon 19. interdicat sub anathemate potestatibus sæculi onera super Ecclesias, vel Clericos imponere, aut Episcoporum jurisdictionem quacunque ratione minuere, sive usurpare. Permittit nihilominus Episcopis, & clero subsidia quædam communitatibus conferre, dummodo duæ interveniant conditiones: primo necessitas communis, secundo ne ulla sit coactionis species, *c. non minus, de immunit. Eccles.* De exemptione Clericorum à laicis judiciis vide Agathensem canonem 8. & Cabilonensem 11.

Canon 27. anathemate ferit Catharos, & Patarenos hæreticos, qui in Vasconia, Albigensio, & Tolosatum partibus invaluerat, eorumque fautores, & receptatores. Excitat, & cohortatur fideles ad sacrum adversus illos bellum; & id præstantibus thesauros aperit indul-

382 *Notitia Conciliorum S. Ecclesie,*
gentiarum. Ab istis fuerat Manichæorum hæ-
resis ab inferis suscitata: profitebantur enim
duos esse Deos, alterum bonum, qui sola in-
visibilia condidisset; malum alterum, à quo
cæli & terra, & humanum genus, cæteraque
visibilia condita sint. Omnes etiam veteris Te-
stamenti libros aversebantur, solis exceptis
testimoniis, quæ novi Testamenti autoritate
firmantur. Alia pleraque scæda, delira & blas-
phema prædicabant, quæ recitantur à Roge-
rio illius ætatis scriptore in annalibus Angli-
canis.

CAPUT LXXXVII.

*Concilium Generale duodecimum, Latera-
nense quattum, sub Pontifice Innoc. III.*

DUæ simul exortæ fuerant atrocissimæ in
Oriente pestes sub Heraclii Imperio, hæ-
resis Monothelitarum, & Mahumetica perfu-
dia. Muhumetes, qui ex servili statu & camelo-
rum custodia, suæ tandem superstitionis fa-
vore Arabum Princeps evaserat, suam protin-
us ferro & flammis exitialem sectam studuit
propagare. Igitur cum Saracenis suis, non à
Sara Abrahami uxore, ut quidam commenti
sunt, sed à Saraca Metropoli Arabiæ denomi-
natis, horrendam vastitatem per vicinas re-
giones, Ægyptum, Palæstinam, totamque Sy-
riam circumtulit; adeo ut sub ipsius Heraclii
Imperio

Imperio hæc Provincias Saraceni Mahumete duce longè, latèque occupaverint : qui iidem mox in Persidem eruperunt, quam etiam Hormisda Rege profligato subjugarunt anno Christiani sexcentesimo quadragésimo. Insequenti porro anno Heraclius vivere desiit.

Igitur pluribus sæculis Saraceni, nemine obistente, sacra Judææ loca, quam vulgus Palestina dicit, occupaverunt ad annum usque millesimum nonagesimum nonum, quo Godofredus Bullionius sacri belli Dux Hierosolimam expugnavit, idemque sociorum suffragiis primus Hierosolymorum Rex est proclamatus.

Ad hanc verò suscitandam expeditionem Urbanus II. Pontifex oratione commotus Petri Eremitæ Galli, qui urgendæ illius causâ ex Judæa à se lustrata in Occiduas terrarum partes concesserat, Concilium generale ad Claramontem Arvernorum urbem convocaverat anno supra millesimum nonagesimoquinto, quo veluti classico excitati Latini, sumptis armis in Asiam transmiserunt, trajecto Bosphoro; & Alexium Comnenum Constantinopolis Imperatorem sibi obistentem, horribili edita Græcorum strage repulerunt, Nicæamque primùm in Bithynia, deinde Antiochiam in Syria, potentissimas civitates expugnarunt, ipsamque demùm Hierosolimam obsidione ceperunt.

Anno postmodùm millesimo centesimo quadragésimo septimo, sub Eugenio Papa III. exhortatore S. Bernardo Clarevallensi Abba-

584 *Notitia Conciliorum S. Ecclesiæ,*
te sacram alteram in Orientem expeditionem
adorti sunt Conradus III. Germanorum Impe-
rator, & Ludovicus septimus, dictus Junior,
Francorum Rex, postquam Saraceni Edessam
Orientis urbem armis occuparunt. Sed floren-
tissimi Latinorum exercitus in Orientem pro-
gressi maxima ex parte perierunt Manuelis
Comneni Græcorum Imperatoris execranda
perfidia.

Contigit demùm ipsam Hierosolimam à
Saladino Babylonis Ægypti Sultano, idest
Rege, & Calipha, idest Pontifice, occupari an-
no supra millesimum centesimo octogesimo-
septimo: qua occasione Fridericus Anobardus
Germaniæ Imperator, ut Ecclesiæ à se illata
damna compensaret, cum validissima Latino-
rum manu facto se bello accinxit. Hic multis
tum in Thracia, tum in Asia adversus sibi ob-
sistentem Constantinopolis Imperatorem Isa-
cium Angelum, & Saracenorum in Asia mi-
nori Regulos fortissimè gestis, occupataque
(ut memorat Pius Papa II. *in descripsit. Asia,*
cap. 44.) minori Armeniâ, annem perspicuum
corporis abluendi causa ingressus, gurgite ab-
sorptus disparuit, & inanes esse, vanosque ho-
minum conatus ostendit, quando res ab eo
maximè sperabantur.

Nec tantum Fridericus, sed etiam Philip-
pus Franciæ, & Ricardus Angliæ Reges lau-
dabilem contra Saladinum expeditionem sus-
ceperunt: sed (ita disponente Deo, cujus judi-
cia abyssus multa) parum fructuosam. Ricardus
quidem Anglus Cypri litoribus appulsus ab
Isasio

Ifacio Commeno Græco, qui hanc insulam Græcorum Imperio avulsam per tyrannidem usurpaverat, bello eripuit, & Guidoni Lusiniæ Gallicæ originis permisit, postquam hic omni jure regni Jerosolymitani sibi debiti cessit, & in ipsum Ricardum transtulit.

Id verò observandum est, Jerosolymitanum Regnum, cujus auspicia Pontifex Urbanus II. in sacris Claromontis Comitibus dederat, primusque occupaverat Godofredus Bullionius, post annos decem octoginta & octo miserabili casu ad Mahumetanorum rediisse potestatem, Urbano III. Pontifice, quum ultimus Christianorum Regum Guido Lusinianus à Saladino victus illo Regno excidit. Postquam Innocentius. III. Pontifex doctrinæ, virtutumque splendore spectabilis universæ Ecclesiæ gubernaculis admotus est, animum ad terræ sanctæ recuperationem adjecit: cui acres stimulos admovit memorabilis victoria, qua Latini sacro bello fœderati Constantinopoli potiti sunt, creaveruntque Græciæ Imperatorem Balduinum Flandriæ Comitem sub ipsius Innocentii Pontificatu; quo tam felici successu amplius accensus generale Concilium ad propagandam in ulteriora Orientis Religionem indixit.

Itaque ut scribit ætatis illius historicus Abbas Urspergensis, celebrata est anno millesimo ducentesimo decimoquinto sancta universalis Synodus Romæ in Ecclesia Constantiniana dicta Salvatoris, mense Novembri, præsidente Innocentio Papa III. Pontificatus anno decimo

mo octavo, in qua fuerunt Episcopi quadringenti & duodecim, & in his Patriarchæ Constantinopolitanus & Jerosolymitanus. At verò Alexandrinus & Antiochenus, cum per se interesse non possent, hic quia gravi morbo decumbebat, ille quia in Caliphæ ditione suam habebat Sedem, suos ad Concilium Apocrisiarios miserunt. Interfuerunt pariter Imperatorum Orientis & Occidentis Legati, multorumque Regum & Principum.

Insignis hac in Synodo effulget sapientia & pia sollicitudo Innocentii, adeo exactè providentis circa res tum fidei, tum ordinis & disciplinæ Ecclesiasticæ, omniaque capitulis septuaginta breviter simul & accuratè completentis. Quibus demùm subjicitur decretum pro sacra in Palæstinam profectioe, de pace inter Christianos componenda, aut saltem quadriennii firmandis induciis, deque subsidiis ad hoc bellum comparandis.

Canone 1. fides Catholica declaratur his verbis : *Deus suâ omnipotenti virtute simul ab initio temporis utramque condidit creaturam, spirituales & corporeas.* Consule superiùs annotata ad Nicænæ posterioris Synodi actionem 5.

Canon 2. errorem damnat Abbatis Joachim, qui edito adversus Petrum Lombardum Magistrum Sententiarum libro, illum dicit insanum & hæreticum, eo quod in libris Sententiarum scribat, quod summa quædam res est Pater, Filius & Spiritus sanctus, quæ non est generans, nec genita, nec procedens.

cedens. Qua ex propositione Joachimus Petro Lombardo affingit assertionem non Trinitatis, sed quaternitatis, nimirum trium singularum personarum, & insuper communis essentiae ut quartæ rei. Ipse verò Joachim astruebat in Trinitate unitatem, non illam quidem propriam & essentialem, sed collectitiam & similitudinariam, sicut multi homines dicuntur unus populus: idque probabat loco perversè intellecto Joan. 17. *Volo, Pater, ut ipsi in nobis unum sint, sicut & nos unum sumus.* Concilium autem rem his verbis definit: *Nos autem credimus & confitemur cum Petro, quod una quadam summa res est, & incomprehensibilis quidem, & ineffabilis, qua veraciter est Pater, Filius, & Spiritus sanctus, tres simul persone, & sigillatim quilibet earundem. Et ideo Trinitas solùm est in Deo, non quaternitas: quia qualibet illarum personarum est illa res, videlicet substantia, natura, essentia divina, qua sola est universorum principium, præter quod aliud inveniri non potest. Et illa res non est generans, neque genita, neque procedens; sed est Pater qui generat, Filius qui generatur, & Spiritus qui procedit: ut distinctiones sint in personis, & unitas in natura. Licet igitur alius sit Pater, alius Filius, alius Spiritus sanctus, non tamen aliud, sed id quod est Pater, est Filius, & Spiritus sanctus, idem omnino, ut secundum Catholicam, & Orthodoxam fidem consubstantiales esse credantur. Pater enim ab æterno Filium generando suam substantiam ei dedit, juxta quod ipse testatur: Pater quod mihi dedit, majus omnibus est. Ac dici non potest*

potest, quod partem suam substantia ei dederit, & partem retinuerit ipse sibi, cum substantia Patris indivisibilis sit, utpote simplex omnino. Nec dici potest, quod Pater suam transtulerit substantiam in Filium generando, quasi sis dederit Filio, ut non retinuerit ipsam sibi, alioqui desisset esse substantia. Patet ergo quod sine ulla diminutione Filius nascendo Patris substantiam accepit; & ita Pater & Filius eandem substantiam habent: & sic eadem res est, Pater, & Filius, & Spiritus sanctus ab utroque procedens. Quum ergo Veritas pro fidelibus suis orat: Volo, inquit, ut ipsi unum sint in nobis, sicut nos unum sumus; hoc nomen Vnum, pro fidelibus quidem accipitur, ut intelligatur unio charitatis in gratia: pro personis vero divinis, ut attendatur identitas, atque in natura unitas. Quemadmodum Veritas alibi dicit: Estote perfecti sicut Pater vester cælestis perfectus est; ac si dicat manifestius: Estote perfecti perfectione gratiæ, sicut Pater vester cælestis perfectus est perfectione naturæ, utraque videlicet suo modo; quia inter Creatorem & creaturam non potest tanta similitudo notari, quin maior sit inter eos dissimilitudo notanda. Hæc ad singula verba inserta habentur cap. 1. & 2. de summa Trinit.

Canon 5. commemorat Sedium Patriarchalium privilegia, statuitque Constantinopolis Sedem esse primam à Romana, deinde Alexandrinam, tum Antiochenam, postremò Ierosolymitanam; ut postquam hi Patriarchæ pallium à Romano Pontifice acceperint, liceat eis obedientiæ suæ subditis Episcopis pallium concedere

concedere, recipiendo ab eis vicissim fidei Catholicæ professionem, & pro Ecclesia Romana sponsonem unionis & obedientiæ. Concedit etiam ut Dominicæ crucis vexillum ante se deferri faciant ubique locorum extra Romanam urbem, aut ubicumque Romanus Episcopus præsens non fuerit, aut ejus Legatus utens insignibus Apostolicæ dignitatis. Approbat præterea ut ad ipsos ex suffraganeis Provinciis appellari possit, salvis tamen appellationibus ab ipsis ad Apostolicam Sedem.

Summi Pontifices antehac restiterant Episcoporum Constantinopolis ambitioni, qui contra Nicænæ Synodi decretum affectabant Sedis suæ prærogativam supra omnes Orientis Patriarchas. Damasus enim, & Leo Romani Pontifices Synodorum secundæ & quartæ furtivos canones rejecerunt, per quos hæc illis asserabatur præeminentia: Nicolaus verò I. in responsis ad Bulgaros, cap. 93. Porro, ait, *quis Patriarcharum secundus sit a Romano, consultis; sed juxta quod Romana sancta tenet Ecclesia, & Nicanæ canones innuunt, & sancti Prasules Romanorum defendunt, Alexandrinus Patriarcharum à Romano Papa secundus est.* Idemque Nicolaus non alias admittit primarias Sedes, quàm quas constituit Petrus Apostolus, sive per discipulum suum Marcum, nimirum Alexandrinam; sive per seipsum, nimirum Antiochenam & Romanam, *epistola eadem ad consult. Bulg. cap. 92.*

At verò Innocentius III. huic Laterano Concilio præsidens jus secundæ Sedis Constanti

stantinopolis Episcopo indulsit multis rationibus adductus; scilicet ut Græcos hæcenus nutantes in Ecclesiæ Romanæ subjectione & unione devinceret ac demereretur. Tum quia à pluribus sæculis reliqui Orientis Patriarchæ Constantinopolitano sponte cesserant. Tum quia in Oecumenica Synodo Chalcedonensi, post Apostolicos Legatos Anatolius Constantinopolis Episcopus, ejusque in omnibus subsequutis Orientis Conciliis successores jure isto *ἐποσκοπίας*, ac *ἐπισκοπικῆς ἐξουσίας* supra Patriarchas reliquos potiti absque controversia fuerant.

Quod attinet ad Jerosolymitanam Ecclesiam, origine quidem omnium Ecclesiarum matrem, sed non dignitate, & quam Nicæna prima Synodus Cæsareensi Metropolitæ subditam declaraverat, cæpit illa pleno jure dignitatis Patriarchalis potiri jam inde à Concilio Chalcedonensi, quod actione octava Jerosolymitanæ Ecclesiæ universam Palæstinam in tres distributam Provincias subjecit. Intercessit quidem magnus Papa Leo, ne id executioni mandaretur, *epist. 62. ad Maximum Antiochenum*. Verum tamen idem Juvenalis Jerosolymæ Episcopus, qui in Chalcedonensibus Comitibus federat, convocavit postmodum Palæstinæ totius Synodum, in qua ipse primo subscripsit loco. Deinde Irenæus Cæsareæ Palæstinæ Episcopus; cum tamen in Provincialibus Palæstinæ Synodis anterioribus præsideret, primusque subscriberet Cæsareensis, ut liquet ex Diospolitana Synodo, cui secundus à Metropolitā

polita Cæsareensi subscripsit Joannes Jerosolymitanus. Et in altera Synodo antiquiore adversus Quartadecumanos habita Cæsareæ præfedit Theophilus Cæsareensis, eique assedit Narcissus Jerosolymitanus, ut addiscimus ex Eusebio *lib. 5. hist. Eccl. cap. 15.* Synodus demum quinta Oecumenica, eadem jura Patriarchalia Jerosolymorum Ecclesiæ confirmavit.

Canon 11. decretum instaurat Lateranensis sub Alexandro III. Concilii *in can. 18.* circa Præceptoriam præbendam in singulis Cathedralibus erigendam. Extendit ad alias quoque Ecclesias, quæ possunt præbendam eandem præstare; additque Præceptorem esse ab Episcopo unà cum Capitulo eligendum. Adjungit esse pariter in singulis Metropolitanis simili modo eligendum Theologum, qui Sacerdotes, aliosque Clericos in sacris Scripturis docendo instituat, & in his præsertim reformet, quæ ad curam pertinent animarum, cui congrua præbenda assignetur; non tamen ut fiat Canonicus: sed tandiu redditus accipiat, quamdiu in docendo perseveraverit. Vide *c. 1. & c. quia nonnullis, de Magistris.* Deinde Concilium Tridentinum hæc omnia instaurat, & amplificat *sess. 5. de reform. cap. 1.* ubi etiam declarat præbendæ Theologalis collationem esse prorsus nullam & irritam, quæ facta fuerit ei qui per seipsum istud officium exequi non valeat; & provisos esse compellendos ad exercitium muneris sui per reddituum subtractionem. Vide idem Concilium *sess. 23. de reform. cap. 18.*

592 *Notitia Conciliorum S. Ecclesie,*
cap. 18. Istis haud absimilia sunt Gallicana edi-
ta in Comitibus Aurelianensibus edita sub Ca-
rolo Rege 19. & in Blesensibus sub Henri-
co III. *art. 33.*

Canon 12. providet Monasteriorum refor-
mationi per Provincialia capitula singulis
trienniis convocanda, & per sedulas & fre-
quentes visitationes.

Canon 13. providet, ne novæ inducantur
Cœnobarum religiones.

Canon 14. incontinentiam reprimit Cleri-
corum.

Canon 15. Clericorum crapulam coërcet.
Clericorum in ebrietatem lapsum antiquiora
Concilia, Agathense *can. 41.* & Venericum in
Gallia *can. 13.* puniunt, vel excommunicatio-
nis, vel flagellationis pœnâ.

Canon 16. præscribit Clericorum mode-
stiam: prohibet eis sæculares negotiationes,
aleæ quoque & taxillorum lusus, quin etiam
his interesse vetat. Annulum ab his gestari
prohibet, qui non sunt Episcopi. Ordinât
tonsuram & vestes, aliaque exteriora omnia
componit ad modestiam. Hoc etiam decernit,
ut Pontifices in Ecclesia & in publico super-
indumentis omnes lineis utantur, nisi Mona-
chi fuerint, quos deferre oportet habitum Mo-
nachalem. Hæc leguntur eadem in *c. Clerici*
officia, de vita & honest. Cler. Hoc idem de reti-
nendo ab Episcopis olim professis Monachis
habitu Monachali ac regulari, jam dudum san-
xerat Synodus Oecumenica octava *can. 14.*

Canon 17. *Districtè (ait) præcipimus in vir-*
tute

tute obedientia, ut divinum officium nocturnum pariter & diurnum, quantum eis dederit Deus, studiosè celebrent pariter, & devotè. Loquitur de Clericis & Monachis, quicunque altissimi sunt officio divino: & legitur in c. dolentes, de celebrat. Miss. ubi insignis est glossa exponens vocem studiosè, quantum ad officium oris sine syncopa: devotè autem quantum ad officium cordis, dicente Apostolo: Orabo spiritu (idest respiratione & lingua,) orabo & mente: (idest devota mentis attentione,) psallam spiritu, psallam & mente.

Canon 21. de facienda proprio Sacerdoti confessione decernit, saltem semel in anno; & de communicando divinæ Eucharistiæ, saltem in Pascha, nisi Sacerdos ipse ex rationabili causa differendum in aliud tempus judicaverit. Qui secus fecerit, ab ingressu Ecclesiæ vivens arcetur, & mortuus Ecclesiastica sepultura privatur. Districtè præcipit servari confessionis sigillum, ac secretum. Allegatur in c. omnis utrisque sexus, de pœnit. & remiss. Olim ex decreto Fabiani Papæ, & sub Decio Martyris, citato in c. & si non frequentius, de consecr. dist. 2. deinde ex Concilii Agathensis c. 16. Christi, fideles non aliter impediti astringebantur Eucharistiam ter in anno sumere, in Nativitate Christi, in resurrectione, & die Pentecostes.

Canon 22. sancit, ut medici ad ægrotos vocati sub pœna interdicti ab Ecclesiæ ingressu, teneantur eos admonere, ut in primis Medicos advocent animarum; sic enim saluti sunt

animæ & corporis consultum iri : quatenus citra generalem Canonis obligationem, infirmi formidine mortis perculsi, gravius de vita periclitantur, quum de confessione facienda monentur, existimantes (nisi Canon hoc iuberet indifferenter, etsi forsitan non interveniat vitæ periculum) desperatum esse de vita. Prohibetur insuper cum anathematis interminatione, ne quis medicus ægro pro corporis salute quidquam suadeat, quod verat in animæ perniciem, Deique offensam. Habetur *in c. cum infirmitas, de pœnit. & remis.*

Canon 24. de electionibus ordinat, ut uno ex his tribus modis, vel scrutinio, vel compromisso, vel communi inspiratione ille demum sit electus, in quem major, & sanior Capituli pars consenserit. Legitur *in c. quia propter, de elect.* Quæ verò parte capitis hujus constituitur à Concilio ut assumantur de Collegio tres fide digni, qui sigillatim & secerèd vota electorum colligant, & scribant, id abrogatum fuit demum à Concilio Tridentino *sess. 25. cap. 7. in fine, de Regular.* jubente fieri electionem per vota secreta, ita ut nullatenus in cujusque notitiam veniant eligentium nomina, & ut aliter facta electio sit irrita.

Hic idem Lateranensis Canon 24. duas requirit condiciones, ut aliquis absens possit per procuratorem eligere. Primum ut sit legitime impeditus, ne possit interesse. Deinde, ut his cui suffragium committer, sit de ipso eligentium collegio.

Electiois verò per compromissum legitur exemplum

exemplum & decisio in *c. causam, de election.* ubi statuitur, teneri Moniales accipere in Abbatissam (modò idonea existat) eam quam providit Episcopus, postquam illæ Abbatissæ electionem in Episcopum ipsum contulerant, ac compromiserant.

Electioⁿum libertas ita necessaria est, ut ubi ista coarctatur, eo ipso nulla sit electio. Ideoque Cœlestinus III. *c. cum terra, de election.* damnat, & inanem declarat electionem, quæ sit quando Patriarcha, vel Episcopus, vel Princeps duas, trêsvê personas eligendas nominavit, ne liberum sit aliam eligere, quæ non sit ex nominatis. Gregorius X. in Concilio decimo generali Lugdunensi, *c. ubi periculum, §. ceterum, de election. in 6. Quum* (inquit) *arbitrium, vel inordinatus captivus affectus, vel ad certum aliquem obligationis cujuscunque necessitas adigit, cesset electio, dum libertas adimitur eligendi.*

Præfato juri communi conformantur Constitutiones Ordinis Prædicatorum, *distinct. 2. cap. 2. §. 4.* prohibentes in electionibus proponi certas personas à Superioribus, & statuentes teneri Superiorem approbare factam electionem alterius personæ, dum sit idonea, quàm ex iis quas nominaverit. Et Rodericus Doctor Franciscanus in *quest. Regular. art. 10. & 11.* profert Bullam Pii V. anni 1571. decernentem, ut si Prælatus, aut commissarius qui præest electioni, convictus fuerit quomodolibet impedivisse libertatem eligentium, removeatur ab officio. Idem Rodericus refert, se vidisse

596 *Notitia Conciliorum S. Ecclesie,*
tres electiones diversas declaratas invalidas, eo
quod is qui præerat, restrinxisset eas ad duas,
aut tres personas. Martinus Navarra *lib. 1. con-*
sul. 5. & in Manual. cap. 22. n. 5. docet ex metu
reverentiali erga personam, quæ in vocales
polleat autoritate, non minus irritam fieri
electionem, quam matrimonium. Nec valet
ulla consuetudo per quam remanente electione
tollitur, aut restringitur eligendi libertas, ut
docent *ad d. c. cum terra, de elect.* Joannes An-
dreas, & Prosper Fagnanus. Committitur enim
gravis injustitia quando sine justa causa, & le-
gitimo processu excluditur vel una persona
(& multò gravior si plures) à jure electionis
quod ei competit, sive activæ, sive passivæ.

Quomodo verò Prælati procedere debeat
in electione Abbatisæ inter Moniales, con-
sulito Concilium Tridentinum *sess. 25. cap. 3.*
in fin. de Regular.

Canon Lateranensis 25. statuit, eligentes
per potestatis sæcularis abusum, ab officiis &
beneficiis triennio suspendi, atque privari eli-
gendi potestate. Electum autem si tali electio-
ni consentiat, fieri deinceps ineligibilem, &
factæ electionis commodo privari. Habetur *in*
c. quisquis, de elect.

Canon 26. decernit, ut facta electione is ad
quem pertinet electum confirmare, diligenter
examinet electionis processum, & personam
electi: qui si reperiat indignus, cum admitti
& confirmari prohibet. Legitur *in c. nihil est,*
de elect.

Canon 29. districtè prohibet, plures ab
uno

uno Clerico præbendas, curatas, vel personatus, vel alia beneficia, etiam curæ animarum nullatenus annexa, in una, eademque Ecclesia possideri. Et si secus fiat, hoc ipso statim ab obtento beneficio secundo, primum ipso jure vacet; quod si provisorius utrumque retinere cōtenderit, utroque privetur. Is verò, ad quem jus conferendi spectat, si intra sex menses providere neglexerit, tenebitur tantundem resarcire in utilitatem vacantis Ecclesiæ, quantum eo tempore vacationis Ecclesiæ fuerit de illius fructibus atque emolumentis perceptum: collatio autem vacantis beneficii devolvitur ad Superiorem. Reservat tamen ad Apostolicam Sedem jus dispensandi ad plura tenenda beneficia, circa sublimēs, aut literatas personas. Habetur hoc totum in *c. de multa, de præbend.* His similia statuuntur à Joanne XXII. in *extravag. execrabilis, eod. tit.* & in Concilio Tridentino *sess. 7. cap. 2. & sess. 24. cap. 17.* præclare observat glossa in *d. cap. de multa, in vers. contenderit*, quod ante Innocentii tertiū hanc receptam constitutionem, ut adeptō secundo incompatibili beneficio, statim vacet primum, antiquiora jura dedisse optionem isto casu ei qui sic provisorius fuisset, ut adeptus duō incompatibilia, eorum alterum, quod mallet, eligeret, alio, siue priore, siue posteriore, dimisso: sic enim statuunt duo Canones Alexandri III. *c. referente, & c. præterea, de præbendis.* Istis adjungito quæ superius annotavi ad Canonem 15. Nicænæ Synodi secundæ.

Canon 11. prohibet, ne filii Canoniconum

598 *Notitia Conciliorum S. Ecclesie,*
instituantur in iisdem Ecclesiis, in quibus patres eorum instituti fuerint. Habetur *in c. ad abolendum, de fil. Presbyt.* Jam antea sanxerat Alexander III. non debere filium in eadem Ecclesia aut præbenda ministrare, quam pater tenuisset, *c. presentium, & c. conquerente, eod. tit.* Sed si quis alius post patrem habuerit beneficium, poterit deinde filius, si nihil aliud obstat, etiam admitti, *c. ex transmissa, eod. tit.*

Canon 32. perversam reprobatur consuetudinem, qua patroni, aut Rectores Ecclesiarum Presbyteris Parochianis adeò tenues redditus attribuunt, ut inde sufficienter nequeant sustentari: quo fit, ut vix aliquis reperiatur Parochialis Sacerdos sufficienter literatus. Statuit itaque, ut abolita mala consuetudine, sufficiens ad honestè vivendum portio assignetur Presbyteris. Habetur *in c. exstirpanda, de præbend.* Eandem ob causam Synodus Tridentina sancit *sess. 25. cap. 16.* beneficia quoque abstracta olim ab animarum cura per assignationem Vicariæ perpetuæ, cui cura incumbat animarum, redintegrari denuò, fierique ex simplicibus Parochialia, sicut à primordio fuerant.

Canon 36. declarat, posse judicem, saltem Ecclesiasticum, suam revocare sententiam interloquutoriam, aut comminatoriam, etiam posteaquam ab ea fuit appellatum. Legitur *in c. cum cessante, de appell.* Huc pertinere potest quod scribit Bernardus ad Innocentium II. Papam, *epist. 180. Hoc (inquit) solet habere præcipuum Apostolica Sedes, ut non pigeat revocare, quod à se forisè deprehenderit fraude elicitum,*

non

non veritate promeritum. Sæcularia verò judicia semel facta non corriguntur, nisi à superiore tribunali, l. *iudex posteaquam*, D. de re iudicaria.

Canon 37. edicit, non posse quenquam per literas Apostolicas trahi ultra duas dietas extra diœcesim ad aliquod iudiciũ. Continetur in c. *nonnulli de rescript.* Et confirmatur ab Honorio III. c. *olim*, de exception. Sed post hæc Bonifacius VIII. reduxit ad unicam ultrà Diœcesis fines dietam, c. *statutum*, §. *cum verò*, de rescript. in 6.

Can. Lateranensis 41. sic edicit: *Quoniam omne quod non est ex fide, peccatum est, Synodali iudicio definimus, ut nulla valeat absque bona fide præscriptio, tam Canonica, quàm civilis; cum sit generaliter omni constitutioni, & consuetudini derogandum, qua absque mortali non potest servari peccato. Unde oportet, ut qui præscribit, in nulla temporis parte rei aliena conscientiam habeat.* Continetur in c. *fin. de præscrip.*

Cap. 50. revocat prohibitiones matrimoniorum, quæ antea protendebantur usque ad septimum consanguinitatis & affinitatis gradum, easque reducit deinceps ad quartum inclusivè gradum. Habetur in c. *non debet*, de consanguin. & affin. Concilium Tridentinum his alteram addit reductionem sess. 24. cap. 3. de reform. matr. scilicet impedimenti publicæ honestatis ad secundum gradum: impedimenti affinitatis consurgentis ex fornicatione ac omni copula illicita, ne primum excedat gradum.

Can. 53. *Ut decima ante omnia tributa deducantur, & solvantur.* Habetur *e. cum non sit, de decimis.* Id etiam edicitur Gallicano jure in Comitibus Blesensibus *art. 49.* Dei namque dominium omnibus præcellit quorumcumque hominum dominiis.

Can. 63. abusum illum, quantumvis longi temporis diuturnitate roboratum, ut pro consecrationibus Episcoporum, benedictionibus Abbatum, & ordinationibus Clericorum aliquid taxetur, vel exigatur, declarat simoniacum & damnablem, atque ulterius fieri vetat. Legitur *in c. sicut pro certo, de simon.* Multa de simonia Ordinis congesta præquire superius ad Cabilonensis Concilii canonem 16.

Can. 64. in tantum dicit invaluisse intra Monasteria Simoniacam labem, ut prætextu paupertatis vix ulla in Monialem reciperetur, nisi per simoniam. Id verò reprobatur, & fieri districtè interdicit, atque ad strictiorem pœnitentiam omnibus vitæ diebus compellit moniales, quæ sic admixtæ sunt, aut alias admitterunt. Legitur *in c. quoniam, de simon.* Similis huic sanctio præcesserat Lateranensis sub Alexandro III. Concilii circa monachos pretio admissos, quos excludit à sacris Ordinibus: Abbatem verò qui receperit, officii sui privatione multat, *cap. 10.* Et his antiquior Nicæna secunda Synodus *act. 8. c. 18.* Abbatifam, quæ pretio monialem receperit, gradu movet.

Qui posterioribus temporibus hac de re scripsere Doctores, in tres, ut ita dicam, dividuntur

duntur classes. Quidam enim sola præcedentium Canonum verba consecrantes, rigidiorē opinionem tuentur ; meram intervenire simoniam, quotiescumque initur conventio de dote ejus, quæ in monasterium est admittenda, quamvis non pro admissione in Religionem, sed præcisè propter admittendæ victum & alimenta necessaria conventum fuerit.

Secundam opinantium classē alii constituunt, nullam prorsus accidere simoniam, aut illicitam pactionem, si Monasterium & postulans inter monachas admissionem paciscantur de dote nomine alimentorum, etiamsi id ex Monasterii necessitate non fiat, cujus opes possunt ad ei alimenta suppeditanda sufficere.

Tertia verò Doctorum classis ab his duobus extremis quasi à Scylla & Charybdi deflectens, duplicem distinguit simoniam : unam quæ est contra jus divinum, nimirum si de dote conveniatur, tanquam pretio admissionis in Religionem ; & insuper si conveniatur de dote in Monasterio opulento, licet prætexatur id fieri pro corporali victu. Sed si Monasterii penuria non habeat sufficienter unde possit alere postulantem, olim quidem ejusmodi pro victu pactionem fuisse Lateranensis Concilii, & aliquorum Pontificum decretis prohibitam, eique labem simoniæ juris Ecclesiastici affixam : has tamen prohibitiones nascentibus Mendicantium utriusque sexus Ordinibus, & multiplicatis Monasteriis, subinde per contrarium usum occasione novorum Monasteriorum penuriæ invalescentem sic evanuisse, ut nul-

lus supersit his canonibus locus præterquam in divitibus Monacharum Parthenonibus.

In hanc tertiam sententiam apertè conveniunt (ut alios plerosque sileam) duo majora Ecclesiæ luminaria, sive sanctitatem vitæ, sive eximiam doctrinam spectes, Angelicus Thomas, & Seraphicus Bonaventura, religiosæ ambo professionis, & illorum Lateranensium canonum non ignari. Divus quidem Thomas duobus præsertim locis in 4. *Sent. dist. 25. q. 3. art. 2. ad 7.* & in *Summa 2.2. q. 100. art. 3. ad 4.* Divus Bonaventura in *apolog. paup. quest. 18.* Quisquis ergo amborum sententiæ inhæret, inoffenso utique decurrit pede; adeò ut supervacaneum fuerit his adjungere Caietanum, Sylvestrum, Suares, aliosque graves Auctores ejusdè sententiæ propugnatores circa sola quæ inopiâ laborabant Monasteria. Quinetiâ Divus Carolus reformationis Ecclesiæ constantissimus zelator & instaurator, approbat circa Monasteriorum ingressum dotales provisiones. Sed quia si anno probationis dos promissa possideretur ab ipso Monasterio, id esset obstaculo libertati novitiæ ad exeundum, si velit, ob difficultatem recuperandæ dotis: si autem interea possideretur dotalis pecunia à parentibus puellæ, illam fortasse haud faciliè reciperet Monasterium facta religiosa professione; ideo sapientissimus Præsul sancit duabus Mediolanensibus Synodis Provincialibus, ut initio probationis, quando puella religiosum habitum suscipiet, apud virum monialibus, earumque Superiori probatum dos illa puellæ sustentatio

sustentationi destinata deponatur, ut facilius & citra litigia post professionem à Monasterio recipiatur. Concil. Mediolan. I. *cap de novitiis ad profes. recipiendis*, & Concil. Mediolan. II. tit. 3. *eorum qua ad moniales pertinent.*

Laxior verò Soti (quem Suares meritò reprehendit *de censur. disp. 20. sect. 5. n. 11.*) & Sanchezii, necnon Bonacinae, aliorumque opinio pactiones dotales etiam ab opulentioribus Monasteriis factas tuentium non videtur probabilis, etiamsi prætenuatur alimentorum merè temporalium. Ille namque prætexus validè hac ratione oppugnatur, quatenus in Monasterium admissio, sicut & quævis Ecclesiastica præbenda, duo simul ac inseparabiliter includit; unum spirituale, aliud temporale, ita tamen spirituali annexum, ut pretio dari non possit, quin simul spirituale vendatur. Et Paschalis Papa in *c. si quis objecerit*, 1. q. 3. declarat seungi non posse spirituale à temporali, quod est ei adnexum; sicut anima corporaliter vivere nequit, nisi corpori conjuncta. Additque, quod si quis prætendat temporale spirituali adnexum vendere, neutrum relinquet invenditum. Itaque admissio in Monasterium consistit in jure, & associatione ad communia duo Monasterii bona, spirituale nimirum, quod in Religionis sanctitate, & piorum exercitiorum communionem; & temporale, quod in victu & alimentis ex communibus Monasterii facultatibus consistit. Qui ergo paciscuntur circa Monachæ alimenta in Monasterium dives admittendæ, iidem paciscuntur de pretio monasticæ

604 *Notitia Conciliorum S. Ecclesie,*
nasticæ communionis, in qua temporale ibi
existens transit in conditionem spiritualis boni,
quatenus est à statu religiosæ vitæ insepara-
bile.

Argumentum verò deductum ex paritate
dotis, circa quam licitum est pacisci, ad matri-
monium, valet quidem in Monasteriis, quibus
non suppetit facultas sufficiens alendæ puel-
læ, quæ admittitur, dummodò non plus exigat-
ur, quàm opus ad hoc ipsum sit; nullam ta-
men vim habet circa commodè provisa Mona-
steria. Longè namque disparia sunt religio, &
matrimonium; quatenus in religione id quod
temporale est, subsistit quasi accessorium in re
spirituali; at in matrimonio ratio sacramenti,
quæ spiritualis est, subsistit ut accidens in fun-
damento & subiecto merè secundum propriam
naturam temporali & humano, quod est civi-
lis contractus.

Denique concluditur sacra Synodus decreto
sacræ militiæ, ad Ierosolymitani Regni recu-
perationem.

C A P U T LXXXVIII.

*Concilium generale decimumtertium, Lugdu-
nense primum, sub Innocentio IV.*

FRiderici Ænobarbi nepos, & Henrici quarti
Imperatoris filius Fridericus secundus, am-
plissimis ab Apostolica Sede beneficiis affe-
ctus, quem à tenera ætate parentibus orbatum,
&

& civilibus bellis divexatum, tanta charitate in suam tutelam susceperat Innocētius tertius, ut ipsius operâ non modò elusi fuerint illorum conatus, qui tum occultis conspirationibus, tum aperta vi materno illum Regno Apuliæ, Siciliæque spoliare nitebantur, sed ei aditum etiam ad Imperium munierit, depulso in ejus gratiam Othone, qui quartus ejus nominis fuerat designatus Imperator. Ingratus porrò Fridericus non tantum his beneficiis gratiam nullam retulit, sed arma etiam, quæ ex voto ad sacra Palæstinæ loca impendere tenebatur, in Romanos Pontifices convertit. Graves in primis cum Innocentii tertii successore Honorio tertio similtates gessit, quas postmodum adversus Gregorium nonum prosequutus est, donec monente isto, atque urgente, copias in Syriam eduxit, ubi nullo commisso prælio Jerosolymam à Saracenorum Calipha recepit dicis tantum causâ, & specie tenus, inita cum illo turpi pactione.

Hinc regressus in Occidentem complures Romanæ Ecclesiæ terras, quâ proditiis, quâ Marte aperto invadit, præfidiisque munit, adeò ut magna Piceni & Latii parte occupata, Romam ipsam obsidione cinxerit, & quotquot Romanorum in ejus cecidere potestatem, vel gladio, vel laqueo interemerit. Laceravit verò universam in duas factiones Italiam, Gibellinorum, quos suis partibus addixit, & Guelforum, qui partes Pontificis tuebantur: unde innumeræ ubique cædes, direptiones, captivitates, incendia, omnesque hostiles & barbaricæ

barbaricæ immanitates grassabantur.

His aliæ dirissimæ in aliis Christianorum Provinciis strages & calamitates accedebant, Saracenorum armis Orientem simul & Occidentem infestantibus. Imminebant extremæ Constantinopolitano Imperio clades, cujus tunc Latini vix reliquias tuebantur, conspirantibus in eos Græcis, finitimisque barbaris, nulla humana subsidii spe affulgente, propter bella quibus Occidentem Fridericus distinebat. Alter malorum cumulus iisdem temporibus Christianæ Reipublicæ funestus incubuit. Gēs enim Tartarorum direptā primum utraque Armeniā, deinde vastatis, quæ inter maria Euxinum, & Caspium interjacent, Provinciis Georgianorum, & Mengrelinorum, veterem Iberiam & Colcham incolentium, universam Moscoviam, Poloniam, Transylvaniam, Hungariam, Bohemiam cadibus & incendiis populata est, Battone duce circa ann. 1241.

Angebant præterea optimi Pontificis animum collapsa Ecclesiæ disciplina, morumque perversitas, in graviora quotidie vitia dilabentium, sive Clerum, sive reliquum populum inspiceres: cui malo causam dederant diutina bella, factiones & schismata renascentia. Cura ista Pontificem sollicitabat, ut Ecclesia tranquillitatem, & pristinum, qui propemodum obsoleverat, dignitatis splendorem recuperaret. His de causis Gregorius nonus Concilium generale Romæ indixerat. Eò cum plurimi ex Galliis & Hispaniis Antistites Genuensium triremibus vecti properarent, in Friderici classem

sem inciderunt, & captivi unà cum quibusdam Cardinalibus ad Fridericum adducti, & vinculis addicti sunt. Istam tot Præfulum indignam cladem sic ægrè tulit Gregorius, ut ex animi mœrore intra dies paucos extinctus sit.

Huic subleſtus Cœleſtinus paucis diebus ſuperſtes fuit. Cœleſtinum excepit Innocentius quartus, Sinibaldus antea vocatus, patriâ Genuenſis, ex illuſtri Flisſcorum gente Comitum Lavanîæ. Hic ſtatim Friderico æquiſſimas pacis conditiones obtulit. At ille qui nec cum infidelibus bellum gerere, neque cum fidelibus pacem colere ſciebat, omnibus deſpectis conditionibus, precibus & admonitionibus, majori etiam furore exarſit. Tum demum Innocentius, ut luſtuofis Eccleſiæ ruinis occurreret, cum nil per Italiam bellorum tempeſtatibus undique jaſtatam tutum eſſet, clam in Galliam ubi Sanctus regnabat Ludovicus, navigio ſe ſubduxit, Conciliumque Lugduni generale indixit, quò citatus ad cauſam dicendam reus Fridericus ire renuit, Legatos tamen miſit, in primis verò Thaddæum virum induſtrium, ſuo nomine reſponſurum.

Ejus itaque cauſâ ſedulò exploratâ, Innocentius de Synodi ſententia Fridericum damnatum communionem fidelium excluſit, & imperii dignitate, regnoque Apuliæ, Siciliæque abdicavit. Tum Germania univerſa à Friderico defecit. Novus exinde creatur Imperator Henricus Turingiæ & Haſſiæ Lantgravius: iſtoque poſt biennium mortuo, Vuillelmus Hollandiæ Comes. Longobardi pariter in Fridericum

cum rebelles acie victum in fugam compulerunt: ille profugus in Apuliam concessit, & lecto per ægritudinem decumbens a proprio filio Manfredo, quem ex concubina susceperat, pulvino ori admotò suffocatus est.

Provisum hac Synodo pariter fuit Ecclesiasticæ disciplinæ instaurationi valde tum labefactatæ & collapsæ. Renovata quoque fuit sacra adversus infideles militia, cujus designatus dux fuit Sanctus Ludovicus Gallorum Rex. Actum præterea fuit de suppetiis Imperatori Græcorum ferendis: sed hujus historiæ notitia paulò altiùs repetenda.

Postquam Isaacius Angelus Constantinopolis Imperator annos novem, & menses octo regni explevit, ab Alexio Angelo fratre per insignem perfidiam excæcatus est, & regno spoliatus. Isaacio nata erat Irene, quam Philippus Germanorum Imperator in matrimonio habuit. Filius quoque patruo cognominis Alexius Angelus paternam injuriam ulturos ad Philippum profugit, cujus cohortatione Veneri Dandulo duce, cum Balduino Flandriæ Comite, aliisque Principibus bellum ineunt adversus Alexium tyrannum, qui nomen sibi Comneni asciverat. Hunc itaque capta Constantinopoli in fugam cogunt, & Isaacium cæcum in imperium reducunt, dato illi socio, & adjutore filio Alexio. His præclare gestis, dum Latinorum classis ad urbem staret in ancoris, parata dum ver jappeteret in Orientem contra Saracenos proficisci, Alexius Ducas cognominatus Murzuphlus, cives adversum Imperatores

Imperatores per seditionem concitat, qua occasione Alexium Angelum in custodiam includit, ipseque insignia sibi assumit Imperii. Latinorum ergo classis hoc facinus ultura Constantinopolin denuò expugnat, Captus Murzulphus ex edita turri præceps dejicitur; Balduinusque Flander Latinorum Principum suffragiis eligitur Imperator anno millesimo ducentesimo quarto, sub Innocentio tertio Pontifice. Imperii Græcorum Provinciæ in plurima dominia dissectæ sunt. Venetis quippe attributa est Eubœa, omnesque maris Ægei insulæ, & Creta, Bonifacio Montisferrati Marchioni Regnum cessit Thessalonica: Godofredo Athenarum Ducatus cum Achaïæ Principatu; at verò Græci Principes Asiæ Provincias certatim occupaverunt. Theodorus enim Lascaris Nicææ in Bithynia dominatum cepit, & armis strenuus Turcas ingenti strage profligavit, eorumque Sultanum in acie suapte manu peremit. Andronici quondam infaustis Imperii ex filio Manuèle nepotes David, & Alexius Comneni suas quoque partes nacti sunt. David Oeneum & Synopen civitates Ponti, & Trapezuntem novo Imperii titulo; Alexius autem Heracleam Ponti, & Paphlagoniam sibi ascivit.

Constantinopolin annos octo & quinquaginta Latini tenuerunt ab ipso Balduino primo ad Balduinum secundum, qui præsens in isto Lugdunensi Concilio interfuit, seditque ad dexteram Innocentii Papæ, ad cujus sinistram alii confederunt Principes laici anno

610 *Notitia Conciliorum S. Ecclesiæ,*
millesimo ducentesimo quadagesimoquinto.
Verumtamen post annos sexdecim Constanti-
nopolis à Græcis intercipitur Michaëlis Pa-
læologi dolo, qui sibi, suisque posteris hoc Im-
perium asseruit anno supra millesimum ducen-
tesimo sexagesimo primo. Itaque inchoatum
à Balduino Latinorum in Oriente Imperium
desiit in altero Balduino, quemadmodum au-
spicatum à magno Constantino Constantino-
polis Imperium, desiit in Constantino Palæo-
logo, à quo ad Turcas devolutum est. Similiter
Romanum Imperium, quod primus exorsus est
Augustus, terminatum est in altero Augusto,
ab Odoacro Herulorum Rege expugnata Ro-
mâ, constitutoque novo Italiæ Regno.

Hæc eadem Synodus pacis fœdera inter
Christianos Principes conciliavit, saltem in
quadriennium: publicas, privataque suppli-
cationes apud omnes qui Christianorum no-
mine censentur, indixit; pecuniarum contri-
butiones ad sacri belli expensas procuravit,
præsertim ex proventibus Ecclesiarum. Provi-
dit etiam cruce signatorum militum securitati,
quorum personas & facultates intactas esse jus-
sit, & sub sancti Petri tutela suscepit. In hac
Synodo concessum fuisse Cardinalibus pileum
rubrum produnt. Quamplurimæ hujus consti-
tutiones in Sexto Decretalium passim refe-
runtur.

Harum una Ecclesiæ regimini valde condu-
cens statuit, *personas exemptas, si extra exem-
ptum locum deliquerint* (exempli gratiâ, si Re-
ligiosus extra propriam Ecclesiam & septa de-
liquerit

Cap. LXXXVIII. Concil. I. Lugdun. 611
liquerit Monasterii) posse citari & conveniri co-
ram Ordinario , & ab eo puniri : & volentes , de
privileg. in 6. Concilium deinde Tridentinum
sess. 7. de refor. cap. 14. In exemptorum (inquit)
causis constitutio Innocentii quarti , qua incipit
Volentes , in generali Concilio Lugdunensi edita
servetur , quam eandem sacrosancta Synodus in-
novandam censuit , & innovat. Nostra quoque
Francica jura hoc idem confirmant & sanciunt
in Aurelianensibus comitiis sub Rege Carolo
nono , art. 11.

CAPUT LXXXIX.

*Concilium Generale X IV. & Lugdunense
secundum , sub Gregorio X.*

AB obitu Clementis quarti vacua fuit Petri
Sedes tribus & triginta mensibus , dum
inter sese Cardinales dissident , qui tandem in
sanctum Bonaventuram Ordinis Minorum Ge-
neralem , etiamsi nondum Cardinalis esset,
compromiserunt ; hic verò nullum proposuit
Cardinalem , sed Tibaldum Leodii Archidia-
conum , virum vitæ sanctimoniâ insignem , qui
tum in Syria belli sacri occasione versabatur.
Huic nominationi cœtus Cardinalium acquie-
vit , qui & transmissis in Orientem literis fa-
ctam de ipso electionem eidem significaverunt.
Hic asserto sibi Gregorii nomine , omnem ad-
hibuit sollicitudinem , in primis ut subsidia

nova Christianis in Syria militantibus præstarentur : præterea ut Græci , quibus Michaël Palæologus excluso Balduino imperabat , ad fidei & communionis Apostolicæ Sedis unitatem revocarentur : ad hæc ne Apostolica Sedes diutius posthac vacua esset : denique ut depravati Christianorum mores emendarentur. His de causis misit quaquaversum epistolas ac nuncios ad Episcopos & Principes ad sacrum indicendum Concilium Lugduni post biennium celebrandum : Legatos etiam misit ad Palæologum , qui ipsum , cæterosque Græcos ad concordiam cum Romana Ecclesia reducerent , eundemque cum Græcorum Episcopis ad Oecumenicam Synodum invitarent.

Anno igitur Christi supra millesimum ducentesimo septuagesimo quarto Lugdunum convenere Patriarchæ Constantinopolitanus & Antiochenus , aliique ex diversis oris Episcopi quingenti. In his Sanctus Bonaventura Episcopus Albanensis eruditione , morumque sanctitate conspicuus , qui necdum soluto Concilio migravit in Cælum. Sanctus verò Thomas dum vocatus eò proficiscitur , exiit ex mortali ad immortalem vitam. Adfuit in Concilio. Jacobus Aragoniæ Rex , cæterorumque Regum & Principum Oratores.

Peracta sessione tertia , intromissi sunt Michaëlis Palæologi Legati , quos honorificè Gregorius & universa Synodus exceperunt. Lectæ sunt hujus Imperatoris & Episcoporum Orientis literæ , quibus Catholica & Roma-

nae Ecclesiae fidem, simulque Spiritus Sancti à Patre, Filioque processionem, primatumque Romanae Sedis agnoscunt: Legati verò Græci nomine Michaëlis Pontifici observantiam ac subjectionem exhibuerunt. Accessere præterea Tartarorum Oratores ad ineundas pacis cum Christianis communionem, quorum unus fidem Christi suscepit, & à Petro Cardinali Ostiensi baptizatus est. Denique præcinente summo Pontifice decantatum est à Cardinalibus, reliquisque Latinis Patribus Symbolum Constantinopolitanum cum solita additione Spiritus Sancti à Patre Filioque processionis. Deinde à Constantinopolitano Patriarcha idem Symbolum Græcis Patribus succinentibus Græcè, cum eadem bis repetita additione decantatum fuit.

Pro sacrae militiae impensis, sicut in præcedentibus Conciliis præstitum fuerat, Papa toto suffragante Concilio decimas omnium Ecclesiae proventuum constituit ac destinavit.

Inter alias sacrae Synodi sanctiones insignis utique illa fuit de ritu in electione Papæ servando: de clausura conclavis eligentium Cardinalium: de interdicta quacunque privata, sive per literas, sive per internuncios communicatione: de omnimoda pactio, conventionum, pollicitationum, juramentorum, quæcunque circa futuram electionem intervenire, diremptione. Et refertur *in cap. ubi periculum, de election. in 6.*

Quod attinet ad electiones, antiquissima sanè, atque ab initio receptissima eligendorum

Episcoporum forma hæc fuit, ut omnes Episcopi Provinciæ in unum convenientes novum crearent Ecclesiæ viduatæ Antistitem, accedente plebis testimonio, & universi Cleri, aut majoris ejus partis consensu, ut his testatur verbis Cyprianus epist. 68. *Apud nos, & ferè per omnes Provincias tenetur, ut ad ordinationes ritè celebrandas, ad eam plebem, cui Præpositus ordinatur, Episcopi ejusdem Provincia proximi quique convenient, & Episcopus deligatur plebe præsentè, qua singulorum vitam plenissime novit, & uniuscujusque actum de ejus conversatione perspexit.* Ibidemque divinis id astringit testimoniis, scilicet *Nuth. 10.* Moyse Deus jubet, ut coram universo populi cœtu consecret Eleazarum Pontificem. Et *Act. 1.* ubi coram omnibus discipulis Mathias in Judæa traditoris vicem eligitur. Et *Act. 6.* ubi Apostoli convocasse perhibentur discipulorum multitudinem pro Diaconorum electione. Idem Cyprianus Cornelium Papam affirmat Episcoporum judicio & plebis testimonio fuisse legitime ordinatum, epist. 41. Idemque epist. 52. de Cornelio sic ait: *Non ut quidam vim fecit, ut Episcopus fieret, sed ipse vim passus est ut Episcopatum coactus acciperet, & factus est Episcopus à pluribus collegis nostris, qui tunc in urbe Roma aderant.* Et subinde: *Factus est Cornelius Episcopus de Dei & Christi ejus judicio, de Clericorum penè omnium testimonio, de plebis, qua tunc adfuit, suffragio, & de Sacerdotum antiquorum, & bonorum virorum Collegio.* Concilium Nicænum can. 4. & 6. *Episcopum decernit constituendum*

stituendum esse ab omnibus Provincia Episcopis, aut saltem assentiente majori eorum parte. Quod idem sancitur in Concilio Antiocheno can. 19. aliisque innumeris Romanorum Episcoporum Decretis. Leo quidem Magnus epist. 92. ad Rusticum: Nulla (ait) ratio fuit, ut inter Episcopos habeantur, qui nec à Clericis sunt electi, nec à plebibus expetiti, nec ab Episcopis Provincialibus cum Metropolitani iudicio consecrati. Atque habetur in c. nulla ratio, dist. 62.

Illo itaque ritu Romani Episcopi creabantur, ut constat ex Cypriano præcitato. In electione verò Damasi interponi primum cæpit Cæsaris authoritas, occasione schismatis ab Ursicino suscitati. Idem iteratum deinceps in aliis quibusdam ortis ex schismate dissidiis. Res quippe composita sunt à Valentiniano inter Damasum & Ursicinum. Et ab Honorio inter Bonifacium & Eulalium. Et à Theodorico Rege inter Symmachum & Laurentium. Deinde Justinianus Imperator recepta de Gothis Italiâ, noluit quemquam pro Romano Pontifice admitti, nisi post suam approbationem. Idque ita sub eo, & qui ei successerunt Imperatoribus, usu servatum est usque ad Constantinum quartum Augustum, qui Benedicti secundi Pontificis hortatu omnem permisit creandi Papæ potestatem Romano Clero, & populo.

Sigebertus Historicus schismaticus, atque Henrici Imperatoris partes adversus Romæ Pontifices propugnans, fabulam commentus est Synodi Romanæ centum quinquaginta

trium Episcoporum, in qua Hadrianus Papa Carolum Magnum summo decoravit privilegio non modò confirmandi novi Papæ electionem, quod jus à Justiniano usurpatum in successores Imperatores diminarat; sed quod hætenus fuerat inauditum, solâ & propnâ authoritate eligendi Pontificis pro libito; & præterea Episcopos per singulas Provincias pariter eligendi, & per investituram præficiendi vacantibus Ecclesiis. Post Sigebertum Gratianus nimia credendi facilitate adductus commentitium illius Concilii decretum suæ Canonum collectioni inseruit. Quæ res multos incautos, ipsumque Onuphrium decepit. Sed hanc fabulam validissimis argumentis Baronius refellit, quibus alias superaddit paris roboris convictiones Joannes Morinus in suis lucubrationibus *de Origine & progressu temporalis Romanorum Pontificum potestatis*. Canon itaque incipiens, *Hadrianus Papa, &c. in Synodo, dist. 63.* dignus est qui expungatur & obliteretur cum eo qui præcedit Canone historico.

Itaque ex quo tempore Carolus Magnus Longobardorum Rege Desiderio suis armis profligato Romanam Ecclesiam in libertatem vindicavit, Romanis deinceps liberæ fuerunt Summorum Pontificum electiones ad Leonem usque octavum, qui quum depulso Joanne duodecimo per vim sacrilegam, fuisset ab Othone Imperatore nominis hujus primo, in dejecti locum ac sedem promotus, derivatum

tum tandem in Imperatores Occidentis jus istud electionis Papæ fuit, quo deinceps usi, quin potius abusi sunt Imperatores Germani ad Henricum usque tertium, ex Franconiæ Duce Imperatorem, quando Gregorius Papa septimus integrum istud jus ab Imperatoribus Germaniæ ad Romanum Clerum revocavit: quam latius historiam prosequuti sumus ad Concilium Oecumenicum nonum, seu Lateranum sub Callisto secundo. Quum verò eandem eligendi Papæ potestatem adhibitâ vi sacrilegâ Henricus quartus tertii filius à Paschali secundo extorsisset, idem Paschalis coacta Synodo concessionem injustam revocavit. Sanctissimus quidem Papa Gregorius Magnus *in comment. ad Psal. 4. pœnit.* tyrannicam dicit sæculi sui consuetudinem, quâ vetabant Imperatores Græci injussu suo, imò nonnisi acceptâ pecuniæ summâ, Romanorum Episcopum ordinari.

Haud planè compertum est, quandonam solis fuerit Cardinalibus attributa Summi Pontificis electio. Constitutio quidem de Cardinalium conclavi procusa est in hoc secundo Lugdunensi Concilio. Perspicuum autem est ex Petri Damiani testimonio, jus eligendi Papæ pertinuisse ipsius tempore ad solos Ecclesiæ Romanæ Cardinales. Verisimile est, sumptum fuisse hujus rei exordium à Leonis noni inauguratione, quando Hildebrandi studio ac operâ electus Romæ Pontifex fuit, postquam eundem Imperator ipse creaverat. An verò ante Othonem

618 *Notitia Conciliorum S. Ecclesiæ,*
Othonem primum fuerit penes solos Ecclesiæ
Romanæ Cardinales potestas eligendi Papam,
incompertum est.

De Cardinalium porrò eminentia sic refert
Petrus Damiani, & ipse Cardinalis, qui sub
Leone nono; ejusque successoribus omni vir-
tutum laude florebat, lib. 1. epist. 20. *Romana
Ecclesiæ Cardinales Romanum Pontificem prin-
cipaliter eligunt; & quibusdam aliis prerogativis
non modò quorumlibet Episcoporum; sed etiam
Patriarcharum; atque Primatum jura transcen-
dunt: salvo quippe universalis Ecclesiæ Sacra-
mento; isti sunt oculi unius lapidis, ipsi lucerna
unius candelabri.* Sanctus Bernardus lib. 4. *de
consider.* Cardinales vocat orbis judices. Extat
rescriptum Pontificis Eugenii quarti ad Hen-
ricum Cantuariæ Archiepiscopum; & Angliæ
Primates; & refertur apud Jacobatum Car-
dinalem lib. 1. *de Concilio*, ubi hæc referuntur
Eugenii verba: *Ipsos præterea Cardinales pro
honoris & dignitatis eminentia partem sui cor-
poris Summi Pontifices appellant, ex quo sine ulla
dubitatione ostenditur, post caput Ecclesiæ, quod
est Papa, contigua sui corporis membra, qui
sunt fratres ejus Cardinales, præ cæteris Ecclesiæ
membris ac partibus honorari debere.* His etiam
ista Eugenius adjungit, quoscunque Primates,
& Episcopos à Cardinalibus Summo Pontifici
assidentibus judicari, & singulos Episcopos
singulis ac particularibus Ecclesiis præesse &
providere; Cardinales autem universæ sub
Papa Ecclesiæ. Profert demùm Eugenius Su-
periorum Generalium Conciliorum exempla,
præsertim

præsertim duorum Lugdunensium, in quibus Cardinales citra omnem ambiguitatem honoratiorem præ cunctis Episcopis locum tenuerint, teneantque etiam nunc, in Concilio nimirum Florentino, quod tunc temporis agebatur. Insuper Leo Papa decimus in Concilio Lateranensi *sess. 9.* asserit S. R. E. Cardinales reliquos omnes dignitate ac honore post Summum Pontificem antecellere. Novissimè Concilium Tridentinum *sess. 15. de reform. capite 1.* ait Cardinalium consilio apud sanctissimum Romanum Pontificem universalis Ecclesiæ administrationem niti.

Quin imò his longè antiquior Ioannis Papæ octavi, qui sæculo nono vixit, constitutio declarat, *Romana Ecclesia Cardinales eodem fungi apud Romanum Pontificem officio in sancta Dei Ecclesia, quo seniores septuaginta apud Moysen in Synagoga.* Ideoque decretum confirmat Leonis quarti prædecessoris sui, ut scilicet bis in hebdomada Cardinales ad sacrum Apostolicum Palatium conveniant, ad providendum & decernendum pro universarum Ecclesiarum sollicitudine, pro Clericorum disciplina, & pro laïcorum querimoniis auscultandis & definiendis. Ex quibus liquet, in Cardinalibus constitui universalis Ecclesiæ Senatum, atque ordinarium summi Pontificis Consilium. Nulla quippe tam præcellens sapientia est, quæ consiliorum adminiculis non egeat; aded ut præclare observet S. Chrysost. *homil. ad cap. 1. Act. Apostol.* Petrum Apostolorum Principem, sancti Spiritus donis cumulativè ornatum

ornatum & munitum, nihil per propriam auctoritatem aut imperium constituisse, sed in rebus gravis momenti agere solitum ex fratrum consilio, ut liquet in electione successoris Judæ Iscariotis ad Apostolicum munus, & in disceptatione orta circa legalium observationem. Ex his perspicuum est S.R.E. Cardinalibus respectivè attribuendum esse, quod ipsi decernunt Imperatores *l. unica, C. de prapof. labor. lib. 12. Immunitate digni sunt quos lateris nostri comitatus illustrat.* Idem enim à Papa de his proferri potest.

Cardinalium prima, quæ legitur, mentio fit in Romano Concilio sub Sylvestro primo, cujus canone 6. refertur fuisse tunc in Romana Ecclesia septem Diaconos Cardinales. Post annos verò circiter trecentos sanctus Gregorius Papa sæpenumero meminit Cardinalium Sacerdotum & Diaconorum, nec tantum Romanæ Ecclesiæ, sed etiam remotiorum Ecclesiarum. Siquidem *lib. 2. epist. 13. indiēt. 11.* constituit in Ecclesia Terracinæ Sacerdotem Cardinalem, & *eod. lib. epist. 6. indiēt. 10.* Joannem constituit Episcopum pariter Cardinalem in Scyllatina Ecclesia: & *lib. 4. epist. 14.* providet ut in Syracusanam Ecclesiam quidam cooptetur Diaconus Cardinalis. Similiter *lib. 5. epist. 11.* concedit Fortunato Episcopo Neapolitano, ut Gratianum constituat in Neapolitana Ecclesia Diaconum Cardinalem. Porro ad dictionem hujusmodi ad aliquam Episcopalem Ecclesiam, vocat passim S. Papa Gregorius nunc ordinationem, nunc incardinationem.

In

In ejusdem etiam vitæ libro 3. cap. 15. testatur Joannes Diaconus his verbis: *Civitatum desolatæ Pontifices Gregorius vacantibus civitatibus incardinare curabat.* Et exemplum subjicit Martini Tamitanæ Ecclesiæ Episcopi, quem quia fuerat illa Ecclesia ab hostibus devaltata, vacantis jam Aleriensis Ecclesiæ Episcopum Cardinalem constituit. Præterea Meldensis Concilii canone 54. constituitur, *Vt Episcopus titulos Cardinales in urbibus, vel suburbiis constitutos ordinet, atque disponat.* Ut fateri necesse sit, titulos Cardinales fuisse quoque aliarum à Romana Ecclesiarum, nec tantum Episcopaliū, seu Cathedralium, sed etiam inferiorum, in quibus Sacramenta fidelibus conferenda ex officio erant.

Cæterum ex Gregorii Magni præfatis literis, & ordinationibus id ego colligo, quod cum liberum Episcopis esset Sacerdotes & Diaconos subjectis sibi Ecclesiis præficere, & populis insuper Episcopali vacante Sede novos sibi Episcopos eligere; nihilominus haud licuisse ex alienis Ecclesiis Clericos iisdem addictos præficere aliis Ecclesiis, quatenus ejusmodi translationes Episcoporum, Sacerdotum & Diaconorum fieri Nicæna Synodus prorsus interdicit *can. 15.* Ideoque ut hoc fieret, opus fuisse Apostolica dispensatione, quam præfatis locis indulget S. Gregorius ex justa causa, quia nimirum pristina Ecclesiæ à Barbaris exeisæ erant.

Canon Lugdunensis 24. in usum revocat cum pœnarum adjectione Innocentii quarti
consti

constitutionem de non recipiendis in pecunia procurationibus & muneribus, etiam sponte oblatis, tempore visitationis Episcopalis. Illa porro habetur in c. *cum Apostolus*, de censibus. Concilii Toletani septimi canon 4. statuit, ne Episcopus Diœcesin visitans se onerosum Ecclesiis exhibeat, néve quinarium evectionis (id est equitatus) numerum excedat. Fidem certè omnem excederet, nisi Canonibus hoc testatum esset, tam insanam Episcopis aliquando incessisse ambitionem & fastum, ut generali Lateranensi sub Alexandro III. Concilio visum fuerit præ illa effusa licentia rationabile moderamen, dum vetuit Archiepiscopis quinquaginta vecturas excedere, Episcopis verò transilire triginta vecturas tempore visitationis. Ad postremum Tridentina Synodus sess. 24. de reform. cap. 3. ita in his providit: *Modesto contenti comitatu, famulatuque studeant Episcopi quamcelerrimè, debita tamen diligentia, visitationem absolvere. Nec quidquam procurationis causâ pro visitatione, exceptis victualibus suis & suorum moderatis & frugalibus, accipiant.*

Canon Lugdunensis 25. providet Ecclesiarum venerationi, & prohibet intra eas universitatum, & societatum quarumlibet concilia, conciones, & publica parlamenta: vetat insuper confabulationes quascumque, atque in eis, necnon in cæmeteriis, negotiationes, nundinas, & cujuscunque fori tumultus, omnesque judiciorum sæcularium strepitus. Statuit demùm, ut processus sæcularium Judicum, & sententiæ iisdem in locis prolatae careant omni robore

Cap. LXXXIX. Concil. II. Lugdun. 623
robore. Legitur verò in *c. dedecet*, de immunit.
Eccl. in 6. domum quippe Domini decet sanctitudo. *Psal. 92.* Est namque domus orationis. *Deut. 14. Isaia 56. Jerem. 7.* Ideoque etiam verberibus de templi porticu negotiatores Christus exegit. *Math. 21.*

(CAPUT XC.

*Concilium Viennense generale decimum-
quintum.*

Ierosolymis versabantur Milites religiosi votis adstricti, qui cum prope Templum habitarent, Templarii dicti sunt. Horum officii erat Christianæ ditionis fines armis tueri, latrocinia & incursiones infidelium Christianos peregrinantes infestantium inhibere. Quo in munere laudabilem initio navarunt operam. Verum immensis opibus aucti, moribusque in deteriora mutatis, eò nequitiae tandem prolapsi sunt, ut occulta cum Saracenis & Turcis fœdera & conspirationes inirent, seque omni genere impietatis, & nefandæ libidinis flagitiis contaminarent nocturnis in conventibus, in quibus cæsorum infantium nefarias victimas idolo litabant, & sacrilegos concubitus exercebant.

Ista comprobata sunt scelera innumeris per diversas Provincias editis processibus ex mandato partim Summi Pontificis, partim plerorumque sæcularium Principum, partim ex officio

ficio Prælatorum & Magistratum, quibus etiam accessit plurimorum reorum confessio. Istiusmodi convictiones postquam sedulò examinavit Oecumenica sacra Synodus toto ex orbe Christiano collecta, judicavit eas exploratas, veras, & ita certas, ut cumulatè succurrerint ad tanti, perque omnes Christianas plagas propagati Ordinis damnationem & extinctionem, ut mihi delirare videantur, & planè desipere, qui post Concilii generalis judicium, illorum Militum patrociniū haud verentur suscipere, ipsūque Concilium condemnare, & vel omnium profligatissimi sceleris, vel belluinæ stoliditatis incusare. Non sum usque adeò imperitus, ut in rebus facti à divina Scriptura minimè asserti, contendere ausim, Ecclesiam ipsam errare, aut falli non posse, aut istiusmodi decreta ad fidem divinam pertinere. Verumtamen rem istam humanis & moralibus rationibus excutiendo (ut venerationem & observantiam seponam, quæ sacris Oecumenicis, & à Summo Pontifice probatis Synodis debetur) quis credat contigisse, ut tanta ex tot Provinciis convocata Præsulum, Principum, Legatorum, atque Doctorum multitudo, quorum haud exigua pars etiam sanguine vel affinitate plerisque illius Ordinis Militibus conjuncta erat, in tam immane flagitium unanimi assensu conspiraverit, atque adeò in tanti momenti causa, in qua de potentissimi, & sæculari nobilitate illustrissimi Ordinis toto orbe propagati non modò abolitione, sed etiam atrocissima damnatione, supplicia

plicioque agebatur; ideoque gravi censura digna est Trithemii in suo Hirsaugiensi Chronico, aliorumque quorundam temeritas, qui Templarios falsis criminibus oppressos fuisse asserere ausi sunt.

Cum verò necesse esset tam exitialem pestem extingui, summiq[ue] momenti & discriminis esset præpotentissimum Ordinem funditus exterminare, sapienter judicavit Clemens V. esse id negotium, innumeris alioqui obrectationibus obnoxium, per Concilium generale judicandum.

Præterea pullulabant eo tempore in Germania Begardorum & Beguinarum sectæ, dogmatizantes: Primum, posse homines in hac vita mortali tam sublimem perfectionis gradum assequi, ut neque peccare ullatenus, neque ulterius in gratia progredi possint: 2. Neque jejunare, neque aliam exercere corporis aut animi inactionem, ac asperitatem debere, qui versetur in illo sanctitatis gradu: 3. Nec eundem astringi humanorum mandatorum, aut Ecclesiasticarum legum, sæculariumque observatione, utpote in summo libertatis filiorum Dei apice constitutum: 4. Ex hac ipsa vita posse eundem ea potiri felicitate, qua major in cælo futura nulla sit: 5. Perfectam, consummatamque felicitatem ex natura & hominis arbitrio ita pendere, ut nullo sit opus gloriæ luminis infuso: 6. Esse hominis adhuc imperfecti virtutum exercitationem, quàm longè a se abdicat quisquis perfectus est: 7. Libidinum actus, ad quos natura ipsa inclinatur, nul-

latenus culpam involvere : 8. Dum elevatur, aut exponitur Christi corpus, minime debere perfectum hominem genua flectere, aliamve exhibere venerationem; quia sic agens de illo sublimi contemplationis suæ fastigio se demitteret, si vel de Christi Sacramento, vel de vita ejusdem, aut passione dignaretur cogitare. Id verò solenne illis, & consuetum erat, ut omni se libidinum genere contaminarent. Conformes erant isti sectarii Massalianis, qui etiam Euchitæ, & Enthusiastæ dicebantur, quorum Epiphanius & Theodoritus meminerunt. Hi enim, Theodorito attestante, exiguam vim Sacramentis Ecclesiæ, virtutumque exercitationibus attribuebant; maximam verò suis illis fanaticis orationibus. Idemque Epiphanius referente, fœditati promiscuorum concubituum indulgebant.

Has ut evelleret criminum propagines Clemens, Synodum Oecumenicam Viennæ in Gallia collegit anno supramillesimum trecentesimo undecimo, quo regnabat in Gallia Philippus cognomine Pulcher. Hic damnatæ sunt impuræ Begardorum & Beguinarum sectæ, simulque Fraticellorum, seu Dulcinistarum secta, cujus author Dulcinus concubinam Margaritam à se imprægnatam, de Spiritu sancto concepisse asseverabat. Isti quoque promiscuos concubitus in locis abditis exercebant; visionem beatificam post ultimum judicium differri prædicabant. Damnati pariter hic fuere Petri Joannis errores, negantis animam rationalem, quæ rationalis est, formam esse corporis; & gratiam

gratiam ullam, aut virtutes in Baptismo infundi : asserentis autem Christi viventis latuſ fuisse lanceâ percusſum , nec habendam fidem contrariâ , quam Evangelista prodidit , assertioni. Horum dogmatum damnatio refertur ex hac Synodo in *Clementina* 1. de ſum. Trinit. & in *Clement.* ad noſtrum, de hæret. Templariorum quoque Ordo iſthic aboletur , eorumque opes Hoſpitalariis ſancti Joannis Militibuſ addicuntur.

Circa uſuras hîc etiam ſtatuitur , illum qui pertinaciter affirmarit uſuram non eſſe peccatum, eſſe hæreticis accenſendum, & procedendum contra eum eſſe ab hæreticâ pravitate Inquiſitoribus. Communitateſ autem , & officialeſ , qui ſtatuerè in favorem uſurarum , aut judicare præſumpſerint, aut qui talia edita ſtatuta de libris , vel tabulis publicis non oblitteraverint, excommunicatione aſtringi. *Clement. ex gravi, de uſur.*

Hîc advertant Principes & Magiſtratus Chriſtiani, qua ratione poterunt Dei judicium evadere, qui Judæis ſibi ſubjectis indulgent Chriſtianas familieſ per contractus uſurarios aperte ſpoliare , quo pinguioreſ ſibi lucrentur à Judæis contributioneſ, ſeu potiùſ à miſeriſ Chriſtianis, quorum idèò Judæis permittitur devoratio , ut ex horum pernecie ipſi Judæi poſſint exſolvere impoſiteſ ſibi præſtationeſ. Id verò eo magis attendendum , quòd uſurarum prohibitionem conſtat eſſe divini juris , cui nec ipſa poſſit Eccleſia derogare. Nec ambigendum poſt Judaïſmi factam à Deo reprobatio-

nem, non modò non licere Judæis spoliare Christianos, qui soli populus Dei sunt; sed nec ullos paganos ac infideles: ex quo enim Judæos reprobavit Deus, simul etiam omnia privilegia voluit abolita, quæ iisdem tanquam populo sibi speciatim accepto & dilecto contulerat.

Quia verò de Judæis incidit occasio ex usuris quas exercent, hoc sciendum, prodiisse anno 1542. Martii 21. Pauli Papæ tertii constitutionem, quæ incipit, *Cupientes*, quâ statuitur, Judæos ad fidem conversos remanere quidem indispensabiliter obligatos ad usuras, quas ex cognitis, certisque personis exegerunt, restituendas: sed quoad usuras quæ vel ob personarum incertitudinem, vel ob justum aliud impedimentum persolvendæ essent pauperibus, aut ad alias pias causas destinandæ, declarat Summus Pontifex se ab hujusmodi dispensare, ut possint Judæi conversi sibi ipsis retinere. Hoc idem iisdem ferè verbis sanciverat Concilium Basileense *sessione 19.*

Providit præterea Viennense Concilium circa Regularium privilegia. Concilium quidem Chalcedonense *can. 9.* constituit debere Monachos Episcopis locorum subjacere, eisque obedire: sed temporum processu, maxime verò post Mendicantium Ordinum exortum, multa eis concessa fuerunt, & subinde partim recisa, partim attemperata privilegia. Constituerat Bonifacius Papa octavus, *c. super cathedram, de sepult. in extrav. commun.* non posse exemptos, atque mendicantes Regulares prædicare,
aut

aut externorum confessiones ullatenus audire
citra Ordinatorum licentiam, in quorum dioc-
cesibus versantur. Nonnulla etiam circa ex-
ternorum sepulturas, quæ fiunt in Ecclesiis
Regularium ordinaverat in gratiam Parochia-
lium Ecclesiarum. Sed Bonifacii successor Be-
nedictus undecimus ex Ordine Sancti Domi-
nici assumptus, pietate, doctrinæque commen-
datissimus, præcessoris decretum abrogavit,
*c. inter cunctas, in extrav. communibus, de pri-
vileg.* Postmodum hoc ipsum Viennense Con-
cilium constitutionem Benedicti antiquavit,
sanctionem verò Bonifacii in pristinam resti-
tuit auctoritatem, ut legimus in *Clement. du-
dum, de sepult. & Clement. 1. de privileg. & ex-
cess. privileg.* Viennensi huic sanctioni confor-
matur planè Concilium Tridentinum *sess. 23.
cap. 15. de reform. & sess. 25. cap. 4.* & his poste-
riora decreta Gregorii XIII. anno 1567. Gre-
gorii XV. in Bulla *Romanus Pontifex in spe-
cula*, anno 1622. ejusdemque Bulla *Inscruta-
bili*. His similes edidere sanctiones Urbanus
VIII. & Innocentius X. in Bullis annorum
1648. & 1653. quarum utraque est mensis Maii,
in causa Episcopi Angelopolitani, & Regula-
rium Societatis JESU. Et novissimè Alexan-
der septimus in simili causa Episcopi Andega-
vensis, & Societatis præfatæ, aliorumque Re-
gularium, die 26. Februarii 1659. Huc etiam
spectat concordatum mediatore Cardinali Ar-
mando Richelio, transactum inter Episcopos
Regni Francici, & quorumvis Ordinum Re-
gulares, Parisiis die Februarii 19. anno 1633.

630 *Notitia Conciliorum S. Ecclesie,*
quod exactè conformatur præfatis Concilio-
rum & Pontificum sanctionibus, & inser-
tum legitur in tabulis Actuum Cleti Galli-
cani.

Hæc eadem Synodo Viennensi exposita, ex-
plicataque fuit S. Francisci regula, multæque
circa illam elucidatæ quæstiones, quæ legun-
tur in Clementinis *de verborum signific.*

Dectetum insuper hîc fuit, ut in Scholis
& Universitatibus Romæ, Parisiorum, Oxon-
nii, Salmanticæ & Bononiæ constituantur Ca-
tholici Magistri, qui publicè doceant linguas
Hebraicam, Chaldaicam, & Arabicam, duo
videlicet pro qualibet lingua. *Clement. de Ma-
gistris.*

C A P U T X C I.

*Concilium Pisanum XVI. & Concilium Con-
stantiense XVII. Generale.*

EX quo Clemens V. Pontificiam Sedem A-
venione collocavit, hæserunt ibi Summi
Pontifices annis plusquam septuaginta, donec
Gregorius undecimus Romam remeavit. Sed
eo Romæ defuncto, Christi anno millesimo
tercentesimo septuagesimo octavo, Cardinales
majori ex parte Gallicani, cum omnes unâ
convenissent ut conclave ingrederentur, Ro-
manus populus veritus, ne iterum Pontificis
Sedes in Galliam traduceretur, concitato tu-
multu

multu petiit ab ipsis, interminatus etiam illis extremum, si secus facerent, exitium, ut non alium quàm Italum Papam eligerent. Postquam verò se conclavi Cardinales incluserunt, populus in urbe, præeunte urbis Magistratu, effractis conclavis repagulis se intromisit, incensurum se minitans conclave cum Cardinalibus. Tum perterriti electores, nulla habita, ut ait Ciaconius, discussione personæ, festinanter Bartholomæum Prignano Barii in Apulia Episcopum eligunt, neque præsentem, neque Cardinalem. Hic autem Romam accitus, statim se Cardinalium severum animadversorem ac reformatorem & verbis & rebus ipsis profiteri cœpit; quocirca omnes sibi reddidit infensos, aded ut præter unicum Cardinalem reliqui omnes diversarum nationum per speciem vitandi æstivi caloris Anagniam primùm, deinde Fundos secesserint: ubi conventu facto electionem Bartholomæi Prignani Archiepiscopi Barionensis in Summum Pontificem, qui nomen sibi sumplerat Urbani sexti, irritam, utpote gravissimo extortam metu, declarantes, Robertum de prosapia Comitum Genevæ, Cameracensem Episcopum & Cardinalem renunciant Pontificem, qui Clemens septimus dici voluit, promovente negotium Joanna Regina Neapolitana cum suo conjuge Othone. Romæ Urbanus hæsit, Clemens Avenione sedem fixit. Urbanus Joannâ ditis devotâ & abdicatâ, Neapolitanum Regnum in Carolum Dyrrachinum Joannæ consanguineum transtulit, à quo illa arctissimè ten-

632 *Notitia Conciliorum S. Ecclesie,*
dem obsessa, & ad sui deditiōem compulsa
stragulata fuit.

Neque verò amborum Pontificum morte
schisma desit. Urbano extincto Bonifacius
successit, Bonifacium Innocentius septimus ex-
cepit, & hunc Gregorius duodecimus. Cle-
mens verò successorem habuit Petrum de Lu-
na Hispanum, qui Benedictus decimus-tertius
dici voluit, quippe Pontificis apud suos nomen
ultra triginta annos retinuit vivens.

Cum igitur tam pernicioso dissidio Ecclesia
in duas scinderetur partes, & periculum urge-
ret ne partium studiis & novorum subroga-
tione Pontificum schisma æternum propaga-
retur, tandem convenere Pisis utriusque partis
Cardinales & Principes, postquam inaniter &
sine successu Gregorium & Benedictum sæpius
hortati sunt, ut ambo convenirent pro Eccle-
siæ unitate & pace, & si aliud remedium non
occurreret, salutem ac dignitatem Ecclesiæ
propriæ temporali gloriæ, ut par erat, antefe-
rentes, se ambo Pontificatu abdicarent, & sa-
cro Cardinalium Collegio, aut etiam generali
Concilio totum conciliandæ pacis negotium
dimitterent. Cum igitur Pisis convenissent di-
versis ex Provinciis unà cum Cardinalibus
Episcopi & Principum Legati, ambos de Pa-
patu contententes, ac potius inter se mutuo
colludentes, ter citatos, nec prorsus compa-
rentes declarant Pontificio culmine indignos,
& utrique Pontificatum abrogant. Cardinali-
bus permittunt ut conclave ingressi, solique
novum inter se Papam cooptent. Id ita factum,
quatuor

quatuor & viginti Cardinales seorsim secedentes Pontificem renunciant virum meritissimum Petrum Cretensem Cardinalem tituli Sanctorum Apostolorum, ex Ordine Minorum Sancti Francisci, Archiepiscopum Mediolanensem, eximia morum probitate & sublimi peritiâ Theologiæ conspicuum, qui Alexander quintus dici voluit.

Isti Pisano Concilio tres interfuere Patriarchæ, Alexandrinus, Antiochenus, & Hierosolymitanus, cum Episcopis trecentis & innumeris Abbatibus, & consummatissimis Doctoribus. Sanctus quidem Antoninus in istud Concilium iniquior fuit: hac unica ratione adductus, quod non fuerit à Papa indictum, quin potius à Gregorio duodecimo, cujus ipse causam ardentius tuetur, reprobatur. At fuerant enixè rogati & interpellati ambo Pontifices (qui ambitione damnabili propriam magis, quàm Dei gloriam diligentes, recusarunt) Ecclesiæ cui se præfectos gloriabantur, necessitati extremæ cum propriæ demissionis periculo consulere: neque aliud succurrebat tantæ & perpetuò duraturæ perniciæ remedium, quàm per œcumenicam Synodum.

Itaque universa Ecclesiæ jure merito Concilium istud amplexa est, electumque in eo Alexandrum quintum inter legitimos agnoscit, & insequentes cognomines Pontifices respectu ad hunc quintum recenset Alexandros sextum & septimum. Pisani Concilii jura egregiè tuetur Azorius *p. 2. lib. 5. cap. 17.* si dum schismate divellitur Ecclesiæ Dei, nec aliud præsto est

remedium, quatenus de Pontificatu contententes nolunt prorsus se demittere, vel alio efficaci remedio per Concilii indictionem providere fidelium presentium & futurorum quieti & saluti, Christus suam Ecclesiam, tametsi suo sanguine emptam & sibi desponsatam, neglexisset, gregemque suum infestantibus lupis pro derelicto habere voluisset, si iidem ipsi, ad quos spectat Papam eligere, non possent Synodum legitimam convocare ad providendum Ecclesie incolumitati. Major utique est Christi erga gregem suum universum charitas & providentia, nec istis immanibus repagulis impedienda est in extrema necessitate salus totius Ecclesie, in oppositas, & alioqui perpetuas partes miserandum in modum dissectæ.

Pisanum istud Concilium anno contigit millesimo quadringentesimonono; nec tamen Ecclesie scissuram refarcivit propter pervicacem utriusque ambitionem, & Gregorii duodecimi, & Benedicti, qui antea mutuo infensi, jam simul conspirabant ad tuendam singuli quam possidebant, dignitatem, atque ut in communi causa colludebant. Nec aliud Synodus præstitit, quam ut duobus Pontificibus tertium adjungeret. Defuncto postmodum Alexandro quinto, subrogatus est Ioannes vigesimus tertius, æmulos & contententes adversum se habens Gregorium & benedictum. Hujus tamen in dies minuebatur apud suos authoritas; ab hoc enim se jam subtraxerat Gallie Rex, unde in Hispaniam, quæ patria illi erat, secessit, ubi Aragonum Regis Ferdinandi favore & opibus susten

sustentabatur. Sanctus enim Vincentius Ferrerius cum causam Clementis, ejusque successoris Benedicti justiore crederet quam Urbani & Gregorii, suaserat Ferdinando ut Benedicti causam tueretur.

In tanto Ecclesiæ discrimine Sigismundi Bohemiæ, & Hungariæ Regis, Romanorumque Imperatoris pietas cum prudentia conjuncta refulsit. Quippe ut pacem conciliaret Ecclesiæ, non solum frequentes Legatos & literas in omnes partes destinavit, verumetiam Galliam, Angliam, Hispaniam, Italiam peragrate non dubitavit. Quinetiam à Joanne primum, deinde à Gregorio publicas obtinuit literas novum Concilium indicentes, cum propriæ demissionis promissione ad schisma extinguendum.

Egerat per literas Sigismundus cum Ferdinando Rege, ut Nicæ (quæ civitas est Provinciæ Narbonensis) ambo convenirent, simulque Benedictus ipse. Cum tamen se Ferdinandus ob affectam valetudinem ab hoc itinere excusaret, non dubitavit Imperator ad Aragonensem accedere, qui tum Perpiniæ verfabatur, quò etiam perurgente, & quando detrectaret defectionem, comminante Ferdinando, adventavit Benedictus mortalium pertinacissimus, accepta securitatis suæ à Ferdinando & Sigismundo schedula & fide. Hic ab utroque Principe impensissimè rogatus ut exemplum Collegarum sequutus, & studio tactus Ecclesiasticæ unitatis, manus quoque porrigere vellet, sequæ judicio Synodi Constantiensis à Joanne

Joanne, Gregorioque indictæ, & tum temporis congregatæ, ex qua etiam pro hujus negotii gestione cum ipsius Concilii mandato Sigismundus excesserat, & quò subinde regressurus erat, committeret.

Cæterum Benedictus sua identidem jura recensendo, multisque verborum ambagibus amplificando, se præstitit inexorabilem, quamvis Ferdinandus, qui unus ei protector supererat, defecturum se ab eo minaretur. Unde ille vim sibi illatum iri metuens, clam dilabitur ad Colliberis portum, in quo duas habebat expeditas trifies, & sine morâ è portu solvens ad Peniscolam velificavit, Hispaniæ citerioris oppidum, quod majore sui parte mari aluitur. Arcem ibi possidebat ille munitionibus & propugnaculis, militumque præsidio atque copioso comœatu instructam, qua inclusus vitam reliquam exegit cum Pontificiis insignibus. Ferdinandus eo derelicto adhæsit Constantiensi Concilio, quod dudum Joannes & Gregorius indixerant cum plena in seipsos potestate, quantâ opus erat ad instaurandam Ecclesiæ unitatem.

Id verò felicissimè Synodus præstitit, abrogata tribus Pontificibus dignitate, novoque creato Pontifice Odone Columna Cardinali tituli S. Georgii in Velabro, qui sibi Martini quinti nomen indidit. Forma verò in hac promotione ex decreto sacri Concilii consentientibus Cardinalibus servata hæc fuit; ut Cardinales non soli, sed adjunctis etiam sex Legatis singularum quinque nationum, quos in ipso

ipso Concilio singulæ sibi delegerunt, Itala, Gallica, Germanica, Anglica, & Hispana, qui omnes pro hac sola vice ad refecandos omnes schismatum prætextus in conclave ingressi sunt, & simul cum Romanæ Cardinalibus Ecclesiæ Pontificem memoratum crearunt. Cui electo universi unanimi consensu se submiserunt, præter Benedictum, à quo nemo quidquam formidabat ab omnibus despecto, suæque arce veluti carcere concluso, unde alterius molestioris carceris formidine pedem efferre ausus non esset. Synodus Constantiensis inchoata Christi anno millesimo tercentesimo decimoquarto, dirempta est anno millesimo tercentesimo decimo octavo.

Gregorius quidem duodecimus ante solutum Concilium interiit. Joannes autem vigesimustertius primis quidem sessionibus Synodo præfedit; at mutato postmodum animo clam se subduxit, & in oppidum quoddam Ducis Austriæ, imploratâ ejus ope se recepit. Quæ causa fuit Synodo in ipsum asperius agendi. Postulatus itaque fuit gravium criminum reus, quorum fuit multis probationibus & testimoniis servato juris ordine convictus, eidemque de novo latâ sententiâ Patres Pontificatum abrogavere. Quam etiam sententiam proprio consensu Joannes ipse approbavit, neque distulit Pontificio palam se abdicare, postquam Sigismundus eum ex fuga receptum ad Concilium reduxit.

Interea dum in custodia jussu Concilii, ne quid cōtra Ecclesiæ quietem moliri posset, detinetur,

tinetur, Joannes custodibus vel elusis, vel corruptis dilabatur denuò, atque ad novum Pontificem Martinum Florentiæ tunc degentem confugit, & se abjicit ad ejus pedes, à quo perbenignè fuit exceptus, concessumque ipsi, ut libertate cum Cardinalis gradu, aliisque honoribus & Ecclesiasticis emolumentis potiretur.

Antipapa verò Benedictus septennium Concilio supervixit, atque in suis etiam latebris ad extremum spiritum se pro Summo Pontifice gessit. Hic ab electione sua totos triginta annos suam illam umbratilem dignitatem ingenti Ecclesiæ damno produxit. Perduravit schisma usque ad Constantiense Concilium annos quadraginta. Si verò annos recenseas Petri Lunensis, quibus superstes Concilio fuit, & annos quos deinde transegit subrogatus ei successor, pertingit schisma ad Quinquagesimum annum. Tres enim Benedicti Cardinales, sicut hic moriens illos adjuraverat, successorem illi dederunt, qui se Clementis octavi nomine insignivit. Alfonsus porro Aragonum Rex Martino quinto infensus, quòd esset in Ludovicum Andegavensem propensior, cum quo Alfonsus bello contendebat pro Neapolitano Regno, Clementem Antipapam ad novos Cardinales creandos incitavit, ejusque patrocinium apertè suscepit. At Clemens tandem meliore consilio post aliquot annos se Martino sponte subdidit.

Alteram Constantiæ Synodo causam præbuit Huissitarum hæresis, quæ totâ Bohemia incre

inerebuerat. Joannes enim Hus Sacerdos, Joannis Vvicleffi Angli libros & errores per Bohemiam disseminavit, novis etiam adjunctis, quos omnes sacra Synodus execrata est. Joannes Hus flammis addictus est. Par quoque sequenti anno supplicium tulit Hieronymus Pragensis earundem hæreseôn acerrimus propugnator. Inter Hussitarum insigniores hæreses Constantiæ proscriptas hæ recensentur. Hostiam consecratam esse merè materialem panem, Christi verò corpus non esse in Eucharistia concipiendum nisi figurativa loquutione. Confessionem ad aurem nihil esse, quàm hominum inventum. Papam Romanum esse verum antichristum. Neque Regem, neque Principem ullum, neque Episcopum, neque Magistratum, neque Sacerdotem esse nisi nomine tenus, dum est in mortali peccato. Possè & debere quemcunque tyrannum à quocunque subdito interimi. Impium inventum, & Evangelio contradicens esse communionem in solo pane, excluso calice. Ecclesiam non constare nisi ex solis prædestinatis.

Sessione 13. receptam dudum consuetudinem communicandi populum sub sola panis specie sic approbat Synodus Constantiensis, ut aliter fieri sub excommunicatione vetet. Quam prohibitionem innovavit Tridentinum Concilium *sess. 21. cap. 2.* Concilium Oecumenicum Claromontanum, cui præsedit Urbanus Papa secundus, prohibuerat sanè communionem sub una tantum specie Sacramenti, *cap. 28.* Hic itaque sententia verificatur Augustini
lib. 2.

640 *Notitia Conciliorum S. Ecclesie,*
lib. 2. de baptis. cap. 3. *Ipsa* (inquit) *plenaria*
Concilia saepe priora à posterioribus emendantur,
quum aliquo experimento rerum aperitur quod
clausum erat , & cognoscitur quod latebat. Hoc
tamen Augustini effatum non aliter intelligen-
dum est, quàm in rebus disciplinæ , vel facti,
aut personarum ; non verò in definitionibus
circa fidem , cùm hæ sint in Ecclesia immuta-
biles. Gelasius etiam Papa , de consecr. dist. 2.
c. *comperimus* , statuerat ut singuli sub utraque
specie communicare tenerentur. Cui decreto
videntur occasionem præbuisse Manichæi, quos
Romæ sub Gelasio repullulasse refert Anastasius
in *Gelasio*. Hi enim vinum execrabantur;
ideoque S. Leo Papa *serm. 4. in Quadrage.* ob-
servari præcipit in Synaxibus Manichæos, qua-
tenus indiscriminatim cum fidelibus in sacro
pane communicabant , sed à vivifico semper
Calice abstinebant. Liberum quippe fidelibus
hactenus fuerat , vel sub una , vel sub utraque
specie Eucharistiam sumere.

Sessione 39. decernitur , ut deinceps cele-
brentur ad minimum singulis decenniis Occu-
menica Concilia , per Papam sub finem præ-
cedentis Concilii indicenda. Sic verò decre-
tum incipit : *Generalium Conciliorum celebra-*
tio agri Dominici præcipua cultura est , qua ve-
pres, tribulos & spinas heresum , & errorum , &
schismatum extirpat , excessus corrigit , defor-
mata reformat , & vineam Domini ad frugem
uberrima fertilitatis adducit : illorum verò ne-
glectus præmissa mala disseminat, atque fovet.

CAP.

CAPUT XCII.

*Concilium Florentinum, inter Generalia
decimumoctavum.*

PRimus docuerat Nestorius hæresiarcha Spiritum Sanctum à solo Patre procedere. Huic concordat Theodoretus, dum patrociniū suscipit Nestorii in suis ad Cyrilli anathematismos censuris, tametsi disceptationis caput non in hoc versaretur, sed in persona Christi, & dignitate ac nomine Deiparæ. Ideoque visum non fuit Patribus Ephesi congregatis & Chalcedone, reliqua huc minimè pertinentia, & obiter tantum dicta discutere. Deinde Photius postquam in Sedem Constantinopolis violenter irrupit, ideoque à Nicolao primo Pontifice resectus de fidelium communione fuit, hanc de processione Spiritus Sancti hæresin instauravit in suis encyclicis literis, blasphemiarum & conviciorum plenis adversus Apostolicam Sedem. Hæresis hæc morte Photii sopita fuit, donec eam instauravit Joannes Hierosolymitanus Monachus tempore Leonis Papæ tertii, & Caroli Magni; quam etiam tunc primum damnavit Concilium Aquisgranense. Quo verò hæresis hæc efficacius profligaretur, visum est ad pleniorē Concilii Constantinopolitani declarationem vocem, **FILIOQUE**, adjicere.

SI

Quis enim negare possit eandem Ecclesiam, quæ novum potuit procudere Symbolum ad novas propulsandas hæreses, posse similiter per unius, alteriusve vocis adjectionem hæresin extinguere sese noviter efferentem? Græci tamen schismate ab Ecclesia divulsi adversus Romanam Ecclesiam sibi prorsus invisam anathema dicere ausi sunt. Enimverò quod attinet ad ipsam de Spiritus Sancti processione fidem, non usquequaque post exortum schisma à Latinis diffidebant.

Leo quippe sextus, cognomine Sapiens, Orientis Imperator, Basilii Macedonis filius, & Photio pseudo-Patriarchæ *Κύριος* & coætaneus, epistolam scripsit ad Omarum Saracenorum Regem de Christianæ fidei veritate, in qua sanctissimæ Trinitatis exponens fidem, Spiritum Sanctum à Patre Filioque simul procedere profitetur: unde colligit Baronius ad annum 911. hanc doctrinam tum temporis adhuc invaluisse penes Græcos, tamen Photius discessionis à Romana & Apostolica Sede undequaque causas conquirens, illam ipsam Latinorum fidem reprobaret, à qua posterioribus sæculis universus tandem Oriens discessit. Quamquam in Lugdunensi Concilio sub Gregorio decimo, quicumque interfuere Græci, palam nobiscum professi essent, Spiritum à Patre, Filioque procedere ac dimanare: quam etiam tenuit fidem totâ reliquâ vitâ suâ Michaël Palæologus Imperator; sed haud multò post ab ea rursus fide Græcia descivit.

Tandemque Eugenius Papa quartus, ut accepit Joannem Palæologum Græcorum Imperatorem, & Josephum Constantinopolis Patriarcham expetere Apostolicæ Ecclesiæ unitatem, eos missis literis & legationibus ad rem perficiendam est cohortatus. Ea verò de causa generale Occidentalium & Orientalium Concilium Ferrariæ indixit, ad quod etiam Patres vocavit, qui ad Basileense Concilium conveniant, quorum etiam conventum suo antè diplomate abrogaverat. Horum pars obtemperavit, & Ferrariam concessit; reliqua pars Basileæ pertinaciter hæsit: quin etiam missis Legatis Palæologum & Orientales ad suum conciliabulum invitavit. Sed his potior Synodus fuit, quæ Summi Pontificis approbatione fulciebatur. Joannes Palæologus cum amplissimo Episcoporum Orientalium comitatu honorificè, & liberaliter ab Eugenio, sacraque Synodo exceptus est. Præter Patriarcham Regiæ urbis Josephum adfuerunt Ecclesiarum Alexandrinæ, Antiochenæ, & Jerosolymitanæ Legati.

Anno itaque supra millesimum quadringentesimo trigelimosextimo apertum est Ferrariæ generale Concilium, atque ab initio præcipua dissensionum capita inter Latinos & Græcos ventilata sunt de processione divini Spiritus, de additione verbi ad Symbolum, de sacrificio in azymo aut fermentato, de Purgatorio, de præsentī Sanctorum in Cælo felicitate, de primatu Romani Episcopi. Quibus de rebus sigillatim ita in Concilio disputatum est, ut

senis ex Latinis, & totidem ex Græcis delectis in medio consistentibus, unus quidem proponeret, alius ex altera parte responderet. Aderat uirobique Interpres, qui quæcunque, sive Græcè, sive Latine dicebantur, alterius linguæ parti explicaret. Aderant hinc inde Græci Latinique Notarii, quæcunque hinc inde dicebantur singuli proprio sermone scriptis excipientes. Annum integrum hæ disceptationes Ferrariæ Concilium distinuerunt.

Cum verò Ferrariam pestilens lues incessisset, Florentiam demum Synodus translata est, ubi quatuor etiam continuis mensibus disputatum est. Antiqui Patrum sanctorum & Conciliorum codices Græci Latinique producti, exploratique fuerunt, scriptæque disputationes identidem relictæ.

His peractis Græci in Latinorum consensum accesserunt, & omnium ingenti lætitia & gratulatione Græca Ecclesia Latinæ se adjunxit. Josephus Constantinopolitanus Patriarcha paulò ante Concilii finem obdormivit in Domino, cum vivens in schedula scripsisset se Romani Præsulis primatum, Romanæque fidei Ecclesiæ agnoscere, profiteri & cōplecti. Omnium denique Latinorum atque Græcorum (præterquam Marci Ephesini Metropolitæ) consensu, nonis Iulii anno etæ Christi millesimo quadringentesimo trigessimono, communi decreto Græcè, Latineque edito definitum & proclamatum fuit, Spiritum Sanctum à Patre Filioque, ut ab uno principio æternaliter procedere unica utriusque spiratio-

ne; atque ut hæc fides cunctis ad salutem proponeretur, fuisse convenienter Symbolo additam *Filii* vocem: Et siue in azymo, siue in fermentato pane triticeo Christi corpus ritè confici posse: Aliquem esse Purgatorii locum, in quo fidelium in Christi gratia decedentium animæ, quæ necdum dignis pœnitentiæ operibus pro culpis de integro & ex æquo satisfacerunt, cruciatibus ad tempus expurgantur, easdemque viventium fidelium suffragiis adjuvari. Eorum autem animas, qui nullam à suo baptismo culpam contraxerunt, vel contractas maculas condigna pœnitentia eluerunt, in cœlum mox à morte recipi, & sine mora claro Dei conspectu perfrui. Postremò Romanum Pontificem verè primarium & universalem *JESU-CHRISTI* Domini Vicarium, & Apostoli Petri successorem, totiusque Ecclesiæ Caput esse.

His omnibus peractis, diremptoque Concilio, Legati Armenorum Florentiam ingressi, fidem & subjectionem Romanæ Ecclesiæ professi sunt. Quibus literas dedit Engenius, per quas Armeni circa Sacramenta Ecclesiæ plenius instruerentur. Verumtamen post Patrum in Græciam reditum, illa natio tum ingenua sibi præsumptione, tum diuturnæ dissensionis consuetudine, tum veteri Latini nominis odio stimulata, accedentibus ad hæc Marci Ephesini querimoniis & suasionibus; in pristino maluit schismate persistere, tametsi Imperator, & quicumque unà cum eo Romanam fidem Florentiæ professi erant, in sancto proposito cona-

stanter perseverarunt. At gentis perfidiam post paucos annos ultus est Deus armis & invasione Mahumeti secundi Turcarum tyranni, qui mox ab obitu Joannis Palæologi, regnante hujus fratre Constantino Palæologo, Constantinopolim expugnavit, Græcosque omnes dira servitute oppressit ipso Spiritus Sancti festo, anno supra millesimum quadringentesimum quinquagesimotertio, ut ante triennium ipsis prænuntiaverat Nicolaus Papa quintus Eugenii successor, adductâ illâ Evangelicâ parabolâ de ficu sterili triennio excultâ, & jussu tandem Domini ob sterilitatem excisâ. Fidelis verò Joannes quasi alter Josias substractus est ex hac vita, priusquam Gentiles urbem & Templum Dei occuparent.

Ex Græcis, qui popularium suorum reductioni strenuam navarunt operam, eximie laudis meritum reportarunt Josephus Patriarcha, tum Bessarion Nicænus Episcopus, tum Isidorus Archiepiscopus Thessalonicensis, qui deinde præclaris editis in lucem voluminibus libros Marci Ephesini, quibus hanc Synodum proscindebat, refellit. Quos eosdem Marci libros alii pariter Orthodoxi Græci, contrariis libris oppugnarunt, Josephus Methonensis Episcopus, & Gregorius Hieromonachus magnus Protosyncellus, & postmodum Josepho Patriarchæ Regiæ urbis defuncto succedens.

A quo primum facta fuerit illa in Symbolo tantopere agitata additio, incompertum est. Adèò certè antiqua est, ut illam Photius pseudo-Patriarcha Latinæ Ecclesiæ vitio vertat, indeque

indeque capter criminandi occasionem in sua encyclica epistola, aliisque scriptis. Leguntur fidei professiones in Toletanis Conciliis, in tertio quidem sub Pelagio secundo Pontifice, & Recaredo primo Catholico Visigottorum Rege, anno Domini quingentesimo octogesimo nono: deinde in quarto Toletano, cui Sanctus præfedit Isidorus Hispalensis Episcopus: postmodum in sexto, in quibus omnibus expressa fidei professione asseritur, à Patre, Filioque Spirituum Sanctum procedere.

CAPUT XCIII.

Concilium Basileense.

INchoatum Basileense Concilium fuit paulò ante Florentium, deinde unà cum Florentino, sed oppositis studiis continuatum. Cœptum quidem fuit Basileæ anno millesimo quadringentesimo trigesimoprimo, ac postmodum Lausanam translatum. Initio legitimum extitit, utpote à Martino Papa V. indictum: ex quo tamen fuit ab Egenio revocatum, evasit deinceps illegitimum. Perstiterè nihilominus Basileenses Patres annum usque millesimum quadringentesimum quadragesimum nonum, quo eodem creatur Antipapam Amadæum Sabaudia Ducem, sub nomine Felicis V.

Quamvis autem Sanctionem Pragmaticam à Synodo Basileensi editam Rex Francorum Ca.

rolus VII. in suo regno servari jussit, eo nomine quod multos refecaret invecos per ambitionem & avaritiam abusus, atque disciplinam Ecclesiasticam ad pristinam sanctitatem, puritatemque, ac velut ad auream Ecclesie primitivæ ætatem revocaret, in reliquis tamen omnibus noluit Rex Carolus Basileensia comitia probare, aut eorum decretis obsequi. Quinimò ad illa dissipanda Ludovicum primogenitum suum cum valida manu transmisit ad Basileensium fines, qui cruento admodum conflictu exercitum Helvetiorum fudit. Cumque Amadeus suos destinasset ad Franciæ Regem, atque ad alios Principes Legatos, hi omnes, ut fidem facit Pius Papa in *Europa descriptione*, cap. 42. incassum abierunt. Fridericus quidem tertius Imperator Basileæ aliquandiu resedit, conciliabuli fautor: sed meliore demùm consilio inito, se inde clam & intempestâ nocte subduxit, ne videretur idolum adorasse, atque pseudo-Papæ auctoritatem approbasse. Hæc, verò solummodo fuit à subiectis Sabaud Ducibus populis, & ab Helvetiis, finitimisque Germaniæ civitatibus liberis (ut scribit Pius) recepta & approbata.

Carolus demùm Franciæ Rex se pacis honorarium arbitrum interposuit, atque Amadeum Nicolao Papæ V. reconciliavit Eugenii successori, qui eidem & Cardinalis, & per omnem ipsius temporalem ditionem Legati Apostolici contulit dignitatem: idemque aliqua circa rem beneficiariam decreta Basileensium confirmavit. Hujusce verò Basileæ con-

ventus

ventus reprobatio legitur in Lateranensi Concilio sub Leone decimo, *sess. 11.*

Ut verò innotescat, quanti referat, utrum quis ex bona, an ex mala fide operetur, Ludovicus Alemannus Cardinalis & Arelatensis Archiepiscopus, qui gravium illius temporis Theologorum & Canonistarum iudicio fretus altissimam conceperat existimationem pro Concilii supra Pontificem autoritate, quique aliunde zelo exardebat instaurandæ Ecclesiasticæ disciplinæ, quam firma persuasione credebat à Romana Curia dudum labefactatam & corruptam; innitebatur præterea Concilii Oecumenici Constantiensis declaratione *in sess. 4.* quâ definitur, Concilium generale legitime congregatum eâ pollere autoritate, quæ Papam ipsum astringat, & cogere possit ad obediendum; nec posse ullatenus à Summo Pontifice infringi, vel transferri, vel dirimi: inflexibili animo mandatis Eugenii obstitit, & pro Basileensi conventu firmissimè stetit. Innitebatur insuper Ludovicus Alemannus ipsimet approbationi Martini Papæ V. qua Concilium illud confirmavit, quoad omnia ejus decreta *conciliariter* (ut ipse loquitur) *facta.* Id verò Constantiense decretum renovarunt Basileenses sessionibus primis: quæ causa Eugenio quarto fuit revocandi Concilium; quod tamen cum non obtemperaret, imò & de novo creando Papa deliberaret, tum Eugenius unitati Ecclesiæ consulens, suam illam revocationem abrogavit, & Legatos iterum ad Concilium misit. Tum Basileenses Patres idem decretum

650 *Notitia Conciliorum S. Ecclesiæ,*
decretum iterarunt *sess.* 18. quam ob causam
Legati Eugenii secundò discessere, & Eugenius
novam Synodum Ferrariæ indixit. At Basileen-
ses *sess.* 33. eandem propositionem instaurantes
declararunt esse divinæ fidei. Quod postea dam-
navit sub Leone Synodus Lateranensis *sess.* 11.
Atque his adductis argumentis Ludovicus,
non solum minimè obtemperavit Eugenio re-
vocanti, verum etiam perstitit Basileæ, præ-
sedit conciliabulo, & Antipapam obtrusit in
Ecclesiam; quippe idcirco (nisi bona fides,
rectaque intentio ejus gravium & piosum Do-
ctorum judiciis confirmata obstitisset) judicari
posse videbatur impius schismaticus, & ana-
themate innodatus, quod in ipsum, ejusque
affectas fulminaverat Eugenius: quia tamen
hac in re nullo sibi adblandiebatur humano
affectu, nec nisi bonâ intentione cum pruden-
tum ejus temporis consilio conjunctâ duceba-
tur, diremptâ demum pseudo-Synodo, ita
paulò post obiit, ut fuerit post obitum mira-
culorum gloriâ illustris, sitque etiam nunc
ejus tumulus in summa apud Arelatenses vene-
ratione. Mihi videtur vir iste conformitatem
cum Paschasio habere Ecclesiæ Romanæ Dia-
cono, qui cum Laurentii schisma sincerâ (ut
credi par est) fide fovisset, miraculis post mor-
tem claruit, etiamsi errorem suum haud impunè
in Purgatorio tulerit, ut Sanctus Papa Grego-
rius in Dialogis refert. Pius Papa secundus, qui
plerosque annos in Basileensi cœtu confederat,
ipsumque acriter adversus Eugenium damnantem
propugnauerat, & postmodum mutatâ
sententiâ

sententiâ summo studio impugnaverat, sic loquitur in libro à se dum Summus esset Pontifex composito, scilicet in descriptione Europæ, cap. 42. *In Arelate ad sepulchrum Ludovici Cardinalis sanctæ Cæcilie, ejus urbis Episcopi, quem Basilea in confessu Patrum præsentem vidimus, magna miraculorum opinio orta est: & invalidorum frequens undique concursus spe sanitatis factus.* Hac eadem bonæ fidei ratione non excidit pristinâ sanctitate Cyprianus, qui Africana Concilia, quibus hæreticorum Baptismus erroneè judicabatur invalidus, adversus justum Stephani Papæ decretum paulò ante martyrium suum propugnavit, atque obloquentem Stephanum paulò acriùs conscriptâ epistolâ perstrinxit. Simili ratione citra jam acquisitæ sanctitatis detrimentum Vincentius Ferrerius, vir, si quis alius, Apostolici spiritus; & Petrus Lutzemburgus sub schismatico Papa Cardinalis, bonâ fide ambo ducti, & rationibus quas solidissimas credebant persuasi, nulloque sæculi affectu abrepti, partes Petri de Luna sectabantur, quas tamen diva Catharina Senensis, divusque Antoninus ut schismaticas execrabantur. Igitur etiamsi nullum apparuerit in Ludovico Alemanno publicæ retractationis, aut pœnitentiæ vestigium, post tam diuturnum & publicum quod ipse excitarat, & fovebat schisma, nihil tamen istud obstitit, quo minus Clemens Papa VII. vitæ alioqui sanctitate, & miraculorum gloria illustres Cardinales Ludovicum istum, & Petrum Lutzemburgum in Beatorum album retulerit, ut scripsere in
suis

652 *Notitia Conciliorum S. Ecclesiæ,*
suis Ecclesiasticis historiis Henricus Sponda-
nus ad annum 1438. & Odericus Rainaldus ad
ann. 1450. & Ciaconius, qui refert ad longum
ipsum Clementis diploma de vitæ utriusque
antiquitate, & cultu ambobus deferendo.

C A P U T X C I V.

Appendix ad Concilium Basileense de Annatis.

PRælaturarum quidem Annatas, quas Papæ
exigere consuevit, abolere omnino cona-
tum est Basileense Concilium. Eam tamen con-
suetudinem, si tamen annatarum pecuniæ col-
lectæ non in vanos, aut sæculares usus, sed
in Ecclesiarum, aut miserabilium personarum
utilitatem expendantur, nihil habere injusti
multis rationibus comprobatur:

1. Quia divino juri conformes sunt annatæ.
Etenim *Num.* 18. singulis annis decimam de-
cimarum & primitiarum à Levitis, & Sacer-
dotibus persolvi summo Sacerdoti præcipi-
tur.

2. Cunctis animarum curam gerentibus de-
cimæ debentur divino & naturali jure, *cap.* 1.
causa 16. q. 7. & *c.* 1. *de decimis*, ubi præclarum
Hieronymi testimonium profertur: & *c.* *cum*
secundum, *de præbend.* Et qui *Altari servit*, *de*
Altari vivere debet. 1. *Cor.* 9.

3. Ex Lateranensi Concilio sub Innocen-
tio

tio III. debetur Episcopo à subditis Ecclesiis charitativum subsidium, & insuper jura Cathedralitici & Synodatici, quartaque decimarum pars, *c. conquerente, de offic. jud. ord.* Absurdum ergo foret, si Papa universi gregis Domini pastor solus ab hujusmodi juribus excluderetur. *Quis pascit gregem, & de lacte ejus non manducat?* 1. Cor. 9. Præcipuè cum solus Papa decimas annuas nullas percipiat.

4. Ecclesia unum constituitur mysticum corpus. *Rom. 12. Multi unum corpus sumus in Christo: singuli autem alter alterius membra.* Sicut autem capitis officium est singulorum membrorum incolumitati providere, spiritusque elaborare & transmittere, quorum præsidio membra proprios sensus & motus exercent: sic etiam convenit, ut subjecta membra caput vicissim alant & protegant.

5. Papa sponsus est Ecclesiæ, atque fidelium pater. Atqui suis in necessitatibus pater compellere filios potest, ut alimenta sibi subministrent, eosque etiam ad sui sustentationem vendere, *l. qui filios, C. quæ res pignor. oblig. poss. l. 1. & 3. C. de patribus qui fil. distraxer.* Et filiæ matrem inopem alere tenentur, *l. filia, C. de adoptionibus.* Ad maritum quoque pro oneribus matrimonii fructus dotis pertinent, *c. per vestras, in fin. de donat. inter virum & uxor.*

6. In recognitionem supremi domini per solvenda sunt Principibus tributa, ita ut subditi contra jus istud nulla se tueri præscriptione possint, *l. competit, C. de præscript. 30. an.* Imò jus divinum id sanxit, *Matt. h 22. Licet sensum dare*

654 *Notitia Conciliorum S. Ecclesiæ,*
dare Casari, an non? Reddite qua sunt Casaris
Casari. Et Rom. 13. Reddite cui tributum, tribu-
tum; cui vectigal, vectigal. Papa verò est universæ
Ecclesiæ Dominus & Princeps.

7. Cuilibet Judici debetur ex publico stipen-
dium ac salarium, *authent. ut diff. jud. §. fi-*
nal. Quæ res in ratione communi fundatur, ut
qui multitudinis curam gerit, talibus munien-
dus sit præsiidiis, quibus onus regiminis valeat
sustinere.

8. Si potest Papa conferendo alicui præben-
dam imponere pensionem annuam in favorem
pauperis alicujus Ecclesiæ, ut Clerici, cur
non (quod multò minus est) annatam ad sub-
veniendum suis & Ecclesiæ toto orbe diffusæ
indigentis? Romanam enim Ecclesiam ipsa
necessitas excusat, cum non possit de suo cun-
ctis sibi subditis Ecclesiis providere. Præter
enim ordinarias expensas, quotidie ferè pro-
videndum est extraordinariis, tum ad fidem
innumeris locis propagandam, tum ad sustinen-
das bellorum contra infideles aut hæreticos ar-
matos expensas, tum ad alias innumeras piete-
tis causas.

9. Valet titulus præscriptionis immemora-
bilis & consuetudinis, cujus initii memoria
non extet: quo fit ut res olim voluntaria eva-
dat necessaria, *c. ad Apostolicam, de simon.* At
jus istud annatarum consuetudine plurium sæ-
culorum invaluit, nec certum aut compertum
est earum initium. Quamvis enim non lega-
tur aperta illarum in jure mentio ante *c. cum*
nonnulla, in extrav. com. tit. de præbend. illa
tamen

tamen Joannis Papæ vigesimisecondi constitutio nihil docet fuisse tum primum institutas annatas. Deinde Bonifacius nonus annatas beneficiorum consistorialium, hoc est Episcopatum, & Abbatiarum, quæ olim continebant integrum annui proventus valorem, tribus annis per tertias partes solvendum, reduxit ad mediam unius anni fructuum partem, sed quæ integrè persolvatur ad literarum collationis, seu provisionis expeditionem. Atque ista ipsa nunc viget annata, quæ idcirco dicitur Bonifaciana.

Joannes quidem Gerson Parisiorum Universitatis Cancellarius, pietatis insignis ac sapientiæ Doctor, *tract. de simon.* annatas simoniæ coarguit, applicans illud Evangelicum: *Gratis accepistis, gratis date. Matth. 10.* At ipse fallitur, quatenus existimat annatas exigi pro ipsa beneficii collatione. Cum ergo omnis ejus ratio in hoc fundetur, non potest esse nisi ruinosa ejus omnis superstructio, quæ falso nititur fundamento. Supponendum quippe est cum Prospero Fagnano, tria in quovis beneficio spectari: 1. ipsum beneficium: 2. provisionem, seu collationem beneficii: 3. fructus beneficii. Si itaque propter beneficium, aut propter hujus collationem annatæ onus imponeretur, intervenire eo casu manifesta simonia, juxta *c. si quis Episcopus, 1. q. 3.* At annata solis fructibus imponitur. Porro in fructibus potest diverso respectu esse, vel non esse simonia. Spectati enim fructus, prout connectionem habent cum beneficio aut Clericatu, non

non possunt absque simonia pretio distrahi, & uno vendito, alterum non relinquitur inventum, ut docet *c. si quis objecerit*, & *c. Salvator*, 1. q. 3. At connexio ista non est in annatis, quatenus hæc nihil sunt quàm deductio ex fructibus beneficii sub titulo æris alieni, quod Summo Pontifici debetur, quod eidem acquiritur in illa sive vacationis, sive provisionis circumstantia: quemadmodum pariter possunt citra simoniæ labem fructus beneficii pro quocumque debito hypothecari, aut vendicari, ipseque beneficii possessor potest fructus vendere, aut locare certo pretio. His enim casibus cessat illa rei spiritualis cum temporali connexio, eoque modo spectati fructus sunt merè temporales. Itaque annata neque beneficii, neque collationis pretium est, qua ratione foret simoniaca: sed est duntaxat deductio, ac reservatio æris alieni Pontifici debiti pro suis & Ecclesiæ necessitatibus, aut etiam debiti pro recognitione supremi quod habet in omnem Ecclesiam dominii. Atque ita collatio beneficii non habet hîc rationem causæ, sed tantum circumstantiæ.



CAPUT CXV.

*Concilium Lateranense V. sub Leone X. &
& inter generalia decimumnonum.*

Indictum istud à Papa Julio secundo fuit, & auspicatum anno supra millesimum quingentesimo duodecimo, ut schismatici occurreret quod Pisanum Concilium invexerat; provideretque orbis Christiani statui tum temporis turbulentissimo propter bellorum incendia, quæ Julius ipse atrocis & turbulentissimi ingenii vir inter omnes Christianos Principes & Respublicas indefesso studio accenderat, dum Turcæ hac arreptâ occasione Christianorum provincias in mutuam perniciem Julio impulsore armatas subjugabant. Sed mōx ab inchoato Concilio moritur, & ad Dei iudicium evocatur Iulius. Qui verò in ejus locum successus est Leo decimus Concilium prosequitur, in quo etiam initam cum Francisco Francorum Rege conventionem, & in locum ejuratæ ab eodem Pragmaticæ Sanctionis subrogatâ approbavit sub nomine Concordati, quo vetera electionum jura circa Episcopatus & Abbatias antiquantur & abrogantur, & Francis Regibus ad ista quæ vocantur Consistorialia Beneficia, nominatio indulgetur, cum aliis juri-
bus quæ Regalia nuncupantur: & vicissim Annatarum jura fisco Apostolico restituantur.

T t

Hoc verò minimè reticendum est, Ludovicum nomine duodecimum Francorum Regem, adversus quem ingratiſſimus & pacis Christianorum impatientiſſimos Julius simultates inferſas, implacabilesque exercuerat, postquam ipsius operâ & armis complures civitates & arces de Veneris, & Bononiam inter præcipuas Italiæ civitates de Bentivolis receperat, miſiſſe ad istam Lateranensem Synodum, cui tum Leo Pontifex præſidebat, tres Legatos: Fridericum à Sancto Severino Cardinalem tituli Sancti Angeli; Claudium Seissel, electum Massiliæ Episcopum; & Ludovicum Forbin, Dynastam Solerii, qui Regis nomine Pisano Conventui adversus Julium collecto abrenuntiarunt; Leoni verò & Lateranensi Concilio fidem & obsequium polliciti sunt, ut refertur in hujus Concilii sessione 8. Deinde Franciscus Rex Ludovici gener, & Regni successor, similem eidem Concilio, necdum soluto, præstitit observantiam.

Sessione 5. omnium assensione Patrum probata, receptaque fuit Julii Papæ constitutio, declarans Romani Pontificis electionem, quæcunque per simoniam fiet, nullam prorsus & invalidam fore, nullumque jus, vel auctoritatem electo collaturam. Cardinales verò sic eligentes, canonicæ depositionis & irregularitatis pœnas eo ipso facto incurrere. Cæterùm quamvis bonæ intentionis laudem mereatur ista sanctio, si casus tamen, cui provisum voluit, accideret, perniciosissimo schismati viam aperiret. Si enim electus Papa & Cardinales
electores

electores Simoniae rei essent, quisnam exurgeret contra illos actor? & quisnam sederet iudex? Et si pars Cardinalium rea quidem esset, cæteri verò Cardinales litem contra priores intentarent, novumque inter se Pontificem eligerent, quis posset natam exinde discordiam consopire, præsertim si pars Simoniae rea vellet pervicaciter hanc inficiando à se infamiam amoliri? Periculosa itaque plenum opus alex susciperetur. Eo sanè casu fatius videretur qualemcunque promotum, & semel admissum tolerare, pari prudentiâ & cautione, quâ olim Ecclesia Felicem & Vigilium toleravit, qui nefariis artibus sacram Petri aliquando Cathedram invaserant, ne hac occasione schisma prorumperet. Eo namque sine gravissimam perniciem antevertendi, multa facta tenent, juxta Jurisprudentiæ regulam, quæ fieri prohibentur.

Sessione 8. cæpit aliquod subnasci dissidium inter Concilium, & supremum Aquisensem Senatum, cui tum præsidebat Gervasius Bello-montius: sacri namque Concilii Procurator Marius Senatum usurpatæ Ecclesiasticæ jurisdictionis inculcavit apud Lateranenses Patres: sed prudentiâ, & religione Senatûs simultas omnis & dissensio extincta est.

Sessione 9. multa decernuntur circa ordinem & disciplinam. In his, ut *sancta Romana Ecclesia Cardinales (quos declarat Synodus cæteris omnibus Ecclesiæ dignitatibus, post Summum Pontificem antecellere) famulatio, mensa ac suppellectili, non fastum ac pompam, sed modestiam*

frugalitatem studeant exhibere. Deinde ita subiungitur : Domus Cardinalis patens hospitium, portusque ac refugium proborum maxime, & doctorum virorum, & pauperum nobilium, honestarumque personarum esse debet. Similiter ordinavit olim Carthaginense Concilium quartum can. 15. Ut Episcopi supellectili paupere, mensaque & victu vili & frugali utantur. Et postremo Tridentinum Concilium plenius hæc præscribit sess. 22. cap. 1. in decreto de reform.

Providetur hac eadem sessione 9. ut quæ circa supellectilis, & mensæ, famulitiique modestiam præscripsit Cardinalibus, locum etiam habeant in ædibus, famulatioque Summi Pontificis. *Quæ omnia (inquit) & singula in nostris, & cujuscumque Romani Pontificis pro tempore existentis familiaribus, ac etiam curialibus locum habere volumus : hoc uno tantum excepto, quod dicti nostri, & Romanorum Pontificum familiares, rubri coloris vestimenta gestare possint, pro decencia & consuetudine dignitatis Pontificalis.*

Hic aliquis demiretur, à Leone Papa & Concilio legem futuris Summi Pontificibus imponi, cum tamen par in parem non habeat imperium. Verumtamen duplex est distinguenda potestas, coactiva scilicet, & directiva. Harum prima connotat imperium, & ex parte decernentis requirit jurisdictionem atque auctoritatem : secunda verò circa bonos mores & congruentem disciplinæ ordinem, habet locum etiam inter pares : imò & congruit nonnunquam

nunquam inferiori erga superiorem prudens admonitio, & fraterna, discretaque correctio. Itaque potestate directiva potest uti erga Summos Pontifices legitima Synodus, & Pontifex præsens erga successores; non verò potestate coactiva, qualem aliquando voluit indebitè sibi assumere Concilium Basileense.

Præter istud Lateranense decretum circa Summi Pontificis officium, alia similia proferri possunt, & antiquiora, & recentiora. Nam tertia Romana sub Symmacho Pontifice Synodus sic decernit: *Non liceat Papa pradium Ecclesia alienare aliquo modo pro aliqua necessitate, nec in usumfructum pradia dare, nisi tantummodo domos quæ in quibuslibet urbibus non modicâ impensâ sustentantur. Liceat etiam quibuslibet Ecclesiasticis personis contradicere, & cum fructibus alienata reposcere. Quod non modò in Apostolica servandum est Ecclesia, verum etiam in universis Ecclesiis per Provincias.* Idque habetur in *c. non liceat Papa*, 12. q. 2. Sanctus etiam Gregorius Papa in alio Romano Concilio, quod ipse commemorat *lib. 4. epist. 88.* statuit, ne in posterum Romani Episcopi pueros sæculares ad ministeria cubiculi, sed solum Clericos electos, aut Monachos admittant. Item generale Concilium Lateranense sub Innocentio Papa tertio *can. 37.* sanxit per literas Apostolicas non posse quenquam trahi ultra duas dietas extra suam dioccesin ad aliquod iudicium. Habetur *c. nonnulli, de rescriptis.* Id confirmatur per Honorium tertium, *c. olim, de except.* Quinetiam Bonifacius Papa

octavus ejusmodi literas Apostolicas restringi deinceps edixit ad unicam dietam extra fines Diocesis, *c. statutum*, §. *cum verò, de rescript. in 6.* Et Tridentina Synodus *sessione 14. capite 19.* usum abolet mandatorum Apostolicorum de providendo, & expectativarum à Suprema Sede manantium. *Sessione* quoque 25. *cap. 9.* §. *insuper*, prohibet fieri autoritate Apostolica uniones beneficiorum liberorum ad beneficia Jurispatronatus, vetatque hujusmodi concessionum executiones, si posthac ab Apostolica Sede indulgeantur, etiam cum expressa clausula hujus constitutionis derogatoria. Et *ibid. cap. 11.* reprobatur, fierique prohibet etiam Apostolicæ autoritate Sedis alia tria concessionum ibi expressarum genera. Licet enim Princeps sit solutus legibus civilibus, debet tamen secundum leges vivere, *l. Princeps, ff. de legib.* Et sapienter præfatus S. Gregorius Papa lib. 5. epist. 112. *Iustitia* (inquit) & *rationis ordo suadet, ut qui sua à successoribus desiderat mandata servari, decessoris sui procul dubio voluntatem & statuta custodiat.* Idemque lib. 12. epist. 31. *Si ea destruerem qua antecessores nostri statuerunt, non constructor, sed everfor esse justè comprobaver.* Summa verò horum ratio ducitur ex primario Summi Pontificis officio, quod versatur circa exactum Ecclesiæ sibi commissæ regimen, perfectionem & disciplinam; cujus rationem apud cœlestem judicem reddet exactissimam. Atque utinam & Pontificum, & quorumcunque Principum auribus hæc salubria monita potius ingerantur, quam

quàm allentationes , quibus inducuntur ad commissæ sibi divinitus authoritatis abusum, & ad propriarum animarum æternum exitium.

Eadem Laterana sessione 9. ut major vigeat in sacro Senatu votorum libertas, prohibentur quævis votorum Consistorii revelationes; nec non quorumcunque ibi dictorum, aut factorum, quæ in odium cujusquam, aut præjudicium, aut scandalum verti possint : & infligitur latæ sententiæ excommunicatio , à qua solus Papa solvere possit, illis qui secretum consistorii à Papa injunctum violaverint.

Statuitur præterea eadem sessione 9. *Ut quilibet habens Beneficium cum cura, vel sine cura, si intra sex ab obtento beneficio menses divinum officium, cessante omni legitimo impedimento, non dixerit, beneficii fructus non faciat suos pro rata omissionis & temporis; sed illos tanquam injustè acceptos, vel in fabricas beneficii, vel in pauperum elemosynas erogare teneatur. Si verò in ea officii omissione post legitimam admonitionem perseveraverit, ipso privetur beneficio, cum detur Beneficium propter Officium.* Cui sanctioni Lateranensi altera adjungenda est Pii Papæ V. statuens in primis, cum qui tempore priorum sex mensium officium non recitaverit ab indepta beneficii possessione, tamen si oneri restituendi non sit obnoxius, lethalis tamen culpæ reum factum, quoties officium prætermisit. Qui verò deinceps aliquo die unam aliquam, aut omnes officii horas omiserit; si omnes quidem horas, teneri omnes bened-

664 *Notitia Conciliorum S. Ecclesie,*

ficii fructus huic diei respondentes restituere, partitis videlicet omnibus anni fructibus in totidem æquales partes, quot sunt in anno dies. Qui matutinum solum omiserit, teneri ad dimidium fructuum ejus diei restituendum: qui reliquas omnes partes, ad alterum dimidium: qui harum horarum unam, teneri sextam fructuum partem restituere. Addit insuper quod si beneficiarius choro addictus interfuerit choro, nec tamen recitaverit, quamvis statuta loci, vel fundatio, vel consuetudo id indulgeret, solamque requireret corporis præsentiam, declarat nihilo secius, cum qui præsens in choro non recitaverit, & mortalis delicti reum, & obligationi astrictum fructus atque distributiones restituendi. Decernit postremo quemcunque pensiones, aut alia Ecclesiastica emolumenta titulo Clerici percipientem obligari similiter ad recitandum Beatæ Mariæ Virginis officium, & si non recitet, obnoxium esse pensionis, ac ejusmodi fructuum restitutioni.

Sessione 10. declaratur montes pietatis institutos, ut possit miserorum egestati per pecuniam illis mutuata subveniri, hac tamen lege, ut mutuum sumentes astringantur præter mutuata sortē aliud quid exsolvere pro ejusmodi fundationum conservatione ac necessariis ad hoc impensis, esse licitos, nec ullatenus usurarios, quatenus qui sentit commodum, debet sentire & onus necessarium illi commo-
annexum, dum nullum intendatur ex tali mutuo lucrum. Decernit autem excommunicatio-

nis latæ sententiæ pœnam in eos , qui adversus hanc declarationem prædicare , aut verbis, scriptisve refragari ausi fuerint. Addit tamen satius fore , si census aliqui assignentur ad hoc , ut ministrorum hujusmodi montium satisfiat impensis , & sic fiat , ut pauperes ab his impensis vel in totum , vel in partem releventur.

Sessione 11. notantur & prohibentur multi defectus , in quos diversi concionatores officii sui immemores prolabuntur : & cum ipsis incumbat populum ædificare , virtutes inferre , vitia evellere , Deumque , & non seipsos prædicare, & Christi gloriam promovere, prædicant tamen in primis ad propriam ostentationem : 2. errores contra sacram doctrinam serunt : 3. Scripturas depravant & detorquent ad vanas interpretationes à sanctis Patribus , & probatâ Ecclesiæ intelligentiâ alienas , aut etiam iisdem prorsus contrarias : 4. mala propediem eventura vel comminiscuntur , vel ab aliis accepta populo prænunciant ad vanos terrores excitandos , qui mox vertuntur in scandalum & derisum , verbique Dei contemptum : 5. conficta miracula enunciant : 6. in sacros Pontifices & Ecclesiarum Prælatos audacter & temerè invehuntur. Hæc igitur omnia districtè prohibet , & eos qui contravenient , aut qui non obtentâ Prælatorum licentiâ , se ingerent ad concionandum , excommunicationis sententiâ percellit , à qua solvi non nisi à Summo Pontifice extra mortis articulum poterunt. S. Gregorius Nazianzenus aliam Concionatoribus

ribus præfigit legem, ut in personas invecivis peræquè atque adulationibus abstineant. Sic verò sancit Crat. 32. Νόμον τίθημι πᾶσι τῷ ᾧ λαῷ δικοῦμένοις καὶ τῷ λόγῳ ταμίαις μίτε τῷ σκληρῷ τραλύνειν, μίτε τῷ ὑπερβαλμένῳ καταπαύειν, ἀλλ' εὐλόγως εἶναι περὶ τὸν λόγον, μηδ' ἐτέρῳ τὸ μέτρον ὑπερβαίνοντας : Legem statuo cunctis animarum rectoribus & verbi divini concionatoribus, ut nec per duritiam homines exasperent, neque per demissionem elatos ac insolentes efficiant, sed prudenter & consultè verbum dispensent, nec in alterutro istorum a mediocritate devient.

Eademque sessione 11. approbantur Concordata cum Francorum Rege, ut possit ad Regni dignitates Consistoriales nominare providendos: atque ut graduari Clerici reliquis omnibus in collationibus præbendarum præferantur, quæ certis ac designatis mensibus vacaverint in eodem Regno. Ipsa verò Pragmatica Sanctio prorsus abrogatur, cujus loco sufficitur Concordatum. Damnantur etiam Basileensis decreta Romani Pontificis potestati adversantia.

Denique sessione 12. decernitur expeditio contra Turcas, pro qua decimæ ad triennium imponuntur fructibus Ecclesiarum, Monasteriorum, & beneficiorum toto orbe consistentium. Sed hanc expeditionem qui subinde prodierunt Lutherani, non siverunt prosperum exitum nancisci.

Postremò cum gratiarum actionibus Concilium dirimitur.

CAPUT

C A P U T . X C V I .

*Concilium Tridentinum inter Generalia
Vigesimum.*

Convocandi hujusce saluberrimi Concilii causas fusè prosequitur in Bulla indictionis ipsius Paulus tertius Pontifex. Inchoatum verò sub eodem Papa fuit anno 1545. Sed deinde bellorum inter Christianos Principes occasione identidem interruptum, & demùm sub Pio quarto finem accepit ann. 1563. Decurrerant itaque ab ipsius exordio donec finitum est anni duodeviginti. Hujus indicendæ Synodi præcipuæ causæ fuerunt ingruentes tum Lutheranorum, tum Sacramentariorum hæreses, & morum in Clero pravitas, disciplinæque sacræ omnimoda relaxatio. Quibus exitialibus malis ut remedium efficax adhiberetur, sacra Synodus quantâ desiderari poterat curâ & sollicitudine providit multiplicibus, & sapientissimis decretis, aded ut plusquam reliqua omnia quæ præcesserunt Concilia, dici meritò possit Tridentinum copiosissima penus, promptuarium uberrimum, & ditissimus thesaurus totius Ecclesiæ, tum ad fidei circa omnes ferè articulos elucidationem, tum ad sacræ disciplinæ plenam instaurationem.

Sessione 14. recensentur singuli sacræ Scripturæ libri. De Canone Scripturarum superius
requiren

requirenda sunt quæ ubertim pertractavi ad Laodicenum canonem § 9. deinde auctoritatem asserunt Tridentini Patres iisdem sacris libris, cum suis omnibus partibus, prout in veteri vulgata editione habentur, & in Ecclesia Catholica legi consueverunt. Quoniam verò sensu verba ista, *cum suis omnibus partibus*, sint intelligenda, ne longiore tractatione his immorando Tridentinorum Canonum prosecutionem interrumpam, ad liberrimam quam olim contexui, disputationem post finem Concilii remitto, cui hac de re diatribam subnectam.

Sessione §. *cap. 1. de reform.* providetur, ut Episcopi, alique locorum Ordinarii sacram Scripturam per seipsos in suis Ecclesiis interpretentur ac exponant, si fuerint idonei, sin minus per idoneum substitutum cum debitis stipendiis provisum ac præbendatum. In Ecclesiis verò tenues proventus habentibus provideatur saltem ex consilio Episcopi & Capituli Magister, qui Clericos & pauperes scholares gratis Grammaticam doceat. In Monasteriis quoque, ubi commodè fieri queat, lectio sacræ Scripturæ habeatur; qua in re si Abbates negligentes fuerint, illos opportunis remediis compellant Episcopi tanquam Sedis Apostolicæ delegati. Jus idem circa Præceptorias præbendas constituerat Concilium Lateranum sub Alexandro tertio, *can. 18.* De Theologo autem qui sacras literas exponat, alterum Lateranum Concilium sub Innocentio tertio, *can. 11.* Huc spectant Gallicana edicta Caroli noni in Comitibus Aurelianensibus *cap. 1. artic. 8. & 9.*
&

& Henrici tertii in Comitibus Blesensibus, artic. 33.

Eadem sessione 5. cap. 2. definitur, *verbi Dei predicationem esse praeipuum Episcoporum munus*. S. Gregorius Nazianzen. *serm.* 1. hoc idem confirmat dicens, αὐτὴν τῷ λόγῳ διανομὴν λέγω τὸ πρῶτον τῶν ἡμετέρων : ipsam verbi distributionem dico nostrum omnium primum officium. Idemque Concilium cap. 2. sic prosequitur : *Archipresbyter quoque, Plebani, & quicumque Parochiales, vel alias curam animarum habentes, per se, vel per alios idoneos homines, si legitime impediti fuerint, diebus saltem Dominicis & Festis solennibus plebes sibi commissas pro sua & earum capacitate pascant salutaribus verbis, docendo quae scire omnibus necessarium est ad salutem, annunciandoque eis cum brevitate, & facilitate sermonis vitia, quae eos declinare, & virtutes quas sectari oporteat, ut poenam aeternam evadere, & caelestem gloriam consequi valeant. Additque : Si ab Episcopo promoti hanc nihilominus functionem abjecerint, posse Episcopum ex beneficii Parochialis fructibus alteri, qui munus hoc praestet, honesta stipendia assignare.*

Ibidem statuit, *Regulares in Ecclesiis, quae suorum Ordinum non sunt, non posse sine Ordinarii licentia predicare. Si verò contingeret Saculares, aut Regulares disseminare errores, aut scandala in populum, etiamsi in Ecclesia sui, vel alterius Ordinis predicarent, debere illis omnino predicationem per Episcopum interdici. Quod si quantumlibet exemptus haereses predicaverit, debere*

670 *Notitia Conciliorum S. Ecclesia,*
debere Episcopum tanquam Sedis Apostolica dele-
gatum adversus eum secundum juris dispositionem
procedere.

Sessio 6. cap. 1. *de reform.* astringit Episcopos ad residentiam, ut si per sex continuos menses (legitimis impedimentis, seu justis & rationalibus causis cessantibus) à suis Ecclesiis abfuerint, quartâ fructuum unius anni parte, Ecclesiæ & pauperibus loci applicandâ multentur. Hoc idem tamen Concilium postmodò sess. 24. cap. 1. hanc obligationem amplificat cum pœnæ additamento : *Ut qui ad summum tres menses in uno anno sine legitima & valdè urgente causa, sive continuos, sive interpolatos, Episcopus, etiam Cardinalis, non resederit in sua Diocesi, præter peccati mortalis reatum quo astringitur, nullatenus possit fructus suos pro rata absentia sua facere, sed teneatur eos fabricæ Ecclesiarum, aut pauperibus loci erogare.*

Ejusdem sessionis 6. cap. 2. injungitur Episcopis, ut legitimis remediis compellant beneficiarios ad Ecclesiarum residentiam, si eam ipsa beneficia requirant. Sed ut paulò ante monui, postmodum sessione 23. cap. *de reform.* reducit absentiae tempus, tam in Episcopis, quàm in Pastoribus inferioribus, ad tres ad summum menses, idque cum justa, & approbata ejus absentiae causa : alioqui declarat peccari mortaliter cum obligatione pro rata parte anni, absque alia declaratione vel sententia, ad fructuum restitutionem, in favorem Ecclesiarum, vel pauperum loci.

Capite 3. ejusdem sessionis 6. *Regulares Ordinum*

Cap. XCVI. Concil. Tridentinum. 671

*dinum, quantumvis exemptorum, aut privilegia-
torum, extra Monasterium degentes, si delique-
rint, jubet à locorum Ordinariis, tanquam Sedis
Apostolica delegatis visitari, inquiri, corrigi, &
puniri. Concilium Lugdunense sub Innocen-
tio quarto, quod citatur in c. volentes, de privi-
leg. in 6. subicit Regulares ratione delicti ex-
tra claustra commissi jurisdictioni Ordinario-
rum. Præterea statuitur c. quanto, de offic. jud.
ordin. ut Ordinarius suppleat per se Abbatis
negligentiam circa vagos & erroneos mona-
chos. Quod idem confirmatur Gallicano jure
in Comitibus Aurelianensibus sub Carolo nono,
artic. 11. Et hoc ipsum Concilium Tridenti-
num sess. 21. cap. 8. sancit: *Vt quando Regula-
rium exemptorum Prælati suo desunt officio circa
ipsorum correctionem, si admoniti intra sex men-
ses non correxerint subditos, tunc Episcopi ut Sedis
Apostolica delegati corrigere possint ac visitare,
prout possent Prælati Regulares juxta eorum insti-
tuta, quibusunque appellationibus, aut exceptio-
nibus remotis.**

Sessione 7. cap. 8. de reform. statuitur, *Vt lo-
corum Ordinarii Ecclesias, etiam quomodolibet
exemptas, visitent singulis annis, & ordinent ac
provideant tum Ecclesiarum reparationi, tum
animarum cura, si qua talibus Ecclesiis incum-
bat, nihil obstantibus privilegiis, aut appellationi-
bus.*

Ibidem cap. 10. decernitur, *Non licere Capi-
tulis Ecclesiarum Sede vacante infra annum à
die vacationis concedere literas ad Ordines di-
missorias, præterquam illis qui beneficii, sive re-
cepti,*

672 *Notitia Conciliorum S. Ecclesie,*
cepti, sive jam recipiendi nomine ardeantur.

Capite 15. ejusdem sessionis 7. cura deman-
datur Ordinariis, ut ab administratoribus qui-
buscunque, & quomodolibet exemptis Hospi-
talia quamfidelissimè gubernentur: & inno-
vatur decretum Concilii Viennensis, quod est
in Clementina *quia contingit, de religios. dom.*
Huc etiam spectat placitum Tridentinum ses-
sione 22. *cap. 8.* ut Episcopi sint executores pia-
rum omnium dispositionum, tam inter vivos,
quàm ultimarum voluntatum: & ut jus ha-
beant visitandi hospitalia, collegia, confrater-
nitates, & scholas (exceptis scholis, quæ sub
Regum immediata protectione sunt, nisi de
ipsorum licentia) montes etiam pietatis, &
omnia pia loca, et si prædictorum cura ad lai-
cos pertineret, aut exemptionis privilegio mu-
nita essent: atque in his Episcopi, tanquam
Sedis Apostolicæ delegati ordinent, & exe-
quantur. Huc etiam spectat titulus Codicis
De Xenodoch. & Religios. dom. necnon lex 45.
de Episcop. & Cler. Nec solùm jus Roma-
num, sed etiam jura Gallicana Episcopis ju-
diciũ & cognitionem attribuunt circa pia
loca, eorumque administrationem & ratioci-
nia. Henricus enim tertius in constitutione
Blesensi, *art. 3.* Rectores confraternitatum, &
hospitalium de legatis ad pias causas relictis, &
de fructibus & proventibus earundem confrat-
ernitatum, atque hospitalium rationes red-
dere jubet coram Episcopis, eorumve Officia-
libus. Et si agatur de facultatibus hospitalis,
adhiberi jubet Consules loci. Absente autem
Episcopo,

Episcopo, ejusque Officiali; coram ipso Parrocho & Consulibus rationes reddi præcipit, nullo tamen inde accepto salario. Eadem pariter sancivit Edictum Melodunenſe anni milleſimi quingentimi & octogefimi, *art. 10.* Præterea præfati Henrici tertii Edictum menſis Martii anni milleſimi quingentimi octogefimi quarti, *art. 20.* ſubmittit Xenodochiorum & Noſocomiorum curam, & omnem adminiſtrationem viſitationi & judiciis ordinariorum Prælatorum. Idem denique ſciſcit ac decernit Henricus quartus in conſtitutione anni milleſimi quingentimi nonageſimiſexti, *art. 8.* Rex quoque Ludovicus XIII. anno 1643. die 27. Novembris, in ſupremo ſedens Conſilio adjudicavit Vicario Generali Remenſis Archiepiſcopi præſidentiam ſupra Regium Prætorem, ſeu Locumtenentem, ut vocant, Generalem in conventibus Hoſpitalium adminiſtrationem, & rationum redditiones piarum cauſarum, & juramenti pro his præſtationem concernentibus.

ſeſſione 13. *capite 7.* declaratur probationem requiſitam ad ſacræ Eucharistiæ communionem hanc eſſe, ut nullus peccati mortalis ſibi conſcius ad eam audeat accedere, quantumvis ſibi contritus videatur, niſi præmiſſâ conſeſſione Sacramentali. Si tamen Sacerdos urgeatur neceſſitate celebrandi Miſſam, & deſit ei copia conſeſſoris, quamprimùm poſt ſacrificium poterit, tenetur conſiteri. Porro conſcius ſibi peccati mortalis intelligendus eſt hoc loco iſ qui credit ſe illud commiſiſſe, nec

674 *Notitia Conciliorum S. Ecclesie,*
 esse confessum ; aded ut qui præmiserit confessionem , in qua fuerit oblitus peccati mortalis , tametsi per virtutem Sacramenti pœnitentiæ credatur oblitteratum , teneatur nihilominus oblitum peccatum confiteri antequam communicet. Ita communiter Theologi docent. Idemque affirmant , Sacerdotem posse nihilominus , si peccati mortalis conscientiam habeat , administrare aliis Eucharistiam , aliaque Sacramenta , dummodò prius conteratur , credatque probabiliter ac moraliter se esse contritum ; ita ut necesse non sit , ut prius confiteatur , nisi quum est celebraturus. Ita Navarra *Enchiridii* c. 22. n. 3. Ægidius de Conink *de Sacramentis* q. 64. art. 6. cæterique communiter Doctores.

Eadem sessione 13. capite 3. de reform. statuitur , *Non posse ab Ordinarii sententia interlocutoria appellari , nisi tale sit gravamen , ut nequeat per ejusdem Ordinarii definitivam reparari.* Simile statuerat caput ut debitus , de appellat. Idemque cautum fuerat in concordato inter Leonem decimum , & Franciscum Regem. Idem hoc iterat Tridentinum sessione 24. cap. 20. de reform.

Observandum quoque , à correctione legitima non posse appellari , nisi excedatur modus , c. ad nostram , de appellat. & c. reprehensibilis , §. fin. eod. His jura Gallicana consentiunt. Edixit namque Rex Franciscus anno 1539. art. 5. appellationes à Judicum Ecclesiasticorum sententiis per Ecclesiasticas personas in materia correctionis , disciplinæ , aliisve personali-
 bus

Caput. XCVI. Concil. Tridentinum. 675

libus causis, nullum habere suspensivum effectum, sed solum devolutivum; adeò ut his non obstantibus, & citra præjudicium tamen ipsarum, possint Iudices Ecclesiastici sua ulterius judicia prosequi. Et in Comitibus Blesensibus, *art. 5.* Henricus tertius statuit, ejusmodi appellationes in causa correctionis morum, aut Ecclesiasticæ disciplinæ non habere suspensivum, sed tantum devolutivum effectum. Similiter etiam in jure communi appellatio non suspendit excommunicationem, suspensionem, vel interdictum latæ sententiæ, sed devolvit solummodò ad superius tribunal, *c. cum ad hac, de appellat.*

Communis sententia est, incarcerationem censendam esse inter illa, quæ damnum irreparabile inferunt: ideòque valere appellationem ab interlocutoria sententia, qua decernitur captura, seu incarceratio: & Ordinarium teneri huic appellationi deferre, atque processum ad judicem appellationis transferre, sine tamen ulla sententiæ suæ suspensione: quia reus interea carcere includendus est, donec appellationis iudex causâ cognitâ aliud jusserit. Ita decrevit sacra Cardinalium Congregatio Concilii, cujus decretum Papa approbavit, ut refertur in declarationibus & remissionibus *ad d. cap. 20. sess. 24. Trident.* Idemque docent Mainardus Iuriconsultus Gallicanus *lib. 2. decis. 23.* & Barbosa *in l. 2. ff. soluto matr. in princ. p. 2. n. 33.*

Quoad visitationem quoque Congregatio Concilii 7. Martii 1596. declaravit, non posse

Episcopum in visitatione recusari ut suspectum, dum tamen in ea processum non involvat, sequi intra visitationis terminos contineat. Eademque Congregatio 25. Maii 1601. censuit Episcopum visitationem aggredientem, atque etiam in preparatoria inquisitione, non posse ut suspectum recusari, nec probatione suspicionis præpediri, quominus poenâ extraordinariâ, quæ morum correctionem, & emendationem respiciat, visitatos punire queat, ut legitur in collect. declarationum ad Trident. sess. 13. cap. 1.

Ejusdem sessionis 13. caput 6. de reform. Cum, inquit, non raro contingat subditos ab Episcopo pro ipsius officio correptos, illi ex malevolentia causam criminis intentare, cujus molestia metu segniores in officio redduntur Episcopi, aut ab Ecclesiis suis abesse & vagari pro sui defensione, cum magna Ecclesiarum detrimento, & Episcopalis dignitatis diminutione coguntur: statuitur Episcopum, nisi ex causa ob quam dignitate propria deponendus foret, etiamsi contra ipsum ex officio, aut per inquisitionem, seu denunciationem aut accusationem, sive alio quovis modo procedatur, nequaquam esse citandum aut monendum, ut personaliter compareat. Provida & notabilis est ista constitutio, qua & Episcoporum dignitati, & Ecclesiarum utilitati consulitur. Summi Pontifices Liberius & Nicolaus olim rescripserunt, inconveniens esse, si Episcopus ex causa infestationum, aut adversitatum, quas ab aliis patitur, gregem suum relinquat, can. suggestum, & can. sciscitaris, 17. q. 1.

Quando

Quando verò fas Episcopo sit à propria Ecclesia discedere, præclare differit sanctus Augustinus scribens ad Honoratum Episcopum, *epist. 180.*

Sessionis 14. caput 4. definit, *Contritionem esse animi dolorem ac detestationem de peccato commisso, cum proposito non peccandi de cætero; & hanc esse necessariam ad impetrandam peccatorum veniam in homine post baptismum lapsio. Docet præterea contritionem, si perfecta sit, hominem Deo per charitatem reconciliare, etiam ante pœnitentia Sacramentum susceptum, eo quòd in ea contineatur cum dolore & amore infuso votum ipsius Sacramenti. At verò contritionem imperfectam, quæ dicitur attritio, quæ ex turpitudinis peccati consideratione, vel ex gehenna metu concipitur, esse donum Dei & impulsus Spiritus sancti, non adhuc quidem inhabitantis, sed tantum moventis, quo pœnitens adjutus viam sibi ad justitiam parat. Et quamvis sine pœnitentia Sacramento per se non justificet peccatorem; attamen eum ad Dei gratiam in Sacramento pœnitentia impetrandam disponere. Hoc enim timore utiliter concussos Ninivitas ad Iona prædicationem misericordiam à Domino impetrasse. Tu hinc observa, contritionem quæ justificet, esse quidem anteriorem justitiâ & gratiâ, ad quam disponit; necesse est enim dispositionem & causam præcedere, sequi deinde formam & effectum. Cæterum ista omnia unico temporis instanti perficiuntur, licet diversa ibidem concipiantur ordinis, seu rationis ac naturæ instantia. Verum eodem temporis instanti quo existi*

contritio , coëxistit pariter ipsa gratia.

Ejusdem sessionis 14. cap. 5. docet necessariam ad salutem esse omnium peccatorum mortalium confessionem , quorum pœnitens post diligentem sui discussionem recordatur , cum circumstantiarum expressione , quæ speciem peccatorum mutant. Circumstantiæ necessariò confitendæ , quæ speciem mutant peccatorum , sunt in triplici differentia ; quædam enim circumstantiæ adjungunt mortalem alterius speciei malitiam , ut si quis Sacerdotem occidit , aut si laicum interfecit intra Ecclesiam : illa enim personæ vel loci circumstantia ad crimen homicidii adjungit sacrilegium. Aliæ quædam circumstantiæ id præstant , ut peccatum aliqui veniale sit mortale , ut si quis famæ alterius leviter detrahat , simul advertens grave damnum ex hoc illi nasciturum ex malitia proximi. Tertiò demùm aliæ circumstantiæ ex opposito peccatum ita minuant , ut faciant veniale , quod esset aliqui mortale ; cujusmodi est subreptio , defectus sufficientis deliberationis , advertentiæ vel judicii , ignorantia leviter culpabilis. Trium horum generum circumstantias conveniunt Theologi omnes esse in confessione exprimendas ; quia his non expressis , status Pœnitentis haud potest sufficienter dignosci. Quæ tamen tertii generis sunt , si post factam bona fide confessionem menti occurrant , non est necesse in altera confessione exprimi.

Sessionis ejusdem 14. capite 6. *de reform.* statuitur , ut Clerici qui in sacris sunt , aut qui beneficium Ecclesiasticum possident , habitum deferant

deferant Ecclesiasticum. Et si postquam ab Episcopo moniti sunt, habitum adhuc deferre recusent, per suspensionem ab Ordinibus, aut beneficio, ejusque fructuum privatione puniantur ab Ordinario, quantumvis exempti forent. Si verò correpti adhuc neglexerint, per officiorum, aut beneficiorum privationem coërceantur. Idem antea constituerat Concilium Viennense Clement. quoniam innovando, de vita & honest. Cleric.

Sessionis 21. cap. 3. de reform. In Ecclesiis (inquit) Parochialibus, in quibus populus ita numerosus est, ut unus & aliter Presbyter non sufficiat Sacramentorum administrationi & divinis officiis, potest Episcopus compellere Rectores ad augmentum Clericorum aut Sacerdotum, qui ad hac obeunda sufficiant. Ubi verò ob nimiam distantiam non potest Parochianorum pars nisi sub gravibus incommodis ad Ecclesiam accedere & Sacramenta suscipere, Episcopus potest novas erigere Parochias, etiam Rectoribus invitis, juxta formam constitutionis Alexandri tertii, in c. ad audientiam 3. de Eccles. adif. & Clericis, quibus ministerium incumbet nova Parochia, congruentem assignare portionem ex fructibus matris Ecclesia; & (si necesse fuerit) compellere populum ad contribuendum quae sufficiant ad eorum sustentationem.

In eadem sessione; cap. 5. Possunt (ait) pariter Episcopi, sine prajudicio tamen obtinentium, facere uniones perpetuas Ecclesiarum Parochialium, & aliorum beneficiorum, tam curatorum, quàm simplicium, cum aliis Ecclesiis ac beneficiis

680 *Notitia Conciliorum S. Ecclesie,*
curatis, ex causa paupertatis, aut aliis iustis
causis, etsi dicta Ecclesia, aut beneficia essent
specialiter reservata. Hoc idem olim statuerat
caput Unio, 10. q. 3. & caput exposuisti, de præ-
bend. Idemque similiter cavetur edicto Galli-
cano Blesensium Comitiorum art. 22. 23. 24.
sive illa quæ uniuntur beneficia tempore unio-
nis vacent, sive non vacent. Licet enim bene-
ficiū ante vacationem impetrari non possit,
c. 1. & 2. de concess. præbend. uniri tamen potest
sine præjudicio possessoris, ut providet
hoc capite Tridentinum: sed executio unionis
differtur in ipsum vacationis tempus, nisi pos-
sesor ipse consentiat & cedat reservando sibi
annuam pensionem: hæc docet Petrus Rebuf-
fus ad regul. de reprob. benef. vivent. impetr.
num. 56.

Deinde hujus sessionis caput 7. *Ubi Ecclesia*
vetustate collapsa sunt, nec per inopiam instaurari
valent, Episcopi possunt vocatis illis quorum in-
terest, in matrices Ecclesias locorum eorundem,
aut vicinorum, illas cum emolumentis simul &
oneribus annexis transferre, erigendo in prædictis
matricibus Capellas, vel Altaria sub eisdem in-
vocationibus. Parochiales autem Ecclesias, etsi ju-
rispatronatus sunt, ita collapsas refici & instaurari
curent ex proventibus earundem: qui si non suf-
ficient, patronos, aliosve qui fructum aliquem ex
earundem proventibus percipiunt, aut his defi-
cientibus, Parochianos ipsos omnibus opportunis
remediis compellant, quacunque appellatione, ex-
ceptione, aut exemptione remota. Quod si omnes
nimia egestate laborent, ad matrices, seu vici-
niores

niore Ecclesias Episcopi transferant, cum facultate convertendi in profanos, non tamen sordidos usus dirutas Ecclesias, erectâ ibi Cruce.

Sessionis 22. caput 4. de reform. *Ut nemo de Ecclesia, sive seculari, sive regulari vocem habeat in Capitulo, etiamsi id ei ab aliis liberè concessum fuerit, nisi in Subdiaconatûs saltem ordine constitutus sit.* Hoc idem dudum statuerat Concilium Viennense, *Clement. ut il qui in divinis, de atat. & qual. & ord. prafic.*

Veratur hoc eodem capite 4. ne aliis deinceps de beneficio provideatur, quàm illis qui ætatem & cæteras omnes qualitates, & habilitates habent, ut statim actu omnia beneficii onera per se exequi possint; alioquin irritam declarat provisionem. Huc pariter spectat dicta Clementina *Ut ii qui.* Veruntamen usus obtinet, ut in beneficio Sacerdotali, cui etiam cura incumbat animarum, sufficiat si provusus sit in eo statu & aptitudine, ut possit intra annum ordinem suscipere Sacerdotalem, *c. cum in cunctis, & c. licet canon, de elect. in 6.* Si verò non fuerit intra annum promotus (nisi ex justa & legitima causa fuerit ortum impedimentum) vacet ipso jure præbenda. Cæterùm ubi ex lege foundationis, vel statuto, vel consuetudine Sacerdotalis ordo actu desideraretur in impetrante, tunc non sufficeret aptitudo præfata. In universum edicit Tridentina Synodus hoc ipso capite 4. & insuper sess. 24. de reform. cap. 12. §. *neminem*, ut nemo quodcumque beneficium, cui sit aliquod annexum onus, possit obtinere, nisi aptus sit ut intra ipsum annum suscipiat

Ordinem ad illud onus requisitum. Id autem veteri juri conformatur, *c. cum in cunctis*, §. *inferiora*, de *elect. cap. 1. de atat. & qual. & ord. & d. Clem. ut ii qui.*

Potest igitur aliquis provideri de curato beneficio nondum Sacerdos, modò annum vigesimum tertium sic expleverit, ut exacto inde anno, Sacerdotio promoveatur, expleto qui ad hoc requiritur, anno ætatis vigesimoquarto, & ita inchoato vigesimoquinto, juxta Tridentinum *sess. 23. cap. 12. de reform.* Cum enim ex hoc Concilio duo ista constent, & anno 25. inchoato posse quem fieri Sacerdotem, & insuper beneficium curatum posse illi conferri, qui Sacerdotio possit intra annum promoveri, sequitur ut tale possit conferri beneficium illi qui vigesimum tertium annum expleverit; hisce enim verbis Concilium se enunciat in *d. cap. 12. §. neminem*, sessionis 24. *Aut in tali ætate sit, ut infra tempus à jure, & ab hac sancta Synodo statutum initiari valeat.* Hæc docet Prosper Fagnanus in *c. cum in cunctis*, de *elect.* talemque esse receptam praxin, atque judiciis sacræ Cardinalium Congregationis confirmatam, asserit *n. 63. & 64.* Porro indultum jure communi promotionis annum approbant jura pariter Gallicana edicto Blesensium Comitiorum, *art. 9.* Cui accedit constitutio Henrici quarti anno 1606. *art. 1.* Rebuffus in *praxi*, tit. de non promotis intra annum, *num. 44.* Papon. *lib. 3. decis. 13.* Bochellus in *praxi benef. verbo, An de promotione.* Melchior Pastor *lib. 3. de benef. tit. 16.*

Sessionis

Cap. XCVI. Concilium Tridentinum: 683

Sessio 23. cap. 2. Episcopos electos, etiam si Cardinales sint, si intra tres menses consecrati non fuerint (legitimis tamen seclusis impedimenti causis) ad fructuum restitutionem astringit; sed si aliis tribus mensibus id neglexerint, Ecclesiis suis ipso jure privatos esse declarat. Concilium Chalcedonense *can. 25*. Episcopos præcipit intra trimestre ab electione consecrari citra necessitatis inevitabilis casum. Concilium verò Antiochenum sub Julio Papa, *can. 17*. de communione fidelium repellit Episcopum jam consecratum, quamdiu ad creditam sibi Ecclesiam progredi negligit. Quod etiam spectat caput *quoniam, dist. 57*. & caput *1. dist. 100*. Quæ autem Tridentinum sanxit de Episcopis, vim quoque habere decernit circa inferiores animarum pastores, ut in suis resident Ecclesiis, nec eis toto anni decursu abesse liceat plusquam duos aut tres menses, seu continuos, seu interruptos, *sess. 25. cap. 1*. Sed istam residentie materiam superius excussi ad *sess. 6. cap. 1*.

Eadem sessio 22. capite 4. *de reform.* vetat tonsurâ initiari, nisi qui Confirmationis Sacramentum antè susceperint, quique legere & scribere sciant, & de quibus probabilis sit conjectura, eos hoc intuitu statum eligere Clericalem, ut perfectiùs deserviant. Quandoquidem Clericorum ordo sublimioris perfectionis est præ laicorum fidelium statu, conveniens est, ut nemo ad Clerum promoveatur, qui non antea Confirmationis Sacramentum susceperit. Est enim Confirmatio, attestante

testante Dionysio *Eccles. Hierarch. cap. 2. τε-
 λωτικὴ χρῖσις*, perficiens unctio, ut *ἱερὰ τῆς
 θεοφυσίας τελείωσις*, sacra divini ortus perfe-
 ctio. Et egregiè docet S. Thomas 3. p. q. 62. ar-
 tic. 1. in corp. quod sicut in vita corporali specia-
 lis quædam perfectio est, quod homo ad per-
 fectam ætatem perveniat & perfectas actiones
 hominis agere possit, unde & Apostolus dicit
 1. Cor. 13. *Cum autem factus sum vir, evacuavi
 quæ erant parvuli*: inde est, quod præter mo-
 tum generationis, quo aliquis accipit vitam
 corporalem, est motus augmenti, quo aliquis
 perducitur & roboratur ad perfectam ætatem.
 Sic igitur & vitam spirituales homo accipit
 per Baptismum, qui est spiritualis regeneratio:
 in Confirmatione autem homo accipit quasi
 perfectam ætatem, & robur spiritualis vitæ.
 Congruit igitur, ut antequam homo à statu
 communi laicorum ad perfectiorem statum,
 qui Clericorum est, elevetur, sit jam spiritua-
 liter perfectus, & præmunitus Sacramento
 Confirmationis, uti statuerunt Tridentini Pa-
 tres. Cui decreto quisquis sciens & prudens
 contravenerit, se peccato lethali astrinxit, quia
 scilicet Ecclesiæ decretum in re gravis mo-
 menti transgressus est, juxta Toletum *lib. 1. in-
 struct. cap. 71. Bonacinam de Sacram. disp. 8.
 q. unica, punct. 5. propos. 2. Franciscum Hallier
 de sacris elect. sect. 4. cap. 2. art. 2. Nec enim ac-
 cedendum hîc duco opinioni Navarri, Suarez;
 Coninx, & aliorum, qui hanc omissionem in
 Ordinatis, secluso contemptu, solius damnant
 culpæ venialis. Concedimus quidem hunc de-
 fectum*

Cap. XCVI. Concilium Tridentinum. 685

fectum validitati Ordinum nihil officere : nam & ipsos Apostolos Christus ante suum ad cœlos ascensum consecravit Sacerdotes , antequam ipso Spiritus sancti in die Pentecostes illapsu fuissent confirmati. Certum præterea est, nullâ juris censurâ, nullaque irregularitate puniri istiusmodi defectum. Iste verò Canon, ut nemo nisi Confirmatus ordinetur, non sumpsit exordium à Concilio Tridentino , sed ab ipsis nascentis Ecclesiæ primordiis viguit, ut probat luculenter sancti Cornelii Papæ ad Fabium Antiochenum epistola ad Eusebium *lib. 6. Eccles. hist. cap. 35*. Ibi namque sanctus Pontifex asseverat , non recepisse Novatum in sua illa Sacerdotii inauguratione Spiritum sanctum, eo quòd signaculo Dominico non fuisset consignatus, quod fieri antè debuerat , ut disertè loquitur, κατὰ τὸν τῆς ἐκκλησίας κανόνα, secundùm Ecclesiæ canonem. Tum ejusdem sessionis 23. cap. 5. statuitur , *Ut qui sunt ad singulos majorum Ordinum promovendi , bonum habeant à Parocho & schola Magistro testimonium , atque uno saltem mense ante ordinationis expetita tempus conveniant Episcopum , qui Parocho , aut alii , cui visum fuerit , committat , ut nominibus ipsorum publicè in Ecclesia propositis , de natalibus , de ætate, de moribus & vita eorum diligenter à fide dignis inquirant , & literas testimoniales inquisitionis istius fidem facientes ad Episcopum transmittant.*

Postmodùm caput 12. annum inchoatum ætatis requirit vigesimumsecundum ad Subdiaconatum , & vigesimuntertium ad Diaconatum

tum

tum, atque ad Sacerdotium vigesimumquintum. Primis verò Ecclesiæ sæculis profectione ad Diaconatum, & Sacerdotium ætas exigebatur, viginti quinque annorum ad Diaconatum, & triginta ad Sacerdotium; sic enim definiunt Synodi quartæ Toletanæ canon 19. & antiquioris Synodi Agathensis canon 17. & his multò vetustioris Neocæsarensis canon undecimus. Ad minores autem Ordines jam requisierat Tridentinum *cap. 11*, Latinæ linguæ peritiā. A minoribus porro ad Subdiaconatum exigit anni interstitium, à Subdiaconatu ad Diaconatum alterius anni: & alterius similiter à Diaconatu ad Sacerdotium. Potest tamen proprius Episcopus, non tamen citra justam & urgentem causam, dispensare in interstitiis, *capite 11. 12. 13. & 14.* In comitiis Galliæ Blesensibus hæc eadem in singulis ordinandis præscribitur ætas, quæ fuit à Tridentinis Patribus constituta & præfixa.

Dictæ sessionis caput 9. concedit, *Ut possit Episcopus familiarem suum non subditum absque dimissoriis ordinare, modò fuerit triennio secum commoratus, eique quamprimum conferat beneficium.*

Ejusdem sessionis capite 15. sic statuitur: *Quamvis Presbyteri in sua ordinatione absolventi à peccatis potestatem accipiant, decernit tamen sacra Synodus, nullum, etsi Regularem, posse confessiones secularium audire, etiam Sacerdotum, nec ad id idoneum reputari, nisi aut Parochiale beneficium, aut ab Episcopis per examen (si illis videbitur esse necessarium) aut alias idoneus*

Caput XCVI. Concil. Tridentinum. 687

idoneus judicetur , & approbationem obtineat , non obstantibus quibuscumque privilegiis , aut contraria consuetudine. Consulito superiùs quæ supra hujusmodi pertractavi ad Concilium Viennense.

Sessionis ejusdem 23. capite 18. injungitur, ut in singulis Diœcesibus Collegia Ecclesiastica , seu Seminaria instituantur , in quibus juvenes Ecclesiæ servitio destinati educantur, atque scientiis, functionibus, & ritibus Ecclesiasticis , cantu , disciplina clericali , & sanctis moribus informantur. Hæc eadem fuerant antiquioribus Conciliis præscripta , quæ suprâ Commemoravi ad Toletani Concilii quarti canonem 24.

Tanti porrò momenti Seminariorum erectiones esse duxerunt Tridentini Patres , ut ad hunc finem Episcopis jus & potestatem tribuant obligandi ad annuas pro Seminario contributiones quoscunque beneficia possidentes ; atque etiam ut possint , valeantque ad Seminariorum foundationem aliqua beneficia simplicia , cujuscumque dignitatis, vel qualitatis fuerint , etiam ante vacationem, sine cultus divini & illa obtinentium præjudicio, huic Collegio applicare, unire & incorporare : nec hujusmodi uniones , vel applicationes possint ulla appellatione suspendi, aut impediri. Hæc Tridentina constitutio validitatem plenam habet in hoc regno Galliæ ; quippe Regiis etiam Edictis firmatur. Sanctio namque Melodunensis *art. 1.* Episcopis injungit , ut provideant restitutioni sacræ disciplinæ ; & à l'institution

688 *Notitia Conciliorum S. Ecclesie,*
tion des Seminaires , suivant les saints Decrets.
 Quæ ultima verba respiciunt Tridentinum de-
 cretum. Subsequutum est Blesensibus Comitibus
 alterum proculum Edictum *art. 24.* admonens
 Episcopos , ut erigant in suis Dioccesibus Ec-
 clesiastica Seminaria, etiam *par l'union des bene-*
fices , ainsi qu'ils aviseront bon estre : quibus
 verbis indulgetur illis circa istiusmodi Col-
 legiorum erectiones plena potestas , qualis
 conceditur per Tridentinum.

Sessione 14. *in decreto reform. matrim.* ple-
 raque de novo constituuntur circa fidelium
 matrimonia. In primis caput 1. declarat, *dein-*
ceps nulla & irrita connubia , in quibus non in-
tervenerint testes duo , & proprii Parochi præsenti-
ia ; cum fuissent pridem validæ nuptiæ clan-
 destinæ. Saluberrimum utique decretum , quo
 innumeræ lites inextricabiles , ambages , &
 nuptiarum incertitudines , & innumerabiles
 polygamix simul extirpantur.

Hic jam quæritur , utrum valeat matrimo-
 nium in præsentia Parochi invito contractum?
 Respondetur valere ; non enim exigat sacra
 Synodus consensum , sed solam præsentiam
 Parochi , & testium , ut per hæc obvietur ma-
 trimoniis furtivis & clandestinis. Id confirmat-
 tur per legem *coram Titio , D. de verbor. signif.*
 ubi iussus aliquid facere coram Titio, declaratur
 conditionem adimplevisse , si Titio præsentem
 & scientem fecerit, licet invito, & dissentiente. Et
 in hoc Summistæ consentiunt. Sanchez de ma-
 trim. *dip. 19. Filliucius tract. 10. cap. 6. n. 225.*
 & 226. Conink *disp. 27. dub. 4. conclus. 3.* ad-
 dens

dens hanc esse communem Doctorum sententiam. Fagnanus quoque *in c. quod nobis, de clandest. despons. n. 48. & sequentibus*, istud idem alia ratione confirmat, eo quod Parochus non sit hujus Sacramenti minister: quo casu ejus requireretur consensus; sed solum testis præcipuus ac necessarius, ad quod sufficit sola per sui præsentiam notitia: citatque his conformem Congregationis Cardinalium decissionem. Ita judicari vidimus in Gallicanorum Episcoporum diversis Tribunalibus. Ille tamen qui sic matrimonium iniret, graviter delinqueret, nisi quando injustè Parochus refragaretur.

Quid si Ordinarius ipse Parocho interdixerit ne matrimonii celebrationi interveniret? Quid etiam censendum, si Parochum quoad hoc suspenderit, aut interdixerit? Rectè idem respondet Prosper Fagnanus *ad c. litera quas, de matrim. contract. contra interdictum Ecclesiasticum*, tale quoque fore validum conjugium, sicque à sacra Congregatione judicatum Romæ. Et ratio est, quia non desinit per interdictum vel suspensionem esse Parochus, & licèt ex parte Parochi inhibiti, vel suspensi possit esse interventus ipsius illicitus, non tamen irritus & invalidus. Quamvis enim Parochus Episcopo subalternetur quoad jurisdictionem quam potest Episcopus tollere, vel limitare ac restringere; iste tamen interventus non est jurisdictionis actus, cum nihil hîc decernat, aut judicet Parochus, sed solam præsentiam præstet ut testis. Et quamvis Concilium Tridentinum

sess. 24. cap. 7. prohibeat Parochis , ne vagantium matrimoniis intersint ; si tamen intersint, matrimonia ista valorem sortirentur , ut idem asserit Fagnanus. Et matrimonium contractum contra interdictum Papæ sit quidem illicitè, sed nihilominus valet , ut docent Glossa & Innocentius *in cap. ad dissolvendum , de despons. impub.*

Dictæ sessionis 24. cap. 2. gradus affinitatis longius olim productos, & irritum facientes matrimonium , restrinxit primum quoad spirituales affinitatem inter baptizatum , & sponsores seu suscipientes de fonte Baptismi: atque inter patrem, matremque baptizati , & suscipientes : atque inter baptizatum & baptizantem : necnon inter baptizantem & baptizati patrem & matrem. Similiter inter confirmatum & sponsores : necnon inter sponsores & confirmati genitores.

Olim prohibebantur quidem , & irritabantur nuptiæ usque ad septimum cognationis inter collatores gradum , computando etiam gradus pro numero personarum, dempto communi stipite , in Ecclesia saltem Latina , ut perspicue docent testimonia, tum sancti Gregorii Papæ *epist. ad Felicem Messana Episcopum*, tum Alexandri Papæ secundi, quæ congeruntur in Gratiani Decreto *causa 35. q. 5.* Quæ seges procul dubio erat innumerabilium ambiguitatum , & incestuosarum nuptiarum & laqueorum animas intricantium: ideoque Lateranense sub Innocentio Concilium providè omnia impedimenta reduxit ad quartum gradum,

gradum, & refertur *c. non debet, de consanguin.* Jure autem Romanorum civili, etiam fratrum & sororum liberi matrimonio jungebantur, *Instit. de nupt. §. duorum, & l. 3. ff. de ritu nupt.* Concilium verò Tridentinum circa carnalis cognationis & affinitatis gradus quatuor, sanctionem sequitur commemorati Lateranensis Concilii. Porro jus illud Romanarum legum circa fratrum, sororumve liberos invaluit olim etiam inter Christianos. Filiæ namque Constantini Magni Constantina & Helena nupti datæ sunt: Constantina quidem Annibaliano primùm, filio Dalmatii fratris ipsius Constantini: Deinde Gallo Cæsari, filio Constantii alterius fratris Constantini: Helena verò nupsit Juliano alteri filio memorati Constantii.

Caput 3. publicæ honestatis impedimentum restringit ad primum gradum in sponsalibus validis; antea namque protendebatur ad quartum. Cæterum si sponsalia ipsa invalida fuerant, nullum inde impedimentum confurget. At verò ex matrimonio rato, sed non consummato nascitur impedimentum dirimens ad quartum usque gradum, ut declaravit Pius Papa V. in constitutione incipiente *Ad Romanum*, ex cujus inadvertentia Toletus & Lopez hoc impedimentum scripserunt esse publicæ honestatis, & desinere post primum gradum.

Jam hîc quæritur, utrum ex sponsalibus de futuro, non quidem morte, sed mutuo partium consensu solutis, exurgat quoque publicæ honestatis impedimentum? Hanc agitat

quæstionem Thomas Sanchez *lib. 7. de matrim. disput. 68. num. 2.* novissimè Prosper Fagnanus Apostolicus Referendarius *in comment. ad c. ad audientiam, de sponsal.* refert Romæ à sacra Congregatione judicatum die Julii 6. anno 1658. quod hîc quoque subsistat impedimentum istud. Et facta relatione ad Alexandrum Papam VII. qui hanc examinari quæstionem jussérat, fuisse ab ipso approbatum Congregationis judicium die Julii 10. jussumque ut posthac ita servaretur ubique à cunctis fidelibus.

Caput 4. Impedimentum affinitatis ex illicita conjunctione contractum limitat ad secundum gradum, cum olim quartum etiam gradum complecteretur, quæ occasio erat plurimorum incestuum.

Caput 6. inducit dirimens impedimentum inter raptorem & raptam, quamdiu hæc in raptoris manserit potestate.

Eadem sessio 24. *de reform. capite 1.* decernit vacantibus Ecclesiis præficiendorum Episcoporum vitam & doctrinam in ipsis locis examinari, & inquiri, actaque & processus Inquisitionis ad Summum Pontificem transmitti. Præficiendos autem esse Prælatos non precibus, neque humano affectu, aut ambientium suggestionem, sed eorum exigentibus meritis. Certè hoc ipso, quod quis Prælaturam ac dignitatem ambit, se illa indignum prodit, ut disserit Chrysostomus *lib. 3. de Sacerdotio, cap. 10.* Hujusce rei legimus documentum in Judicum libro, ubi refertur, olivam, ficum & vitem

vitem detrectasse delatum sibi ab arboribus in seipsas imperium, sed rhamnum inutile, spinosumque arbustum hanc præfecturam à maxime fructiferis plantis recusatam ultrò acceptasse. Imperatores Theodosius & Valentinianus, *l. sancimus, C. ad leg. Jul. repetund.* prohibent illis conferri Magistratus, qui ad eos ambitu vel pretio contenderint. Quæ lex tanti habita in Ecclesia fuit, ut in decreto sacrorum Canonum inserta fuerit, *c. sancimus, 1. q. 7.* Beatus quoque Hieronymus *comment. in cap. 1. epistole ad Titum*, sic de Episcopatu loquitur: *Vnusquisque se considerans, & sciens quia potentes potenter tormenta patientur, retrahet se ab hoc non tam honore quam onere, & aliorum locum, qui magis digni sunt, non ambiet occupare.* Præsertim verò illorum sordida damnatur ambitio, qui officia, procurationes & munia, sive ad Ecclesiæ curam, sive ad piorum locorum vel miserabilium personarum instituta pretio ambiunt ac mercantur, *c. Salvator, 1. q. 3. & l. omnes 42. §. 9. C. de Episcopis & Cler.* Primi etiam Occumenici Nicæni Concilii canon Arabicus 75. ita præscribit: *Si congregatio elegerit aliquem in cognitione fidei eruditum & probatum, ex his qui Altari administrant, aut ex Monasteriis, ut sit Episcopus, aut Archidiaconus, aut Chorepiscopus, aut Præfectus hospitalis, non debet ambire ille qui eligitur, alioqui ejiciatur ex Congregatione.* Denique octavæ Synodi (quæ est Constantinopolitana quarta) canon 4. postquam Photium occupato per ambitionem solio dejecit, causam ejus depositionis prætendit

694 *Notitia Conciliorum S. Ecclesiæ,*
ipsam ejus ambitionem, & hoc jungit, φιλαρ-
χίαν πονηράν ρίζαν τῶν κακῶν ἀπάντων, ambi-
tionem esse radicem exitialem malorum om-
nium.

Sub eadem sessione 24. de reform. cap. 6.
*Conceditur Episcopis absolvendi & dispensandi
facultas in omnibus censuris atque irregularitati-
bus ex occulto delicto procedentibus, solis exce-
ptis quæ sunt ex homicidio voluntario, aut quæ
sunt ex delicto quocunque ad forum contentiosum
deducto.*

Capite 16. abolentur deinceps mandata de
providendo, simulque gratiæ expectativæ.

Sessionis 25. capite 5. de Regular. decerni-
tur, ut clausuræ sanctimonialium curam gerant
Episcopi, in Monasteriis quidem sibi subditis
ex jure ordinatio; in aliis verò tanquam Apo-
stolicæ Sedis delegati. Et ut nemine obistere
auso decernant, atque inobedientes per censu-
ras Ecclesiasticas, aliasque pœnas compellant,
quacunque oppositione & appellatione post-
posita, & ubi opus erit, invocato brachii sæ-
cularis auxilio.

Capite 15. declaratur invalida & irrita om-
nis religiosa professio facta nondum expleto
ætatis decimosexto anno. Ante Synodum Tri-
dentinam ætas ad professionem requisita fue-
rat, quæ ad ineundas nuptias requirebatur, in
fœminis quidem expletorum duodecim anno-
rum, & in masculis quatuordecim, c. *significa-
tum*, & c. *cum virum*, de Regular. Plura superius
requirito, quæ congeffi ad canonem 22. Vor-
matienſis Concilii. Ad religiosam professio-
nem

nem eandem cum hoc Tridentino decreto præfigit ætatem jus Gallicanum in comitiis sub Henrico III. Blesensibus, art. 28.

Capite 19. *Quicumque Regularis prætendat se per vim & metum ingressum esse Religionem, aut etiam dicat ante ætatem debitam professum esse, an quid simile, velitque habitum dimittere quacunque ex causa, aut etiam cum habitu sine licentia Superiorum discedere, non audiatur nisi intra quinquennium tantum à die professionis; & tunc non aliter, nisi causas, quas prætendit, deduxerit coram superiore suo & Ordinario. Quod si antea habitum sponte dimiserit, nullatenus audiat, nec ad allegandam quancunque causam admittatur, sed ad Monasterium redire cogatur, & tanquam apostata puniatur.* Praxis tamen statim ab ipso Concilio ubique ferè invaluit, ut ejusmodi Religiosus reclamans admittatur, etiamsi habitum dimiserit, quia hoc plerumque necessarium est, ut suæ ad reclamandum libertati prospiciat, qui statim ex habitu dignosceretur, & à Fratribus receptus carcere perpetuo concluderetur, ut pluries factum est: tum quia sic occurritur gravi hominum scandalo; dum conspicitur quis in habitu religioso sine comite per devia fugiens, aut in diversoriis degens, moribus fortasse inconditis & dissolutis. Hunc igitur etiam in habitu sæculari audientum admonent Martinus Navarra *comment. 4. de Regular. n. 77. & 78. Azorius tom. 1. lib. 12. cap. 4. in fine, Lessius lib. 2. de just. cap. 41. n. 64. Bonacina tract. de clausuris, q. 2. p. 10. difficult. 3. cæterique communiter.*

Jurisdictionis ac potestatis Episcoporum circa Regulares capita præcipua Cóncilium astruit Tridentinum *sess. 25. de Regular.* Primò circa clausuræ monialium, etiam exemptarum, aut exemptis subditarum infractionem. Talium quippe Monasteriorum clausuræ cura Episcopis incumbit, *cap. 5. hujus sess.* adeò ut inobedientes aut contradicentes possint per censuras Ecclesiasticas, aliasque pœnas, quacunque oppositione rejecta compescere, invocato ad hoc etiam brachii sæcularis auxilio. Hæc eadem antè constituerat Bonifacius Papa octavus *cap. unico, de statu Regular. in 6.*

Monasteriis etiam Sanctimonialium, quæ Regularibus ac exemptis subsunt, potest Episcopus bis, aut ter in anno extraordinarium Confessorem offerre, præsertim si moniales, vel omnes, vel aliquæ id requirant, *cap. 10.* Gregorius Papa XV. in Bulla incipiente, *Inscrutabili*, addit ad declarationem & executionem Tridentini decreti, Episcopis tanquam Sedis Apostolicæ Legatis competere jurisdictionem, puniendique ac corrigendi potestatem in Regulares exemptos, ratione monialium ipsis exemptis subditarum: 1. si deliquerint circa personas intra monialium claustra degentes: 2. circa earundem clausuram: 3. si circa bonorum earundem administrationem.

Secundò jurisdictionem Episcopis tradidit Synodus Tridentina *hac sess. 25. cap. 11.* erga Regulares habentes Parochiales Ecclesias, ut his non præficiantur nisi illi, quos Episcopus prævio, si ei visum fuerit, examine approbaverit:

verit : atque istos circa ministerium animarum & sacram Ecclesiæ disciplinam delinquentes corrigere & punire valeat. Id verò confirmatur juribus antiquis , c. *qui Religiosis* , 18. q. 2. & tot. tit. de capellis Monach. & c. *ex ore* , de privil. & c. 1. §. *in eos* , de privil. in 6. maxime autem memorabile Urbani Papæ tertii edictum c. 1. de capel. Monach. In Ecclesias (ait) ubi Monachi habitant, populus per Monachum non regatur : sed Capellanus, qui populum regat, ab Episcopo per Concilium Monachorum instituat. Ita ut solius Episcopi arbitrio, tam ordinatio ejus, quam dispositio, & totius vitæ pendeat conversatio.

Tertiò si Regularis etiam in propria, exemptaque Ecclesia prædicet hæreses, Episcopus ut Sedis Apostolicæ delegatus debet contra eum procedere, sess. 5. de reform. cap. 2. §. *si vero*. Quæret aliquis fortasse, an ordinariis eadem competat potestas erga Parochiales Ecclesias, quæ unitæ sunt Ordini militari sancti Joannis Jerosolymitani, & erga illarum Parochos, qualis conceditur ab isto Tridentino decreto in Ecclesias Regularium Parochiales, & Parochos earum. Et competere quidem decernit Pius Papa V. in sanctione diei 22. Decembris, anni 1571. quæ incipit, *Exposcit*: cujus tenorem refert Paulus Piascius in *praxi Episcopali*, p. 2. cap. 3. num. 28.

Quartò quandocunque Regularis exemptus extra claustra notoriè deliquerit, ita ut populo scandalum faciat, ad Episcopi instantiam tenetur Superior Regularis illum severè punire

re intra tempus quod ei præfixerit Episcopus, cumque de irrogata pœna certum facere. Sin minus poterit Regularis ab Episcopo pro suo delicto puniri, *sess. 25. cap. 14.* Et superius *sess. 7. cap. 14. de reform.* renovant Tridentini Patres Innocentii I V. in Concilio Lugdunensi constitutionem, quæ legitur in *c. volentes, de privil. in 6.* hisce verbis : *Definimus quod quantumcunque sic exempti gaudeant libertate, nihilominus tamen ratione delicti, vel contractus, vel rei de qua contra ipsos agitur, possunt coram Ordinariis locorum conveniri.* His conformatur jus Gallicanum : statuit enim Carolus nonus in Comitibus Aurelianensibus, *art. 11.* appellationes Regularium ab Episcoporum sententiis non suspendere sententiam in causa criminis, sed tamen appellationem evocari decernit, seclusis aliis Tribunalibus, ad Regium privatum Consilium. Sancit præterea ibidem Carolus, ut Episcopi, seu Ordinarii suppleant per se ipsos Abbatum negligentiam circa vagos & erroneos Monachos. Hoc idem providerat *c. quanto, de offic. jud. ordin.* Itemque Chalcedonensis Synodi canon 4. & Quinisextæ canon 42. Hoc ipsum Tridentinum Concilium *sess. 6. cap. 3.* ita providet : *Nemo regularis extra Monasterium degens, etiam sui Ordinis privilegii pretextu tutus censeatur, quominus si deliquerit, ab Ordinario loci tanquam Sedis Apostolica delegato, secundum Canonicas sanctiones visitari, puniri, & corrigi valeat.* Atque in univèrsum sic edicit Tridentina sessio 21. *cap. 8.* ut commendata Monasteria, etiam Abbatiae, in quibus non viget

viget regularis observantia, necnon beneficia; tam curata, quàm non curata, sæcularia & regularia, qualitercumque commendata, etiam exempta, ab Episcopis tanquam Apostolicæ Sedis delegatis annis singulis visitentur. Et mox subjungit: [Et si in eis vigeret observantia regularis, provideant Episcopi paternis admonitionibus, ut eorum regularium Superiores juxta eorum Regularium instituta debitam vivendi rationem observent, & observari faciant, ut sibi subditos in officio contineant ac moderentur. Quod si admoniti intra sex menses eos non visitaverint, vel correxerint, tunc iidem Episcopi etiam ut delegati Sedis Apostolicæ eos visitare possint & corrigere, prout ipsi Superiores possent juxta eorum instituta; quibuscunque appellationibus, privilegiis, & exemptionibus penitus remotis, & non obstantibus.]

Vtrum verò possit Episcopus Regularem, qui notoriè & scandalosè extra claustra deliquit, carcere statim includere ac detinere, donec confecto in Curia Episcopali processu, reum puniendum ad Superiorem Regularem unà cum processu instructo transmittat? Sanè declaravit Cardinalium Congregatio, statim ad Superiorem esse remittendum, & tunc solummodò posse Episcopum sub custodia Regularem includere & punire, quando admonitus ejus Superior illum debitè coërcere neglexit.

Eadem sessio 25. de reform. capite 16. *Prohibet beneficia ex primæ institutione curata, fieri simplicia,*

700. *Notitia Conciliorum S. Ecclesiæ,*
simplicia, etiamsi Parocho; seu Vicario assigne-
tur congrua portio. Ubi verò jam id factum fuit,
etiam ab immemoriali tempore, curam gerat
Episcopus assignandi Vicario, seu Parocho con-
gruentem portionem, si sufficientem non habeat.
Et cum primum per cessum, sive decessum, sive
Reſtoris, sive Vicarii, aut quomodolibet altera ex
duabus præbendis vacaverit, beneficium integrum
in animarum curam restituat, & Vicariam sup-
primat.

CAPUT XCVII.

Diatriba Ecclesiastica circa Tridentinum de-
cretum, de vulgata Bibliorum
editione.

Sessione quarta sic decernunt Tridentini
Patres, post enumeratos sacre Scripturæ
sigillatim libros : *Si quis autem libros ipsos inte-*
gros cum suis omnibus partibus, prout in Eccle-
sia Catholica legi consueverunt, & in veteri vul-
gata lectione habentur, pro sacris & canonicis non
susceperit, anathema sit. Hunc locum multi
perperam detorquent ad singulas particulas
vulgatæ Latine editionis ; cum tamen scopus
longè diversus à Concilio hîc intendatur ;
quod postquam libros quosdam sacros, quos
Hæretici de Canone obliterabant, sacro Cano-
ni asseruit, ulterius providit hoc eodem loco,
ut ex his etiam libris, quos Hæretici horum
tempo

Caput XCVII. De vulg. Bibliorum edit. 701

temporum fatebantur canonicos, partes aliquas, etiam magnas & insigniter amplas, quas Hæretici spurias, addititias, & suppositas contendebant, debitæ authoritatī canonicæ vindicaret. Atque hic est verus, genuinus, & à Concilio intentus horum verborum sensus, *Cum suis omnibus partibus.*

Hanc Synodum generalem fuisse congregatam hoc præcipuè sine, ut provideret ne Christi Ecclesiā detrimentum ex erumpentibus Lutheranorum, Zuinglianorum, Calvinistarum, Anabaptistarum sectis ulterius caperet, nemo est qui dubitet; idque liquidò constat ex indicationis Bulla Concilio istī præfixa. At verò Novatores sectarii duplicem circa Sacros libros errorem invexerant. Primum enim integros aliquot libros de sacrarum Scripturarum Canone expungebant: hi sunt Tobię, Judith, Sapientiæ, Ecclesiastici, Machabæorum: deinde alios quidem integros admittebant, non quales in Latina vulgata editione habentur, sed tantum prout in Hebræicis hodiernis voluminibus leguntur: in quibus permultæ desunt partes, quæ suppleantur in receptis ab Ecclesiā Latinis Bibliis, quas omnes partes supprimunt hæretici in universis quibus utuntur, tam Latinis, quàm vernaculis translationibus. Huic ergo secundo errori providere sategerunt Tridentini Patres per hæc verba, *Cum suis omnibus partibus.* Nec verò ulterius ad singulas & minutas particulas mens eorum collimavit, ut ex sequentibus argumentis perspicuum fiet. Quæ antequam attingam, visum est aliquas ex pluribus

702 *Notitia Conciliorum S. Ecclesie,*
ribus seligere, & recensere partes, ad quas res-
pexit hoc loco sacra Synodus.

Negant igitur Novatores esse Canonica, &
supprimunt ex propriis Bibliis ista, quæ conti-
nentur in editionis vulgatæ Bibliis. Genes. 4.
vers. 8. *Egrediamur foras.* Et Genes. 38. vers. 5.
Quo nato parere ultra cessavit. Et Exod. 2. v. 22.
Alterum verò peperit, quem vocavit Eliezer, di-
cens: Deus enim patris mei adiutor meus eripuit
me de manu Pharaonis. Et 1. Regum cap. 5. v. 6.
Et ebullierunt villa & agri in medio regionis il-
lius, & nati sunt mures, & facta est confusio
mortis magna in civitate. Jerem. 1. Reg. 10.
vers. 1. *Et liberabis populum suum de manibus*
inimicorum ejus, qui in circuitu ejus sunt: & hoc
tibi signum, quia unxit te Deus in Principem.
Similiter 1. Reg. 14. vers. 41. *Quid est quod*
non responderis servo tuo hodie? Si in me, aut
in Ionatha filio mea est iniquitas hac, da osten-
sionem: aut si iniquitas hac est in populo tuo, da
sanctitatem. Præterea 2. Reg. 1. vers. 5. *Et*
ostiaria domus purgans triticum obdormivit. In-
super 2. Reg. 10. vers. 19. *Expaverunt, & fu-*
gerunt quinquaginta & octo millia coram Israël.
Item 1. Paralip. 1. vers. 32. *Filii autem Dadan,*
Assurim, & Latussim, & Latomim. Alia hujusce-
modi innumera præmitto.

Sunt item integra capita & partes ingentes
in vulgata editione, desumptæ ex Græca Theo-
dotionis editione, quarum nihil continetur in
Hebræis aut Chaldaïcis voluminibus, quæ
similiter à Novatoribus ut sputæ respuuntur;
quales legimus in libro Esther, præterea in
libro

libro Danielis , cujus capite 3. habentur continui sexagintaseptem versiculi , quos omnes illi expungunt. Habentur præterea integra & proluxa capita 13. & 14. comprehendentia Sufanna , & Draconis Beli , & carceris Danielis , & translationis Habacuc Prophetæ amplas historias , quæ à Lutheranis & Calvinistis exploduntur. Huic ergo Hæreticorum circa divinas Scripturas errori ac temeritati occurrendum judicavit sacra Synodus , quando illos anathemate perculit qui sacros Libros cum suis omnibus partibus pro sacris & canonicis non susceperint. Neque quidquam definire intendit vel cogitavit sacra Synodus de omnibus particulis aut verborum minutiis universis , quæ neque fidei , neque morum disciplinam convellunt , aut labefactant.

Enimverò dubitari nullo modo potest , quin eo ipso tempore quo Tridentina Synodus ipsum istud decretum circa sacros libros procudebat , sacra vulgatæ editionis Biblia tot mendis scaterent , ut nullum prorsus Bibliorum Latinorum exemplar ab innumeris mendis immune fidelium manibus tereretur. Itaque non potuissent hoc de illis statuere , quod multis venit in mentem ; videlicet omnes hujusmodi Bibliorum particulas & voculas sine ulla exceptione sacras esse atque canonicas. Sanè illo ipso sæculo Plantinianæ editionis vulgata Biblia ad fidem vetustissimorum manuscriptorum totâ Europâ conquisitorum excusa , judicabant sapientes præ cunctis aliis castigatissima : & tamen post Plantinianæ correctionis editionem

704 *Notitia Conciliorum S. Ecclesie,*
editionem, aliasque eorundem temporum sa-
tis castigatas & elaboratas, & post Concilii
Tridentini tempora prodiit jussu Sixti V.
Pontificis nova & castigatior Bibliorum edi-
tio: qua tamen haud contentus Clemens
Papa VIII. alteram castigationem quàm Sixti-
na fuerat, concinnari fecit Bibliorum editio-
nem.

Et tamen Sixti constitutio anno edita 1589.
cujus est initium, *Aeternus ille cœlestium*, &
quam Bibliis suâ curâ correctis præfixerat,
ita loquitur: *De Apostolica auctoritatis plenitu-*
dine statuimus ac declaramus, eam vulga-
tam sacram tam veteris, quàm novi Testamenti
Latinam editionem, qua pro authentica à Con-
cilio Tridentino recepta est, sine ulla dubitatione
ac controversia censendam esse hanc ipsam, quam
nunc, prout optime fieri potuit, emendatam, &
in Vaticana Typographia impressam, in univër-
sa Christiana Republica, atque in omnibus Chri-
stiani orbis Ecclesiis legendam evulgamus. Eam-
que nunc demùm Apostolicâ nobis à Domino
tradita auctoritate comprobata, pro vera, legi-
tima, authentica & indubitata, in omnibus pu-
blicis, privatisque disputationibus, lectionibus,
prædicationibus & explanationibus recipiendam,
& tenendam esse.

Ea constitutio Sixti nihil obstitit, quo mi-
nus postmodum Clemens VIII. hanc vulga-
tam & Sixtinam Bibliorum editionem in mul-
tis post Sixtum emendatiorem edi curaverit,
multis tum additis, tum detractis passim vo-
cibus, aliisque transpositis; nonnullis etiam
fidei

fidei doctrinam non concernentibus, apertam etiam contrarietatem aut contradictionem habentibus, ut affirmat ipsa Clementis Bulla, quam refert post Sixti Bullam Cherubinus Collector in suo Bullario. Dicendum itaque, Sixtum emendatiora quàm ante fuissent, Biblia suppeditasse, non tamen ab omnibus expurgata mendis: neque ablatam per id potestatem fuisse posterioribus Pontificibus castigatiora Biblia edendi, qualia sunt Clementis VIII. Neque post Clementis editionem fuisse exhausta omnia sacrorum Librorum menda, aut præreptam futuris Pontificibus potestatem emendatioris editionis, quàm fuerit ipsa Clementina. Id verò unum tam Sixtus, quàm Clementis intenderunt, novam quam exhibebat uterque editionem, fuisse iis quæ præcesserant castigatiorē: & prætereà si quid possit in eis posthac de novo emendari, id omne esse indifferens ad sanam fidei doctrinam.

Quinetiam subinde post Clementinam Bibliorum editionem Franciscus Lucas Theologus & Decanus Cathedralis Ecclesiæ Audomarenfis, libellum edidit continentem plures lectionum varietates, quibus perfectior reddi possit ipsa Clementis editio, si accederet alterius Romani Pontificis autoritas. Collectio autem Francisci Lucæ comprehendit quater mille & amplius loca, quæ in Bibliis à Clemente correctis ulterius possent emendari. Idemque in epistola hujusce collectionis dedicatoria refert testimonia ex literis ad seipsum scriptis Roberti Bellarmini Cardinalis, & Joa-

706 *Notitia Conciliorum S. Ecclesie,*
 nis Baptistæ Bandini, quorum operâ Clemens
 usus fuerat in Bibliorum à se edita correctione.
 Uterque Francisco Lucæ rescribit: *Sacra Bi-*
blia, per illam Clementinam, quæ de Vaticana
Typographia paulò ante prodierat, editionem nec-
dum esse accuratissimè correctâ, & superesse non
paucâ quæ adhuc in melius mutari possent. Hujus
 quidè Clementinæ editionis præfatio, quæ
 ab ipsis Pontificiis correctoribus præfixa est,
 profitetur, *hanc editionem pro humana infirmi-*
tate omnibus numeris absolutam difficile est affir-
mare. Iste Franciscus Lucas aliam quoque pro-
 cudit collectionem, quæ correctiones plus-
 quam ter mille recenset, quibus Sixti editio
 Biblia vulgata, quæ Concilii Tridentini tem-
 pore erant in communi totius Ecclesiæ usu, de-
 fæcavit. Quis igitur asserere ausit, in Bibliis,
 quibus Tridentini Patres, & reliqui tunc tem-
 poris fideles utebantur, nullam vocem aut
 particulam fuisse, quæ non esset divinæ autho-
 ritatis? aut quis poterit hoc idem de Sixti-
 na correctione affirmare, cum insequens Cle-
 mentina correctio quamplurima Sixtinæ cor-
 rectionis loca insuper emendaverit, & adhibiti
 ab ipso Clemente correctores, aliique pietate,
 doctrinaque in primis conspicui Doctores ple-
 raque loca, quæ in Clementina editione super-
 sunt, mendosa esse pronuncient, & argumentis
 probent?

Sancti Ecclesiæ Doctores nobis apertè suf-
 fragantur. Hieronymus qui scribit nomen *Ie-*
remie, quod adhuc legitur *Matth. 27. vers. 9.*
irreplisse pro Zacharia. Epiphanius *advers. hæ-*
res.

ref. in secta Epicuræorum, qui apertè scribit, mendum exscriptorum esse, quod etiam nunc legimus *Matth. 1. vers. 11. Iosias autem genuit Iechoniam & fratres ejus*. Et iterum S. Hieronymus nomen *Isaia*, quod legimus *Matth. 3. v. 3.* credit esse additum. *Nos (ait) nomen Isaia putamus additum scriptorum vitio: quod & in aliis probare possumus.* Sic ille. Alii insuper prisca Patres de quibusdam aliis scripturæ locis expostulant fuisse depravata. Vt & alii recentiores graves & Orthodoxi, qui tamen ante Tridentinum Concilium scripsere, Nicolaus Lyranus, Alfonsus Tostatus, Hugo Cardinalis, Thomas Cajetanus, Dionysius Richel Carthusianus, aliique. Sed in his haud immoror, ut ad eos pregrediar, qui post Concilium Tridentinum scriptis suis Ecclesiam illustrarunt.

Istiusmodi sunt Ioannes Maldonatus, Ludovicus Lipomanus Episcopus Veronensis, Andreas Masius, Cornelius Jansenius Episcopus Gandavenfis, Joannes Gagnæus, Alfonsus Salmeron, Cæsar Baronius Cardinalis, Jacobus Tirinus, Gaspar Sanctius, Dionysius Petavius, Jacobus Saliæus, Nicolaus Serarius, Torniellus, Cornelius à Lapide, Bellarminus, ne alios recensendo prolixior sim. Deus optime, quales & quanti viri, in quibus eximia pietas, sublimis sapientia, & profunda eruditio de palma contendunt? Aded ut licet aliquis unum aut alterum locorum, quæ illi depravata in vulgata editione contendunt, à depravatione tamen vindicaverit, hoc saltem supersit tot, tanto-

rumque doctorum iudicio Concilium Tridentinum, quod illi omnes magna prosequerentur veneratione, & cui contradicere piaculum credidissent, minimè iudicasse, singulas vocum particulas, nullâ exceptâ, prout in vulgata editione reperiuntur, esse canonicas ac divinæ autoritatis.

Vulgata translatio Latina *Iosue* 21. v. 36. sic enunciat. *De tribu Ruben ultra Iordanem contra Iericho civitates refugii Bosor in solitudine Misor, & Iaser, & Iethson, & Mephaath, civitates quatuor cum suburbanis suis.* Nicolaus Serarius è Societate Jesu, *comment. in hunc locum*, admonet in primis ex præcedenti capite 20. v. 8. aliisque Scripturis, ex his enumeratis urbibus tribus Ruben, solam Bosor esse refugii. Quod est etiam notandum in aliis aliarum tribuum hîc recensitis civitatibus. Nam ex quadraginta octo Leviticis urbibus assignatæ sex duntaxat fuere in refugium, quamvis in versiculis 21. 27. 32. 36. & 37. promiscuè & indistinctè in vulgata editione omnes civitates dicantur urbes refugii.

Addit Serarius nomen *Misor*, in vulgatum Latinum còtextum v. 36. ex margine irrepisse. Addit præterea vel eandem esse Iaser cum Cademoth, vel cum insequente civitate Jethson: sed probabilius esse Iaser huc per errorem immigrasse vice Cademoth. Idemque Serarius hæc verba subnectit. *Hinc apparet vulnus alicunde textui huic tam in Latinis, quam in Graecis, quam in Hebraeis exemplaribus inflictum, quod nondum hæcenus curatum satis.* Alfonsus verò

verò Tostatus textum vulgatum hujus & sequentium versiculorum ex historica veritate aliarum scripturarum corrigens, non aliter proponit nisi in singulari numero, civitatem refugii, non civitates refugii.

Gaspar Sanctius ejusdem Scriptor Societatis, qui suis commentariis universam penè Scripturam elucidavit, ad lib. 4. Reg. cap. 14. num. 28. & sequentibus, multa fusè admodum de hac materia pertractat, & pro fundamento regulam istam his ipsis verbis proponit: In Bibliis vulgatis & fuisse multa, & nunc etiam esse non pauca, quæ scriptorum ac librariorum incuriâ sensim irrepserunt, quæ mutata sunt & correctæ à Sixto; & multa etiam relicta, quæ cum mutanda viderentur, consultò tamen relicta sunt. Eodem loco Sanctius observat, Hieronymum in sacra Scriptura (qualem etiam nunc post Sixtinam correctionem habemus) librariorum incuriam deprehendisse, ut Isaia cap. 32. & Matth. 1. ubi sermo est de Ieconia. Et Canum lib. 11. de locis Theol. multa observare errata in numeris ex eorum incuria, qui olim Sacros Libros transcripserunt.

Addit Sanctius sæpe in Bibliis contingere, ut una dictio à descriptore prætereatur, quia alia similis ei conjuncta est. Et profert, Ex pluribus (ut loquitur) exemplis hæc pauca etiam post Pontificiam correctionem. Hebr. 12. vers. 2. proposito sibi gaudio; cum tamen juxta codices Græcos legendum velit, pro proposito sibi gaudio, ἀντὶ προκείμενης αὐτῷ χάρις, ut legunt Chrysostomus, Theodoritus, Theophylactus, Oecume-

710 *Notitia Conciliorum S. Ecclesie,*
nus. Sic Rom. 11. investigabiles dicuntur via
Domini, pro in-investigabiles. Ante Sixti verò
correctionem similiter legebatur Hebr. 5. vers. 11.
interpretabilis: at nunc in-interpretabilis, Gracè
ἀνορέμνητος &. Et Psalm. 118. nunc temporis
etiam legitur: Præveni in maturitate, pro contra-
rio vocabulo, in immaturitate id est in tempore
nondum opportuno. Addit præterea, Sanctum
Hieronymum ad locum Isaia 42. Educet in ve-
ritate iudicium, observare hunc locum mutilatè
legi apud Matthæum cap. 12. omissis istis, non
erit tristis, neque turbulentus, donec ponat in
terra iudicium. Idque Scriptoris errore contigisse,
qui hanc vocem (iudicium) repetitam in illo
Isaia loco non advertit; ideoque semel tantum
per inadvertentiam posuit, omissis verbis interme-
diis. Quam observationem idem repetit Hierony-
mus ad Algasiam. quæst. 2.

Deinde profequitur Sanctius adjungens:
Matth. 1. secunda genealogia Christi tessarade-
cade fuisse omissos non ab Evangelista, sed à pa-
rum cauto exscriptore, tres istos, Ochosiam, Ioam,
& Amasiam, ob vicinitatem & similitudinem
nominum Ochosia & Osia, ut inconsultò scripse-
rit aliquis antiquarius Ioram genuit Osiam; pro,
Ioram genuit Ochosiam: quod proclive erat, quia
præter reliquam conformitatem, habent hac duo
nomina eandem literam initialem, nec differunt
nisi una intermedia litera.

Similiter probare & persuadere nititur San-
ctius, In tertia tessaradecade scriptum fuisse à
Matthæo, Iosias genuit Iechoniam, & post trans-
migrationem Babylonis, Iechonias genuit Iecho-
niam:

niam : eo quòd Ioachim , filius Iosia fuerit etiam denominatus Iechonias , ut volunt Hieronymus in hunc Matthai locum (quem idem sanctissimus Doctor asserit ab exscriptoribus depravatum) & S. Ambrosius lib. 3. in Lucam , ad finem : & S. Epiphanius in hæres. Epicuraorum , ad finem , qui depravationem quoque ab exscriptore hîc factam asserit. Hos sequuntur quoad testimonium ejusdem prætenfæ depravationis præter Sanctium , Tostatus Abulensis , Jansenius Gandavensis , Mariana in cap. 1. *Matth.* Garzia Galerza lib. 8. cap. 3. Difficultates porrò quæ opponi possent circa nominum numeros tessaradecas singulas constituentes , Sanctius abundè conatur explanare.

Cornelius Jansenius Gandavensis Episcopus in epist. ad Cardinalem Granvellannum , quam editis à se in Ecclesiasticum commentariis præfixit , meminit quidem hujus Tridentini : quia tamen aliam esse quàm quæ à vulgò existimatur , istius decreti mentem & scopum intelligebat , sic ibidem de Ecclesiastici libro loquitur : *Hic liber præ cæteris Scripturae libris , & infelicius apud nos versus est , & corruptissimus est in plerisque locis.* Deinde identidem per universum commentarii sui opus passim pronunciat , & ostendit , *Translationem istam , qualem nunc habemus , vitiatam & corruptam esse pluribus locis ad singula capita libri , neque Latinum duntaxat , sed ipsum etiam Græcum exemplar.*

Alfonfus Salmeron sancti Ignatii Loyolæ socius , qui Tridentino Concilio summo ju-

bente Pontifice interfuit, & Joannes Gagnæus *comment. ad Act. Apost. cap. 27. v. 6.* ambo scribunt, *Eo loco per errorem irrepsisse Lystram Lycia in Latinis vulgatis, cum scribendum velint Myram Lycia, sicut habent Græci codices, & legerrunt Chrysostomus, aliique Græci Patres: cum scitum Myram esse in Lycia; Lystram autem hic ipse liber Actuum cap. 14. collocet in Provincia Lycaonia.* Istam Salmeronis & Gagnæi sententiam refert Lorinus *act. 27.*

Joannes Maldonatus ejusdem Scriptor Societatis, *comment. in Matth. 1. v. 11.* ait, hunc versiculum esse scriptorum vitio depravatum, & sic legendum esse: *Iosias autem genuit Ioachim & fratres ejus, &c.* Deinde versum 12. similiter ipsius iudicio depravatum sic esse legendum: *Ioachim autem genuit Iechoniam.* Idemque Maldonatus *Matth. 27. v. 9.* docet, nomen *Ieremia*, quod ibi legitur, fuisse ab aliquo indocto margini appositum, deinde ab altero aequè imperito translatum in ipsum textum: cum tamen memorata ibi prophetia non sit *Ieremia*, sed *Zacharia*. Istam circa hunc locum sententiam Maldonatus communem habet cum S. Hieronymo, & Cornelio Jansenio Gandavensi ad hunc ipsum locum, ut taceam *Lyranum*, *Hugonem Cardinalem*, *Dionysium Carthusianum*, qui fuerunt in eadem sententia ante Synodum Tridentinam.

Jacobus Tirinus Soc. JESU 1. *Paral. c. 4. v. 22.* haud satis probat istas versiones: *Qui stare fecit solem, & viros mendacii, & securum, & incendientem; cum sint nominum propriorum Iokim & Coseba & Ioas.* Quin etiam adjungit, *vocem Solis,*

Cap. XCVII. de vulg. Bibl. editione. 713

Solis, qua legitur in omnibus vulgatis, etiam ultimò correctis Bibliis, fuisse olim hinc insertam à sciolo, deductamque ex Iudaeorum anilibus fabulis. Idemque Tirinus, necnon ex eadem Societate alii duo, Jacobus Saliarius ad an. 3150. n. 5. & seqq. atque Dionysius Petavius ration. temporum p. 2. cap. 11. Caietanus pariter in 2. Paralip. & Torniellus in annal. unanimiter omnes scribunt, in lib. 2. Paral. cap. 22. v. 2. mendosè legi tam in Hebrais, quam in Latinis voluminibus, quadragintaduos annos, pro duobus & viginti, sicut habetur 4. Reg. 8. v. 26. Cornelius à Lapide comment. ad 2. Paralip. 22. apertè affirmat, ibi esse mendum numericum, & contrarias rationes solide refellit. Addit, idem affirmari à Bellarmino in manuscripta concordia annorum Israel, & Iuda, quam penes se habet. Deinde sic ait: Plura in editione vulgata à Romanis correctà sunt, & plura corrigi possent, ut ipsi correctores in Praefatione fatentur. Sic multi demunt Cainan à serie generationum in genealogia Christi, cum tamen eum constanter habeant omnia Græca, Latina, Syra, Arabica exemplaria, Luca 3. 36. Hactenus Cornelius à Lapide.

Aloisius Lipomanus Veronæ Episcopus, & Andreas Mafius intricati ambo perplexis difficultatibus conciliandi cum narratione Moysis ea quæ perhibet S. Stephanus de vocatione & migratione Abrahami, nodum istum Gordium excindere quàm solvere satius duxerunt, & scripserunt, antiquarios nonnulla exscribendo caput Actuum septimum, sive per incuriam, sive per imperitam audaciam vitiasse. Non tamen desunt rationes

tationes conciliandi loca in speciem contraria, quas alii Expositores excogitarunt.

Cæsar Baronius Cardinalis de Ecclesia optimè meritus; rationibus aliquot chronologicis adductus asserit ad Christi annum 59. *Subesse mendum in omnibus Pauli exemplaribus, 2. Tim. 4. & 20. Trophimum autem reliqui infirmum Meliti, cum autumet Melita legi oportere.*

Præ omnibus Bibliorum editionibus præcipuam certè laudem ac venerationem meretur Latina vulgata, à sincerioribus & eruditioribus ingeniis cæteris omnibus translationibus prælata, quamque universa Ecclesia reliquis omnibus posthabitis complexa est: nec minùs tamen suprà recensiti gravissimi & Catholici Doctores, aliique quorum commemoratione supersedeo, ipsique illi, qui Sixti & Clementis jussu vulgatam editionem exactiùs quàm antea correxerunt, hoc de ipsa in præfatione, quàm Bibliis præfixerunt, testati sunt: *Non posse affirmari quod sit numeris omnibus absoluta, atque in his non pauca relicta fuisse, quæ mutanda videbantur.* Nimirum quia menda nonnulla sic ab antiquo irreperant, ut nulla suppetere exemplaria his mendis vacua. At verò sapientis veterum librorum, & maximè Sacrorum correctoris est, nihil ex propria mente innovare, sed cuncta ad fidem optimorum & vetustissimorum exemplarium exigere, quantumvis videri possit alteratus ab antiquis non quidem authoribus, sed exscriptoribus locus.

Id verò non solum in vulgata editione damnum contingere potuit, sed in ipsis Hebraicis, Græcisque

Græcisque exemplaribus reipsa ita contigisse certum est, ut nullum hujusmodi exemplar immune prorsus reperiri possit, ipsaque Ecclesia sancta in omni sæculorum decursu, vix ac ne vix quidem Bibliis Hebraïcis, aut Græcis, aut Latinis potita sit; quæ omni ex parte illibata & expurgata essent. Exempli causâ in multiplicibus versibus capitis 21. Josuë videbant adhibiti tum à Sixto, tum à Clemente correctores perspecta rei veritate, *Legendum esse potius urbs, quàm urbes refugii*. Tum quia ex multiplicibus illic nominatis urbibus Leviticis solæ illæ, quæ primo loco in iis versibus nominantur, pertinebant: tum quia ipsi, tam Hebræi, quàm Græci codices archetypi, urbem numero singulari exprimebant. Hebræi quidem *עיר אחת* *eth-hir miclat*; Græci quidem *τὴν πόλιν φυγαδευτερίν*. Nec dubitabant emendatores, quin Latinus interpres transtulisset in singulari *urbem*: faciliè quoque animadvertēbant sciolum quempiam & audaculum vulgatæ editionis, sive transcriptorem, sive correctorem, videndo non unicam, sed plures designari simul civitates, ineptè autumasse non urbem scribendum, sed urbes. Quia tamen ista depravatio ab altissimè dudum petitis sæculis invec̃ta fuerat, nec ullum hac in parte illibatum exemplar occurrebat, maluerunt modesti & religiosi emendatores, reinuti erat relinquere intactam, quàm contra omnium veterum Latinorum exemplarium fidem aliquid ex mente propria commutare. Atque ita multa (ut ipsi protestantur) quæ mutanda videbantur,

716 *Notitia Conciliorum S. Ecclesie,*
videbantur, consultò immutata reliquisse.

Hebræa verò Biblia non esse jamdudum à mendis vacua perspicies, si conferas cum Græca Septuaginta Interpretum editione: cui tantum detulisse ipsum Christum Dominum, ejusque Apostolos & Evangelistas constat, ut quando ex veteri Testamento testimonia proferunt, non aliter ea enuncient, quàm juxta Septuaginta Interpretum editionem, etiam ubi maxime videntur ab Hebræico textu discrepare. Constat verò 70. Interpretes aliquot sæculis Christo anteriores à Principe Sacerdotum selectos, florente Judæorum Republica, instructos fuisse quàm emendatissimo veteris Testamenti Hebræico exemplari: nec minus liquidò constat, ipsos aliter in Hebræis voluminibus legisse, quàm nunc temporis, atque ab annis mille & ducentis legi soleat, ut perspicuè ostendunt in editis à se in Psalmos commentariis Paulus Burgenfis, Genebrardus, Lorinus, Bellarminus. Fateri ergo necesse est, Hebræorum codices, quales habemus, depravationem dudum contraxisse. Quæ depravatio post reprobationem Judaismi multis ex causis ortum duxit (ut fileam exscriptorum incuriam, inscientiam, malam fidem, quam etiam Judæis improperat Justinus Martyr circa Scripturas in *Dialogo cum Tryphone Judæo*) tum ex plurium Hebræicarum literarum similitudine, unde factum, ut aliæ pro aliis facile substitutæ fuerint, tum ex vocalium apud Hebræos defectu, quarum loco alia pro aliis vocalia puncta obtruserunt Rabbini Judæorum, post Christianæ Religionis

ligionis exortum istiusmodi punctorum inventores; tum demùm ex interpunctionum, periodos & incisa dividendum, collocatione diversa, qua sensus sententiarum & verborum quam sæpius immutatur, & planè diversus reperitur inter hodierna Hebraïca Biblia & Septuaginta Interpretes. Hæc passim demonstrat in Psalmis Genebrardus, & ab hoc mutuatus Bellarminus.

Quod verò attinet ad Græcam 70. Translato-
rum editionem, quæ ab ipsis Apostolorum
temporibus omnem in Ecclesia obtinuerat au-
thoritatem, in Oriente quidem ad hunc usque
diem, in Occidente autem per annos quingen-
tos, ubi Romana Ecclesia, cæteræque tum Oc-
ciduæ, tum Africanæ non aliis utebantur La-
tinis Bibliis, quàm derivatis & traductis ex
fonte translationis Græcæ à 70. editæ; dubita-
ri tamen non potest, quin editio τῶν 70. fuerit
multis locis vitata & corrupta jam inde à prio-
ribus Ecclesiæ sæculis, ut conqueritur Orige-
nes *ad caput Ieremia* 17. Fieri ergo non potuit,
quin Latina antiquiora Biblia, quibus solis
universa Ecclesia Latina utebatur, eosdem pa-
riter defectus contraxerint. Ipse sanè Origenes
qu岸optimè potuit Septuaginta expurgavit,
quæ tamen diligentia ejus minimè suffecit,
quandoquidem Sanctus Martyr Lucianus, &
Hesychius novas post Origenem addidère cor-
rectiones τοῖς Septuaginta; sed inter se ita di-
versas, ut fidem faciat Hieronym. Orientalium
Ecclesiarum partem usam Luciani editione
fuisse, at in altera parte prævaluisse editionem
• Hesychii

Hesychii. Quæ tamen non obstiterunt , quin Græcæ utriusque editiones multis nævis & maculis aspersæ sint, ut passim S. Hieronymus expositukat.

Quod autem ad Latinarum Ecclesiarum Latina Biblia spectat , quibus illæ per annos quingentos usæ sunt, sic de illis testatur Hieronymus præfat. in Josuë : *Apud Latinos tot sunt exemplaria , quot codices , cum unusquisque pro arbitrio suo vel addiderit , vel subtraxerit quod ei visum est.* Hieronymo suffragatur Augustinus libro 2. de doctr. Christ. cap. 11. hisce verbis : *Qui Scripturas verterunt Latini numerari nullo modo possunt ; ut enim cuique primis fidei temporibus in manus venit codex Græcus , & qui aliquantulum facultatis utriusque lingua sibi met habere videbatur , ausus est interpretari.* Ita Augustinus. Et sanè ut fuissent illæ versiones alioqui sinceræ , illas tamen labe necessariò contrahebant, quæ temporum injuriâ codices ipsos Græcos , unde translatae erant, deformaverant. Sola verò vulgata editio , cujus authorem Hieronymum eruditiores credunt, ex Hebraïcis fontibus hæusta est. Sed ipsa quoque (ut in omnibus rebus , quæ privatorum hominum manibus passim & longo annorum decursu tractantur , necesse est evenire) nævorum & depravationum haud paucas injurias pertulit ab exscribentibus antiquariis, & correctoribus imperitis. Quare multis præconiis laudanda est Sixti & Clementis Pontificum pia sollicitudo, qua factum est , ut defæcatoribus nunc Bibliis fruamur , deterfis innumeris , quibus &
ante

ante, & post Concilium Tridentinum scatebant maculis. Certè nunquam permīsit, aut permīssura est divina providentia, ut Biblia sacra, quibus publicè Catholica Ecclesia utitur, ejusmodi erroribus scædantur, qui divinæ fidei, mornmque sanctitati directè & manifestè adversentur. Huc enim collimat Christi in suam Ecclesiam regimen & directio.

Quamvis olim Curix Regni Franciæ, consulente & instigante Carolo Molinæo Parisiensi Advocato, qui suum etiam qualecunque consilium typis edi curavit, hujus Synodi Tridentinæ receptioni, præterquam in decretis solis, quæ de fide sunt, obstiterint; singuli tamen Episcopi intra proprias Diœceses recipi, & observari curaverunt hujus Concilii Canones, quotquot etiam circa Ecclesiæ ordinem & disciplinam constituerat. Quo factum est, ut jam inde ab integro sæculo graduum consanguinitatis & affinitatis, tam spiritualis quàm carnalis restrictio, quoad legitima conubia, anni etiam ad provisionem validam requisiti, annus quoque probationis, formæ reclamandi à facta dudum professione, ætas quoque ad singulos Ordines requisita, formæ provisionum beneficialium, declarationes potestatis Ordinariorum in multis rebus & personis, maximè verò circa casus occultos, quorum olim absolutio aut dispensatio Papæ reservabatur, aliæque ejusmodi quamplurima vigorem, nemine opponente, in Gallia habuerint jam inde ab ipso Pii quarti Pontificatu. Etiam si Canones hisce Tridentinis anteriores, atque olim

720 *Notitia Conciliorum S. Ecclesie,*
olim in regno Gallie vigentes diversa omnino statuissent, ut facile compertum fiet prædictos Canones percurrenti, & conferenti cum antiquioribus juribus, quæ in ipsis, & cum ipsis exactè contulimus, quæ abrogata & mutata videmus in hoc Regno à tempore Tridentini Concilii: quod est argumentum evidens receptarum in Galliis Tridentinarum sanctionum. Ad postremum anno Christi 1615. Lutetie in Generali conventu Gallicani Cleri sub regno Ludovici XIII. de novo receptum fuit communi decreto Concilium istud, ut ex generalibus actis constat Gallicani Cleri, & scribit in suis Annalibus Petrus à sancto Romualdo Ordinis Fulienfium Monachus.

INDEX



I N D E X
RERUM NOTABILIMUM
HUIUS OPERIS,
ordine Alphabetico digestus.

*In quo numerus Paginam &
Materiam indicat.*

A



- ABBATES ut ab Episcopis corri-
gantur, eisque sublint. p.399
Abbates Sacerdotes & benedicti
suis possunt Monachis Tonsu-
ram & minores Ordines conferre. p.516
Absolutionis formula Græca, & approbata,
personam absolventis nullatenus conno-
tat. p.263
Absolutio quatenus impendenda ei qui obmu-
tuit, aut delirat. 259.320.& 321
Abstinentiæ ciborum & prohibitionis nuptia-
rum Ecclesiastica præscripta quàm procul
à Manichæorum & Eustathianorum deliriis
distant. 135.136
Acacii Constantinopolis Episcopi fraudes pro
Z z

Index Rerum

Eutychina hæresi.	423.463.& 464
Acacius Cæsareæ Palæstinæ Episcopus, Ari- norum absolutorum coryphæus, Constan- tio gratissimus. 187. Idem author fuit Ano- mæorum.	190
Acephalorum origo.	465.466
ad Altare communicare solis licebat Altaris ministris.	204
Æra Hispanica.	417
Ærius Hæresiarcha ab Ecclesia damnatur, quia tollebat omne Episcopi, & simplicis Sacerdotis discrimen.	614
Ætas ad profitendam Religionem requisita.	694
Ætas in Episcopis, in Archidiaconis, & in Be- neficiariis habentibus animarum curam re- quisita.	577
Ætas triginta annorum requisita olim in ini- tiandis Sacerdotio, & viginquinque in initiandis Diaconatu: quod posterior Ec- clesiæ disciplina laxior abrogavit.	47.686
Affinitatis ex illicita conjunctione impedi- mentum limitatur in secundo gradu.	692
Africæ pars quæ Romano subdebatur Imperio, deducta Ægypto, Libya & Pentapoli, sex amplissimas Provincias complectebatur.	245
Agapatum usus antiquissimus, sed postea ex abusu interdictus.	207
Agnorum cereorum Christum repræsentan- tium pius & antiquus usus.	492
Agrippinus Carthaginis Episcopus.	25
Ἀγρίππης, secundus Pœnitentium ordo.	346
Alexander Alexandriæ Episcopus Ario se op- ponit.	54
	Alæ

Notabilium.

- Alæ ex utroque Ecclesiæ latere ductæ. 348
- Alexander Papa tertius Fridericum Ænobar-
bum Imperatorem veniam petentem Vene-
tiis absolvit. 576
- Alexander Constantinopolis Episcopus Aria-
næ se hæresi opponit, quam in Concilio Ni-
cæno damnat, & Arii in suam Ecclesiam in-
gressui obstitit. 129
- Alexandrini Patriarchæ ditio in Provinciis tri-
bus. 89
- Alienatio rerum Ecclesiæ quas requirat solen-
nitates. 251.252.253
- Aloisius Lipomanus errorem in Bibliis irrep-
sisse asserit, quem non emendat. 713
- Alphonfus Salmeron aliqua in Bibliis emen-
dat. 711.712
- Ambitus dignitatum Ecclesiasticarum damna-
bilis. 692.693
- Ambon, seu suggestum, quid sit in Ecclesia,
348.349
- Ambrosius Ecclesiæ Doctor Arelatæ natus &
educatus. 152
- Amuleta (scilicet magica) prohibita, vel su-
perstitiosa. 208
- Anatolii fraus in Chalcedonensi Synodo pro
Constantinopolitanæ Sedis indebita præ-
eminentia. 334
- Anatolius Dioscori primùm apocrisiarius, de-
inde Constantinopolis Episcopus. 328
- Angelos & animas rationales corporeæ esse
substantiæ maxima olim Patrum Græcorum
& Latinorum pars credidit, & docuit: at
nunc jure merito opposita invaluit sententia

Index Rerum

- tia, 513. & seqq.
- Angelos malos multi hæretici solebant invocare ex Simonis magi colluvie. 208
- Animale peccatum quid sit. 74.75
- Animam unicam in homine esse, formaliter quidem rationalem, virtute verò vegetantem, & sensitivam, definitur contra Manichæos. 228.229
- Annatarum usus quibus rationibus licitus. 652. & seqq.
- Antimus Eutychianus deponitur ab Agapeto Papa, obistente licet Theodora Imperatrice, ejusque loco subrogatur Menas in Sedem Constantinopolitanam. 423
- Antiocheni Patriarchæ fines Hellespontus & Euphrates. 91
- Antiochenæ Ecclesiæ in tres partes & totidem Episcopos confcissio. 176
- Apocrisiarii seu responsales. 68.69
- Apollinarii hæresis circa Christi animam damnata. 220.228
- Apostoli nunc etiam vocantur simplices Sacerdotes honoris gratiâ, non ratione proprii officii, & dignitatis. 19. & seq.
- Apostolis falsò ascripti Canones 29.30. & 31. p. 492
- Apostolorum Concilia tria. p.1. & seq.
- Appellatio ad transmarina prohibetur Clericis, non Episcopis ex Africa. 289
- Appellationes Appiarii & Cœlestii ad Zosimum Papam. 290
- Appellationes perditorum Clericorum ad Papam sæpè sacræ disciplinæ, & Diœcesium bono

Notabilium.

- bono statui perniciosæ. 290.291.292
Appellationum ad Papam ex omnibus terræ
plagis exempla. 299.300
Appellationes ab abusu frequentius abusivæ,
nec recipiendæ. 456.457
Appellatio à correctione ; nisi modus exceda-
tur, non admittitur. 579.580
Appellatio non admittitur ab interlocutoria,
ubi damnum adhuc potest in definitiva sen-
tentia reparari. 674
Appellari potest à decreto , seu sententia in-
carcerationis ; hujus enim damnum cense-
tur irreparabile. 675
Aqua in calice vino admiscenda; 493.494
Aquæ-Sextiæ Metropolis ex antiquo secundæ
Narbonensis Provinciæ, & Civilis, & Eccle-
siastica. 242
Aquileïensis Synodus. 224
Archiepiscopi nomen primitus solis Patriar-
chis atque Exarchis attributum , non verò
Metropolitæ : postremò autem etiam infe-
rioribus Episcopis permultis ex Imperiali
privilegio ac rescripto indultum. 63
Arelate sub Provincia Viennensi. 53. 241. &
242
Arelate à tempore Magni Constantini Sedes
Præfecti Galliarum. 151.152
Arelatensi Episcopo ac Primati jus indultum à
Papa Zosimo , ut vicinarum Provinciarum
Episcopos crearet, sed ab eodem mox revo-
catum , & in Hilario deinde Arelatensi hoc
sibi jus usurpante à sancto Pontifice Leone
animadversum. 242.243

Index Rerum

- Arii liber obscœnus, inscriptus *Thalia*. 120
 Arius Eusebianorum factione Alexandriam jubente Constantino revocatur. 125
 Athanasius decreto Julii Papæ & Romanæ Synodi remittitur Alexandriam. 127
 Idem tamen denuò ab Arianis Constantio fretis ejicitur, & Romam, quæ Constanti parabat, regreditur. 120. Idem, simulque Paulus Constantinopolis Episcopus, alique exules Orthodoxi, decreto Sardicensis Concilii in pristinas Sedes remittuntur. 128
 Athanasius Jacobitarum pseudo-Patriarcha, Monothelitanum author. 467
 Athanasius calumniis, & imposturis proscinditur in Tyri pseudo-Synodo. 122. 123
 Idem factione Arianorum Alexandria ejicitur, & Treviris jubente Constantino exulat. 124
 Augustinus voce & scriptis Pelagianos insectatur. 283. 288. Idem scriptis libris Semi-pelagianos refellit. 287
Αὐτοκέφαλοι. 236
 Auxilia Dei actualia nobis necessaria cum habituali gratia ad salutem consequendam. 406

B

- B** Abylæ martyris sacris Reliquiis in lucum Daphniticum translatis, dæmonis oracula quæ eo loco reddebantur, cessant. 170
 Baptismo carens si ordinationem accipit, debet postquam Baptismum acceperit, de novo ordinari. 107. 108
 Baptismi,

Notabilium.

- Baptismi, Confirmationis ac Ordinationis Sacramenta sine formidine conferenda, si dubitatur, post debitam rei inquisitionem, an collata fuerint. 501.502
- Baptismo Christum induimus; ejusque vitæ imitationem profitemur. 502.503
- Baptisteria juxta, non verò intra Ecclesiam. 359
- Baronius ex unius Typographi errore corrigi vult cætera omnia Græca, Latinæque vetustà recentiaque exemplaria. 118
- Basilii Ancyrae Episcopus, semi-Arianorum coryphæus, hæreticum Photinum disputans refellit in Concilio Sirmienti. 179. Idem cum aliis semi-Arianis Arianorum factione deponitur in pseudo-Synodo Constantino-politana. 188. Et si idem paulò ante in conciliabulo Seléuciensi Arianorum damnationem urssisset ac obtinuisset. ibid.
- Begardorum & Beguinarum hæretica & impurissima secta. 625.626. Valde conformis veteri Massalianorum, Euchitarum ac Enthustiarum sectæ. 626
- Bellarminus Cardinalis à Græcis Scriptoribus deceptus malè defectionem Italiæ adversus Leonem Imperatorem describit. 506
- Benedictio nuptialis. 250
- Beneficia duo sufficientia tenere prohibitum: & si sint incompatibilia, primum vacat altero suscepto. 517.518.519.& 597
- Beneficia nullatenus promittenda priusquam vacaverint. 597
- Beneficia intra sex menses à notitia vacationis conferenda sunt Clerico digno & capaci.

Index Rerum

- alioquin collatio devolvitur. 580
Beneficium quod pater tenuit, filius tenere ve-
tatur, 598
Beneficii fructus restituendi ab eo, qui divinum
& quotidianū officium nō recitavit. 663. 664
Beneficia Sacerdotalia ei conferri possunt, qui
potest intra annum fieri Sacerdos, quamvis
annum 24. nondū expleverit ætatis. 681. 682
Beneficia Curata non debent in duo dividi,
quorum unum sit simplex; & ubi hoc factum
est, curare debent Episcopi, ut in pristinum
statum reducantur. 699
Biblia, sive Hebræa, sive Græca, sive Latina, ab
omnibus omnino mendis expertia, nullo
sæculo habuit Ecclesia. 700. & seqq.
Bibliorum vulgatæ editionis partes, quas sub
anathematis pœna Tridentinum astruit reci-
piendas; quænam, & quales sint. ibid.
Bibliorum Sacrorum partes aliquæ à Novato-
ribus negatæ. 702
Bibliorum editio vulgata, Sixti V. jussu emen-
data, & impressa. 704
Bibliorum editio Sixtina, etiam à Clem. VIII.
emendata. ibid.
Bibliorum plures emendatores. 707. & seqq.
Bibliorum Latina editio vulgata præ omnibus
laudem meretur, ac venerationem. 714
Bibliorum quæque exemplaria, Latina, Græca
& Hebræica mendosa; & unde hoc dam-
num contigerit. 714. & seqq.
Biblia quibus nunc utimur, Summorum Ponti-
ficū sollicitudine sunt emendatiora. 718. 719.
Bigami in primitiva Ecclesia privabantur cō-
munione

Notabilium

- munione ad aliquod tempus. 195
Bigamiæ, tam veræ, quàm interpretativæ irregularitas. 259
Βῆμα olim diversa in Ecclesiis significabat. 358

C

- C**alices aliquando lignei, sæpius vitrei, & demùm argentei. 555
Cancellis olim Sæctuarium circumdabatur. 351
Canonis Eliberini circa Pœnitentium de vita periclitantium reconciliationem interpretatio benignior eligitur, multisque rationibus probatur, rejectâ rigidiori. 40
Canon Arausicanus 14. antidotum hæresis Massiliensium. 405
Canones antiquiores Sacrorum Librorum aliquos libros omiserunt, de quibus tunc non liquebat, qui postmodùm Deo revelante recepti ab Ecclesia sunt. 217
Canonici choro astricti non recitantes officium tenentur, quamvis choro intersint, & illorum Ecclesiæ statutum requirat solam corporis præsentiam, fructus & distributiones restituere. 664
Canon Ecclesiæ dicebatur catalogus Clericorum alicui Ecclesiæ addictorū. 202. 203. 204
Canonici ex hoc Canone, seu catalogo olim dicti. 201. & seq.
Cantilenæ vulgares, aut privatæ repelluntur ab Ecclesiis. 217
Cantores à simplici Sacerdote constituebantur. 249

Index Rerum

- Capitulorum vocales nulli esse possunt sine
Subdiaconatus saltem ordine. 681
- Capitulum Sede vacante non potest dimissio-
rias concedere, nisi propter urgens benefi-
cium intra primum annum. 671
- Capituli major pars ut prævaleat in delibera-
tionibus & electionibus. 581
- Cardinalium ex antiquo eminentia. 617. 618.
619.
- Cardinalium prima mentio sub Sylvestro pri-
mo. 620
- Cardinales etiam dicebantur Episcopi, Sacer-
dotes & Diaconi in aliis à Romana Eccle-
siis. 620. 621
- Cardinalibus indultus rubeus pileus in Conci-
lio Lugdunensi sub Innoc. IV. 610
- Cardinalium prima legitur mentio in Conci-
lio Romano sub Papa Sylvestro. 116
- Carolo Magno ascriptus liber authorem habet
hæreticum, cujus scripta Carolus ad Adria-
num Papam transmisit refutanda. 522
- Carthaginis Episcopi Primatiæ subdebantur
plusquam trecenti Episcopi. 246
- Cassianus & Faustus Semipelagianorum prin-
cipes. 400. 401
- Catechumeni non baptizandi, nisi sufficienter
instructi. 73
- Catechumeni finita homilia egrediebantur ex
Ecclesia. 204
- Catechumenorum alii dicebantur auditores,
alii competentes. ibid.
- Catechumorum & Energumenorum olim in
Ecclesia statio. 347
- Cæcilianus

Notabilium.

- Cæcilianus** Carthaginis Episcopus. 49.50
Cælibatus sacri Cleri est Apostolicæ institutionis. 76.493
Cæsarius Arelatensis calumniosè proditi-
onis. 385
Cælestius Pelagii dogmata primus per Afri-
cam spargit, & accusatus à Paulino Diacono damnatur in Concilio Carthaginensi. 281.282
Cæcorum usus qua ratione vel prohibitus, vel
receptus in exequiis fidelium. 41.42.43
Chorepiscopi alii soli sacerdotio, alii etiam
Episcopatu insigniti. 45
Chrismatio baptizati. 114
Chrismatio confirmati. 316
Chronicon fictitium sub Prosperi nomine
evulgatum, quod Prædestinarianæ hæresis
nomen, & exordium effinxit. 379
Ciborium Græcis Latinisque usitata vox quid
sit. 350.351
Circumstantiæ peccatorum quæ necessariò ex-
primendæ sint. 678
Clementis Romani Papæ constitutiones ab hæ-
reticis depravatæ. 493.494
Clericus habitum clericalem non deferens quâ
ratione puniendus. 678.679
Clericorum exterior habitus & modestia. 592
Clericorum crapula coercetur. ibid.
Clericus usurarius deponendus. 106
Clerici à profanis administrationibus & nego-
tiis arcentur. 161.336
Clerici cum primùm ordinabantur, certæ cu-
jusdam Ecclesiæ ministerio addicebantur, à
qua

Index Rerum

- quæ discedere non erat eis liberum. 166:
338.339
- Clerici cauponas intrare prohibentur. 207
- Clerici spectaculis scenicis interesse prohibentur. 215
- Clericus ne comam nutriat; neque barbam. 254
- Clericus nec vestibus, nec calceis decorem quærat. 255
- Clericus professionem suam & in habitu, & in incessu probet. ibid.
- Clericus per plateas & andronas non ambulet. ibid.
- Clericus quantumlibet verbo Dei eruditus, artificio victum quærat. 255.256
- Clericus scurrilis, ac turpia effutiens deponendus. 256
- Clerico delinquenti pœnitentia publica non poterat injungi, sed clausura ac secessus. 257.258
- Clerici non spectent damnatorum supplicia, néve auditorium criminale ingrediantur. 421
- Clericorum cultiores vestes, & unguentorum usus reprobantur. 519
- Clerici ut Missæ quotidie interfint. 305
- Clericus injussu proprii Episcopi ad alium Episcopum divertens excommunicatur, simulque suscipiens Episcopus. 343
- Clericus ne coram iudice laïco conveniatur. 392
- Clericis comam nutrire, aut indecenter vestiri prohibitum. 393
- Clerici

Notabilium.

- Clerici & Monachi contumaces verberibus
coërcendi. 393.394
- Clerico sine literis sui Antistitis peregrinanti
communio deneganda. 396
- Clericis venatio interdicta. ibid.
- Clerici communione suspenduntur, qui so-
lennioribus anni festis à suis Ecclesiis ab-
fuerint. 397
- Clerici suspendendi à communione, qui tres
hebdomadas à propriis Ecclesiis abfuerint.
ibid.
- Clericorum ordinationi prærequisita aliquan-
do venia Regis. 402
- Clerici ut sibi ipsis victum ac cibos præparent.
413
- Clericorum simul habitantium Collegia. 442.
443
- Clericorum corona qualis. 444
- Clericorum immunitas à sæcularibus judiciis.
448. & seqq.
- Clericus scienter ante Confirmationem ordi-
natus, peccati lethalis damnatur, rejectâ
opinionem damnante solius venialis, secluso
contemptu. 684
- Communio Paschalis. 593
- Communio laïca explicatur. 387
- Communio peregrina exponitur. 388.389
- Communione peregrinæ aliud genus eluci-
datur. 390.391
- Communio Eucharistica sub binis speciebus
præcepta in Concilio Claromontano, &
vetita in Concilio Constantiensi fuit. 563.
639

Index Rerum

- Communio Eucharistica olim ter in anno ex
Canonum præscripto facienda. 393
- Concilia œcumenica singulis decenniis con-
vocanda ex Constantiensi decreto. 640
- Conciliorum legitimorum decreta non in re-
bus fidei, sed circa disciplinam vel facta sæ-
pè occurrunt inter se contraria. 640
- Conciliorum decretis Patres disputando præ-
ludunt. 7. 8
- Conciliorum quædam in aula Principis, alia
in ædibus sacris celebrata. 71
- Conciliorum decreta omni authoritate carent
citra Romani Pontificis approbationem.
226. 227
- Concilium Carthaginense sextum, & Conci-
lium Africanum plenarium, non duo, sed
unum, idemque sunt. 294
- Concilia invalida sine Papæ authoritate cele-
brata. 331. 332
- Concilia quædam Gallicana à Lothario Au-
strasiæ Rege coacta, ejusque illegitimæ
nuptiæ cum Valdrada pellice damnantur.
564. 565
- Concilium potestatem habet directivam erga
Papam, sed non coactivam. 660
- Conciliorum fructus instauratio Ecclesiasticæ
disciplinæ. 412
- Concilium Tridentinum etiam in Regno Fran-
ciæ ab integro sæculo receptum. 719. & seq.
- Concio & concionati. V. Prædicatio & præ-
dicare.
- Conclave & clausuram Cardinalium edixit
Lugdunense Concilium in electionibus
Papæ

Notabilium.

Papæ faciendis.	613
Concordatum abrogatæ Pragmaticæ Sanctio- ni subrogatur.	666
Concubina dicebatur indotata uxor.	308
Confessio peccatorum.	678
Confessio annua.	593
Confessio Sacramentalis unà cum congrua de peccatis satisfactione asseritur.	195
Confessiones audire nec sæculares possunt, nec regulares sine Parochi aut Episcopi appro- batione.	686
Confessorum cum puellis Dei familiaritas damnatur.	305. 306
Confirmationis Sacramento necessaria ac sub- stantialis impositio manus, quæ fit per ipsam frontis charismationem.	317
Confirmatio ei administranda, de quo post exactam inquisitionem dubitatur an con- firmatus fuerit.	501. 502
Confirmatio cuilibet administranda ante ejus admissionem ad Clerum.	683
Confirmatio est perficiens unctio.	684
Confirmatio robur spiritualis vitæ homini tri- buit.	ibid.
Cononis Presbyteri historia circa unctionem in Baptismo.	116
Consistentium Pœnitentium statio.	347
Constantinopolitani Imperii ad Latinos trans- latio. 603. Ejusdem in Græcorum domina- tum regressio.	609
Constantinopolitani Patriarchatus primordia & progressiones.	588. 589
Constantinus Magnus in Ecclesiæ SS. Aposto- lorum	

Index Rerum

- lorum vestibulo sepultus. 360
- Constantini Augusti, sensus circa Episcoporum causas. 56. 57. Ejusdem in sacra Synodo perspecta pietas. 56. 58
- Constantinum Magnum probatur fuisse sub vitæ finem ab Eusebio Nicomediensi baptizatum. 117. 118. 119
- Constantinus successionem Imperii tres inter liberos partitur, Constantinum juniorem, Constantium, & Constantem. 126
- Constantis mors Ecclesiæ luctuosa. 169
- Constantii de Magnentio victoria. 170
- Constantius moriens Antiochiæ baptizatur ab Euzoïo. 190
- Constantinopoleos origo & situs. 223
- Constantinopolis Episcopi per ambitionem diu affectarunt secundam à Romana Sedem. 229
- Constantis Imperatoris hæretici edictum nomine *Typi*. 71
- Constantini Pogonati pro fide Catholica zelus. 470. 471^m
- Constantini Copronymi diræ impietates. 508. 509. 510. Ejusdem & filii Leonis Iconomachi horrenda mors. ibid.
- Contritionis & attritionis discrimina & effectus. 676. 677.
- Cornelius Jansenius translationem libri Ecclesiastici mendosam agnoscit. 711
- Cypri Metropolita Antiocheno Patriarchæ inducitur, & fit ἀκέραιος. 314. 315
- Cyprianus hæreticorum Baptismum reprobatur. 24. 25.

Cyprianus

Notabilium.

- Cyprianus non excommunicatione, sed solum
excommunicationis comminatione fuit ab
Stephano perstrictus. 27
- Cyprianum sententiam mutasse incertum
est. 28
- Cyrillus Hierosolymitanus Episcopus ab A-
rianis deponitur in pseudo-Synodo Con-
stantinopolitana. 188
- Cyrillus Alexandrinus ut Legatus Cœlestini
Papæ Constantinopolitanæ Ecclesiæ tem-
pore Nestorii præficitur, & Synodo Oecu-
menicæ Ephesi præsidet. 310.311

D

- D**ecani, Præpositi & Archipresbyteri Sa-
cerdotio initiari tenentur, saltem intra
annum. 572
- Decimæ ante omnia tributa deducendæ. 600
- Delicta Clericorum privilegiata quæ sint. 457.
458
- Defectio Italiæ adversus Leonem Isauricum
Imperatorem aliter à Græcis, aliter à Lati-
nis describitur; & quibus adhibenda fides.
506
- Defensores pauperum. 281
- Defensores Ecclesiarum. 293.294
- Defensores regionarii. ibid.
- Defensores civitatum. ibid.
- Devoluti jus circa vacantia beneficia. 380
- Devoluti jus circa beneficia quæ patronorum
præsentationi subjiciuntur. Et in hac re dis-
crimen patronatus laici & Ecclesiastici. ibid.

Index Rerum

- Diaconi soliti Eucharistiam ad fideles absentes
 deferre. 10.103
 Diaconi non modò potestatem habebant anti-
 quitus vivificum Calicem administrandi, sed
 etiam Eucharisticum panem iis omnibus,
 qui Sacerdotes non essent. ibid.
 Diaconi sedere prohibiti coram Sacerdote, nisi
 jubeat. 205
 Diaconi in sui ordinatione contra cœlibatum
 protestantes. 44
 Diaconorum vetus officium. 9
 Diaconorum septenarius numerus. 9.47.48
 Diaconissæ, seu sanctimoniales ac viduæ. 250
 Diaconissæ detondebantur, & vestem muta-
 bant. 261
 Diaconissæ manuum impositione ordinaban-
 tur, & deinceps nubere non poterant. 341
 Diaconissæ ad diversa obeunda ministeria in
 Ecclesia ordinabantur juxta Apostolicum
 decretum manuum impositione; sed diversa
 ab ea, qua Diaconi ordinabantur, & cære-
 moniali tantum: quod à Nicænis Patribus
 intendebatur. 342.343
 Diaconissarum diversa officia. ibid.
 Diaconium, mensa in qua sacra Vasa, & panes
 parabantur ad sacrificium. 351. & 352
 Diœceses, seu Vicariæ, tum Imperii, tum Ec-
 clesiæ. 146. & seqq.
 Dionysii Mediolanensis Episcopi depositio ab
 Arianis in pseudo-Synodo Mediolanensi.
 173
 Dioscori Alexandrini scelera. 327.328
 Dioscori Alexandrini damnatio in Chalcedo-
 nensi

Notabilium.

nenſi Concilio.	333
Diptycha continebant fidelium nomina , tam viventium, quàm defunctorum, qui communibus Eccleſiæ ſuffragiis participabant , ea- que publicè legebantur inter ſacratiffima Myſteria.	489
Diptycha alia quoque erant Sanctorum , qui inter divina myſteria invocabantur , nomina continentia.	ibid.
Dominicale vocabatur linteamen quo ſceminæ communicaturæ ſacram Euchariftiam excipiebant.	503
Dominicus dies in locum Sabbathi ſucceſſit.	208
Donatistarum ſchiſma.	49.50.51
Dulcinittarum foediſſima ſecta.	626

E

E cclēſiarum priſtinum regimen cum Athenienſium Prætorum Collegio comparatur.	22
Eccleſia rejicere dona & oblationes debet eorum , qui per oppreſſionem & aliorum injuriam ditati ſunt.	260.261
Eccleſiæ ingreſſus permittitur , & auditio verbi Dei Judæis, Gentilibus, & hæreticis.	260
Eccleſiæ immunitas & aſylum ad eam conſuſgentibus.	319.398
Eccleſiis ac pauperibus relicta qui retinent aut fraudant , excommunicati.	321
Eccleſiæ viduatæ proventus ab œconomo percipiendi , ut ſucceſſori reſerventur.	344

Index Rerum

- Ecclesia temporum progressu quamplurimas
didicit Theologicas veritates, quas antè ig-
noraverat : & explicitè ad fidem pertinere
definivit quæ prius ignorabantur. 515.516
- Ecclesiæ novæ, novæque Monasteria erigi ve-
rita, nisi sufficienter dotata. 519
- Ecclesiæ immunitas à realibus oneribus. 581
- Ecclesiarum debita veneratio facit ut omnis
sæcularium causarum processus, omnesque
in iis prolatae sententiæ robore careant. 622
- Ecclesiastici proventus quadrifariam distri-
buendi. 116.117.555
- Ecclesiasticæ Præfecturæ gradus. 143
- Electionum Ecclesiasticarum regulæ. 593.594.
595
- Eligebantur Episcopi à Clero & populo, suf-
fragantibus aliis Provinciæ Episcopis, &
præsidente Metropolitano, à quo & aliis
saltem duobus Episcopis Provinciæ erant
ordinandi electi. 82.& seq.
- Energumenis incumberebat officium |verrendi
Ecclesiæ pavementum. 261
- Energumenis Ecclesiæ obtemperantibus Sa-
cramentum Eucharistiæ ministrandum. 321
- Ephesina pro Eutychete latrocinantium Syno-
dus. 327
- Επιστάμους, seu cognitores. 68
- Episcoporum, & Presbyterorum discrimen ab
Ecclesiæ primordiis, quoad potestatem
contra ineptos libros cujusdam Batavi Cal-
viniani. 13
- Episcopi multi etiam à temporibus Apostolo-
rum ordinati. 15.& seqq.
Episcopi

Notabilium.

Episcopi nomen nunc latiore, nunc strictiore
significationem habet. 17. & seq.

Episcoporum nomen simplicibus Sacerdotibus
inditum ostendit Hieronymus, sed explica-
tur ejus mens, & locus. 20.21.

Episcopi in Ecclesiæ exordiis pares erant cum
Presbyteris, & quomodo. 21

Episcopi in primis Ecclesiæ sæculis nihil in-
consultis Presbyteris aggrediebantur; quod
nunc etiam ab aliquibus observatur 21

Episcopalis potestas alios ordinandi simplici-
bus Sacerdotibus incommunicabilis est,
cujus rei datur exemplum. 22

Episcopos inter, & Presbyteros discrimen ab
Ecclesia introductum sensit aliquando Hie-
ronymus, sed ejus sententia elucidatur.

23

Episcoporum præminencia supra omnem Cle-
rum, & populum, ac necessitas obtempe-
randi, qua illis omnes Presbyteri adstrin-
guntur, insigniter commendatur. 24

Episcopi Africani, Ægyptii, & Orientales,
sententiam de rebaptizandis hæreticis mu-
tarunt. 28.29

Episcopum tamen si haud licite, posse tamen va-
lide ab uno ordinari Episcopo, probabilius
esse monstratur. 85.86

Episcopi simul duo unius civitatis esse vetatur.

94.

Episcopus intra alienos fines non potest quem-
quam ordinare, nisi de Ordinarii loci licen-
tia. 153.228.320

Episcopi, Presbyteri, Diaconi ab ipsis Ecclesiæ

Index Rerum

primordiis de facultatibus propriis testamento disponere poterant, non verò de Ecclesiasticis. 153.154

Episcoporum in aliam Ecclesiam translatio sic prohibita, ut iidem sic translati laïca etiam communione privati sint, 157. vide etiam 105.106.

Episcopatus in vicis & oppidis erigi vetantur. 157.216

Episcopi in Aulam ire prohibentur sine Metropolitanis aut Synodi Provincialis literis formatis, alioquin à fidelium communione excluduntur. 157

Episcoporum inertium, aut suis cupiditatibus inservientium reprobatio. 157.158

Episcopus Clericum alienum ordinare sine proprii Episcopi dimissoriis prohibetur. 160. 161

Episcopus Alienum Clericum suscipere sine commendatitiis, aut testimonialibus literis vetatur. ibid.

Episcopus proprius, à quo unò ordinationes, vel dimissoriæ literæ sumebantur, is olim erat, à quo primùm quis fuerat ordinatus, & certæ Ecclesiæ ministerio addictus. 161. & seqq.

Episcopus nullus de crimine judicari potest, nisi in Synodo Apostolicæ Sedis auctoritate convocata. 227

Episcopi possunt à quocunque judicio provocare ad Papam ex Apostolica traditione, & Nicæni Concilii decreto. 227

Episcopi accusatio quæ sit à notatis censurâ vel

Notabilium.

- vel infamiâ, reprobatur. 230
- Episcopatum diversi in Ecclesia gradus, & subalternantes potestates. 231.232
- Episcopis vilis supellex, & victus pauper iungitur. 250
- Episcopus cura rei familiaris non decet. 251
- Episcopus sine consensu Cleri res Ecclesiæ non alienet. 251
- Episcopus sedens stare Presbyterum non patitur. 253
- Episcopi sedes in Ecclesia sublimior. 254
- Episcopatum novorum erectio non nisi ex Synodi Provincialis decreto, & Primatis consensu facienda. 302.303
- Episcopus solus minister Confirmationis ordinarius. 317
- Episcopus ne ultra tres à sui electione menses differat consecrari. 344
- Episcopi Cathedra concionatoria ponebatur ad gradus sacri Altaris. 353.354
- Episcopi antiquitus intra Ecclesiarum septa tumulabantur. 360
- Episcoporum & Abbatum jura circa Monachos discernuntur in Concilio Lateranensi tertio. 362.363
- Episcopis confratribus suis à potestate oppressis ut opem ferant, eosque præstent indemnes. 409.410
- Episcoporum aulicorum exempla confratres Episcopos divexantium, ut Aulæ gratiam incant. 410
- Episcoporum officium circa pauperum & quorumcunque per potentiores oppressorum tu-

Index Rerum

- relam ac præsidium. 443.444
- Episcopus ex ordine Regularium assumptus debet habitum gerere religiosum. 532.536
- Episcopus impedimenta post validè contractum matrimonium supervenientia dispensando potest remove. 559
- Episcopus ex quo promotus est, omnia quæ antea beneficia habuit, amittit. 577
- Episcopis summa incumbit sollicitudo prædicationis verbi Dei. 668.669
- Episcopus si absque urgente causa tribus mensibus, sive continuis, sive interpolatis non residet, peccat mortaliter, & tenetur fructus pro rata absentiae restituere. 670
- Episcopi quid possint circa Religiosos delinquentes. 670.671
- Episcopis cura incumbit piorum locorum, & piarum dispositionum. 672
- Episcopi etiam juribus Gallicanis habent iudicium, & cognitionem circa pia loca, eorumque administrationem, & ratiocinia: quod variis exemplis comprobatur. 672.673
- Episcopus citari non debet ut per se compareat nisi ex causa ob quam deponi meretur. 676
- Episcopus ex justa causa Parochias numero Clericorum ministrantium augere, aut pro una plures constituere potest. 679
- Episcopus potest uniones perpetuas Ecclesiarum Parochialium facere. 679.680
- Episcopus qua ratione possit minores Ecclesias transferre in matrices Ecclesias. 680
- Episcopi electi intra trimestre consecrationem suscipere tenentur. 683
- Episcopus

Notabilium.

- Episcopus qua ratione familiarem non subditum possit absque dimissoriis ordinare. 686
Episcopi possunt absolvere & dispensare circa censuras & irregularitates ex occulto delicto, præter homicidium. 694
Episcopi sedes sublimis intra Sanctuarium. 352
Episcopi jurisdictio plena competit circa clausuram Sanctimonialium, quamvis exemptarum. 694
Episcopalis erga quoslibet exemptos aut Regulares jurisditionis multa capita recensentur. 697. & seqq.
Epiphanii cum Chrysostomo concertatio. 432.
433
Eremitæ vagi & liberi reducendi. 494
Eremitæ jugo soluti & vagi. 336. 337
Evangeliorum codices in media Synodo reponi soliti. 71
Eucharistici Sacramenti reliquiæ pueris manducandæ tribuebantur. 419. 420
Eucharistiæ incruentum sacrificium. 101. 102
Eucharistia non nisi à jejunis sumenda, solo excepto anniversario vespere Dominicæ Cœnæ. 303
Eucharistia simul atque accepta est, consumenda. 305
Eucharistia multis sæculis ad manum dari, & in privatas ædes transferri solita. 306
Eucharistiam ex præcedenti ritu probatur sumi posse sub unica specie. 307
Eucharistiæ Viaticum nemini pœnitenti, quamvis non impleto pœnitentiæ tempore, denegandum. 318
Eucha

Index Rerum

- Eucharistiæ sacratissimæ asservandæ quis olim
locus. 355.356
- Eucharistia viris ad manum porrigebatur, fœ-
minis autem ad mundum lineum, quod ali-
cubi Dominicale dicitur. 503
- Eucharistiæ, sive recipiendæ, sive aliis admini-
strandæ necessaria præparatio. 673
- Eulogiæ distribuebantur intra Ecclesiam non
suscipientibus sacram Eucharistiam, ideo-
que die Paschæ nullæ distribuebantur, nisi
catechumenis. 198.199
- Eulogiæ mittebantur etiam per domos ad ab-
sentes. 188
- Eulogiæ alicubi in azymo, alicubi in fermenta-
to. 199.200
- Eulogiarum in fermentato primus author Mel-
chiades. 199
- Eulogias ad amicos Christiani solebant trans-
mittere. 198
- Eunuchi spontanei irregulares. 72
- Eusebius Cæsareensis Episcopus Arii præci-
puus fautor. 54
- Eusebius alter Nicomediensium Episcopus A-
rianismi studiosissimus. 54.55.56. Idem Be-
ryti primum Episcopus, dein Nicomediæ,
postremò Constantinopoleos. 131
- Eusebii Vercellensis Episcopi gesta in secunda
Mediolanensi Synodo, ejusque per Arianos
in eadem Synodo depositio & exilium. 172.
173.
- Eustathius Antiochenus orationem gratiarum
actionis in Concilio Nicæno ad Constanti-
num habuit. 64
- Eustathius

Notabilium.

- Eustathius Antiochenus Episcopus fraude Cæsarensis Eusebii calumniis per subornatam meretricem impetitur, & à conciliabulo Antiocheno depositus moritur in exilio. 129
- Eustathii ex Manichæorum colluvie damnantur insignes errores in Synodo Gangrensi. 132. 133.
- Eutyches Hæresiarcha. 324
- Eutychiana hæresis tres Diœceses, seu Patriarchias diu infecit. 421
- Ἐξάρχαι dicebantur Orientis Primate. 236. 338
- Excommunicatio invalida non opus habet absolutione, aut appellatione. 88
- Excommunicatio ob præsens delictum requirit triplicem præmonitionem cum contumacia; sed si feratur contra futurum delictum, solam requirit promulgationem. 579
- Excommunicatus in uno loco debet pro tali haberi ubique se ille receperit, donec absolvatur. 87. 88
- Excommunicatis communicans qua ratione excommunicationem incurrat. 137. 138. 575
- Exempti extra locum exemptum delinquentes possunt conveniri apud Ordinarium, & ab eo judicari ac puniri. 610
- Exequiæ Gentilium supersticiosæ. 41. 42.

F

FAusti Abbatis Lirinenſis cum Theodoro Episcopo Monasterium viſitante concertatio. 362. 363

Faustus

Index Rerum

- Faustus & Cassianus Semipelagianorum principes. 400.401
- Faustus vir insigniter mendax, profundæ calliditatis, & vulpecula versipellis. 372.373
- Fausti libri à sanctissimis & doctissimis viris, & tota Ecclesia damnati, eorumque apologia refutata. 373.374
- Fausti quædam acta recensentur, brevisque narratio perstringitur, quomodo callidè libros à se compositos fingat jussu duorum Conciliorum, quos Britannis fucum facturum transmitti curat secretò. 375. & seqq.
- Fausti aniles fabulæ refutantur. 377. & seqq.
- Fausti epistolæ & subscriptiones commentitiæ. 380
- Felix secundus ab Arianis Romanam in Sedem intrusus evadit postmodum legitimus Papa. 180
- Firmilianus Cæsareæ Cappadocum Episcopus. 29.33
- Fidei propositiones multas Ecclesiæ tempora posteriora definierunt, quibus antea refragari licuerat. 218.
- Flavianus creatur Antiochenus contra Paulini partem Episcopus. 178. Idem pro Antiochenis apud exandescentem Theodosium intercedit, eumque placat. ibid.
- Flavianus Constantinopolis Episcopus Eutychen Hæresiarcam in Synodo damnat. 321
- Idem pro fide exul & martyr occumbit. 329
- Formatarum literarum variæ species. 275
- Fons miraculosus in Lusitania, cujus miraculum quotannis iteratur; quo orta inter Gallos

Notabilium.

Gallos & Hispanos altercatio de die solennitatis Paschalis celebrandæ dirempta est.

278.& 279

Fontes olim pro Ecclesiarum foribus constituebantur.

361

Fortitudo Gentium ex humana cupiditate; Christianorum verò ex Dei charitate & gratia proficiscitur.

408

Franciscus Lucas plures lectionum varietates in Bibliis adnotavit, quibus etiam Clementis VIII. editio emendatio reddi possit. 705. & seq.

Francofordienses Patres multipliciter errarunt circa gesta Nicænæ Synodi.

520

Fridericus Ænobarbus veniam petens Venetiis ab Alexandro Papa tertio absolvitur.

576

Friderici secundi perfidia & grassationes adversus Ecclesiam, ejusque tandem ab Imperio depositio,

604.& seqq.

G

GAspar Sanctius aliqua Bibliorum loca emendat.

709.& seq.

Gaudentius Ariminensis Episcopus decreta Ariminensis conciliabuli damnans perimitur ab Arianis.

186

Gennadius hæreticus hæresis Prædestinarianæ testis asseritur, ejusque fictitia & mendacia opera recensentur.

371-372

Georgius Cappadox pulso ab Arianis Athanasio constituitur Alexandriæ pseudo-Episcopus,

128

Gerbertus

Index Rerum

- Gerbertus** primùm Remensis, deinde Raven-
nensis, postremò sub nomine Sylvestri se-
cundi Romanus Episcopus. 411
- Germanus** Constantinopolis Patriarcha Imagi-
num sanctarum cultum propugnans depo-
nitur, & exulat. 505
- Godescalcus** ab Archiepiscopis Moguntinensi
& Remensi condemnationem patitur, &
quare. 381.382
- Godofredi Bullionii** sacra expeditio. 583
- Gradus** consanguinitatis aut affinitatis matri-
monia impediētes reducuntur. 599.600.
- Iidem** denuò reducuntur à Tridentino. 689.
690
- Gratiam Dei** ad singulos actus esse necessariam
ad bene cogitandum, loquendum & agen-
dum. 304
- Gratia Christi** nostrum omne meritum præce-
dit ac prævenit, utpote salutis initium. 401
- Gratia Christi** de se efficax. 401.402. Concur-
rit tamen cum libero arbitrio. 402
- Gratia** quoque in ipso statu innocentiae neces-
saria fuisset ad perseverandum. 409
- Græcorum** usus circa Clericorū nuptias. 75.76
- Gregorius Nazianzenus** indignè, ac injuriosè
abdicatur Constantinopolitano Episcopatu
ab iisdem secundæ Oecumenicæ Synodi Pa-
tribus, qui ipsum promoverant; eique suffi-
citur Nectarius senex nondum Baptismo
initatus. 238
- Gregorius Papa secundus Leonis Isaurici** im-
pietati se constanter opponit. 505
- Defectionem** totius Italiæ adversus Imperato-
rem

Notabilium.

rem amoliri conatur ; contra quam Græci scripserint , quibus in hac parte fides non adhibenda. 506

H

Hæreticis solenne est ut Catholicis falsa dogmata affingant , nec unquam eorum fidem sincerè exponant , idque exemplis comprobatur. 365

Hæresis Massiliensium canone 14. Arausicano rejicitur , quæ verbis Prosperi in epistola ad Augustinum exponitur. 405

Henricus secundus Imperator Brunonem Talensium Episcopum creat Summum Pontificem. 567

Henricus Imperator tertius Gregorio Papæ se-
primo Antipapam opponit Guibertum Ravennæ Episcopum , & à Gregorio Papa ex-communicatur. 569

Henricus Imperator quartus Paschalem Papam secundum carcere includit , & ab eo sic detento jura investiturarum Episcopali-um extorquet. ibid.

Heriberti Comitæ Aquitanix filius necdum quinquennis , Archiepiscopus Remensis factione scelerata patris creatus , annuente scandalosè Joanne X. 497

Hermenegildi Principis martyrium. 417

Heraclii Ecthesis , seu Edictum pro Monothe-
litis. 467

Hieronymus primus scripsit adversus Pelagii hæresim. 282

Hierony

Index Rerum

- Hieronymus mendum adnotat in Matthæi caput primum. 706
- Hilarius Pictavorum Episcopus dum pro fide exulat, Arianos oppugnat in pseudo-Synodo Seleuciensi, deinde Constantinopoli apud ipsum Constantium, qui eum pertimescens in propriam remittit Ecclesiam. 186. 187. 189
- Hincmarus Remensis Episcopus Prædestinatarum hæresim fabulosam resuscitat. 381
- Hincmari Remensis Episcopi nequitia dum sanctissimos Episcopos Rotaldum Sueffionum in conciliabulo Sylvanectensi, & nepotem proprium Hincmarum Laudunensem in conciliabulo Duziacensi de gradu deiecit. 410. 411
- Histriones ac theatrici excommunicatione & infamiâ notati. 52
- Homo de se nihil habet præter peccatum. 407
- Honorius Pontifex jure merito à Synodis œcumenicis, & à Summis Pontificibus damnatus. 474. & seq.
- Hussitarum hæresis in Concilio Constantiensi proscripta. 638. 639
- Hypostasis & *iota*. 221. 222

I

- I**acobitarum hæresis ex Eutychianismo & Monothelismo. 466. & seqq.
- Jacobus Tirinus aliquas Bibliorum versiones reprobat. 712
- Idolothytorum abstinencia quibusdam, non verò

Notabilium

- verò omnibus fidelibus imposita ab Aposto-
lis. 11
- Jejunia Monachorum per anni decursum præ-
scribuntur. 413
- Jejunium Quadragesimæ, feriarum quartarum,
sextarum & Sabbatorum per annum. 211.
& seqq.
- Jerosolymitani Patriarchatus primordia & pro-
gressiones. 589. 590
- Jerosolymitanus Episcopus in quibus præcel-
lebat, & in quibus subdebatur Cæsarensi
Metropolitano. 93
- Ignatius indignè à Barda' pellitur à Sede Pa-
triarchali. 528. Revocatur in pristinam Se-
dem ab Imperatore Basilio. 529
- Imagines in Ecclesiis. 43
- Imagines lascivæ sub excommunicationis pœ-
na vetitæ. 502
- Impedimenta legitimè contracta matrimonio
supervenientia, etiam per incestum primi
gradus, possunt Episcopi dispensatione amo-
veri. 559
- Impedimentum matrimonii ex crimine adul-
terii, cum mutua futuri matrimonii promissio-
ne. ibid.
- Imperatorum Constantinopolis arrogantia in-
tra ipsam Ecclesiam. 497
- Imperatorum religiosorum modestia inter sa-
cros Clericos. 498. & seqq.
- Indictiones. 480. 481
- Infallibilitas supremæ Sedis in quo versetur.
435
- infirmis subito obmutescentibus, aut in phre-

Index Rerum

- sin lapsis qua cautione absolutio dari possit. 258
- Inimicitiam habentes ante Missam reconciliandi, aut ut pervicaces ab Ecclesia rejiciendi. 323
- Joannes Antiochenus Nestorio patrocinatur, eique favens schismaticum conciliabulum habet. 312
- Joannes Damascenus dum sacrarum cultum propugnat Imaginum, falsis accusationibus impetitur. 504.505
- Joannes Gagnæus corruptum in Bibliis locum emendat. 712
- Joannes Maldonatus etiam. ibid.
- Irene Imperatrix sacrarum Imaginum cultum restituit. 511
- Irregularitas ex adulterio uxoris. 46
- Irregularitatem antiquitus pariebat fornicatio. 47.74
- Irregularis erat quisquis ægrotans baptizabatur. 47
- Irregulares sunt spontanei eunuchi & spado-
nes. 72
- Judæi ad fidem conversi quas usuras restituere teneantur, & à quarum restitutione dispensentur: declaratio Concilii Basileensis, & Pauli Papæ tertii. 628
- Judæis permittere, ut Christianos usuris dive-
xent, nefarium esse, nec modò Concilio
Viennensi, sed divino prorsus & indispen-
sabili juri oppositum. 627.628
- Judex Ecclesiasticus potest suam interlocu-
toriam revocare. 598
- Judicandus

Notabilium.

Judicandus nemo trahi potest ultra unam dietam extra diœcesim suam. 599

Judith liber non est ab Ecclesia in Canonem receptus, nisi longè post Nicœnum Concilium. 192.193

Julianus Pelagianæ hæresis penè profligatæ patrociniū suscipit contra Augustinum. 287

Julius Pontifex in Romana Synodo Athanasium, aliosque ab Arianis exilio pulsos restituit. 127

K

K Alendis Januarii cum biduo sequenti Gentiles Saturnalia, Fideles autem Litanias & jejunia celebrare soliti. 413

L

L Aborantes ab Ignatio & Epiphanio commemorati fidelium cadavera curabant ad funus. 249

Laodicena Synodus post Nicœnam habita probatur. 193

Lapsi Clerici, licèt reconciliati, nunquam in pristinum ordinis gradum restituebantur. 94. & seq.

Lapsi tamen Clerici aliquando per Synodicam dispensationem ob communem pacem restituti sunt. 94. & seq.

Latrocinantium Synodus Ephesina. 317

Lectio interponenda in Clericorum refectione.

Index Rerum

- nibus. 418
- Legati Episcoporum eodem ordine sedebant
& subscibebant, quo delegantes; si inter-
fuissent Episcopi. 60
- Legati Apostolici eundem locum supra Pa-
triarchas tenent, quem teneret Summus
Pontifex. ibid.
- Legati à Latere. 67.68
- Legati Concilii Romani unà cum Legatis Pa-
pæ missi ad Oecumenicum Concilium. 470.
471
- Legi in Ecclesiis prohibentur alii quàm sacri
Libri. 217
- Leo Isauricus sacris imaginibus bellum indicit.
504.505
- Ejus impietas adversus Romanum Pontificem,
& Ecclesiam Romanam describitur. ibid. &
seqq.
- Leonis Papæ noni insignis pietas. 567
- Leontius Antiochenus Sacerdotio remotus,
quia se fecisset eunuchum. 72
- Liberius Papa Sede sua dejicitur ab Arianis in
Mediolanensi conciliabulo, & in Thracia
exulat. 173
- Liberius in Sirmienti Concilio formulæ Aria-
norum, & Athanasii damnationi subscri-
bens Romanam in Sedem revocatur ab A-
rianis. 180
- Libellorum à Martyribus prodeuntium usus
reprobatus. 52
- Librorum sacrorum, aut sacrorum Vasorum
traditio. 53
- Linguae Hebraïca, Chaldaïca & Arabica in
prima

Notabilium.

primariis Universitatibus publicè docendæ.

630

Literarum formatarum, seu Canonicarum var-
riæ species. 275

Literæ communicatoriæ, seu pacifiæ. ibid.

Literæ dimissoriæ. 276

Literæ commendatitiæ, seu testimoniales. ibid.

Literæ Paschales. 277

Literæ encyclicæ, seu circulares. 279

Literæ commonitorix, seu memoriales. 280

Literæ tractoriæ. ibid.

Literas commendatitias expedire Episcopi
pauperibus peregrinantibus non debent, sed
solum pacificas. 340

Lotharius Austrasiæ Rex Valdradam pellicem
in matrimonium assumit, repudiata Theut-
berga uxore, coacto ab ipso Concilio, cu-
jus impietatis pœnas dat. 564. 565

Lucifer Calaritanus Paulinum creat Antioche-
norum contra Meletii partem Episcopum.

177

Lucifer Calaritanus Episcopus Sede sua deji-
citur in Mediolanensi pseudo-Synodo ab
Arianis. 173

Luciferianorum schismatis origo. 220

Lucilla schismatis Donatistarum propagatrix.
49. 50

Ludovicus Alemannus Basileensis Concilii
præses in album Sanctorum inscriptus à Cle-
mente Papa VII. 651

M

- M**acedonius Semiarianus ab Episcopatu Constantinopolitano per Arianos dejectus novam procudit hæresim contra Spiritum sanctum. 189. 190. Damnatur. 227
- Macedonius Monachus ordinatur Sacerdos, dum nescienti & non cogitanti manus ei à Flaviano Antiocheno imponuntur. 267
- Mandata de providendo & expectativæ gratiæ abolentur à Tridentino. 694
- Manuum impositiones olim in Ecclesia multiplices. 259
- Manuum impositio ad majores Ordines adhibetur apud Græcos, aliosque Orientales, sine ulla instrumentorum traditione, ut apud veteres Latinos. 262. & seq.
- Manuum impositio nulla adhibebatur apud veteres Latinos, sed sola instrumentorum traditio in minoribus ordinationibus: quod etiam nunc servatur apud Græcos, aliosque Orientales ex ritibus ab Ecclesia Latina approbatis. 262. & seq.
- Marcellini Papæ lapsus qualis. 35
- Mariæ Virginis partus sine semine & secundinis. 500. 501
- Maria Virgo cum Joanne Evangelista ex Judæa Ephesum transinigravit, ibique reliquum vitæ exegit. 315
- Martini Papæ fides, constantia, & martyrium. 468. & seqq.
- Martyrium sepulchris honor deferendus. 135
- Massilia

Notabilium.

- Massilia sub Provincia Viennensi. 53.441.442
Masius errorem in Bibliis agnoscit, cujus difficultatem in exscriptores rejicit. 713
Materiam Sacramentorum Christus instituit secundum rationem materiale, sed arbitrio Ecclesiæ reliquit rationem formalem. 270.
271
Maternus Agrippinensis Episcopus. 49.53
Mathias à discipulis electus divino consilio. 21
Matrimonia cum Hæreticis quatenus licita, vel non. 196.340
Matrimonia neque in Quadragesima, neque cum choreis celebranda. 215
Matrimonia infidelium dirimuntur, ex quo altero conjugum converso ad fidem, alter converti recusat. 446.447
Matrimonio valido supervenientia impedimenta potest Episcopus dispensatione tollere. 559
Matrimonia clandestina irrita. 688
Matrimonia illicitè, sed validè contrahuntur coram invito Parocho. 688.689
Maximus Arelatensis Episcopus. 49.53
Maximi Monachi fides, eruditio, & gloriosa confessio. 476
Maximinus Trevitorum Episcopus Athanasium exilio damnatum excipit. 126
Maximo Cynico abrogatus Episcopatus Constantinopolis in secunda Synodo. 230
Medicorum circa ægrotos officia. 593
Mediolanensia Concilia duo, primum Orthodoxorum sub Constante, alterum Ariano-tum sub Constantio. 168.171

Index Rerum

- Meletius creatur ab Arianis Antiochenus Episcopus, qui statim miro modo conversus Christi divinitatem & communem ejus cum Patre substantiam prædicat. 177
- Meletii Antiocheni obitus in urbe imperiali. 239
- Metropolitanorum veteres prærogativæ. 82. 88. 93. 142
- Metropolitanis jus visitandi in suffraganeorum Episcoporum diocesisibus ademptum. 539. 540
- Missam audientes fideles nunquam adstricti fuerunt necessitate communicandi, præter solos Altaris ministros. 139. & seqq.
- Missæ in Orientalibus Ecclesiis tota Quadragesima non celebrabatur, nisi diebus Sabbatis & Dominicis. 211. 494
- Missarum celebratio in ædibus privatis. 216. 217
- Missæ audienda in propria Parochia. 322
- Missæ olim jejuniorum diebus celebrari solita post horam à meridie secundam. 414. in die verò anniversaria Cœnæ Dominicæ, etiam ineunte nocte. 303
- Monachi Adrumetini hæresis Prædestinarianæ non fuerunt rei. 370
- Monachi Ecclesias aut Monasteria injussu Episcopi construere prohibentur. 336
- Monachi ut sint Episcopis subditi & morigeri. 241. 243.
- Monachorum cum monialibus colloquia qualem exigant præcautionem. 519
- Monachi pretio admissi à sacris Ordinibus excluduntur,

Notabilium.

- cluduntur, & Abbas officii privatione mul-
tatur. 600
Monachorum admissio, convento de pretio in
utilitatem monasterii, an simoniaca labe
vacet, triplex opinantium Doctorum classis
refertur. 600. 601. Aliæ circa hoc opiniones,
& quænam eligenda. 602. 603
Monasteria virorum & fœminarum duplicia,
aut cohærentia prohibentur. 520
Monasteria fieri sæcularia prohibentur. 344
Monasteria virorum & fœminarum dissita sint.
393
Monasteria an sine simoniaca labe pacisci pos-
sint de alimentis ejus, quæ in monialem
postulat se admitti. 600. & seqq.
Monasticæ vitæ olim multi quoque inviti ex
aliena voluntate & facto adstringebantur
tota vita. 523. & seqq.
Montes pietatis declarantur liciti, & contra-
dicentes excommunicantur. 664. 665

N

- N**Arthex erat statio Pœnitentium audien-
tium. 346
Navis, *vaûs*, seu gremium Ecclesiæ, muro inter-
medio in longum ducto continebat ab in-
vicem separatos viros & fœminas. 346
Neophyti non admittendi ad Ordines. 73
Nestorii hæresis, exilium & infausta mors.
313
Nicænæ primæ Synodi canonum [numerus
non satis compertus. 108. & seqq.]

Index Rerum

- Nicænæ Synodi octoginta canones Arabici à
cunctis schismaticis Ecclesiis toto Oriente
recepti. III. 112. 113
- Novatores duplicem circa Sacros Libros erro-
rem invexerant, quibus providit Concilium
Tridentinum. 701
- Nuptiæ cum hæreticis quatenus licitæ, vel
non. 196
- Nuptiæ neque in Quadragesima, neque cum
choreis celebrandæ. 215
- Nuptiarum specialia, & abstinentiæ ciborum
Ecclesiastica præscripta quàm procul à Ma-
nichæorum & Eustathianorum deliriis di-
stent. 135. 136

O

- O**blatio panis & vini à fidelibus ad Altare
facienda. 200. 419
- Officii devotè recitandi obligatio. 592
- Ὁμολογία Verbi cum Patre post Nicænum Con-
cilium astringitur, & in Constantinopolita-
no. 227
- Opiniones in rebus conscientiæ probabiles.
560
- Orarium aliquando pro stola, aliquando pro
linteo quo sacra Eucharistia excipiebatur.
206
- Ordinandorum qualitates, ætas, interstitia.
685. 686
- Ordinandus nemo qui priùs hæreticos dome-
sticos non converterit. 302
- Ordinandus quispiam non est, nisi cum titulo,
aut

Notabilium.

- aut patrimonio, alioquin ab ordinatore Episcopo alendus, aut ejus successore. 577
- Ordinandus confirmari præcipitur, etiam à nascentis Ecclesiæ primordiis. 685
- Ordinari in Clerum prohibentur procuratores, tutores, negotiorum gestores, nisi post reddita & soluta ratiocinia. 161
- Ordinatio Episcopalis verum est Sacramentum, réque distinguitur ab ordinatione inferiorum Sacerdotum. 14
- Ordinationum materiæ & formæ immutabiles institutæ sunt à Christo secundum genus, sed ab ipsa Ecclesia secundum speciem diversimodè, ac mutabiliter determinantur. 551. & seq.
- Ordinationum interstitia. 533
- Ordinationes faciendæ cum consilio Cleri & testimonio populi. 251
- Ordinati primùm Clerici certæ Ecclesiæ ministerio alligabantur, à qua discedere non erat eis liberum. 167
- Ordo Episcopalis qualis nunc est, talis fuit à Christo institutus. 14
- Ordines minores ab antiquis recensiti. 248
- Ordines octo distinctè commemorati in Concilio Romano sub Papa Sylvestro. 116
- Orientis apud veteres triplex significatio. 92. 93. 94
- Orientis Præfectus, & sub isto Orientis Comes quasnam regebant Provincias. 93. 94
- Orientem spectabat Sacerdos sacrificans, facie ad populum versâ : populus autem Occidentem

Index Rerum

- dentem spectabat orans versus Altare. 351
- Origenes damnatur primùm à suo Episcopo
Demetrio Alexandrino. Deinde in Synodo
à Theophilo Alexandrino convocata. Ter-
tiò ab Anastasio Romano Pontifice. Quartò
à Gelasio Papa in Romana Synodo. Postre-
mò à quinta Synodo. 430. 431. 433. 434
- Origenis errores præcipui recensentur. 425.
426
- Origenes postquam se sponte fecit eunuchum,
ordinem suscepit Sacerdotalem : ideòque à
Demetrio Alexandrino privatus est usu Sa-
cerdotii, & à Clero exclusus. 73
- Osculum apud fideles in Ecclesiis usitatum.
204
- Osus Cordubæ Episcopus Synodo Eliberinæ
subscribit. 37. Constituitur à Sylvestro Papa
Legatus ad Constantinum & in Orientem.
55. Alexandriæ Concilium in causa Arii,
& Sabellii, & Meletianorum convocat. 55.
- Nicæno Concilio ut Legatus Apostolicus
præst. 56. Sardicensi quoque Synodo præ-
sident. 60. Et Gangrensi. 133
- Osus Cordubensis missus Sirmium in exi-
lium. 174. 179. Idem formulæ hæretico-
rum lapsu deplorando subscribit in Sir-
mienti conciliabulo. 181
- Ὀυσία, & hypostasis. 221. 222

P

Pallii autoritas & usus.	536
Pallium olim vestis genus ad strictioris vitæ professionem.	134. 135
Pallii descriptio ex Tertulliano.	134
Papa Romanus olim dictus Episcopus Episcoporum.	26
Papæ cognitores.	68
Papæ reservandum est ab inferioribus Episcopis & Synodis majorum aut difficiliorum causarum iudicium.	236
Papa iudicari à Concilio duobus casibus potest.	227
Papa supra omnes tenetur invigilare sacrorum Canonum observationi.	662
Papæ electio non valet, nisi fiat à duabus saltem Cardinalium partibus.	577
Paræci ac Parochi.	243
Parochiam intra propriam singuli Missam audiant.	322
Parochis portio congrua attribuenda.	598
Pascha die Dominico celebrandum.	52
Pascha futurum quondam antiquitus annuntiabatur.	278
Passophoria duo ad Sanctuarium hinc inde posita.	354
Patarenorum hæreses.	581
Patriarchalium Sedium ordo & privilegia.	588
Paulinus Trevirorū Episcopus Sede sua depōnitur ab Arianis in Pseudo-Synodo Mediolanensi	

Index Rerum

- lanensi. 173
- Paulinus Trevirorum Episcopus pro fide ab Arianis mortem oppetiit. 189
- Paulus Alexandro Constantinopolis Episcopo successor datur, sed ab Arianis sua Sede de- jicitur, & tandem exul in carcere fame, fri- goreque penè exanimis ab Arianis Cucusi strangulatur. 131
- Paulus Antiochenus Hæresiarcha. 34. Ejus ju- dicio remisit Ethnicus Imperator Diony- sius Papæ. 35
- Pœnitentes publici non reconciliabantur, nisi peracto tempore pœnitentiæ præfixo. 100
- Pœnitentes simul ac reconciliati fuerant, Eu- charistiæ participes fiebant. 101
- Pœnitentes in mortis articulo reconciliati si convalescebant, interruptam pœnitentiam proseguere tenebantur. 101
- Pœnitentes à Clero in perpetuum arcebantur. 257. 258
- Pœnitentiæ publicæ fiebant etiam propter oc- culta delicta. 99
- Pœnitentiæ publicæ obnoxia delicta. 101
- Pœnitentium ordines quatuor, flentium, au- dientium, prostratorum, consistentium. 97. 98
- Pœnitentium priscorum habitus. ibid.
- Pelagius Hæresiarcha. 281. Accusatus ab Ero- te Arelatensi, & Lazaro Aquensi Episco- pis, in Synodo Diospolitana improvidè ab- solvitur. ibid.
- Pelagius & Cœlestius damnantur à Romanis Episco

Notabilium.

- Episcopis Innocentio & Zosimo, & à quatuor Africanis Conciliis. 282. & seq.
- Pelagii hæresin damnantes Canones octo editi quidem fuerant in Concilio Milevitano, & postmodum confirmati in Concilio Africæ plenario Carthagine convocato. 285
- Pensio clericalis astringit ad quotidianam officii parvi B. M. V. recitationem. 664
- Percutientes Clericum aut Monachum excommunicantur ab Innocentio secundo in Lateranensi Concilio. 575
- Periodeutæ, seu visitatores. 216
- Petrus Cnaphæus, seu Fullo, Eutychianus Sedem Antiochenam occupat. 422. Idem hæresin Theopaschitarum induxit. 465
- Petrus Moggus Eutychianus Alexandrinæ Sedis invalor. 421. 464
- Philippensis Arianorum pseudo-Synodus sibi nomen Synodi Sardicensis arrogavit, & cum Donatistis fœdus iniit. 158
- Philippus primus Galliæ Rex ob eumentum cum Bertrada pellice conjugium, à duobus Gallicanis Conciliis Ostiensi & Claromontano excommunicatus. 562.
- Philippus quoque Augustus simili de causa in Synodo Divionensi suppositus interdicto cum universo Regno fuit. 563
- Photinus hæreticus Sirmii Episcopus damnatur in tribus Synodis, Sardicensi, Mediolanensi, & Sirmiensi. 179
- Photinus damnatur in Concilio generali. 227

Photius

Index Rerum

Photius resumpto post Ignatii mortem Episcopatu, Synodum propria autoritate convocavit, quam Græci schismatici loco Octavæ Occumenicæ obtrudunt. 537

Photius post Ignatii obitum recuperat Constantinopolitanum Episcopatum, sed iterum dejicitur à Leone Philosopho. 536.

537.
Photius intruditur à Cæsare Barda in thronum Ecclesiæ Constantinopolitanæ. 528
Dejicitur à Basilio, à quo & Ignatius revocatur. 529

Picturæ lascivæ sub excommunicationis pœna prohibita. 503

Polychronii Sacerdotis Monothelitæ dementiæ editum specimen in sexta Synodo. 472.
473

Πολυγαύριον, insigne dignitatis Primatum Orientis. 233

Populi quidem testimonium, aut etiam preces plerumque adhibebantur ad minorum Sacerdotum & Clericorum ordinationem; minime autem suffragia, præterquam in electione Episcoporum. 196

Portæ olim in Ecclesia hinc Ostiariis, hinc Diaconissis commissæ. 347

Portæ aliæ quatuor in ambone, duæ speciosæ, & duæ sanctæ sub Hypodiaconorum cura. 349

Potamon Heraclææ Ægypti Episcopus pro Athanasio adversus Cæsareensem Eusebium constanter loquitur. 122

Pragmatica

Notabilium.

- Pragmatica sanctio aboletur , eique subrogatur
Concordatum. 666
- Præceptorialis præbenda in cunctis Cathedra-
libus Ecclesiis. 581.591
- Prædestinatio non cadit sub meritum , neque
perseverantiæ donum. 403
- Prædestinatio creaturæ in æterno & immuta-
bili Dei proposito planè gratuito fundatur.
403.& seqq.
- Prædestinationorum nomen à Semipelagianis
attributum discipulis Sancti Augusti. 407.
565
- Prædestinationorum hæresis nunquam extitit.
366.367
- Nec ortum habuit ex Adrumetino monasterio.
567.& seqq.
- Prædestinationorum fabula ab Hincmaro re-
fufcitata. 381
- Prædestinatur nemo ad malum. 407
- Prædicandi verbi Dei summa sollicitudo Epif-
copis incumbit. 668.669
- Prædicantibus Dei verbum quænam evitanda
& cavenda , & quænam sedulò servanda.
665.666
- Præfecturarum Imperii distributiones ac limi-
tes. 145
- Præpositi , & Decani , & Archipresbyteri Sa-
cerdotio initiati tenentur intra annum.
572
- Præscriptio nulla valet ubi mala fides interve-
nit. 599
- Presbyteri semper potestate inferiores fuere
C c c

Index Rerum

Episcopis, etiam ab Ecclesiæ primordiis. 13
 Primatum aliquot Orientis dinumeratio. 232.

233

Primatum privilegia præcipua. 234

Primitibus Occidentis rariùs permittebatur
 consecratio aliorum Episcoporum, quàm
 propriæ Provinciæ, idque exemplis proba-
 tur Arelatensium Primatum Patrocli & Hi-
 larii. 234. 235. Et ex literis Hormisdæ
 Papæ ad Sallustium Hispalensem, & ad
 Remigium Remensem, & Vigilii Papæ
 ad Aurelium Arelatensem, & Gregorii
 Magni de Vigilio pariter Arelatensi. 235.

236

Primates constituti in singulis Africæ Provin-
 ciis, qui Primati Carthaginensi suberant;
 & quinam erant. 246

Principibus sæcularibus authoritas abrogatur
 circa Episcoporum electionem. 340

Priscilliani hæresis magicis præstigiis & fœ-
 dissimis libidinibus infamis. 385

Probationes occultorum scelerum vulgares,
 aliquando usu receptæ & Canonibus appro-
 batæ, sed postmodum omnino vetitæ. 556.
 & seqq.

Proculus Massiliensis indebitè Metropolin se-
 cundæ Narbonensis Provinciæ occupat ma-
 nifesto Taurinensis Concilii favore. 241
 242. At Zosimus Papa illum hac usurpatione
 deturbavit. 242

Πρόβαθo templi vestibulum, in quo versabantur
 Flentes. 346

Προηγιασμένα,

Notabilium.

Προηγιασμένη, seu præsanctificata quid sint. 210.

211

Προφορά, & προσέφη apud Patres Græcos sacrificium & sacrificare significant. 208

Πρόσκλησις, locus Flentium ante valvas Ecclesiæ. 347

Πρόθεσις, mensa, quæ & Diaconium, ubi sacra vasa & panes parabantur à Diaconis ad sacrificium. 352

Publicæ honestatis impedimentum reducitur ad primum gradum. 691. Quibus in circumstantiis locum habeat, vel non. 691. 692

Pyrrhi Monothelitæ relapsi scripta à Theodoro Romano Pontifice damnatio, adhibito Christi de calice Sanguine. 470

Q

Quadragesimale jejunium. 211. 212. 399

Quadragesimalis jejunii refectio erat cœna post Solis occasum; in cæteris autem per annum jejuniis refectio sumebatur post tertiam à meridie horam. 414 & seqq.

In Quadragesima fideles Orientales neque sacrificabant, neque ulla festa celebrabant, nisi Sabbatis & Dominicis diebus. 210. 215

R

- R**ebellio subditorum in Regem anathemate
punitur. 447
- Reformatio Monasteriorum per Capitula &
Visitationes. 592
- Regaliæ jus supra vacantes Galliæ Ecclesias.
344.345
- Religio & matrimonium valde differunt quo-
ad pactiones dotales. 604
- Religiosorum novi Ordines prohibentur.
592
- Religiosorum exemptiones in quandam mode-
rationem ultimò reductæ. 628.629
- Religiosi extra Monasteria delinquentes pos-
sunt ab Ordinariis puniri. 671
- Religiosus reclamans contra factam à se pro-
fessionem, quibus circumstantiis audiendus
sit, vel non. 695
- Rheticus Augustodunensis Episcopus. 50.53
- Residentia Episcoporum & Beneficiorum.
670.671
- Ritualium sub nomine libellorum Officialium
antiquus usus & commendatio. 413
- Rhodanius Tolosatus Episcopus pro fide exul
& martyr ab Arianis morte afficitur. 189
- Rogationum antiquus usus & institutio. 400
- Romanum Concilium præside Damaso. 225

S

Sabbatis Romana Ecclesia jejunabat. 211
Sabbatorum jejunium Orientis Ecclesiæ
damnabant. 213

Sabellii dogma in Synodo Alexandrina dam-
natum. 55.221

Sabellius Hæresiarcha damnatur in generali
Synodo. 227

Sacerdotes secundi ordinis aliquando Episco-
porum nomine exprimuntur in Scripturis,
nec per hoc tollitur discrimen inter eos,
& Episcopos. 17.& seqq.

Sacerdotes olim per vices & sacrificabant, &
de manu sacrificantis communicabant.
386

Sacerdotum confessus in imo Sanctuario.
352

Sacerdotibus olim non licebat publicè in Ec-
clesiis benedicere. 394

Sacerdotibus in itinere occurrentibus cujusmo-
di honor deferendus à laicis. 420.421

Sacramentorum differentiam immutandi nul-
la datur in Ecclesia potestas. 14

Sacramentorum materiæ & formæ immuta-
biles institutæ sunt à Christo secundum
genus, sed ab Ecclesia secundum speciem
determinantur variabiliter. 551.& sequenti-
bus.

Sacristia olim secretarium & pastophorium,
& Σκρουφλάκιον dicta. Ipse verò Sacrista

Index Rerum

- Ædituus , & Σκευοφύλαξ. 355
- Sanctimoniales. V. Diaconissæ.
- Sanguine fideles religiosè abstinuerunt octo vel amplius sæculis. 133.134
- Sanguine ipso Christi de sacro calice bis conscripta Hæreticorum condemnatio , Pyrrhi scilicet atque Photii. 470
- Saracenorum sub Mahumete duce incursiones. 582.
- Sardicense Concilium Patribus Africanis ignotum. 298
- Sardicense Concilium unum, idemque cum Nicæno habitum. 301
- Satisfactio pro qualitate delictorum injungenda. 196.448
- Satisfactio integra olim persolvenda erat , antequam pœnitens ad Eucharistiæ communionem admitteretur. 196
- Scenici & histriones excommunicati & infames. 52
- Scenicis spectaculis interesse prohibentur Clerici. 215
- Schismatis ortus & progressus ex electione Urbani sexti , & Clementis septimi. 630. & seqq.
- Secretarii diversa significata. 357
- Secretarium Græcè *ιερατῆρ*, sanctissima & intima Ecclesiæ pars , quæ & Sanctuarium dicta. 350
- Secretum Consistorii Cardinalium quisquis violat , ipso facto excommunicatur , nec potest nisi à Papa absolvi. 663
- Semi

Notabilium.

- Semi-Ariani qua in re ab Arianis absolutis
discedebant. 186
- Seminaria Clericorum instituendorum. 442
- Seminariorum erectio præcepta, & privilegiis
communita. 687.688
- Semipelagianorum imposturæ testimonium
perhibet Augustinus. 408
- Semipelagianos post Augustinum refellunt
scriptis eruditis Prosper & Fulgentius. 287
- Sepulturæ intra Ecclesiam solis olim Martyri-
bus destinabantur; reliquis fidelibus sepul-
tura dabatur in cœmeteriis. 360
- Serarius aliqua Bibliorum loca emendat. 708
- Sessionis Patrum ordo quænam in Nicæna,
aliisque Synodis. 65. & seq.
- Severus Eutychianus hæreticus occupata
Antiochena Sede, omni crudelitate grassa-
tur in Orthodoxos. 422
- Sigeberti Monachi schismatici fabula de attri-
buita Carolo Magno ejusque successoribus
facultate Romanos Pontifices eligendi,
quam Gratianus in suo decreto minùs pru-
denter inferuit. 615.616
- Sigismundi Imperatoris summa pietas & dili-
gentia in extinguendo trium Pontificum
schismate. 635
- Sinistra pars in Ecclesiis honoratior quàm dex-
tera. 67
- Solea in Græcorum Ecclesiis intermedius lo-
cus inter Ambonem & Sanctuarium. 349
- Sors jacta super Apostolatu Mathiæ, divini
consilii opus fuit. 2. & seq.

Index Rerum

- Sortium usus frequens & in Scripturis , & in
jure civili. 8
- Sortium genera tria. ibid.
- Spiritus sancti ex Patre Filioque processio
quando, & à quibus impugnata per Filii ex-
clusionem. 641. & seqq.
- Spolii Ecclesiastici jus. 154
- Stantes orabant fideles Dominicis diebus. 108
- Studitarum Constantinopoli Collegium. 504
- Subdiaconis quatenus prohibetur, aut permit-
titur sacra Vasa contingere. 205
- Subdiaconatus non est Sacer ordo, nisi ex Ec-
clesiastica, eaque recentiori institutione.
247.248
- Subjectionem habendam injustis invasoribus,
quandiu illos Deus dominari permittit, de-
monstratur multorum Sanctorum exemplis.
383.384
- Symbolo Constantinopolitano cur addita vox
FILIOQUE. 137
- Synodus Constantinopolitana, quæ est secun-
da Occumenica, ubi convenerit. 71
- Synodorum aliarum locus designatur. ibid.
- Synodi antiquitus ex Canonum præscripto bis
in singulis Provinciis coram Metropolitano
habebantur. 88.343
- Synodus duas Romanus Pontifex quotannis
habebat, unam Provinciale[m] convicino-
rum Episcoporum, alteram totius Italiæ cum
Sicilia. 31
- Synodus nulla invito, aut inconsulto Romano
Episcopo convocari legitimè potest. 154
- Synodo

Notabilium.

Synodorum subordinatio , ut à minoribus ad
maiores Synodos provocari queat. 236.237
Σύγκρισις, ultimus Pœnitentium ordo. 347

T

Templariorum scelera, quibus extingui me-
ruerunt iudicio Oecumenicæ Synodi.

623. & seq.

Terrulas quasdam Ecclesiæ potest Episcopus
sine aliorum consilio alienare ex causa evi-
dentis necessitatis. 345

Theatrici ac histriones excommunicatione ac
infamia notati. 52

Theodorus Mopsuestæ Episcopus scriptis li-
bris Nestorianæ hæresi prælusit, ideoque
damnatus in quinta Oecumenica Synodo
unà cum Iba Edessæ, & Theodorito Cyri
Episcopo. 424. & seq.

Theodorus Cæsareæ Cappadociæ Episcopus
Origenista, & Acephalorum sectarius Justi-
nianum urget ad trium capitulorum dam-
nationem. 426

Thophilus Alexandrinus Chrysostomum dam-
nat in conciliabulo intra ipsius Chrysosto-
mi diœcesin, favente Imperatrice Eudoxia,
convocato. 433

Theologalis præbenda. 591

Timotheus Alexandrinus ad Synodum Con-
stantinopolitanam jam inchoatam adve-
niens omnia perturbat, & Gregorium Na-
zianzenum abdicari curat. 240

Timo

Index Rerum

Timotheus Ælurus occisi à se Proterii Patriarchæ Alexandrini Sedem violentus invasit.

422

Titulos superbos averfatur Ecclesia. 302

Traditiones Apostolicæ scripturis assertæ,
Conciliisq; & veterum Patrum testimoniis
firmatæ. 135. & seqq. & p. 532

Translatio Episcoporum & Clericorum in alteram Ecclesiam prohibita. 104. In quo tamen aliquando ex justa causa olim multoties dispensatum. 105. 106

Translatio minorum Ecclesiarum in matrices Ecclesias quando, & quomodo facienda. 681

Trinitas & unitas in Deo quomodo intelligenda. 587. 588

Treviri Sedes olim Vicarii Galliarum. 148

Trium Capitulorum damnationi non acquiescentes, alii schismatici erant, alii minimè. 435. & seq.

Tonsurâ initiandorum qualitates. 683

Tyri conciliabulum adversus Athanasium. 121. & seqq.

V

VAlens & Ursatius contra datam fidem relapsi. 169

Vestes aliquæ speciales quatenus licitæ, vel non. 143

Vicariz seu diœceses Imperii & Ecclesiæ. 146. & seq.

Vicario

Notabilium.

- Vicariorum Romani Pontificis varia discrimi-
na. 68.& seqq.
Viennensis Provinciæ civitates. 53.241.242
Vigilius Papa obstitit primùm trium Capitu-
lorum damnationi; deinde metuens gravio-
ra Ecclesiæ damna consensit. 429.436
Vnctio Regum. 495.496
Vnctio in Baptismo qualis apud Orientis,
& qualis apud Occidentis Ecclesias. 106.
107.
Vnio beneficiorum tam parochialium, quàm
simplicium fieri ab Episcopo ex causa po-
test. 679.680
Vnio decerni potest beneficiorum non vacan-
tium, sed executio differtur usquedum unum
vacat. 679
Visitatio prælati, quamvis probetur suspectus,
non potest recusari, si intra visitationis ter-
minos se contineat, nec processum involvat.
675.
Visitationis Episcopalis præscriptæ regulæ.
621.622
Vitæ ac historiæ Sanctorum ab omni falsitate
expurgandæ. 495
Ῑπομνηστικὸν, ordo pœnitentium Prostratorum.
347
Vitia & hypostasis. 221

j

Xerophagia

Index Rerum Notabilium.

X

Xerophagia quid sit. 212. ab Orientalibus
etiam nunc religiosè servatur. *ibid.*

Z

Zenonis Imperatoris impium edictum He-
noticon vocatum. 463

F I N I S.













